



四庫全書存目叢書編纂委員會編

齊魯書社

# 四庫全書存目叢書

集部  
第三一九冊





# 集部第三一九冊目次

## 集部·總集類

唐詩類苑二百卷(四)

[明]張之象編  
北京大學圖書館藏明萬曆二十九年曹仁孫刻本

.....

唐詩類苑二百卷(四)

〔明〕張之象編

北京大學圖書館藏明萬曆二十九年曹仁

孫刻本

附《四庫全書總目·唐詩類苑

二百卷》提要

唐詩類苑卷第一百五十一

明雲間張之象玄超甫纂輯

雲間朱家法季則甫編次

雲間王徹叔朗甫補訂

梁谿曹仁孫伯安甫校正

釋部

僧

寄皎然上人

韋應物

吳興老釋子野雪蓋精廬詩名徒自振道心長宴如  
想茲棲禪夜見月東峰初鳴磬驚巖壑焚香滿空虛

唐詩類苑

卷之二百五十一

一

叨慕端成舊未識豈爲疎願以碧雲思方君怨別餘  
茂苑文華地流水古僧居何當一遊詠倚閣吟躊躇

寄江南鶴林寺石水上人顧况

山川重復重心地闌相逢忽憶秋江月如聞古寺鐘

湖平南北岸雲抱兩三峰定力超香象真言攝毒龍  
風中何處鶴石上幾年松爲報煙霞道人間共不容

寄栖白上人

李昌符

剪髮已成隱將心更屬文無慘對豪客不拜謁吾君  
畫壁惟泉石經窓半典墳歸林幽鳥狎乞食病僧分  
默坐終清夜凝思念碧雲相逢應未卜余正走簪纓

寄崇梵僧

王維

崇梵僧崇梵僧秋歸覆金春不還落花啼鳥紛紛亂  
澗戶山窓寂寂閑峽裏誰知有人事郡中遙望空雲  
山

寄修睦上人

李咸用

衣服田方無內客一入廬雲斷消息應爲山中勝  
偏惠持惠遠多縱跡尋陽有箇虛舟子相憶由來無  
一事江邊月色到巖前此際心情必相似似不似寄  
數字

寄曇高寂三上人

元稹

唐詩類苑

卷之百五

二一

長學對治恩苦處偏將死苦教人間今因爲說無生  
死無可對治心更閑

題漫天嶺智藏師蘭若僧云住此二十八年

元稹

僧臨大道閑浮生來往憧憧利與名二十八年何限  
客不曾閑見一人行

奉寄畫公

秦系

簑笠雙童傍酒船湖山相引到房前團蕉何事教人  
見暫借空牀守坐禪

宿天竺寺寄盧隱寺僧

張籍

夜向靈谿息此身風泉竹露爭衣塵月明石上堪同  
宿那作山南山北人

寄澈公

楊衡

北風吹霜霜月明荷葉枯盡越水清別來幾度龍宮  
宿雪山童子應相逐

寄東塔僧

杜牧

初月微明漏白煙碧松梢外挂青天西風靜起傳深  
業應送愁吟入夜禪

寄南嶽泰禪師

僧貫休

江頭默想坐禪峰白石山前萬丈空山下臘人應不  
到雪深麋鹿在菴中

唐詩類苑

卷之百五

三一

寄常一上人

僧綏然

寒鴈五山臨汗漫雲州一路出青冥何因請住嘉祥  
寺內史新修湖上亭

西陵寄一上人

劉長卿

東山詩道開成士南渡隋陽作本師了義惠心能善  
誘吳風越俗罷淫祠室中時見天人命物外長懸海  
岳期多謝清言與玄度懸河高論有誰持

秋夕寄懷素上人

白居易

已見槿花朝委露獨悲孤鳥在人羣此世心無



事靜夜名香手自焚  
牕臨絕澗聞流水  
客至孤峰掃白雲  
更想清晨誦經處  
獨看松上雨紛紛

游溪夜回寄道玄上人 許渾

南郭煙光異世間  
碧桃紅杏水潺潺  
猿來近嶺猶猴散  
魚下深潭翡翠閑  
猶阻晚風停桂楫  
欲乘春月訪桐關  
幾回策杖終難去  
洞口雲歸不見山

聞釋子栖玄欲奉道因寄 許渾

欲求真訣戀禪局  
羽帔方袍盡有情  
仙骨本微靈鶴遠  
法心潛動毒龍驚  
三山未有偷桃計  
四海初傳問菊名  
今日勸師師莫惑  
長生難學證無生

唐詩類苑 卷之百五十一

寄舊山僧 王建

因依老宿發心初  
半學修心半讀書  
雪後每常同席卧  
花時未省兩山居  
獵人箭底求傷鴈  
釣戶竿頭乞活魚  
一向風塵取煩惱  
不知衰病日難除

寄無得頭陀 賈島

夏臘今應三十餘  
不離樹下塚間居  
貌堪良匠抽毫寫  
行稱高僧續傳書  
落澗水聲來遠處  
當空月色自如如  
白衣只在青門裏  
心每相親跡且踈

叙舊遊寄栖白 李洞

老着重袍坐石房  
竺經休講白眉長  
省衝鼉沒投江

島曾看魚飛倚海檣  
曉炙東孟原日氣  
夜挑蓮椀禁燈光  
吟詩五嶺尋無可  
倏忽如今四十霜

寄廬嶽僧 僧貫休

一聞飛錫別區中  
深入西南瀑布峰  
天際雪埋千片石  
洞前水折幾株松  
煙霞明媚栖心地  
苔蘚繁絳出世蹤  
莫問江邊舊居寺  
火燒兵劫斷秋鐘

寄無相禪師 羅隱

老住西峰第幾層  
爲師迴首憶南能  
有緣有想應非佛  
無我無人始是僧  
爛椹作袍名復利  
鑠金爲講愛兼憎  
何如一衲塵埃外  
日日香煙夜夜燈

唐詩類苑 卷之百五十一

寄處默師 羅隱

甘露捲簾看雨脚  
樟亭倚柱望潮頭  
十年顧我醉中過  
兩地與師方外游  
久隔兵戈長寄夢  
近無書信更堪憂  
香爐煙靄虎溪月  
終棹鐵船尋惠休

寄清源寺僧 溫庭筠

石路無塵竹徑開  
昔年曾伴戴顓來  
牕間半偈聞鐘後  
松下殘棋送客迴  
簾向玉峰藏夜雪  
砌因藍水長秋苔  
白蓮社裏如相問  
爲說遊人是姓雷

寄題詩僧秀公 鄭谷

靈一心傳清塞心  
可公吟移楚公吟  
近來雅道相規

少唯仰吾師所得深好句未停無暇日舊山歸老有  
東林吟曹孤宦甘寥落多謝携筇數訪尋

寄新頭陀

周賀

見說北京尋祖後瓶盂自挈遶窮邊相逢竹塢晦暝  
夜一別茗溪多少年遠洞省穿湖底過斷崖曾向壁  
中禪青城不得師同往坐想滄江意浩然

寄淮海惠澤上人

李洞

海濤痕滿舊征衣長憶初程宿翠微竹裏橋鳴知馬  
過塔中燈露見鴻飛眉毫別後應盈尺岳木居來定  
幾圍他日願師容一榻煎茶掃地學忘機

唐詩類苑

卷之百五十一

六一

寄南岳僧

李洞

次日後曬書天白日當松影却圓五字句求方寸  
一條街壁兩行蟬不曾著事於機內長合教山在  
眼前花落儔公房外石調猿弄虎嘆無緣

聞明上人遊寄友人

李遠

蕭寺曾過最上方碧桐濃葉覆西廊遊人縹緲紅衣  
亂坐客從容白日長別後旋一作成莊叟夢書來忽  
報惠休亡他時若更相隨去祇是含酸對影堂

寄滑州文秀大師

劉蕡

分飛屈指十三年苗苗峰前別社一作偶然來左

蜀孤雲何事在南燕一封瑤檢音初達兩處金沙色  
共國珍重湯休惠佳句郡齋吟久不成眠

寄廬山真上人

李端

高僧無跡本難尋更得禪行去轉深青草湖中看五  
老白雲山上宿雙林月明潭色澄空性夜靜猿聲證  
道心更說謝公南座好煙蘿到地幾重陰

喜無可上人遊山回

賈島

一食復何如尋山無定居相逢新夏滿不見半年餘  
聽話龍潭雪休傳鳥道書別來還似舊白髮日高梳

唐詩類苑

卷之二百五十一

七一

喜鸞公自蜀歸

李洞

禁院閉生臺尋師到綠槐寺高猿看講鐘動鳥知齋  
掃石月盈簾瀝泉花滿篩歸來逢聖節吟步上堯階

喜鮑禪師自龍山至

劉長卿

故居何日下春草欲芊芊猶對山中月誰聽石上泉  
猿聲知後夜花發見流年杖錫閑來往無心到處禪

大夢上人自廬峰回

杜牧

行脚尋常到寺稀一枝藜杖一禪衣開門滿院空秋  
色新向廬峰過夏歸

光上座廊下衆山五韻

李頎

名岳在廡廊吾師居一沐每聞楞伽經只對清翠光

百谷聚雲色莓苔侵屋梁氣盤古壁轉勢引幽堦長  
願遊薜蘿下日見金爐香

至岳寺卽大通大照禪塔上溫上人

儲光羲

秋山下映宮宮色宜朝陽迢遞在半嶺參差非一行  
燕息滿雲門出遊花隱房二尊此成道禪宇遙相望  
鳳鐸天中鳴巖梯松下長山墟響信鼓衡薄生蕙香  
起滅一以雪往來亦誠悲哉門弟子要自知心長

臨行留一章與僧

陳 叡

行若獨輪車常畏大道覆止若員底器常恐他物濁

唐詩類苑

卷之百五

八

行止旣如此安得不離俗

觀木平和尚

文 益

木平山裏人貌古言復少相看陌路同論心秋月皎  
懷衲線非蚕助歌聲有鳥城闕今日來一謳曾已曉

和晨霞

白居易

君歌仙氏真我歌慈氏真慈氏發真念念此閻浮人  
左命大迦葉右召桓提因千萬化菩薩百億諸鬼神  
上自非想頂下及風水輪胎卵濕化類蠢蠢難具陳  
弘願在救拔大悲忘辛勤無論善不善豈間冤與親  
扶開生盲眼擺去煩惱塵燭以智慧日懷之甘露津

十界一時度萬法無與鄰借問晨霞子何如朝玉宸

北青蘿

李商隱

殘陽西入崦茅屋訪孤僧落葉人何在寒雲路幾層  
獨敲初夜磬閑倚一枝藤世界微塵裏吾寧愛與憎

與僧智如夜話

白居易

懶鈍尤知命幽棲漸得朋門閑無謁客室靜有禪僧  
爐向初冬火籠停半夜燈憂勞緣智巧自喜不無能

次韻和秀上人游南五臺 鄭 谷

中峰曾到處題記沒蒼苔振錫傳深谷翻經想舊臺

花松臨砌偃驚鹿慕溪來內殿諱詩切師以文章應制身迴

唐詩類苑

卷之百五

九

心未迴

湖上晚望呈惠上人

湖上煙景好鳥飛雲自還幸因居止近日覺性情閒  
獨酌乍臨水清奇常見山此時何所憶法侶話玄關

稟上人游越

僧皎然

雲泉誰不賞獨見爾情高投宿輕龍窟臨流笑鷺濤  
折荷爲片席灑水淨方袍剡路逢禪侶多應問我曹

還俗老僧

杜 牧

雪髮不長寸秋寒力更微獨尋一徑葉猶挈衲殘衣  
日暮千峰裏不知何處歸



戲禮經老僧

白居易

香火一爐燈一盞白頭夜禮佛名經何年飲著聲聞酒直到如今醉未醒

伴僧行

元稹

春來求事百無成因向愁中識道情花滿杏園千萬樹幾人能伴老僧行

僧懷濬不知何所人乾寧初知來識往皆有

神驗刺史于公以其惑衆繫而詰之乃以

詩代通狀二首

僧懷濬

家在閩山西復西其中歲歲有鶯啼如今不在鶯啼處鶯在舊時啼處啼

唐詩類苑

卷之三百五十一

處鶯在舊時啼處啼

家在閩山東復東其中歲歲有花紅而今不在花紅處花在舊時紅處紅

與浩初上人同看山寄京華親故

柳宗元

海畔尖山似劍鉞秋來處處割愁腸若爲化得身千億散上峰頭望故鄉

東林寺再遇僧益大德

韋莊

見師初事懿皇朝三殿歸來白馬驕上講每教傾國聽承恩偏得內官饒當時可愛人如畫今日相逢鬢

已凋若向君門逢舊友爲傳音信到雲霄

逢僧

曹松

高僧不負雪峰期却伴青霞入翠微百葉巖前霜欲降九枝松上鶴初歸風生碧澗魚龍躍威振金樓燕雀飛想得白蓮花上月滿山猶帶舊光輝

哭空寂寺玄上人

錢起

悽然雙樹下垂淚遠公房燈續生前火爐添沒後香陰堦明片雪寒竹響空廊寂滅應爲樂塵心徒自傷再游越中傷二餘慶先輩直上人

許渾

唐詩類苑

卷之三百五十一

十一

昔年湖上客留訪雪山翁王氏船猶在蕭家寺已空月高花有露煙合水無風處處多遺韻何曾入剡中

哭造微禪師

林寬

神遷不火葬新塔露疎煙是物皆磨滅唯師出死生虛堅散釣叟怪木哭山精林下路長在無因更此行

哭凌霄山光上人

于鵠

身沒碧峰裏門人改葬期買山尋主遠壘塔化人遲鬼火燒空院秋螢入素帷黃昏溪路上聞哭竺軋師

哭宗密禪師

賈島

鳥道雪岑巔師公去禪几塵埋滅後樹色改生前

層塔當松吹殘蹤傍野泉唯嗟聽經虎時到壞菴邊

哭栢巖禪師

李益

遍與傍人別臨終書不愁影堂誰爲掃坐塔自看修  
白日鐘邊晚青苔鉢上秋天涯禪弟子空到栢巖遊

吊栢白上人

張喬

今古遞相送幾時無逝波篇章應不朽寂滅理如何  
內殿留眞影閑房落貝多

高塔寺惆悵懶經過

吊草堂禪師

李洞

杖屨疑師在房關四壁蛩貯瓶經臘水嚮塔隔山鐘  
乳鶴浴苔井齋猿散雪峰如何不見性倚徧寺前松

唐詩類苑

卷之百五

十一

衲子

寄南嶽元泰布衲

釋栖蟾

曹溪入室人終老甚孤群四十餘年內青山與白雲  
松和巢鶴看果共野猿分海內僧來說高名自小聞

尼師

貽小尼師

王建

新剃青頭髮生來未掃眉身輕禮拜穩心慢記經遲  
喚起猶侵曉催齋已過時春晴墻下立私地弄花枝

尼子

戲贈於越尼子歌

劉長卿

鄱陽女子年十五家本秦人今在楚厭向春江空浣

沙龍宮落髮披袈裟五年持戒長一食至今猶自顏

如花亭亭獨立青蓮下忍草屣枝繞精舍自用黃金

買地居能嫌碧玉隨人嫌北客相逢疑姓秦鈿花拋

却仍青春一花一竹如有意不語不笑能留人黃鸝

欲棲白日暮天香未散經行處却對香爐閑誦經春

泉漱玉寒冷冷雲房寂寂夜鐘後吳音清切令人聽

人聽吳音歌一曲杳然如在諸天宿誰堪世事更相

牽惆悵迴船江水綠

小尼

唐詩類苑

卷之百五

十一

龍花寺主家小尼

郭代公愛姬詩凡句  
嘗爲尼小名仙人子

白居易

頭青眉眼細十四女沙彌夜靜雙林宿春深一食饑  
步慵行道困起晚誦經遲應似仙人子花宮未嫁時

出家

宗實上人實卽樊司空之心捨官位妻子出

家

白居易

榮華恩愛棄成唾戒定眞如和作香今古雖殊同一  
法瞿曇拋却轉輪王

在家出家

白居易

衣食支分婚嫁畢從今家事不相仍夜眠身似投林  
鳥朝飯心同乞食僧清唳數聲松下鶴寒光一點竹  
間燈中宵人定跏趺坐女喚妻呼多不應

送妓人出家

楊郇伯

盡出花鈿與四鄰雲鬟剪落厭殘春暫驚風燭難留  
世便是蓮花不染身貝葉欲翻迷錦字梵聲初學悞  
梁塵從今艷色歸空後湘浦應無解佩人

經典

同馬太守聽九思法師講金剛經

高適

唐詩類苑

卷之百五十一

品一

吾師晉陽寶傑出山河最途經世諦聞心到空王外  
鳴鐘山虎伏說法天龍會了義同建瓴梵法若吹簫  
深知億劫苦善喻恒沙大捨施割肌膚攀緣去親愛  
招提何清淨良牧駐軒蓋露冕衆香中臨人覺苑內  
心持佛印久標割魔軍退願開初地因永奉彌天對  
觀楚國寺璋上人寫一切經院南有曲池深

竹

岑參

璋公不出院群木閑深居誓寫一切經欲向萬卷餘  
揮毫散林鵲研墨澗池魚音翻四句偈字譯五天書  
鳴鐘竹陰晚汲水洞花初雨氣潤衣鉢香煙泛庭除

此地日清淨諸天應來如不知將錫杖早晚躡空虛

江中講經

張說

黃相歸懸解虛心暗在通澄江明月內應是色成空

聽藍溪僧爲元居士說維摩經

孟郊

古樹少枝葉真僧亦相依山木自曲直道人無是非  
手持維摩偈心向居士歸空景忽開霽雪花猶在衣  
洗然水溪畫寒物生光輝

晨詣超師院讀禪經

柳宗元

汲井漱寒齒清心拂塵服閒持貝葉書步出東齋讀

唐詩類苑

卷之百五十一

五

眞源了無取妄迹世所逐遺言與辭冥繕性何由熟  
道人庭宇靜苔色連深竹言出霧露餘青松如膏沐  
澹然離言語悟悅心自足

和李澧州題常開州經藏詩

白居易

既悟蓮花藏須遺貝葉書菩提無處所文字本空虛  
觀指非知月忘筌是得魚聞君登彼岸捨筏復何如

讀經

孟郊

垂老抱佛脚教妻讀黃經黃經名小品一紙千明星  
曾讀大般若若細感聆響聽當時把齋中方寸抱萬靈



忽復入長安蹴踏日月寧老方却歸來收拾可丁丁  
拂拭塵几案開函就孤亭儒書難借索僧籤饒芳馨  
驛驛不開手鏗鏗聞異鈴得善如焚香去惡如脫腥  
安得顏子耳曾未如此聰聽之何有言德教貴有形  
何言中國外有國如海萍海萍國教異天聲各泠泠  
安排未定時心火競熒熒將如庶幾者聲盡形無冥

讀禪經

白居易

須知諸相皆非相若住無餘却有餘言下忘言一時  
了夢中說夢兩重虛空花豈得兼求果物焰如何更  
覓魚攝動是禪禪是動不禪不動即如如

唐詩類苑

卷之百五十一

十六

內道場永護上人就郡見訪善說維摩經臨

別請詩因以此贈

白居易

五夏登壇內殿師水爲心地玉爲儀正傳金粟如來  
偈何用錢塘太守詩苦海出來應有路靈山別後可  
無期他生莫忘今朝會虛白亭中法樂時

病中看經贈諸道侶

白居易

古眼昏花左足風金篦后水用無功不如迴念三乘  
樂便得浮生百疾空無子同居草菴下有妻諧老道  
場中何須更請僧爲侶月上新歸侍病翁

禮拜

香積寺禮拜萬廻平等二聖僧塔

王昌齡

真無御北來昔有乘花歸如彼雙塔內孰能知是非  
愚也駭蒼生聖哉爲帝師當爲時世出不由天地資  
萬廻至此方平等性無違今我一禮心億劫同不移  
肅肅松柏下諸天來有時

秋晚石門禮拜

閻防

輕策凌絕壁招提謁金仙舟車無遊徑崖嶠乃屬天  
躑躅淹異景夷猶望新弦石門變暝色谷口生人煙  
陽鴈嗷平楚秋風急寒川馳暉苦代謝浮翠甍真堅

唐詩類苑

卷之百五十一

十七

永欲臥丘壑息心依梵筵誓將歷劫願無以物外牽

晚過盤石寺禮拜鄭和尚

岑參

暫詣高僧話來尋野寺孤野花藏水碓谿竹映風爐  
頂上巢新鵲衣中得舊珠談禪未得去輟棹且踟躕  
臘月八日於剡縣石城寺禮拜

孟浩然

石壁開金像香山繞鐵圍下僧彌日見回向一心歸  
松栢禪庭古樓臺世界稀夕嵐增氣色餘照發光輝  
講席邀談柄泉堂施浴衣願承功德水從此濯塵機

送德光禪師重禮石霜長老

曹松

天涯緣事了又造石霜微不以千峰險唯將獨影歸  
有爲嫌假佛無境是真機到後流沙錫何時更有飛  
送造微上人遊五臺及禮本師

釋栖白

寒空金錫響欲過渭陽津極目多來鴈孤城少故人  
與師雖別久於法本相親又對清涼月中宵語宿因  
行香、

行香歸

白居易

出作行香客歸如坐夏僧牀前雙草履簷下一紗燈  
唐詩類苑 卷之二五五 九

珮委腰無力冠歎髮不勝鸞臺龍尾道儘合少年登

定水寺行香

鄭谷

聽松看畫繞虛廊風拂金爐待賜香丞相未來春雪  
密暫偷閑卧老僧牀

施香

紹隆寺施香

并序

沈佺期

紹隆寺江嶺最奇去驩州城二十五里將北客畢

日遊憩隨例施香回于舟中作

吾從釋迦久無上師涅槃探道三十載得道天南端  
非勝適殊方起誼歸理難放棄乃良緣世慮不曾干

香界繁北渚花龕隱南巒危昂塔下石演漾牕中瀾

雲蓋看木秀天空見藤盤處俗勤宴坐居貧業行壇  
試將有漏軀聊作無生觀了然究諸品彌覺靜者安

受戒

送志弘沙彌赴上元受戒 僧皎然

不肯資章甫勝衣被木蘭今隨秣陵信欲及蔡洲壇  
野寺鐘聲遠春山戒足寒歸來次第學應見後心難

齋戒

齋月靜居

白居易

病來心靜一無思老去身閑百不爲忽忽眼塵猶愛  
唐詩類苑 卷之二五五 九

睡些些口業尚誇詩筆腥每斷齋居月香火常親宴

坐時萬慮消停百神泰唯應寂寞殺三尸

齋戒

白居易

每因齋戒斷葷腥漸覺塵勞染愛輕六賊定知無氣  
色三尸應恨少恩情酒魔降伏終須盡詩債填還亦

欲平從此始堪爲弟子竺乾師是古先生

五月齋戒罷宴徹樂聞韋賓客皇甫郎中飲

會亦稀又知欲夢酒饌出齋先以長句呈

謝

白居易

妓房鏡匣滿紅埃酒庫封瓶生綠苔居士爾時緣護

戒車公何事亦停杯散齋香火今朝散開素盤筵後  
日開隨意往還君莫怪坐禪僧去飲徒來

仲夏齋戒月

白居易

仲夏齋戒月三旬斷腥羶自覺心骨爽行起身翩翩  
始知絕粒人四體更輕便初能脫病患久必成神仙  
禦寇馭冷風赤松遊紫煙常思此說謬今乃知其然  
我年過半百氣衰神不全已悲兩鬢絲難補三井田  
但戒葷血味稍結清淨緣脫中且修養聊已終天年

早春持齋答皇甫十見贈

白居易

正月晴和風景新紛紛已有醉遊人帝城花笑長齋

唐詩類苑

卷之百五十一

三十一

客二十年來要早春

齋居春久感事遣懷

白居易

齋戒坐三旬笙歌發四鄰月明停酒夜眼闇看花人  
懶學空爲觀深知念是塵猶思閑語笑未忘舊交親  
久作龍門主多爲免苑賓水嬉歌盡日雪宴燭通晨  
事事皆過分時時自問身風光拋得也七十四年春  
酬夢得以予五月長齋延僧徒絕賓友元感

十韻

白居易

賓客懶逢迎條然池館清  
唐詩類苑  
卷之百五十一  
三十一  
客二十年來要早春  
齋居春久感事遣懷  
白居易  
齋戒坐三旬笙歌發四鄰  
月明停酒夜眼闇看花人  
懶學空爲觀深知念是塵  
猶思閑語笑未忘舊交親  
久作龍門主多爲免苑賓  
水嬉歌盡日雪宴燭通晨  
事事皆過分時時自問身  
風光拋得也七十四年春  
酬夢得以予五月長齋延  
僧徒絕賓友元感

香印朝煙細紗燈夕焰明交遊諸長老師事古先生  
禪後心彌寂齋來體更輕不唯忘肉味兼擬減風情  
蒙以聲聞待唯將戲論爭虛空若有佛靈運恐先成

出齋

二年三月五日齋畢開素當食偶吟贈妻弘

農郡君

白居易

睡足肢體暢晨起開中堂初旭汎簾幕微風拂衣裳  
二婢扶盥櫛雙童昇簾牀庭東有茂樹其下多陰涼  
前月事齋戒昨日散道場以我久疏素加邊仍異糧  
魴魚白如雪蒸炙加桂薑稻飯紅似花調沃新醪漿

唐詩類苑

卷之百五十一

三十一

佐以醢醢味間之椒薤芳老憐口尚美病喜鼻聞香  
嬌駭三四孫索哺逮我傍山妻未舉案饒叟已先嘗  
憶同牢盂初家貧且糟糠今食且如此何必烹猪羊  
况觀姻族間夫妻半存亡諧老不易得白髮何足傷  
食罷酒一杯醉飽吟又狂緬想梁高士樂道喜文章  
徒誇五噫作不解贈孟光

出齋日喜皇甫十早訪

白居易

三旬齋滿欲銜盃平旦敲門門未開除却朝之携一  
榼的應不是別人來

齋戒滿夜戲招夢得

白居易



紗籠燈下道場前白日持齋夜坐禪無復更思身外  
事未能全盡世間緣明朝又擬親盃酒今夕先聞理  
管絃方丈若能來問疾不妨兼有散花天

談玄

同房憲部應旋

儲光羲

衡山法王子惠見息諸苦落髮自南州燕居在西土  
養正不因晦得中寧患旅曠然長虛閑卽理寄行補  
四句了自性一音亦非取橘柚故園枝隨人植庭戶  
我地少安住念天時啓處憲卿文昌歸愉悅來晤語  
車騎踐香草僕人沐花雨長風散繁雲萬里靜天宇

唐詩類苑

卷之百五十一

三

起滅信易覺清真知有所逍遙高殿陰六月無炎暑  
微言發新偈粲粲如懸圃直心視惠光在此大法鼓

與元丹丘方城寺談玄作 李白

茫茫大夢中唯我獨先覺騰轉風水來假合作容貌  
滅除昏疑盡領畧入精要澄慮觀此身因得通寂照  
朗悟前後際始知金仙妙幸逢禪居人酌玉坐相至  
彼我俱若喪雲山豈殊調清風生虛空明月見談笑  
怡然青蓮空永願恣遊眺

清閑上人自蜀入洛于長壽寺說法度人

白居易

梓潼眷屬何年別長壽壇場近日開應是蜀人皆度  
了法輪移向洛中來

問道

詣開悟禪師問心法次第寄韓郎中

獨孤及

障深聞道晚根鈍出塵難劫相從慣迷途自謂安  
得知身垢妄始喜額珠完欲證真如體君嘗法味看  
飯僧

飯覆釜山僧

王維

晚知清靜理日與人群疎將候遠山僧先期掃敝廬

唐詩類苑

卷之百五十一

三

果從雲峰裏顧我蓬蒿居藉草飯松屑焚香看道書  
燃燈晝欲盡鳴磬夜方初已悟寂爲樂此生閑有餘  
思歸何必深身世猶空虛

飯僧

王建

別屋炊香飯薰辛不入家溫泉調葛麵淨手摘藤花  
蒲鮮除青葉芹蘂帶紫芽願師常伴食消氣有薑茶  
過盧員外宅看飯僧共題七韻

王維

三賢異七賢青眼慕青蓮乞飯從香積裁衣學水田  
上人飛錫杖檀越施金錢跌坐簷前日焚香竹下煙

寒空法雲地秋色淨居天身逐因緣法心過次第禪  
不須愁日暮自有一燈燃

道場

內道場僧弘紹

賈島

麟德燃香請長安春幾回夜開同像寂畫定爲吾開  
講罷松根老經浮海水來六年雙足履只步院中苔

道場獨坐

白居易

整頓衣巾拂淨牀一瓶秋水一爐香不論煩惱先須  
去直到菩提亦擬忘朝謁久停收劍珮宴遊漸罷廢  
壺觴世間無用殘年處祇合逍遙坐道場

唐詩類苑

卷之百五十一

三五

錫杖

錫杖歌送明楚上人歸佛川

皇甫曾

上人遠自西天至頭陀行遍南朝寺口翻貝葉古字  
經手持金策聲泠泠護法護身唯振錫石瀨雲溪深  
寂寂乍來松徑風露寒遙映霜天月成魄後夜空山  
禪誦時寒寒掛在枯樹枝眞法常傳心不住東西南  
北隨緣路佛川此去何時迴應眞莫便游天台

佛鉢

開元寺佛鉢詩并序

皮日休

按釋法顯傳云佛鉢本在毗舍離今在乾陀衛竟

若干百年當復至西月支國若干百年至于闐國

若干百年當至屈茨國若干百年當復來漢地晉

建興二年二聖像浮海而至滬瀆僧尼輩取之以

歸今存於開元寺後建興八年漁者於滬瀆沙汭

上獲之以爲曰類乃輦而用焉俄有佛像見于外

漁者始爲異意滬瀆二聖之遺祥也乃以鉢供之

迄今尚存余遂觀而爲之詠因寄天隨子

帝青石作綠冰姿曾得金人手自持拘律厨過齋散

後提羅花下洗來時乳麋味斷中天覺麥麩香消大

唐詩類苑

卷之百五十一

三五

却知從此共君親頂戴斜風應不等閒吹

奉和開元寺佛鉢

陸龜蒙

空王初受逞神功四鉢須臾現一重持次想漆香積

飯覆時應帶步羅鐘光寒好照金毛鹿響靜堪降白

耳龍從此寶函香裏見不須西去詣靈峰

幡

詠興國寺佛殿前幡

太宗

拂霞疑電落騰虛狀寫虹屈伸煙霧裏低舉白雲中  
紛披乍依迴掣曳或隨風念茲輕薄質無與強搖空

詠春幡

溫庭筠

閑庭見早梅花影爲誰裁  
碧煙隨刃落蟬鬢春來  
戊郡嘶金勒梵聲悲鏡臺  
玉釵風不定香步獨徘徊  
念珠

水精念珠

曹松

等量紅縷貴晶瑩  
盡道勻圓別未勝  
鑿斷玉潭盈尺  
水琢成金地兩條  
水輪時抵恐星侵  
佛掛處常疑露  
滴僧幾度夜深尋  
不着瑠璃爲殿月爲燈

袈裟

辭宣律和尚袈裟絕句

釋善繼

共覆三衣中夜寒  
披時不鎮尼師壇  
無因蓋得龍宮

唐詩類苑

卷之百五十一

主

地畦裏塵飛業相殘

和前云

南山披時寒夜中  
一角不動毗嵐風  
何人見此生慙  
愧斷續猶護得龍

銅椀

憂銅椀爲龍吟歌

井序

僧皎然

唐故太尉房公瑄  
早歲曾隱終南山  
峻壁之下往往  
聞龍吟聲清而靜  
滌人邪想時有好事僧潛憂  
以三金寫之惟銅聲酷似他日  
房公偶至小寺聞  
林領間有此聲乃曰龍吟復遷于茲矣  
僧因之出

其器以告公公命憂之驚曰真龍也大曆十三載  
秦僧傳至桐江

逸僧憂椀聞龍吟世上未嘗聞此音一從太尉房公  
賞遂使秦人傳至今初憂徐徐聲漸顯樂章不管何  
人辨似出龍淵萬丈底乍怪聲來近而遠未必全由  
憂者工真生虛無非椀中寥亮掩清猗縈迴凌細風  
遙聞不斷在煙杪萬籟無聲天境空  
聽專一境則衆  
音不聞非萬籟  
之無昨向天台宿華頂秋宵一吟更清迥能令聽者  
易常性憂人忘憂躁人靜今日鑑鐙江上聞蛟螭奔  
飛如得群聲過陰嶺忽成雨響駐晴天將遏雲坐來  
唐詩類苑 卷之百五十一 主

賤朝榮動遠寂

佛

不二門

白居易

兩眼日將闔四肢漸衰瘦束帶臍昔圍穿衣妨寬袖  
流年侶江水奔注無昏晝志氣與形骸安得長依舊  
亦曾登玉陛舉措多紕繆至今金闕籍名姓獨遺漏  
亦曾燒大藥消息垂火候至今殘丹砂燒乾不成就  
行藏事兩失憂惱心交開化作顚顚翁拋身在荒陋  
坐看老病逼須待醫王救唯有不二門其間無夭壽

九月匈奴殺邊將漢軍全沒遼水上萬里無人收白骨家家城下招魂葬婦人依倚子與夫同居貧賤心亦舒夫死戰場子在腹妾身雖存如畫燭

婦人苦

白居易

蟬髮加意梳蛾眉用心掃幾度曉粧成君看不言好妾身重同穴君意輕偕老惆悵去年來心知未能道今朝一開口語少意何深願引他時事移君此日心人言夫婦親義合如一身及至死生際何曾苦樂均婦人一喪夫終身守孤子有如林中竹忽被風吹折一折不重生枯死猶抱節男兒若喪婦能不暫傷情

唐詩類苑

卷之二十四

八

應似門前柳逢春易發榮風吹一枝折還有一枝生爲君妾曲言願君再三聽須知婦人苦從此莫相輕

唐詩類苑卷第一百五十二

明雲間張之象玄超甫纂輯

雲間朱家法李則甫編次

雲間王徹叔朗甫補訂

梁谿曹仁孫伯安甫校正

道部

仙

宿五度谿仙人得道處 常建

五度谿上花生根依兩崖二月尋片雪願宿秦人家上見懸崖崩下見白水湍仙人彈碁處石上青蘿盤

唐詩類苑

卷之二十五

一

無處求玉童翳翳惟林巒前谿遇新月聊取玉琴彈

玉真仙人詞

李白

按唐史太極元年玉真公主爲道士尋觀京師以方士史崇玄爲師其全傳曰玉真公主字持盈始封崇昌縣主俄進號上清玄都大洞三景法師天寶三載上言曰先帝許娶捨家今仍叨主策食租賦願去公主號罷邑司歸之玉府玄宗不許又言妾高宗之孫睿宗之女陛下之女弟不爲賤矣何必名繫主號資湯沐然後爲貴請入數百家之產延千年之命帝知主意乃許之



玉真之仙人時往太華峯清晨鳴天鼓颺歛騰雙龍  
弄電不輟手行雲本無蹤幾時入少室王母應相逢

謁張果先生

李頎

先生谷神者甲子焉能計自說軒轅師于今幾千歲  
寓遊城郭裏浪迹希夷際應物無心逢時丹不繫  
餐霞斷火粒野服兼荷製白雲淨肌膚青春養身世  
韜精殊豹隱鍊骨同蟬蛻忽去不知誰偶來寧有契  
二儀齊壽考六合同休憩彭殤猶嬰孩松期且微細  
嘗聞穆天子更憶漢皇帝親屈萬乘尊將窮四海裔  
車徒徧草木錦帛招談說八駿空往還三山轉虧蔽

唐詩類苑

卷之三十三

二

列仙文

孟郊

大霞霏晨暉元氣無常形玄轡飛霄外八景乘高  
手把玉皇袂攜我歲中生玄挺自嘉會金書拆華名  
賢女密所妍相期啓水精

右方諸青童君

孟郊

歛駕清虛徘徊西華館瓊輪曉晨抄虎騎逐煙散  
惠風振丹旌明朗明入煥解襟襟方內神鈴鳴璫璫

栖景若林柯九絃空中彈遺我積世憂釋此千載歎  
怡聆無極已終夜復待旦

清虛真人

孟郊

駕我八景輿歛然入玉清龍羣拂霄上虎旗攝朱兵  
逍遙二絃際萬流無暫停哀此上清曾劫盡天地傾  
當尋無中景不死亦不生體彼自然道寂觀合大冥  
南嶽挺直幹玉英曜穎精有任靡期事無心自虛靈  
嘉會絳河內相與樂朱英

金母飛空歌安度明

孟郊

唐詩類苑

卷之三十三

三

丹霞煥上清八風鼓太和迴我神霄輦遂造嶺玉阿  
咄嗟天地外九圍皆我家上採白日精下飲黃月華  
靈觀空無中鵬路無間邪顧見魏賢安濁氣傷汝和  
勤研玄中思道成更相過

和梁王衆傳張光祿是王子晉後身

崔融

久視元年改控鶴府爲奉宸府張易之爲奉宸司  
令詞人爲供奉伎者奏云昌宗王子晉後身令披  
羽衣吹簫乘木鶴奏樂千庭融賦詩爲絕唱有昔  
遇浮丘伯今同丁令威之句後與崔融相蘇味道相  
謂云某詩所以不及相公者無銀花合耳蓋蘇有

正夜詩云火樹銀花合味道云子詩雖無銀花合  
還有金銅丁取令威之句也

聞有冲天客披雲下帝畿三年上賓去千載忽來歸  
昔遇浮丘伯今同丁令威中郎才貌是柱史姓名非  
祇召趨關承恩拜虎闥丹成金鼎獻酒至玉杯揮  
天仗分旌節朝容間羽衣舊壇何處所新廟坐光輝  
漢主存仙要淮南愛道機朝朝緱氏鶴長向洛城飛

謝真人僊駕過舊山

范傳正

麾蓋從僊府笙歌入舊山水流丹竈缺風起草堂關  
白鹿行爲衛青鸞舞自閑種松鱗未老移石薛仍斑

唐詩類苑

卷之百五十二

四

望路煙霄外迴輿嶺岫間豈惟遼海鶴空嘆令威還

謝真人僊駕過舊山

夏方慶

何年成道去綽約化童顏天上尋真侶人間憶舊山

桑田今已變羅蔓尚堪攀雲覆瑤壇淨苔生丹竈閑

逍遙看白石寂寞閉玄關應是悲塵累思將羽駕還

玄微先生

李商隱

仙翁無定數時入一壺藏夜夜桂露濕村村桃水香  
醉中拋浩劫宿處起神光藥裏丹山鳳碁函白石郎  
弄河移砥柱吞日倚扶桑龍竹裁輕策蛟絲熨下裳  
樹栽嗤漢帝橋板笑秦皇徑欲隨關令龍沙萬里強

別毛仙翁

張爲

毛仙翁者名千字鴻漸得久視之道不知其甲子  
常如三十許人其豁容穉安雪肌玄髮若處子焉  
周遊湖嶺間常以丹石攻疾陰功救物受其賜者  
不可勝紀大中戊寅歲進士張爲薄遊長沙落魄  
數載以詩酒自得不及汲于隨計一旦值女奴于  
微麓山下若豪家之青衣焉奔而歸之張遽惑焉  
歲餘寢成羸疾尫瘠骨立待時而已毛翁自海陵  
來泊于道族卽張所止也請謁之者逡巡盈門皆  
曰尊師十年二十年一屆于市人仰其惠猶夏之

唐詩類苑

卷之百五十二

五

陰冬之陽也蒙其澤者多矣顧見張愬之曰子妖  
氣邪光決遍肌骨苟不相值殞于旦夕也吾有鮑  
南海几可數百步張之魁妾長號一聲蹙然而斃  
因共視之卽木偶人也心下至足肌血如人心上  
至頂猶木偶之狀衆共異之棄于江中師曰此魁  
逝矣子之性命可全形骸可保也又以丹砂三粒  
其狀黍米命張吞之旬月之間肌豐力倍憊疾都  
瘳師忽告去不言所之張遂爲詩別焉自是別去  
莫知所適江湘間至今以爲口實張進士亦南入  
臺山訪道而去今觀朝彥贈仙翁文集果符長沙

之事

羸形感神藥削骨生豐肌蘭炷飄靈煙妖怪立誅夷  
重親日月光何報父母慈黃河濁滾滾別泪流漸漸  
黃河清有時別淚無收期

贈毛仙翁

李翱

紫霄仙客下三山因救生靈到世間龜鶴計年承甲  
子冰霜爲質駐童顏韜藏休咎傳真錄變化枯榮試  
小還從此更教塵骨貴九霄雲路願追攀

贈毛仙翁

令狐楚

宣州渾是上清宮客有真人貌似童紺髮垂纓光鬣

唐詩類苑

卷之百五十二

六

鬣細髯綠領綠茸茸壺中藥物梯霞訣肘後方書縮  
地功既許焚香爲弟子願教年紀共椿同

贈毛仙翁

李程

茫茫塵累愧腥羶強把蜉蝣望列仙閑指紫霄峯下  
路却歸白鹿洞中天吹簫鳳去經何代茹玉方傳得  
幾年他日更來人世看又應東海變桑田

贈毛仙翁

李玄閔

不知仙客占青春肌骨纔教稱兩旬俗眼暫經相見  
日疑心未測幾時人閑推甲子經何代笑說浮生老  
此身殘藥倘能沾朽質願將霄漢永爲隣

贈毛仙翁

崔郾

存亡去住一壺中兄事安期弟葛洪甲子已過千歲  
鶴儀容方稱十年童心靈暗合平人數藥力潛均造  
化功終待此身無繫累武陵山下等黃公

贈毛仙翁

王起

冰霜肌骨稱童年羽駕何由到俗間丹竈化金留秘  
訣仙宮嗽玉叩玄關壺中世界青天近洞裏煙霞白  
日閑若許隨師去塵網願陪鸞鶴向三山

贈毛仙翁

李益

玉潤溶溶仙氣深舍光混俗似無心長愁忽作鶴飛

唐詩類苑

卷之百五十三

七

去一片孤雲何處尋

贈毛仙翁

楊於陵

先生赤松侶混俗遊人間崑閬無窮路何時下故山  
千年猶孺質秘術救塵寰莫便冲天去雲雷不可攀

贈毛仙翁

楊嗣復

天上王郎騎白鶴肘後金壺成妙藥暫遊下界傲五  
侯重看當時舊城郭羽衣茸茸輕似雪雲上雙童持  
絳節王母親縫紫錦囊令向懷中藏秘訣令威子晉  
皆儔侶東嶽同尋太真女搜奇綴韻和陽春文章不  
是人間語藥成自固黃金骨天地齊兮身不歿日月

宮中便是家下視崑崙何突兀童姿玉貌誰方比玄  
髮綠髯光瀾瀾滿朝將相門弟子隨師盡願拋塵滓  
九轉琅玕必有餘願乞刀圭救生死

仙駕初從蓬島來相逢又說向天台一言親授希微  
訣三夕同傾沆瀣杯此日臨風飄羽衛他年嘉約落  
鹽梅花前渾手超遙去目斷霓旌不可陪

贈毛仙翁

沈傳師

安期何事出雲煙爲把仙方與世傳只向人間稱百  
歲誰知洞裏過千年青牛到日迎方朔丹竈開時共

唐詩類苑

卷之二百五十一

八

稚川更說桃源更深處異花長占四時天

贈毛仙翁

崔元略

莫將凡聖比雲泥椿菌之年本不齊度世無勞大稻  
米昇天只用半刀圭人間嗟對黃昏槿海上閑聽碧  
落鷄旌節行中令引道便從塵外蹈丹梯

贈毛仙翁

柳公綽

桃源千里遠花洞四時春中有含真客長爲不死人  
松高枝葉茂鶴老羽毛新莫遣同籬槿朝榮暮化塵

贈毛仙翁

白居易

仙翁已得道混跡尋巖泉肌膚冰雪瑩衣服雲霞鮮

紺髮絲並綴韶容花共妍方瞳點玄漆高步凌飛煙  
幾見桑田變莫知龜鶴年所憇九霄外所遊五嶽巔  
軒昊舊爲侶松喬難比肩每嗟人世役役如狂顛  
孰能脫羈鞅盡遭名利牽貌隨歲華換神逐光陰遷

惟余負憂譴憔悴湓江壩衰鬢忽霜白愁腸如火煎  
羈旅坐多感徘徊私自憐晴眺五老峯玉洞多神仙  
何當憫湮厄授道安虛辱我師惠然來論道窮重玄  
浩蕩八溟濶志泰心超然形骸既無求得喪亦都捐  
豈識椿菌異那知鵬鷃懸丹華旣相付促景定當延  
玄功曷可報感極唯動拳霓旌不肯駐又歸武夷川

唐詩類苑

卷之二百五十一

九

語罷條然別孤鶴昇遙天賦詩叙明德永續步虛篇

贈毛仙翁

李紳

憶昔我祖神仙主玄元皇帝周柱史曾師軒黃友亮  
湯混沌和光佐周武周之天子無仙氣成武康昭都  
警爾穆王粗識神仙事八極輪蹄方逞志鶴髮龜真  
世不知日月星辰幾回死金鼎作丹丹化碧三萬六  
千神入宅仙兄受術幾千年已是當時駕鴻客海光  
悠容天路遠春風玉女開宮院紫筆親教書姓名玉  
皇詔刻青金簡桂窓一別三千春秦妃鏡裏娥眉新  
忽控香虬天上去海隅石宵花塵一從仙駕辭中

土頑日昏風老無主九州爭奪無時休八駿垂頭避  
貅虎我亦玄元千世孫眼穿望斷蒼煙根花麟白鳳  
竟冥冥飛春走月勞神昏百年命促奔馬疾愁腸盤  
結心摧崢嶸今朝稽首拜仙兄願贈丹砂化秋骨

赴和州于武昌縣喜再遇十八兄仙翁因成  
絕句

劉禹錫

武昌山下蜀江東重向仙舟見葛洪又得案前親禮  
拜大羅仙訣玉函封

贈毛仙翁

張仲方

毛仙翁毛仙翁容貌常如二八童幾歲頭梳雲鬢綠

唐詩類苑

卷之二百五十一

十一

無時面帶桃花紅眼前人世閱滄海肘後藥成辭月  
宮方口秀眉編貝齒瞭然吳兒雙瞳子芝椿稟氣本  
堅強龜鶴計年應不死四海五山長獨遊矜貧傲富  
欺王侯靈通指下輒覺化瑞氣爐中金玉流定是煙  
霞列仙侶暫來塵俗救危苦紫霞妖女瓊華飛秘法  
處心傳付與陰功足陰功成羽駕何年歸上清待我  
休官了婚嫁桃源洞裏覓仙兄

王子喬

宋之問

劉向列仙傳曰王子喬者周靈王太子晉也好吹  
笙作鳳鳴遊伊洛之間道人浮丘公接之嵩高

山三十餘年後求之於山上見栢良曰告我家七  
月七日待我於緱氏山頭至時果乘白鶴駐山頭  
望之不得到舉手謝時人數日而去而立祠于緱  
氏山下及嵩山之首焉

王子喬愛神仙七月七日上賓天白虎搖瑟鳳吹笙  
乘騎雲氣喻日精喻日精長不歸遺廟今在而人非  
空望山頭草草露濕人衣

玉華仙子歌

李康成

紫陽仙子名玉華珠盤承露餌丹砂轉態凝情五雲  
裏嬌顏千歲芙蓉花紫陽綵女矜無數遙見玉葉皆

唐詩類苑

卷之二百五十一

十一

掩嬈高堂初日不成妍落渚流風徒自憐璇璣霓綺  
閣碧題霜羅幙仙蛾桂樹長自春王母桃花未嘗落  
上元夫人賓上清深宮寂歷厭層城解佩空憐鄭交  
甫吹簫不逐許飛瓊溶溶紫庭步渺渺瀛臺路蘭陵  
貴士謝相逢濟北書生尚迴顧滄州傲吏愛金丹清  
心迴望雲之端羽蓋霓裳一相識傳情寫念長無極  
長無極永相隨攀霄歷金闕弄影下瑤池夕宿紫府  
雲母帳朝餐玄圃崑崙芝不學蘭臺賦絕却教青  
鳥報相思

元丹丘歌

李白

元丹丘愛神仙朝飲潁水之清流暮還嵩岑之紫煙  
三十六峯長周旋長周旋躡星虹身騎飛龍耳生風  
橫江跨海與天通我知爾遊心無窮

王母歌

李頎

武皇齋戒承華殿端拱須臾王母見霓旌照耀麒麟  
車羽蓋淋漓孔雀扇手持玄梨遣帝食可以長生臨  
寓縣頭上復戴九星冠總領玉童坐南面欲聞要言  
今告汝帝乃焚香請此語若能鍊魄去三尸後當見  
我天皇所顧謂侍女董雙成酒闌可奏雲和笙紅霞  
白日儼不動七龍五鳳紛相迎惜哉志驕神不悅嘆

唐詩類苑

卷之二十五

十一

息馬蹄與車轍複道歌鐘香將暮深宮桃李花成雪  
爲看青玉五枝燈蟠螭吐火光已絕

穆王宴王母於九光流霞館

曹唐

桑葉扶疎閉日華穆王邀宴流霞霓旌著地雲初  
駐金秦掀天月欲斜歌咽細風吹粉藻飲酣清露濕  
瑤砂不知白馬紅韁解偷喫東田碧玉花

漢武帝將候西王母下降

曹唐

崑崙嶺想最高峯王母來乘五色龍歌曉紫鸞猶縹緲  
語來青鳥許從容風迴水落三清月浩苦霜傳五

夜鐘樹影悠悠花悄悄若聞簫管是行蹤

漢武帝於宮中宴西王母

曹唐

鼇岫雲低太乙壇武皇齋潔不勝懽長生碧宇期親  
署延壽丹泉許細看劒佩有聲宮樹靜星河無影禁  
花寒秋風裏月朗朗玉女清歌一夜闌

王遠宴麻姑蔡經宅

曹唐

好風吹樹杏花香花下真人道姓王大篆龍蛇隨筆  
札小天星斗滿衣裳閑拋南極歸期晚笑指東溟飲  
興長要喚麻姑同一醉使人沽酒下餘杭

劉晨阮肇遊天台

曹唐

唐詩類苑

卷之二十五

十一

樹入天台石路新細雲和雨動無塵煙霞不是生前  
事水木空疑夢後身往往鷄鳴巖下月時時犬吠洞  
中春不知何地歸依處須就桃源問主人

劉阮洞中遇仙子

曹唐

天和樹色靄蒼蒼霞重嵐深路渺茫雲竇滿山無鳥  
雀水聲沿澗有笙簧碧沙洞裏乾坤別紅樹枝前日  
月長願得花間有人出不令仙犬吠劉郎

仙子送劉阮出洞

曹唐

慙慙相送出天台仙境那能却再來雲液既歸須強  
飲玉書無事裏頻開花當洞口應長在水到人間定



不迴惆悵溪頭從此別碧山明月照蒼苔

仙子洞中有懷劉郎 曹唐

不將清瑟理霓裳塵夢那知鶴夢長洞裏有天春寂  
寂人間無路月茫茫玉沙瑤草連溪碧流水桃花滿  
澗香曉露風燈零落盡此生無處訪劉郎

劉阮再到天台不復見仙子

曹唐

再到天台訪玉真青苔白石已成塵笙歌冥冥閑深  
洞雲鶴蕭條絕舊隣草樹總非前度色烟霞不似昔  
年春桃花流水依然在不見當時勸酒人

唐詩類苑

卷之百五十二

十五

玉女杜蘭香下嫁於張碩 曹唐

天上人間兩渺茫不知誰嫁杜蘭香來經玉樹三山  
遠去隔銀河一水長怨入清塵愁錦瑟酒傾玄露醉  
瑤觴遺情更說何珍重孽破雲鬟金鳳凰

張碩重寄杜蘭香 曹唐

碧落香銷蘭露秋星河無夢夜悠悠靈妃不降三清  
駕仙鶴空成萬古愁皓月隔花追歎別飛煙籠樹省  
湓番人間何事堪惆悵海色西風十二樓

紫河張休真 曹唐

琪樹扶疎壓瑞煙玉皇朝客滿花前山川到處成三

月絲竹經時卽萬年樹石冥茫初縮地杯盤狼籍未  
朝天東風小飲人皆醉從聽黃龍枕一作水眠

蕭史攜弄玉上昇 曹唐

豈是丹臺歸路遙紫鸞煙駕不同飄一聲落水傳幽  
咽萬片官花共寂寥紅粉美人愁未散清華公子笑  
相邀緱山碧樹青樓月腸斷春風爲玉霄

皇初平將入金華山 曹唐

莫道真游煙景賒瀟湘有路入金華鷄頭鶴樹春常  
在洞口人間日易斜一水暗迴閑繞澗五雲長往不  
還家白羊成隊難收拾嚙盡溪邊巨勝花

唐詩類苑

卷之百五十二

十五

萼綠華歌 韋應物

有一人兮昇紫霞書名玉牒兮萼綠華仙容矯矯今  
襍瑤珮輕衣重重今蒙絳紗雲雨愁思今望淮海鼓  
吹蕭條兮駕龍車世淫濁兮不可降胡不來兮玉斧  
家

王母歌一云玉女歌 韋應物

衆仙翼神母羽蓋隨雲起上遊玄極香冥中下看東  
海一杯水海畔種桃經幾時千年開花千年子玉顏  
眇眇何處尋世上茫茫人自死

謝自然詩 韓愈

果州南充縣寒女謝自然童騃無所識但聞有神仙  
輕生學其術乃在金泉山繁華榮慕絕父母慈愛捐  
疑心感魑魅恍惚難具言一朝坐空室雲霧生其間  
如聆笙竽韻來自冥冥天白日變幽晦蕭蕭風景寒  
簷楹變明滅五色光屬聯觀者徒傾駭踟躕詎敢前  
須臾自輟舉飄若風中煙茫茫八紘大影響無由緣  
里胥上其事郡守驚且嘆驅車領官吏旰飢爭相先  
入門無所見冠履同蛻蟬皆云神仙事灼灼信可傳  
余聞古夏后象物知神姦山林民可入魑魅莫逢旃  
逶迤不復振後世恣欺謾幽明紛雜亂人鬼更相殘

唐詩類苑

卷之二五十二

十六

秦皇雖篤好漢武洪其源自從二主來此禍竟連連  
木石生怪變狐狸騁妖患聲平莫能盡性命安得更長  
延人生處萬類知識最爲賢奈何不自信反欲從物  
遷往者不可悔孤魂抱深冤來者猶可誠余言豈空  
文人生有常理男女各有倫寒衣及饑食在紡績耕  
耘下以保子孫上以奉君親苟異于此道皆爲棄其  
身噫乎彼寒女永託異物羣感傷遂成詩咏者宜書  
紳

夢綠華將歸九疑山

曹唐

九點秋煙黛色空綠華歸思頗無窮每悲馭鶴身難  
住長恨臨霞語未終河影暗吹雲夢月花聲閑落洞  
庭風藍絲重勒金條脫留與人間許侍中

馬明生遇神女歌

韋應物

學仙貴功亦貴精神女變化感馬生石壁千尋啓雙  
檢中有玉堂一作鋪玉簾立之一隅不與言玉體安  
穩三日眠馬生一立心轉堅知其丹白蒙哀憐安期  
先生來起居請示金鑰玉佩天皇書神女呵責不合  
見仙子謝過手足戰大瓜玄棗冷如冰海上摘來朝  
霞凝賜仙復坐對食訖領之使去隨煙升乃言馬生

唐詩類苑

卷之二五十三

十七

合不死少姑教敕令付爾安期再拜將生出一授素  
書天地畢

仙女辭

楊衡

玉笄初侍紫皇君金縷鴛鴦滿絳裙仙宮一閉無消  
息遙結芳心向碧雲

八仙選

王勃

柰園欣入正松巖訪九仙援蘿窺霧術攀桂俯雲煙  
代北鸞駢至遼西鶴騎旋終希脫塵網連翼下芝田

仙人

李賀

彈琴石壁上翻翻一仙人手持白鸞尾夜掃南山雲

鹿飲寒澗下魚歸青海濱當時漢武帝書報桃花春

神仙

張彪

神仙可學無百歲名大約天地何蒼茫人間半哀樂  
浮生亮多感善事翻爲惡爭先等驅逐中路苦瘦弱  
長老思養壽後生笑寂寞五穀非長年四氣乃靈藥  
列子何必待吾心歸寥廓

神仙曲

李賀

碧峰海面藏靈書上帝揀作仙人居清明笑語聞空  
虛開乘巨浪騎鯨魚春羅書字邀王母共宴紅樓最  
深處鶴羽衝風過海遲不如却使青龍去猶疑王母  
唐詩類苑 卷之百五十一 八十一

不相許垂霧娃鬟更轉語

曉仙謠

溫庭筠

玉妃喚月歸海宮月色澹白涵春空銀河欲轉星  
曆碧浪疊山埋早紅宮花有露如新淚小苑叢叢入  
寒翠綺閣空傳唱漏聲軒天辨凌雲子遙遙珠帳  
連湘煙鶴扇如霜金骨仙碧簫曲盡綵霞動下視九  
州皆悄然秦王女騎紅尾鳳半空回首晨鷄弄霧蓋  
狂塵億兆家世人猶作牽情夢

水仙謠

溫庭筠

水客夜騎紅鯉魚赤鱗雙鳧逐漁書輕塵不起雨新

露萬里孤光含碧虛露魄冠輕見雲髮寒絲七炷香  
泉咽夜深天碧亂山姿光碎平波滿船月

懷仙引

盧照鄰

若有人兮山之曲駕青虬兮乘白鹿往從之遊願心  
足披礪戶訪巖軒石瀨潏潏橫石徑松蘿幕塵掩松  
門下空濛而無鳥上巉巖而有猿懷飛閣度飛梁休  
余馬於幽谷掛余冠於夕陽曲復曲兮煙莊遂行復  
行今天路長休迷杳其未半飛雨忽以茫茫山塊輒  
磴連蹇攀石壁而無據泝泥溪而不前何無情之白  
日竊有限於皇天廻行遵故道通川遍流潦回首望  
唐詩類苑 卷之百五十一 九十一

懷仙歌

李白

一鶴東飛過滄海放心散漫知何在仙人浩歌望我  
來應攀玉樹長相待堯舜之事不足驚自餘囂囂直  
可輕巨鰲莫戴三山去我欲蓬萊頂上行

贈學仙者

王績

採藥層城遠尋師海路賒玉壺橫日月金闕斷煙霞  
仙人何處在道士未還家誰知彭澤意更覓步兵邪  
春釀煎松葉秋杯浸菊花相逢寧可醉定不學丹砂

學仙詞

邵謂

上仙傳秘訣澹薄與無營鍊藥  
變性不變形  
三尸既無累百慮自不生是知寸心中有路通上清  
祖龍好仙術燒却黃金精

學仙二首

常應物

昔有道士求神仙靈真下試心確然千鈞巨石一髮  
懸臥之石下十三年存道忘身一試過名奏玉皇乃  
升天雲氣冉冉漸不見留語弟子但精堅

石上鑿井欲到水情心一起中路止豈不見古來三  
人俱弟兄結茅深山讀仙經上有青真倚天之絕壁

唐詩類苑

卷之二五十二

子

下有颺颺萬壑之松聲仙人變化爲白鹿二弟說之  
兄誦讀讀多七過可乞言爲子心精得神仙可憐二  
弟仰天泣一失毫釐千萬年

顧雲在淮南以學仙詞寄之

李昭象

記得羣傳九轉方碧雲峰下祝虛皇丹砂未熟心徒  
切白日難留餐欲蒼無路洞天尋穆滿有時人世羨  
劉郎仙人恩重何由報焚盡星壇午夜香

求仙曲

孟郊

仙教生爲門仙宗靜爲根持心若忘求服食安足論

鍾惑有靈藥餌真成本源自當出塵網馭鳳登崑崙

求仙行

張籍

漢皇欲作飛仙子年年採藥東海裏蓬萊無路海無  
邊方士舟中相枕死招搖在天囚白日甘泉玉樹無  
仙實九皇真人終不下空向離宮祠太乙丹田有氣  
凝素華君能保之昇絳霞

夢仙

白居易

人有夢仙者夢身升上清坐乘一白鶴前引雙紅旌  
羽衣忽飄飄玉鸞俄錚錚坐空直下視人世塵冥冥  
漸失鄉國處繞分山水形東海一片白列嶽五點青

唐詩類苑

卷之二五十二

主

須更群仙來相引朝玉京安期羨門輩列侍如公卿  
仰謁玉皇帝稽首前致誠帝言汝仙才努力勿自輕  
却後十五年期汝不死庭再拜受斯言既寤喜且驚  
秘之不敢泄誓志居巖扃恩愛捨骨肉飲食斷羶腥  
朝食雲母散夜吸沆瀣精空山三十載日望輜輶迎  
前期過已久鸞鶴無來聲齒髮日衰白耳目減聰明  
一朝同物化身與糞壤并神仙信有之俗力非可營  
苟無金骨相不列丹臺名徒傳辟穀法虛受燒丹經  
只自取勤苦百年終不成悲哉夢仙人一夢誤一生

尋仙

張籍

谿頭一徑入青崖處處仙居隔杏花更見峰西幽客  
說雲中猶有兩三家

望仙

羅鄴

千金壘土望三山雲鶴無蹤羽衛還若說神仙求便  
得茂陵何事在人間

少室韋練師昇仙歌

皇甫冉

紅霞紫氣晝氤氲絳節青幢迎少君忽從林下昇天  
去空使時人禮白雲

謁仙

李商隱

從來繫日乏長繩水去雲迴恨不勝欲就麻姑買滄  
海詩類苑卷之一百五十二

海一杯春露冷如冰

遊仙

賈島

借得孤鶴騎高近金烏飛掬河洗老貌照月生光輝  
天中鶴路直天盡鶴一息歸來不騎鶴身自有羽翼  
若人無仙骨芝木無煩食

遊仙

劉復

稅駕倚扶桑逍遙望九州二老佐軒轅移戈戮蚩尤  
功成棄之去乘龍上天遊天上見玉皇壽與天地休  
俯視崑崙宮五城十二樓王母何窈窕玉質清且柔  
揚袂折瓊芳寄我天東頭相思千萬歲大運浩悠悠

安用知吾道日月不能周寄青鳥翼謝爾碧海流

小遊僊詩九十八首

曹唐

玉簫金瑟發商聲桑葉枯乾海水清淨掃蓬萊山上  
地略邀王母話長生

上元元日豁明堂五帝望空拜玉皇萬樹琪花千  
藥心知不敢輒形相

騎龍重過玉谿頭紅葉還春碧水流省得壺中見天  
地壺中天地不曾秋

真王未許久從容立在花前別甯封手把玉簫頭不  
舉自愁如醉倚黃龍

唐詩類苑卷之一百五十二

三

金殿無人鎖絳煙玉郎並不賞丹田白龍蹀躞難迴

跋爭下紅綃碧玉鞭

玄洲草木不知黃甲子初開浩劫長無限萬年年少

女手攀紅樹滿殘陽

宮闕重重閉玉林崑崙高闕采雲深黃龍掉尾引郎

去使妾月明何處尋

風滿塗山玉藥稀赤龍閒臥鶴東飛紫梨爛盡無人

喫何事韓君去不歸

武帝徒勞厭暮年不曾清淨不精專上元少女絕還

往滿竈丹成白玉煙

百辟朝回閉玉除，露風清宴桂花疎。  
西歸使者騎金虎，彈鞚垂鞭唱步虛。

南斗闌珊北斗稀，茅君夜著紫霞衣。  
朝騎白鹿趁朝去，鳳押笙歌逐後飛。

焚香獨自上天壇，桂樹風吹玉簡寒。  
長怕嵇康乏僊骨，與將僊籍再尋看。

水屋朱扉曉未開，誰將金策上瓊臺。  
碧花紅尾小僊子，閒吠五雲嗔客來。

酒醖春濃瓊草齊，真公欲散醉如泥。  
朱輪軋軋入雲去，行到半天聞馬嘶。

唐詩類苑

卷之三十三

三

白石山中自有天，竹花藤葉隔溪煙。  
朝來洞口圍棋了，賭得青龍直幾錢。

海水西飛照栢林，青雲斜倚錦雲深。  
水風暗入古山葉，吹斷步虛清磬音。

玉詔新除沈侍郎，便分茅土鎮東瓯。  
不知今夕游何處，侍從皆騎白鳳凰。

洞裏煙霞無歇時，洞中天地足金芝。  
月明明朗谿頭樹，白髮老人相對茶。

饑即餐霞悶即行，一聲長嘯萬山青。  
寄花渡水來相訪，珍重多才阮步兵。

東妃閒著翠霞裙，自領笙歌出五雲。  
清思密談誰第一，不過邀取小茅君。

月影悠悠秋樹明，露吹犀簾象牀輕。  
嬪妃久立帳門外，暗笑夫人推酒聲。

九天天路入雲長，燕使何由到上方。  
玉女暗來花下立，手援裙帶問昭王。

玉皇賜妾紫衣裳，交向桃源嫁阮郎。  
爛煮瓊花勸君喫，恐君毛鬢暗成霜。

花底休傾綠玉卮，雲中含笑向安期。  
窮陽有數不知數，大是人間年少兒。

唐詩類苑

卷之三十三

三

玉色雌龍金絡頭，真妃騎出縱閒遊。  
崑崙山上桃花底，一曲商歌天地秋。

閒來洞口訪劉君，緩步輕攬玉纁裙。  
細拍桃花擲流水，更無言語倚彤雲。

西漢夫人下太虛，九霞裙幅五雲輿。  
欲將碧玉相教示，自解盤囊出素書。

天上雞鳴海日紅，青腰侍女掃朱宮。  
洗花承葉瀝清酒，待與夫人邀五翁。

汗漫真遊實可奇，人間天上與人知。  
周王不信長生話，空使萋弘碧淚垂。



青錦縫裳綠玉襠滿身新帶五雲香閒依碧海攀鸞  
駕笑就蘇君覓橘嘗

鶴不西飛龍不行露乾雲破洞簫清少年僊子說閒  
事遙隔彩雲聞笑聲

洞裏煙深木葉飄乘風使君降玄都隔花相見遙相  
賀擎出懷中赤玉符

芝蕙芸花爛熳春瑞香煙露濕衣巾玉童私地誇書  
札偷寫雲瑤暗贈人

天上邀來不肯來人間雙鶴又空回秦皇漢武死何  
處海畔紅桑花自開

唐詩類苑

卷之百五十五

三

紫羽麾幢下玉京却邀真母入三清白龍久住潭相  
戀斜倚祥雲不肯行

鶴叫風悲竹葉疎誰來五嶺拜雲俱人間肉馬無輕  
步踏破先生一卷書

夜降西壇宴已終花殘月榭露朦朧誰遊八海門前  
過空洞一聲風雨中

忘却教人鎖後宮還丹失盡玉壺空姮娥若不偷靈  
藥爭得長生在月中

陽谷先生下宴時月元初冷紫瓊枝淒清金石揭天  
地事在世間人不知

共愛初平住九霞焚香不出閉金華白羊成隊難收  
拾喫盡溪頭巨勝花

酒盡香殘夜欲分青童拜問紫陽君月光悄悄笙歌  
遠馬影龍聲歸五雲

海樹靈風吹彩煙丹陵朝客欲昇天無央公子停鸞  
轡笑泥嬌妃索玉鞭

八景風回五鳳車崑崙山上看桃花若教使者沽春  
酒須覓餘杭阿母家

叔卿遍覽九天春不見人間故舊人怪得蓬萊山下  
水半成沙土半成塵

唐詩類苑

卷之百五十五

三

欲飲尊中雲母漿月明花裏合笙簧更教小柰將龍  
去便向金壇取阮郎

海上桃花千樹開麻姑一去不知來遼東老鶴應慵  
墮教探桑田便不回

昨夜相邀宴杏壇等閒乘醉走青鸞紅雲塞路東風  
緊吹破芙蓉碧玉冠

雲鶴冥冥去不分落花流水恨空存六丁玉女無期  
信道與留門却閉門

采女平明受事回暗交丹契錦囊開欲書密詔防人  
見佯喝青虬使莫來

太一元君昨夜過碧雲高閣綰婆娑手擡玉策紅於火敲斷金鸞使唱歌

碧瓦彤軒月殿開九天花落瑞風來玉皇欲著紅龍袞親喚金妃下手裁

長房自貴解飛鵬五色雲中獨閉門看却桑田欲成海不知還往幾人存

赤龍停步彩雲飛共道真王海上歸千歲紅桃香破鼻玉盤盛出與金妃

碧海靈童夜到時徒勞相喚上瑣池因循天子能開事縱與青龍不解騎

唐詩類苑

卷之一百五十五

天

且欲留君飲桂漿九天無事莫推忙青龍舉步行千里休道蓬萊歸路長

侍女親擎玉酒卮滿卮傾酒勸安期等閒相別三千歲長憶水邊分棗時

萬歲蛾眉不解愁旋彈清瑟旋開遊忽聞下界笙簫曲斜倚紅鸞笑不休

去住樓臺一任風十三天洞暗相通行厨侍女炊何物滿竈無煙玉炭紅

風動閒天清桂陰水精簾沈沈西妃少女多春思斜倚彤雲盡日吟

王母相留不放回偶然沈醉臥瑤臺憑君與向蕭郎道教著青龍取妾來

絳節笙歌繞殿飛紫皇欲到五雲歸細腰侍女瑤花外爭向紅房報玉妃

聞君新領八霞司此別相逢是幾時妾有一觥雲母酒請君終宴莫推辭

方士飛軒駐碧霞酒香風冷月初斜不知誰唱歸春曲落盡谿頭白玉花

方朔朝來到我家欲將靈樹出丹霞三千年後知誰在擬種紅桃待放花

唐詩類苑

卷之一百五十五

天

水滿桑田白日沈凍雲乾霰濕重陰遼東歸客閒相過因話堯年雪更深

朝回相引看紅鸞不覺風吹鶴整偏好是興來騎白鶴文妃爲伴上重天

公子閒吟八景文花南拜別上陽君金鞭遙指玉清路龍影馬嘶歸五雲

一百年中是一春不教日月輒移輪金鸞頭上蓬萊殿唯有人間鍊骨人

笑擎雲液紫瑤觥共請雲和碧玉笙花下偶然吹一曲人間因識董雙成

東皇長女沒多年從洗金芝到水邊無事伴他茶一局等閒輸却賣花錢

紅草青林日半斜閒乘小鳳出彤霞路尋故舊過西谷因得冰園一尺瓜

樹下星沈月欲高前溪水影濕龍毛洞天雲冷玉花發公子盡披雙錦袍

紫水風吹劍樹寒水邊年少下紅鸞未知百一窮陽數略請先生止的看

武皇含笑把金觥更請霓裳一兩聲護帳宮人最年少舞腰時挈繡裙輕

唐詩類苑

卷之二百五十五

三十

瓊樹扶疎壓瑞煙玉皇朝客滿花前東風小飲人皆醉短尾青龍枕水眠

形閣鐘鳴碧鷺飛皇君催熨紫霞衣丹房玉女心慵甚貪看投壺不肯歸

崑崙山上自鷄啼羽客爭昇碧玉梯因駕五龍看較藝白鸞功用不如妻

沙野先生閉玉虛焚香夜寫紫微書供承童子閒無事教到瓊花餵白驢

雲隴瓊花滿地香碧紗紅水遍朱堂外人欲壓長生籍拜請飛瓊報玉皇

玉洞長春風景鮮丈人私宴就芝田笙歌暫向花間盡便是人間一萬年

青童傳語便須回報道麻姑玉藥開滄海成塵老閒事且乘龍鶴看花來

絳樹彤雲戶半開守花童子怪人來青牛臥地喫瓊草知道先生朝未回

石洞沙谿二十年向明杭日夜朝天白磬煙盡水銀冷不覺小龍牀下眠

紫微深鎖敞丹軒太帝親談不死門從此百寮俱拜後走龍鞭虎下崑崙

唐詩類苑

卷之二百五十五

三十一

雲衫玉帶好威儀三洞真人入奏時煩著金鞭打龍角爲嗔西去上天遲

太子真娥相領行當天合曲玉簫清梨花新折東風軟猶在縵山樂笑聲

洞裏月明瓊樹風畫簾青室影朦朧香殘酒冷玉妃睡不覺七真歸海中

青苑紅堂壓瑞雲月明閒宴九陽君不知昨夜誰先醉書破明霞八幅裙

東溟兩度作塵飛一箇年來會同稀千樹梨花百壺酒共君論飲莫論詩

滄海令拋卽未能且緣鸞鶴立相仍蔡家新婦莫嫌  
少領取真珠三五升

谿影沈沙樹影清人家皆踏五音行可憐三十六天  
路星月滿空瓊草青

北斗西風吹白榆穆公相笑夜投壺花前玉女來相  
問賭得青龍許贖無

九天王母皺蛾眉惆悵無言倚桂枝悔不長留穆天  
子任將妻妾住瑤池

暫隨鳬伯縱閒遊飲鹿因過翠水頭宮殿寂寥人不  
見碧花菱角滿潭秋

唐詩類苑

卷之一百五十五

三

新授金書八素章玉皇教妾主扶桑與君一別三千  
歲却厭僊家日月長

八海風涼水影高上卿教製赤霜袍蛟絲玉線難裁  
割須借玉妃金剪刀

海上風來吹杏枝崑崙山上看花時紅龍錦襜黃金  
勒不是充君不得騎

絳闕夫人下北方絳環清珮響丁當攀花笑入春風  
裏偷折紅桃寄阮郎

昇天行貽盧六健

儲光義

真人居闔苑時奏清商音聽者卽王母冷冷和瑟琴

坐對三花枝行隨五雲陰天長崑崙小日久蓬萊深  
上由玉華宮下視首陽岑神州亦清淨要自有浮沈  
惻惻苦哉行呱呱遊子吟盧山逢若士思欲化黃金  
雨雪沒太山誰能無歸心逍遙在雲漢可以來相尋

昇天行

僧貫休

身不沈骨不重驅青鸞駕白鳳幢蓋飄搖人冷空天  
風瑟瑟星河動瑤闕參差阿母家樓臺虛閉凝彤霞  
五三仙子乘龍車堂前碾爛蟠桃花回頭却顧蓬山  
頂一點濃嵐在深井

昇天行

李咸用

唐詩類苑

卷之一百五十五

重

堂堂削玉青蠅喧寒鴉啄鼠愁飛鸞梳玄洗白逡巡  
間蘭言花笑俄衰殘盤金束紫身屬官強仁小德終  
無端不如服取長流丹潛神却入黃庭閑志定功成  
飛九關逍遙長揖辭八寰空中龍駕時迴旋左雲右  
鶴翔翩聯雙童樹節當風飈常娥倚桂開朱顏河邊  
牛子星郎牽三清宮殿浮晴煙玉皇據案方凝然仙  
官立仗森幢幡引余再拜歸仙班清聲妙色視聽安  
食和飲順中腸寬虛無之樂不可言

天上謠

李賀

天河夜轉漂迴星銀浦流雲學水聲玉宮桂樹花未

落仙妾採香垂佩纓秦妃捲簾北窻曉窻前植桐金  
鳳小王子吹笙鵝管長呼龍耕煙種瑶草粉霞紅綬  
藕絲裙青洲步拾蘭茗春東指義和能走馬海塵新  
生石山下

夢上天

元稹

夢上高高天高高蒼蒼高不極下視五嶽塊礪礪仰  
天依舊蒼蒼色踏雲聳身身上攀天上天攀未得  
西瞻若水兔輪低東望蟠桃波黑日月之光不到  
此非暗非明煙塞塞天悠地遠身跨風下無階梯上  
無力來時畏有他人上截斷龍胡斬鵬翼茫茫漫漫

唐詩類苑

卷之一百五十五

三

方自悲哭向青雲椎素臆哭聲厭咽旁人惡喚起驚  
悲淚飄露千慙萬謝喚厭人向使無君終不寤

帝子歌

李賀

洞庭帝子一千里涼風鴈啼天在水九節菖蒲石上  
死湘神彈琴迎帝子山頭老桂吹古香雌龍怨吟寒  
水光沙浦走魚白石郎閒取真珠擲龍堂

來日大難

李白

來日一身攜糧負薪長鳴金盡苦口焦唇今日醉飽  
樂過千春仙人相存  
乘龍天飛目瞻兩角  
金丹滿握螭蟄蒙恩

深愧短促思填東海強街一木道重天地軒師廣成  
蟬翼九五以求長生下士大笑如蒼蠅聲

上雲樂

李白

金天之西白日所沒康老胡雛生彼月窟巉巖容儀  
戾削風骨碧玉炁晃雙目瞳黃金拳拳兩鬢紅華蓋  
垂下曉嵩岳臨上層不覩詭譎貌豈知造化神大道  
是文康之嚴父元氣乃文康之老親撫頂弄盤古雅  
車轉天輪云見日月初生時鑄冶火精與水銀陽烏  
未出谷顧兔半藏身女媧戲黃土團作愚下人散在  
六合間濛濛若沙塵生死了不盡誰明此胡是仙真

唐詩類苑

卷之一百五十五

三

西海裁若木東溟植扶桑別來幾多時枝葉萬里長  
中國有七聖半路頽洪荒陛下應運起龍飛入咸陽  
赤眉立盆子白水興漢光叱咤四海動洪濤爲簸揚  
舉足踏紫微天關自開張老胡感至德東來進仙倡  
五色獅子九苞鳳凰是老胡鷄犬鳴舞飛帝鄉淋漓  
颯沓進退成行能胡歌獻漢酒跪雙膝並兩肘散花  
拍天舉素手拜龍顏獻聖壽北斗戾南山摧天子九  
九八十一萬歲長傾萬歲杯

清都夜境

白居易

夜久連觀靜斜月何晶瑩寥天如碧玉歷歷綴華星

樓榭自陰映雲牖深冥冥纖埃悄不起玉砌寒光清  
栖鶴露微影枯松多怪形南廂儼容衛音響如可聆  
啓聖發空洞朝真趨廣庭閑開蕊珠殿暗閱金字經  
屏氣動方息凝神心自靈悠悠車上馬浩思安得寧

古有所思行

李白

我思仙人乃在碧海之東隅海寒多天風白波連山  
倒蓬壺長鯨噴湧不可涉撫心茫茫淚如珠西來青  
鳥東飛去願寄一封謝麻姑

引極三首

有序

元結

引極興也喻也引之言演極之言盡演意盡物引

唐詩類苑

卷之二百五十一

美

興極喻故曰引極

思元極

天曠漭兮杳泱茫氣浩浩兮色蒼蒼上何有兮人不  
測積清寥兮成元極彼元極兮靈且異思一見兮藐  
難致思不從兮空自傷心慙悵兮意惶懷思假翼兮  
鸞鳳乘長風兮上狂揖元氣兮本深實食至和兮永  
終日

望仙府

山鑿落兮眇欽岑雲溶溶兮水琴琴中何有兮人不  
覩遠歎差兮閼仙府彼仙府兮深且幽望一至兮藐

無由望不從兮知如何心混混兮意渾渇和思假足兮  
虎豹超阻絕兮凌越詣仙府兮從羽人餌五靈兮保  
清真

懷潛君

海浩渺兮汨洪濬流蘊蘊兮濤洶洶下何有兮人不  
聞源溢漭兮居潛君彼潛君兮聖且神思一見兮藐  
無因思不從兮空踟躕心迴迷兮意繁紆思假鱗兮  
鯁龍激沅浪兮奔從拜潛君兮索玄寶佩元符兮軌  
遑道

偶題

杜牧

唐詩類苑

卷之三百五十一

美

道在人間或可傳小還輕變已多年今來海上昇高  
望不到蓬萊不是仙

唐詩類苑卷第一百五十三

明雲間張之象玄超甫纂輯

雲間朱家法季則甫編次

雲間王微叔朗甫補訂

梁谿曹仁孫伯安甫校正

道部

道士

奉敕撰道家四首

張說

金壇啓曙闡真氣肅微微落月銜仙寶初霞拂羽衣  
香隨龍節下雲逐鳳簫飛暫往蓬萊戲千年始一歸

唐詩類苑

卷之三十三

一

二

窈窕流精觀深沉紫翠庭金奩調上藥寶按讀仙經  
作賦看神雨乘槎辨客星祗應謝人俗輕舉託雲駟

三

金爐承道訣玉牒啓玄機雲逐笙歌度星流宮殿飛  
乘風嬉浩蕩窺月弄光輝唯有三山鶴應同千載歸

四

道記開中錄真官表上清焚香三鳥至鍊藥九仙成  
上靈書下空中妙妓迎迎來出煙霧渺渺戲蓬瀛

同工部李侍郎適訪司馬子微

沈佺期

紫微降天仙丹地投雲藻上言華頂事中間長生道  
華頂居最高大壑朝陽早長生術何妙童顏後天老  
清晨朝鳳京靜夜思鴻寶憑崖飲蕙氣過礪摘靈草  
人非塚已荒海變田應燥昔嘗遊此郡三霜弄溟島  
緒言霞上開機事塵外掃頃來迫世務清曠未云保  
崎嶇待漏思休惕司言造軒皇重齋拜漢武愛祈禱  
順風懷崆峒承露在豐鎬冷然委輕馭復得散幽抱  
柱下留伯陽諸闈登四皓聞有參同契何時一探討

賜道士鄧紫陽

玄宗

唐詩類苑

卷之三十三

二

太乙三門訣元君六甲符下傳金版術上刻玉清書  
有美探真士囊中得秘書自茲三醮後翊我滅殘胡

寄天台司馬道士

宋之問

臥來生白髮覽鏡忽成絲遠愧餐霞子童顏且自持  
舊遊惜踈曠微尚日磷緇不寄西山藥何由東海期

寄天台司馬道士

張說

世上求真客天台去不還傳聞有仙要夢寐在茲山  
朱闕青霞斷瑤堂紫月閒何時往飛鶴笙吹接人間

寄天台司馬道士

崔湜

聞有三元客祈仙九薄成人間白雲返天上赤龍迎



尚惜金芝晚仍攀琪樹榮何年緱嶺上一謝洛陽城

寄天台道士

孟浩然

海上求仙客三山望幾時焚香宿華頂裏露採靈芝  
屢踐莓苔滑將尋汗漫期倘因松子去長與世人辭

王居山送道士司馬承禎還天台

唐 宗

紫府求賢士清溪祖逸人江湖與城闕異迹且殊倫  
聞有幽棲者居然厭俗塵林泉先得性芝桂欲調神  
地道踰雞嶺天台接海濱音徽從此間萬古一芳春

寄司馬山人十二韻

杜甫

唐詩類苑

卷之百五十三

三

關內昔分袂天邊今轉蓬驅馳不可說談笑偶然同  
道術曾留意先生早擊蒙家家迎薊子處處識壺公  
長笑峨嵋北潛行玉壘東有時騎猛虎虛室使仙童  
髮少何勞白顏衰肯更紅望雲悲輶軻畢景羨冲融  
喪亂形仍役淒涼信不通懸旌要路口倚劍短亭中  
永作殊方客殘生一老翁相哀骨可換亦遣馭清風

送司馬先生

李 嶠

蓬閣桃源兩處分人間海上不相聞一朝琴裡悲黃  
鶴何日山頭望白雲

東陵藥堂寄張道士

錢 起

木落蒼山空當軒秋水色清旦振衣坐永吟意何極  
願言金丹壽一假鸞鳳翼日夕開直經言忘心更默  
玄都有仙子採藥早相識煙露難再期焚香空歎息

山中逢道士雲公

孟浩然

春餘草木繁耕種滿田園酌酒聊自勸農夫安與言  
忽聞荆山子時出桃花源採樵過北谷賣藥來西村  
村烟日云夕榛路有歸客杖策前相逢依然是疇昔  
邂逅歡覲止殷勤敘離隔謂余搏扶桑輕舉振六翮  
奈何偶昌運獨見遺草澤既笑接輿狂仍憐孔丘厄  
物情趨勢利吾道貴閑寂偃息西山下門庭罕人跡  
何時還清溪從爾煉丹液

唐詩類苑

卷之百五十三

四

過瑞龍觀道士

錢 起

不知誰氏子鍊魄家洞天鶴待成丹日人尋種杏田  
靈山含道氣物性皆自然白鹿顧瑞草驪龍蟠玉泉  
得茲象外趣便割區中緣石竇采雲母霞堂陪列仙  
主人善止客柯爛忘歸年

贈城郭道士

孟 郊

望裏失却山聽中遺却泉松枝休策雲藥囊翻貯錢  
曾依青桂鄰學得白雲絃別別意未迴世上爲隱仙

寄全椒山中道士

韋應物

今朝郡齋冷忽念山中客潤底東一作采荆薪歸來煮白石欲持一瓢酒遠慰風雨夕落葉滿空山何處尋行跡

尋華山雲臺觀道士 錢起

秋日西山明勝趣引孤策桃源數曲盡洞口兩岸折還從罔象來忽得仙靈宅霓裳誰之子霞酌能止客殘陽在翠微携手更登歷林行拂煙雨溪望亂金碧飛鳥下天窻裏松際雲壁稍尋玄蹤遠宛入寥天寂願言葛仙翁終年鍊玉液

訪嵩陽道士不遇 孟郊

唐詩類苑

卷之五十五

五

先生五嶽遊文焰藏金鼎日下鶴過時人間空落作人請影常言一粒藥不墮生死境何當列禦寇去問仙

寄劉道士島 張說

真人紫絳氣邀我丹田宮遠一作遙寄雙飛鳥焉飛不礙空

題井陘雙溪李道士所居 岑參

五粒松花酒雙溪道士家唯一作欲求繡帶地鄉地莫教賒

寄龍山道士許法稜 劉長卿

悠悠白雲裏獨住青山客林下晝焚香桂花同寂寂送道士 孟郊

山居晚眺贈王道士 王勃

金壇殊俗宇玉洞似仙羣花枝栖晚露峰葉度晴雲斜照移仙影迴沙擁籥文琴尊方待興竹樹已迎曛

贈道士 駱賓王

霧濃金竈靜雲暗玉壇空野花常捧露山葉自吟風林泉明月在詩酒故人同待余逢石髓從爾命飛鴻

唐詩類苑

卷之三十三

六

秋日餞陸道士陳文林

駱賓王

陸道士將遊西輔通莊指浮氣之關陳文林言返東吳修途走落星之浦于是維舟錦水籍蘭若以開筵綈騎金隄泛榴花於祖道于時赤煙沉節青女司晨霜鴈銜蘆舉賓行而候氣寒蟬噪柳帶涼序以含情加以山嶺太行登羊腸而飛蓋河通少海疏馬頰以開關登高切送歸之情臨水感逝川之嘆既而嗟別路之難駐惜離樽之易傾雖漆園筌蹄已忘言於道而維揚風雨尚待情于詠歌

各賦一言同爲四韻庶幾別後有暢離憂云爾

青牛遊華嶽赤馬走吳宮玉柱離鴻怨金疊浮蟻空  
日霽嶠陵雨塵起洛陽風唯當玄度月千里與君同

送楊道士往天台

張九齡

鬼谷還成道天台去學仙行應松子化留與世人傳  
此地煙波遠何時羽駕旋當須一把袂城郭共依然

送張道士歸山

王維

先生何處去王屋訪茅君別婦留丹訣驅雞入白雲  
人間苦難住天上復離羣當作遼城鶴仙歌使爾聞

尋梅道士

孟浩然

唐詩類苑

卷之百五十五

七

彭澤先生柳山陰道士鵝我來從所好停策夏陰多  
重以觀魚樂因之鼓枻歌崔徐迹未朽千載揖清波

送柳道士

錢起

去世能成道遊仙不定家歸期千歲鶴行邁五雲車  
海上春應盡壺中日未斜不知相憶處琪樹幾枝花

酬崔侍御期籍道士不至兼寄

皇甫冉

一心求妙道幾歲候真師丹竈金何在白雲無定期  
崑崙景致絕汗漫往還遲君但焚香待人間到有時

靈都觀李道士

張籍

山觀雨來靜遠芳瓊草春素書天上字花洞古時人  
泥竈煮靈液掃壇朝玉真幾迴遊闔苑青節亦隨身

送王道士

馬戴

真人俄整舄雙鶴屢飛翔恐入壺中住須傳肘後方  
霓裳雲氣潤石徑木苗香一去何時見仙家

送荀道士歸廬山

李端

先生歸有處欲別笑無言綠水到山口青林遶洞門  
月明尋石路雲霧望花源早晚還乘鶴悲歌向故園

尋紀道士偶會諸叟

李益

山陰尋道士映竹羽衣新侍坐雙童子陪遊五老人  
唐詩類苑 卷之百五十五 八

水松花下靜壇草雪中春見說桃源洞如今猶避秦

長社竇明府宅夜送王屋道士常究子

李益

旦隨三鳥去羽節凌霞光暮與雙鳬宿雲車下紫陽  
天壇臨月近洞水出山長海嶠年年別丘陵徒自傷

贈王道士

僧清塞

藥力資蒼鬢應非舊日身一爲嵩岳客幾葬洛陽人  
冰縫瓢探水雲根斧斷新關西往來熟誰得水銀銀

贈道士

僧貫休

聞茸復埃塵難親復易親皆疑有仙術問著却愁人

祇是耽浮蟻曾云見泣麟相逢先合掌渾似有前因

贈道者

朱慶餘

獨住神仙境門當瀑布開地多臨水石行不惹塵埃  
風起松花散琴鳴鶴翅回還歸九天上時有故人來

山中道士

賈島

頭髮梳千下休糧帶瘦容養雛成大鶴種子作高松  
白石通宵煮寒泉盡日春不曾離隱處那得世人逢

題南峰褚道士

于鵠

得道南山久曾教四皓基閉門醫病鶴倒篋養神龜  
松際風長在泉中草不衰誰知茅屋裏有路向峨嵋

唐詩類苑

卷之五十三

九

遊清都觀尋沈道士得清字

許敬宗

幽人蹈箕穎方士訪蓬瀛豈若逢真氣齊昇無體名  
既詮衆妙理聊暢遠遊情縱心馳貝闕怡神想玉京  
或命餘杭酒時聽洛濱笙風衢通閭苑星使下層城  
蕙帳晨飈動芝房夕露清方叶棲遲趣于此聽鐘聲

贈李榮道士

盧照隣

錦節銜天使瓊仙駕羽君投金翠山曲尊壁清江濱  
圓洞開丹鼎方壇聚絳雲資貺幽難識空歌迥易分  
風擺十洲影日亂九江文敷誠歸上帝昭應在明君

獨有南冠客耿耿泣離羣遙看八會所真氣曉氤氲

送暨道士還玉清觀

李頎

仙官有名籍度世吳江濱大道本無我青春長與君  
中州俄已到至理得而聞明主降黃屋時人看白雲  
空山何窈窕三秀日氤氲遂此留書客超遙煙駕分

贈焦道士

王維

海上遊三島淮南預八公坐知千里外跳向一壺中  
縮地朝珠闕行天使玉童飲人聊割酒送客乍分風  
天老能行氣吾師不養空謝君徒雀躍無可問鴻濛

送王道士還山

李頎

唐詩類苑

卷之五十三

十一

嵩陽道士餐柏實居處山花對石室心窮伏火陽精  
丹口誦淮王萬畢術自言神訣不可求我師聞之玄  
圃遊出入彤庭佩金印承恩赫赫如王侯雙峰樹下  
曾受業應傳肘後長生法吾聞仙地多後身安知不  
是且茨人玉膏清冷瀑泉水白雲溪中日方此從今  
不見數十年鬢髮顏容只如是先生捨我欲何歸竹  
杖黃裳登翠微當有巖前白蝙蝠迎君日暮雙來飛

望龍山懷道士許法稜

劉長卿

心惆悵望龍山雲之際鳥獨還懸崖絕壁幾千丈綠  
蘿嫋嫋不可攀龍山高誰能踐靈原中蒼翠晚嵐煙

瀑水如向人終日迢迢如在眼中有一人披霓裳誦  
經山頂餐瓊漿空林閒坐獨焚香真官列侍儼成行  
朝入青霄禮玉堂夜掃白雲眠石牀桃花洞裏居人  
滿桂樹山中住日長龍山高高遙相望

贈別華陰道士

韓翃

紫府先生舊同舍腰隨彤管貯靈藥耻論方士小還  
丹好飲仙人太玄酪芙蓉山玉池西一室平臨萬  
仞溪晝灑瑤臺五雲濕夜行金燭七星齊回身暫下  
青冥裏方外相尋有知己賣藥市中何許人釣魚坐  
上誰家子青青百草雲臺春煙駕霓裳白角巾露葉

唐詩類苑

卷之三十五

十一

獨歸仙掌去回風片雨謝時人

送王道士還京

賈至

一片仙雲入帝鄉數聲秋鴈至衡陽借問清都舊花  
月豈知遷客泣瀟湘

同學彭道士參寥

李商隱

莫羨仙家有上真僊家暫謫春月中桂樹高多  
少試問西河斫樹人

寄永道士

李商隱

共上雲山獨下遲陽臺白雲如綠君今併倚三珠  
樹不記人間落葉時

同韋員外開元觀尋時道士

張籍

觀裏初晴竹樹涼閒行共到最高房昨來官罷無生  
計欲就師求斷穀方

尋徐道士

張籍

尋師遠道暉天觀竹院森森閉藥房聞入靜來經七  
日仙童簷下獨焚香

贈道士

張籍

郊山近別剡谿逢玉節青旄十二重自說年年上天  
去羅浮最近海邊峰

唐詩類苑

卷之三十五

十二

送洪道士歸山院

秦系

霞外主人門不扃數枝桃李藥囊青閒行池畔隨孤  
鶴若問多應道姓丁

答東林道士

韋應物

紫閣西邊第幾峰茅齋夜雪虎行蹤遙看黛色知何  
處欲出山門尋暮鐘

傷桃源薛道士

劉禹錫

壇邊松在鶴巢空白鹿閒行舊徑中手植紅桃千樹  
發滿山無主任春風

送張道士歸山謁李尊師

皇甫冉

向山獨有一人行近洞應逢雙鶴迎常以素書傳子弟還同白石號先生無窮杏樹行時種幾許芝田向月耕師事少君年歲久欲隨旄節往層城

酬暢當尋嵩嶽麻道士見寄二首

盧綸

聞逐樵夫閒看棋忽逢人世是秦時開雲種玉嫌山淺渡海傳書怪鶴遲陰洞石幢微有字古壇松樹半無枝煩君遠視青囊錄願得相從一問師自別前峰隱同爲外累侵幾年親酒會此日有僧尋

唐詩類苑

卷之五十三

十三

學稼功還棄論邊事亦沉衆歡徒滿目專愛久離心覽鬢絲垂鏡彈琴淚灑襟訪田悲洛下寄宅憶山陰薄溜漫青石橫雲架碧林壤簷藤陣密衰菜棘籬深流散俱多故憂傷併在吟唯當埃高躅歸止共抽簪

送胡道士

賈島

短褐身披滿漬苔靈溪深處觀門開却從城裏移琴去許到山中寄藥來臨水古壇秋醮罷宿山幽鳥夜飛迴丹梯願逐真人上日夕歸心白髮催

送道士

張籍

城裏無人得實年衣巾常帶臭黃煙樓中賒酒惟留

藥洞裏爭棋不賭錢聞客語聲知貴賤持花歌詠似狂顛尋常行處多逢見世上多疑是謫仙

贈道士

李端

姓氏不書高士傳形神自得逸人風已傳花洞將秦接更持茅山與蜀道頗說歲年齊絳老甘爲鄉曲號涪翁終朝賣藥無人識瞥眼徒行入市中

贈太清盧道士

王建

上清道士未昇天南嶽中華作散仙書賣八方通學丹燒九轉定人年修行近日形如鶴導引多時骨似綿想向諸山尋禮遍却迴還守老君前

唐詩類苑

卷之五十三

十四

和樂天尋郭道士不遇

昔常爲僧于荊州相別

元稹

昔年我見杯中渡今日人言鶴上逢兩虎定隨千歲鹿雙林添作幾株松方瞳應是新燒藥短脚知緣舊施膏爲僧時疾欲請僧還遠相畫苦愁頻變本形容

贈朱道士

白居易

儀容白質上仙郎方寸清虛內道場兩翼化生因服藥三尸餓死爲休糧醮壇北向宵占斗寢室東開早納陽盡日窻間更無事唯燒一炷降真香

贈李道士

僧濟塞

布褐高眠石竇春，進泉多濺黑紗巾。昂頭說易常閒客，落手圍棋對俗人。自筭天年窮甲子，誰同兩夜守庚申。擬歸太華何時去，他日相逢乞藥銀。

顧道士亡弟子乞銘于龔美既而奉以束帛

因賦戲贈

陸龜蒙

童初真府召爲郎，君與抽毫刻便房。亦謂神仙同許郭，不妨才力似班揚。比于黃絹詞猶妙，酬以霜縑價未當。唯有文無賣處，筆鋒銷盡墨池荒。

奉和

皮日休

師去東華却鍊形，門人求我誌金庭。大椿枯後新爲

唐詩類苑

卷之三十三

十五

記仙鶴亡來始有銘，瓊板欲刊知不朽。冰統將受恐通靈，君才莫嘆無茲分。合注神玄劍解經

傷開元觀顧道士

皮日休

協晨宮上啓金扉，詔使先生坐蛻歸。鶴有一聲應是哭，丹無餘粒恐潛飛。煙棲玉笥封雲篆，月慘琪花葬羽衣。腸斷雷平舊遊處，五芝無影草微微。

和傷顧道士

張賁

鳳麟膠盡夜如何，共嘆先生斂解多。幾度吊來唯白鶴，此時乘去必青騾。箇中含景隨殘照，琴裏流泉寄逝波。悵望真靈又空返，玉書誰授紫微歌。

和傷顧道士

陸龜蒙

何事神超入杳冥，不騎孤鶴上三清。多應白簡迎將去，卽是朱陵鍊更生。藥萸肯同椒醕味，雲謠空替薤歌聲。武皇徒有飄飄思，誰問山中宰相名。

和傷顧道士

鄭壁

斜漢銀澗一夜東，飄飄何處五雲中。空留華表千年約，纔畢丹爐九轉功。形蛻遠山孤壙月，影寒深院曉松風。門人不覩飛昇去，猶與浮生哭恨同。

奉餞高尊師如貴道士傳道錄畢歸北海

李白

唐詩類苑

卷之三十三

十六

道隱不可見，靈書藏洞天。吾師四萬劫，歷世遞相傳。別杖留青竹，行歌躡紫煙。離心無遠近，長在玉京懸。

謁李尊師

奚賈

萬物返常性，唯道貴自然。先生亦敷微，隱几爲列仙。鍊魄閉瓊戶，卷毛飛洞天。將知道遙久，得道無歲年。

送宣尊師醮畢歸越

劉長卿

吹簫江上晚惆悵，別茅君踏火能飛。雲空乃入白雲晨，香長日在夜磬滿山聞。揮手桐溪路無情，水亦分茅山贈梁尊師。許渾雲屋何年客，青山白石長種花。春掃雪看錄夜聞香。



上象壺中闊平生夢裏忙幸承仙籍後乞取一作大還方

送王尊師

盧綸

夢別一仙人霞衣滿鶴身旌幢天路晚桃杏海山春種玉非求稔燒金不爲貧自憐頭白早難與葛洪親

送葉尊師歸處州

耿漳

風馭南行遠長山與夜江羣袂離分野五嶽拜旌幢石髓調金鼎雲漿實玉釭狎狎吹聲曉洞府有仙旌

寄續尊師

于鵠

得道任髮白亦逢城市遊新經天上取稀藥洞中收

唐詩類苑

卷之百五十三

七

春木帶枯葉新蒲生漫流年年望靈鶴常在此山頭

尋賈尊師

盧綸

玉洞秦時客焚香映綠蘿新傳左慈訣曾與右軍驚并曰陰苔遍方書古字多成都今日雨曾與酒相和

同竇牟韋執中尋劉尊師不遇

秦客何年駐僊源此地深還隨躡蹻騎來訪馭風襟

院閉青霞入松高老鶴尋猶疑隱形坐敢起竊桃心

過觀樓李尊師

盧綸

城闕望烟霞常悲仙路賒寧知樵子逕得到葛洪家

犬吠松間月人行洞裏花留詩千歲鶴送客五雲車訪世山空在觀棋日未斜不知塵俗士誰解種胡麻

送王尊師歸蜀中

王維

大羅天上神仙客濯錦江頭花柳春不爲碧雞稱使者唯令白鶴報鄉人

寄許尊師

劉長卿

獨上雲梯入翠微濛濛煙雪映巖扉世人知在中峰裏遙禮青山恨不歸

寄劉尊師

韋應物

世間往苒榮此身長望碧山到無因白鶴徘徊看不

唐詩類苑

卷之百五十三

十八

去遙知下有清都人

寄黃尊師

韋應物

結茅種杏在雲端掃雪焚香宿石壇靈祇不許世人到忽作雷風登嶺難

再游西山贈許尊師

張翥

別後已聞師得道不期猶在此山頭昔時霜鬢今如漆疑是年光却倒流

題霍山秦尊師

鄭雲叟

老鶴玄猿伴採芝有時長嘆獨移時翠娥紅粉渾如劍殺盡世人人不知

送李尊師玄

孟郊

口誦碧簡文身是青霞君頭冠兩片月肩披一條雲  
松骨輕自飛鶴心高不羣

送方尊師歸嵩山

王維

仙官欲往九龍潭毛節朱幡倚石龕山壓天中半天  
上洞穿江底出江南瀑布杉松常帶雨夕陽彩翠忽  
成嵐借問迎來雙白鶴已曾衡嶽送蘇耽

寄黃劉二尊師

韋應物

廬山兩道士各在一峰居矯掌白雲表晞髮陽和初  
清夜降真侶焚香滿空虛中有無爲樂自然與世疎

唐詩類苑

卷之百五十三

九

道尊不可屈符守豈暇餘高齋遙致敬願示一編書

送張尊師歸洞庭

許渾

能琴道士洞庭西風滿歸帆路不迷對岸水花霜後  
淺傍簷山果雨來低杉松近晚移茶竈巖谷初寒蓋  
藥畦他日相思兩行字無人知處武陵溪

送王尊師歸湖州

司空曙

煙蕪滿洞青山遠幢節飄空紫鳳飛金闕乍看迎日  
麗玉簫遙聽隔花微多開石髓供調膳時向霓裳奉  
易衣莫學遼東華表上千年始欲一迴歸

送王尊師之晉陵

羅隱

棟間雲出認行軒郊外陰陰夏木繁高道乍爲張翰  
侶使君兼是世龍孫溪含句曲清連底酒賞餘杭渌  
滿罇莫見時危便乘興興來何處不桃源

送程尊師東游有寄

羅隱

華蓋峰前擬卜耕主人無柰又閒行且憑鶴駕尋滄  
海必恐犀軒過赤城絳簡便應朝右弼紫旄兼合見  
東卿勸君莫忘歸時節芝似螢光處處生

宿廬山贈白鶴觀劉尊師作

包佶

蒼蒼五老霧中壇杳杳三山洞裏觀手護崑崙象牙

唐詩類苑

卷之百五十三

二十

簡心推霹靂棗枝盤春飛雪粉如毫潤曉漱瓊膏水  
齒寒漸恨流年筋力少惟思露冕事星冠

贈天台葉尊師

方干

莫見平民離少室須知薄暮入天台當時愛宿山川  
去有夜自移星月來靈藥不須前代得古松應是長  
年栽先生暗笑看棋者半局碁邊白髮催

寄第五尊師

羅隱

若溪煙月久因循野鶴衣裘獨重綸只說泊船無定  
處不知携手是何人黃檗日因尸鬼青白曉時注  
拙神欲訪先生問經史世間難得自由身

寄程尊師

羅隱

鶴信雖然到五湖，煙波迢遞路崎嶇。  
玉書分薄花生眼，金鼎功遲雪滿顱。  
三秀紫芝勞夢寐，一番紅萼恨朝晡。  
未知朽敗凡間骨，中授先生指校無。

玉真觀尋趙尊師不遇

姚鵠

羽客朝元晝掩扉，林中一徑雪中微。  
松陰遶院鶴相對，山色滿樓人未歸。  
盡日獨思風馭返，寥天幾望野雲飛。  
凭高目斷無消息，自醉自吟愁落暉。

題茅山李尊師所居

僧貫休

天師百歲少如童，不到山中更不逢。  
洗藥每臨新瀑水，步虛時繞最高峰。  
籬根五月留殘雪，座右千年陰古松。  
此去人寰知近遠，迴看路隔一重重。

唐詩類苑

卷之百五十三

三

送劉尊師祇詔闕庭三首

曹唐

海風葉葉駕霓旌，天路悠悠接上清。  
錦誥淒涼遺去恨，玉簫哀絕醉離情。  
五湖夜月幡幢濕，雙闕清風劍佩輕。  
從此暫辭華表柱，便應千載是歸程。

五峰已別隔人間，雙闕何年再復還。  
旣掃一作山川

收地脉，須留日月駐天顏。  
霞觴共飲身須在，風馭難陪跡未閒。  
從此枕中雖有記，夢魂何處訪三山。  
仙老閒眠碧草堂，常書徵入白雲鄉。  
龜臺欲署長生

籍鸞殿，邀論不死方。  
紅露想傾延命酒，素煙思養降真香。  
五千言外無文字，更有何詞贈武皇。

貽韋鍊師

儲光羲

精思莫知日，意靜如空虛。  
三鳥自來去，九光遙卷舒。  
彩地近天井，玉宇停雲車。  
余亦苦山路，洗心祈道書。  
退朝迴與王鍊師遊南山下

白居易

藹藹春景餘，峩峩夏雲初。  
躑躅退朝騎，飄颻隨風裾。  
晨從四丞相，入拜白玉除。  
暮與一道士，出尋清溪居。  
吏隱本齊致，朝野孰云殊。  
道出有中適，機忘無外虞。  
唐詩類苑 卷之百五十三 三  
但愧煙霄上鸞鳳，爲吾徒又慙雲水間。  
鷗鶴不我疎，坐傾數杯酒，臥枕一卷書。  
興酣頭兀兀，睡覺心于于。  
以此送日月，問師爲何如。

同微之贈別郭虛舟鍊師五十韻

白居易

我爲江司馬，君爲荆判司。  
俱當愁悴日，始識虛舟師。  
師年三十餘，白髮好容儀。  
專心在鉛汞，餘力工琴棋。  
靜彈絃數聲，閒飲酒一巵。  
因指塵土下，蟬蛸良可悲。  
不聞姑射上，午歲冰雪肌。  
不見遼城外，古公塚壘壘。  
嗟我天地間，有術人莫知。  
得可逃死籍，不唯走五刑。

授我參同契其辭妙且微六一閱扁鐫子午守雌  
我讀隨日悟心中了無疑黃芽與紫車謂其坐致之  
自負因自嘆人生號男兒若不佩金印卽合翳玉芝  
高謝人間世深結山中期泥壇方合矩鑄鼎圓中規  
鑪橐一以動瑞氣紅輝輝齋心獨嘆拜中夜偷一窺  
二物正訢合厥狀何怪奇綢繆夫婦體狎獵魚龍姿  
簡寂鎗鐘後紫霄峰曉時心塵未淨潔火候遂參差  
萬壽覬刀圭千功失毫釐先生彈指起姤女隨煙飛  
始知緣會間陰陽不可移藥竈今夕罷詔書明日追  
追我復追君次第承恩私官雖小大殊同立白玉墀

唐詩類苑

卷之百五十三

王

我直紫微闥手進賞罰詞君侍玉皇座口含生殺機  
直躬易媒孽浮俗多瑕疵轉徙今安在越嶠吳江湄  
一提支郡印一建連帥旗何言四百里不見如天涯  
秋風旦夕來白日西南馳雪霜各滿鬢朱紫徒爲衣  
師從廬山洞訪舊來于斯君尋又覓我風馭紛逶迤  
帔人曳黃絹鬢髮垂青絲逢人但歛手問道亦頷頤  
孤雲難久留十日告將歸欸曲話平昔殷勤勉衰羸  
後會杳何許前心日磷緇俗家無異物何以充別資  
素牋一百句題附元家詩朱頂鶴一隻與師雲間騎  
雲間鶴背上故情若相思時時摘一句唱作步虛辭

送王鍊師赴王屋洞

權德輿

稔歲在芝田歸程入洞天白雲辭上國青鳥令春還  
自以棋消日寧資藥駐年相看話離別風馭忽泠然

寄鄭鍊師

戎昱

平生金石友淪落向辰州已是二年客那堪終日愁  
尺素渾不寄兩鬢計應秋今夜相思月情人南海頭

寄題鍊師

魚玄機

霞綵剪爲衣添香出繡幃芙蓉花葉山水帔稀  
駐屢聞鶯語開籠放鶴飛高堂春睡覺暮雨正霏霏

訪趙鍊師不遇

魚玄機

唐詩類苑

卷之百五十三

王

何處同仙侶青衣獨在家暖爐留煮藥隣院爲煎茶  
畫壁燈光暗幡竿日影斜慙慙重回首牆外數枝花

寄焦鍊師

李頎

得道凡百歲燒丹唯一身悠悠孤峯頂日見三花春  
白鶴翠微裏黃精幽澗濱始知世上客不及山中人  
仙境若在夢朝雲如可親何由覩顏色揮手謝風塵

贈東嶽焦鍊師

王維

先生千歲餘五嶽遍曾居遙識齊侯鼎新過王母廬  
不能師孔墨何事問長沮玉管時來鳳銅盤卽釣魚  
竦身空裏語明日夜中書自有還丹術時論太素初

頻蒙露版詔時降軟輪車山靜泉逾響松高枝轉疎  
支頤問樵客世上復何如

贈蕭鍊師

并序

許渾

霖師貞元初自梨園進爲內妓善舞柘枝宮中莫  
有倫比者寵錫甚厚及駕幸奉天以病不獲從遂  
失所止泊復宮闈上頗懷其藝求之決日得于人  
間後聞神仙之事謂長生可致乞奉黃老上許之  
詔居嵩南洞清觀迨今八十餘矣雪膚花顏與昔  
無異

題于院壁

唐詩類苑

卷之百五十三

十五

曾試昭陽曲瑤齋帝自臨紅珠絡繹帽翠鈿束羅襟  
雙闕朝塵起千門宿露陰出宮迷國步回駕軫皇心  
桂殿春空晚椒居夜自深急宣求故劍冥契得遺簪  
暗記神仙傳潛封女史箴壺中知日永掌上畏年侵  
莫比班家扇寧同卓氏琴雲車辭鳳輦羽帔別鴛衾  
網斷魚遊藻籠開鶴戲林洛煙浮碧漢嵩月上丹岑  
露草爭三秀風篁共八音吹笙延鶴舞鼓瑟引龍吟  
旄節纖腰舉霞杯皓腕斟還磨照寶鏡猶插辟寒金  
東海人情變南山聖壽沉朱顏常似渥綠髮已如尋  
養氣齊生死留形盡古今更求應不見雞犬日駸駸

贈張鍊師

溫庭筠

丹溪藥盡變金骨清洛月寒吹玉笙他日隱居無訪  
處碧桃花發水縱橫

寄許鍊師

戎昱

掃石焚香禮碧空露華偏濕藥珠宮如何說得天壇  
上萬里無雲月正中

期王鍊師不至

馬戴

黃精蒸罷洗瓊杯林下從留石上苔昨日圍碁未終  
局多乘白鶴下山來

贈韋鍊師

白居易

唐詩類苑

卷之百五十三

十六

潯陽遷客爲居士身似浮雲心似灰上界女仙無嗜  
慾何因相顧兩徘徊共疑過去人間世曾作誰家夫  
婦來

贈龐鍊師

女人

李嗣

家住涪江漢語嬌一聲歌

纓粧發秋霞戰翠翹兩臉酒醺

雲饒若能携手隨仙令皎皎銀河浦

贈東嶽張鍊師

劉禹

東嶽真人張鍊師高情雅淡世間稀堪爲  
簡久事元君住翠微金縷機中拋錦字玉清殿上

霓衣雲鬢不要吹簫伴只擬乘鸞獨自飛

贈蘇鍊師

白居易

兩鬢蒼然心浩然松窓深處藥爐前携將道士通霄語忘却花時盡日眠明鏡嬾開長在匣素琴欲弄半無絃猶嫌莊子多詞句只讀逍遙六七篇

酬贈李鍊師見招

白居易

幾年司諫直承明今日求真禮上清曾犯龍鱗容不死欲騎鶴背覓長生劉綱有婦仙同得伯道無兒累更輕若許移家相近住便驅雞犬上層城

送楊鍊師却歸真誥嚴

羅隱

唐詩類苑

卷之百五十三

三

官途不復更經營歸去東南任意行別後幾迴思會面到來相見似前生久居竹蓋知勤苦舊業蓮峰相變更爲謝伴狂吳道士耳中時有鐵船聲

寄西華黃鍊師

羅隱

西華有路入中華依約山川認永嘉羽客昔時留餘謫故人今又種煙霞壇高已降三清鶴海近應通八月槎盛事兩般君總得老萊衣服戴顧家

贈道師

曹鄴

學世皆問人唯師獨求已一馬無四蹄頃刻行千里應笑北原上丘墳亂如蟻

贈溫觀主

賈島

一別羅浮竟未還觀深廊古院多關君來幾日行虛洞仙去空壇在遠山胎息存思宮無處并華懸綆取朝間弊廬道室雖隣近自樂冬陽炙背閒

讀侯道華真人傳

崔塗

漢皇輕萬乘方士說三丹不得修心要翻知出此難茂陵春竟綠金掌曙空寒何以先生去翩翩逐彩鸞贈華陽宋真人兼寄清都劉先生

李商隱

淪謫千年別帝宸至今猶謝蕊珠人但驚夢許同仙籍不道劉盧是世親玉檢賜書迷鳳篆金華歸駕冷龍鱗不因杖屨逢周史徐甲何曾有此身

唐詩類苑

卷之百五十三

三

懷智體道人

僧貫休

把筆懷吾友庭鶯百轉時惟應一處住方得不相思雪水淹門聞春雷折樹枝平生無限事不獨白雲知

贈任道人

張籍

長安多病無生計藥舖醫人亂索錢欲得定知身上事憑君爲弄小行年

寄嵩陽道人

曹鄴

三山浮海信難逢路入貞元險盡平華表千年孤鶴

唐人間一夢晚蟬鳴將龍逐虎神初定積火焚心氣  
漸清見說嵩陽有仙客欲持金簡問長生

送羽人王錫歸羅浮 曹唐

風前整頓紫荷巾常向羅浮保養神石磴倚天行帶  
月鐵橋通海嶼無塵龍蛇出洞閑邀雨犀象眠花不  
避人最愛葛洪尋藥處露苗煙藥滿山春

贈月溪羽士 戴叔倫

月明溪水上誰識步虛聲夜靜金波冷風微玉練平  
自知塵夢遠一洗道心清更弄琵琶罷秋空鶴又鳴

送方士趙叟之東平 李白

唐詩類苑 卷之百五十三 三九

長桑晚洞視五藏無全牛趙叟行秘訣還從方士遊  
西過獲麟臺爲我弔孔丘念別復懷古潸然空淚流

題服栢先生 于鵠

服栢不飛鍊閒眠閉草堂有泉唯盥漱留火爲焚香  
新雨閒門靜孤松滿院涼仍聞枕中術曾授漢淮王

贈丘先生 賈島

常言喫藥全勝飯華嶽松邊採扶神不遣髭鬚一莖  
白擬爲白日上昇人

唐詩類苑卷第一百五十三

唐詩類苑卷第一百五十四

明雲間張之象玄超甫纂輯

雲間朱家法季則甫編次

雲間王微叔朗甫補訂

梁谿曹仁孫伯安甫校正

道部

道士

與道者同守庚申

權德輿

洞真善救世守夜看仙經俾我外持內當茲申配庚  
齋心已恬愉澡身自澄明沈沈簾帷下靄靄燈燭清

唐詩類苑 卷之百五十四 一

四支動用息一室虛白生收視忘取捨叩齒集神靈  
伊予嗟慾寡居常病恙輕三尸既伏竄九臟乃和平

無令耳目勝則使性命傾宵然深夜中若與元氣并  
釋宗稱定惠儒師著誠明派分示三教理詣無二名

吉祥能止止委順則生生視履苟無咎天祐期永貞  
應物智不勞虛中理自冥豈資金丹術卽此駐顏齡

山中訪道者 于鵠

觸煙入溪口岸岸唯檉櫟其中盡碧流十里不通屐  
出林山始轉絕徑緣峭壁把藤借行勢側足憑石脉  
顛牙斷行處光滑猿猱跡忽然風景異乃到神仙宅



天晴茅屋頭殘雲蒸氣白隔窗梳髮聲久立聞吹笛  
抱琴出門來不顧人間客山院不灑掃四時自虛寂  
落葉埋長松出地纔數尺曾讀上清經知注長生籍  
願示不死方何山有瓊液

山中道者

蘇拯

筇杖六尺許坐石流泉所舉頭看古松似對仙鶴語  
是時天氣清四迥無塵侶顧我笑相迎知有丹砂異

贈道者

馬戴

深居白雲穴靜注赤松經往往龍潭上焚香禮斗星

華頂道者

項斯

唐詩類苑 卷之百五十四

二

仙人掌中住生有上天期已廢燒丹處猶多種杏時  
養龍於淺水寄鶴在高枝得道復無事相逢盡日棋

玉芝觀王道士

周賀

四面杉蘿合空堂盡老仙蠹根停雪水曲角積茶烟  
道至心機盡宵晴瑟韻全暫來還又去未得坐經年

贈道者

朱慶餘

自識來清瘦尋常語論真藥成休伏火符驗不傳人  
獨有年過鶴曾無病到身潛教問弟子居處與誰鄰

贈王道士

于鵠

去尋常不出門似絕人行牀下石苔滿屋頭秋草生

學琴寒月短寫易晚窻明唯到黃昏後溪中聞磬聲

閒齋示一二道者

羊士諤

幽蘭誰復奏閒匣以端憂知止慙先覺歸餘想故侯  
山蟬鈴閣晚江雨麥田秋唯有空門學相期老一丘

贈道者

項斯

晏來知養氣度日語時稀到處留丹井終寒不絮衣  
病鄉多惠藥鬼俗有符威自說身輕健今年數夢飛

贈匡山道者

章孝標

嘗聞一粒功足以反衰容方寸如不達此生安可逢  
寄書時態盡憶語道情濃爭得携巾屨同歸鳥外峰

唐詩類苑 卷之百五十四

三

道者與金丹開合已失因爲二首再有投擲

章孝標

木鑽鑽盤石辛勤四十年一朝纔見物五色互呈妍  
七魄憎陽盛三彭惡命延被他迷失却嘆息只潛然

二

陰陽曾作炭造化亦分功減自青囊裏收安玉合中

凡材難度世神物自歸空惆悵流年速看成白首翁

贈張道者

韓翃

採藥三山罷乘風五日歸剪荷成舊屋剝藥染新時  
下樓閒待月行樂笑題詩他日吳中路千山入夢思

別道者

劉駕

自君入城市北邙無新墳始信壺中人不落白楊根  
如何忽告歸葬華還笑人玉笙無遺音悵望縹緲雲

山寺喜道者至

僧貫休

閨年春過後山寺始花開還有無心者閒尋此境來  
鳥幽聲忽斷茶好味重同知住南巖久冥心坐綠苔

上太皇先生

章孝標

顯氣貫精神蒼崖老姓名煙霞空送景水木苦無情  
斷藥雲根斷眠花石面平折松開月色決水放秋聲  
頗爲忘憂嫩身緣絕粒輕圍棋看局勢對鏡戮妖精

唐詩類苑

卷之百五十四

四

過海量鯨力歸天筭鶴程露凝鐘乳冷風定玉簫清  
坐覺衣裳古行疑羽翼生應怜市朝客開眼鑠浮榮

華陽道者

張翥

華陽洞裏持真經心嫌來客風塵腥惟餐白石過白  
日擬騎青竹上青冥翔螭豈作漢武駕神蛾徒降燕  
昭庭長生不必論貴賤却是幽人骨主靈

與道者別

李端

聞說滄溟今已淺何當白鶴更歸來舊師唯有先生  
在忍見門人掩淚迴

送張道者

賈島

新歲抱琴何處去洛陽三十六峰西生來未識山人  
面不得一聽烏夜啼

贈白道者

李商

十二樓前再拜辭靈風正滿碧桃枝壺中若是有天  
地又向壺中傷別離

寄羅浮山道者二首

黃滔

天際雙山壓海濱天漫絕頂海漫根時聞雷雨驚樵  
客長有龍蛇護洞門泉石暮含朱槿晝煙霞冬閉木  
綿溫林間學道如容我今便辭他寵辱喧

有人曾見洞中僊纔見人間便越年金鼎藥成龍入  
唐詩類苑

卷之百五十四

五

海玉函書發鶴歸天樓開石脉千尋直山折鼇鱗一  
半腥誰到月明朝禮處翠巖深鑠荔枝煙

寄清溪道者

萬重千疊紅霞障夜燭朝香白石龕常記溪窻凭危  
檻看經影落古龍潭

寄題羅浮軒轅先生所居

皮日休

亂峰四百三十二峰數欲問微君何處尋紅翠  
名數聲璫室響室山有旋房號真檀一炷石樓深山都

遺負沽來酒漉客容看化後金從此知不遠求  
官先有高洪心

奉和題軒轅先生所居 陸龜蒙

鼎成仙馭入崆峒百世猶傳至道風  
暫應青詞爲穴鳳却思赤微伴冥鴻  
金公的的生爐際瓊女時時到夢中  
預恐浮山歸有日載將雲室十洲東

贈道者 劉滄

真趣淡然居物外忘機多是隱天台  
停燈深夜看仙籙拂石高秋坐釣臺  
賣藥故人湘水別入簷棲鳥舊山來  
無因朝市知名姓地僻衡門對岳開

贈道者 李端

空中忽有鶴飛聲方士因知道欲成來  
取圖書安枕

唐詩類苑 卷之五十五 六

裏便驅雞犬向山行花開深洞仙門小  
路過懸橋羽節輕送客自傷身易老不  
知何處待先生

贈道者 劉威

道帔輕裾三島雲綠髯長占鏡中春  
高風已駕祥鸞馭浮世休驚野馬塵  
過海獨辭王母面度關誰識老聃身  
儒天也愛長生術不見人間大笑人

贈道者 劉威

五雲深處有真仙歲月催多却少年  
人郭不知今世事賣舟猶覓古時錢  
閒尋白鹿眠瑤草暗摘紅桃去洞天  
時向人間深夜坐鬼神長在藥囊邊

王道者 韋莊

五雲遙指海中央金鼎曾傳肘後方  
三島路岐空有月十洲花木不知霜  
因攜竹杖聞龍氣爲使仙童帶橘香  
應笑我曹身是夢白頭猶自學詩狂

送何道者 方干

何事忽來還忽去孤雲不定鶴情高  
真經與術添年壽靈藥分功入鬢毛  
必擬一身生羽翼終看陸地作波濤  
徧尋巖洞求仙者卽恐無人似爾曹

逢道者 張嶺

縱意出山無遠近還如孤鶴在空虛  
昔年親種樹皆

唐詩類苑 卷之五十五 七

老此世相逢人自疎野葉細苞深洞  
藥巖巖離閑東古仙書紙尋隱跡歸  
何處方說煙霞不定居

送李青歸南華陽川 李白

宿陽仙家子容色如青春日月祕靈  
洞雲霞辭世人化心養精魄隱几宵  
天真莫作千年別歸來城郭新

金鑑玉珮歌 顧况

贈君金鑑太霄之玉珮金鎖禹步之  
流珠五嶽真君之秘錄九天文人之  
寶書東井沐浴辰巳畢先進洞房上  
奔日借問君從何處來黃姑織女機  
邊出

誰氏子 韓愈

非癡非狂誰氏子去入王屋稱道士白頭老母遮門  
啼挽斷衫袖留不止翠眉新婦年二十載送還家哭  
穿市或云欲學吹鳳笙所慕靈妃嬈蕭史又云時俗  
輕尋常力行險怪取貴仕神仙雖然有傳說知者盡  
知其妄矣聖君賢相安可欺乾死窮山竟何俟嗚呼  
余心誠豈弟願往教誨究終始罰一勸百政之經不  
從而誅未晚爾誰其友親能哀憐寫吾此詩持送似  
臨川逢陳百年 李咸用

麻姑山下逢真士玄膚碧眼方瞳子自言混沌鑿不  
死大笑老彭非久視強爭龍虎是狂人不保元和虛  
唐詩類苑 卷之五十五 八

叩齒桃花雨過春光膩勸我一杯靈液味教我無爲  
禮樂拘利路名場多忌諱不如含德反嬰兒金玉滿  
堂真可貴

綠章封事

爲吳道士  
夜醮作

李賀

青霓叩額呼宮神鴻龍玉狗開天門石榴花發滿溪  
津谿女洗花染白雲綠章封事諗元父六街馬蹄浩  
無主虛空風氣不清冷短衣小冠作塵土金家香街  
千輪鳴楊雄秋室無俗聲願携漢戟招書鬼休令恨  
骨填蒿里

寄潤卿博士

皮日休

高眠可爲要玄纁鵲尾金爐一世焚塵外鄉人爲許  
搗山中地主是茅君將收芝菌唯防雪欲曬圖書不  
奈雲若便華陽終臥去漢家封禪用誰文

酬襲美先輩見寄倒來韻 張賁

尋疑天意送斯文故選茅峯寄白雲酒後只留滄海  
客香前唯見紫陽君近年已絕詩書癖今日兼將筆  
硯焚爲有此身猶苦患不知何者是玄纁

奉和襲美寄廣文先生 陸龜蒙

忽辭明主事真君直取姜巴路入雲龍篆拜時輕詔  
命霓襟披後小玄纁峯前北帝三元會石上東卿九  
唐詩類苑 卷之五十五 九

錫文應笑世間名利火等閑靈府剩先焚

南陽廣文博士還雷平後寄

陸龜蒙

微微春色染林塘親撥烟霞坐澗房陰洞雪膠知未  
入澗膠風破的偷嘗芝臺曉用金鑱煮星度閒將玉  
鈴量幾遍侍晨官欲降曙壇先起獨焚香

奉和次韻

皮日休

春彩融融釋凍塘日精閒嚙坐巖房瓊函靜啓從猿  
覩金液初開與鶴嘗八會舊文多搭寫七真遺語剩  
思量不知夢到爲何處紅藥滿山烟月香

南陽潤卿將歸雷平因而有贈

皮日休

借問山中許道士此迴歸去復何如竹屏風扇抄遺  
事拓步輿竿繫隱書絳樹實多分紫鹿丹沙泉淺種  
紅魚東卿旄節看看至靜啓茅齋慎掃除

奉和襲美贈潤卿

陸龜蒙

朝市山林隱一般却歸那滅臥雲懽墮堦紅葉誰收  
得半盞清醪客醉乾玉笈詩成吟處曉金沙泉落夢  
中寒真仙若降如相問曾步星綱繞醮壇

贈僧道

張籍

唐詩類苑

卷之五十四

十一

自到王城得幾年巴童蜀馬共隨緣兩朝侍從當時  
貴五字聲名遠處傳因住紅樓通內院新承墨詔賜  
齋錢閒房暫喜居相近還得陪師坐竹邊

女道士

贈嵩山焦鍊師

并序

李白

嵩山有神人焦鍊師者不知何許婦人也又云生  
于齊梁時其年貌可稱五六十常胎息絕穀居少  
室廬遊行若飛倏忽萬里世或傳其入東海登蓬  
萊竟不能測其往也余訪道少室盡登三十六峯  
聞風有寄灑翰遙贈

二室凌青天三花含紫烟中有蓬海客宛疑麻姑仙

道在喧莫染跡高想已綿時餐金鷲蕊屢讀青苔篇

八極恣遊憩九垓長周旋下瓢酌潁水舞鶴來伊川

還歸空山上獨拂秋霞眠蘿月挂朝鏡松風鳴夜絃

潛光隱嵩嶽鍊臈棲雲幄霓裳何飄颻鳳凰吹轉綿邈

願同西王母下顧東方朔紫書倘可傳銘一作骨誓

相學

代女道士王靈妃贈道士李榮

駱賓王

玄都五府風塵絕碧海三山波浪深桃實千年非易

唐詩類苑

卷之五十四

十一

得桑田幾變已難尋別有仙居對三市金闕銀宮相  
向起臺前鏡影伴仙娥樓上簫聲隨鳳史鳳樓迢遞  
絕塵埃駕時物色正徘徊靈芝紫檢參差長仙桂丹  
花筆墨開雙童綽約時遊陟三鳥聯翩報消息盡言  
真侶出遨遊傳道風光無限極輕花委砌惹裾香殘  
輝窺窻覘幌色箇時無數併妖妍箇裏無窮總可憐  
別有衆中稱黜帝天上人間少流例洛濱仙駕啓遙  
源淮浦靈津符遠筮只言少小慕幽玄只言容易得  
神仙佩中邀勒經時序簫裏尋思復幾年尋思許事  
直情變二八容華識少選漫道燒丹止七飛空傳化

石曾三轉寄語天上弄機人寄語河邊值查客乍可  
忽忽共百年誰使遙遙期七夕想知人意自相尋果  
得深心共一心一意無窮已投漆投膠非足擬  
只將羞澁當風流持此相怜保終始相怜相念共相  
親一生一代一雙人不把丹心比玄石惟將濁水況  
清塵只言柱下留期信好欲將心學松蘿不能京兆  
畫蛾眉翻向成都驕驕引青牛紫氣度靈關尺素絕  
鱗去不還連苦上砌無窮綠脩竹臨牆幾處斑此時  
空牀難獨守此日別離那可久梅花如雪柳如絲年  
去年來不自持初言別去寒偏在何悟春來春更思

唐詩類苑

卷之三皇古

十一

春時物色無端緒雙枕孤眠誰分許念念嬌鶯一種  
啼生憎燕子千般語朝雲旭日照青樓遲暉麗色滿  
皇州落花泛泛浮靈沼垂柳長長拂御溝御溝大道  
多奇賞俠客妖容通來往寶騎連花鐵作錢香輪驚  
水珠爲網香輪寶騎競繁華可憐今夜宿娼家鸚鵡  
林中浮竹葉鳳凰琴裏落梅花許輩多情偏送款爲  
問春花幾時滿千回鳥信說衆諸百過鶯啼說長短  
長短衆諸判不尋千回百過浪關心何曾舉意西鄰  
玉朱肯留情南陌金南陌西隣咸自保還嚮歸期頂  
及早爲想三春狹斜路莫思九折卽關道假令白里

似裏安在使青牛學劍端蘋風入馭來應易竹枝成  
龍去不難龍驤去去無消息鸞鏡朝朝減容色君心  
不記下山人妾欲空期上林翼上林三月鴻欲稀華  
表千年鶴未歸不分淹留乘路待祇應直取桂輪飛

送內尋廬山女道士李騰空二首

李白

君尋騰空子應到碧山家水春雲母碓風掃石楠花  
若戀幽居好相邀弄紫霞

多君相門女學道愛神仙素手掬青靄羅衣曳紫烟  
一往屏風疊乘鸞著玉鞭

唐詩類苑

卷之三皇古

十一

玉真張觀主下小女冠阿容

白居易

綽約小天仙生來十六年姑山半峰雪瑤水一枝蓮  
晚院花留立春窻月伴眠迴眸雖欲語阿母在傍邊

避暑女冠

李益

霧袖烟裙雲母冠碧琉璃簾井冰寒焚香欲使三清  
惠靜拂桐陰上玉壇

華山女

韓愈

街東街西講佛經撞鐘吹螺開宮庭廣張罪福資誘  
脇聽衆狎恰排浮萍黃衣道士亦講說座下寥落如

明星華山女兒家奉道欲驅異教歸仙靈洗粧拭面  
著冠帔白咽紅頰長眉青遂來昇座演真訣觀門不  
許人開局不知誰人暗相報旬然振動如雷霆掃除  
衆寺人跡絕驂騑塞路連輜輶觀中人滿坐觀外後  
至無地無由聽抽釵脫釧解環佩堆金疊玉光青燄  
天門貴人傳詔召六宮願識師顏形玉皇頷首許歸  
去乘龍駕鶴來青冥豪家少年豈知道來繞百市脚  
不停雲憲霧閣事恍惚重重翠幔深金屏仙梯難攀  
俗緣重浪憑青鳥通丁寧

入道

唐詩類苑

卷之百五十四

十四

送王明府入道

戎昱

何事陶彭澤明時又掛冠爲耽泉石趣不憚薜蘿寒  
輕雲籠紗帽孤猿傍懸壺懸懸老松下金竈夜燒丹

送賀知章入道

姚鵠

若非堯運及垂衣肯許巢由脫俗機太液始同黃鶴  
下仙鄉已駕白雲歸還披舊褐辭金殿却捧玄珠向  
翠微羈束慙無仙藥分隨車空有夢魂飛

送元秀才入道

劉威

不教榮樂損天機願逐鸞凰次第飛明月滿時開道  
帔俗塵飄處脫儒衣只攜仙籍還金洞便與詩書隔

翠微空有緘題報親愛一千年後始西歸

送宮人入道

張籍

舊寵昭陽裏尋仙此最稀名初出官籍身未稱霞衣  
已別歌舞貴長隨鸞鶴飛中官看入洞空界玉輪歸

送宮人入道

王建

休梳叢鬢洗紅妝頭戴芙蓉日未央弟子抄將歌遍  
疊宮人分散舞衣裳問師初得經中字入靜猶燒內  
裏香發願蓬萊見王母却歸人世施仙方

和韓錄事送宮人入道

李商隱

星使追還不自由雙童捧上綠瓊軒九枝燈下朝金  
殿三素雲中侍玉樓鳳女顛狂成久別月娥嬌獨好

唐詩類苑

卷之百五十五

十五

同游當時若愛韓公子埋骨成灰恨未休

漢宮人入道

戴叔倫

蕭蕭白髮出宮門羽服星冠道意存霄漢九重辭鳳  
闕雲山何處訪桃源理池醉月勞仙夢玉輦乘春却  
帝恩回首吹簫天上伴上陽花落共誰言

送宮人入道

于鵠

十載吹簫入漢宮看修水殿種芙蓉自傷白髮辭金  
屋許著黃衣向玉峰解語老猿開曉戶學飛猿落  
高松定知別後宮中伴應聽緱山半夜鐘



送宮人入道

項斯

願隨仙女董雙成王母前頭作伴行初戴玉冠多悞  
拜欲辭金殿別稱名將敲碧落新齋磬却進昭陽舊  
賜筆且暮焚香繞壇上步虛猶作按歌聲

送宮人入道

元稹

拾寵求仙畏色衰辭天素面立天墀金丹擬駐千年  
貌寶鏡休勻八字睂公主與收珠翠後君王看戴角  
冠時從來宮女皆相妒說着瑤臺總淚垂

齋戒

宿西山修下元齋詠

于鵠

唐詩類苑

卷之三十五

去

幽人在何處松檜深冥冥西峰望紫雲知處安期生  
沐浴溪水暖新衣禮仙名脫屣入靜堂遶像隨禮行  
碧紗籠寒燈長幡綴金鈴林下聽法人起坐枯葉生  
啓奏修律儀天曙山鳥鳴分行布菅茅列坐滿中庭  
持齋候撞鐘玉函散寶經焚香開卷時照耀金室明  
投簡石洞深稱過上帝靈學道能苦心自古無不成

誦經

讀黃帝陰符經寄鹿門子

陸龜蒙

清晨整冠坐朗詠三百言備識天地意獻詞犯乾坤  
何事不隱德降靈生軒轅口銜造化斧鑿破機關門

五賊忽逆逸萬物爭崩奔虛施神仙要莫救華池源

但學戰勝術相高甲兵屯龍蛇競起陸鬪血浮中原

成湯與周武反覆更爲尊下及秦漢得寶弄兵亦煩

奸強自林據仁弱無枝蹲狂喉恣吞噬逸翼爭飛翻

家家伺天發不肯匡淫昏生民墜塗炭比屋爲冤魂

祇爲讀此書大樸難久存微臣與軒轅亦是萬世孫

未能窮意義豈敢求瑕痕曾亦愛兩句可與賢達論

生者死之根死者生之根方寸了十字萬化皆胚渾

身外更何事眼前徒自喧黃河但東注不見歸崑崙

晝短苦夜永勸君傾一樽

唐詩類苑

卷之三十五

十七

奉和讀陰符經見寄

皮日休

二百八十言出自伊祁氏上以生神仙次云立仁義  
玄機一以發五賊紛然起結爲日月精融作天地髓  
不測似陰陽難名若神鬼得之昇高天失之沉厚地  
且焚雲木老大塊煙霞委自顯項以降賊爲聖人軌  
堯乃一庶人得之賊帝堯堯見其德尊脫身授其位  
舜惟一鰥民允允作什器得之賊帝堯堯白丁作天子  
禹本刑人後以功繼其嗣得之賊帝舜用以平洪水  
自禹及文武天機暗合姬公樹其綱賊之爲聖智  
聲詩川競大禮樂出爭端爰從幽厲餘宸極若孩稚

九伯真犬彘諸侯實虎兇五星合其耀白日下闕里  
由是生聖人於焉當亂紀黃帝之五賊拾之若青紫  
高揮春秋筆不可刊一字賊子虐甚折奸臣痛於筆  
至今千餘年蚩蚩受其賜時代更復改刑政崩且墜  
予將賊其道所動多訛毀叔孫與臧倉賢聖多如此  
如何黃帝機吾得多坎躓縱失生前祿亦多身後利  
我欲賊其名垂之千萬祀

受籙

元日女道士受籙

賈島

元日更新夜齋身稱淨衣數星連斗出萬里斷雲飛

唐詩類苑

卷之三皇古

十八

霜下磬聲在月高壇影微立聽師語了左肘繫符歸

步虛

步虛詞

顧況

迥步遊三洞清心禮七真飛符超羽翼焚火醮星辰  
殘藥沾雞犬靈香出鳳麟壺中無窄處願得一容身

上元日聽太清宮步虛

張仲素

仙客開金籙元辰會玉京靈歌寶紫府雅韻出層城  
聲雜音徐徹風飄響更清紆餘空外盡斷續聽中生  
舞鶴紛將集流雲住未行誰知九陌上塵俗仰遺聲

府試中元觀流步虛

殷堯恭

玄都開秘籙白石禮先生上界秋光靜中元夜景清  
星辰朝帝處鸞鶴步虛聲玉洞花長發珠宮月最明  
掃壇天地肅投簡鬼神驚倘賜刀圭藥還成不死名

步虛詞二首

劉禹錫

阿母種桃雲海際花落子成二千歲滄海吹折最繁  
枝晚捧金盤獻天帝

華表千年一鶴歸凝丹爲頂雪爲衣星星仙語人聽  
盡却向五雲翻翅飛

步虛詞

高駢

清溪道士人不識上天下天鶴一隻洞門深鎖碧窻

唐詩類苑

卷之三皇古

十九

寒滴露研朱點周易

蕭鍊師步虛詩十首卷後以二絕繼之

白居易

繼上瀛洲臨別時贈君十首步虛詞天仙若愛應相

問向道江州司馬詩

袍紙瑤緘松墨字把將天上共誰開試呈王母如堪  
唱發遣雙成更取來

投龍

送田道士使蜀投龍

宋之問

風駭忽冷然雲臺路幾千蜀門峰勢斷巴字水形連

人隔壺中地龍遊洞裏天贈言廻馭日圖盡彼山川

焚修

上元日道室焚修寄襲美 陸龜蒙

三清今日聚靈官玉刺齊抽謁廣寒執蓋冒花香寂

歷侍晨交珮響闌珊仙之貴侶矣將排鳳節分階易

壇欲校龍書下筆難唯有世塵中小兆夜來心拜七星

奉和魯望道室焚修次韻 皮日休

明真臺上下仙官玄藻初吟萬籟寒飈御有聲時杳

杳寶衣無影自珊珊藥書乞見齋心易玉籍求添拜

唐詩類苑

卷之三十五

三

首難端簡不知清景暮靈蕪香燼落金壇

奠簡

送趙法師還蜀因名山奠簡

玄宗

道家莫靈簡自昔仰神仙真子今將命蒼生福可傳

江山尋故國城郭信依然二室遙相望雲迴洞裏天

修養

和祝蒼華蒼華神名

白居易

日居復月諸環廻照下土使我玄雲髮化

藥質本羸劣養生仍莽鹵痛飲困連

遂今頭上髮種種無尺五根稀比黍苗梢細同釵股

豈是乏膏沐非關櫛風雨最為悲傷多心焦衰落苦

餘者能有幾落者不可數禿似鵲填河墮如鳥解羽

蒼華何用祝苦辭亦休吐匹如剃頭僧豈要巾冠主

修養

劉義

損神終日談虛空不必歸命於胎中我神不西亦不

東烟收雲散何濛濛嘗令體如微微風綿綿不斷道

自冲世人逢一不逢一一回存想一回出只知一切

望一切不覺一日損一日勤君修直復識真世上道

人多忤人披圖離錄益亂神此法那能堅此身心田

唐詩類苑

卷之三十五

三

自有靈地珍惜哉自有不自親明真汨沒隨埃塵

贈王山人

白居易

玉芝觀裏王居士服氣含霞善養身夜後不聞龜喘

息秋來唯長鶴精神容顏盡怪長如故名姓多疑不

是真貴重榮華輕壽命知君悶見世間人

學道

白龍窟汎舟寄天台學道者

常建

夕映翠山源餘暉在龍窟扁舟滄浪意淡淡花影沒

西浮入天色南望對雲關因意莓苔峰初陽濯玄髮

泉蘿兩幽映松鶴間清越碧海瑩子神玉膏澤人骨  
忽然爲枯木微興遂如兀應寂中有天明心外無物  
還迴從所汎夜靜猶不歇澹然意無限身與波上月  
訪道

訪道安陵遇蓋還爲余造真籙臨別留贈

李白

清水見白日仙人識青童安陵蓋夫子十歲與天通  
懸河與微言談論安可窮能令二千石撫背驚神聰  
揮毫贈新詩高價掩山東至今平原客感激慕清風  
學道北海山傳書藥珠宮丹田了玉闕白日思雲空

唐詩類苑

卷之百五十四

王二

爲我草真籙天人慙妙工七元洞豁落八角輝星虹  
三災蕩璇璣蛟龍翼微躬舉首謝天地虛無齊始終  
黃金滿高堂荅荷難克充下笑世上事流轉北羅鄴  
昔日萬乘墳今成一科蓬贈言若可重實此輕華嵩

獻八舅東歸

儲光義

高位莫能捨捨之世所賢雲車遊日華豈比龍樓前  
寢疾乃就枕情感唯靈仙帝鴻師道宗臣彭亦長年  
天書加羽服又許歸東川鏡水涵太清禹山朝上玄  
誠亡真混沌正立好嬋娟素業作仙居子孫當自傳  
門多松柏樹篋有逍遙篇獨往不可羣滄海成桑田

戊辰會靜中出貽同志二十韻

李商隱

大道諒無外會越自登真丹元子何索在已莫問鄰  
蒨璨玉琳華翺翔九真君戲擲萬里火聊召六甲旬  
瑤簡被靈誥持府開七門金鈴攝羣魔絳節何旒旒  
吟弄東海若倚笑扶桑春三山試迴視九州揚一塵  
我本玄元胄稟華由上津中迷鬼道樂沉爲下土民  
託質屬太陰鍊形復爲人誓將覆官澤安此真與神  
龜山有慰薦南真爲彌綸玉管會玄圃火棗承天姻  
科車還故氣侍香傳靈芬飄飄被青霓婀娜佩紫紋  
味道

唐詩類苑

卷之百五十四

王三

味道

白居易

叩齒晨興秋院靜焚香宴坐晚窻深七篇真誥論仙  
事一卷檀經說佛心此日盡知前境妄多生曾被外  
塵侵自嫌習性猶殘處愛詠閑詩好聽琴

問易

就道士問易參同契

王昌齡

仙人騎白鹿髮短耳何長時余採菖蒲忽見嵩之陽

稽首求丹經迺出懷中方披讀了不悟歸家問  
嗟余無道骨發我入太行

武陵龍興觀黃道士房間易因題

王昌齡

齋心問易太陽宮八卦真形一氣中仙老言余鶴飛  
去玉清壇上雨濛濛

種藥

種藥

韋應物

好讀神農書多識藥草名持鎌購山客移時羅衆英  
不改幽澗色宛如此地生汲井既蒙澤挿援亦扶傾

唐詩類苑

卷之三

二

陰頴夕房歛陽條夏花明悅翫從茲始日夕繞庭行  
州民自寡訟養閑非政成

種仙靈毗

柳宗元

窮陋關自養癘氣劇囂煩隆冬乏霜霰日夕南風溫  
杖藜下庭際曳踵不及門門有野田吏慰我飄零鬼  
及言有靈藥近在湘西原服之不盈旬蹙躅皆騰騫  
笑扑前卽吏爲我擢其根蔚蔚遂充庭英翹忽已繁  
晨起自採曝杵臼通夜喧靈和理內藏攻疾貴自源  
擁覆逃積霧伸舒委餘暄奇功苟可徵寧復資蘭蓀  
我聞畸人術一氣中夜存能令深深息呼吸還歸跟

疎放固難效且以藥餌論痿者不忘起窮者寧復言  
神哉輔吾足幸及兒女奔

鋤藥詠

錢起

蒔藥穿林復在巘濃香秀色深能淺雲氣垂來裏露  
偏松陰古處知春晚拂曙殘鶯百轉催繁泉帶石幾  
花開不隨飛鳥綠枝去如笑幽人出谷來對之不覺  
忘疎懶廢卷荷鋤嫌日短豈無萱草樹堦堦惜爾幽  
芳世所遺但使芝蘭出蕭艾不辭手足皆胼胝寧學  
陶潛空嗜酒頽齡捨此事東菑

重玄寺元達年逾八十好種名藥凡所植者

唐詩類苑

卷之三

十五

多至自天台四明包山句曲叢萃紛採各可  
指名余奇而訪之因題二章

皮日休

雨滌烟鋤僂僂賁紺牙紅甲兩三畦藥名却笑桐君  
少年紀翻嫌竹祖低白石靜敲蒸朮火清泉閒洗種  
花泥怪來昨日休持鉢一尺彫胡似掌齊  
香蔓蒙龍覆昔邪檜烟杉露濕袈裟石盆換水撈松  
葉竹徑遷牀避笋芽藜杖移時挑細藥銅餅盡日灌  
幽花支公說道憐神駿不及今朝種一麻

奉和題達上人藥圃二首 陸龜蒙

藥味多從遠客賁旋添花圃旋成畦三桎舊種根因  
異九節初移葉尚低山英便和幽澗石水芝須帶本  
池泥從今直到清秋日又有香苗幾處齊  
淨名無語示蜻蛉草藥搜來喻更微一雨一風皆遂  
性花開花落盡忘機教疏兔縷金絃亂自擁龍芻紫  
永肥莫怪獨親幽圃坐病容銷盡欲依歸

求藥

題江寺兼求藥子

王建

隋朝舊寺楚江頭深謝師僧引客遊空賞野花無過  
夜若看琪樹即須秋紅珠落地求誰與青角垂階自  
唐詩類苑 卷之百五十四 二十六

不收願乞野人三兩粒歸家將助小庭幽

謝惠藥

謝人惠藥

僧貫休

五金元造化九鍊更精新敢謂長生客將遺必死人  
久食應換骨一服已通神終逐淮王去永拋浮世塵

買藥

買藥歌送楊山人

僧皎然

華陰少年何所希飲餌丹砂化骨飛江南藥少淮南  
有暫別胥門出京口京口斜通江水流徘徊應上青  
山頭朝驚潮沒鷓鴣堰朝看日出芙蓉樓蕩漾春風

亂帆影片雲無數是揚州揚州喧喧賣藥市浮俗  
由識仙子河間姪女直千金紫陽夫人服不死吾於  
此道復何如昨朝新得蓬萊書

採藥

採藥

王績

野情貪藥餌郊居倦蓬草青龍護道符白大遊山迹  
要鑣戊巳月負鍾庚辛日時時斷障遮往往孤峰出  
行披葛仙經坐驗農皇帙龜蛇採二苓赤白尋雙朮  
地凍根難盡藥枯苗易失從容肉作名薯蕷膏成質  
家豐松葉酒器貯參花蜜且復歸去來刀圭輔衰疾  
唐詩類苑 卷之百五十四 二十七

藍溪期蕭道士採藥不至 盧綸

春風生百藥幾處木苗香人遠花空落谿深日復長  
病多知藥性老近憶仙方青節何由見三山桂自芳

洗藥

月下洗藥

錢起

汲井向新月分流入衆芳濕花低桂影翻葉靜泉光  
露下添餘潤蜂驚引暗香寄言養生客來此共提筐

燒金

燒金曲

于漬

天壽畏不永燒金希長年積土培枯根自謂松栢堅

南陌試騷裏西樓歌嬋娟豈知蔓草中日日開夜泉

藥轉

藥轉

李商隱

鬱金堂北盡樓東換骨神方上藥通露氣暗連青桂  
苑風聲偏獵紫蘭叢長籌未必輸孫皓香棗何勞問  
石崇憶事懷人兼得句翠衾歸臥繡簾中

大還

草創大還贈柳官迪

李白

天地爲橐籥周流行大易造化合元符交媾騰精魄  
自然成妙用孰知其止的羅絡四季間綿微一無隙

唐詩類苑

卷之三十五

三八

日月更出沒雙光豈云隻姤女乘河車黃金充轅軛  
執樞相管轄摧伏傷羽翮朱鳥張炎威白虎守本宅  
相煎成苦老消鑠凝津液髮髯明憲塵死灰同至寂  
擣冶入赤色十二周律曆赫然稱大還與道本無隔  
白日可撫弄清都在咫尺北鄴落死名南斗上生籍  
抑予是何者身在方士格才術信縱橫世途自輕擲  
吾求仙棄俗君曉損勝益不向金闕遊思爲玉皇客  
鸞車速風電龍騎無鞭策一舉上九天相攜同所適

得道

儀鳳中青城翠園山下有王仙柯得道以詩

贈之

僧中寤

瞻思不及望仙兄早晚昇霞入太清手種一株松未  
老爐燒九轉藥新成心中已得黃庭術頭上應無白  
髮生異日却歸華表柱得教凡俗並聞名

辟穀

贈辟穀者

張籍

學得餐霞法達人與小還身輕會試鶴力弱未離山  
無食犬猶在不耕牛自閑朝朝空漱水叩齒草堂間

不食姑

張籍

幾年山裏住已作綠毛身護氣常稀語存思自見神

唐詩類苑

卷之三十五

三八

養龜同不食留藥任生塵要問西王母仙中第幾人

贈不食姑

于鵠

不食非關藥天生是女仙見人還起拜留伴亦開田  
無窟一作屋尋溪宿兼衣掃葉眠不知何代女猶帶剪

刀錢

丹竈

題雍丘崔明府丹竈

李白

美人爲政本忘機服藥求仙事不違葉縣泥丹竈  
畢瀛洲當伴赤松歸先師有訣神將助大藥無心火  
自飛九轉但能生羽翼雙鳧忽去定何依



道場

送道士鄒曇素歸內道場 盧綸

病老正相仍忽逢張道陵羽衣風淅淅仙貌玉稜稜  
叱我問中壽教人祈上昇樓居五雲裏幾與武皇登

送契玄法師內道場 盧綸

昏昏醉老夫灌頂遇醍醐嬪御呈心鏡君王賜髻珠  
降魔須戰否問疾敢行無深契何妨秘傳宗本不殊

再入道場紀事應制二首 沈佺期

南方歸去再生天內殿今年異昔年見闢乾坤新定  
位看題日月更高懸行隨香輦登仙路坐近爐烟講

唐詩類苑

卷之五十四

三十一

法筵自喜恩深陪侍從兩朝長在聖人前

道書

封書

元稹

鶴臺南望白雲關城市猶存暫一還書出步虛三百  
韻藥珠文字在人間

唐詩類苑卷第一百五十四

唐詩類苑卷第一百五十五

明雲間張之象玄超甫纂輯

雲間朱家法季則甫編次

雲間王微叔朗甫補訂

梁谿曹仁孫伯安甫校正

居處部

宮

吳宮宴

曹鄴

吳宮城闕高龍鳳遙相倚四面鏗鼓鐘中央列羅綺  
春風時一來蘭麝聞數里三度明月落青娥醉不起

唐詩類苑

卷之五十五

一

江頭鐵劒鳴玉座成荒壘適來歌舞處未知身是鬼

疊韻吳宮詞二首

陸龜蒙

膚愉吳都妹眷戀便殿宴逡巡新春人轉面見戰箭

二

紅龍通東風翠珥醉易墜平明兵盈城棄置遂至地

奉和疊韻吳宮詞二首

皮日休

浸深尋嶽岑勢厲衛睥睨荒王將鄉亡細麗蔽袂逝

二

杵指替製曳康莊傷荒涼主虜部伍苦燭亡房廊香

吳宮詞

白居易

一入吳王殿無人覩翠蛾樓高時見舞宮靜夜聞  
半露簾如雪斜迴臉似波妍媸各有分誰敢妬思多

吳宮曲

張祐

日下苑西宮花飄香徑紅玉欽斜白燕羅帶弄青蟲  
皓齒初含雪柔枝欲斷風可憐傾國艷誰信女爲戎

吳宮

儲嗣宗

荒臺荆棘多忠諫欲如何細草迷宮巷閒花  
前溪徒自綠子夜不聞歌悵望清江暮悠悠東去波

吳宮辭

白居易

淡紅花被淺檀蛾睡臉初開似剪波坐對珠籠閒理

唐詩類苑

卷之五十五

二

曲琵琶鸚鵡語相和

吳宮

李商隱

龍檻沉沉水殿清禁門深掩斷人聲吳王宴罷滿宮

醉日暮水漂花出城

經館娃宮

于漬

館娃宮畔顧國變生嬌妬勾踐膽未嘗夫差心已悞

吳亡甘已矣越勝今何處當時二國君一種江邊墓

館娃宮

殷堯藩

宮女三千去不回真珠翠羽是塵埃夫差舊國久破

紅鷺自歸花自開

館娃宮懷古五絕

皮日休

綺閣飄香下太湖亂兵侵曉上姑蘇越王大有堪羞  
處祇把西施賺得吳

鄭姐無言下玉墀夜來飛箭滿梁恩越王定指高臺  
笑却見當時金鏤楣

半夜娃宮作戰場血腥猶雜宴時香西施不及燒殘  
蠟猶爲君王泣數行

素襪雖遮未掩羞越兵猶怕伍員頭吳王恨鬼今如  
在只合西施瀨上遊

響屨廊中金玉步采蘭山上綺羅身不知水葬今何

唐詩類苑

卷之五十五

三

處溪月彎彎欲放輝

奉和館娃宮五絕

陸龜蒙

三千雖衣水犀珠半夜夫差國暗屠猶有八人皆二

八獨教西子占亡吳

一宮花渚漾漣漪倭墮鴉鬟出繭眉可料坐中歌舞

袖便將殘節拂降旗

幾多雲榭倚青冥越焰燒來一片平此地最應沾恨

血至今春草不勻生

江色分明練繞臺戰帆遙隔綺疏開波神自厭荒溪

主句踐樓船穩帖來

寶祿香綦碎曉塵亂兵誰惜似花人伯勞應是精靈  
使猶向殘陽泣暮春

館娃宮懷古

皮日休

艷骨已成蘭麝土宮墻依舊壓層崖弩臺雨壞逢金  
鏃香徑泥銷露玉釵硯沼只留溪鳥浴廊空信野  
花埋姑蘇麋鹿真開事須爲當時一愴懷

奉和館娃宮懷古次韻

陸龜蒙

鏤楣消落濯春雨蒼翠無言空斷崖草碧未能忘帝  
女燕輕猶自識宮釵江山祗有愁容在劒珮應和愧  
色埋賴有伍員騷思少吳王纔免似荆懷

唐詩類苑

卷之一百五十五

四

楚宮行

張籍

章華宮中九月時桂花未落紅橘垂江頭騎火照聲  
道君王夜從雲夢歸霓旌鳳蓋到雙闕臺上重重歌  
吹發千門萬戶開相當燭籠左右列成行下輦更衣  
入洞房洞房侍女盡焚香玉階羅幃微有霜齊言此  
夕樂未央玉酒湛湛盈華觴絲竹次第鳴中堂已姬  
起舞向君王迴身垂手結明璫願君千年萬年壽朝  
出射麋夜飲酒

過楚宮

李商隱

巫峽迢迢舊楚宮至今雲雨暗丹楓微生盡戀人間

樂只有襄王憶夢中

楚宮怨二首

許渾

十二山晴花盡開楚宮雙闕對陽臺細腰爭舞君王  
醉白日秦兵江上來  
獵騎秋來在內稀渚宮雲雨濕龍衣騰騰戰鼓動城  
闕江上射麋殊未歸

楚宮二首

李商隱

湘波如淚色淒淒楚禰迷蒐逐恨遙楓樹夜猿愁自  
斷女蘿山鬼語相邀空歸腐敗猶難復更困腥臊豈  
易招但使故鄉三戶在綠絲誰惜懼長蛟

唐詩類苑

卷之一百五十五

五

月姊曾逢下彩蟾傾城消息隔重簾已聞珮響知腰  
細更辨絃聲覺指纖暮雨自歸山悄悄秋河不動夜  
厭厭王昌且在墻東住未必金堂得免嫌  
十二峰前落照微高唐宮暗坐迷歸朝雲暮雨長相  
接猶自君王恨見稀

漢宮曲二首

韓翃

駿馬繡障泥紅塵撲四蹄歸時何太晚日照杏花西  
繡幕珊瑚鈎春闌翡翠樓深情不肯道嬌倚鈿篋

漢宮詞

李商隱

青雀西飛竟未迴君王長在集靈臺侍臣最有相如  
渴不賜金莖露一杯

漢宮曲二首

韓翃

五柞宮中過臘看萬年枝上雪花殘綺窗夜閉玉堂  
靜素綆朝穿金井寒  
漢室長陵小市中珠簾繡戶對春風君王昨日移仙  
仗玉輦將迎入漢中

漢宮

李商隱

通靈夜醮達清晨承露盤晞甲帳春王母西歸方朔  
去更須重見李夫人

唐詩類苑

卷之二百五十五

六

南原望漢宮

司空曙

荒原空有漢宮名衰草茫茫雉堞平連鴈下時秋水  
在行人過盡暮烟生西陵歌吹何年絕南陌登臨此  
日情故事悠悠不可問寒禽野水自縱橫

奉和幸長安故城未央宮應制

并序

宋之問

長安城漢之故都本秦漢之離宮也漢初脩置此  
城極狹小至惠帝元年更築之周回六十五里城  
南爲南斗形北爲北斗形至今人呼漢京爲斗城  
是也未央宮在長安城高祖七年丞相蕭何建立

東闕北闕前殿武庫太倉上見其壯麗怒甚何曰  
以天下未定故可因以就宮室且天子以四海爲  
家非壯麗無以重威且無令後世有以加也上悅  
自櫟陽徙居焉

漢王未息戰蕭何乃營宮壯麗一朝盡威靈千載空  
皇明帳前跡置酒宴羣公寒輕綵仗外春發滿城中  
樂思迴斜日歌詞繼大風今朝天子貴不假叔孫通

奉和幸未央宮應制

趙彥昭

夙駕移天蹕憑軒覽漢都寒烟收紫禁春色遶黃圖  
舊史遺陳跡前王失霸符山河寸土盡宮觀尺椽無

唐詩類苑

卷之二百五十五

七

崇高惟在德壯麗豈爲謨茨室留皇覽薰歌盛有虞

奉和幸未央宮應制

李義

鳳輦乘春陌龍山訪故臺北宮纔盡處南斗獨昭回  
肆覽飛宸札稱觴引玉杯已觀蓬海變誰厭柏梁災  
代挹孫通禮朝稱賈誼才忝齊文雅地先後各時來

奉和幸未央宮應制

李嶠

舊宮賢相築新苑聖君來運改城隍變年深棟宇摧  
後池無復水前殿久成灰莫辨祈風觀空傳承露杯  
宸門千載合賡律九韶開今日聯章處猶疑上柏臺

奉和幸未央宮應制

劉憲

漢宮千祀外軒駕一來遊夷蕩長如此威靈不復留  
憑高瞻賞發懷古聖情周寒向南山歛春歌北渭浮  
土功昔云盛人英今所求幸聽薰風曲方知霸道羞

望未央宮

劉滄

西上秦原見未央山嵐川色晚蒼蒼雲樓欲動入清  
渭鴛瓦如飛出綠楊舞席歌塵空歲月宮花草草滿  
池塘香風吹落天人語綵鳳五雲朝漢皇

長信宮二首

于鄴

簾清秋氣初長信恨何如拂黛月生指理髮雲滿梳  
一從悲盡扇幾度泣前魚坐聽南宮樂涼風搖翠裾

唐詩類苑

卷之一百五十五

八

二

一失輦前恩綺羅生暗塵惟應深夜月獨伴向隅人  
長信翠蛾故昭陽紅粉新君心似秋節不使萐長春

甘泉宮

王昌齡

乘輿執玉已登壇細草霑衣春殿寒昨夜雲生拜初  
月萬年甘露水晶盤

魏宮詞

崔國輔

朝日照紅粧擬上銅雀臺畫眉猶未了魏帝使人催  
魏宮詞二首

劉禹錫

日晚長秋簾外恨空林歌舞在明朝添爐火欲薰衣

麝憶得分明不忍燒

日映西陵松柏枝下臺相顧一相悲朝來樂府長歌  
曲唱着君王自作詞

齊宮

溫庭筠

白馬雜金飾言從雕輦迴粉香隨笑度髻態伴愁來  
遠水斜如剪青莎綠似裁所恨章華日冉冉下層臺

齊宮詞

李商隱

永壽兵來夜不扃金蓮無復印中庭梁臺歌管三更  
罷猶自風搖九子鈴

陳宮詞

溫庭筠

唐詩類苑

卷之一百五十五

九

雞鳴人草草香輦出宮花妓語細腰轉馬嘶金面斜  
早鶯隨綵仗驚雉避凝笳淅瀝湘風外紅輪映曙霞

陳後宮二首

李商隱

玄武關新苑龍舟燕幸頻渚蓮叅法駕沙鳥犯鈎陳  
壽獻金莖露歌翻玉樹塵夜來江令醉別詔宿臨春

二

茂苑城如畫閨門瓦欲流還依水光殿更起月華樓  
侵夜鸞開鏡迎冬雉獻裘從臣皆半醉天子正無愁

陳宮

秦韜玉

臨春高閣擬瀛洲貪寵張妃不勝遊便把江山爲已

有豈知臺榭是身警金城暗逐歌聲碎鐵甃潛隨舞  
勢休誰識古宮堪恨處并梧吟雨不勝秋

隋宮春

杜牧

龍舟東下事成空蔓草萋萋滿故宮亡國亡家爲類  
色露桃猶自恨春風

隋宮

李商隱

乘興南遊不戒嚴九重誰省諫書函春風舉國裁宮  
錦半作障泥半作帆

代應二首

李商隱

溝水分流西復東九秋霜月五更風離鸞別鳳今何  
唐詩類苑 卷之百五十五 十一

在十二玉樓空更空

二

昨夜雙鉤敗今朝百草輸關西狂小吏唯喝遶床盧

隋宮

李商隱

紫泉宮殿鎖烟霞欲取蕪城作帝家玉璽不緣歸日  
角錦帆應是到天涯于今腐草無螢火終古垂楊有  
暮鴉地下若逢陳後主豈宜重問後庭花

隋宮守歲

李商隱

消息東郊木帝迴宮中行樂有新梅沉香灰剪爲庭  
燎玉液瓊蘇作壽杯遙望露盤疑是月遠聞鼙鼓欲

驚雷昭陽第一傾城客不踏金蓮不肯來

經煬帝行宮

劉滄

此地曾經翠輦過浮雲流水竟如何香銷南國美人  
盡怨入東風芳草多殘柳宮前空露葉夕陽川上浩  
煙波行人遙起廣陵思古渡月明聞棹歌

長樂宮

孟浩然

秦城舊來稱窈窕漢家更衣應不少紅粉邀君在何  
處青樓苦夜長難曉長樂宮中鐘暗來可憐歌舞慣  
相催歡娛此事今寂寞惟有年年陵樹衰

過晉陽宮

玄宗

唐詩類苑 卷之百五十五 十一  
緬想封唐處寔惟建國初俯察伊晉野仰觀乃參虛  
井邑龍斯躍城池鳳翔餘林塘猶沛澤臺榭宛舊居  
運華祚中否時遷命茲符顧循承丕構怵惕多憂虞  
尚恐威不逮復慮化未孚豈徒勞轍跡所期訓戎車  
習俗問黎人觀巡慰里閭求言念成功頌德臨康衢  
長懷經綸日歎息履庭隅艱難安可忘欲去良踟躕

奉和聖製過晉陽宮應制

蘇頌

隋運與天絕生靈厭氛昏聖期在寧亂士馬興太原  
立極萬邦推登庸四海尊慶膺神武帝業付皇曾孫  
緬慕封唐首追惟歸沛魂昭書感先義典禮循舊藩

高殿綵雲合春旗祥風翻率西見汾水奔北空塞垣  
歎曲兒童佐依遲故老言里頒慈惠賞家授復除恩  
下輦崇三都建碑當九門孝思敦至美憶載奉開元

奉和聖製過晉陽宮應制 張說

太原俗尚武高皇初膺唐星軒三晉曜土樂二堯封  
北風遂舉鵬西河亦上龍至德起王業繼明賴人雍  
六合啓昌期再興廣聖蹤傳呼大駕來文物如雲從  
連營火百里繼觀人千重翠華渡汾樓白日臨罕峰  
粉榆恩賞洽桑梓舊情恭往運感不追清時惜難逢  
詩發尊祖心頌刊盛德容願君及春事迴輿綏萬邦

唐詩類苑

卷之二百五十五

十一

奉和聖製幸晉陽宮

張九齡

隋季失天策萬方罹凶殘皇祖稱義旗三靈皆獲安  
聖期將中錫王業成艱難盜移未改命曆在終履端  
彼汾惟帝鄉洪都信鬱盤一月朔巡狩羣后陪清鑒  
霸迹在沛庭舊儀覲漢官唐風思何深舜典敷更寬  
冢蒙粉榆復邑爭牛酒歎絢惟翦商後豈獨微雨歎  
三后既在天萬年斯石刊尊祖實我皇天文皆仰觀

玉華宮

在坊州  
鳳凰谷

杜甫

溪回松風長蒼鼠竄古瓦不知何玉殿遺構絕壁下  
陰房鬼火青壤道哀湍瀉萬籟真笙竽秋色正瀟灑

美人爲黃土况乃粉黛假當時侍金輿故物獨石馬  
憂來藉草坐浩歌淚盈把冉冉征途間誰是長年者

奉和聖製暇日遊興慶宮 張說

漢武橫汾日周王宴鎬年何如造區夏復此睦親賢  
巢鳳新成閣飛龍舊躍泉棣華歌尚在桐葉戲仍前  
禁籞分埃隔平臺景物連聖慈良有裕王道固無偏  
問俗兆人阜觀風五教宣獻圖開益地張樂奏鈞天  
侍酌衢尊滿詢蒞諫鼓懸詠言刑友愛萬國共周旋

秋望興慶宮

戎昱

先皇歌舞地今日未遊巡幽咽龍池水淒涼御榻塵

唐詩類苑

卷之二百五十五

十三

隨風秋樹葉對月老宮人萬事如桑海悲來欲動神

上陽宮侍宴應制得林字 宋之問

廣樂張前殿重裘感聖心砌奠霜月盡庭樹雪雲深  
舊渥驂宸御慈恩忝翰林微臣一何幸再得聽瑤琴

奉和幸上陽宮侍宴應制 宗楚客

紫庭金鳳闕丹禁玉雞川似立蓬瀛上疑遊崑閬前  
鳥將歌合轉花共錦爭鮮湛露飛堯漦薰風入舜弦  
水光搖落月樹色帶晴烟向夕迴聖輦佳氣滿巖泉

陪留守韓僕射巡內至上陽宮感歎

竇庠



愁煙漠漠草離離太液鈎陳處處疑薄暮毀垣春雨裏殘花猶發萬年枝

上陽宮望幸

劉長卿

玉輦西巡久未還春光猶入上陽間萬木長承新雨露千門空對舊河山深花寂寂宮城閉細草青青御路閑獨見彩雲飛不盡只應求去候龍顏

上陽宮

王建

上陽花木不曾秋洛水穿宮處處流盡閣紅樓宮女笑玉簫金管路人愁幔城入澗橙花發玉輦登山桂葉稠曾讀列仙王母傳九天未勝此中遊

唐詩類苑

卷之二百五十五

十四

上陽宮

羅鄴

春半上陽花滿樓太平天子昔巡遊千門雖對嵩山在一笑還隨洛水流深鎖笙歌巢燕聽遙瞻金碧路人愁翠華却自昇仙去腸斷宮娥望不休

秋月望上陽宮

劉滄

苔色輕塵鎖洞房亂鴉羣鴿集殘陽青山空出禁城日黃葉自飛宮樹霜御路幾年香輦去天津終日水聲長此時獨立意難盡正值西風砧杵涼

奉教追赴九成宮途中口號

李嶠

委質承仙翰祇命遄搖策事偶從梁遊人非背淮客長驅歷川阜迴眺窮原澤鬱鬱桑柘繁油油禾黍積雨餘林氣靜日下山光夕未攀叢桂巖猶捲飄零陌行當奉麾蓋慰此勞行役

九成宮

杜甫

蒼山入百里崖斷如杵臼曾宮憑風迥岌業吐囊口立神扶棟梁鑿翠開戶牖其陽產靈芝其陰宿牛斗紛披長松倒揭嶸怪石走哀猿啼一聲客淚迸林藪荒哉隋家帝製此今頽朽向使國不亡焉爲巨唐有雖無新增修尚置官居守巡非瑤水遠跡是雕牆後

唐詩類苑

卷之二百五十五

十五

我來屬時危仰望嗟嘆久天王守太白駐馬更回首

夏晚九成宮呈同寮

李嶠

碣館分襄野平臺架射峰英藩信煒煒勝地本從容林引梧庭鳳泉歸竹沼龍小工恒共處長坂屬相從野席蘭琴奏山臺桂酒醲一枰移晝景六著盡宵鐘枚藻清詞律鄒譚曜辨鋒結歡良有裕聯袂愧無庸慙恍丘中賞還希物外蹤風烟遠近至魚鳥出來逢月澗橫千丈雲崖列萬重桐紅山果熟崖綠水苔濃願以西園柳長間北巖松

勅借岐王九成宮避暑應教

王維

帝子遠辭丹鳳闕天書遙借翠微宮  
隔窗雲霧生衣上卷幔山泉入鏡中  
林下水聲喧語笑巖間樹色隱房櫺  
仙家未必能勝此何處吹簫向碧空

九成宮

李商隱

十二層城闔苑西平時避暑拂虹霓  
雲隨夏后雙龍尾風逐周王八馬蹄  
吳岳曉光連翠嶽甘泉晚景上丹梯  
荔枝盧橘沾恩幸鸞鵲天書濕紫泥

暇日與兄弟同遊興慶宮作

并序

玄宗

唐詩類苑

卷之二百五十五

十六

暇日與兄弟同遊興慶宮登勤政務本及華萼相輝之樓所以觀風俗而勸人崇友于而敦睦詩以言志歌以詠言情發於衷率題此什

代邸青門石離宮紫陌垂庭如過沛日水若渡江時綺觀連雞岫朱樓接鴈池從來敦棣鄂今此茂荆枝萬葉傳餘慶千年志不移憑軒聊矚目輕輦共追隨務本方崇訓相輝保羽儀時康俗易漸德薄政難施鼓吹迎飛蓋絃歌送羽卮所希覃率土孝弟一同規奉和長春宮應令

虞世南

瑤山盛風樂南皮務逸遊何如事巡撫民瘼諒斯求

文鶴揚輕蓋蒼龍飾桂舟汎沫紫沙嶼寒漸擁急流路指八仙館途經百尺樓眷言昔遊踐迴駕且淹留後車喧鳳吹前旌映綵旂龍驂駐六馬飛閣上三休調諧金石奏歡洽羽觴浮天文徒可仰何以廁琳球

安樂宮

李賀

深井桐烏起尚復牽清水未盥邵陵瓜瓶中弄長竿新成長樂宮官如鳳凰翅歌迴蟬縮鳴左板提筐使綠繁悲水曲茱萸別秋子

新城安樂宮

陳子良

古今樂錄曰王僧虔技錄有新城安樂宮行今不

唐詩類苑

卷之二百五十五

十七

歌樂府解題曰新城安樂宮行備言雕飾刻斷之美也

春色照蘭宮秦女坐窻中柳葉來眉上桃花落臉中拂塵開扇匣卷帳却熏籠衫薄偏憎日裙輕更畏風奉和幸新豐溫泉宮應制

徐彥伯

景龍三年十二月十二日中宗皇帝駕幸溫泉宮勅蒲州刺史徐彥伯入仗同學士例因與武平一等獻詩上官昭容亦賦七言絕句詩三首以獻新豐在臨潼東十五里漢高帝因太上皇思故豐里乃置此縣徙豐人實之故曰新豐并移粉榆舊社

街衢棟宇一如豐里舊制雖雞犬混放亦知其家而歸焉

姬典歌時邁虞編記省方何如黑帝月玄覽白雲鄉  
翠仗縈船岸明旂應着陽風搖花眊彩雪艷寶戈芒  
御陌開油次離宮夾樹行桂枝籠驤裊松葉陰堂皇  
仙女含珠液溫池孕壁房湧疑神瀉溢泛若帝臺漿  
獨沸流常熱潛蒸氣轉香青壇環玉甃紅淀鑠金光  
藻曜凝芳潔歲凝獻淑祥五龍歸寶算九燕叶時康  
同預華封老中衢祝聖皇

奉和幸新豐溫泉宮應制 武平一

唐詩類苑

卷之二百五十五

十八

秦王登碣石周后襲崑崙何必在遐遠方稱萬寓尊  
我皇順時豫星駕動軒轅雄戟交馳道清笳度國門  
迴輿長樂觀校獵上林園行漏移三象連營總八屯  
旌搖鸚鵡谷騎轉鳳凰原絕壁蒼苔古靈泉碧溜溫  
參差開水殿窈窕敞巖軒豐邑模猶在驪宮迹尚存  
烟松銜翠幄雪逕遶花源侍從推玄草文章召武貴  
深仁決夷夏大造溢乾坤忝王枚列多慚雨露恩  
駕幸溫泉宮獻詩三首 上官昭容  
三冬季月景龍年萬乘觀風出灞川遙看電躍龍爲  
馬迥矚霜原玉作田

鸞旂掣曳拂空回羽騎驂驪躡景來隱隱驪山雲外  
聳迢迢御帳日邊開

翠幕珠帷敞月營金罍玉竿泛蘭英歲歲年年常扈  
蹕長長久久樂昇平

同崔員外溫泉宮即事 郭汭

輦輅移雙闕宸遊整六師天迴紫微座日轉羽林旗  
霜氣寒戈戟軍容壯武貔弓鳴射燕處泉暖躍龍時  
惠化成觀俗謳謠入武詩同歡王道盛相與詠雍熙

溫泉宮行 王建

十月一日天子來青繩御路無塵埃宮前內裏湯各

唐詩類苑

卷之二百五十五

十九

別每箇白玉芙蓉開朝元閣向山上起城繞青山龍  
暖水夜開金殿看星河宮女知更月明裏武皇得仙  
王母去山雞晝鳴宮中樹溫泉決決出官流官使年  
年修玉樓禁兵去盡無射獵日西麋鹿登城頭梨園  
弟子偷曲譜頭白人間教歌舞

述華清宮五首 儲光羲

天寶六年冬十月玄宗皇帝如驪山溫泉宮名其

宮曰華清

上在蓬萊宮莫若居華清朝朝禮玄閣日日聞體輕  
大聖不私已精禪爲羣氓

上在蓬萊時六龍儼齊首長道舒羽儀彤雲映前後  
天聲殷宇宙真氣到林藪

昔在軒轅朝五城十二樓今我神泉宮獨在驪山陬  
羣方趨順動百辟隨天遊

正月開陽和通門緝玄化穆穆時容歸豈爲明燈夜  
高山大風起蕭蕭隨龍駕

上林神君宮此地即明庭山開鴻濛色天轉招搖星  
三雪報大有孰爲非我靈

華清詞

劉禹錫

日出驪山東裴徊照溫泉樓臺影玲瓏稍稍開白煙

唐詩類苑

卷之二百五十五

二十

言昔太上皇寄居此祈年風中開清樂往往來列仙  
翠華入五雲紫氣歸上玄哀哀生人淚泣盡弓劍前  
聖道本自我凡情徒顚然小臣感玄化一望青冥天

華清宮三十韻

繡嶺明珠殿層巒下繚牆仰窺雕檻影猶想赭袍光  
昔帝登封後中原自古強一千年際會三萬里是幸  
几席延堯舜軒堦立禹湯雷霆馳號令星斗煥文章  
釣築乘時用芝蘭在處芳北扉閑木索南宮富循良  
至道思玄圃平居厭未央鈞陳夢巖谷文陛麗青蒼  
歌吹千秋節樓臺八月涼神仙高縹緲環珮碎丁當

泉暖涵窻鏡雲嬌惹粉囊嫩嵐滋翠葆清泠照紅粧

帖泰生靈壽歡娛歲序長月聞仙曲調霓作舞衣裳

雨露偏金穴乾坤入醉鄉玩兵師漢武迴首倒干將

鯨鬣掀東海胡鈴揭上陽喧馬鬼血零落羽林槍

傾國留無路還魂怨有香玉峰慘澹秦樹遠微茫

鼎重山難轉天扶業更昌望餘故老花事舊池堦

往事人誰問幽襟淚獨傷碧簷斜送日殷葉半凋霜

迸水傾瑤砌踈風鏤玉房塵埃羯鼓索片段荔枝香

鳥啄摧寒木螭涎蠹畫梁孤烟知客恨遙起秦陵傍

過華清宮

溫庭筠

唐詩類苑

卷之二百五十五

二十一

開元日承平事勝遊貴妃專寵幸天子富春秋  
白霓裳殿風乾羯鼓樓闌雞花蔽膝騎馬玉搔頭  
繡轂千門妓金鞍萬戶侯薄雲歆雀扇輕雪犯貂裘  
過客聞韶躡躑居人識覓旒氣和春不覺烟暖霽難收  
細浪涵瑤甍晴陽上彩旂卷衣輕髻懶窺鏡澹蛾羞  
屏掩芙蓉帳簾寒玳瑁鈎重瞳分渭曲纖手指神州  
御案迷萱草天袍妬石榴深巖藏浴鳳鮮隰媚潛虬  
不料邯鄲颯俄成即墨牛劍鋒揮大旆旗幟拂蚩尤  
內嬖陪行在孤臣預坐籌瑤簪遺翡翠紫仗駐驂騮  
艷笑雙飛斷香魂一哭休早梅悲蜀道高樹隔昭丘

朱閣重霄近蒼崖萬古愁至今湯殿水鳴咽縣前流

過華清宮

李賀

春月夜啼鴉宮簾隔御花雲生朱絡暗石斷紫錢斜  
玉椀盛殘露銀燈點舊紗蜀王無近信泉上有芹芽

華清宮三首

吳融

中原無鹿海無波鳳輦鸞旗出幸多今日故鄉歸寂  
寞太平功業在山河

四郊飛雪暗雲端惟此宮中落便乾綠樹碧簾相掩  
映無人知道外邊寒

漁陽烽火照函關玉輦忽忽下此山一曲霓裳聽不

唐詩類苑

卷之一百五十五

三

盡至今遺恨水潺潺

華清宮

杜牧

零葉翻紅萬樹霜玉蓮開藥暖泉香行雲不下朝元  
閣一曲淋鈴淚數行

華清宮

羅隱

樓殿層層佳氣多開元時節好笙歌也知道德勝堯  
舜爭奈楊妃解笑何

華清宮四首

崔櫓

銀河漾漾月輝輝樓殿星羅織女機橫玉叫雲清似  
水滿空宮送一聲飛

障掩金雞蓄禍機翠華西拂蜀雲飛珠簾一閉朝元

閣不見人歸見燕歸

草遮回磴絕鳴鑾雲樹深深碧殿寒明月自來還自  
去更無人倚玉闌干

門橫金鎖悄無人落日秋聲渭水濱紅葉下山空寂

寂濕雲如夢雨如塵

華清宮

張籍

溫泉流入漢離宮宮樹行行浴殿空武帝時人  
盡青山空閉御墻中

華清宮

林寬

唐詩類苑

卷之一百五十五

三

殿角鐘殘立宿朝元歸駕望無涯香泉空浸宮前

草未到春時爭發花

華清宮二首

李商隱

朝元閣迥羽衣新首按昭陽第一人當日不來高處  
舞可能天下有胡塵

華清恩幸古無倫猶恐蛾眉不勝人未免被他褻女  
笑只教天子暫蒙塵

華清宮二首

盧綸

漢家天子好經過白日青山宮殿多見說只今生草  
處禁泉荒石已相和

水氣朦朧滿畫梁一迴開殿滿山香宮娃幾許經歌  
舞白首翻令憶建章

曉望華清宮

王建

曉來樓閣更鮮明日出闌干見鹿行武帝自知身不  
死看修玉殿號長生

過華清宮

李約

君王遊樂萬機輕一曲霓裳四海兵玉輦昇天人已  
盡故宮猶有樹長生

連昌宮詞

元稹

連昌宮中滿宮竹歲久無人森似束又有墻頭千葉

唐詩類苑

卷之一百五十五

五

桃風動落花紅軟軟宮邊老人爲予泣小年進食曾  
因入上皇正在望仙樓太真同凭闌干立樓上樓前  
盡珠翠炫轉熒煌照天地歸來如夢復如癡何暇備  
言宮裏事初過寒食一百六店舍無煙宮樹綠夜半  
月高絃索鳴賀老琵琶定場屋力士傳呼覓念奴念  
奴潛伴諸郎宿須臾覓得又連催特勅街中許燃燭  
春嬌滿眼睡紅綃掠削雲鬟旋裝束飛上九天歌一  
聲二十五郎吹管逐逡巡大遍涼州徹色色龜茲曲  
錄續李暮壓笛傍宮牆偷得新翻數般曲念奴天寶中名倡善歌舞每歲歲樓下酣宴累日之後萬衆喧隘嚴安之韋甫  
樂單時易不能禁衆樂爲之罷奏玄宗遣高力士大

呼於樓上曰欲遣念奴唱歌詠二十五郎吹小管逐  
看人能聽否未嘗不愜然泰詔其爲當時所重也如  
此然而玄宗不欲奪俠遊之盛未嘗置在宮禁或歲  
幸湯泉時巡東洛有司警蹕從行而已又玄宗嘗于  
上陽宮夜後按新翻一曲屬明夕正月十五日潛遊  
燈下忽聞酒樓上有笛奏前日新曲大駭之明日  
遣捕捉笛者詰驗之有笛奏前日新曲大駭之明日  
宮中夜後按新翻一曲屬明夕正月十五日潛遊  
笛者李暮也玄宗平明大駕發行宮萬人鼓舞途路中  
百官隊仗避岐薛楊氏諸姨車闕風明年十月東都

破御路猶存祿山過驅令供頓不敢藏萬姓無聲淚  
潛墮兩京定後六七年却尋家舍行官前莊園燒盡  
有枯井行官門閉樹宛然爾後相傳六皇帝不到離  
宮門久閉往來年少說長安玄武樓成花萼廢去年

唐詩類苑

卷之一百五十五

五

勅使因斫竹偶值門開暫相逐荆榛櫛比塞池塘狐  
兔騎瘋綠樹木舞榭歌傾基尚在文窗窈窕紗猶綠  
塵埋粉壁舊花鈿烏啄風箏碎珠玉上皇偏愛臨砌  
花依然御榻臨堦斜馳出燕巢盤鬬拱菌生香案正  
當衙寢殿相連端正樓太真流洗樓上頭晨光未出  
簾影黑至今反挂珊瑚鉤指似傍人因慟哭却出宮  
門淚相續自從此後還閉門夜夜狐狸上門屋我聞  
此語心骨悲太平誰致亂者誰翁言野父何分別耳  
聞眼見爲君說姚崇宋璟作相公勸諫上皇言語切  
變理陰陽禾黍豐調和中外無兵戎長官清平太守

好揀選皆言由相公開元之末姚宋死朝廷漸漸由  
妃子祿山宮裏養作兒號國門前鬧如市弄權宰相  
不記名依稀憶得楊與李廟謨顛倒四海搖五十年  
來作瘡痍今皇神聖丞相明詔書纔下吳蜀平官軍  
又取淮西賊此賊亦除天下寧年年耕種官前道今  
年不遣子孫耕老翁此意深望幸努力廟謀休用兵

和李司勳過連昌宮

韓愈

夾道疎槐出老根高甍巨桷壓山原宮前遺老來相  
問今是開元幾葉孫

奉和杜相公太清宮紀事陳誠上李相公十

唐詩類苑

卷之百五十五

六

韻

韓愈

耒耜興姬國輜櫜建夏家在宮誠可尚於道詎爲華  
象帝威容大僊宗寶曆賒衛門羅戟架圖壁雜龍蛇  
禮樂追尊盛乾坤降福遐四真皆齒列二聖亦肩差  
陽月時之首陰泉氣未牙殿階銀水碧庭炬圻金葩  
紫極觀忘倦青詞奏不譁嘈宏宮夜闌嘈獻鼓晨颺  
襲味陳奚取名齊薦孔嘉垂祥紛可錄俾壽浩無涯  
貴相山瞻峻清文玉絕瑕代工聲問遠攝事敬恭加  
皎潔當天月歲筵捧日霞唱妍酬亦麗俛仰但稱嗟

昌年宮作

豆盧復

但有離宮處君王每不居旗門芳草合輦路小槐疎  
殿閉山煙滿牕凝野靄虛豐年多望幸春色待鸞輿

銀潢宮侍宴應制

魏元忠

別殿秋雲上離宮夏景移寒風生玉樹涼氣下瑤池  
灑花仍吐葉殘木尚抽枝願奉南山壽千秋長若斯

題長春宮

于鄴

莫問古宮名古宮空有城唯應東去水不改舊時聲

宿玉簫宮

儲嗣宗

塵飛不到空露濕翠微宮鶴影石橋月簫聲松殿風  
絲毛辭世女白髮入壺翁借問燒丹處桃花幾遍紅

唐詩類苑

卷之百五十五

三

蘭昌宮

劉駕

宮蘭非瑤草安得春長在迴首春又歸翠華不能待  
悲風生輦路山川寂已晦邊恨在行人行人無盡歲

題河中紫極宮

溫庭筠

昔年曾伴玉真遊每到仙宮即是秋曼倩不歸花落  
盡滿叢煙露月當樓

繡嶺宮詞

李洞

春日遲遲春草綠野棠開盡飄香玉繡嶺宮前鶴髮  
猶猶唱開元太平曲

過綺岫宮

唐詩類苑

王建



玉樓傾倒粉牆空重疊青山遶故宮武帝去來羅袖  
盡野花黃蝶領春風

侍宴莎冊宮應制得情字 許敬宗

三星希曙景萬騎翊天行葆羽翻風隊騰吹掩山楹  
暖日晨光淺飛烟旦彩輕塞寒桃變色水斷箭流聲  
漸奏長安道神臯動睿情

唐詩類苑

卷之一百五十五

天

唐詩類苑卷第一百五十六

明雲間張之象玄超甫纂

雲間朱家法季則甫編次

雲間王 徹叔朗甫補訂

梁谿曹仁孫伯安甫校正

居處部

宮

春宮曲

王昌齡

昨夜風前露井桃未央前殿月輪高平陽歌舞新承  
寵簾外春寒賜錦袍

唐詩類苑

卷之一百五十六

春宮詞

李咸用

風和氣淑宮殿春咸陽體解思君恩眼光滴滴心振  
振重瞳不轉憂生民女當爲妾男當臣男力百歲在  
女色片時新用不用惟一人敢放天寵私微身六宮  
萬國教誰賓

石宮四詠

元 結

二

石宮春雲白白雲宜蒼苔拂雲踐石徑俗士誰能來

三

石宮夏水寒寒水宜高林遠風吹蘿蔓野客熙清陰

石宮秋氣清，清氣宜山谷。落葉逐霜風，幽人愛松竹。

四

石宮冬日暖，暖日宜溫泉。晨光靜水霧，逸者猶安眠。

故行宮

王建

寥落古行宮，宮花寂寞紅。白頭宮女在，閑坐說玄宗。

行宮詞

王建

上陽宮到蓬萊殿，行宮巖巖遙相見。向前天子行幸

多，馬蹄車轍千山遍。當時州縣每修治，皆留內人看。

玉案禁兵奪得明，堂後長閉桃源與綺繡。開元歌舞

古，草頭涼州樂人。世嫌舊官家乏人，作官戶不泥宮

唐詩類苑

卷之三百五十六

二

墻斫官樹兩邊伏，屋半崩摧夜火入。林燒殿柱休封

中，岳六十年行宮不見人眼穿。

經古行宮

劉滄

玉輦西歸已幾今，古原風景自沈沈。御溝流水長芳

草，官樹落花幾夕陰。蝴蝶翅翻殘露滴，子規聲盡野

煙深。路人盡說當年事，臺殿寂寥山影侵。

古行宮

章孝標

瓦煙疎冷古行宮，寂寞朱門反鎖空。殘粉水銀流砌

下，墮環秋月落泥中。鶯傳舊語嬌春日，花學嚴粧妬

曉風。天子時清不巡幸，祇應鸞鳳集梧桐。

兩宮秋怨

王昌齡

芙蓉不及美人粧，水殿風來珠翠香。卻恨含啼掩秋

扇，空懸明月待君王。

宮怨

李益

露濕晴花春殿香，月明歌吹在昭陽。似將海水添宮

漏，共滴長門一夜長。

宮怨

韋莊

一辭同輩閉昭陽，耿耿寒宵禁漏長。欽上翠禽應不

返，鏡中紅艷豈重芳。螢低夜色棲瑤草，水咽秋聲傍

粉牆。展轉令人思蜀賦，解將惆悵感君王。

唐詩類苑

卷之三百五十六

三

深宮

李商隱

金殿銷香閉綺籠，玉壺傳點咽銅龍。狂飈不惜蘿陰

薄，清露偏知桂葉濃。斑竹嶺邊無限淚，景陽宮裏及

時鐘。豈知爲雨爲雲處，只有高唐十二峯。

後宮詞

白居易

淚濕羅巾夢不成，夜深前殿按歌聲。紅顏未老恩先

斷，斜倚薰籠坐到明。

後宮詞

白居易

雨露由來一點恩，爭能遍布及千門。三千宮女臙脂

面，幾箇春來無淚痕。

宮中曲

李商隱

雲母濾宮月夜夜白於水賺得羊東來低扇遮黃子  
水精不覺冷自刻鴛鴦翅盤縷茜香濃正朝纏左臂  
巴牋兩三幅滿寫承恩字欲得識青天昨夜蒼龍是

宮中題

文宗

輦路生春草上林花發時憑高何限意無復侍臣知

宮中二首

羅鄴

芳草長含玉輦臣君王遊幸此中頻今朝別有承恩  
處鸚鵡飛來說似人

雖然自小屬梨園不識先皇玉殿門還是當時歌舞

唐詩類苑

卷之二百五十六

四

曲今來何處最承恩

宮中調笑詞四首

王建

團扇團扇美人並來遮面玉容憔悴三年誰復思量

管絃管絃管絃管春草昭陽路斷

蝴蝶蝴蝶飛上金枝花葉君前對舞春風百葉桃花

樹紅紅樹紅樹燕語鶯啼日暮

羅袖羅袖暗舞春風已舊遙看歌舞玉樓好日新粧

坐愁愁坐愁坐一世虛生虛過

楊柳楊柳日暮白沙渡口船頭江水茫茫商人少婦

斷腸腸斷腸斷鷓鴣夜啼失伴

宮中樂五首

張仲素

網戶交如綺紗牕薄似烟樂吹天上曲人是月中仙

二

翠匣開寒鏡珠釵挂步搖粧成祗畏曉更漏促春宵

三

紅果瑤池實金盤露井水甘泉將避暑臺殿曉光凝

四

月彩浮鸞殿砧聲隔鳳樓笙歌臨水檻紅燭乍迎秋

五

奇樹留寒翠神池漾夕波黃山一夜雪滑水鴈聲多

唐詩類苑

卷之二百五十六

五

宮中樂

令狐楚

塞楚金陵靜巴山玉壘空萬方無一事端坐大明宮

二

雪霽長楊苑冰開太液池官中行樂日天下盛明時

三

柳色煙相似梨花雪不如春風空有意一一麗皇居

四

月上宮花靜烟含遠樹深銀臺門已閉仙漏夜沈沈

五

九重青鎖闥百尺碧雲樓明月秋風起珠簾上玉鉤

宮中行樂詞八首

李白

白才逸氣高，與陳拾遺齊名。玄宗召入翰林，以其才藻絕人，器識兼茂，便以上位處之。故宋令以官嘗因宮人行樂，謂高力士曰：「對此良辰美景，豈可獨以聲伎爲娛？倘時得逸才詞人詠出之，可增光耀於遠。」遂命召白。時寧王邀白飲酒，已醉，既至，拜舞，頽然上知其薄聲律，謂非所長，命爲宮中行樂五言律詩八首。白頓首曰：「寧王賜臣酒，今已醉，倘陛下賜臣無畏，始可盡臣薄技。」上曰：「可。」卽遣二內臣掖扶之，命研墨濡筆以授之。又令二人張朱絲

唐詩類苑

卷之百五十六

六

關於其前白取筆杼思，曄曄不停，綴八篇立就，更無加點筆迹。適利鳳跌龍翠，律度對屬，無不精絕。常出入宮中，恩禮殊厚，竟以疎縱乞歸。

小小生金屋，盈盈在紫微。山花插寶髻，石竹繡羅衣。每出深宮裏，常隨步輦歸。只愁歌舞散，化作綵雲飛。

二

柳色黃金嫩，梨花白雪香。玉樓巢翡翠，金殿鎖鴛鴦。選妓隨雕輦，徵歌出洞房。宮中誰第一，飛燕在昭陽。

三

盧橘爲秦樹，蒲萄出漢宮。烟花宜落日，絲管醉春風。

笛奏龍吟水簫鳴，鳳下空。君王多樂事，還與萬方同。

四

玉樹春歸日，金宮樂事多。後庭朝未入，輕輦夜相過。笑出花間語，嬌來竹下歌。莫教明月去，留著醉嫦娥。

五

繡戶香風煖，紗牕曙色新。宮花爭笑日，池草暗生春。綠樹聞歌鳥，青樓見舞人。昭陽桃李月，羅綺自相親。

六

今日明光裏，還須結伴遊。春風開紫殿，天樂下珠樓。豔舞全知巧，嬌歌半欲羞。更憐花月夜，宮女笑藏鉤。

唐詩類苑

卷之百五十六

七

七

寒雪梅中盡，春風柳上歸。宮鶯嬌欲醉，簷燕語還飛。遲日明歌席，新花艷舞衣。晚來移綵仗，行樂泥光輝。

八

水綠南薰殿，花紅北闕樓。鶯歌聞太液，鳳吹繞瀛洲。素女鳴珠珮，天人弄綵毬。今朝風日好，宜入未央遊。

湘宮人歌

溫庭筠

池塘芳意濕，夜半東風起。生綠畫羅屏，金壺貯春水。黃粉楚宮人，芳花玉刻麟。娟娟照棋燭，不語兩含顰。

宮娃歌

李賀

蟬光高懸照紗空花房夜擣紅守宮象口吹香氎氎  
暖七星挂城聞漏板寒入呆恩殿影昏彩鸞簾額著  
霜痕啼蛄弔月鈎欄下屈膝銅鋪鏤阿甄夢入家門  
上沙渚天河落處長州路願君光明如太陽放妾  
魚撇波去

悲老宮人

劉得仁

白髮宮娃不解悲滿頭猶自插花枝曾緣王貌君王  
寵准擬人看似舊時

出宮人二首

杜牧

閑吹玉殿昭華管醉折梨園縹帶花十年一夢歸人

唐詩類苑

卷之二百五十六

八

世絳纓猶封繫臂紗

平陽拊背穿馳道銅雀分香下壁門幾向綴珠深殿  
裏妬拋羞態臥黃昏

宮詞

殷堯藩

吳宮愛歌舞夜夜醉嬋娟見日吹紅燭和塵掃翠鈿  
徒令句踐霸不信子胥賢若問長洲草荒涼無限年

宮詞

李商隱

君恩如水向東流得寵愛移失寵愁莫向樽前奏花  
落涼風只在殿西頭

宮詞

顧况

玉樓天半起笙歌風送宮嬪笑語和月殿影開闌夜  
漏水晶簾捲近秋河

舊宮人

王建

先帝舊宮宮女在亂絲猶挂鳳凰釵霓裳法曲渾拋  
却獨自花間掃玉階

宮詞二首

杜牧

蟬翼輕綃傳體紅玉膚如醉向春風深宮鎖閉猶疑  
感更取丹沙試辟宮

監宮引出暫開門隨例須朝不是恩銀鑰却收金鎖  
合月明花落又黃昏

唐詩類苑

卷之二百五十六

九

宮詞

韓偓

繡裙斜立正銷魂侍女移燈掩殿門燕子不歸花着  
雨春風應自怨黃昏

宮詞

朱慶餘

寂寂花時閉院門美人相並立瓊軒含情欲說宮中  
事鸚鵡前頭不敢言

宮詞

張蠊

日透珠簾見晃旒六宮爭逐百花毬迴看不覺君王  
去已聽笙歌在遠樓

宮詞

李建勳

宮門長閉舞衣閑略識君王鬢便斑却羨落花春不  
管御溝流得到人間

宮詞

張籍

新鶯初放兔猶肥白日君王在內稀薄暮千門臨欲  
鎖紅粧飛騎向前歸

宮詞

長孫翽

一道甘泉接御溝上皇行處不曾秋誰言水是无情  
物也到宮前咽不流

宮詞一百首

王建

蓬萊正殿壓金鰲紅日初生碧海濤開着五門遙北

唐詩類苑

卷之百五十六

十

望柘黃新帕御牀高

殿前傳點各依班召對西來入詔蠻上得青花龍尾  
道側身偷覷正南山

龍煙日暖紫重重宣政門當玉殿風五刻閣前卿相  
出下簾聲在半天中

白玉憲前起草臣櫻桃初赤賜嘗新殿頭傳語金階  
遠因進詞來謝聖人

內人對御疊花牋繡坐移來玉梭邊紅蠟光中呈草  
本平明昇出閣門宣

千牛仗下放朝初玉案傍邊立起居每日進來金鳳

紙殿頭無事不教書

延英引對碧衣郎江硯宣毫各別牀天子下簾親考  
試宮人手裏過茶湯

未明開着九重關金畫黃龍五色幡直到銀臺排仗  
合聖人三殿對西番

少年天子重邊功親到凌烟畫閣中教覓勳臣寫圖  
本長將殿裏作屏風

丹鳳樓門把火開五雲金輅下天來堦前走馬人宣  
慰天子南郊一宿延

樓前立仗看宣赦萬歲聲長再拜齊日照彩盤高百  
唐詩類苑

卷之百五十六

十一

尺飛仙爭上取金鷄

集賢殿裏圖書滿點勘頭邊御印同真跡進來依數  
字別收鎖在玉函中

秘殿清齋刻漏長紫微宮女夜焚香拜陵日近公卿  
發鹵簿分頭出太常

新調白馬拍鞭聲供奉騎來遶殿行爲報諸王侵早  
入隔門催進打毬名

對御難爭第一籌殿前不打背身毬內人唱好龜茲  
急天子龍輿過玉樓

新衫一樣殿頭黃銀帶排方獋尾長總把金鞭騎御

馬綠鬃紅額麝烟香

羅衫葉葉繡重重金鳳銀鵝各一叢每遍舞時分兩  
向太平萬歲字當中

魚藻宮中鎖翠娥先王行處不曾過如今池底休鋪  
錦菱角鷄頭積漸多

殿前明日中和節連夜瓊林散舞衣傳報所司供爇  
燭監開金鎖放人歸

五更三點索金車盡放宮人出看花仗下一時催立  
馬殿頭先報內園家

城東北面望雲樓半下珠簾半上鉤騎馬行人長速  
唐詩類苑 卷之百五十六 十二

過恐防天子在樓頭

射生宮女宿紅粧請得新弓各自張臨上馬時齊賜  
酒男兒跪拜謝君王

新秋白兔大於拳紅耳霜毛趁草眠天子不教人射  
殺玉鞭遞到馬蹄前

肉鷹籠脫解紅條關勝爭飛出手高直上碧雲還却  
下一雙金爪菊花毛

競渡船頭掉綵旗兩邊淺水濕羅衣池東爭向池西  
岸先到先書上字歸

燈前飛出玉堦蟲未臥常聞半夜鐘看着中元齋日

到自盤金線繡真容

紅燈睡裏喚春雲雲上三更直宿分金砌雨來行步  
滑兩人擡起隱花裙

一時起立吹簫管得寵人來滿殿迎整頓衣裳皆著  
却舞頭當拍第三聲

琵琶先抹六么頭小管丁寧側調愁半夜美人雙唱  
起一聲聲出鳳凰樓

春池日暖少風波花裏牽船水上歌遙索劍南新樣  
錦東宮先釣得魚多

十三初學擊篳篥弟子名中被點留昨日教坊新進  
唐詩類苑 卷之百五十六 十三

入並房宮女與梳頭

紅蠻捍撥帖胸前移坐當頭近御筵用力獨彈金殿  
響鳳凰飛下四條絃

春風吹雨洒旗竿得出深宮不怕寒誇道自家能走  
馬園中橫過覓人看

栗金腰帶象牙錐散插紅翎玉突枝旋獵一邊還引  
馬歸來鷄兔遶鞍垂

雲駝花驄各試行一般毛色一般纓殿前來往重騎  
過欲得君王別賜名

每夜停燈熨御衣銀燵籠底火靡靡遙聽帳裏君王



覺上直鐘聲始得歸

因與櫻桃病放歸三年着破舊羅衣內中人識從來  
去結得金花上貴妃

欲迎天子看花去下得金堦却悔行恐見失恩人舊  
院迴來憶着五絃聲

往來舊院不堪修教近宣徽別起樓聞有美人新進  
入六宮未見一時愁

一作宮中誰識大家愁

自諄歌舞勝諸人恨未承恩出內頻連夜宮中修別  
院地衣簾額一時新

悶來無處可思量旋下金堦旋下牀收得山丹紅藥  
唐詩類苑 卷之二百五十六 十四

粉牕中先却麝香黃

蜂鬚蟬翅薄鬆鬆浮動搔頭似有風一度出時拋一  
遍金條零落滿園中

合暗報來門鎖了夜深應別喚笙歌房房下着珠簾  
睡月過金堦白露多

御厨不食索時新每見花開即苦春白日臥多嬌似  
病隔簾教喚女醫人

叢叢洗手遶金盆旋拭紅巾入殿門衆裏遙拋新摘  
子在前收得便承恩

御池水色春來好處處分流白玉渠密奏君王和入

月喚人相伴洗裙裾

移來女樂部頭邊新賜花檀大五絃縱得紅羅手帕  
子中心細畫一雙蟬

新晴草色綠溫暾山雪初消水漸渾今日踏雪  
晚傳聲畱着望春門

雨樓相換珠簾額中尉明朝設內家一樣金盤五千  
面紅酥點出牡丹花

盡送春來出內家記巡傳把一棧花散時各自燒紅  
燭相逐行歸不上車

家常愛着舊衣裳空插紅梳不作粧忽地下堦裙帶  
唐詩類苑 卷之二百五十六 十五

解非時應得見君王

別勅教歌不出房一聲一遍奏君王再三博士畱殘  
拍索向宣徽作徽章

行中第一爭先舞博士傍邊亦被欺忽覺管絃偷破  
拍急翻羅袖不教知

私縫黃綬拾銀梳欲得金仙觀內居近被君王知識  
字收來按上檢文書

月冷江清近臘時玉階金瓦雪漸澌浴堂門外抄名  
入公主家人謝面脂

未承恩澤一家愁乍到宮中憶外頭求守管絃聲款

逐側商調裏唱伊州

東風潑火雨新休  
昇盡春泥掃雪溝  
走馬犢車當御路  
漢陽宮主進鷄裘

風簾水閣壓芙蓉  
四面鈎欄在水中  
避熱不歸金殿宿  
秋河織女夜粧紅

聖人生日明朝是  
私地先須屬內監  
自寫金花紅榜子  
前頭先進鳳凰衫

避暑昭陽不擲盧  
井邊含水噴鴟雛  
內中數日無呼喚  
揚得滕王蛺蝶圖

內宴初秋入二更  
殿前燈火一天明  
中宮傳旨音聲  
唐詩類苑 卷之百五十六 十六

散諸院門開觸處行

玉蟬金雀三層插  
翠髻高叢綠鬢虛  
舞處春風吹落  
地歸來別賜一頭梳

樹葉初成鳥護窠  
石榴花裏笑聲多  
衆中遺却金釵子  
拾得從他要贖麼

小殿初成粉未乾  
貴妃姊妹自來看  
爲逢好日先移  
入續向街西索牡丹

內人相續報花開  
准擬君王便看來  
逢着五絃琴繡  
袋宜春院裏按歌迴

巡吹慢遍不相和  
暗數看誰曲校多  
明日梨花園裏

見先須逐得內家歌

黃金合裏盛紅雪  
重結香羅四出花  
一一傍邊書勅字  
中官送與大臣家

未明東上閣門開  
排仗聲從後殿來  
阿監兩邊相對  
立遙聞索馬一時迴

宮人早起笑相呼  
不識堦前掃地夫  
乞與金錢爭借  
問外頭還似此間無

不隨阿妹學吹笙  
見好君王賜與名  
夜拂玉牀朝把  
鏡黃金殿外不教行

日高殿裏有香烟  
萬歲聲長動九天  
妃子院中初降  
唐詩類苑 卷之百五十六 十七

誕內人爭乞洗兒錢

宮花不共外花同  
正月長先一半紅  
供御櫻桃看守  
別直無鵲鵲到園中

殿前鋪設兩邊樓  
寒食宮人步打毬  
一半走爭來跪  
拜上棚先謝得頭籌

太儀前日暖房來  
囑向朝陽乞藥栽  
勅賜一巢紅  
躡謝恩未了奏花開

御前新賜紫羅襦  
步步金街上軟輿  
宮局總來爲喜  
樂院中新拜內尚書

鸚鵡誰教轉舌關  
內人手裏養來  
姦語多更覺承恩

澤數對君王憶隴山

分明閑坐睹櫻桃收却投壺玉腕勞各把沈香雙  
子局中鬪累阿誰高

禁寺紅樓內裏通笙歌引駕夾城東裏頭宮監堂前  
立手把牙梢竹彈弓

春風院院落花堆金鎖生衣掣不開更築歌臺起粧  
殿明朝先進畫圖來

舞來汗濕羅衣徹樓上人扶下玉梯歸到院中重洗  
面金盆水裏潑銀泥

宿粧殘粉未明天總在昭陽花樹邊寒食內人長白  
唐詩類苑 卷之二百五十六 十八

打庫中先散與金錢

衆中偏得君王笑偷把金箱筆硯開書破紅蠻隔子  
上旋推當直美人來

教遍宮娥唱遍詞暗中頭白沒人知樓中日日歌聲  
好不問從初學阿誰

青樓小婦研裙長總被抄名入教坊春設殿前多舞  
隊棚頭各別請衣裳

水中芹葉土中花拾得還將避衆家總待別人般數  
盡袖中拈出鬱金牙

玉簫改調箏移住催換紅羅繡舞筵未戴柘枝花帽

子兩行官監在簾前

牕牕戶戶院相當總有珠簾玳瑁牀雖道君王不來  
宿帳中長是炷牙香

銀燭秋光冷畫屏輕羅小扇撲流螢天街夜色涼如  
水臥看牽牛織女星

雨入珠簾滿殿涼避風新出玉盆湯內人恐要秋衣  
着不住燠籠換好香

金吾除夜進儺名畫袴朱衣四隊行院院燒燈如白  
日沈香火底坐吹笙

樹頭樹底覓殘紅一片西飛一片東自是桃花貪結  
唐詩類苑 卷之二百五十六 十九

子錯教人恨五更風

金殿當頭紫閣重仙人掌上玉芙蓉太平天子朝元  
日五色雲中駕六龍

日晚長秋簾外報望陵歌舞在明朝添爐欲焚熏衣  
麝憶得分時不忍燒

日映西陵松柏枝下臺相顧一相悲朝來樂府歌新  
曲唱着君王自作詞

淚盡羅巾夢不成夜深前殿按歌聲紅顏未老恩先  
斷斜倚熏籠坐到明

新鷹初放兔初肥白日君王在內稀薄暮千門臨欲

鎖紅粧飛騎向前歸

黃金捍撥紫檀槽絃索初長調更高盡理昨來新上曲內官簾外送櫻桃

鴛鴦瓦上瞥然聲畫寢宮娥夢裏驚元是五皇公

子海棠花下打流鶯  
奉帚平明金殿開且將綉扇共徘徊玉顏不及寒鴉色猶帶昭陽日影來

閑吹玉殿昭陽管醉折梨園縹蒂花千年一夢歸人世絳綰猶封繫臂紗

宮詞

李建勳

唐詩類苑

卷之二百五十六

三

自遠凝旒守上陽舞衣頓減舊朝香簾垂粉閣春將盡門掩梨花日漸長草色深濃封輦路水聲低咽轉宮牆君王一去不迴駕皓齒青娥空斷腸

宮詞

戴叔倫

紫禁迢迢宮漏鳴夜深無語獨含情春風鸞鏡愁中影明月羊車夢裏聲塵暗玉階棋跡斷香飄金屋篆煙清真心一任娥眉妬買賦何須問馬卿

獻王威儀

儲光義

入與真主言有騎天馬來但有華清宮不用神明意肅肅長自閑門靜無人開

宿昔

杜甫

宿昔青門裏蓬萊仗數移花驕迎雜樹龍喜出平池落日留王母微風倚少兒宮中行樂秘少有外人知

洞房

杜甫

洞房環珮冷玉殿起秋風秦地應新月龍池滿舊宮繫舟今夜遠清漏往時同萬里黃山北園陵白露中

能盡

杜甫

能盡毛延壽投壺郭舍人每蒙天一笑復以物皆春政化平如水皇恩斷若神時時用抵戲亦未雜風塵

關鷄

杜甫

唐詩類苑

卷之二百五十六

三

關鷄初賜錦舞馬既登牀簾下宮人出樓前御柳長仙遊終一闕女樂久無香寂寞驪山道清秋草木黃

殿

移伏蓬萊宮御大明殿會吐蕃騎馬之戲因

重為栢梁體聯句

中宗

大明寓御臨萬方中宗顧暫內政翊陶唐韋皇鸞鳴鳳

舞向平陽長寧秦樓魯館沐恩光安樂無心爲子輒

求郎太平雄才七步謝陳王溫王當能讓輦愧前芳

上昭容再司銓管恩可忘昭容文江學海思濟航

陪郎萬邦考績臣所詳郎著作不休出中腸

詩作郎  
權豪屏跡肅嚴霜御史大夫  
鑄鼎開嶽造門貴從一  
堂將作大匠玉醴由來獻壽觴吐蕃舍人

甘露殿侍宴應制 李嶠

月宇臨丹地雲窻網碧沙御筵陳桂醕天酒酌榴花  
水向浮橋直城連禁苑斜承恩恣歡賞歸路滿烟霞

麟趾殿侍宴應制 宋之問

麟趾殿在長安城漢明帝建嘗集公卿有文學者  
八十人於此刊校經史

北闕層城峻西宮複道懸乘輿歷萬戶置酒望三川  
花柳含丹日山河入綺筵欲知陪賞處空外有飛烟

唐詩類苑 卷之百五十六 三

畫殿侍宴應制 徐安貞

校文常近日賜宴忽昇天酒正傳杯至饗人捧案前  
玉階鳴溜水清閣隱歸烟共惜雲香暮春風度幾年

粧殿答太宗 徐賢妃

朝來臨鏡臺粧罷暫徘徊千金始一笑一召詎能來

昭陽曲 劉長卿

昨夜承恩宿未央羅衣猶帶御衣香芙蓉帳小雲屏

暗楊柳風多水殿涼

過玉貞公主影殿 盧綸

夕照臨窻起暗塵青松繞殿不知春君看白髮誦經

者半是宮中歌舞人

殿前曲二首 王昌齡

貴人粧梳殿前催香風吹入殿後來仗引笙歌大宛  
馬白蓮花發照池臺

胡部笙歌西殿頭梨園弟子和涼州新聲一段高樓  
月聖主千秋樂未休

闕

謁見日將至雙巖

曉色臨雙闕微臣禮位倍遠驚龍鳳覩誰識冕旒開  
謫謫千年盛顯顯萬國來天文標日月時令布雲雷

唐詩類苑 卷之百五十六 三

迴出黃金殿全分白玉臺雕蟲竟何取瞻戀不知迴

賦得蕃臣戀魏闕 蔣防

剖竹隨皇命分憂鎮大蕃恩波懷魏闕獻納望天閭  
政奉南風順心依北極尊夢魂通玉陛動息寄朱軒  
直以蒸黎念思陳政化源如何子牟意今古道斯存

唐詩類苑卷第一百五十六終

唐詩類苑卷第一百五十七

明雲間張之象玄超甫纂輯

雲間朱家法季則甫編次

雲間王微叔朗甫補訂

梁谿曹仁孫伯安甫校正

居處部

樓

登萬歲樓

王昌齡

江山巍巍萬歲樓不知經歷幾千秋年年喜見山長在日日悲看水獨流猿狄何曾離暮嶺鷓鴣空自泛

唐詩類苑

卷之百五十七

一

寒洲誰堪登望雲烟裏向晚茫茫發旅愁

登萬歲樓

孟浩然

萬歲樓頭望故鄉獨令鄉思更茫茫天寒鴈度堪垂淚日落猿啼空斷腸曲引古堤臨東浦斜分遠岸近枯楊今朝偶見同袍友却喜家書寄八行

登潤州萬歲樓

劉長卿

高樓獨上思依依極浦遙山合翠微江客不堪頻北望塞鴻何事又南飛垂山古渡寒烟積瓜步空洲遠樹稀聞道王師猶轉戰更能談笑解重圍

咏樓

李嶠

百尺重城際千尋大道隈漢宮井幹起吳國落星開笛怨綠珠去簫隨弄玉來銷憂聊暇日誰識仲宣才

首夏華萼樓觀群臣宴寧王山亭廻樓下申

之以賞樂賦詩

并序

玄宗

萬物莫不氣兆乎上而形視乎下鐵石異品雲蒸並濕草木無心春來咸喜故聖人弘道先王法天酒星主獻酬之義需卦陳飲食之象近命羣官欣時樂宴盡九春之麗景匝三旬之暇日暢飲桂山棹歌沁水醇以養德味以平心本將導達陽和助成長育亦朝廷多慶軍國餘閑者也前月之晦細

唐詩類苑

卷之百五十七

二

風飄雨繁絃中止列席半醉佳辰易失絕興難追良可慨也今年帶閏節候全晚暑氣猶清芳草未歇申布雅意復敘初筵披樂善之邸坐忘憂之觀東郊跬步南山在目足以締夏首之新賞補春餘之墜歡矣朕登覽上宮俯臨長陌暢衆心之怡虞歡歸騎之逶迤鼓之以瑟琴宥之以筐篚衢樽意洽場藿思苗賦我有嘉賓之詩奏君臣相悅之樂踟躕西日吟翫乘風不知秉情發於翰墨也今年通閏月入夏展春輝樓下風花晚城隅宴賞歸九歌揚政要六舞散朝衣天喜時相合人和事不違

禮中推意厚樂處感心微別賞陽臺樂前旬暮雨飛

奉和聖製花萼樓下宴應制

張說

萬心翹樂宴三舍緩昌時山接夏雲險臺留春  
節移芳未歇興隔賞仍追醉後傳嘉惠樓前舞聖慈  
皇恩與時合天意若人期故發前旬雨新垂湛露詩

奉和聖製御春明樓臨右相園亭賦樂賢詩

應制

王維

復道通長樂青門臨上路遙聞鳳吹喧閣識龍輿度  
塞旒明四目伏檻紆三顧小宛接侯家飛薨映宮樹

唐詩類苑

卷之三百五十七

三

商山原上碧漣水林端素銀漢下天章瓊筵承湛露  
將非富民寵信以平戎故從來簡帝心詎得迴天步

奉和聖製登鸞鵲樓

遜

玉輦下離宮瓊樓上半空方巡五年狩更闢四門聰

井邑觀秦墅山河念禹功停鑾留睿作軒檻起南風

春日鳳樓尋勝地

張說

開元十八年二月初令百官於春月旬休選勝行

樂自宰相至員外郎九十二筵各賜錢五千緡或

御花萼樓邀其歸騎畱飲迭使起舞盡歡而去

西掖持醇酒東山就白雲開軒綠池映命席紫蘭芬

舞度花前伴鶯來管作羣太平多樂事春物共氛氲

五鳳樓晚望

白居易

晴陽晚照濕烟銷五鳳樓高天次寒野綠全經朝雨  
洗林紅半被暮雲燒龍門翠黛眉相對伊水黃金線  
一條自入秋來風景好就中最好是今朝

過勤政樓

杜牧

千秋佳節名空在承露絲囊世已無唯有紫苔偏稱  
意年年因雨上金鋪

江陵節度使陽城郡王新樓成王請嚴侍御

判官賦小字句同作

杜甫

唐詩類苑

卷之三百五十七

四

樓上炎天水雪生高飛燕雀賀新城碧窻宿霧濛濛  
濕朱拱浮雲細細輕仗鉞塞帷瞻具美投壺散帙有  
餘清自公多暇延參佐江漢風流萬古情

又作此奉衛王

杜甫

西北樓成雄楚都遠開山岳散江湖二儀清濁還高  
下三伏炎蒸定有無推轂幾年唯鎮靜曳裾終日盛

文儒白頭受簡焉能賦愧似相如爲大夫

夏抄登越王樓臨涪江望雪山寄朝中知友

于興宗

巴西西北樓堪望亦堪愁山亂江迴遠川清樹欲秋



晴明中雪嶺烟靄下漁舟寫寄朝天客知予恨獨遊

和于興宗守綿州登越王樓以詩寄朝士

王鐸

謝朓題詩處危樓壓郡城雨餘江水碧雲斷雪山明  
錦繡來仙境風光入帝京恨無青玉案何以報高情

和于中丞見寄

田章

志乖多感物臨眺更增愁暑候雖云夏江聲已似秋  
雪遙難辨木村近好維舟莫恨歸朝晚朝簪凝勝遊  
于中丞頃牧左綿題詩越王樓上朝賢繼和

輒課四韻

劉璐

唐詩類苑

卷之百五十七

五

隔政代君侯多慙跡令猷山光來戶牖江鳥滿汀洲  
雅韻徵朝客清詞寫郡樓至今謠未已注意在洋州

和于中丞見寄

盧侑

圖畫越王樓開緘慰別愁山光涵雪冷水色帶江秋  
雲鳥孤征鴈烟帆一葉舟嚮風舒霽景如伴謝公遊

和于中丞見寄

李績

早年登此樓退想不勝愁地遠二千里時將四十秋  
邈迤多失路華皓任虛舟詩酒雖堪使何因得共遊

和于中丞見寄

盧求

高情推謝守善政屬綿州未落紫泥詔開登白雪樓

晴江如送日寒嶺鎮迎秋滿壁朝天士唯予不繫舟

登越王樓卽事

牛徵

危樓送遠目信美奈鄉情轉岸孤舟疾銜山落照明  
蕭條看草色惆悵認江聲誰會登臨恨從君白髮生

綿州越王樓卽事

喬琳

三蜀澄清郡政閑登樓携酌日躋攀頓覺胸懷無俗  
事迴看掌握是人寰灘聲曲折涪州水雲影低銜富  
樂山行鴈南飛似鄉信忽然西笑向秦關

登越王樓見喬公詩偶題

王鉦

雲架重樓出郡城虹梁雅韻仲宣情越王空置千年

唐詩類苑

卷之百五十七

六

跡丞相兼揚萬古名過鳥時時衝客會閑風往往弄  
江聲謬將蹇步尋高躅魚目驪珠豈繼明

題越王樓寄獻中丞使君

劉駭

朱軒迴壓碧烟州昔歲賢王是勝遊山簇劍峯朝闕  
遠水如巴字遶城流人間物象分千里天上笙歌醉  
五侯今日登臨無限意同霑惠化自消愁

自梓州刺史入朝經綿州登越王樓以詩贈

別薛逢

高璩

乘遞初登劍外州傾心喜事富人侯方當遊藝依仁  
日便到攀轅臥轍秋客聽巴歌消子夜許陪仙躅上

危樓欲知恨戀情深處聽取長江旦暮流

和薛刺史登越王樓 高 璩

劍外綿州第一州罇前偏喜接名流歌聲婉轉添長恨管色淒涼似到秋但務歡娛思曉角獨耽雲水上高樓莫言此去難相見怨別徵黃是順流

秋日登臨越王樓 李 渥

越王曾牧劍南州因向城隅建此樓橫玉遠開千嶠雪暗雷下聽一江流盡簷先弄朝陽色朱檻低臨衆本秋徒學仲宣聊四望且將詩賦好依劉

登尉佗樓 許 渾

唐詩類苑 卷之百五十七 七

劉項持兵鹿未窮自乘黃屋島夷中南來作尉任翬力北向稱臣陸賈功蕭鼓尚陳今世廟旌旗猶鎖昔時宮越人未必知虞舜一奏薰絃萬古風

宴陳十六樓樓枕金谷 李 頎

西樓對金谷此地古人心白日落庭內黃花生澗陰四隣見疎木萬井度寒砧石上題詩處千年留至今

題臨山人樓 儲光義

暮聲雜初鴈夜色涵早秋獨見海中秋月照君池上樓山雲拂高棟天漢入雲樓不惜朝光滿其如千里遊

秋登宣城謝眺樓 李 白

江城如畫裏山晚望晴空兩水夾明鏡雙橋落綵虹人烟寒橘柚秋色老梧桐誰念北樓上臨風懷謝公宣州謝眺樓餞別校書叔雲

李 白

見人部宗族

賦得彭祖樓送楊德宗歸徐州幕

盧 綸

四戶八牕明玲瓏逼上清外欄黃鵠下中柱紫芝生每帶雲霞色時聞簫管聲望君兼有月幢蓋儼層城

初秋登王司馬樓宴 駱賓王

唐詩類苑 卷之百五十七 八

司馬公千里騰光翼外臺而展足九日多暇敞麗譙以開筵于時葭散秋灰檀移夏火鴻飛漸陸流斷吹以來寒鶴鳴在陰上中天而警露于是餚開玉饌交雜佩以薰蘭酒泛金翹映清罇而湛菊雖傍臨廣派有異漳渠之遊而俯瞰崇墉雅叶城隅之會物色相召江山助人請振翰林用濡筆海云爾

展驥端居暇登龍嘉宴同締賞三清滿承歡六義還野晦寒烟積潭虛夕照空顧慙非夢鳥濫此厠彫蟲

題沈隱侯八詠樓 崔 顥

梁日東陽守爲樓望越中綠牕明月在青史古人空  
江靜聞山狄川長數塞鴻登臨白水晚流恨此遺風

晚夏登張儀樓

李敬伯

層屋架城隈賓筵此日開文鋒摧八陣星分應三台  
望雪煩襟釋當歡遠思來披雲霄漢近覽覺出塵埃

晚夏登張儀樓

姚康

登覽值晴開詩從野思來蜀川新草木秦日舊樓臺  
池景搖中座山光接上台近秋宜晚景極目斷浮埃

奉陪段相公晚夏登張儀樓

姚向

唐詩類苑

卷之百五十七

九

秦相架群材登臨契上台查從銀漢落江自雪山來  
儷曲親流火凌風冷小杯帝鄉如在目欲下盡徘徊

和張儀樓

楊汝士

從公城上來秋近絕纖埃樓古秦規在江分蜀望開  
遠山標宿雪末席本寒灰陪賞今爲忝臨歡敢訴杯

晚夏登張儀樓呈院中諸公

段文昌

重樓窻戶開四望歛烟埃遠岫林端出清波城下廻  
乍疑蟬韻促稍覺雪風來併起鄉關思銷憂在酒杯

晚夏登張儀樓

溫會

危軒重疊開訪古上徘徊有舌嗟秦策飛梁架楚材  
雲霄隨鳳到物象爲詩來欲和關山意已歌調更哀

張儀樓

岑參

傳是秦時樓巍巍至今在樓南兩江水千古長不改  
曾聞昔時人歲月不相待

夜登孔伯昭南樓

時沈太清朱昇在座

孟浩然

誰家無風月此地有琴尊山水會稽郡詩書孔氏門  
再來值秋杪高閣夜無喧華燭把燃蠟清弦方奏鯤  
沈君隱侯胤朱子買臣孫好我意不淺登茲同話言

四望樓

樓在洛陽東今廢秦時有貴公子買虛每自宴其上

唐詩類苑

卷之百五十七

十一

曹鄴

背山見樓影應合與山齊座上日已出城中未鳴鷄  
無限燕趙女吹笙上金梯風起洛陽東香過洛陽西

公子長夜醉不聞子規啼

寄題楊萬州四望樓

白居易

江上新樓名四望東西南北水茫茫無由得與君携  
手同凭欄干一望鄉

庾樓晚望

白居易

獨憑朱檻立凌晨山色初明水色新竹露曉籠衝嶺  
月蘋風暖送過江春子城陰處猶殘雪衙鼓聲前未

有塵三百年來更樓上曾經多少望鄉人

秦樓曲

許渾

秦女夢餘仙路遙月牕風簾夜迢迢伴郎翠鳳雙飛  
去三十六宮聞玉簫

題秦女樓

劉滄

珠翠香銷鴛瓦墮神仙曾向此中遊青樓月色桂花  
冷碧落簫聲雲葉愁杳杳蓬萊人不見蒼蒼苔蘚路  
空留一從鳳去千年後迢遞岐山水石秋

望黃鶴樓

李白

東望黃鶴山雄雄半空出四面生白雲中峰倚紅日

唐詩類苑

卷之百五十七

十一

巖巒行穹跨峰嶂亦冥密頗聞列仙人於此學飛術  
一朝向蓬海千載空石室金龜生烟埃玉潭秘清謐  
地古遺草木庭寒老芝术蹇余羨攀躋因欲保閒逸  
觀奇偏諸岳茲嶺不可匹結心寄青松永悟客情畢

黃鶴樓送孟浩然之廣陵

李白

故人西辭黃鶴樓烟花三月下揚州孤帆遠影碧空  
盡唯見長江天際流

醉後答丁十八以詩譏余搥碎黃鶴樓

李白

見人部嘲戲

黃鶴樓

崔顥

昔人已乘白雲去此地空餘黃鶴樓黃鶴一去不復  
返白雲千載空悠悠晴川歷歷漢陽樹春草萋萋鸚鵡  
洲日暮鄉關何處是烟波江上使人愁

盧侍御與崔評事爲予於黃鶴樓致宴宴罷

同望

白居易

江邊黃鶴古時樓勞置華筵待我遊楚思絲茫雲水  
冷商聲清脆管絃秋白花浪濺頭陀寺紅葉林籠鷓  
鴒洲總是平生未行處醉來堪賞醒堪愁

登岳陽樓有懷寄座主相公

唐詩類苑

卷之百五十七

十二

曹鄴

南登岳陽樓北眺長安道不見昇平里千山樹如草  
骨肉在南楚沈憂起常早白社愁成空秋蕪待誰掃  
常聞詩人語西子不宜老賴識丹元君時來語蓬島

岳陽樓別竇司直

韓愈

洞庭九州間厥大誰與讓南匯群崖水北注何奔放  
瀦爲七百里吞納各殊狀自古澄不清環混無歸向  
炎風日搜攪幽怪多冗長軒然大波起宇宙隘而  
妨訪窺我拔嵩華騰蹕較健壯聲音一何宏轟軻車  
萬兩猶疑帝軒轅張樂就空曠蛟螭露角屨編練吹

組帳鬼神非人世節奏頗踈陽施見誇麗公  
悽愴朝過宜春口極北缺堤墮夜纜巴陵洲叢蒨纔  
可傍星河盡涵泳俯仰迷下上餘瀾怒不已喧聒鳴  
甕盎明登岳陽樓輝煥朝日亮飛廉戕其威清宴息  
纖縠泓澄湛凝綠物影巧相況江豚時出戲驚波忽  
蕩漾時當冬之孟隙竅縮寒漲前臨指近岸側坐眇  
難望滌濯神魂醒幽懷舒以暢主人孩童舊握手乍  
忻悵憐我寔逐歸相見得無恙開筵交履舄爛漫倒  
家釀杯行無留停高柱送清唱中盤進橙栗投擲傾  
脯醬歡窮悲心生婉孌不能忘望念昔始讀書志欲  
唐詩類苑 卷之百五十五 十一  
千霸王屠龍破千金爲藝亦云亢愛才不擇行觸事  
得譏謗前年出官由此禍最無妄公卿採虛名擢拜  
識天仗奸猜畏彈射斥逐恣欺誑新恩移府庭逼側  
廁諸將于嗟苦鴛鴦緩但恐失宜當追思南渡時魚腹  
甘所莖嚴程迫風帆劈箭入高浪顛沈在須臾忠鯁  
誰復諒生還真可喜尅已自懲創庶從今日後粗識  
得與喪事多改前好趣有獲新尚誓耕十畝田不取  
萬乘相細君知蠶織稚子已能餉行當掛其冠生死  
君一訪

與夏十二登岳陽樓

李白

樓觀岳陽盡川迴洞庭開鴈引愁心去山銜好月來  
雲間逢下榻天上接行杯醉後涼風起吹人舞袖回  
陪裴使君登岳陽樓 杜甫  
湖闊兼雲霧樓孤屬晚晴禮加徐孺子詩接謝宣城  
雪岸叢梅發春泥百草生敢違漁父問從此更南征  
登岳陽樓 杜甫  
昔聞洞庭水今上岳陽樓吳楚東南拆乾坤日夜浮  
親朋無一字老病有孤舟戎馬關山北憑軒涕泗流  
岳陽樓 江爲  
倚樓高望極展轉念前途晚葉紅殘楚秋江碧入吳  
唐詩類苑 卷之百五十五 十四  
雲中來鴈急天末去帆孤明月誰同我悠悠上帝都  
秋日登岳陽樓晴望 張碧  
三秋倚練飛金盞洞庭波定平如剗天高雲捲綠羅  
低一點君山嶼人眼漫漫萬頃鋪琉璃烟波闊遠無  
鳥飛西南東北競無際直疑浸斷青天涯屈原回日  
牽愁吟龍宮感激致應沈賈生憔悴說不得茫茫烟  
靄堆湖心又云范蠡帆張一掌風無人來往繼其中  
岳陽樓 李商隱  
欲爲平生一散愁洞庭湖上岳陽樓可憐萬里堪乘  
興枉是蛟龍解覆舟

岳陽樓

元稹

岳陽樓上日衙牕影到深潭赤玉幢悵望殘春萬般  
意滿欄湖水入西江

岳陽樓

李商隱

漢水方城帶百蠻四隣誰道亂周班如何一夢高唐  
雨自此無心入武關

岳陽樓晚望

崔珣

乾坤千里水雲間釣艇如萍去復還樓上北風斜卷  
席湖中西日倒銜山懷沙有恨騷人往鼓瑟無聲帝  
子閑何事黃昏尚凝睇數行烟樹接荆蠻

唐詩類苑

卷之百五十七

五

題岳陽樓

白居易

岳陽城下水漫漫獨上危樓凭曲欄春岸綠時連夢  
澤夕波紅處近長安猿攀樹立啼何苦鴈點湖飛渡  
亦難此地唯堪畫圖障華堂張與貴人看

陪張湖南宴望岳陽樓

張中丞知雜事

元稹

觀象樓前奉末班絳峰只似殿庭間今日高樓重陪  
宴雨籠衡岳是南山

寄王舍人竹樓

李嘉祐

傲吏身閒笑五侯西江取竹起高樓南風不用蒲葵

扇紗帽閒眠對水鷗

竹樓宿

白居易

小書樓下千竿竹深火爐前一盞燈此處與誰相伴  
宿燒丹道士坐禪僧

登蒲州逍遙樓

玄宗

長榆息烽火高柳淨風塵北征巡九洛展豫出三秦  
昔是潛龍地今爲上里晨時平兼道泰聊賞遇年春  
黃河分地脉飛觀接天津一覽遺芳翰千載肅如神  
奉和聖製登蒲州逍遙樓應制

蘇頌

唐詩類苑

卷之三百五十七

六

在昔堯舜禹遺塵成典謨聖皇東巡狩况乃經此都  
樓觀紛迤邐河山幾縈紆緬懷祖宗業相繼文武圖  
尚德既無險觀風諒有孚豈如汾水上簫鼓事遊娛  
登潤州芙蓉樓

崔峒

上古人何在東流水不歸往來潮有信朝暮事成非  
烟樹臨沙淨雲帆入水稀郡樓多逸興良牧謝玄暉

芙蓉樓送辛漸二首

王昌齡

寒雨連江夜入吳平明送客楚江孤洛陽親友如相  
問一片冰心在玉壺

丹陽城南秋海陰丹陽城北楚雲深高樓送客不能

醉寂寂寒江明月心

登鵲雀樓

王之渙

白日依山盡黃河入海流欲窮千里目更上一層樓

鵲雀樓晴望

馬戴

堯女樓西望人懷太古時海波通禹鑿一作山木開

虞祠鳥道殘虹掛龍潭返照移行雲如可馭萬里赴

心期

登鵲雀樓

耿湋

久客心常醉高樓日漸低黃河經海內華岳鎮關西  
去遠千帆小來遲獨鳥迷終年不得意空覺負東溪

唐詩類苑

卷之百五十七

七

同崔郊登鵲雀樓

李益

鵲雀樓西百尺墻汀洲雲樹共茫茫漢家簫鼓空流  
水魏國山河半夕陽事去千年猶恨速愁來一日即

爲長風烟併是思歸望遠目飛春亦自傷

燕子樓三首

白居易

徐州故張尚書有愛妓曰盼盼善歌舞雅多風態

予爲校書郎時遊徐泗間張尚書宴予酒酣出盼

盼以佐歡歡甚予因贈詩云醉嬌勝不得風嫋壯

丹花盡歡而去邇後絕不相聞迨茲僅一紀矣昨

日司勳員外郎張仲素續之訪予因吟新詩有燕

子樓詩三首詞甚婉麗詰其由爲盼盼作也續之

從事武寧軍累年頗知盼始末云尚書旣歿歸葬

東洛而彭城有張氏舊第第中有小樓名燕子盼

盼念舊愛而不嫁居是樓十餘年幽獨塊然于今

尚在予愛續之新味感彭城舊遊因同其題作三

絕句

滿窗明月滿簾霜被冷燈殘拂臥牀燕子樓中霜月

夜秋來只爲一人長

鈿暈羅衫色似烟幾迴欲著即潸然自從不繹霓裳

曲疊在空箱已十年

唐詩類苑

卷之百五十七

六

今春有客洛陽迴曾到尚書墓上來見說白楊堪作

柱爭教紅粉不成灰

題吳興消暑樓十二韻

杜牧

晴日登攀好危樓物象饒一溪通四境萬岫遶層霄

鳥翼舒華屋魚鱗掉短橈浪花機乍織雲葉近新雕

臺榭羅嘉卉城池敞麗譙蟾蜍來作鑑蠅蝶引成橋

燕任隨秋葉人空集早潮楚鴻行盡直沙鷺立偏翹

暮角淒淒遊旅清歌慘慘寥景牽遊目困愁託酒腸銷

遠吹流松韻殘陽渡柳橋時陪庾公賞還悟脫煩囂

登郢州白雪樓

白居易



白雪樓中一望鄉青山簇簇水茫茫朝來渡口逢京使說道烟塵近洛陽

夕陽樓

在榮陽是所如今遂寧蕭侍郎收榮陽日作者

李商隱

花明柳暗繞天愁上盡重城更上樓欲問孤鴻向何處不知身世自悠悠

登初陽樓寄懷北平郎中

皮日休

危樓新製號初陽白粉青葳射沼光避酒幾浮輕舫  
艫下基曾覺睡驚鴛鴦投鉤列坐圍華燭格簾分朋占  
靚粧莫怪重登頻有恨二年曾待舊吳王

唐詩類苑

卷之百五十七

十九

奉和皮襲美登初陽樓

陸龜蒙

遠窻浮檻亦成年幾伴楊公白晝筵日暖烟花曾撲地  
氣和星象却歸天間將水石侵軍壘醉引笙歌上釣船  
無限恩波猶在目東風吹起細漪漣

淮南高駢所造迎仙樓

羅隱

鸞音鶴信杳難迴鳳駕龍車早晚來仙境是誰知處  
所人間空自造樓臺雲侵朱檻應難到蟲網閑窻永  
不開仔細思量成底事露凝風擺作塵埃

走馬樓三更曲

溫庭筠

春姿暖氣昏神沼李樹拳枝紫芽小玉皇夜入未央

官長火千條照樓鳥馬過平橋通盡堂虎蟠龍戟風  
飄揚簾間清唱報寒點丙舍無人遺燼香

登宛陵條風樓寄實常侍

羅隱

亂罹時節懶登臨試借條風半日吟遠見晚山含曉  
律不知高閣動歸心溪喧晚棹千聲浪雲護寒文陰  
自笑疎慵似麋鹿也教臺上費黃金

登九峰樓

杜牧

晴江灩灩含淺沙高低遶郭滯秋花牛歌漁笛山月  
上驚渚鶯梁溪日斜爲郡異鄉徒泥酒杜陵芳草豈  
無家白頭搔殺倚柱遍歸棹何時聞軋鴉

唐詩類苑

卷之百五十七

二十

齊雲樓晚望偶題十韻兼呈馮侍御周殷二

協律

白居易

潦倒官情盡蕭條芳歲闌欲辭南國去重上北城看  
復疊江山壯平鋪井邑寬人稠過楊府坊開半長安  
插霧峰頭沒穿霞日脚殘水光紅漾漾樹色綠漫漫  
約略畱遺愛殷勤念舊歡病拋官職易老別友朋難  
九月禾全熟西風亦未寒齊雲樓北面半日凭欄杆

顯茂樓

邵詒

泰山渭水尚悠悠如何草樹迷宮闕繁華朱翠盡東  
流唯有望樓對明月

烏程水樓留別

權德輿

悠然千里去惜此一罇同客散高樓上帆飛細雨中  
川程隨遠水楚思望清楓共說前期易滄波處處通  
七月一日題終明府水樓二首

杜甫

高棟層軒已自涼秋風此日灑衣裳  
脩然欲下陰山雪不去非無漢署香  
絕塵過雲開錦繡疎松隔水奏  
笙簧看君宜著王喬履真賜還疑出尚方

處子彈琴邑宰日終軍棄繻英妙時承家節操尚不  
泯爲政風流今在茲可憐賓客盡傾蓋何處老翁來

唐詩類苑

卷之百五十七

王

賦詩楚江巫峽半雲雨清簾疎簾看奕棋

遊平泉宴浥澗宿香山石樓贈坐客

白居易

逸少集蘭亭李倫宴金谷金谷太繁華蘭亭開絲竹  
何如今日會浥澗平泉曲杯酒與管絃貧中隨分足  
紫鮮林笋嫩紅潤園桃熟採摘助盤筵芳滋盈口腹  
閑吟暮雲碧醉籍春草綠舞妙豔流風歌清叩寒玉  
古詩惜畫短歡我令秉燭是夜勿言歸相携石樓宿

送嚴侍郎到綿州同登杜使君江樓宴

杜甫

野興每難盡江樓延賞心歸朝送使節落影惜登臨  
稍稍烟集渚微微風動襟重船依淺瀨輕鳥度層陰  
檻峻背幽谷窗虛交茂林燈光散遠近月彩靜高深  
城擁朝來客天橫醉後參窮途衰謝意苦調短長吟  
此會共能幾諸孫賢至今不勞朱戶閉自待白河沈

望江樓

白居易

江畔百尺樓樓前千里道憑高望平遠亦足舒懷抱  
驛路使憧憧關防兵草草及茲多事日猶覺閑人好  
我年過不惑休退誠非早從此拂塵衣歸山未爲老

江樓

杜牧

唐詩類苑

卷之百五十七

王

獨酌芳春酒登樓已半醺誰驚一行鴈衝斷過江雲

楊子江樓

孫逖

楊子何年邑雄雉作一關江連二妃渚雲近八公山  
驛道清風外人烟綠嶼間晚來潮正滿數處落帆還

宿杜判官江樓

郎士元

適楚豈吾願思歸秋向深故人江樓月永夜千里心  
葉落覺鄉夢鳥啼驚越吟寥寥更何有續斷空城砧

江樓望歸時避難在越中

白居易

滿眼雲水色月明樓上人旅愁春入越鄉夢夜歸秦  
道路通荒服田園隔虜塵悠悠滄海畔十載避黃巾

江樓偶宴贈同座

白居易

南浦閑行罷西樓小宴時望湖凭檻久待月放杯遲  
江菓嘗盧橘山歌聽竹枝相逢且同樂何必舊新知

金陵西泊舟臨江樓

劉長卿

蕭條金陵郭舊是帝王州日暮望鄉處雲邊江樹秋  
楚雲不可託楚水只堪愁行客千里滄波朝暮流  
迢迢洛陽夢獨臥清川樓共如此孤帆難久遊  
江樓送太康郭主簿赴嶺南

劉長卿

對酒憐君安可論當官愛士如平原料錢用盡却爲

唐詩類苑

卷之百五十七

三

謗食客空多誰報恩萬里孤舟向南越蒼梧雲中暮  
帆滅樹色應無江北秋天涯尚見淮陽月驛路南隨  
桂水流猿聲不絕 州青山落日那堪望誰見思  
君江上樓

江樓曲

李賀

樓前流水江陵道鯉魚風起芙蓉老曉釵催鬢語南  
風抽帆歸來一日功壘吟浦口飛梅雨竿頭酒旗換  
青萍蕭瑟浪白雲差池黃粉油衫寄郎主新槽酒聲  
苦無力南湖一頃菱花白眼前便有千里思小玉開  
屏見山色

江樓二首

韓偓

夢啼鳴鳥覺無語杳杳微微望煙浦樓空客散燕交  
飛江靜帆稀日亭午

鯉魚苦笋香味新楊花酒旗三月春風光百計牽人  
老爭奈多情是病身

晚登江樓有懷

李嘉祐

獨坐南樓佳興新青山綠水共爲憐爽氣遙分隔浦  
岫斜光偏照渡江人心間鷗鳥時相近事簡魚竿私  
自親只憶帝京不可到秋琴一弄欲沾巾

題鐵門關樓

岑參

唐詩類苑

卷之百五十七

三

鐵關天西涯極目少行客關門一小吏終日對石壁  
橋跨千仞危路盤兩崖窄試登西樓望一望頭欲白

題潼關樓

崔顥

客行逢雨霽歇馬上津樓山勢雄三輔關門扼九洲  
川從陝路去河遶華陰流向晚登臨處風烟萬里愁

唐詩類苑卷第一百五十八

明雲間張之象玄超甫纂輯

雲間朱家法季則甫編次

雲間王微叔朗甫補訂

梁谿曹仁孫伯安甫校正

居處部

樓

登臨沮樓

張九齡

高深不可厭巡屬復來過本與衆山絕况茲韶景和  
危樓入水倒飛檻向空摩維樹綠青壁膠枝掛綠羅

唐詩類苑

卷之二百五十八

潭清能徹底魚樂好跳波有象言難具無端思轉多  
同懷不在此孤賞欲如何

湘南登臨湘樓

元稹

高處望瀟湘花時萬井香雨餘憐日嫩歲閨覺春長  
霞斜分危榜烟波透遠光情知樓上好不是仲宣鄉

登瀛洲南樓寄遠

沈佺期

層城起麗譙憑覽出重霄茲地多形勝中天宛寂寥  
四榮摩鸛鶴百拱厲風飈北際燕王館東連秦帝橋  
晴光七郡滿春色兩河遙傲睨非吾土躊躇適遠竄  
離居欲有贈春草寄長謡

酬鴻臚裴主簿雨後睢陽北樓見贈之作

高適

暮霞照新晴歸雲猶相逐有懷晨昏暇想見登眺目  
問禮侍彤檐題詩訪茅屋高樓多古今陳事清談各  
地久微子封臺餘孝王築徘徊顧霄漢豁達俯川陸  
遠水對秋城長天向喬木公門何清淨列戟森已肅  
不歎攜手稀恒思着鞭速終當拂羽翰輕舉隨鴻鵠  
陪狄員外早秋登府西樓因呈院中諸公

岑參

常受張儀樓西山正相當千峯帶積雪百里臨城墻

唐詩類苑

卷之二百五十八

二

烟氛掃晴空草樹映朝光車馬隘百井里閑盤二江  
亞相自登壇時危安此方威聲振蠻貊惠化鍾華陽  
旌節羅廣庭戈鋌凜秋霜階下貌虎士幕中鴛鴦行  
今我忽登臨顧恩不望鄉知已猶未報鬢毛颯已蒼  
時命難自知功業豈暫忘蟬鳴秋城夕鳥去江天長  
兵馬休戰爭風塵尚蒼茫誰當共攜手賴有冬官郎  
登北庭北樓呈幕中諸公 岑參

嘗讀西域傳漢家得輪臺古塞千年空陰山獨崔嵬  
二庭近西海六月秋風來日暮上北樓殺氣凝不開  
大荒無鳥飛但見白龍堤舊國渺天末歸心日悠哉

上將新破胡西郊絕烟埃邊城寂無事撫劍空徘徊  
幸得趨幕中託身厠羣才早知安邊計未盡平生懷  
早秋單父南樓酬寶公衡 李白  
白露見日滅紅顏隨霜凋別君苦俯仰春芳辭秋條  
太山嵯峨夏雲在疑是白波漲東海散爲飛雨天上  
來遙帷却卷清浮埃知君獨坐清軒下此時結念同  
所懷我閉南樓看道書幽巖清寂在仙居曾無好事  
來相訪賴有高文一起予

單父東樓秋夜送族弟沈之秦

李白

唐詩類苑

卷之二 辛 八

三

爾從咸陽來問我何勞苦沐猴而冠不足言身騎土  
牛滯東魯沈弟欲行疑弟留孤飛一鴈秦雲秋坐來  
黃葉落四五北斗已挂城西樓絲桐感人絃亦絕滿  
堂送客皆惜別捲簾見月清興來疑是山陰夜中雪  
明日斗酒別惆悵塵路清遙望長安日不見長安人  
長安宮闕九天上此地曾經爲近臣一朝復一朝白  
髮心不改屈平顛顛滯江潭亭伯流離放遠海折翮  
翻飛隨轉蓬聞弦虛墜下霜空望朝久棄青雲士他  
日誰憐張長公

題潯陽樓

白居易

常愛陶彭澤文思何高玄又怪韋江州詩情亦清閑  
今朝登此樓有以知其然大江寒見底匡山青倚天  
深夜湓浦月平旦鑪峰烟清輝與靈氣日夕供文篇  
我無二人才孰爲來其間因高偶成句俯仰愧江山  
盤匡縣北樓望山 白居易

登新平樓

李白

去國登茲樓懷歸暮秋天長落日遠水淨寒波流  
秦雲起嶺樹胡鴈飛沙洲蒼蒼已萬里目極令人愁  
陪張丞相登嵩陽樓 孟浩然

唐詩類苑

卷之二 辛 八

四

獨步人何在嵩陽有古樓歲寒問耆舊行縣擁諸侯  
決潁北彌望沮漳東會流客中遇知己無復越鄉憂  
與薛司戶登樟亭樓 孟浩然

水樓一登望半出青林高帝幕英寮敞芳筵下客叨  
山藏伯禹穴城壓伍胥濤今日觀溟漲垂綸欲釣鰲  
題新津北橋樓 杜甫

望極南城上開筵近鳥巢白花簷外朶青柳檻前梢  
池水觀爲政尉烟覺遠庖西川共客眼唯有此江郊  
登無錫北樓 郎士元

秋興因危堞歸心過遠山風霜征鴈早江海旅人還

驛樹寒仍密漁舟晚更閒仲宣何所賦祗欲滯柴關

登丹陽北樓

郎士元

寒臯那可望旅望又初還迢遞高樓上蕭條曠野間  
暮晴依遠水秋興屬連山浮客時相見霜凋動翠顏

郡樓春燕

韋應物

衆樂雜軍鞞高樓邀上客思逐花光亂賞餘山景夕  
爲郡訪凋瘵守程難損益聊假一杯歡暫忘終日迫

聞友人會裴明府縣樓

項斯

閑閣雨吹塵陶家揖上賓湖山萬疊翠門樹一行春  
景遍歸簷燕歌喧已醉身登臨興不足喜有數來因

唐詩類苑

卷之二百五十八

五

登澤州北樓宴

陳子昂

平生倦遊者觀化久無窮復來登此國臨望與君同  
坐見秦兵壘遙聞趙將雄武安君何在長平事已空  
且歌玄雲曲御酒舞薰風勿使青衿子嗟爾白頭翁

寄題餘杭郡樓兼呈裴使君

白居易

官歷二十政宦遊三十秋江山與風月最憶是杭州  
北郭沙堤尾西湖石岸頭綠觴春送客紅燭夜廻舟  
不敢言遺愛空知念舊遊憑君吟此句題向望瀟樓

山陰縣西樓

孫逖

都邑西樓芳樹間逶迤霽色遶江山海月夜從公舉

出江雲晚對訟庭還誰知春色朝朝好二月飛花滿

江草一見湖邊楊柳風遙憶青青洛陽道

上汝州郡樓

李益

黃昏鼓角似邊州三十年前上此樓今日山城對垂  
淚傷心不獨爲悲秋

宿淮陰南樓酬常伯能

皇甫冉

淮陰日落上南樓喬木荒城古渡頭浦外野風初入  
戶窗中海月早知秋滄波一望通千里畫角三聲起  
百憂佇立分宵絕來客煩君步履忽相求

唐詩類苑

卷之二百五十八

六

咸陽西樓別賈審

郎士元

西樓迥起寒原上霽日遙分萬井間小苑城隅連渭  
水離宮曙色近京關亭臯寂寞傷孤客雲雪蕭條滿  
衆山時命如今猶未偶辭君擬欲拂衣還

韶州韶陽樓夜讌

許渾

待月西樓捲翠羅玉杯瑤瑟近星河  
密窻外青山薄暮多鸛鶴未知狂客醉鷓鴣先讓美  
人歌使君莫惜通宵飲刀筆初從馬伏波

春早郡樓書事寄呈府中羣公

許渾

兩鬢垂絲髮半霜石城孤夢繞襄陽  
鷺鴻幕裏蓮披檻虎豹營中柳拂墻  
盡舸欲行春水急翠簾初捲暮山長  
峴亭風起花千片流入南湖盡日香

過襄陽樓呈上府主嚴司空樓在江陵節度

便宅北隅

元稹

襄陽樓下樹陰成荷葉如錢水面平  
拂水柳花千萬點隔林鷺舌兩三聲  
有時水畔看雲立每日樓前信馬行  
早晚暫教王粲上庾公應待月分明

定遠樓

羅隱

前年上將定妖氛曾築嚴城駐大軍  
近日關防雖弛

唐詩類苑

卷之二百五十八

七

拆舊時欄檻尚侵雲蠻兵續盛人皆仗  
坐石名高世共聞唯恐亂來良吏少不  
知誰解叙功勲

清和縣樓作

韋莊

有客微吟獨凭樓碧雲紅樹不勝愁  
盤鴟迴印天心浸遠水斜牽日脚流  
千里戰塵連上苑九江歸路隔東周  
故人此地揚帆去何處相思雪滿頭

答白杭州郡樓登望盡圖見寄

張籍

盡得江城登望處寄來今日到長安  
乍驚物色從詩出更想工人下手難  
將展書堂偏覺好每來朝客盡

求看見君向此閒吟意肯恨當時作外官

渭陽樓閒望

鄭谷

千重二華見皇州望盡凝嵐卽此樓  
細雨不藏秦樹色夕陽空照渭河流  
後車疑見前車覆今日難忘昨日憂  
擾擾塵中猶未已可能疎傳獨能休

同蕭山陳長官縣樓登望

方干

坐看南北與西東遠近無非禮義中  
一縣繁花香送雨五株垂柳綠隨風  
畫潮背郭喧還靜驛路穿林斷復通  
仲叔受恩多感戀徘徊却怕酒壺空

秋日登醴泉縣樓

劉滄

唐詩類苑

卷之二百五十八

八

閒上高樓時一望綠蕪寒野靜中分  
人行直路入秦樹鴈截斜陽背塞雲  
渭水自流汀島色漢陵空長石苔紋  
秋風高柳出危葉獨聽蟬聲日欲曛

登池州九峰樓寄張祐

杜牧

百感裏來不自由角聲孤起夕陽樓  
碧山終日思無盡芳草何年恨卽休  
曉在眼前長不見道非身外更何求  
誰人得似張公子千首詩輕萬戶侯

和剡縣陳明府登縣樓

方干

郭裏人家如掌上簷前樹木映窗櫺  
烟霞自接天台地分野應侵婺女星  
驛路古今通北闕仙溪日夜入



東溟綵衣才子多吟嘯公退時時見畫屏

題金城臨河驛樓

岑參

古戍依重險高樓見五涼山根盤驛道河水浸城牆  
庭樹巢鸚鵡園花隱麝香忽如江浦上憶作捕魚郎

登霍山驛樓

李商隱

廟列前峰迥樓開四望窮嶺巖嵐色外陂鴈公陽中  
弱柳千條露衰荷一向風壺關有狂孽速繼老生功

題江陵臨沙驛樓

司空曙

江天清更愁風柳入江樓鴈惜楚山晚蟬知秦樹秋  
淒涼多獨醉零落半同游豈獲平生意蒼然蘭杜州

唐詩類苑

卷之百辛八

九

候使石頭驛樓

張九齡

山檻憑高望川途眇北流遠林天翠合前浦日華浮  
萬井綠津渚千艘咽渡頭漁商多末事耕稼少良疇  
自守陳蕃榻嘗登王粲樓徒然騁目處豈自獲心遊  
向跡雖愚谷求名異盜丘息陰芳木所空復越鄉愁

登澧州驛樓寄京兆韋尹

尹齊典此郡

杜牧

一話涪陽舊使君郡人迴首望青雲政聲長與江聲  
在自到津樓日夜聞

春日登陝州城樓俯眺原野迴舟碧綴烟霞

密翠斑紅芳菲花柳即目川岫聊以命

太宗

碧原開霧隔綺嶺峻霞城烟峯高下翠日浪淺深明  
斑紅粧藥樹圓清壓溜荆迹巖勞傳想窺野訪華情  
巨川何以濟舟楫佇時英

奉和登陝州城樓應制

許敬宗

挹河激綠宇御溝映朱宮旂翻麗景星蓋曳雕虹  
學嘖齊柳嫩妍笑發春叢錦鱗文碧浪繡羽絢青空  
睿念三階靜遐想二南風

登郡城南樓

張九齡

唐詩類苑

卷之百辛八

十

閉閣幸無事登樓聊未日雲霞千里開洲渚萬形出  
澹澹澄江漫飛飛度鳥疾邑人半艦艦津樹多楓橘  
感別時已屢憑眺情非一遠懷不我同孤興與誰悉  
平生本單緒邂逅承優秩謬忝爲邦寄多慙理人術  
驚鉞雖自勉倉廩素非實陳力儻無效謝病從芝術

登荊州城樓

張九齡

天字何其曠江城坐自拘層樓百餘尺迢遞在西隅  
暇日時登眺荒郊臨故都鬱鬱見陳迹寂寂想雄圖  
古往山川在今來郡邑殊北疆雖入鄭東距豈防吳  
幾代傳荆國當時敵陝邪上流空有處中土復何虞

枕席夷三峽關梁豁五湖承平無異境守隘莫論六

自罷金門籍來參竹使符端居向林藪微尚在桑榆

直似王陵顛非如甯武愚今茲對南浦乘鴈與雙鳬

陪張丞相登荊州城樓因寄張使君

薊門天北畔銅柱日南端出守聲彌遠投荒法未寬  
側身聊倚望攜手莫同歡白璧無瑕玷青松有歲寒  
府中丞相閣江上使君灘興盡迴舟去方知行路難

登錦城散花樓

李白

日照錦城頭朝光散花樓金窻夾繡戶珠箔懸銀鈎

唐詩類苑

卷之百五十八

十一

飛梯綠雲中極目散我憂暮雨向三峽春江繞雙流  
今來一登望如上九天遊

在軍登城樓

駱賓王

城上風威冷江中水氣寒戎衣何日定歌舞入長安

登河北城樓作

王維

井邑傳巖上客亭雲霧間高城眺落日極浦映蒼山  
岸火孤舟宿漁家宿鳥還寂寥天地暮心與廣川閑

登兗州城樓

杜甫

東郡趨庭日南樓縱目初浮雲連海岱平野入青徐  
孤嶂秦碑在荒城魯殿餘從來多古意臨眺獨躊躇

白帝城樓

杜甫

江度寒山閣城高絕塞樓翠屏且晚對白谷會深遊  
急急能鳴鴈輕輕不下鷗夷陵春色起漸擬放扁舟

白帝城樓

杜甫

漠漠虛無裏連連睥睨侵樓光去日遠峽影入江聲  
臘破思端綺春歸待一金去年梅柳意還欲攪邊心  
酬李郎中侍御秋夜登福州城樓見寄

皇甫冉

辛勤萬里道蕭索九秋殘月照閨中夜天凝海上寒  
王程無地遠主意在人安遙寄登樓作空知行路難

唐詩類苑

卷之百五十八

十二

和樊潤州秋日登城樓

皇甫冉

露冕臨平楚寒城帶早霜時同借河內人是卧淮陽  
積水澄天塹連山入帝鄉因高欲見下非是愛秋光

登陝州城北樓卻寄京都親友

劉禹錫

獨上百尺樓目窮思亦愁初日徧露早野田光悠悠  
塵息長道白林清宿烟收回首雲深處未懷鄉舊游

陪諸公上白帝城樓宴越公堂之上

杜甫

此堂存古制城上俯江郊落構垂雲雨荒階蔓草茅

柱穿蜂溜蜜棧缺燕添巢坐接春杯氣心傷豔藥地  
英靈如過隙宴衍願投膠莫問東流水生涯未卽拋

奉和第五相公登鄱陽郡城西樓

耿漳

茂德爲邦久豐紹舊相尊發生傳雨露均養助乾坤  
曉肆登樓目時銷戀闕魂女牆分吏事官道啓津門  
溢浦潮聲盡鍾陵暮色繁夕陽移夢土芳草接湘源  
封內羣昨復兵間百賦存童牛耕廢畝壕木遶新村  
野步漁聲溢荒祠鼓舞喧高齋成五字遠岫發孤猿  
一顧承英達多榮及子孫家貧仍受賜身老未酬恩

唐詩類苑

卷之百五十八

十三

屬和瑤華曲堪將繫組綸

新城甲仗樓

張籍

謝氏起新樓西臨城角頭圖功百仗麗藏器五兵修  
結締懷薨固虛明戶檻幽魚龍卷旗幟霜雪積戈矛  
暑雨煇蒸隔涼風宴位留城高形出沒山靜氣清優  
睥睨斜光徹欄杆宿靄浮芊芊杭稻色脉脉苑谿流  
郡化王丞相詩成沈隱侯居茲良得景殊勝峴山遊

金陵城西樓月下吟

李白

金陵夜寂涼風發獨上高樓望吳越白雲吹水搖秋  
城白露垂珠滴秋月月下沈吟久不歸古來相接理

中稀解道澄江淨如練令人長憶謝玄暉

題齊安城樓

杜牧

鳴軋江樓角一聲微陽歛歛落寒汀不用憑欄苦迴  
首故鄉七十五長亭

登安陽城樓

孟浩然

縣城南面漢江流江嶂開成南雍州才子乘春來騁  
望羣公暇日坐銷憂樓臺晚映青山郭羅綺晴驕綠  
水洲向夕波搖明月動更疑神女弄珠遊

金城北樓

高適

北樓西望滿晴空積水連山勝畫中湍上急流聲若  
箭城頭殘月勢如弓垂竿已謝磻溪老體道猶思塞

唐詩類苑

卷之百五十八

十四

上翁爲問邊庭更何處至今羌笛怨無窮

白帝城最高樓

杜甫

城尖徑昇旌旆愁獨立縹緲之飛樓峽坼雲霾龍虎  
睡江清日抱鼉鼉遊扶桑西枝封斷石弱水東影隨  
長流杖藜嘆世者誰子泣血迸空回白頭

咸陽城東樓

許渾

一上高城萬里愁兼葭葭楊柳似汀洲溪雲初起日沈  
閣山雨欲來風滿樓鳥下綠蕪秦苑夕蟬鳴黃葉漢  
宮秋行人莫問當年事故國東來渭水流

安定城樓

李商隱

迢遞高城百尺樓，綠楊枝外盡汀洲。  
賈生年少虛垂涕，王粲春來更遠游。  
未憶江湖歸白髮，欲迴天地入扁舟。  
不知腐鼠成滋味，猜意鴛鴦竟未休。

登柳州城樓寄漳汀封連四州

柳宗元

城上高樓接大荒，海天愁思正茫茫。  
驚風亂颭芙蓉水，密雨斜侵薜荔牆。  
嶺樹重遮千里目，江流曲似九迴腸。  
共來百越文身地，猶自音書滯一鄉。

登夏州城樓

羅隱

唐詩類苑

卷之百五十八

十五

寒聲獵獵戍旗風，獨倚危欄悵望中。  
萬里山川唐土地，千年魂魄晉英雄。  
離心不忍聽邊馬，往事應須問塞鴻。  
好脫儒冠從校尉，一枝長戟六鈞弓。

郢城西樓吟

郎士元

連山盡處水縈迴，山上戍門臨水開。  
朱欄直下一百丈，日暖遊鱗自相向。  
昔人愛險閉層城，今日愛閒江復清。  
沙洲楓岸無來客，草綠花紅山鳥鳴。

奉陪侍中登白樓

盧綸

高樓倚玉梯，朱檻與雲齊。  
顧盼親霄漢，談諧息鼓鼙。  
洪河迴更直，野雨急仍底。  
今日陪鐔組，唯當醉似泥。

奉和李觀察登河中白樓

耿漳

城上高樓飛鳥齊，從公一遂躡丹梯。  
黃河曲盡流天外，白日輪輕落海西。  
玉樹九重長在夢，雲衢一望杳如迷。  
何心更和陽春奏，況復秋風聞戰鼙。

辭紅樓題句體

重疊碎晴空，餘霞更助紅。  
蟬蹤近鵲鵲，鳥道接相風。  
苔靜金輪路，雲輕白日光。  
宮壁詩傳謝，客門榜占休公。

嚴十八郎中在郡日，改制東南樓，因名清輝。

未立標榜徵歸郎，署予既到郡，性愛樓居。

宴遊其間，頗有幽致，聊成十韻，兼戲寄嚴。

唐詩類苑

卷之百五十八

十六

白居易

嚴郎制茲樓，立名曰清輝。  
未及署花榜，遽徵還粉闥。  
去來三四年，塵土登者稀。  
今春新太守，掃洒施簾幃。  
院柳烟婀娜，簷花雪霏微。  
看山倚前戶，待月開東扉。  
碧窻裏，瑤瑟朱欄飄舞衣。  
燒香捲幙坐，風燕雙雙飛。  
君作不得住，我來幸因依。  
始知天地間，靈境有所歸。

初到忠州登東樓寄萬州楊八使君

白居易

山來邑居窄，狹窄氣候偏。  
林巒少平地，霧雨多陰天。  
隱隱者鹽火，漠漠燒畬烟。  
賴此東樓夕，風月時翛然。

憑軒望所思，目斷心涓涓。背春有去鴈，上水無來船。  
我懷巴東守，本是關西賢。平生已不淺，流落重相憐。  
水梗漂萬里，籠禽囚五年。新恩同雨露，遠郡鄰山川。  
書信雖往復，封疆徒接連。其如美人面，欲見杳無緣。

登樓

杜甫

萬里流沙道，征西過北門。但添新戰骨，不返舊征魂。  
樓角凌風迥，城陰帶水昏。傳聲看驛使，送節向河源。

登李羽士東樓

溫庭筠

經客有餘音，他年終故林。高樓本危睇，涼月更傷心。  
此意竟難，伊人成古今。流塵其可欲，非復懶鳴琴。

唐詩類苑

卷之百五十八

七

重題別東樓

白居易

東樓勝事我偏知，氣象多隨昏旦移。湖卷衣裳白重疊，  
山張屏障綠參差。海仙樓閣晴方出，江女笙簫夜始吹。  
春雨星攢尋蟹火，秋風霞颭弄濤旗。宴宜雲髻新梳後，  
曲愛霓裳未拍時。太守三年嘲不盡，郡齋空作百篇詩。

和樂天重題別東樓

元稹

山容水態使君知，樓上從容萬狀移。日映文章霞細麗，  
風驅鱗甲浪參差。鼓催潮戶凌晨擊，笛賽婆官徹夜吹。  
喚客潛揮遠紅袖，賣鹽高掛小青旗。賸鋪牀席

春眠處高捲簾，帷月上時光景無因將得去。爲郎抄在和郎詩。

上湖田館南樓憶朱宴

劉長卿

漂泊日復日，洞庭今更秋。白雲如有意，萬里望孤舟。  
何事愛成別，空令登此樓。天光映波動，月影隨江流。  
鶴唳靜寒渚，猿啼深夜洲。歸期誠已促，清景仍相留。  
頃者慕獨往，爾來悲遠遊。風波自此去，桂水空離憂。

南樓望

盧僊

去國三巴遠，登樓萬里春。傷心江上客，不是故鄉人。

與尹忌趙冬曦張均登南樓

唐詩類苑

卷之三百五十八

七

張說

危樓寫洞湖，積水照城隅。命駕邀漁父，通家引鳳雛。  
山晴紅藥匝，洲曉野苗鋪。舉目思鄉縣，春光定不殊。

奉陪張燕公登南樓

趙冬曦

寬慰何以歡，陰氣亦登望。孤島輕霧裏，行舟白波上。  
目焚西北雲，心醉東南障。昔日青溪子，胡然此無狀。

奉陪張燕公登南樓

尹忌

君子每垂眷，江山共流盼。水遠林外明，巖近霧中見。  
終日西北望，何處是京縣。屢登高春臺，徒使淚如霰。

奉陪張燕公登南樓

張均

客來已兩春更瞻韶光早花鳥翫環合江山復駢抱  
樓形寫北潭堞勢凌青島白雲謝歸鴈馳懷洛陽道

泗上馮使君南樓作

祖咏

井邑連淮泗南樓向晚過望灘沙鷺起尋岸落童歌  
近海雲偏出兼秋雨更多明晨擬回棹歸思恨風波

登復州南樓

錢起

孤樹延春日他山捲曙霞客心湖上鴈歸思日邊花  
行李迷方久歸期涉歲賒故人雲路隔何處寄瑤華

道中秋夜南樓卽事

呂溫

誰念獨坐愁日暮此南樓雲去舜祠閉月明瀟水流

唐詩類苑

卷之百五十八

十九

猿聲何處曉楓葉滿山秋不分匣中鏡少年看白頭

陪章留後侍御宴南樓

杜甫

絕域長夏晚茲樓清宴同朝廷燒棧北鼓角滿天東  
屢食將軍第仍騎御史驄本無丹竈術那免白頭翁  
寇盜狂歌外形骸痛飲中野雲低度水簷雨細隨風  
出號江城黑題詩蠟炬紅此身醒復醉不擬哭途窮

夏夜登南樓

賈島

水岸寒樓帶月躋夏林初見岳陽溪一點新螢報秋  
信不知何處是菩提

西樓

韋應物

高閣一長望故園何日歸烟塵擁函谷秋鴈遞來稀  
和使君五郎西樓望遠思歸

王維

高樓望所思目極情未畢枕上見千里窻中窺萬室  
悠悠長路人曖曖遠郊日惆悵極浦外迢遞孤烟出  
能賦屬上才思歸同下秩故鄉不可見雲外空如一

西樓

白居易

小郡大江邊危樓夕照前青蕪卑濕地白露沈寥天  
鄉國此時阻家書何處傳仍聞陳蔡戍轉戰已三年

西樓夜

白居易

唐詩類苑

卷之百五十八

二十

悄悄復悄悄城隅隱林杪山郭燈火稀峽天星漢少  
年光東流水生計南枝鳥月浸紅沈沈西樓殊未曉

晨起西樓

許渾

留情深處駐橫波歛翠凝紅一曲歌明月下樓人未  
散共愁三徑是天河

西樓獨立

白居易

身着白衣頭似雪時時醉立小樓中路人迴顧應憐  
怪十一年來見此翁

奉和楊尚書郴州追和故李中書夏日登北

樓十韻之作依本詩韻次用

柳宗元

郡樓有遺唱新和敵南金境以道情得人期幽夢尋  
層軒隔炎暑迴野恣窺臨鳳去徽音續之焚芳竟深  
游鱗出陷浦唳鶴遶仙岑風起三湘浪雲生萬里陰  
宏規齊德宇麗藻競詞林靜翳分憂術閑同遲客  
心驂騑當遠步題鳩莫相侵今日登高處還聞梁甫  
吟

寒食後北樓作

韋應物

北樓

李商隱

唐詩類苑

卷之百五十八

主一

春物豈相干人生只強歡花猶曾飲夕酒竟不知寒  
異域東風濕中華上象寬此樓堪北望輕命倚危欄

同張侍御宴北樓

儲光義

今之太守古諸侯出入雙旌垂七旒朝覽干戈時聽  
訟暮延賓客復登樓西山漠漠嶠巖色北渚沈沈江  
漢流良宵清淨方高會繡服光輝聯皂蓋魚龍恍惚  
塔墀下雲霧杳冥窗戶外水靈憐慨行泣珠游女飄  
颻思解佩蒼蒼低月半遙城落落疎星滿太清不忍  
開襟悲楚奏願言吹笛退胡兵軒後青丘埋僕偷周  
王白羽掃機槍期君武節朝龍闕余亦翱翔歸玉京

和宣州沈大夫登北樓書懷

杜牧

兵符嚴重辭金馬星出光芒射斗牛筆落青山飄古  
韻帳開紅旆照高秋香連日彩浮綃幕溪逐歌聲遶  
盡樓可惜登臨佳麗地羽儀須去鳳池遊

高樓

于鄴

遠天明月出照此誰家樓上有羅衣色涼風吹不秋  
題崔使君新樓

白居易

憂人何處可銷憂碧甃紅欄湓水頭從此潯陽風月  
夜崔公樓替庾公樓

唐詩類苑

卷之百五十八

主一

酬微之開折新樓初畢相報末聯見戲之作

白居易

海山鬱鬱石稜稜新豁高居正好登南臨瞻部三千  
界東對蓬宮十二層報我樓成秋望月把君詩讀夜  
迴燈無妨却有他心眼粧點亭臺即不能

尚書新創敵樓二首

方干

下馬政成無一事應須勝地過朝昏笙歌引出桃花  
洞羅綉擁來金谷園七里水雲含半郭九州山月入  
千門嘗聞大厦堪棲息燕雀心知不敢言  
異境未爲歡樂地歌鐘夜夜復年年平明旭日生牀



底薄暮殘霞落酒邊雖向檻前窺下界不知窻裏是  
中天直須分付丹青手畫出旗幟遠謫仙

小樓

儲嗣宗

松杉風外亂山青曲几焚香對石屏空憶去年春雨  
後燕泥時污太玄經

尚父偶建小樓特摘麗藻絕句不敢稱揚三

首

羅隱

結構叨馮柱石材敢期幢蓋此徘徊陽春曲調高難  
和盡日焚香倚隄臺

玳簪珠履愧非才時凭欄杆首重迴只待淮妖剪除

唐詩類苑

卷之百五十八

五

後別傾卮酒賀行臺

欄檻初成愧楚才不知星彩尚迂迴風流孔令陶鈞

外猶記山妖逼小臺

宅西有流水墻下構小樓臨翫之時頗有幽

趣因命歌酒聊以自娛獨醉獨吟偶題五

首

白居易

伊水分來不自由無人解愛爲誰流家家拋向墻根

底唯我栽蓮起小樓

水色波文何所似麴塵羅帶一條斜莫言羅帶春無

主自置樓來屬白家

日灑水光搖素壁風飄樹影拂朱欄皆言此處無絃  
管試奏霓裳一曲看

霓裳奏罷唱梁州紅袖斜翻翠黛愁應是遙聞勝近  
聽行人欲過盡迴頭

獨醉還須得歌舞自娛何必要親賓當時一部清商  
樂亦不長將樂外人

會昌二年春題池西小樓 白居易

花邊春水水邊樓一坐經今四十秋望月橋傾三遍  
換採蓮船破五迴修園林一半成蒼水鄰里三分作

白頭蘇李冥濛隨燭滅陳樊飄泊逐萍流雖貧眼下

唐詩類苑

卷之百五十八

五

無妨樂縱病中心不與愁自笑靈光歸然在春來遊

得且須遊

晚樓寓懷

劉兼

薄暮疎林宿鳥還倚樓垂袂復憑欄月沈江底珠輪

淨雲鎖峯頭玉葉寒劉毅暫貧雖壯志馮唐將老自

低顏無言獨對秋風立擬把朝簪換釣竿

樓前

王建

天寶年前勤政樓每年三日作千秋飛龍老馬曾教

舞聞着音聲總舉頭

初春登樓卽目觀作述懷 太宗

憑軒俯蘭閣，眺矚散靈襟。綺峯含翠霧，照日榮紅林。  
鏤丹霞錦，一作鏤岫發素雪。斑岑拂浪低，垂柳嬌花鳥。  
續吟違覺豈一拱，衆幹如千尋。明非獨材力，終籍棟  
梁深。彌懷矜樂志，更懼戒盈心。愧制勞居逸，方規十  
產金。

奉和初春登樓卽目應詔 許敬宗

旭旦臨重壁，天眷極中京。春暉發芳甸，佳氣滿層城。  
去鳥隨看沒，來雲逐望生。歌裏霏烟颺，琴上凱風清。  
文波浮鏤檻，摘景煥雕楹。璇璣體寬政，隆棟象端衡。  
創規雖有作，凝拱遂無營。沐恩空改鬢，將何謝夏成。

唐詩類苑

卷之百十八

圭

夕霽杜陵登樓寄韋繇

李白

浮陽滅霽景，萬物生秋容。登樓送遠目，伏檻觀羣峯。  
原野曠超絕，緬關河紛錯重。清輝映竹石，翠色明雲松。  
蹈海寄遐想，還山迷舊蹤。徒然迫晚暮，未果諧心胸。  
結桂空佇立，折麻恨莫從。思君達末夜，長樂聞疎鐘。

登樓

顧况

高閣成長望，江流鴈呌哀。淒涼故吳事，麋鹿走荒臺。

登樓

韋應物

茲樓日登眺，流歲暗蹉跎。坐厭淮南守，秋山紅樹多。

同崔駙馬曉初登樓思京

駱賓王

麗譙通四望，繁憂起萬端。綺梳低晚魄，鏤檻肅初寒。  
白雲鄉思遠，黃圖歸路難。惟余西向笑，暫似當長安。

春日梓州登樓二首

杜甫

行路難如此，登樓望遠迷。身無却小壯，跡有但羈栖。  
江水流城郭，春風入鼓鞀。雙雙新燕子，依舊已銜泥。

二

天畔登樓眼，隨春入故園。戰場今始定，移柳更能存。  
厭蜀交遊冷，思吳勝事繁。應須理丹檄，長嘯下荆門。

同諸公登樓

劉長卿

秋草行將暮，登樓客思驚。千家同霽色，一鴈報寒聲。

唐詩類苑

卷之百十八

圭

北望無鄉信，東遊滯客行。今君佩銅墨，還有越鄉情。

登樓

李洞

川上值樓開，寒山四面來。竹吹人語遠，峰礙鳥飛迴。  
生死別離陌，朝昏雲雨堆。誰知獨立意，澹淚落莓苔。

登樓

賈島

秋日登高望，涼風吹海初。山川明已久，河漢沒無餘。  
遠近涯寥廓，高低中太虛。賦因王閣筆，思比謝遊疎。

登樓歌

王維

聊上君兮高樓飛，薨麟次兮在下俯。十二兮通衢綠，  
槐參差兮車馬卻瞻今。龍首前眺兮宜春王，畿爵兮

千里山河壯兮咸秦舍人下兮青宮據胡牀兮書空  
執戟疲於下位老夫好隱兮墻東亦幸有張伯英草  
聖兮龍騰虬躍擺長雲兮捩迴風琥珀酒兮彫胡飯  
君不御兮日將晚秋風兮吹衣久鳥兮爭逐孤砧發  
今東城林薄暮兮蟬聲遠時不可兮再得君何爲兮  
偃蹇

登樓寄王卿

韋應物

踏閣攀林恨不同楚雲滄海思無窮數家砧杵秋山  
下一郡荆榛寒雨中

登樓

羊士諤

唐詩類苑

卷之百五十八

五十一

槐柳蕭疎遶郡城夜添山雨作江聲秋風南陌無車  
馬獨上高樓故國情

答楊使君登樓見憶

白居易

忠萬樓中南北望南州烟水北州雲兩州何事偏相  
憶各是籠禽作使君

登樓寓望

劉兼

憑高多是偶沈瀾紅葉何堪照病顏萬疊雲山供遠  
恨一軒風物送秋寒背琴鶴客歸松徑橫笛牛童卧  
蓼灘獨倚郡樓無限意夕陽西邁水東邊

中春登樓二首

劉兼

金盃不以滌愁腸江郡芳時憶故鄉兩岸烟花春富  
貴一樓風月夜淒涼王章莫耻牛衣淚潘岳休驚鶴  
鬢霜歸處蓮花歸未得白雲深處有茅堂  
古今通塞莫咨嗟謾把霜髯敵歲華失手已慚蛇有  
足用心休爲鼠無牙九天雲淨方憐月一夜風高便  
厭花獨倚郡樓人不會釣舟春浪接平沙

登樓

杜甫

花近高樓傷客心萬邦多難此登臨錦江春色來天  
地玉壘浮雲變古今北極朝廷終不改西山寇盜莫  
相侵可憐後主還祠廟日暮聊爲梁甫吟

唐詩類苑

卷之百五十八

五十一

奉酬于中丞見寄之什

楊牢

劍外書來日驚忙自拆封丹青得山水強健慰心胸  
事少勝諸郡江廻見幾重寧悲久作別且似一相逢  
詩合焚香詠愁應賴酒濃庾樓寒暑憶腸斷雪千峰

和綿州于中丞

李文儒

珍重巴西守殷勤寄遠情劍峰當戶碧詩韻滿樓清  
日照涪川閣烟籠雪嶠明徵黃看卽及莫嘆滯江城

和綿州于中丞

薛蒙

左綿江上樓五馬此消愁暑退千山雪風來萬水流  
道廻猶刺郡繫滯似維舟卽有徵黃日名川莫厭遊

和綿州于中丞

李鄴

長聽巴西事看圖勝所聞江樓明所照雪嶺亂晴雲  
景象詩情在幽奇筆跡分使君徒說好不抵怨離羣

和綿州于中丞二首

于瓌

樓因藩邸號川勢似依樓顯敞含清暑風光入素秋  
山宜姑射貌江泛李膺舟郢曲思朋執輕紗盡遠遊

二

極目郡城樓浮雲拂檻愁政成多暇日詩思覺先秋  
遠霽千巖雪隨波一葉舟昔曾窺粉繪今願許陪遊

和于中丞

王嚴

唐詩類苑 卷之百五十八 五  
雉堞臨朱檻登茲便散愁蟬聲怨炎夏山色報新秋  
江轉穿雲樹心閑隨葉舟仲宣徒有嘆謝守幾追遊

即目

李商隱

地寬樓已迥人更迥於樓細意經春物傷醒屬暮愁  
望賒殊易斷恨久欲難收大勢真無利多情豈自由  
空園兼樹廢敗港擁花流書去青楓驛鴻歸杜若洲  
單棲應分定辭疾索誰憂更替林鴉恨驚頻去不休

唐詩類苑卷第一百五十八終

唐詩類苑卷第一百五十九

明雲間張之象玄超甫纂輯

雲間朱家法季則甫編次

雲間王微叔朗甫補訂

梁谿曹仁孫伯安甫校正

居處部

臺

登三臺言志

太宗

未央初壯漢阿房昔侈秦在危猶騁麗居奢遂役人  
豈如家四海日宇罄朝倫扇天裁戶舊砌地剪基新

唐詩類苑

卷之百五十九

十一

引月擎霄桂飄雲逼曙鱗露除光炫玉霜闕映雕銀  
舞接花梁燕歌迎鳥路塵鏡池波太液莊苑麗宜春  
作異甘泉日停非路寢宸念勞慙逸已居曠反勞神  
所欣成大厦寵臨停渭濱一作宏林

春臺望

玄宗

暇景屬三春高臺聊四望目極千里際山川何一壯  
太華見重巖終南分疊障郊原分綺錯參差多異狀  
佳氣滿通郊遲步入綺樓初鶯一一鳴紅樹歸鴈遲  
遲去綠洲太液池中下黃鶴昆明水上映牽牛聞道  
漢家全盛日別館離宮趣非一甘泉逶迤日明光五

柞連延接未央周廬微道縱橫轉飛閣迴軒左右長  
須念作勞居者逸勿言我後焉能恤爲想雄豪壯相  
梁何如儉陋卑茅室陽烏黯黯向山沈夕鳥喧喧入  
上林薄暮賞餘回步輦還念中人罷百金

奉和御製春臺望

賀知章

青陽布王道玄覽陶真性欣若天下春高逾域中聖  
神臯類觀賞帝里如懸鏡繚繞八川浮岩峩雙闕映  
曉色徧昭陽晴雲卷建章華滋的皪丹青樹顯氣氤  
氲金玉堂尚有靈蛇下卿時還徵瑞寶入陳倉自昔  
秦奢漢窮武後庭萬餘宮百數旗回五丈殿千門連  
唐詩類苑 卷之三皇元 二

奉和御製春臺望

許景先

睿德在青陽高居視中縣秦城連鳳闕漢寢疎龍殿  
文物照光輝郊畿鬱葱蒨千門望成錦八水明如練  
復道曉光披宸遊出禁移瑞氣朝浮五雲閣祥光夜  
吐萬年枝蘭葉負龜初薦祉桐花集鳳更來儀秦漢  
生人凋力役阿房甘泉構雲碧汾祠雍時望通天王

堂宣室坐坐長年鼓鐘西接咸陽觀苑囿南通鄠杜田  
明主卑宮戒前失輔德欽賢正惟一昆蟲不夭在春  
蒐稼穡常艱重農術邦家已荷聖謨新猶聞儉陋惜  
中人預奉北辰齊七聖長歌東武并千春

奉和御製春臺望

蘇頌

壯麗天之府神明王者宅大君乘飛龍登彼復懷昔  
圓闕朱光焰橫山翠微積河汧流作表縣聚開成陌  
卽舊在皇家惟新具物華雲連所上居恒屬日更時  
中望不斜三月滄池搖積水萬年青樹綴新花暴嬴  
國此嘗圖霸業後仁先以詐東破諸侯西入秦咸  
唐詩類苑 卷之三皇元 三

春臺

劉駕

臺上樹陰合臺前流水多青春不出門坐見野田花  
誰能學公子走馬逐香車六街塵滿衣鼓絕方還家  
和謝豫章從宋公戲馬臺送孔令謝病

曹鄴

碧樹杳云暮朔風自西來佳人憶山水置酒在高臺

不必問流水坐來日已西勸君速歸去正及鷓鴣啼

登戲馬臺作

儲光羲

君不見宋公杖鉞討燕後英雄踴躍爭趨走小會衣  
冠呂梁壑大徵甲卒礪礪口天門神武樹元勳九日  
茱萸饗六軍泛泛樓船遊極浦搖搖歌吹動浮雲居  
人滿目市朝變霸業猶存齊楚甸泗水南流桐栢川  
沂山北走瑯琊縣滄海沈沈晨霧開彭城烈烈秋風  
來少年自言未得意日暮蕭條登古臺

西岳雲臺歌送丹丘子

李白

西岳崢嶸何壯哉黃河如絲天際來黃河萬里觸山  
唐詩類苑 卷之百五十九 四一

動盤渦轂轉秦地雷榮光休氣分五彩千里一清聖  
人在巨靈咆哮壁兩山洪波噴流射東海三峰却立  
如欲摧聲摧丹谷高掌開白帝金精運元氣石作蓮  
花雲作臺雲臺閣道連窈冥中有不死丹丘生明星  
玉女備洒掃麻姑搔背指爪輕我皇手把天地戶丹  
臺饒天與天語九重出入生光輝東來蓬萊復西歸  
玉臺猶遇故人飲騎二茅龍上天飛

登古陽雲臺

張九齡

庭樹日衰颯風霜未云已駕言遣憂思乘興求相似  
楚國茲故都蘭臺有餘址傳聞襄王世仍立巫山祀

方此全盛時豈無嬋娟子色荒神女至魂蕩宮觀啓  
蔓草今如積朝雲爲誰起

楊雄草玄臺

岑參

吾悲子雲居寂寞人已去娟娟西江月猶照草玄處  
精怪意無人睢盱藏老樹

阮公嘯臺

包融

荒臺森荆杞蒙籠無上路傳是古今跡阮公長嘯處  
至今清風來時時動林樹逝者昔已遠昇攀想遺趣  
靜然荒榛間久之若有悟靈光未歇滅千載知仰慕  
登單父陶少府半月臺 李白

唐詩類苑

卷之百五十九

五

陶公有逸興不與常人俱築臺像半月廻向高城隅  
置酒望白雲商飈起寒梧秋山入遠海桑柘羅平蕪  
水色綠且明令人思鏡湖終當過江去愛此暫躊躇

登子賤琴臺賦詩三首

并序 高適

甲申歲適登子賤琴臺賦詩三首首章懷宓公之  
德千祀不朽次章美太守李公能嗣子賤之政再  
達琴臺末章多邑宰崔公能思子賤之理

宓子昔爲政鳴琴登此臺琴和人亦閑千載稱其才  
臨眺忽懷愴人琴安在哉悠悠此天壤唯有頌聲來

二

邦伯感遺事慨然登琴堂乃知靜者心千載猶相望  
入室想其人出門何茫茫唯見白雲合東臨鄒魯鄉

三

蟠蟠邑中老自誇邑中理何必升君堂然後知君美  
開門無犬吠早臥常宴起昔人不忍欺今我還復爾

同群公秋登琴臺

高適

古跡使人感琴堂空寂寥靜然顧遺塵千載如昨朝  
臨眺自茲始群賢久相邀德與形神高孰知天地遙  
四時何倏忽六月鳴秋蜩萬象歸白帝平川橫赤霄  
猶是對夏伏幾時有涼颺燕雀滿簷楹鴻鵠搏扶搖

唐詩類苑

卷之三

六

物性各自得我心在漁樵兀然還復醉尚握樽中瓢

司馬相如琴臺

盧照隣

聞有雍容地千年無四隣園院風烟古池臺松檟春  
雲凝作賦客月似聽琴人寂寂啼鶯處空傷遊子神

司馬相如琴臺

杜甫

茂陵多病後尚愛卓文君酒肆人間世琴臺日暮雲  
野花留寶靨蔓草見羅裙歸鳳求凰意寥寥不復聞

司馬相如琴臺

岑參

相如琴臺古人去臺亦空臺上寒蕭條至今多悲風

荒臺漢時月色與舊時同

文翁講臺

盧照隣

錦里淹中館岷山稷下亭空梁無燕雀古壁有丹青  
槐落猶疑市苔深不辨銘良哉二千石江漢表遺靈

文公講臺

岑參

文公不可見空使蜀人傳講席何時散高臺豈復全  
豐碑文字滅冥冥不知年

金陵鳳凰臺置酒

李白

置酒延落景金陵鳳凰臺長波寫萬古心與雲俱開  
借問往昔時鳳凰爲誰來鳳凰去已久正當今日廻  
明君越軒后大老坐三台豪士無所用彈弦醉金壘

唐詩類苑

卷之三

七

東風吹出花安可不盡杯六帝沒幽草深宮冥綠苔  
置酒勿復道歌鍾但相催

鳳凰臺

杜甫

亭亭鳳凰臺北對西康州西伯今寂寞鳳聲亦悠悠  
山峻路絕蹤石林氣高浮安得萬丈梯爲君上上頭  
恐有無母雛饑寒日啾啾我能剖心血飲啄慰孤愁  
心以當竹實炯然忘外求血以當醴泉豈徒比清流  
所重王者瑞敢辭微命休坐看綵翮長舉意八極周  
自天銜瑞圖飛下十二樓圖以奉至尊鳳以垂鴻猷  
再光中興業一洗蒼生憂深衷正爲此羣盜何淹留



登金陵鳳凰臺

李白

鳳凰臺上鳳凰遊，鳳去臺空江自流。  
吳宮花草埋幽徑，晉代衣冠成古丘。  
三山半落青天外，二水明分白鷺洲。  
總爲浮雲能蔽日，長安不見使人愁。

經鶴臺

蘇軾

築臺非爲賢，獨聚乘軒鶴。  
六馬不能馭，九臯欲何託。  
一旦敵兵來，萬民同隕獲。  
如何驚露禽，不似銜環雀。  
一物欲誤時，衆類皆成惡。  
至今臺基上，飛鳥不至泊。

登粵王臺

宋之問

江上粵王臺，登高望已回。  
南溟天外合，北戶日邊開。

唐詩類苑

卷之二百五十九

八

地濕烟常起，山晴雨半來。  
冬花採盧橘，夏果摘楊梅。  
跡類虞翻枉，人非賈誼才。  
歸心不可見，白髮重相催。

陪王司馬登薛公道遙臺

并序

張九齡

故郡城有荒臺焉，雖層宇落構而遺製歸然。邑老相傳斯則，薛公道衡之所憩也。薛公不容隋季出守汝隅，豈作臺榭以崇奢蓋，因丘陵而視遠，必有以清滌孤憤，舒嘯佳辰，寄文翰以相宣，仰風流而未泯。今司馬公英達，好古清興，滿時迹有忤于貴臣，道未行于明主，以長沙下國，同賈誼之謫居六

安遠郡無桓譚之不樂仁，不異遠必敷政以愛人，窮當益堅，已坦懷而樂地，屬府庭開暇，江浦清明，南土陽和，覺寒氛之向盡，東郊候暖，愛春色之先來，于是命輕舸以乘流，趣高臺而降望，越荒堞披古道，躋隱嶙而三休，俯阡綿而四極，其遠則烟連井墟，指甌窳以南馳，雲合山川，拒荆吳而北走，其近則深谿見底，鱗介之所出，沒喬林夾岸，羽毛之所翔，翔悠哉，薛公無不寄也，意神期之可接，陟彼峻隅，想風景之不殊，剪爲茂草，司馬公又以爲峴山故事，感年祐以興言，湘水遺風，懷屈原而可作

唐詩類苑

卷之二百五十九

九

况登高能賦，得無述焉。其實小人受教君子，雖義之樂會稽之士，自與許詢而仲舉禮豫章之人，復招徐孺是日也，羣英在焉，猥惟陋才，忝陪下列，祇命爲序，請各言詩。

常聞薛公淚，非直雍門琴。竄逐留遺跡，悲涼見此心。府中因暇豫，江上幸招尋。人事已成古，風流獨至今。閑情多感嘆，清景覺登臨。無復甘棠在，空餘蔓草深。晴光送遠目，勝氣入幽襟。水去朝滄海，春來換翠林。賦懷湘浦吊，碑想漢川沈。曾是陪遊日，徒爲梁父吟。

燕臺詩四首

李商隱

春

風光冉冉東西陌幾日嬌魂尋不得蜜房羽客類芳  
心冶葉倡條偏相識暖蕩輝遲桃樹西高鬟立共挑  
鬟齊雄龍雌鳳杳何許絮亂絲繁天亦迷醉起微陽  
若初曙映簾夢斷聞殘語愁將鐵網罥珊瑚海潤天  
翻迷處所不帶無情有寬窄春烟自碧秋霜白研丹  
擘石天不知願得天牢鑲冤魄夾羅委篋單綃起香  
眠冷襯瑋瑋珮今日東風自不勝化作幽光入西海

夏

前閣雨簾愁不卷後堂芳樹陰陰見石城景物類黃

唐詩類苑

卷之百五九

十

泉夜半行郎空拓彈綾扇喚風闌闌天輕帷翠幕波  
淵旋蜀魂寂寞有伴未幾夜瘴花開木綿桂宮流影  
光難取嬌薰蘭破輕輕語直教銀漢墮懷中未遣星  
妃鎮來去濁水清波何異源濟河水清黃河渾安得  
薄霧起湘裙手接雲軒呼太君

秋

月浪衡天天宇濕涼蟾落盡疎星入雲屏不動掩孤  
頻西樓一夜風筆急欲織相思花寄遠終日相思却  
相怨但聞北斗聲迴環不見長河水清淺金魚鰾斷  
紅桂春古時塵滿鴛鴦茵堪悲小苑作長道玉樹未

憐亡國人瑤瑟惜情藏楚弄越羅泠薄金泥重簾鈞  
鸚鵡夜驚霜喚起南雲繞雲夢雙瑤丁丁聯尺素內  
記湘川相識處歌唇一世銜雨看可惜馨香手中故

冬

天東日出天西下雌鳳孤飛女龍寡青溪白石不相  
望堂中遠甚蒼梧野凍壁霜華交隱起芳根中斷香  
心死浪乘盡舳舻憶蟾蜍月娥未必嬋娟子楚管蠻絃  
愁一縷空城罷舞腰支在當時歡向掌中銷桃葉桃  
根雙姊妹破髮矮墮凌朝寒白玉燕釵黃金蟬風車  
雨馬不持去蠟燭啼紅怨天曙

唐詩類苑

卷之百五九

十一

梁臺古意

李賀

梁王臺沼空中立天河之水夜飛入臺前闕玉作蛟  
龍綠粉掃天愁露濕撞鐘飲酒行射天金虎蹙裘噴  
血斑朝朝暮暮愁海翻長繩繫日樂當年芙蓉凝紅  
得秋色蘭臉別春啼脉脉蘆洲客鴈報春來寥落野

墨秋漫白

凌歊臺送韋秀才

許渾

雲起高臺日未沈數村殘照半巖陰野蠶成繭桑柘  
盡溪鳥引雛蒲稗深帆勢依依投極浦鐘聲杳杳隔  
前林故山迢遞故人去一夜月明千里心

奉使新安自桐廬縣經嚴陵釣臺宿七里灘

下寄使院諸公

劉長卿

悠然釣臺下懷古時一望江水自潺湲行人獨惆悵  
新安從此始桂檝方蕩漾廻轉百里間青山千萬狀  
連崖去不斷對嶺遙相向夾岸黛色愁沈沈綠波上  
夕陽留古木水鳥拂寒浪月下扣船聲烟中採菱唱  
猶憐負羈束未暇依清曠牽役徒自勞近名非所向  
何時故山裏却醉松花釀廻首唯白雲孤舟復誰訪

嚴陵釣臺送李康成赴江東使

劉長卿

唐詩類苑

卷之百五十九

十二

潺湲子陵瀨髮髯如在目七里人已非千年水空綠  
新安江上孤帆遠應逐楓林萬餘轉古臺落日共蕭  
條寒水無波更清淺臺上漁竿不復持却令猿鳥向  
人悲灘聲山翠至今在遲爾行舟晚泊時

嚴公釣臺作

顧况

靈芝產遐方威鳳駕重霄嚴公何耿潔託志肩夷巢  
漢后雖則貴子陵不知高糠粃當世道長揖獲龍朝  
掃門彼何人升降不同朝捨舟遂長往山谷多清飈  
宿嚴陵釣臺

僧神頌

寒谷荒臺七里洲賢人未逐水東流獨猿叫斷青天

月千古冥冥潭樹秋

嚴陵釣臺

黃滔

終向烟霞作野夫一竿竹不換簪裾直釣猶逐能羅  
起獨是先生真釣魚

聽話叢臺

李遠

有客新從趙地廻自言曾上古叢臺雲遮襄國天邊  
盡樹繞漳河掌裏來絃管變成山鳥啼綺羅留作野  
花開金輿玉輦無蹤跡風雨誰知長碧苔

歌風臺

林寬

唐詩類苑

卷之百五十九

十三

下自古英雄盡解詩

姑蘇臺

劉駕

勾踐飲膽日吳酒正滿杯笙歌入海雲聲自姑蘇來  
西施舞初罷侍兒整金釵衆女不敢妬自此泉下泥  
越鼓聲騰騰吳天隔塵埃難將甬東地更學會稽樓  
霸跡一朝盡草中棠梨開

姑蘇臺

曹鄴

南宮酒未銷又宴姑蘇臺美人和淚去半夜闔門開  
相對正歌舞笑中間鼓聲星散九重門血流十二街  
一去成萬古臺盡人不回時聞野田中拾得黃金釵

姑蘇臺

羅隱

讓高太伯開基日賢見延陵復命時未曾子孫因底  
事解崇臺榭爲西施

銅雀臺

劉長卿

嬌愛更何日高臺空數層含啼映雙岫不忍看西陵  
漳河東流無復來百花輦路爲蒼苔清樓月夜長寂  
寞碧雲日暮空徘徊君不見鄴中萬事非昔時古人  
不在今人悲春風不逐君王去草色年年舊宮路宮  
中歌舞已浮雲空指行人往來處

銅雀臺

李咸用

唐詩類苑 卷之五十九

十四

但見西陵慘明月女妓無因更相悅有虞曾不有遺  
言滴盡湘已眼中血

銅雀臺

羅隱

強歌強舞竟難勝花落花開淚滿纓祗合當年伴君  
死空交憔悴望西陵

金虎臺

溫庭筠

碧草連金虎青苔蔽石麟皓齒芳塵起纖腰玉樹春  
倚瑟紅鈿濕分香翠黛頻誰言奉陵寢相顧復沾巾

蒼頡臺

李咸用

先賢憂民詐觀跡成綱紀自有書契來爭及結繩理

登郭隗臺

皇甫松

燕相謀在茲積金黃巍巍上者欲何顏使我千載悲

青陵臺

李商隱

青陵臺畔日光斜萬古真魂倚暮霞莫許韓憑爲蛟  
蝶等閑飛上別枝花

雍臺歌

溫庭筠

太子池南樓百尺八窗新樹疎簾隔黃金鋪首盡鈎  
陳羽葆停幢拂交戟盤紆欄楯臨高臺殿帳臨流鸞  
扇開早鴈驚鳴細波起映花鹵簿龍飛廻

司天臺

李山甫

唐詩類苑 卷之五十九

十五

拂雲朱檻捧昭回靜對銅渾水鏡開太史只知頻奏  
瑞蒼生無計可陳灾景公進德星曾退漢帝推誠日  
爲廻何事曠官全不語好天良月鎖高臺

望京臺上寄令狐華州

李逢吉

祗役滯南服頽思屬暮年閑上望京臺萬山蔽其前  
落日歸飛翼連翩東北天涪江適在下爲我久潺湲  
中禁成文教德威清遠頒條信徒爾華髮生蒼然  
寄懷三峯守岐路隔雲煙

望思臺

羅隱

芳草臺邊魂不歸野烟喬木弄殘暉可憐高祖清平

業留與閑人作是非

望思臺

李山甫

君父昏蒙死不同謾將平地築高臺九層黃土是何物銷得向前冤恨來

思子臺有感二首

白居易

曾家機上聞投杼尹氏園中見掇蜂但以恩情生罅罅何人不解作江充

闇生魑魅蠹生蟲何異讒生疑阻中但使武皇心似燭江充不敢作江充

登城東古臺

白居易

唐詩類苑

卷之五十九

十六

迢迢東郊上有土青崔嵬不知何代物疑是巴王臺巴歌久無聲巴宮沒黃埃靡靡春草含牛羊緣四隈我來一登眺目極心悠哉始見江山勢峰疊水環迴憑高視聽曠向遠胸襟開唯有故園念時從東北來

朝臺送客有懷

許渾

趙佗西拜已登壇馬援南征土宇寬越國舊無唐印綬蠻鄉今有漢衣冠江雲帶日秋偏熱海雨隨風夏亦寒嶺北歸人莫迴首蓼花楓葉萬重灘

臨高臺

沈佺期

樂府解題曰古詞言臨高臺下見清水中有黃鵠

飛翻關弓射之令我主萬年若齊謝朓千里常思歸但見臨望傷情而已宋何承天臨高臺篇曰臨高臺望天衢飄然輕舉凌太虛則言超帝鄉而會瑤臺也

高臺臨廣陌車馬分相續回首思舊鄉雲山亂心曲

遠望河流緩周看原野綠向夕林鳥還憂來飛景促

臨高臺

王易從

漢主事和連良人在高關空臺寂寂暮雲坐變容髮沉艷春幌風徘徊秋戶月可憐軍書斷空使流芳歇

臨高臺

王勃

唐詩類苑

卷之五十九

十七

臨高臺臨高臺迢迢絕浮埃瑤軒綺構何崔嵬鸞歌鳳吹清且哀俯瞰長安道萋萋御溝草斜對甘泉路蒼蒼茂陵樹高臺四望同佳氣鬱葱葱紫閣丹樓紛照耀壁房錦殿相玲瓏東迷長樂觀西指未央宮赤城映朝日綠樹搖春風旗亭百隊開新市甲第千甍分戚里朱輪翠蓋不勝春疊樹層楹相對起復有青樓大道中繡戶文牕雕綺櫳錦衣畫不羨羅帷夕未空歌屏朝揜翠粧鏡晚窺紅爲君安寶髻蛾眉罷花蒙狹路塵間黯將暮雲間月色明如素鴛鴦池上兩兩飛鳳凰樓下雙雙度物色正如此佳期那不顧銀

鞍繡轂盛繁華可憐今夜宿娼家娼家少婦不須驚  
東園桃李片時春君看舊日高臺處柏梁銅雀生黃  
塵

臨高臺送黎拾遺

王維

相送臨高臺川原杳何極日暮飛鳥還行人去不息

臨高臺

褚亮

高臺暫俯臨飛翼聳輕音浮光隨日度漾影逐波深  
迴瞰周平野開懷暢遠襟獨此三休上還傷千歲心

新構亭臺示諸弟姪

白居易

平臺高數尺臺上結茅茨東西疏二牖南北開兩扉

唐詩類苑

卷之三

十八

蘆簾前後卷竹簾當中施清冷白石枕疎涼黃葛衣  
開衿當風坐夏日如秋時笑傲頗有趣窺臨不知疲  
東牕對華山三峰碧參差南簷當渭水臥見白帆飛  
倚欄枝上葉俯攬畦中葵足以充饑渴何必慕甘肥  
況有好琴從旦夕相追隨

築臺詞

漢武築通天  
役者若之

劉駕

前杵與後杵築城聲不住我願築更高得見秦王墓

砌臺詩

張仲素

寫望臨香閣登高下砌臺林間踏青去席上意錢來

盧秀才南臺

賈島

居在青門里臺當千萬岑下因岡助勢上有樹交陰  
陵遠根纔近空長畔可尋新晴登嘯處驚起宿枝禽  
奉酬翁文亮員外駐南臺見寄之什

黃滔

人指南臺山與川大驚喜氣與當年花迎金冊非時  
折月對瓊杯此夜圓我愛藏冰從夏結君憐脩竹到  
冬鮮殷勤更抱鳴琴撫爲憶秦兒識斷絃

望驛臺

白居易

靖安宅裏當窗柳望驛臺前撲地花兩處春光同日  
盡居人思客客思家

唐詩類苑

卷之三

十九

亭臺

秦韜玉

雕楹累棟架崔嵬院宇生烟次第開爲向西牕添月  
色豈辭南海取花栽意將畫地成幽沼勢擬驅山近  
小臺清境漸深官轉重春時長是別人來

登單于臺

張蠡

邊兵春盡迴獨上單于臺白日地中出黃河天外來  
沙翻痕似浪風急響疑雷欲向陰關度陰關曉不開

奉和春日池臺

元萬頃

日影飛花殿風文積草池鳳樓通夜敞虬蟠望春移

河南令舍池臺

韓愈

灌地繞盈五六丈築臺不過七八尺欲將層級厭塵  
落未許波瀾量斗碩規摹雖巧何足誇景趣不遠  
可憐長令人吏遠趨走已有蛙黽助狼籍

登裴廸秀才小臺作 王維

羈居不出戶滿目望雲山落日鳥邊下秋原人外閑  
遙知遠林際不見此簷間好客多乘月應門莫上關

小臺 白居易

新樹低如帳小臺平似掌六尺白藤牀一莖青竹杖  
風飄竹皮落苔印鶴跡上幽境與誰同閑人自來往

臺上 杜甫

唐詩類苑

卷之百五十九

十

改席臺能迴留門月復光雲霄遺暑濕山谷進風涼  
老去一杯足誰憐屢舞長何須把官燭似惱鬢毛蒼

榭

題睦州郡中千峯榭 方干

盡知平地似天台朱戶深沈別徑開曳響露蟬穿樹  
去斜行紗帽向池來窻中早月當琴榻牆上秋山入  
酒杯何事此中如世外應緣羊祜是仙才

閣

置酒坐飛閣 太宗

高軒臨碧渚飛簷迴架空餘花攢綠殘柳散雕甍

岸菊初含藥園梨始帶紅莫慮崑山暗還共盡杯中

飛仙閣 杜甫

土門山行窄微徑緣秋毫棧雲闌干峻梯石結構空  
萬壑歎疎林積陰帶奔濤寒日外淡泊長風寧怒號  
歇鞍在地底始覺所歷高往來雜坐臥人馬同疲勞  
浮生有定分饑飽豈可逃嘆息謂妻子我何隨汝曹

奉和聖制登朝元閣 錢起

六合紆玄覽重軒啓上清石林飛棟出霞頂太堦平  
拂曙鑾輿上晞陽瑞雪晴翠微回日馭丹鸞駐天行  
御氣升銀漢垂衣俯錦城山通玉苑迴河抱紫關明

唐詩類苑

卷之百五十九

十

朝元閣 權德輿

繚垣複道上層霄十月離宮萬國朝胡馬忽來清蹕  
去空餘臺殿照山椒

望凌烟閣 劉公興

盡闕凌虛構遙瞻在九天丹楹崇壯麗素壁會敷賢  
謁謁浮元氣亭亭出瑞烟近看分百辟遠揖誤羣仙  
圖列青霄外儀形紫禁前望中空霽景驤首幾留連

和劉郎中學士題集賢閣 白居易

朱閣青山高庑齊與君才子作詩題傍聞大內笙歌



近下視諸司屋舍低萬卷圖書天祿上一條風景月  
華西欲知丞相優賢意百步新廊不踏泥

三閣辭四首

劉禹錫

貴人三閣上日晏未梳頭不應有恨事嬌甚却生愁

二

珠箔曲瓊鈎仔細見揚州北兵那得度浪話判悠悠

三

沈香帖閣柱金縷畫閣楣回首降幡下已見黍離離

四

三人出管井一身登檻車朱門漫臨水不可見鱸魚

唐詩類苑

卷之三十五九

三

金陵阻風登延祚閣

許渾

極目皆陳迹披圖問遠公戈鋌三國後冠蓋六朝中  
葛蔓交殘壘芒花沒後宮水流簫鼓絕山在綺羅叢

登昇元閣

李建勳

登高始覺太虛寬白雲須知唱和難雲渡鎖廳金榜  
濕月移珠箔水精寒九天星象簾前見六代城池直  
下觀唯有上層人未到金烏飛過拂欄干

登瓦官閣

李白

晨登瓦官閣極眺金陵城鍾山對北戶淮水入南榮  
漫漫雨花落嘈嘈天樂鳴兩廊振法鼓四角吟風箏

沓出霄漢上仰攀日月行山空霸氣滅地古寒陰生  
寥廓雲海晚蒼茫宮觀平門餘闔闔宇樓識鳳凰名  
雷作百山動神扶萬拱傾靈光何足貴長此鎮吳京

龍門閣

杜甫

清江下龍門絕壁無尺土長風驚高浪浩浩自太古  
危途中縈盤仰望垂線縷滑石歎難鑿浮梁梟相柱  
目眩隕雜花頭風吹過雨百年不敢料一墜那得取  
飽聞經瞿塘足見度大庾終身歷艱險恐懼從此數

石櫃閣

杜甫

季冬日已長山晚半天赤蜀道多草花江間饒奇石

唐詩類苑

卷之三十五九

三

石櫃曾波上臨虛蕩高壁清輝迴羣鷗暝色帶遠客  
羈栖負幽意感嘆向絕跡信甘孱懦嬰不獨凍餒迫  
優游謝康樂放浪陶彭澤吾衰未自由謝爾性有適

滕王閣春日晚望

曹松

凌春帝子閣偶眺日移西浪勢平花塢帆陰上柳堤

滕王閣

張喬

昔人登覽處遺閣大江隅疊浪有時有閑雲無日無  
早涼先燕去返照後帆孤未得營歸計菱歌滿舊湖

秋日宴滕王閣

并序

王勃

本傳勃道出鍾陵九月九日都督大燕滕王閣宿

命其壻作序以誇客因出紙筆偏請客莫敢受勃  
竟不辭都督怒起更衣遣吏伺其文輒報至一再  
報語益奇乃矍然曰天才也請遂成文極歡罷  
南昌故郡洪都新府星分翼軫地接衡廬襟三江  
而帶五湖控蠻荆而引甌越物華天寶龍光射斗  
牛之墟人傑地靈徐孺下陳蕃之榻雄州霧列俊  
彩星馳臺榭枕夷夏之交賓主盡東南之美都督  
閻公之雅望榮戟遙臨宇文新州之懿範旌帷暫  
駐十旬休暇勝友如雲千里逢迎高朋滿座騰蛟  
起鳳孟學士之詞宗紫電清霜王將軍之武庫家  
唐詩類苑 卷之三十五九 二五

風生纖歌凝而白雲遏睢園綠竹氣凌彭澤之樽  
鄴水朱華光照臨川之筆四美具二難并窮睇盼  
於中天極嬉遊于暇日天高地迴覺宇宙之無窮  
興盡悲來識盈虛之有數望長安于日下指吳會  
于雲間地勢極而南溟深天柱高而北辰遠關山  
難越誰悲失路之人萍水相逢盡是他鄉之客懷  
帝閭而不見奉宣室以何年嗟乎時運不齊命途  
多舛馮唐易老李廣難封屈賈誼于長沙非無聖  
主竄梁鴻于海曲豈乏明時所賴君子安貧達人  
知命老當益壯寧知白首之心窮且益堅不除青  
雲之志酌貪泉而覺爽處涸轍以猶懼北海雖賒  
扶搖可接東隅已逝桑榆非晚孟嘗高潔空懷報  
國之心阮籍猖狂豈效窮途之哭勃二尺微命一  
介書生無路請纓等終軍之弱冠有懷投筆慕宗  
慤之長風捨簪笏于百齡奉晨昏于萬里非謝家  
之寶樹接孟氏之芳鄰他日趨庭叨陪鯉對今晨  
捧袂喜託龍 勸意不逢撫凌雲而自惜鐘期既  
遇奏流 慙嗚呼勝地不常盛筵難再蘭亭  
已矣 臨別贈言幸承恩于偉饌登高作  
率公取竭鄙懷恭疏短引一言均賦

四韻俱成

滕王高閣臨江渚，珮玉鳴鸞罷歌舞。畫棟朝飛南浦雲，朱簾暮捲西山雨。閒雲潭影日悠悠，物換星移幾度秋。閣中帝子今何在，檻外長江空自流。

潤州顯濟閣曉望

韋莊

清曉如水鏡，隔江人似鷗。遠烟藏海島，初日照揚州。地壯孫權氣，雲凝庾信愁。一篷何處客，吟凭釣漁舟。

城東閑行因題尉遲司業水閣

白居易

閑遶洛陽城，無人知姓名。病乘籃輿出，老著茜衫行。處處花相引，時時酒一傾。借君溪閣上，醉咏兩三聲。

唐詩類苑 卷之五十九

三六

答尉遲少監水閣重宴

白居易

人情依舊歲華新，今日重招往日賓。鷄黍重廻千里駕，林園暗換四年春。水軒平寫琉璃鏡，草岸斜鋪翡翠茵。聞道經營費心力，忍教成後屬他人。

宿江邊閣

杜甫

暝色延山徑，高齋次水門。薄雲巖際宿，孤月浪中翻。鶴鶴追飛盡，豺狼得食喧。不眠憂戰伐，無力正乾坤。

桐廬江閣

方干

風塵百變無定態，緬想盡人虛損心。卷箔檻前沙鳥

散垂鈎牀下，錦鱗沈白雲。野寺凌晨磬，紅樹孤村暝。夜砧此地四時拋，不得非惟盛暑事開襟。

嘉興縣內池閣

方干

指畫應心成，周迴氣象新。牀前沙鳥語，案下錦鱗驚。細柳風吹旋新荷，露壓傾微芳。綠岸落迸笋，入波生舴艋。舟中醉莓苔徑上行，高人莫歸去，此處勝蓬瀛。

焦崖閣

韋莊

李白曾歌蜀道難，長聞白日上青天。今朝夜過焦崖閣，始信星河在馬前。

霽登王六東閣

嚴維

試上江樓望，初逢山雨晴。連空青嶂合，向晚白雲生。美惡列殊觀，蕭條見遠情。望來不可極，日暮水流清。夜宿西閣曉呈元二十一曹長

杜甫

城暗更籌急，樓高雨雪微。稍通綃幕霧，遠帶玉繩稀。門鵲晨光起，牆烏宿處飛。寒江流甚細，有意待人歸。

西閣口號呈元二十一

杜甫

山木抱雲稠，寒空遶上頭。雪崖纔變石，風幔不依樓。社稷堪流涕，安危在運籌。看君話王室，感動幾銷憂。

西閣夜

杜甫

恍忽寒山暮逶迤白霧昏山虛風落石樓靜戶侵門  
擊柝可憐子無衣何處春時危關百慮盜賊爾猶存

西閣雨望

杜甫

樓西雲幔山寒著水城逕添沙面出湍減石陵生  
菊藥疎放松林駐遠情滂沱朱檻濕萬慮傍簷極

不離西閣二首

杜甫

江柳非時發江梅冷色頻地偏應自瘴臘盡已含春  
失學從愚子無家住老身不知西閣意肯別定留人

二

西閣從人別人今亦故亭江雲飄素練石壁斷空青

唐詩類苑

卷之百五十九

元

滄海先迎日銀河倒列星平生耽勝事吁駭始初經

西閣二首

杜甫

巫山小搖落碧色見松林白鳥各相命孤雲無自心  
層軒俯江碧要路亦高深朱紱猶紗帽新詩近玉琴  
功名不早立衰疾謝知音哀世非王粲終然學越吟

二

賴心似江水日夜向滄洲不道含香賤其如躡白休  
經過調碧柳蕭索倚朱樓畢娶何時竟消中得自由  
家華看古往服食寄冥搜詩盡人間興兼須入海求

題孟中丞茅閣

元結

小山爲郡城隨水能繁紆亭亭最高處今是西南隅  
杉木老猶蒼蒼數十株垂楊滿城上枝葉何扶疏

乃知四

事誰謂無及觀茅閣成始覺形勝殊

憑軒望熊湘雲樹連蒼梧天下正炎熱此然冰雪俱  
客有在中坐頌歌復何如公欲思材如此佳木與

公方庇蒼生又如斯閣乎請題諸頌聲願公且踟躕

賦題樞言草閣三十二韻 李商隱

君家在河北我家在山西百歲本無業陰陰仙李枝  
尚書文與武戰罷幕府開君從渭南至我自仙遊來  
平昔苦南北動成雲雨乖逮今兩携手對若牀下鞋

唐詩類苑

卷之百五十九

元

夜歸碣石館朝上黃金臺我有苦寒調君抱陽春才  
年顏各少壯髮綠齒尚齊我雖不能飲君時醉如泥  
政靜籌畫簡邊食多相携掃掠走馬路整頓射雉翳  
春風二三月柳密鶯正啼清河在門外上與浮雲齊  
欽冠調玉琴彈作松風哀又彈明君怨一去怨不迴  
感激坐者泣起視鴈行低翻憂龍山雷却雜胡沙飛  
仲容銅琵琶頂直聲淒淒上貼金捍撥畫爲承露鶴  
君時臥帳觸勸客白玉杯苦云年光疾不飲將安歸  
我賞此言是因循未能諧君言中聖人坐臥莫  
榆莢亂不整楊花飛相隨止有白日照下有

青樓有美人顏色如玫瑰歌聲入青雲所痛無良媒  
少年苦不久顧慕良難哉徒令眞珠賸裏入珊瑚腮  
君今且少安聽我苦吟詩古詩何人作老大猶傷悲

草閣

杜甫

草閣臨無地柴扉永不關魚龍夜水星月動秋山  
久露晴初濕高雲薄未還泛舟慙小婦飄泊損紅顏

宿竹閣

白居易

晚坐松簷下宵眠竹閣間清虛當服藥幽獨抵歸山  
巧未能勝拙忙應不及閑無勞別修道卽此是玄關

晚登郡閣

韋應物

唐詩類苑 卷之百五十九 三十一  
悵然高閣望已掩東城關春風偏送柳夜景欲沈山

小閣閑坐

白居易

閣前竹蕭蕭閣下水潺潺拂簾捲簾坐清風生其間  
靜聞新蟬鳴遠見飛鳥還但有巾掛壁而無客叩關  
二疎返故里四老歸舊山吾亦適所願求閑而得閑

題鮑行軍小閣

羅維

宇下無留事經營意獨新文房已得地相閣是推輪  
席上招賢急山陰對雪頻虛明先旦暮啓開與冬春  
談笑兵家法逢迎幕府賓還依負暄處時借在陰人

奉和翁文亮員外先賢閣作

黃清  
雖言閭越繫生賢誰是還家寵自天山簡媿兼  
命鄭玄慙秉六經權鳥行去沒孤烟樹漁唱還從  
島川休說遲迴未能去夜來新夢禁中泉

唐詩類苑

卷之百五十九

三十一

唐詩類苑卷第一百六十

明雲間張之象玄超甫纂輯

雲間朱家法季則甫編次

雲間王微叔胡甫補訂

梁谿曹仁孫伯安甫校正

居處部

亭

望幸亭

儲光義

五年一巡狩西幸過東畿周國易居守周人多怨思  
君王敷惠政程作貴從時大厦非一木沈沈臨九達

唐詩類苑 卷之百六十

一

慶雲宿飛棟嘉樹羅青墀疏屏宜朝享方塘堪水嬉  
雲中仰華蓋析下望春旗天意知如此星言歸洛師

陪族叔當塗宰遊化城寺升公清風亭

李白

化城若化出金榜天宮開疑是海上雲飛空結樓臺  
升公湖上秀粲然有辯才濟人不利已立俗無嫌猜  
了見水中月青蓮去塵埃間居清風亭左右清風來  
當暑陰廣殿太陽爲徘徊茗酌待幽客珍盤薦彫梅  
飛文何洒落萬象爲之催季父擁鳴琴德聲布雲雷  
雖遊道林室亦舉陶潛杯清樂動諸天長松自吟哀

留歡若可盡切石乃成灰

金陵白下亭留別

李白

驛亭三楊樹正當白下門吳烟暝長條漢水闊古根  
向來送行處迴首阻笑言別後若見之爲余一攀綯

洗脚亭

李白

白道向姑蘇洪亭臨道傍前有昔時井下有五丈牀  
樵女洗素足行人歇金裝西望白鷺洲蘆花似朝霜  
送君此時去迴首淚成行

登白雲亭

元結

出門上南山喜逐松徑行窮高欲極遠始到白雲亭

唐詩類苑 卷之百六十

二

長山繞井邑登望宜新晴洲渚曲湘水縈迴隨郡城  
九疑千萬峰嶸嶸天外青烟雲無遠近皆傍林嶺生  
俯視松竹間石水何幽清涵映滿軒戶娟娟如鏡明  
何人病惛濃積醉且未醒與我一登臨爲君安性情

惠陽亭作有序

元結

初得惠泉則爲亭于泉上因開簷霽又得石渠泉  
渠相宜亭更加好以亭在泉北故命之曰惠陽亭  
問吾常譙息泉上何處好獨有惠陽亭令人可終老  
前軒臨惠泉憑几漱清流外物自相擾淵淵還復休  
有時出東戶更欲簷下坐非我意不行石渠能留我

峰石若鱗次歛垂復旋回爲我引惠泉冷冷簷下來  
天寒泉自溫泉寒宜大暑誰到惠陽亭其心肯思去

勞勞亭歌

李白

金陵勞勞送客堂蔓草離離生道傍古情不盡東流  
水此地悲風愁白楊我乘素舸同康樂朗咏清川飛  
夜霜昔聞牛渚吟五章今來何謝袁家郎苦竹寒聲  
動秋月獨宿空簾歸夢長

勞勞亭

李白

天下傷心處勞勞送客亭春風知別苦不遣柳條青

瀟湘亭送別

李白

唐詩類苑

卷之三

三

送君瀟湘亭瀟水流浩浩上有無花之古樹下有傷  
心之春草我向秦人問路岐云是王燦南登之古道  
古道連綿走西京紫閣落日浮雲生正當今夕斷腸  
處黃鸝愁絕不忍聽

夜下征虜亭

李白

船下廣陵去月明征虜亭山花如繡頰紅火似流螢

梨園亭侍宴應制

喬知之

年光陌上發香輦禁中遊草綠鴛鴦殿花紅翡翠樓  
天杯承露酌仙管雜風流今日陪歡豫皇恩不可酬

望春亭侍遊應詔

杜審言

帝出明光殿天臨太液池堯樽隨步輦舜樂繞行麾  
萬壽禎祥獻三春景物滋小臣同酌海歌頌答無爲

宿羽亭侍宴應制

杜審言

步輦千門出離宮二月開風光新柳報宴賞落花催  
碧水搖空閣青山繞吹臺聖情留晚興與歌管送餘杯

宿晉安亭

盧照隣

聞有絃歌地穿鑿本多奇遊人試一覽臨玩果忘疲  
窻橫暮落葉簷臥古生枝舊石開紅檻新荷覆綠池  
孤猿稍斷絕百鳥復參差汎灩月華曉徘徊星鬢垂  
今日刪書客悽惶君詎知

唐詩類苑

卷之三

四

奉和幸神臯亭應制

宋之問

清蹕喧黃道乘輿降紫宸霜戈凝曉日雲管發陽春  
臺古全疑漢林餘半識秦宴酣思布澤節改令行仁  
昔侍山河險今依道德淳多慚獻嘉頌空累屬車塵

夕次葉陰亭

林琨

清晨孤亭裏極目對前岑遠與水天合長霞生夕林  
蒼然平楚意杳靄半秋陰落日川上盡闕城雲外深  
方予事嚴整及此欲抽簪詩就蓬山道還茲契宿心

登殊亭作

元結

時節方大暑試來登殊亭憑軒未及息忽若秋氣生



主人既多閑有酒共我傾坐中不相異豈限醉與醒  
漫歌無人聽浪語無人驚時復一回望心目出四溟  
誰能守纓佩日與災患并請君誦此意令彼惑者聽

謝公亭

李白

謝公離別處風景每生愁客散青天月山空碧水流  
池花春映日窻竹夜鳴秋今古一相接長歌懷舊遊

同蔡孚五亭詠

徐晶

章奏中京罷雲泉別業歸拂琴鋪野席牽柳挂朝衣  
翡翠巢書幌鴛鴦立釣磯幽栖可憐處春事滿林扉

荊州亭入朝

張說

唐詩類苑

卷之三百六

五

巫山雲雨峽湘水洞庭波九辯人猶擯三秋燕始過  
旃裘吳地盡髭薦楚言多不果朝宗願其如江漢何

旅宿淮陽亭口號

張九齡

日暮荒亭上悠悠旅思多故山臨桂水今夜眇星河  
暗草霜華發空亭鴈影過興來誰與晤勞者自爲歌

題池州弄水亭

杜牧

弄水亭前溪颭艷翠綃舞綺席草芊芊紫嵐峯伍伍  
蟠蟠得形勢輦飛如軒戶一鏡奩曲堤萬九跳猛雨  
檻前燕鴈栖枕上巴帆去叢筠侍修廊密蔥媚幽圃  
杉樹碧爲幢花駢紅作堵停樽遲晚月咽咽上幽渚

客舟耿孤燈萬里人夜語漫流胷苔槎饑鳬曬雪羽

玄絲落釣餌冰鱗看吞吐斷霓天帔垂狂燒漢旗怒

曠朗千秋曉蕭瑟好風露光潔疑可攬欲以襟懷貯

幽抱吟九歌霸情思湘浦四時皆異狀終日爲良遇

小山浸石稜撐舟入幽處孤訝倚桂巖晚酒眠松塢

紆餘帶竹村蠶鄉足砧杵勝泉落環佩畦苗差纂組

風俗知所尚豪強耻孤侮隣喪不相春公租無詬負

農時貴伏臘簪瑱事理賂鄉校富華禮征行產強弩

不能自免去但媿來何暮故園漢上林信美非吾土

生生亭

唐詩類苑

卷之三百六

六

灘開不妨語跨溪仍置亭置亭嵒嶺頭開牕納遙青  
遙青新畫出三十六扇屏裏裏立平地稜稜浮高冥  
一日數開扉仙閃目不停徒誇遠方岫曷若中峰靈  
拔意千餘丈浩言永堪銘浩言無愧同愧同忍醜醒  
致之未有力子在君子聽

合江亭

韓愈

紅亭枕湘江蒸水會其左瞰臨眇空濶綠淨不可唾  
維昔經營初邦君實王佐翦林遷神祠買地費家貨  
梁棟宏可愛結構麗匪過伊人去軒騰茲宇遂頽挫  
老郎來何暮高唱久乃和樹蘭盈九畹栽竹逾萬

箇長綆汲滄浪幽蹊下坎珂波濤夜俯聽雲樹朝對  
臥初如遺宦情終乃最郡課人生誠無幾事往悲豈  
奈蕭條綿歲時契濶繼庸懦勝事誰復論醜聲日  
已播中丞黜凶邪天子憫窮餓君侯至之初閭里自  
相賀淹滯樂閑曠勤苦勸慵惰爲余掃塵階命樂醉  
衆座窮秋感平分新月憐半破願書岸上石勿使泥  
塵浣附音

題秦隱君麗句亭

戴叔倫

此人歸欲盡猶自住蕭山閉戶不暫出詩名滿世間

夏陽亭臨望寄河陽侍御堯

唐詩類苑

卷之三

七一

元稹

望遠音書絕臨川意緒長殷勤眼前水千里到河陽

臨江亭五咏

并序

儲光羲

建業爲都舊矣晉主來此而禮物盡脩雖云在德

亦云在險京口其地也嗚呼有邦國者有興亡焉

自晉及陳五世而滅以今懷古五篇爲詠臨江亭

得其勝繁寄以興言雖未及乎辨士亦其志也

晉家南作帝京鎮北爲關江水中分地城樓下帶山

金陵事已往青蓋理無還落日空亭上石龍尾灣

二

山橫小苑前路盡大江邊此地興王業無如宋主賢  
潮生建業水風散廣陵烟直望清波裏祗言別有天

三

城頭落暮暉城外搗秋衣江水青雲抱蘆花白雪飛  
南州王氣疾東國海風微借問商歌客年年何處歸

四

古木嘯寒禽層城帶夕陰梁園多綠柳楚岸盡楓林  
山際空爲險江流長自深平生何以恨天地本無心

五

京山千里過孤憤望中來江勢將天合城門向水開

唐詩類苑

卷之三

八一

落霞明楚岸夕露濕吳臺去去無相識陳皇安在哉

涵碧亭

方干

高低竹雜松積翠復留風路劇陰溪裏寒生暑氣中

閑雲低覆草片水靜涵空方見泮源牧心侔造化工

醉題候仙亭

白居易

蹇步垂朱綬華纓映白鬚何因駐衰老只有且歡娛

酒興還應在詩情可使無登山與臨水猶未要人扶

浮石亭

孟郊

曾是風雨力崔嵬漂來時落星夜皎潔近榜朝遠迤

翠湫遞明滅清深瀉歎危况逢蓬島山會合良在茲

北固亭東望寄黔師

羅隱

高亭暮色中往事更誰同水謾矜天濶山應到此窮  
病憐京口酒老怯海門風唯有言堪解何由見遠公

宿宜義池亭

劉得仁

暮色遶柯亭南山出竹青夜深斜舫月風定一池星  
島嶼無人跡菰蒲有鶴翎此中休便得何必泛滄溟

忘筌亭

白居易

翠嶽公門對朱軒野逕連只開新戶牖不改舊風烟  
空室閑生白高情澹入玄酒客同座勸詩僧屬城傳  
自笑滄江畔遙思絳帳前庭臺隨事有爭敢比忘筌

唐詩類苑

卷之百十

九

春末題池州弄水亭

杜牧

使君四十四兩佩左銅魚爲吏非循吏論書讀底書  
晚花紅艷靜高樹綠陰初亭宇清無比溪山盡不如  
嘉賓能嘯咏宮妓巧粧梳逐日愁皆碎隨時醉有餘  
偃須求五鼎陶祗愛吾廬趣向人皆異賢豪莫笑渠

蕭常侍瘦栢亭歌

盧綸

栢之異者山中靈好人斷絕爲君亭雲翻浪捲不可  
識鳥獸成形花倒植莓苔舊點色尚青霹靂殘痕節  
猶黑金貂主人漢三老構此窮年下朝早心規目製  
不暫疲匠者受之無一詞清展拂匣菱生鏡落日憑

闌星滿池攢薨闢拱無斤跡根瘦聯懸同素壁數

亂瀉雲裏峰萬片爭呈雪中石重簷不動自飄香似  
到瀛洲白玉堂水精如意方金色雲母屏風透掩光

四堦綿綿被纖草草上依微衆山道松間汲井煙翠

寒洞裏園基天景好愚儒敢欲賀成功鸞鳳棲翔固  
不同應念廢材今接地一枝思寄戶庭中

登望雲亭招友

朱慶餘

日日恐無雲可望不辭逐靜望來頻共知亭下眠雲  
遠解到上頭能幾人

題池州貴池亭

杜牧

唐詩類苑

卷之百十

十一

勢比凌敲宋武臺分明百里遠帆開蜀江雪浪西江  
滿強半春寒去却來

三月十日流杯亭

李商隱

身屬中軍少得歸木蘭花盡失春期偷隨柳絮到城  
外行過水西聞子規

題宋玉亭

戎昱

宋玉亭前悲暮秋陽臺路上雨初收應緣此處人多  
別松竹蕭蕭也帶愁

題秦系山人鹿角亭

僧皎然

獨將詩教領諸生但愛青山不愛名滿竹聲堪愈

疾亂林花片足忘情

題隱霧亭

魚玄機

春花秋月入詩篇  
白日清是散仙空  
捲珠簾不曾下  
長移一榻對山眠

和于中丞登扶風亭

方干

避石攀蘿去不迷  
行時舉步似丹梯  
東軒海日已相照  
下界晨鷗猶未啼  
郭裏雲山全占寺  
村前竹樹半藏溪  
謝公吟望多來此  
此地應將峴首齊

長樂亭留別

白居易

灞漣風烟函谷路  
曾經幾度別長安  
昔時感促爲遷

唐詩類苑

卷之三百十

十一

客今日從容自去  
官優詔幸分四皓  
秩祖筵慙繼二疎  
歡塵纓世網重重  
縛廻顧方知出得難

七松亭

張喬

七松亭上望秦川  
高鳥閑雲已滿前  
願比子真耕谷口  
豈同陶令臥江邊  
臨崖把卷驚廻掃  
石留僧聽遠泉  
明月影中宮漏近  
珮聲應宿使朝天

曲江亭晚望

白居易

曲江岸北凭欄杆  
水面陰生日脚殘  
塵路行多綠袍故  
風亭立久白鬚寒  
詩成閣著閑心記  
山好遙偷病眼看  
不被馬前提省印  
何人信道是郎官

陸州呂郎中環溪亭

方干

爲是仙才登望處  
風光便是武陵春  
閑花半落猶迷蝶  
白鳥雙飛不及人  
樹影斜餘侵枕簟  
荷花坐久着衣巾  
暫來此地非多日  
明主那容借寇恂

許州題德星亭

薛能

漢水南流東有堤  
堤邊亭是武陵溪  
槎松配石堪僧坐  
藥杏含春欲鳥啼  
高處月生滄海外  
遠郊山在夕陽西  
頻來不似軍從事  
只戴紗巾曳杖藜

陪江州李使君重陽宴百花亭

朱慶餘

唐詩類苑

卷之三百十

十二

開携九日酒共到  
百花亭醉裏求詩  
境回看島嶼青

朱檻在空虛涼風  
八月初山形如峴  
首江色似桐廬

佛寺乘船入人家  
枕水居高亭仍有  
月今夜宿何如

百花亭晚望夜歸

白居易

百花亭上晚徘徊  
雲景陰晴掩復開  
日色悠揚映山盡  
雨聲蕭颯渡江來  
鬢毛遇病雙如雪  
心緒逢秋一似灰  
向夜欲歸愁未了  
滿湖明月小舡迴

新澗亭

白居易

烟霞初合澗新開  
開上西亭日幾迴  
老病歸山應未

得且移泉石就身來

題新澗亭兼酬寄朝中親故見贈

白居易

何處披襟風快哉一亭臨澗四門開金章紫綬辭腰去白石清泉就眼來自得所宜還獨樂各行其志莫相哈禽魚出得池籠後縱有人呼可更迴

荷亭侍宴應制

張說

迴鑾青岳觀帳殿紫烟峰山路迎三島雲衢駐六龍園林看花塔壇蹕識餘封山外聞簫管還如天上逢

白蓮花亭侍宴應制

沈佺期

唐詩類苑

卷之百十

十三

九日陪天仗三秋幸禁林霜威變綠樹雲氣落青岑水殿黃花合山亭絳葉深朱旗夾小徑寶馬駐清潯苑吏收寒果饗人膳野禽承懽不覺暝遙響素秋砧

芙蓉亭

柳宗元

新亭俯朱檻嘉木開芙蓉清香晨風遠縹彩寒露濃瀟灑出人世低昂多異容嘗聞色空喻造物誰爲工畱連秋月宴迢遞來山鐘

蔣亭和蔡湘州

賈島

蔣宅爲亭謝蔡城東郭門潭連秦相井松老漢朝根已積蒼苔偏何曾舊逕存高齋無事後時復一携樽

寄和蔡州中丞題蔣亭 釋無可

遺跡仍畱蔡幽人出漢朝門深荒徑在臺迴數峰遙岸石欹相倚窻松偃未凋尋思方一去豈待使君招

秋日畱題蔣亭

羅鄴

西風纔起一蟬鳴便弄關河上馬程碧浪鷁舟從此別丹青鷁箭忍無成二年芳思隨雲雨幾夕離歌戀旆旌回首橫塘更東望露荷煙菊倍傷情

陽亭言事獻漳州于使君 方干

重疊山前對酒樽騰騰兀兀度朝昏平明疎磬白雲寺遙夜孤砧紅葉村去鳥豈知烟樹遠驚魚應覺露

唐詩類苑

卷之三

十四

荷翻旅人寄入逢黃菊每見北人思故園

漳州陽亭言事寄于使君 方干

謝守登城對遠峰金英泛泛滿金鍾樓頭風景八九月牀下水雲千萬重紅旆朝昏雖許近清才今古定難逢鯉魚縱是凡鱗豈得在膺門合作龍

望湘亭

鄭谷

湘水似伊水湘人非故人登臨獨無語風柳自搖春

晚宴湘亭

元稹

晚日宴清湘晴空走艷陽花低愁露醉絮起覺春狂舞旋紅裙急歌垂碧袖長甘心出童叟須盡一時荒

和容南韋中丞題瑞亭瑞節白燕白六

龜嘉蓮

陳陶

伏波恩信動南夷交趾宣傳四瑞詩燕鼠孕靈臺上  
德龜蓮增耀答無私迴翔雪侶窺簷處照映紅巢出  
水時盡寫風流在軒檻嘉祥從此百年知

題上饒亭

張祐

溪亭拂一琴促軫坐披衿夜月水南寺秋風城外砧  
早霜紅葉靜新雨碧潭深唯是壺中物憂來且自斟

題樟亭

張祐

曉霽憑虛檻雲山四望通池盤江岸絕天映海門空

唐詩類苑

卷之百六十

十五

樹色連秋靄潮聲入夜風年年此光景催盡白頭翁

奉和李大夫題因嚴亭六韻

白居易

白居易

箕穎人窮獨蓬壺路阻難何如兼吏隱復得事躋攀  
巖樹羅階下江雲貯棟間似移天目石疑入武丘山  
清景徒堪賞皇恩肯放閑遙知興未足即被詔徵還

登峴山亭

司空曙

峴山回首望秦關南向荊州幾日還今日登臨唯有  
淚不知風景在何山

郡亭

白居易

平旦起視事亭午臥掩關除親簿領外多在琴書  
況有虛白亭坐見海門山潮來一凭檻賓至一開筵  
終朝對雲水有時聽管絃持此聊過日非忙亦非閑  
山林本寂寞朝闕空喧煩唯茲郡閣內囂靜得中間

郡南亭子宴

張謂

亭子春城外朱門向綠林柳枝經雨重松色帶烟深  
漉酒迎山客穿池集水禽白雲常在眼聊足慰人心

城南亭作

張說

珂馬朝歸連萬石稍門洞啓親迎客北堂珍重琥珀  
酒庭前列肆茱萸席長袖遲迴意緒多清商緩轉自

唐詩類苑

卷之三

十六

騰波舊傳比翼侯家舞新出將雛王第歌漢家絳灌  
餘兵氣晉代浮虛安足貴正逢天下金鏡清偏加日  
飲醇醪意誰復遨遊不復歸閑庭莫畏不芳菲會待  
城南春色至竟將花柳拂羅衣

郡西亭偶咏

白居易

常愛西亭面北林公私塵事不能侵共閑作伴無如  
鶴與老相宜只有琴莫遣是非分作界須教吏隱合  
爲心可憐此道人皆見但要修行功用深

錢塘府亭

羅隱

新恩別啓館娃宮還拜吳王向此中九牧土田周制

在兩藩茅社漢儀同春生舊苑芳洲雨香入高臺小  
徑風更有寵光人未見問安調膳盡三公

四月十三日詔宴寧王亭子賦得好字

張說

何許承恩宴山亭風日好綠嫩鳴鶴洲陰濃關鷄道  
果思夏來茂花春去早行樂無限時皇情及芳草  
晦日詔宴永穆公主亭子賦得留字

張說

堂邑山林美朝恩晦日遊園亭含淑氣竹樹繞春流  
舞席千花騎歌船五彩樓羣歡與王澤歲歲滿皇州  
唐詩類苑 卷之百六十 十七

滕王亭子二首

杜甫

寂寞春山路君王不復行古牆猶竹色虛閣自松聲  
鳥雀荒村暮雲霞過客情尚思歌入吹千騎把電旌

二

君王臺榭枕巴山萬丈丹梯尚可攀春日鳴啼修竹  
裏仙家犬吠白雲間清江碧石傷心麗嫩葉濃花滿  
目斑人到于今歌出牧來遊此地不知還

題友人亭

殷遙

故人離館往往往清溪鑿牖對山月寒雲拂洞壑  
遊魚逆水上宿鳥向風棲書見桃花發能令秦漢迷

宴桃花亭子

李白

曲巷幽人宅高門大士家池開照膽鏡林吐破顏花  
綠水藏春日青軒秘晚霞若聞絃管妙金谷不能誇

冬日駱家亭子

劉得仁

亭臺臘月時松竹見真姿林積烟薄日風吹水合池  
恨無人此住靜有鶴相窺是景與秋景吟詩亦各宜

駱家亭子納涼

戎昱

江湖思渺然不離國門前折葦魚沈藻攀藤鳥出烟  
生衣宜水竹小酒入詩篇莫怪侵星坐神清不欲眠  
和樂天題王家亭子 元稹

唐詩類苑

卷之百六十

十八

風吹荀籜飄紅砌雨打桐花蓋綠莎都大資人無暇  
日泛池全少買池多

春晚題韋家亭子

杜牧

擁鼻侵襟花草香高臺春去恨茫茫薦紅半落平池  
晚曲渚飄成錦一張

題鄭縣亭子

杜甫

鄭縣亭子澗之濱戶牖憑高發興新雲斷岳連臨大  
路天晴宮柳暗長春巢邊野雀羣欺燕花底山蜂遠  
趁人更欲題詩滿青竹晚來獨恐傷神

題行山三癸

顏真卿



村山多幽絕勝事楹跬步前者雖登攀淹滯恨晨暮  
及茲紆勝引曾是美無度歛構三癸亭寔惟陸生故  
高賢能翔物疏鑿皆有趣不越方丈間居然雲霄遇  
巍峩倚修岫曠望臨古渡左右苔石攢低昂桂枝蠹  
山僧狎猿狖巢鳥來枳相俯視何楷臺傍瞻戴顓路  
遲迴未能下夕照明村樹

登牛頭山亭子

杜甫

路出雙林外亭窺萬井中江城孤照日山谷遠含風  
兵革身將老關河信不通猶殘數行淚忍對百花叢

春日鄭協律山亭陪宴餞鄭卿

唐詩類苑

卷之百六

十九

宋之問

潘園枕郊郭愛客坐相求尊酒東城外驂駢南陌頭  
池平分洛水林缺見嵩丘瞻竹侵山徑垂楊拂妓樓  
彩雲歌處斷遲日舞前留此地何年別蘭房空自幽  
和趙判官登萬山亭因贈韓都督

孟浩然

韓公美襄土日賞城西岑結構意不淺嚴潭趣亦深  
皇華一動咏荆國盛謠吟舊蘭遲勿剪新題柳欲陰  
砌傍餘怪石沙上有閑禽自牧豫章郡空瞻楓樹林  
因聲寄流水善聽在知音耆舊眇不接佳徐無處尋

物情多貴遠賢俊豈無今遲爾長江暮澄清一洗心

過太平公主山亭侍宴

張昌宗

淮南有小山羸女隱其間折桂芙蓉浦吹簫明月灣  
扇掩將雛曲釵承墮馬環歡情本無限暮掩洛城關

太平公主山亭侍宴應制

李嶠

黃金瑞榜絳河隈白玉仙輿紫禁來碧樹青岑雲外  
聳朱樓盡壁水中開龍舟下瞰蛟人室羽節高臨鳳  
女臺遽惜歡娛歌吹晚揮戈更却曜靈回

遊謝氏山亭

李白

淪老臥江海再歡天地清病間久寂寞歲物徒芬榮

唐詩類苑

卷之百六

二十

借君西池遊聊以散我情掃雪松下去捫蘿石道行  
謝公池塘上春草颯已生花枝拂人來山鳥向我鳴  
田家有美酒落日與之傾醉罷弄歸月遙欣稚子迎  
春集越州皇甫秀才山亭

孟郊

嘉賓在何處置亭春山巔顧余寂寞者謬廁芳菲筵  
視聽日澄澈聲光坐連綿晴湖瀉峰嶂翠浪多萍蘚  
何以逞高志爲君吟秋天

題崔逸人山亭

錢起

藥徑深紅蘚山窻滿翠微美君花下酒蝴蝶夢中飛  
蔡起居山亭

徐晶

文史歸休日棲閑臥草亭薔薇一架紫石竹數莖  
垂露和仙藥燒香誦道經莫將山水弄持與世人聽

春日宴宋主簿山亭 宋之問

公子政邀歡林亭春未闌攀巖踐苔易迷路出花難  
牕覆垂楊煖階侵瀑水寒帝城歸路直留興接鷓鴣

都尉山亭 杜審言

紫藤縈葛藟綠刺冒薔薇下釣看魚躍探巢畏鳥飛  
葉疎荷已晚枝亞果新肥勝迹都無限只應伴月歸

題李將軍山亭 郭良

鳳閣將軍位龍門司隸家衣冠爲隱逸山水作繁華  
唐詩類苑 卷之百十 王

徑出重林草池搖兩岸花誰知貴公第亭院有煙霞

杭州盧錄事山亭 朱慶餘

山色滿公署到來詩景饒解衣臨曲榭隔竹見紅蕉  
清漏焚香夕輕嵐視事朝靜中看鎖印高處見迎潮

曳履庭蕪近當身樹葉飄傍城餘菊在步入一仙瓢

鄭郎中山亭 崔翹

篆筆飛章暇園亭染翰遊地奇人境別事遠俗塵收  
書閣山雲起琴齋澗月留泉清鱗影見樹密鳥聲幽

杜鰭重梅雨荷香送麥秋無勞置驛騎文酒暗相求

和劉明府宴縣前山亭 錢起

城隅勞心處雪後歲芳開山映千花出泉經萬壑  
翔鸞欲下舞上客且留杯

題刑部李郎中山亭 秦韜王

儂家雲水本相知每到高齋強展眉瘦竹簾烟遮板  
閣卷荷驚雨出盆池笑吟山色同歌枕閑背庭陰對  
覆基不是主人多野興肯開青眼重漁師

春日題乾元寺上方最高峰亭 白居易

危亭絕頂四無鄰見盡三千世界春但覺虛空無障  
礙不知高下幾由旬迴看官路三條線却望都城一

唐詩類苑 卷之百十 王

片塵賓客暫遊無半日王侯不到便終身始知天造  
空閑境不爲忙人富貴人

題金陵王處士水亭 李白

李白

王子耽玄言賢豪多在門好鵝尋道士愛竹嘯石園  
樹色老荒苑池光蕩華軒此堂見明月更憶陸平原  
掃地青玉簫爲余置金樽醉罷欲歸去花枝宿鳥喧  
何時復來此再得洗翫煩

連上題樊氏水亭 高適

連上非所趣偶爲世務牽經時駐歸棹日夕對平川

莫論行子愁且得主人賢亭上酒初熟厨中魚每鮮  
自說宦遊來因之居住偏煮鹽滄海曲種稻長淮邊  
四時長晏如百口無饑年菱芡藩籬下漁樵耳目前  
異縣少朋從我行復速適向不逢此君孤舟已言旋  
明日又分首波濤還渺然

三月三日自京到華陰水亭獨酌寄裴六薛

八

獨孤及

祇役匪遑息經時客三秦還家問節候知到上巳辰  
山縣何所有高城閉青春和風不吾欺桃李滿四隣  
舊友適遠別誰當接歡欣呼兒命長瓢獨酌湘吳醇  
唐詩類苑 卷之百六十 三  
一酌一朗詠既酣意亦申言筌薏兩忘霞月祇相新  
裴子塵表物薛侯席上珍寄書二傲吏何日同車茵  
詎肯使空名終然羈此身他年解桎梏長作海上人

臨水亭

閭丘均

高館基曾山微羃生花草傍對野村樹下臨車馬道  
清明悟心術幽遐備瞻討回合峰隱雲聯綿渚縈島  
氣似滄洲勝風爲青春好相及盛年時無令嘆衰老

旅次洛城東水亭

孟郊

水竹色相洗碧花動軒楹自然逍遙風蕩滌浮競情  
霜落葉聲噪景寒人語清我來招隱亭不上塵暫輕

梅道士水亭

孟浩然

傲吏非凡吏名流卽道流隱居不可見高論莫能酬  
水接仙源近山藏鬼谷幽再來迷所處花下問漁舟

陸渾水亭

祖詠

畫眺伊川曲巖開霽色明殘沙明有路流水湧無聲  
浴鳥沿波聚潛魚觸釣驚更憐春色綠幽意滿前楹

題韓少府水亭

祖詠

梅福幽棲處佳期不忘還鳥啼當戶竹花遶傍池山  
水氣侵階冷松陰覆座閑寧知武陵趣宛在市朝間

過崔八丈水亭

李白

唐詩類苑

卷之百六十

三

高閣橫秀氣清幽併在君簷飛宛溪水窻落敬亭雲  
猿嘯風中斷漁歌月裏聞閒隨白鷗去沙上自成羣

章梓州水亭

時漢中王兼席謙  
在會同用荷字韻

杜甫

城晚通雲霧亭源到菱荷吏人橋外少秋水夕邊多  
近屬淮王至高門薊子過荊州愛山簡吾醉亦長歌

過南隣朱山人水亭

杜甫

相近竹參差相過人不知幽花散滿逕曲水細通池  
歸客村非遠殘樽席更移看君多道氣從此數追隨

東城水亭宴李侍御史副使

韓翃

東門留客處沽酒用錢刀秋水牀下急斜暉林外高  
金羈絡駿褭玉匣閉豪曹去日隨戎幕東風見伯勞

光州王建使君水亭作 賈島

楚水臨軒積澄鮮一畝餘柳根連岸盡荷葉出萍初  
極浦清相似幽禽到不虛夕陽庭際眺槐雨滴疎疎

六月十三日水亭送華陰王少府還縣

岑參

亭晚人將別池涼酒未酣關門勞夕夢仙掌引歸驂  
荷葉藏魚艇藤花冒客簪殘雲收夏暑新雨帶秋嵐

唐詩類苑

卷之百十

三五

失路情無適離懷思不堪頓茲庭戶裏別有小江潭

宿寶使君庄水亭

白居易

使君何在在江東池柳初黃杏欲紅有興即來閑便  
宿不知誰是主人翁

早秋宴張郎中海亭即事 盧象

邑有絃歌宰翔鸞狎野鷗眷言華省舊暫滯海池遊  
鬱島藏源竹前溪對舞樓更聞書即事雲物是新秋

同廬明府早秋宴張郎中海亭

孟浩然

側聽絃歌宰文書遊夏徒故園欣賞竹爲邑幸來蘇

華省曾聯事仙舟復與俱欲知臨泛久荷露漸成珠

登張明府海亭

孟浩然

海亭秋日望委曲見江山染翰聊題壁傾壺一解顏  
歡逢彭宅令歸賞故園間予亦將琴史栖遲共取閒

泊松滋江亭

杜甫

紗帽隨鷗鳥扁舟繫此亭江湖深更白松竹遠還青  
一柱全應近高唐莫再經今宵南極外甘作老人星

江亭

杜甫

坦腹江亭暖長吟野望時水流心不競雲在意俱遲  
寂寂春將晚欣欣物自私故林歸未得排悶強裁詩

唐詩類苑

卷之百十

三五

酬周從事望海亭見寄

元稹

年老無流輩行稀足薜蘿熱時憐水近高處見山多  
衣袖長堪舞喉嚨轉解歌不辭狂復醉人世有風波

河亭

朱慶餘

孤亭臨絕岸猿鳥識幽蹊花落曾誰到詩成獨未題  
潮痕經雨在石笋與杉齊謝守便登陟秋來屐齒低

奉和祕監從翁夏口陝州河亭晚望

姚鵠

洪河何處望一境在孤烟極野如藍日長波似鏡年  
暮簾花影裏倚檻鶴巢邊霞焰侵旌旆灘聲雜管絃

鐘微來疊岫帆遠落遙天過客煩相指應疑會水仙

奉同諸公題河中任中丞新初河亭

李商隱

萬里誰能訪十洲新亭雲構壓中流河蛟縱翫難  
室海蜃遙驚趾化樓左右名山窮遠目東西大道鎖  
輕舟獨留巧思傳千古長與蒲津作勝游

題河中亭子

薛能

河壁雙流島在中島中亭上正南空蒲根舊浸臨關  
道沙石遙飛傍苑風晴見樹卑知岳大晚聞車亂覺  
橋通無窮勝事應須宿霜白兼葭月在東

唐詩類苑

卷之百十

三

汴河亭

許渾

廣陵花盛帝東游先劈崑崙一派流百二禁兵辭象  
闕三千宮女下龍舟凝雲鼓震星辰動拂浪旗開日  
月浮四海義師歸有道迷樓還似景陽樓

題萬成江亭

劉長卿

蕭條方歲晏牢落對空洲才出 右家貧湘水頭  
蒼山隱暮雪白鳥沒寒流不是蓮花府冥冥不可求

秋杪江亭有作

劉長卿

寂寞江亭下江楓秋氣斑世情何處澹湘水向人閑  
寒渚一孤鴈夕陽千萬山扁舟如落葉此去未知還

秋宿潤州劉處士江亭 李洞

北夢風吹斷江邊處士亭吟生萬井月見盡一天星  
浪靜魚衝石牕高鶴聽經東西渺無際世界半滄溟

暇日適值澄霽江亭遊宴

碧落風如洗清光鏡不分絃歌方對酒山谷盡無雲  
振臥淮陽病悲秋宋玉文今來強携妓醉舞石榴裙

江亭夕望

白居易

憑高望遠思悠哉晚上江亭夜未迴日欲沒時紅浪  
沸月初生處白烟開辭枝雪藥將春去滿鐺霜毛送  
老來爭敢三年作歸計心知不及賈生才

唐詩類苑

卷之百十

天

江亭詠春

白居易

江亭乘曉閱衆芳春妍景麗草樹光日消石桂綠嵐  
氣風墜木蘭紅露漿水蒲漸展書帶葉山榴半含琴  
軫房何物春風吹不變愁人依舊鬢蒼蒼

湘陰江亭寄友人

李羣玉

湘岸初晴淑景遲風光正是客愁時幽花暮落騷人  
水芳草春深帝子祠往事隔年如過夢舊遊迴首謾  
勞思煙波自此扁舟去酌酒聯文杳未期

宴湖上亭作

元結

廣亭蓋小湖湖亭實清曠軒窗幽水石怪異尤難狀

石樽能寒酒寒水宜初漲岸曲坐客稀杯浮上搖漾  
遠風入簾幕浙瀝吹酒舫欲去未回時飄飄正堪望  
酣興思共醉促酒更相向舫去若驚鳧浴瀛滿湖浪  
朝來暮忘返暮歸獨惆悵誰肯愛林泉從吾老湖上

秋日寄題鄭監湖上亭三首

杜甫

碧草遠春意沅湘萬里秋池要山簡馬月靜更公樓  
磨滅餘篇翰平生一釣舟高唐寒浪滅髣髴識昭丘

二

新作湖邊宅還聞賓客過自須開竹逕誰道避雲蘿

唐詩類苑

卷之百六十

三九

官序淹生拙才名賈誼多捨舟應下地鄰接意如何

三

暫住蓬萊閣終爲江海人揮金應物理拖玉豈吾身  
葵羹秋蓴弱杯迎露菊新賦詩分氣象佳句莫頻頻

暮春陪李尚書李中丞過鄭監湖上亭汎舟

杜甫

海內文章伯湖邊意緒多玉樽宜晚興桂楫帶酣歌  
春日繁魚鳥江天足芰荷鄭莊賓客地衰白遠來過

湖亭晚歸

白居易

盡日湖亭臥心閑事亦稀起因殘醉醒坐待晚涼歸

松雨飄藤帽江風透葛衣柳堤行不厭沙軟絮霏霏

湖亭望水

白居易

久雨南湖漲新晴北客過日沈紅有影風定綠無波  
岸沒閭閻少灘平船舫多可憐心賞處其奈獨遊何

玉臺觀題湖上亭

戎昱

湖入縣西邊湖頭勝事偏綠竿初長筍紅顆未開蓮  
蔽日高高樹迎人小小船清風長入坐夏月似秋天

早秋遊湖上亭

劉威

危亭秋尚早野思已無窮竹葉一樽酒荷香四座風  
曉煙孤嶼外歸鳥夕陽中漸愛湖光冷移舟月滿空

唐詩類苑

卷之二百六

三九

赴南中題褚少府湖上亭子

劉長卿

種田東郭傍春陂萬事無情把釣絲綠竹故侵行徑  
裏青山常對卷簾時紛紛花落門空閉寂寂鶯啼日  
更遲從此別君千萬里白雲流水憶佳期

題元十八溪亭

白居易

怪君不喜仕又不遊州里今日到幽居了然知所以  
宿君石溪亭潺湲聲滿耳飲君螺杯酒醉臥不能起  
見君五老峰益悔居城市愛君三男兒始嘆身無子  
余方鑪峰下結室爲居士山北與山東往來從此始

溪亭二首

許渾

溪亭四面山橫柳半溪  
灣蟬響螳螂急魚深翡翠閑  
水寒畱客醉月上與僧還  
猶戀蕭蕭竹西齋未掩關

二

暖枕眠溪柳僧齋昨夜期  
茶香秋夢後松韻晚吟時  
共戲魚翻藻中棲鳥墜枝  
重陽應一醉栽菊助東籬

宿胡氏溪亭

項斯

獨住水聲裏有亭無熱時  
客來因月宿牀勢向山移  
鶴睡松枝定猿歸葛葉垂  
寂寥猶欠伴誰爲報僧知

題胡氏溪亭

朱慶餘

唐詩類苑

卷之百六十

三

亭與溪相近無時不有風  
澗松生便黑野蘚看多紅  
雨足秋聲後山沈夜色中  
主人能守靜略與客心同

蘇溪亭

戴叔倫

蘇溪亭上草漫漫誰倚東  
風十二闌燕子不歸春事  
晚一汀晚雨杏花寒

郭家溪亭

王建

高亭望見長安樹春草闌  
西舊院斜光動綠烟遮岸  
竹粉開紅艷塞溪花野泉  
閒洗親王馬古柳曾停貴  
主車樞閣書樓傾側盡雲  
山新賣與官家

逍遙翁溪亭

王建

逍遙翁在此徘徊帝改溪  
名起石臺車馬到春常  
問子孫因選暫歸來稀疎  
野竹人移折零落蕉花雨  
打開無主青山何所直賣  
供官稅不如灰

題昭應王明府溪亭

趙嘏

靖節何須彭澤逢菊洲松  
島水悠悠行人自折門前  
柳高鳥不離溪畔峰曉渭  
度簷帆的晚原含雨樹  
重重軒車過盡無公事枕  
上一聲長樂鐘

晚夏馬嵬卿叔池亭卽事  
寄京都一二知己

王灣

唐詩類苑

卷之百六十

三

忝職淹緇旬濫陪時俊後  
才輕策疲劣勢薄常驅走  
牽役勞風塵秉心在巖數  
宗賢開別業形勝代希偶  
竹繞清渭濱泉流白渠口  
逡巡期賞會揮忽變星斗  
逮此乘務閑因而訪幽叟  
人來殊景物行得洗紛垢  
林靜秋色多潭深月光厚  
盛香蓮近折新味瓜初剖  
滯拙懷隱淪書之寄良友

葦池上舊亭

白居易

池月夜淒涼池風曉蕭蕭  
欲入池上冬先葦池中閣  
向暖牕戶開迎寒簾幕合  
苔封舊瓦木水照新朱蠟  
軟火深土爐香醪小瓷榼  
中有獨宿翁一燈對一榻

仙萼池亭初成侍宴應制

沈佺期



山中氣色和宸賞第中過輦路披仙掌帷宮拂帝羅  
泉臨香澗落峯入翠雲多無異登玄圃東南望白河

宴榮山人池亭

孟浩然

甲第開金穴榮期樂自多  
樵嘶支遁馬池養右軍鵝  
竹引携琴入花邀載酒過  
山翁未取醉時唱接離歌  
喜與長文上人宿李秀才小山池亭

孟郊

燈盡語不盡主人庭砌幽  
柳枝星影暗蘭葉露華浮  
塊嶺笑群岫片池輕衆流  
更聞清淨子逸鳴鶴難倚

姚氏池亭

項斯

唐詩補注

卷之百廿

三

池館饒嘉致幽人愜所閑  
篠風能動浪岸樹不遮山  
嘯檻魚驚後眠鵝鶴語間  
何須說廬阜深處更躋攀

畫居池上亭獨吟

劉禹錫

日午樹陰正獨吟池上亭  
靜看蜂教誨閑想鶴儀刑  
法酒調神氣清琴入性靈  
浩然機已息几杖復何銘

仙萼池亭侍宴應制

沈佺期

步輦尋丹嶂行宮在翠微  
川長看鳥滅谷轉聽猿稀  
天磴扶階迴雲泉透戶飛  
閑花開石竹幽葉吐薔薇  
徑狹難留騎亭寒欲進衣  
白龜來獻壽仙吹返彤闈

題秘書王廸城北池亭

錢起

子喬來魏闕明主賜衣簪  
從宦辭人事同塵即道心  
還追大隱迹寄此鳳城陰  
昨夜新煙雨池臺清且深  
伏泉通粉壁迸笋出花林  
晚沐常多暇春醪時獨斟  
西南漢宮月復對綠牕琴

李氏小池亭十二韻

韋莊

積石亂巉巖庭莎綠不芟  
小橋低跨水危檻半依巖  
華落魚爭唼櫻紅鳥競鷗

竹或切鳥  
啄物也

引泉疏地脉掃

絮積山嵌古柳紅綃織新  
篁紫綺緘養猿秋嘯月放  
鶴夜棲杉枕簟谿雲膩池  
塘海雨鹹語鵝鷄逞辨砥

鼎大偏饒踏薛青粘屐攀  
蘿綠映衫訪僧丹北渡貫

唐詩補注

卷之百廿

三

酒日西銜遲客登高閣題  
詩遶翠巖家藏何所寶清  
韻滿琅函

題王侍御池亭

白居易

朱門深鎖春池滿岸落薔  
薇水浸莎畢竟林塘誰是  
主人翁來少客來多

薛二十池亭

王建

每箇樹邊消一日遶池行  
匝又須行異花多是非時  
有好竹皆當要處生斜豎  
小橋看島勢遠移山石作  
泉聲浮萍著岸風吹歇水  
面無塵晚更清

故梁國公主池亭

王建

池館枕秦川門鎖南山一朶煙素奈花開西子  
榆枝散沈郎錢裝簷玳瑁隨風落傍岸鳩鵲逐  
暖眠寂寞空餘歌舞地玉簫聲絕鳳歸天

題崔公池亭舊遊

溫庭筠

飯鏡芳塘菡萏秋此來重見採蓮舟誰能不逐當年  
樂還恐添成異日愁紅艷影多風嫋嫋碧空雲斷水  
悠悠簷前依舊青山色盡日無人獨上樓

題友人池亭

溫庭筠

月榭風亭繞曲池粉垣迴互瓦參差侵簾白片推  
影落鏡紅愁寫倒枝鷓鴣刷毛花蕩漾鷺鷥拳足雪  
唐詩類苑 卷之百十 三五  
離披山翁醉後如相憶羽扇清樽我自知

唐詩類苑卷第一百六十一

明雲間張之象玄超甫纂輯

雲間于燕芳馭先甫編次

雲間王微叔朗甫補訂

梁谿曹仁孫伯安甫校正

居處部

亭

賈常侍林亭燕集

韋應物

高賢侍天階跡顯心獨幽朱軒驚關右池館在

東周繚繞接都城氤氳望高丘群公盡詞客方駕未

唐詩類苑 卷之百十

日遊朝旦氣候佳逍遙寫煩憂綠林靄已布華沼澹

不流沒露摘幽草涉煙玩輕舟圓荷既出水廣廈可

淹留放神遺所拘觥罰屢見酬樂燕良未極安知有

沈浮醉罷各云散何當復相求

裴侍中晉公以集賢林亭卽事詩二十六韻

見贈猥蒙徵和才拙詞繁輒廣爲五百言

以伸酬獻

白居易

三江路萬里五湖天一涯何如集賢第中有平津池  
池勝主見覺景新人未知竹生翠琅玕水深洞琉璃  
水竹以爲質質立而文隨文之者何人公來親指麾

疏鑿出人意結構得地宜靈襟一搜索勝槩無遺遺  
因下張沼沚依高築塔基嵩峯見數片伊水分一枝  
南溪修且直長波碧逶迤北館壯復麗到影紅參差  
東島號晨光泉曜迎朝曦西嶺名夕陽香暖留落暉  
前有水心亭動蕩架連漪後有開闔堂寒溫變天時  
幽泉鏡泓澄怪石山欹危春葩雪漠漠夏果珠離離  
主人命方舟宛在水中坻親賓次第至酒樂前後施  
解纜始登泛山遊仍水嬉汾酒無滯礙向背窮幽奇  
瞥過遠橋下飄旋深澗陲管絃去縹緲羅綺來霏微  
棹風逐舞迴梁塵隨歌飛宴餘日云暮醉客未放歸

唐詩類苑

卷之三頁十一

二

高聲索彩牋大笑催金卮唱和筆走疾問答杯行遲  
一詠清兩耳一酣暢四肢主客忘貴賤不知俱是誰  
客有詩魔者吟哦不知疲乞公殘紙墨一掃狂歌詞  
維云社稷臣赫赫文武姿十授丞相印五建大將旗  
四朝致勛華一身冠皐夔去年才七十決赴懸車期  
公志不可奪君恩亦難希從容就中道俛僂來保釐  
貂蟬雖未脫鸞鳳已不羈歷徵今與古獨步無等夷  
陸賈功業少二疏官秩卑乘舟范蠡歡辟穀留侯饑  
豈若公今日身安家國肥羊祜在漢南空留峴首碑  
柳惲在江南秣賦汀洲詩謝安入東山但說攜蛾眉

山簡醉高陽唯聞倒接離豈如公今日餘力兼有之  
願公壽如山安樂長在茲願我比蒲稗未得相因依

集畢氏林亭

陳子昂

金門有遺世出實恣和邦默語誰相識琴樽寄此窻  
子牟戀魏闕漁父愛滄江良時信同此歲晚迹難雙

林亭詠

張九齡

穿竹非求麗幽閑欲寄情偶懷因壤石真意在蓬瀛  
苔益山文古池添竹氣清從茲果蕭散無事亦無營

林亭寓言

張九齡

林居逢歲宴遇物使情多衡茝不時與芬榮奈汝何

唐詩類苑

卷之三頁十一

三

更憐籬下菊無如松上蘿因依自有命非是隔陽和

題豐安里王相林亭二首 溫庭筠

花竹有薄埃嘉遊集上才白蘋安石渚紅葉子雲臺  
朱戶雀羅設黃門馭騎來不知淮水濁丹藕爲誰開

二

偶到烏衣巷含情更惘然西州曲堤柳東府舊池蓮  
星折悲元老雲歸送墨仙誰知濟川楫今作野人舡

題郡端公林亭

權德輿

春光何處好柱史有林塘鶯囀風初暖花開日欲長  
鑿池通野水掃徑閱新芳更置盈樽酒時時醉楚狂

鄆郊山舍題趙處士林亭 李 洞

圭峰秋後疊亂葉落寒虛四五百竿竹二三千卷書  
雲深猿拾栗雨霽蟻緣疏只隔門前水如同萬里餘  
酬盧司門晚夏過永寧里弊居林亭見寄

羊士諤

自嘆淮陽卧誰知去國心幽亭來北戶高韻得南金  
苔甃窺泉少籃輿愛竹深風蟬一清暑應喜脫朝簪  
冬日宴郭監林亭 盧 綸

玉勒聚如雲森森鸞鶴群據梧花闌接沃漱石泉分  
華味慙初識新聲喜盡聞此山招老賤敢不謝夫君  
唐詩類苑 卷之五十一 四

題獨孤使君湖上林亭 劉長卿

出樹倚朱欄吹鏡引上官老農持插拜時稼捲簾看  
水對登龍淨山當建隼寒夕陽湖草動秋色渚田寬  
渤海人無事荊州客獨安謝公何足比來往古門難  
東都冬日會諸同年宴鄭家林亭 白居易

盛時陪上第暇日會群賢桂折應同樹鶯遷各異年  
賓塔紛組珮妓席儼花鈿促膝齊貧賤羞有次後先  
助歌林下水銷酒雪中天他日升沈者無忘共此筵

晚春寄門下諸同年 大 洋

都門連騎出東野柳如絲秦苑看山處王孫逐草  
歡遊難再得衰老是前期林靜鶯啼遠春深日過遲  
落花今夕思秉燭古人詩對酒當爲樂雙杯未可辭  
與盧象王縉裴迪過崔處士與宗林亭 王 維

綠樹重陰蓋四隣青苔日厚自無塵科頭箕踞長松  
下白眼看他世上人

同過崔處士林亭 盧 象

映竹時聞轉轆轤當窻只見網蜘蛛主人非病常高  
卧環堵蒙籠一老儒

唐詩類苑 卷之五十一 五

同過崔處士林亭 王 縉

身名不問十年餘老大誰能更讀書林中獨酌隣家  
酒門外時聞長者車

同過崔處士林亭 裴 迪

喬柯門裏自成陰散髮窻中曾不簪逍遙且喜從吾  
事榮寵從來非我心

酬王維盧象裴迪王縉見過林亭 崔 興宗

窮巷空林常閉關悠然獨卧對前山今朝忽接諸生  
駕倒屣開門遙解顏

早春與張十八憚士籍遊楊尚書林亭寄

三閣老兼呈白馮二閣老

韓愈

墻下春渠入禁溝渠水初破滿渠浮鳳池近日長先  
暖流到池時更不流

夜會鄭氏昆季林亭

方干

捲簾圓月照方塘坐久樽空竹有霜白犬吠風驚鴈  
起猶能一一旋成行

華陰韋氏林亭

溫庭筠

自有林亭不得閑陌塵宮樹是非間終南長在茅簷  
外別向人間看華山

題城南杜郊公林亭

溫庭筠

卓氏壚前金線柳隋家堤畔錦帆風貪爲兩地分霖  
雨不見池蓮照水紅

奉和李相公題蕭家林亭

韓愈

山公自是林園主嘆惜前賢造作時巖洞幽深門盡  
鎖不因丞相幾人知

孫氏林亭

方干

池亭纔有二三畝風景勝於千萬家瑟瑟林排全巷  
竹猩猩血染半園花並牀欹枕逢春暖投筆持杯剝

日斜非覺相知成白首而今歡笑莫咨嗟

旅次揚州寓居郝氏林亭

方干

舉目縱然非我有思量自在故山時鶴盤遠勢投孤  
嶼蟬曳殘聲過別枝涼月照窻欹枕倦潑泉遶石泛  
觴遲青雲未得平行去夢遶江南身旅羈

題越州袁秀才林亭

方干

清邃林亭指畫開幽巖別派象天台坐牽蕉葉題詩  
句卧看藤花落酒杯白鳥不歸山裏去紅鱗多向鏡  
中來終年此地爲吟侶早起尋君薄暮回

題崔駙馬林亭

朱慶餘

唐詩類苑

卷之三

七

選居幽近御街東易得詩人聚會同白練鳥飛深竹  
裏朱絃琴在亂書中亭開山色當高枕樓靜簫聲落  
遶風何事宦途猶寂寞都緣清苦道難通

夏題老將林亭

張翥

百戰功成翻愛靜侯門漸欲似仙家墻頭雨細垂纖  
草木面風回聚落花并放輓轡閑浸酒龍開鸚鵡報  
前茶幾人圍在殘烟閣曾不交鋒向塞沙

書吳道隱林亭

方干

鮮樹莎草羅條陰依稀氣象是山林楠枝亞路黃包  
重井脉穿林碧甃深稚子遮門留熟客驚蟬入座避

饑禽四隣不見孤高處翻笑騰騰只醉吟

題裴晉公林亭

溫庭筠

謝得林亭暑氣微山丘零落闕音徽東山終爲蒼生起南浦虛言白首歸池鳳已傳春水浴渚禽猶帶夕陽飛悠然到此忘情處一日何妨有萬幾

題崔駙馬林亭

釋無可

宮花野藥半相和藤蔓參差惜不科纖草連門留徑細高樓出樹見山多洞中避暑青苔滿池上吟詩白鳥過更賈太湖千片石疊成雲頂綠差教

題賈巡官林亭

楊巨源

唐詩類苑 卷之百五十一 人  
白鳥閑栖亭樹枝綠樽仍對菊花籬許詢本愛交禪侶陳實由來足好兒明月出雲秋館思遠泉經雨夜意知門前長者無虛轍一片寒光動水池

題圭峯下長孫家林亭

韓琮

趙國林亭二百年綠苔如毯葛如烟閑期竹色搖霜看醉惜松聲枕月眠出樹生峯寒壓坐入籬沙瀨碧流天明知富貴非吾物莫爲金章墮此仙

褚家林亭

皮日休

廣亭遙對舊娃宮竹島蘿溪委曲通茂苑樓臺低檻外太湖魚鳥散池中蕭疎桂影移茶具狼籍蘋花上

釣筒爭得共君來此住便披鶴氅對清風

奉和褚家林亭

張賁

疎野林亭震澤西朗吟閑步喜相攜時時風折蘆花落處處霜摧稻穗低百本敗荷魚不動一枝寒菊蝶空迷今朝偶得高陽伴從放山公醉似泥

奉和褚家林亭

陸龜蒙

一陣西風起浪花遶欄干下散瑤華高窻曲檻仙侯府卧葦荒片白鳥家孤島待寒凝片月遠山終日送餘霞若知方外還如此不要乘秋上海槎

道州春遊歐陽家林亭

呂溫

唐詩類苑 卷之百五十一 九  
道州城北歐陽家去郭一里占烟霞主人雖朴甚有思解留滿地紅桃花桃花成泥不須掃明朝更訪桃源老政成興足告卽歸門前便是家山道

崔禮部園亭

張說

窈窕留清館虛徐步晚陰水連依闕近樹接夏陽深柳裏憐垂物藤苗愛上尋呀君軒蓋侶非復俗人心

園亭覽物

韋應物

積雨時物變夏綠滿園新殘花已落實高笋半成筠守此幽栖地自是忘機人

野亭三首送錢員外

李端

野菊開欲稀寒泉流漸淺幽人步林後嘆此年華晚  
倚杖送行雲尋思故山遠

寄題杜二錦江野亭 嚴武

武爲成都尹與子美世舊待遇甚隆子美於浣花  
里種竹植木結廬枕江縱酒吟咏與田畯野老相  
狎蕩武過之有時不冠子美和詩阮籍焉知禮法  
疎以解嘲也子美又嘗醉瞪視武曰嚴挺之乃有  
此兒武積不平欲殺之冠鉤於簾者三左右白其  
毋奔救得止

漫向江頭把釣竿懶眠沙草愛風湍莫倚善題鸚鵡

唐詩類卷之五十一

十一

賦何須不著鸚鵡冠腹中書籍幽時曉肘後醫方靜  
處看興發會能馳駿馬終須直到使君灘

奉酬嚴公寄題野亭之作 杜甫

拾遺曾奏數行書懶性從來水竹居奉引繼騎沙苑  
馬幽棲直釣錦江魚謝安不倦登臨費阮籍焉知禮  
法疎枉沐旌麾出城府草茅無運欲教鋤

陪王侍御宴通泉東山野亭

杜甫

見人部

京口津亭送張崔二侍御 許

愛樹滿西津津亭墮淚頻素車應度洛珠履更歸秦  
水接三湘暮山通五嶺春傷離與懷舊明日白頭人

津亭有懷

耿漳

津亭一望鄉淮海晚茫茫草沒栖州鷺天連映浦檣  
往來通楚越旦暮易漁商惆悵緘書畢何人向洛陽

宿村家亭子

賈島

牀頭枕是溪中石井底泉通竹下池宿客未眠過夜  
半獨聞山雨到來時

訓王維春夜竹亭贈別

錢起

山月隨客來主人興不淺今宵竹林下誰覺花源遠

唐詩類卷之五十一

十一

惆悵曙鶯啼孤雲還絕嶽

春日題苗發竹亭

耿漳

春亭及策上郎吏謝玄暉閑詠疎篁近高眠遠岫微  
徧宜留野客暫得解朝衣猶憶東溪裏雷雨掩故扉

題苗員外竹間亭

盧綸

高甍絕行塵開簾似有春風傾竹上雪山對酒邊人  
步暖先逢日書空遠見隣還同內齋暇登賞及諸姻

題楊號縣竹亭

盧綸

夜宿密宮室話餘將晝興遠堦三迳雪當戶一池冰  
家訓資風化心源隱政能明朝復何見葉直古溝塍



題朗之槐亭

白居易

春風可惜無多日，家醞唯殘軟半瓶。猶望君歸同一醉，籃舁早晚入槐亭。

登歷下古城孫員外新亭

李邕

亭對鵲湖時，李之芳自尚書郎出為齊州製此亭。吾宗固神秀，體物寫謀長。形制開古跡，曾冰延樂方。太山雄地里，巨壑眇雲莊。高興泊煩促，永懷清典常。舍弘知四大，出入見三光。負郭喜梗稻，安時歌吉祥。同李太守登歷下古城孫員外新亭

杜甫

唐詩類苑

卷之三十一

十一

新亭結構罷，隱見清湖陰。跡籍臺觀舊，氣溟海岳深。圓荷想自昔，遺堞感至今。芳宴此時俱，哀絲千古心。古稱壽尊客，筵秩宴北林。不阻蓬華興，得兼梁甫吟。

陪李北海宴歷下新亭

杜甫

東藩駐皂蓋，北渚凌清河。海右此亭古，濟南名士多。雲山已發興，玉珮仍當歌。修竹不受暑，交流空湧波。蘊真懷所遇，落日將如何。貴賤俱物役，從公難重過。

和宋太史北樓新亭

孟浩然

返耕意未遂，日夕登城隅。誰謂山林近，坐為符竹拘。麗譙非改作，新館亦遷居。家無食衣具，區

願隨江鵲賀，羞逐府僚趨。欲識狂歌客，丘園一豎儒。

過裴長官新亭

錢起

茅屋多新意，芳林昨試移。野人知石路，戲鳥認花枝。慢水縈蓬戶，閑雲掛竹籬。到家成一醉，歸馬不能騎。

題楊侍郎新亭

劉商

毗陵過柱史，簡易在茅茨。芳草如花種，修篁帶笋移。逕幽人未賞，簷靜燕初窺。野客憐霜壁，青松畫一枝。題周皓大夫新亭二十二韻

白居易

東道常為主，南亭別待賓。規模何日創，景致一時新。

唐詩類苑

卷之三十一

十一

廣砌羅紅藥，疎窻蔭綠筠。筠鎖開賓閣，曉梯上妓樓。春置醴寧三爵，加邊過八珍。茶香飄紫筍，膽落紅鱗。輝赫車輿開，珍奇鳥獸馴。獼猴看轡馬，鳴喚家人。錦額簾高捲，銀花盞慢巡。勸嘗光祿酒，許看洛川神。飲翠凝歌黛，流香動舞巾。裙翻繡鷓鴣，梳陷鈿麒麟。笛怨音含楚，箏嬌語帶秦。侍兒催畫燭，醉客吐文茵。投轄多連夜，鳴珂便達晨。入朝紆紫綬，待漏擁朱輪。貴介交三事，光華照四隣。甘濃將奉客，穩暖不緣身。十載歌鐘地，三朝節鉞臣。愛才心獨儻，敦舊禮殷勤。門以招賢盛，家因好事貧。始知豪傑意，當貴為交親。

題王侍御宅內亭子

黃滔

俗間塵外境郭內宅中亭或有人家創還無蓮幕聲  
石曾湖岸見琴誤嶽樓聽來客頻頻說終須作畫屏

題韋郎中新亭

張籍

起得幽亭景復新碧沙地上更無塵琴書着盡猶嫌  
少松竹栽多亦稱貧藥酒欲開期好客朝衣暫脫見  
閑身成名同日官連署此處經過有幾人

題盛令新亭

方干

舉目豈知新智慧存思便是小天台偶嘗嘉果求枚  
去因問名花寄種來春物誘才歸健筆夜歌牽醉入

唐詩類苑

卷之五十一

古

叢杯此中難遇道遥事計日應為印綬催

高亭

白居易

亭脊太高君莫拆東家留取當西山好看落日斜銜  
處一片春風映半環

題元處士高亭

杜牧

水接西江天外聲小齋松影拂雲平何人教我吹長  
笛與倚春風弄月明

田中丞高亭

賈島

高亭林表迥嵯峨獨坐秋宵不寢多玉兔玉人歌裏  
出白雲誰似莫相和

夜飲東亭

宋之問

春水鳴大壑皓月吐層岑岑壑景色佳慰我遠遊心  
暗芳足幽氣驚栖多衆音高興南山曲長謡橫素琴

重題鄭氏東亭

杜甫

華亭入翠微秋日亂清輝崩石欹山樹清連曳水衣  
紫鱗充岸躍蒼隼護巢歸向晚尋征路殘雲傍馬飛  
田倉曹東亭夏夜飲得春亭

韓翃

薛公門下人公子又相親玉佩迎初夜金壺醉老春  
葛衣香有露羅幕靜無塵更羨風流外文章是一秦

唐詩類苑

卷之五十一

五

題裴十六少卿東亭

李嘉祐

平津舊東閣深巷見南山卷箔嵐烟潤遮窻竹影閒  
傾茶兼落帽戀客不開關斜照窺簷外川禽時一作  
往還

東亭閑望

白居易

東亭盡一作日坐誰伴寂寞處綠桂爲佳客紅蕉當  
美人笑言雖不接情狀似相親不作悠悠想如何度

晚春

裴僕射東宇

錢起

鳳泉任匡濟雲漢難退還致君超一作得道在榮班

朱戟繚垣下高齋芳樹間隔花開遠水廢巷愛晴山  
晚沐值清興知音同解顏籍闌開賜酒留客下重關  
仙犬逐人淨朗車映竹閑則知真隱逸未必謝區寰  
軒后三朝額赤松何足攀

涇溪東亭寄鄭少府諤

李白

我遊東亭不見君沙上行將白鷺群白鷺閒時散飛  
去又如雪點青山雲欲往涇溪不辭遠龍門感波虎  
轉眼杜鵑花開春色闌歸向陵陽釣魚晚

步出武陵東亭臨江寓望

劉禹錫

鷹至感風候霜餘變林麓孤颿帶日來寒江轉沙曲  
唐詩類苑 卷之三頁十一

戊搖旗影動津晚櫓聲促月上彩霞收漁歌遠相作  
近續

題李十一東亭

白居易

相思名上松臺立蚤思蠅聲滿耳秋惆悵東亭風月  
好主人今在夜郎州

宴南亭

王昌齡

寒江映村林亭上納鮮潔楚客共閑飲靜坐金管闌  
酣竟一作意日入山暝來雲歸穴城樓空寺寂微鳥備  
清切物狀如絲綸上心爲余央訪君東溪宿晚樵  
拾絕

徵秋歲畢題郡南亭

白居易

高城直下視羣蠶見巴蠻安可施政教尚不通語  
且喜賦歛畢幸聞閭井安豈伊循良化賴此豐登年  
按牘既簡少池館亦清閑秋雨簷果落夕鐘林鳥還  
南亭日瀟灑復卧恣疎頑

南亭與首公燕集

許渾

秋來水上亭幾處似巖扃戲鳥翻紅葉游龜帶綠萍  
管絃心戚戚羅綺聲星星行樂非吾事西齋尚有螢  
晨至南亭呈裴明府

許渾

南齋夢釣竿晨起月猶殘露重螢依草風高蝶委蘭  
唐詩類苑 卷之三頁十一

池光秋鏡澈山色暗屏寒更戀陶彭澤無心議去官  
南亭偶題

許渾

城下水縈迴潮衝野艇來鳥驚山果落龜泛綠萍開  
白首書千卷朱顏酒一杯南軒自流涕不是望燕臺  
春遊南亭

韋應物

川明氣已變巖寒雲尚擁南亭草心綠春塘泉脉動  
景煦聽禽響雨餘看柳重逍遙池館華益媚城寵  
秋日陪姚郎中登郡中南亭

鄭巢

雲水生寒色高亭發遠心鴈來疎角韻槐落減秋陰

隔石嘗茶坐當山抱瑟吟誰知瀟酒意不似有朝簪

會鳳翔張少尹南亭

耿漳

遠過張正見詩興自依依西府軍城暮南庭吏事稀

草簷宜日過花圃任烟歸更料重關外群僚候啓扉

宴梓州南亭得池字

盧照隣

二條開勝迹大隱叶冲規亭閣分危岫樓臺遶曲池

長薄秋烟起飛梁古蔓垂水鳥翻荷葉山蟲交桂枝

遊人惜將晚公子愛亡疲願得迴三合琴尊長若斯

陪竇侍御靈雲南亭宴

并序高適

涼州近胡高下其池亭蓋以耀蕃落也幕府董帥

唐詩類苑

卷之三頁十一

六

雄勇徑踐戎庭自陽關而西猶枕席矣軍中無事

君子飲食宴樂宜哉白簡在邊清秋多興况水具

舟楫山兼亭臺始臨泛而寫煩俄登陟以寄傲絲

桐徐秦林木更爽觴葡萄以遞歡指蘭茝而可掇

胡天一望雲物蒼然雨蕭蕭而牧馬聲斷風嫋嫋

而邊歌幾處又足悲矣員外李公曰七日者何牛

女之夕也夫賢者何得謹其時請賦南亭詩列之

於後

人幽宜眺聽目極喜亭臺風景知愁在關山憶夢迴

祗言殊語默何意忝遊陪連唱波瀾動長投物象開

新秋歸遠樹殘雨擁輕雷簷外長天盡暮前帶鳥來

常吟塞下曲多謝幕中才河漢徒相望嘉期安在哉

新都南亭別郭大元振

盧崇道

竹徑女蘿蹊蓮州文石堤靜深雲俗斷尋玩往還迷

碧潭秀初月素林驚夕棲褰幌納鳥侶罷琴聽猿啼

佳辰改宿昔勝寄坐睽攜長懷賞心愛如玉復如圭

河南鄭少尹城南亭送鄭判官還河東

皇甫冉

使臣遠餞席亞尹有前谿客是仙舟裏途從御苑西

泉聲喧暗竹草色引長堤故絳青山在新田綠樹齊

唐詩類苑

卷之三頁十一

九

天秋聞別鶴關曉待鳴鷄應嘆沈冥者年年津路迷

遊南亭夜還叙志七十韻 柳宗元

夙抱丘壑尚率性恣遊遨中爲吏役牽十祀空惛勞

外曲徇塵轍私心寄英髦進乏廊廟器退非鄉曲豪

天命斯不易鬼責將安逃屯難果見凌剝喪宜所遭

神期固浩浩衆口徒嗷嗷投跡山水地放情咏離騷

再懷曩歲期容與馳輕舸虛館背山郭前軒面江皋

重疊間 於浦激遷迤驅巖竅積翠浮澹灩始疑負靈

整叢林留衝巖石礫迎飛濤曠朗天景霽樵蘇遠相

號澄潭湧沈鷗平壁跳懸猿鹿鳴驗食野魚樂如觀

豪孤賞誠所悼暫欣良足褒留連俯檻注我壺中  
醪朶願進芰實擢手持蟹螯炊稻視鱸魚鱸鮮聞操  
刀野蔬盈傾筐頗雜池沼毛緬慕鼓柁翁嘯味哺其  
糟退想於陵子三咽資李蟪斯道難爲借沈憂安所  
輟曲渚怨鴻鵠環洲彫蘭草葛之白暮景迴西岑北流  
逝滔滔徘徊遂昏黑遠火明連艘木落寒山靜江空  
秋月高歛袂戒還徒善遊矜所操趣淺戢長柁乘深  
屏輕篙曠望援深竿哀歌叩鳴櫓中川恣超忽漫若  
翔且翺淹泊遂斯止野風自颺颺澗急驚鱗奔蹊荒  
饑獸嗥入門守拘繫懷城增鬱陶慕士情未忘懷人

唐詩類苑

卷之三

三

首徒搔內顧乃無有德輶甚鴻毛名籍久自欺食浮  
固云叨問牛悲囊鐘說說音疑驚臨牢未遁刀筆吏寧  
期簿書曹中興遂群物裂壤分鞅鞅音嶷凶既云捕  
吳虜亦已鑿扞禦盛方虎謨明富伊咎披山窮木禾  
駕海逾蟠桃重來越裳雉再返西旅契左右抗槐棘  
縱橫羅鴈羔三辟咸肆宥衆生均履薰安得奉皇靈  
在宥解天弢明音歸誠慰松梓陳力開蓬蒿卜室有鄠  
杜名田占澧澆磻谿近餘基阿城連故濠螟蜥願親  
燎茶董甘自薌饑食期農耕寒衣俟蠶繅及斲足爲  
溫滿腹寧復饗安將蒯及管奸誰慕梁與膏弋林歐

雀鷗漁澤從鰭魴觀象嘉素履陳詩謝干旄方託  
鹿群敢同騏驎槽處賤無溷濁固窮匪淫怡踰踰  
束縛悅懌換煎熬登年徒負版興役趨伐馨目眩  
絕渾渾耳宣思嘈嘈茲焉畢餘命富貴非吾曹長沙  
哀紉纏漢陰咄桔槔苟伸擊壤情機事息秋臺海霧  
多菁蔚越風饒腥臊寧唯迫魑魅所懼齊煮蔗知螢  
懷褚中范叔戀綈袍伊人不可期慷慨徒切切

楊家有亭

白居易

小亭門向月斜開滿地涼風滿地苔此院好彈秋思  
處終須一夜抱琴來

唐詩類苑

卷之三

三

南亭

趙嘏

孤亭影出亂花中悵望無人此醉同聽盡暮鐘猶獨  
坐水邊襟袖起春風

題朱秀城南亭子

章孝標

朱家亭子象懸匏階榮青莎棟剪茅鷺挂眼開欺鵲  
鷗花緣網結妬蝶蛸有時風月輸三虎無壁琴書屬  
西郊土木欲知精潔處社天歸燕性安巢

秋晴獨立南亭

楊發

畫對南峯獨閉關暗期幽鳥去仍還如今有待終身  
貴未若忘機盡日閑心似蒙莊遊物象一作外官懸許

掾在人間開襟自向清風笑無限秋光爲解顏

再題路支使南亭

方干

行處避松兼礙石卽須門徑落斜開相邀舊友看漁  
釣貪聽新禽駐酒杯樹影不隨明月去溪流常送落花  
來睡時聞得江淹夢五色毫端弄逸才

和徐先輩秋日遊涇州南亭呈二三同年

姚鵠

多少歡情 卅桂枝同折塞同遊聲喧島上巢松  
鶴影落杯中過水鷗送日暮鐘交戍嶺叫雲寒角動  
城樓酒酣笑話秋風裏誰道槐花更起愁

唐詩類苑

卷之三十一

三

和吳舍人早春歸沐西亭言志

姚鵠

曉漏戒中禁清香肅朝衣一門雙掌詰伯侍仲言歸  
一作伯仲亭高性情曠職密交遊稀賦詩樂無事解

帶偃南扉陽春美時澤旭霽望山暉幽禽響未轉一作  
好鳥鳴東原綠猶微名雖列仙爵心已遺一作塵機

卽事同巖隱聖渥良難違

題楊穎士西亭

白居易

靜得亭上境遠諸塵外蹤憑軒東望好鳥滅山重重  
竹露冷煩襟杉屋清涼客心適與心相逢

卽此可遺世何必蓬壺峯

題西亭

白居易

朝亦視簿書暮亦視簿書簿書視未竟蟋蟀鳴座隅  
始覺芳歲晚復嗟塵務拘西園景多暇可以少躊躇  
池鳥潛容與橋柳高扶疎烟蔓嫋青薜水花披白蕖  
何人造茲亭華敞綽有餘四簷軒鳥翅複屋羅蜘蛛  
直廊抵曲房窻窻深且虛修竹夾左右清風來徐徐  
此宜宴嘉賓鼓瑟吹笙竿荒淫卽不可廢曠將何如  
幸有酒與樂及時歡且娛忽其解郡印他人來此居  
遊朝陽巖遂登西亭二十韻

唐詩類苑

卷之三十一

三

柳宗元

謫棄殊隱淪登陟非遠郊所懷緩伊鬱詎欲肩夷巢  
高巖瞰清江幽窟潛神蛟開曠延陽景迴薄攢林梢  
西亭構其巔反宇臨呀呀背瞻星辰與下見雲雨交  
惜非吾鄉土得以陰翳茅羈貫去江介世仕尚幽峭  
故墅卽澧川數畝均肥壤臺館晉音荒丘池塘疏沈  
坳會有主組戀遂貽山林朝薄軀信無庸瑣屑劇斗  
筭囚居固其宜厚羞久已苞庭除植蓬艾音牖懸  
蟻蛸所賴山水容扁舟枉長楫堤流欹清鷗撥野代  
嘉穀適道有高言取樂非結音遠子幽珠澹薄辭

喧呶晨鷄不余欺風雨聞嚶嚶再期未日開提挈移  
中庖

池西亭

白居易

朱欄映晚樹金甌落秋池還似錢塘夜西樓月出時

宴越府陳法曹西亭

孫逖

公府西崖下紅亭間白雲雪梅初度臘烟竹稍迎曛  
水涵澄景簾櫳引霽氛江南歸思逼春燕不堪聞

西亭

元稹

亭宇麗朝景簾牖散暄風小山初構石珍樹正然紅  
弱藤已扶樹幽蘭欲成叢芳心幸如此佳人時不同

唐詩類苑

卷之三百六十一

西

夏夜西亭卽事寄錢員外

耿湊

高亭賓客散暑夜醉相和細汗迎衣集微涼待扇過  
風還池色定月晚樹陰多遙想隨行者珊珊動曉珂

秋夜同暢當宿潭上西亭

盧綸

圓月出山頭七賢林下遊稍稍寒葉墜灩灩月波流  
鳬鵠共思曉菰蒲相與秋明當此中別一爲望汀洲

雪溪西亭晚望

張籍

雪水碧悠悠西亭柳岸頭夕陰生遠岫斜照逐迴流  
此地動歸思逢人方倦遊吳興舊盡空見白蘋洲

宴無錫蔡長官西亭

李嘉祐

茅簷閑寂寂無事覺人和井近時澆圃城低下見河  
興緣芳草積情向遠峯多別日歸何地停橈更一過  
洛下諸客就宅相送偶題西亭

白居易

几榻臨池坐軒車冒雨過交親致杯酒僮僕解笙歌  
流歲行將晚浮榮得幾多林泉應問我不住意如何

西亭

李商隱

此夜西亭月正圓疎簾相伴宿風烟梧桐莫更翻清  
露孤鶴從來不得眠

題西亭

白居易

唐詩類苑

卷之三百六十一

西

多見朱門富貴人林園未畢卽無身我今幸作西亭  
主已見池塘五度春

宿府池西亭

白居易

池上平橋橋下亭夜深睡覺上橋行白頭老尹重來  
宿十五年前舊月明

西亭子言懷

張謂

數叢芳草在堂陰幾處閑花映竹林樹上玄猿呼郡  
吏溪邊白鳥應家禽青山看景知高下流水聞聲  
淺深官屬不令拘禮數時時緩步一相尋

北亭

白居易



廬宮山下州湓浦沙邊宅  
三倚高閣迢迢數千尺  
上有青青竹竹間多白石  
茅亭居上頭豁達門四開  
前楹卷簾箔北牖施牀席  
江風萬里來吹我涼淅淅  
日高公府歸巾笏隨手脫  
衣恣搔首坐卧任所適  
時傾一杯酒曠望胡天夕  
口詠獨酌謠目送歸飛翮  
慙無出塵操未免折腰役  
偶獲此閑居謬似高人跡

北亭獨宿

白居易

悄悄壁下牀紗籠耿殘燭  
夜半獨眠覺疑在僧房宿

相州北亭

張說

人務南亭少風烟北院多  
山花迷徑路池水拂藤蘿

唐詩類苑

卷之百十一

三

萍散魚時舞林幽鳥作歌  
悠然白雪意乘興抱琴過

北亭卧

白居易

樹綠晚陰合池涼朝氣清  
蓮開有佳色鶴唳無凡聲  
唯此閑寂境愜我幽獨情  
病假十五日卧茲亭  
明朝更呼起還復視黎甿

自題小草亭

白居易

新結一茅茨規模儉自卑  
土堦全壘塊山木半留皮  
陰合連藤架叢香近竹籬  
壁宜藜杖倚門稱荻簾垂  
窻裏風清夜簷間月好時  
客來常留客引坐留師  
伴宿雙棲鶴扶行一侍兒

齷齪豪家笑酸寒富屋欺  
陶廬閑自愛顏巷陋誰知  
螻蟻謀深穴鷦鷯占一枝  
各隨其分足焉用有餘爲  
西省北院新構小亭種竹  
閑窻東通騎省與  
李常侍隔窻小飲各題四韻

白居易

結託白鬚伴因依青竹叢  
題詩新壁上過酒小窻中  
深院晚無日虛簾涼有風  
金貂醉看好迴面紫垣東

題長洲陳明府小亭

方干

坐看孤峭却勞神還是微吟到日曛  
松鶴認名呼得下沙蟬飛處聽猶聞  
夜來亦似深山月雨後唯聞關滿

唐詩類苑

卷之百十一

三

屋雲便此逍遙應不易朱衣紅旆未容君

長安寶明府後亭

顧况

君爲長安令我美長安政五日一朝  
天南山對明鏡  
鳥飛青苔院水木相輝映客至南薰  
鄉絲桐展歌詠  
吏人何肅肅終歲無喧競欲識明府  
賢邑中多百姓

號州後亭送李判官使赴晉絳

岑參

西原驛路掛城頭客散紅亭雨未收  
君去試看汾上水白雲猶似漢時秋

寒亭留客

白居易

今朝閑坐石亭中，爐火銷殘樽又空。  
冷落若爲留客住，冰池霜竹雪鬢翁。

北山游亭

戴叔倫

西嶼水冷冷，沿岡有游亭。  
自從春草長，遙見祇青青。

河中陪師游亭

溫庭筠

倚欄愁立獨徘徊，欲賦慙非宋玉才。  
滿座山光搖劍戟，繞城波色動樓臺。  
鳥飛天外斜陽盡，人過橋心倒影來。  
添得五湖多少恨，柳花飄蕩似寒梅。

奉和翁文堯員外文秀亭作

黃滔

唐詩類苑

卷之百六十一

天

鄉名里號一朝新，乃覺台恩重萬鈞。  
建水閩山無故事，長卿嚴助是前身。  
清泉引入旁添潤，嘉樹移來別帶春。  
莫凭欄干剩留駐，內庭虛位待才臣。

院

澄秀上座院

韋應物

繚繞西南隅，鳥聲轉幽靜。  
秀公今不在，獨禮高僧影。  
林下器未收，何人適煮茗。

西州院

東川官舍

元稹

自入西州院，唯見東川城。  
今夜城頭月，非暗又非明。  
文案牀席滿，卷舒賦罪名。  
慘悽且煩勸，棄之階下行。

悵望天迴轉，動搖萬里情。  
參辰次第出，牛女顛倒傾。  
況此風中柳，枝條千萬莖。  
到來籬下筭，亦已長短生。  
感愴正多緒，鴉鵲相喚驚。  
牆上杜鵑鳥，又作思歸鳴。  
以彼撩亂思，吟爲幽怨聲。  
吟罷終不寢，髮髮復鏘鏘。

惣三階院聯句

密密助堂堂，隋人歌壓桑。  
雙鶻摧孔雀，一矢隕貪狼。  
百步望雲立，九規看月張。  
獲蛟洄破浪，中一漫如牆。  
還似貫金鼓，更疑穿石梁。  
因添挽河力，爲滅射天狂。  
絕藝却南牧，英聲來鬼方。  
麗電何足敵，殪死未爲長。  
龍臂勝臂星，芒超箭芒虛。  
誇絕高鳥垂拱，議明堂。

唐詩類苑

卷之百六十一

天

晚秋集賢院卽事寄徐薛二侍郎

常袞

穆穆上清宮，沈沈中秘書。  
金鋪深內殿，石甃盡寒渠。  
花樹臺斜倚，宮烟閣半虛。  
縹囊鋪錦繡，翠軸卷瓊瑤。  
墨潤冰文爾，香銷蠹字魚。  
翻黃桐葉老，吐白桂花初。  
舊德雙遊處，聯芳千載餘。  
北朝榮庾薛，西漢盛嚴徐。  
侍講親華屐，徵詩步綺疏。  
綬簾金翡翠，賜硯玉蟾蜍。  
移秩東南遠，離憂歲月餘。  
承明期重入，江海意何如。

小院

唐彦謙

小院無八夜，烟斜月轉明。  
清霄易惆悵，不必有離情。

同司空文明過堅上人故院

李端

我與雷居士平生事約公無人知是舊共到影堂中

與李端同賦

李端

舊依支遁宿曾與戴顒來今日空林下唯知見結苔

題東林寺元祐上人院

黃滔

廬阜東林寺良遊耻未曾半生隨計吏一口對禪僧

泉遠攜茶看峯高結伴登迷津出門是子細問三乘

北院

白居易

北院人稀到東窻地最偏竹烟行竈上石壁卧房前

唐詩類苑

卷之三十一

三

性拙身多暇心慵事少緣還如病居士唯置一牀眠

南院

白居易

林院無情緒經春不一開楊花飛作穗榆莢落成堆

壯志從中減流年逐後催只應如過客病去老還來

南溪書院

楊發

茅屋往來久山深不置門草生垂井口花發接籬根

入院將鷓鴣鳥攀蘿抱子猿曾逢異人說風景似桃源

重修府西水亭院

白居易

因下疏爲沼隨高築作臺龍門分水入金谷取花栽

遶岸行初匝憑軒立未迴園西有池位留與後人開

病中辱張常侍題集賢院詩因以繼和

白居易

天祿閣門開甘泉侍從迴圖書皆帝籍寮友盡仙才  
騎自通中掖龍樓隔上臺猶憐病宮相詩寄洛陽來

和盧校書文若早入使院書事

司空曙

解帶獨徘徊秋風如水來軒墀濕繁露琴几拂輕埃  
晨鳥猶在葉夕蟲餘心苔蒼然發高興相仰坐難陪

奉和中書常舍人晚秋集賢院卽事寄徐薛

二侍郎

錢起

唐詩類苑

卷之三十一

三

文星垂太虛辭伯綜群書彩筆下鴛掖褒衣來石渠

典墳探奧旨造化觀權輿述聖魯宣父通經漢仲舒

窓明宜縹帶地肅近丹除清畫刪詩暇高秋作賦初

露盤侵漢聳宮柳度鵲疎靜對連雲閣晴聞過闕車

舊僚云出矣晚歲復何如海嶠瞻歸路江城夢直廬

含毫思兩鳳望遠寄雙魚定笑巴歌拙還參麗曲餘

奉和中書常舍人晚秋集賢院卽事寄贈徐

薛二侍郎

獨孤及

漢家金馬署帝座紫微郎圖籍凌群玉歌詩冠栢梁

陰陰萬年樹肅肅五經堂得幹忘朝食研精待夕陽

晴空露盤迥秋月瑣窻涼遠興生斑駁高情寄縹緲  
歲隄雙鷺驚鳳昔並翱翔汲冢同刊繆逢山共補亡  
差池摧羽翮流落限江湘禁省一分袂旻天三雨霜  
石渠遺跡滿水國暮雲長早晚朝宣室歸時道路光  
奉和常閣老晚秋集賢院卽事寄贈徐薛二

侍郎

包佶

秘殿掖垣西書樓苑樓齊秋烟凝縹緲曉色上璇題  
門接承明近池連太液低疎鐘文馬駐繁葉綵禽棲  
職美綸將綽榮深組及珪九霄偏眷顧三事早提攜  
對案臨青玉窺書捧紫泥始歡新遇重還惜舊遊聯

唐詩類苑

卷之百六十一

三

左宦登吳岫分家渡越溪賦中頻嘆鵬卜處幾聽鷄  
望闕應多戀臨津不用迷栢梁思和曲朝夕候金閨

宿木蘭院

皮日休

木蘭院裏雙棲鶴長被金鉦聒不眠今夜宿來還賦  
爾到明無計夢雲泉

奉和木蘭院次韻

陸龜蒙

苦吟清漏迢迢極月過花西尚未眠猶憶故山欹驚  
枕夜來鳴咽似流泉

東院

白居易

松下軒廊竹下房暖簷晴日滿繩牀淨名居士經三

卷榮啓先生琴一張老去齒衰嫌摘醋病來  
茶香有時閑酌無人伴獨自騰騰入醉鄉

晚春重到集賢院

白居易

官曹清切非人境風日鮮明是洞天滿砌荆花鋪紫  
毯隔牆榆莢撒青錢前時摘去三千里此地辭來十  
四年虛薄至今慙舊職院名擢舉號爲賢

寄題華嚴韋秀才院

許渾

三面樓臺百丈峰西巖高枕樹重重晴  
題詩滑秋摘黃花釀酒濃山殿日斜喧鳥石潭波  
動戲魚龍今來故國遙相憶月照千山半夜鐘

唐詩類苑

卷之百六十一

三

送王卿使君赴任蘇州因思迎新使感舊遊

寄題郡中木蘭西院一律

白居易

一別蘇州十八載時光人事隨年改不論竹馬盡成  
人亦恐桑田半爲海鶯入故宮含意思花迎新使生  
光彩爲報江山風月知至今白使君猶在

再宿京口院

僧栖蟾

灘聲依舊水溶溶岸影參差對梵宮楚樹七回凋舊  
葉江人兩至宿秋風蟾蜍竹老搖疎白菡萏池乾落  
謝紅多病支郎念行止曉來生計轉如蓬

夏日題羣真觀李寬中秀才書院

呂溫

閉院開軒笑語闌江山併日一壺寬微風但覺杉松滿烈日方知竹氣寒披卷最宜生白室吟詩好就步虛壇願君此地攻文字如煉仙家九轉丹

宿成都松溪院

李洞

松持節操溪澄性一炷烟嵐壓寺隅青翠鳥飛人不見琉璃瓶貯水疑無夜聞子落真山雨曉汲波圓入畫圖塵擁蜀城抽鎖後此中猶夢在江湖

官舍

唐詩類苑

卷之五十一

官舍閑題

白居易

職散優閑地身慵老大時送春唯有酒銷日不過基祿米聲牙稻園蔬鴨脚葵飽餐仍宴起餘暇弄龜兒酬李少府曹長官舍見贈 白居易

低腰復歛手心體不遑安一路風塵下方知爲吏難公事與日長宦情隨歲闌惆悵青袍袖芸香無半殘賴有李夫子此懷聊自寬兩心如止水彼此無波瀾往往簿書暇相勸強爲歡白馬曉蹋雪綠觴春暖寒戀月夜同宿愛山晴共看野性自相近不爲同官

昭應官舍

三

繞廳春草合知道縣家閑行見雨遮院卧看八上山避風新浴後請假未醒間朝客輕卑吏從他不往還

昭應官舍

王建

癡頑終日美人閑却喜因官得近山斜對寺樓分寂寂遠從溪路借潺潺身多病唯親藥空院無錢不要關文案把來看未會雖書一字甚慙顏

昭應官舍書事

王建

縣在清華宮北面曉看樓殿正相當慶雲出處依時報御果呈來每度嘗臘月近湯泉不凍夏天臨渭屋多涼兩衙早被官拘束登閣巡溪亦屬忙

唐詩類苑

卷之五十一

姑熟官舍

許渾

草生官舍似閑居雪照南窗滿素書貧後始知爲吏拙病來還喜識人疎青雲豈有歸梁燕濁水應無避釣魚不待秋風便歸去紫陽山下是吾廬

官舍

白居易

高樹換新葉陰陰覆地隅何言太守宅有似幽人居太守卧其下閑慵兩有餘起嘗一甌茗行讀一卷書早梅結青實殘櫻落紅珠稚女弄庭果嬉戲牽人裾是日晚彌靜巢禽下相呼嘖嘖護兒鵲啞啞母子烏豈惟云鳥爾吾亦引吾鵲

官舍小亭閑望

白居易

風竹散清韻，烟槐凝綠姿。日高人吏去，閑坐在茅茨。  
葛衣禦時暑，蔬飯療朝饑。持此聊自足，心力少營爲。  
亭上獨吟罷，眼前無事時。數峰太白雪，一卷陶潛詩。  
人心各自是，我是良在茲。迴謝爭名客，甘從君所嗤。

姑熟官舍寄汝洛友人

許渾

官靜亦無能，平生少同朋。務開一作唯印吏公退，只  
基僧藥鼎初寒。人欲夜燈安知北溟水，終日送  
搏鵬。

題官舍

唐詩類苑

卷之五十一

三

燕鴈水鄉飛，京華信自稀。單瓢貧守道，書劍病忘機。  
疊鼓吏初散，繁一作鐘鳥獨歸。高梧與疎柳，風雨似  
郊扉。

仲夏江陰官舍寄裴明府 李嘉祐

萬室邊江次，孤城對海安。朝霞晴作雨，濕氣晚生寒。  
苔色侵衣桁，潮痕上井欄。題詩招茂宰，思爾欲辭官。  
自江西歸至舊任官舍贈袁贊府 時經劉展平後

劉長卿

却見同官喜復悲，此生何幸有歸期。空庭客至逢搖  
落，舊邑人稀經亂一作離湘路來過迴鴈處，江城卧

聽搗衣時南方風土勞，君問賈誼長沙豈不知。

答微之誇越州宅

白居易

賀上人迴得詩書，大誇州宅似仙居。厭看馮翊風沙  
久，喜見高唐煙景初。日出旌旗生氣色，月明樓閣在  
空虚。知君暗數江南郡，除却餘杭盡不如。

微之重誇州居，其落句有西州羅剎之謔，因

嘲絃石，聊以寄懷

白居易

君問西州城下事，醉中疊紙爲君曾。巖空石面標羅  
剎，壓捺潮頭敵子胥。神鬼書鞭猶不動，波濤雖打欲  
何如。誰知太守心相似，抵滯堅頑兩有餘。

唐詩類苑

卷之五十一

三

潯陽姚宰廳作

鄭谷

縣幽公事稀，庭草是山薇。足得招基侶，何妨著道衣。  
野泉當案落，汀鷺入衙飛。寺去東林近，多應隔宿歸。

題汝州從事廳

鄭谷

詩人公署如官舍，祗向階前便採薇。驚燕拂簾閑睡  
覺，落花沾硯會餐歸。壁看舊記官多達，勝掛明文吏  
莫違。自說小池栽葦後，雨涼頻見鷺鷥飛。

初還京師寓止府署偶題屋壁

鄭谷

秋光不見舊池臺，西面荒涼瓦礫堆。人力不能消

力亂前黃菊眼前開

宗人作尉唐昌官署幽勝而又博學精富待  
以言譚將欲他之留書屋壁

鄭谷

公堂瀟灑有林泉祗隔苔牆是渚田宗黨相親  
世春秋閑論戰爭年遠江鷺鷥來池口絕頂歸  
竹邊風雨夜長同一宿舊遊多共憶樊川

唐詩類苑

卷之三夏士

天

唐詩類苑卷第一百六十二

明雲間張之象玄超甫纂輯

雲間于燕芳躬先甫編次

雲間王徹叔朗甫補訂

梁谿曹仁孫伯安甫校正

居處部

第

甲第

曹鄴

遊人未入門花影出門前將軍來此住十里無荒田

侍宴武三思山第同用風字

唐詩類苑

卷之三夏士

張說

梁王池館好曉日鳳樓通竹町羅千衛蘭筵降兩重  
清歌芳樹下妙舞落花中臣學筵中聽還如大國風

侍宴武三思第同用風字 韋安石

梁園開勝竟軒架動宸鐘早荷承湛露修竹引薰風  
九醞傾鍾石百獸協絲桐小臣陪宴鎬獻壽奉維嵩

恩賜魏文真公諸孫舊第以導直臣

陳彥博

阿衡隨逝水池館住他人天德能酬德雲孫喜庇身  
生前由直道歿後振芳塵雨露新恩日芝蘭舊里春



勲庸流千里光彩映諸隣共賀昇平日從茲得諫臣

奉和恩賜魏文真公諸孫舊第以導直臣

裴泰章

邢茅雖舊錫邸第是初榮跡往傷遺事恩深感直聲

昆孫才慶襲池館忽春生古甃開泉井新禽遶盡楹

自然垂帶礪况復激忠真必使千年後長書竹帛名

題洛中第宅

白居易

水木誰家宅門高占地寬懸魚挂青甃行馬護朱欄

春樹籠煙暖秋庭鏤月寒松醪粘琥珀筠粉撲琅玕

試問池臺主多爲將相官終身不曾到唯展畫圖看

唐詩類苑

卷之一百六十一

二

宅

過大哥宅

玄宗

魯衛情先重親賢愛轉多冕旒豐暇日乘景暫經過

戚里申高晏平臺奏雅歌復尋爲善樂方驗保山河

詠宅

李嶠

寂寂蓬蒿徑喧喧湫溢廬屢逢長者轍時引故人車

孟母遷降罷將軍辭第初誰隣草玄處獨對一牀書

過賈誼宅

戴叔倫

一謫長沙地三年歎逐臣上書憂漢室作賦弔靈均

舊宅秋荒草西風薦客蘋淒涼回首處不見洛陽人

長沙過賈誼宅

劉長卿

三年謫宦此棲遲萬古惟留楚客悲秋草獨尋人去

後寒林空見日斜時漢文有道恩猶薄湘水無情弔

豈知寂寂江山搖落處憐君何事到天涯

游江令舊宅

許渾

身沒南朝宅已荒邑人猶賞舊風光芹根生葉石池

淺梧樹落花金井香帶暖山蜂巢盡閣欲陰溪燕集

書堂閒愁此地更西望一作潮浸臺城春草長

江令宅

劉禹錫

南朝詞臣北朝客歸來唯見秦淮碧池臺竹樹三畝

唐詩類苑

卷之一百六十二

三

餘至今猶道江家宅

清溪江令公宅

羅隱

蠻牋象筯夜深時曾賦陳宮第一詩宴罷風流人不

見廢來蹤跡草何宜鶯憐勝事啼空巷蝶戀餘芳舞

好枝還有往年金甃井牧童樵叟等閒窺

歸履道宅

白居易

驛吏引藤轡家僮開竹扉往時多暫住今日是長歸

眼下有衣食耳邊無是非不論貧與富飲水亦應肥

自雲陽歸晚泊陸豐宅

嚴維

天陰行易晚前路故人居孤棹所思久寒柵見初

閒燈忘夜永清漏任更疎明發還須去離家幾

司馬宅

白居易

雨徑綠蕪合霜園紅葉多蕭條司馬宅門巷無人過  
唯對大江水秋風朝夕波

正月崇壽宅

李商隱

密鎖重關掩綠苔廊深閣迥此徘徊先知風起月含  
暈尚自露寒花未開蟬拂簾旌終展轉鼠翻窻網小  
驚猜背燈獨共餘香不覺猶歌夜起來

尹喜宅

韋莊

荒原秋殿柏蕭蕭何代風煙占寂寥紫氣已隨仙仗

唐詩類苑

卷之二百六十二

四

去白雲空向帝鄉消濛濛暮雨春鷄唱漠漠寒蕪雪  
兔跳欲問靈蹤無處所十洲空濶閬山遙

過元家履信宅

白居易

鷄犬喪家分散後林園失主寂寥時落花不語空辭  
樹流水無情自入池風蕩醺船初破漏雨淋歌閣欲  
傾欹前庭後院傷心事唯是春風秋月知

過昭君故宅

崔塗

以色靜胡塵名還異衆嬪免勞征戰力無愧綺羅身  
骨竟埋青塚魂應怨盡人不堪逢舊宅寥寥對江濱

過劉三十二故宅

白居易

不見劉君來近遠門前兩度滿枝花朝來惆悵宣  
過柳巷當頭第一家

過舊宅

韋莊

華軒不見馬蕭蕭廷尉門人久寂寥朱檻翠樓爲卜  
肆玉欄仙杏作春樵塔前雨落鴛鴦瓦竹裏苔封蝶  
竦橋莫問此中銷歇事娟娟紅淚泣芭蕉

過舊宅

李商隱

宋邸方酬力戰功華筵俄歎逝波窮迴廊簷斷燕飛  
出小閣塵凝人語空幽淚欲乾殘菊露餘香猶入敗  
荷風何能更涉瀧江去獨立寒流弔楚宮

唐詩類苑

卷之二百六十二

五

奉敕宴梁王宅賦得樹字

張說

虎殿成鴻業援巖題鳳賦既荷大君恩還蒙小山遇  
秋吹迎絃管涼雲生竹樹共惜朱邸歡無辭洛城暮  
奉和過梁王宅卽目應制

武三思

巖居多水石野宅滿風煙本謂開三徑俄欣降九天  
穿林移步輦拂岸轉行旃鳳竹初垂簾龜荷未吐蓮  
願持山作壽恒用劫爲年

題故曹王宅

白居易

甲第何年置朱門此地開山當賓閣出溪繞妓堂迴  
覆井桐新長蔭窻竹舊栽池荒紅茵落老綠莓苔

捐館梁王去思人楚客來西園飛蓋處依舊徘徊

以州宅誇于樂天

元稹

州城迥遶拂雲堆鏡水稽山滿眼來四面常時對屏障一家終日在樓臺星河似向簷前落鼓角驚從地底迴我是玉皇香案吏謫居猶得住蓬萊

重誇州宅且暮景色兼酬前篇末句

元稹

仙都難盡亦難書暫合登臨不合居繞郭煙嵐新雨後滿山樓閣上燈初人聲曉動千門闌湖色宵涵萬象虛爲問西州西剎岸濤頭衝突近何如

唐詩類苑

卷之二百六十二

六

兩當縣吳十侍御江上宅 杜甫

寒城朝煙淡山谷落葉赤陰風千里來吹汝江上宅鷗鷄號枉渚日色傍阡陌借問持斧翁幾年長沙客哀哀失木狖矯矯避弓翮亦知故鄉樂未敢思夙昔昔在鳳翔都共通金閨籍天子猶蒙塵東郊暗長戟兵家忌間諜此輩常接跡臺中領舉劾君必慎剖析不慎殺無辜所以分黑白上官權許與失意見遷斥仲尼甘旅人向子識損益朝廷非不知累口休歎息余時忝諍臣丹陛實咫尺相看受狼狽至此難塞責行邁心多違出門無與適於公負良友更白

春宴張舍人宅

郎士元

懶尋芳草徑來接侍臣筵山色知殘雨墻陰覺盡天鶯啼漢宮柳花隔杜陵煙地與東城接春光醉目前

與韓庫部會二祠曹宅作 韋應物

閒一作門陰堤柳秋渠含夕清微風送荷氣坐客散塵纓守默共無愴抱冲俱寡營良時頗高會琴酌共

開情

官宅

白居易

紅紫共紛紛祇家老使君移舟木蘭棹行酒石榴裙水色窻窻見花香院院聞戀他官舍住雙鬢白如雲

唐詩類苑

卷之二百六十二

七

夜集田卿宅

賈島

朗詠高齋下如將古洞彈翻鴻向桂水來雪渡桑乾滴滴玉漏曙脩脩竹籟殘曩年曾宿此亦值五陵寒

宿嚴秘書宅

僧清江

佳會曾不遠卑第卽南隣惠愛偏相及經過豈厭貧荻花林葉動夕霽月華新莫話羈棲事平原是主人

宿韋員外宅

耿湋

傳經韋相後賜筆漢家郎幽閣諸生食寒宵幾刻長座中燈汎酒簷外月如霜人事多飄忽邀歡詎可忘

李中丞宅夜宴送丘侍御赴江東

韓翃

積雪臨階夜重裘對酒時中丞違沈約才子送丘遲  
一路三江上孤舟萬里期  
辰州佳興在他日寄新詩  
春日李舍人宅見兩省諸公唱和因書情即

事

張籍

又見帝城裏東風天氣和官閒人事少年長道情多  
紫掖發章句青闌更詠歌誰知幽寂寞終日斷經過  
奉和聖製幸禮部尚書寶希玠宅應制

沈佺期

北闕垂旒暇南宮聽禮迴天臨降鳳轉恩向躍龍開  
唐詩類苑 卷之一百六十二 八

蘭氣薰仙帳榴花飲玉盃  
水從金穴吐雲是玉衣來  
池影搖歌席林香散舞臺  
不知行漏晚清蹕尚徘徊  
奉和聖製幸禮部尚書寶希玠宅應制

蘇頌

尚書列侯第外戚近臣家  
飛棟臨清綺迴輿轉翠華  
日交當戶樹泉漾滿池花  
圓頂圖嵩石方流擁魏沙  
豫遊今聽履侍從昔鳴笳  
自有天文降無勞訪海槎

過王舍人宅

錢起

入門花柳暗知是近臣  
居大隱心何遠高風物自疎  
脩然靜者事究得上皇餘  
鷄犬偷仙藥兒童授道書

清吟送客後微月上城初  
彩筆有新咏文星垂大虛  
承恩金殿宿應薦馬相如

宿畢侍御宅

錢起

交情頻更好子有古人風  
晤語清霜裏平生苦節同  
心惟二仲合室乃一瓢空  
落葉寄秋菊愁雲低夜鴻  
薄寒燈影外殘漏雨聲中  
明發南昌去迴看御史驄  
維州秦淮過溫州李給事宅

許渾

給事爲郎日青溪醉隱銜  
水池通極浦雪逕遶高巖  
珠玉砂同葉松筠草共芟  
帝圖憂一失臣節耻三緘  
唐詩類苑 卷之一百六十二 九

代有王陵顛時無靳尚譏  
定應操直筆寧爲發空函  
霧黑連雲棧風狂截海帆  
石梯迎雨潤沙井帶潮鹹  
蠟屐青筇杖藍輿白鬪衫  
應勞北歸夢山路正巉巖  
奉和杜相公長興新宅卽事呈元相公

李嘉祐

意有空門樂居無甲第奢  
經過容法侶雕飾讓侯家  
隱樹重簷肅開園一徑斜  
據梧聽好鳥行藥寄名花  
夢蝶留清簟垂貂坐絳紗  
當山不掩戶映日自傾茶  
雅望歸安石深知在叔牙  
還成吉甫頌贈答比瑤華

過李 侍御宅

不見承明客愁聞長樂鐘一作謝靈運詩馬卿何止世漢主欲登封

過裴令公宅二首

白居易

風吹楊柳出墻枝憶得同歡共醉時每到集賢坊北

過不曾一度不低眉  
梁王舊宅雪濛濛愁殺鄒枚二老翁假使明朝深一尺亦無人到苑園中

和樂天高相宅

元稹

莫愁已去無窮事漫苦如今有限身二百年來城裏宅一家知換幾多人

唐詩類苑

卷之二百六十二

過張成侍御宅

錢起

丞相幕中題鳳人文章心事每相親從軍誰謂仲宣樂入室方知顏子貧  
盃裏紫茶香代酒琴中綠水靜留賓欲知別後相思意唯願瓊枝入夢頻

題王丘長史宅

朱慶餘

更無人吏在門前不似學仙藥氣暗侵朝服  
上花陰晚到簿書邊玉琴閒把看山坐筒簾長鋪與客眠時見街中騎瘦馬低頭只是爲詩篇

題元郎中新宅

王建

近移松樹石新堂  
一切齊備設後房迎道

士支分閒院着醫人買來高石雖然貴入得尖門免貧惟有好詩名字出倍教年少損心神

過田家宅

杜牧

小宅

白居易

安邑南門外誰家板築高奉誠園裏地墻缺見蓬蒿  
小宅里間接疎籬雞犬通渠分南巷水窻借北家風  
庾信園殊小陶潛屋不豐何勞問寬窄寬窄在心中

入宅三首

杜甫

奔峭皆赤甲斷崖皆白鹽客居媿遷次春色漸多添  
花亞欲移竹鳥窺新卷簾衰年不敢恨勝槩欲相兼

唐詩類苑

卷之二百六十二

二

亂後居難定春歸客未還水生魚復浦雲暖麝香山  
半頂梳頭白過眉拄杖斑相看多使者一一問幽關

三

宋玉歸周宅雲通白帝城吾人淹老病旅食豈才名  
峽口風常急江流氣不平只應與兒子飄轉任浮生

廢宅

方干

主人何處獨徘徊流水自流花自開若見故交皆散去  
卽應新燕不歸來入門繚繞穿荒竹坐石逡巡染綠苔  
應是曾經惡風雨條桐半折損琴材

題故人廢宅二首

方干

舉目淒涼入破門，  
鯨人一飯尚知恩。  
閒花舊識猶含笑，  
怪石無人自不言。  
樵叟和巢伐桃李，  
牧童兼草踏蘭蓀。  
空馮吟隨風去，  
唯有聲聲蜀帝魂。  
寒沙野樹入荒庭，  
風雨蕭蕭不掩扃。  
舊徑已知無孟竹，  
前溪應不浸荀星。  
精靈消散歸寥廓，  
功業傳留在誌銘。  
薄暮停車更悵愴，  
山陽隣笛若為聽。

凶宅

白居易

長安多大宅，  
列在街西東。  
往往朱門內，  
房廊相對空。  
梟鳴松桂枝，  
狐藏蘭菊叢。  
蒼苔黃葉地，  
日暮多旋風。  
連延四五主，  
殃禍繼相踵。  
自從十年來，  
不利主人翁。  
風雨壞簷隙，  
蛇鼠穿牆墻。  
人疑不敢買，  
日毀土木功。  
嗟嗟俗人心，  
甚矣其愚蒙。  
但恐災將至，  
不思禍所從。  
我今題此詩，  
欲悟迷者胸。  
凡為大官人，  
年祿多高崇。  
權重持難久，  
位高勢易窮。  
驕者物之盈，  
老者數之終。  
四者如寇盜，  
日夜來相攻。  
假使居吉土，  
孰能保其躬。  
因小以明大，  
借家可諭邦。  
周秦宅峭幽，  
其宅非不同。  
一興八百年，  
一死望夷宮。  
嗚呼！  
凶非宅凶，  
官非人凶。

堂

晚登灤上堂

杜甫

故躋灤岸高，  
頗免崖石擁。  
開襟野堂豁，  
繫馬林花靜。  
雉蝶粉如雲，  
山田麥無穗。  
春氣晚更生，  
江源靜猶湧。  
四序嬰我懷，  
群盜久相踵。  
黎民困逆節，  
天子渴垂拱。  
所思注東北，  
源峽轉修聳。  
衰老自成病，  
郎官未爲冗。  
妻其望呂葛，  
不復夢周孔。  
濟世數向時，  
斯人各枯塚。  
楚星南天黑，  
蜀月西霧重。  
安得隨鳥翎，  
迫此懼將恐。

侍宴歸鴈堂

虞世南

歌堂面綠水，  
舞館接金塘。  
竹開霜後翠，  
梅動雪前香。  
鳬歸初可侶，  
鴈起欲分行。  
刷羽同棲集，  
懷恩愧稻粱。  
春日東山正堂作

李建勳

身閒贏得出天氣，  
漸暄和蜀馬登山穩。  
南朝古寺多早花，  
微弄色新酒欲生波。  
從此唯行樂，  
閒愁奈我何。  
奉和裴令公新成午橋莊綠野堂卽事

白居易

舊徑開桃李，  
新池鑿鳳凰。  
只添丞相閣，  
不改午橋莊。  
遠處塵埃少，  
閒中日月長。  
青山爲外屏，  
綠野是前堂。  
引水多隨勢，  
栽松不趁行。  
年華翫風景，  
春事看農桑。  
花妬謝家妓，  
蘭偷荀令香。  
遊絲飄酒席，  
飛絮拂琴牀。  
巢許終身隱，  
蕭曹到老忙。  
千年名在石，  
萬古業垂芳。

虛白堂

白居易

虛白堂前衙退後更無一事到中心移牀就日簷塔  
臥臥咏閒詩側枕琴

天津西堂

李商隱

虜馬崩騰忽一狂翠華無不到東方天津西望腸真  
斷滿眼秋波出苑牆

裴六書堂

王昌齡

閒堂閉空陰竹木但清響牕下長嘯客區中無遺想  
經綸精微言兼濟當獨往

早秋過郭涯書堂

周賀

唐詩類苑 卷之二百六十二

暑消崗舍清閒語有餘情石水生茶味松風喊扇聲  
遠分臨海雨靜覺揜山城此地秋吟苦時來遶竹行

李常侍書堂

僧無可

結構因墳籍簷前竹未生塗油牕日早閑槩幌風輕  
息架蛩驚客垂燈雨過城已應窮古史師律孰齊名

拾遺書堂

羅鄴

滿袖歸天桂香紫泥重降舊書堂自憐葦帶同巢  
許不駕蒲輪佐禹湯怪石盡涵千古秀奇花多吐四  
時芳何人更肯追高躅唯有樵童戲薛林

奉和翁文亮外經過七林書堂見寄之什

黃滔

朱旗引入昔茅堂半日從容盡日忙駟馬寶車行錫  
禮金章紫綬帶天香山從南國添煙翠龍起東溟認  
夜光定恐故園留不住竹風松韻漫淒涼

奉和號州劉給事使君三堂新題二十一詠

韓愈

號州刺史宅連水池竹林往往爲亭臺島渚目其  
處爲三堂劉兄自給事中出刺此州在任逾歲職  
修人治州中稱無事頗復增飾從子弟而遊其間  
又作二十一詩以詠其事流行京師文士爭和之

唐詩類苑 卷之二百六十二

余與劉善故亦同作

新亭

湖上新亭好公來日出初水文浮枕簟瓦影蔭龜魚  
流水

汨汨幾時休從春復到秋只言池水滿池滿強交流

竹洞

竹洞何年有公初斫竹開洞門無鎖鑰俗客不曾來

月臺

南館城陰澗東湖水氣多直須臺上看始知月滿

渚亭



自有人知處那無步往蹤莫教安四壁面面看芙蓉

竹溪

藹藹溪流慢稍稍岸篠長穿沙碧簫靜落水紫苞香

北湖

聞說遊湖棹尋當到此迴應留省心處準擬醉時來

花島

蜂蝶去紛紛香風隔岸聞欲知花島處水上覓紅雲

柳溪

柳樹誰人種行行夾岸高莫將條繫纜着處有蟬號

西山

唐詩類苑

卷之二百六十二

六

新月迎宵挂晴雲到晚留爲遮西望眼終是懶迴頭

竹徑

無塵從不掃有鳥莫令彈若要添風月應除數百竿

荷池

風雨秋池上高荷蓋水繁未諳鳴撼撼那似卷翻翻

稻畦

野布畦堪數枝分水莫尋魚肥知已秀鶴沒覺初深

柳巷

柳巷還飛絮春餘幾許時吏人休報事公作送春詩

花源

源上花初發公應日日來丁寧紅與紫慎莫一時開

北樓

郡樓乘曉上盡日不能迴晚色將秋至長風送月來

鏡潭

非鑄復非鎔泓澄忽此逢魚鰕不用避只是照蛟龍

孤嶼

朝遊孤嶼南暮戲孤嶼北所以孤嶼鳥與公盡相識

方橋

非閣復非船可居兼可過君欲聞方橋方橋如此作

梯橋

唐詩類苑

卷之二百六十二

七

乍似上青冥初疑躡苗苗自無飛仙骨欲度何由敢

月池

寒池月下明新月池邊曲若不妬清妍却成相映燭

錢號州以三堂絕句見寄因以本韻和之

白居易

同事空王歲月深相思遠寄定中吟遙知清淨中和

化祇用金剛三昧心

題號州三堂吳郎中

賈島

無窮草樹昔誰栽新起臨湖白石臺半岸泥沙孤鷺

立三堂風雨四門開荷翻口口口口口口口口口口口

陽過水來昨夜北樓堪朗咏號城初鎖月徘徊

題王十九茅堂

李嘉祐

滿庭多種藥人里作山家終日能留客凌寒亦對花  
海鷗過竹嶼門柳拂江沙知爾卑棲意題詩美白華

題金吾郭將軍右伏茅堂

盧綸

雲戟曙沈沈軒墀清且深家傳成棟美堯寵結茅心  
玉佩多依石油幢亦在林鑪香諸洞暖殿影眾山陰  
草奏風生筆筵開雪滿琴客從龍闕至僧自虎溪尋  
瀟灑延清賞週流會素襟終朝息塵步一醉聞華簪

題鄭弘憲侍御遺愛草堂

韋應物

唐詩類苑

卷之百六十二

八

居士近依僧青山結茅屋疎松映嵐晚春池含苔綠  
繁華自陽嶺新禽響幽谷長嘯攀喬林慕茲高世躅

贈裴九侍御昌江草堂彈琴

賈至

朔風吹疎林積雪在嵒巘鳴琴草堂響小澗清且淺  
沈吟東山意欲去芳歲晚悵望黃綺心白雲若在手

終南雙峰草堂

岑參

斂迹歸山思息心謝時輩畫還草堂臥但見雙峰岵  
興來恣佳遊事慙符勝蓋著書高窗下日夕見雲  
襲爲世人誤遂負平生愛久與林樾辭及采杉松

偶茲精廬近數種名僧會有時逐漁樵盡日不冠帶

崖口上新月石門破蒼靄色向群木深光搖一潭碎

緬懷鄭生谷頗憶嚴子瀨勝事猶可追斯人邈千載

東歸留題太常徐卿草堂

岑參

不謝古名將吾知徐太常年纔三十餘勇冠西南方  
項曾策匹馬獨出持兩槍虜騎無數來見君不敢當  
漢將小衛霍雲臺凌關張卿月益清澄將星轉光芒  
復居沙城北遙對岷山陽車馬日盈門賓客常滿堂  
曲池蔭高樹小徑穿叢篁江鳥飛入簾山雲來到牀  
題詩芭蕉滑對酒棕花香諸將射獵時君在翰墨場

唐詩類苑

卷之百六十二

九

聖主賞勲業邊城最輝光與我情綢繆相知久芬芳  
忽作萬里別東歸三峽長

緬山西峰草堂作

岑參

結廬對中嶽青翠常在門遂就水木興盡作漁樵言  
項來闕章句但欲閒心魂日色隱空谷蟬聲喧暮林  
曩聞道士語偶見清淨源隱几閑吹葉乘秋眺歸根  
獨遊念求仲開徑招王孫片雨下南澗孤峰出東原  
棲遲慮益澹脫畧道彌敦野霧晴拂枕客帆遙入軒  
尚平今何在此意誰與論佇立雲去盡蒼蒼月闌圓  
家叔徵君東溪草堂二首 盧

開山十餘里青壁深相倚欲識堯時天東溪白雲是  
雷聲轉幽壑雲氣香流水澗影生龍蛇巖端翳樛梓  
大道終不易君恩曷能已鶴羨無老時龜言攝生理  
浮年笑六甲元化潛一指未暇掃雲梯空慙阮家子

二

今朝共遊者得性閒未歸已到隣人家莫驚鷗鳥飛  
水深嚴子釣松挂巢父衣雲氣轉幽寂溪流無是非  
名理未足羨腥臊詎所稀自惟負貞意何歲當食薇

題武林草堂

草堂列仙樓上有青山頂戶外窺數峰堦前對雙井

唐詩類苑

卷之一百六十二

辛

雨來花盡濕風度松初冷登棧行不疲入溪語彌靜  
未能去服兼欲事金鼎正直心所存諂諛長自省  
通知幽遁處已覺煩慮屏更愛雲林間吾將臥南嶺

寄題江外草堂

杜甫

我生性放誕雅欲逃自然嗜酒愛風竹卜居此林泉  
遭亂到蜀江臥病遣所便誅茅初一畝廣地方連延  
經營上元始斷手實應年敢謀土木麗自覺面勢堅  
臺亭隨高下敞豁當清川雖有會心侶數能同釣船  
干戈未偃息安得酣歌眠蛟龍無定窟黃鵠摩蒼天  
古來賢達士寧受外物牽顧惟魯鈍姿豈識時客先

偶攜老妻去慘澹凌雲煙事迹無固必幽貞愧雙全  
尚念四小松蔓草易拘纏霜骨不甚長永爲隣里憐

草堂

杜甫

昔我去草堂蠻夷塞成都今我歸草堂成都適無虞  
請陳初亂時反覆乃須臾大將赴朝廷群小起異圖  
中宵斬白馬盟歃氣已麤西取卮南兵北斷劍閣隅  
布衣數十人亦擁專城居其勢不兩大始同蕃漢殊  
西卒却倒戈賊臣互相誅焉知肘腋禍自及梟獍徒  
義士皆痛憤紀綱亂相踰一國實三公萬人欲爲魚  
唱和作威福孰肯辨無辜眼前列朽械背後吹笙竽

唐詩類苑

卷之一百六十二

壬

談笑行殺戮濺血滿長衢到今用鉞地風雨聞號呼  
鬼妾與鬼馬色悲充爾娛國家法令在此又足驚吁  
賤子且奔走三年望東吳弧矢暗江海難爲遊五湖  
不忍竟舍此復來難榛蕪入門四松在步蹠萬竹疎  
舊大喜我歸低徊入衣裾隣舍喜我歸沽酒攜胡蘆  
大官喜我來遣騎問所須城郭喜我來賓客隘村墟  
天下尚未寧健兒勝腐儒飄飄風塵際何地置老夫  
於時見疣贅骨隨幸未枯飲啄愧殘生食糠不敢餘  
王錄事許修草堂貲不到聊小誌

杜甫

爲嘯王錄事不寄草堂貲昨屬愁春雨能忘欲漏時

和蕭侍御憶舊山草堂詩韻

白居易

琢玉以爲架綴珠以爲籠玉架伴野鶴珠籠鎖冥鴻  
鴻思雲外天鶴憶松上風珠玉信爲美鳥不戀其中  
臺中蕭侍御心與鴻鶴同晚起慵冠豸閒行厭避驄  
昨見憶山詩詩思浩無窮歸夢杳何處舊居茫水東  
秋閒杉桂林春老芝木叢自別雲山後離抱常忡忡  
衣繡非不榮持憲非不雄所樂不在此悵望草堂空  
香鑪峰下新置草堂卽事詠懷題於石上

唐詩類苑

卷之二百六十二

三

白居易

香鑪峰北百遺愛寺西偏白石何鑿鑿清流亦潺潺  
有松數十株有竹千餘竿松張翠傘蓋竹倚青琅玕  
其下無人居惜哉多歲年有時聚猿鳥終日空風煙  
時有沈冥子姓白字樂天平生無所好見此心依然  
如獲終老地忽乎不知還架巖結茅宇斲壑開茶園  
何以洗我耳屋頭落飛泉何以淨我眼砌下生白蓮  
左手攜一壺右手挈五絃傲然意自足歸于其間  
與酣仰天歌歌中聊寄言言我之樂也網壺  
詩來昔捧日老去今歸山倦鳥得茂樹濯足反清潭

捨此欲爲往人間多險艱

藍溪元居士草堂

孟郊

市井不容義義歸山谷中夫君宅松桂招我樓蒙籠  
人朴情慮肅境閒視聽空清溪宛轉水修竹徘徊風  
木倦採樵子土勞稼穡翁讀書業雖異敦本志亦同  
藍岸青漠漠藍峰碧崇崇日昏各命酒寒蛩鳴蕙叢  
草堂卽事  
杜甫

唐詩類苑

卷之二百六十二

三

杜甫

久客應吾道相隨獨爾來孰知江路近頻爲草堂迴  
鵝鴨宜長數柴荆莫浪開東林竹影薄臘月更須栽  
從驛次草堂復至中屯茅屋二首

杜甫

峽裏歸田客江邊借馬騎非尋戴安道似向習家池  
山陰風煙合天寒橘柚垂築場看歛積一學楚人爲

二

短景難高臥衰年強此身山家蒸栗煖野飯射麋新  
世路知交薄門庭畏客頻牧童斯在眼田父實爲鄰

過橫顧山人草堂

劉長卿

只見山相揜誰言路尚通人來千嶂外犬吠百花中  
細草香飄雨垂楊閒自風却尋樵徑去惆悵綠溪東

過趙居士擬直草堂處所

王建

休師竹林北空可兩三間雖愛獨居好終來相伴閒  
猶嫌近前樹爲礙看南山的有深耕處春初須早還

夏日草堂作

僧齊己

沙泉帶草堂紙帳卷空牀靜是真消息吟非俗肺腸  
園林坐清影梅杏嚼紅香誰住原西寺鐘聲送夕陽

題玄同先生草堂三首

羅隱

唐詩類苑

卷之二百六十二

三

杳杳諸天路蒼蒼大滌山景輿留不得毛節去應閒  
相府舊知己教門新啓關太平匡濟術流落在人間

二

先生訣行日曾奉數行書意密尋難會情深恨有餘  
石橋春暖後勾漏藥成初珍重雲兼鶴從來不定居

三

常時憶討論歷歷事猶存酒向餘杭盡雲從大滌昏  
往來無道侶歸去有台恩自此玄言絕長應閉洞門  
錢侍郎使君以題廬山草堂詩見寄因酬之

白居易

殷勤江郡守悵望掖垣郎慙見新瓊什思歸舊草堂  
事隨心未得名與道相妨若不休官去人間到老忙

題鄭拾遺草堂

韋應物

借地結茅棟橫竹挂朝衣秋園雨中綠幽居塵事遠  
陰涼一作井多蟲亂高林霜果稀子有白雲意構此想

嚴扉

重題道愛草堂

白居易

泉石尚依依林疎僧亦稀何年辭水閣今夜宿雲扉  
謾獻長楊賦虛拋薜荔衣不能成一事贏得白頭歸

雪夜宿王純池州草堂

耿漳

唐詩類苑

卷之二百六十二

三

宿居湖上宅琴韻靜參差夜雪入秋浦孤城連貴池  
流年看共老銜酒發中悲良會應難再晨鷄自有期

陳九溪中草堂

僧法振

溪草落澱澱魚龍入稻田早寒臨洞月輕素卷簾煙  
頻幘題新句蓑衣象古賢曙花閒秀色三十六峰前

賦得冬日青溪草堂

李建勳

莫道無幽致常來到日西地雖當北闕天與設東溪  
疎葦寒多折驚鳧去不齊坐中皆作者長愛覓分題

金陵所居青溪草堂閒興

李建勳

窗外皆連水杉松欲作林自憐趨競地獨有愛閒心

素壁題看遍危冠醉不簪江僧暮相訪簾卷見秋心

留題李明府雲溪水堂 劉長卿

寥寥一作寂寂此堂上幽意復誰論落日無王事青山在

縣門雲峰向高枕漁釣入前軒晚竹疎簾影春苔雙

履痕荷香隨坐臥湖色映晨昏虛牕閒生白鳴琴靜

對言暮禽飛上下春水帶清渾遠岸誰家柳孤一作流

煙何處村謫居投瘴癘離思過湘沅從此扁舟去誰

堪江浦援

題別遺愛草堂兼呈李十使君李亦廬山常

隱白鹿洞

白居易

唐詩類苑

卷之二百六十二

三六

曾住鑪峰下書堂對藥臺斬新蘿徑合依舊竹窻開

砌水親開決池荷手自栽五年方暫至一宿又須回

縱未長歸得猶勝不到來君家白鹿洞聞道亦生苔

張山人草堂會王方士 韓翃

嶼花晚山日長蕙帶麻襦食草堂一片水光飛入戶

千竿竹影亂登牆園梅熟家醞香新濕頭巾不復簪

相看醉倒臥藜牀

崔氏東山草堂

杜甫

愛汝玉山草堂靜高臺爽氣相鮮新有時自發鐘

響落日更見漁樵人盤剝白蘋谷口更聞流水聲

片何爲西莊王給事柴門空閉鎖松筠

題韋雲叟草堂

賈島

新起此堂開北窗當窻山隔一重江白茅草苦重重

密愛此秋天夜雨淙

題湖山草堂

僧皎然

山居不買剡中山湖山千峰處處閒芳草白雲留我

住世人何事得相關

暮春歸故山草堂

錢起

谷口春殘黃鳥稀辛夷花盡杏花飛始憐幽竹山窻

下不改清陰待我歸

唐詩類苑

卷之二百六十二

三十七

將赴成都草堂途中有作先寄嚴鄭公五首

杜甫

得歸茅屋赴成都真爲文翁再剖符但使閭閻還揖

讓敢論松竹久荒蕪魚知丙穴由來美酒憶郛筒不

用沽五馬舊曾諳小徑幾回書札待潛夫

處處清江帶白蘋故園猶得見殘春雪山片候無兵

馬錦里逢迎有主人休怪兒童延俗客不教鷺鴨惱

比隣習池未覺風流盡况復荊州賞更新

竹寒沙碧浣花溪菱刺藤梢咫尺迷過客徑須愁出

入居人不自解東西書籤藥裹封蛛網野店山花送

馬蹄肯藉荒庭春草色先拚一飲醉如泥

常若沙崩損藥欄也從江檻落風湍新松恨不高千

丈惡竹應須斬萬竿生理祇憑黃閣老衰顏欲付紫

金丹三年奔走空皮骨信有人間行路難

錦官城西生事微烏皮几在還思歸昔去爲憂亂兵

入今來已恐隣人非側身天地收懷古回首風塵甘

息機共說總戎雲鳥陣不妨蒔一芟荷衣

宴後題府中水堂贈盧尹中丞

白居易

水齋歲久新荒蕪自愧其棠無一櫟新酒客來方宴

唐詩類苑 卷之二百六十二

二十八

飲舊堂主在重歡娛莫言楊柳枝空老直至櫻桃樹

已枯後我到君十一尹相看自置府來無

寄題廬山舊草堂兼呈二林寺道侶

白居易

三十年前草堂主而今雖老鬢如絲廬山尋水應無

力不似江州司馬時漸伏酒麈休放醉猶殘口業未

拋詩君行過到鑪峰下爲報東林長老知

題韋籌博士草堂

溫庭筠

玄晏先生已白頭不隨鴛鴦狎群鷗元卿謝冕開三

徑平仲朝歸臥一裘醉後獨知殷兄二歲來猶作置

春秋滄浪未濯塵一作塵纓未濯今如此野水無情處處流

留題張逸人草堂

羅鄴

長懸青紫與芳枝塵路無因遠別離馬上多於在家

日罇前堪惜少年時關河客夢還鄉後雨雪山程出

店遲却羨高人此中老軒車過盡不知誰

草堂

趙嘏

練江橫在草堂前楊柳洲西載酒船兩見梨花不歸

得每逢雲鳥卽依然斜陽映閣山當寺微綠含風月

滿川同郡故人攀桂盡把詩吟向寂寥天

唐詩類苑 卷之二百六十二

二十九

尋隱者韋九山人東溪草堂

朱灣

尋一作得仙源訪隱淪漸來深處漸無塵初行竹裏

唯通馬直到花間始見人四面雲山誰作主數家煙

火自爲隣路傍樵客何須問朝市如今不是秦

王先輩草堂

陸龜蒙

松徑隈雲到靜堂杏花臨澗水流香身從亂後全家

隱日校人間一倍長金錄一作錄漸加新品秩玉皇偏

騙羽衣裳何如聖代彈冠出方朔曾爲漢侍郎

狂夫

杜甫



舊里橋西一草堂百花潭水即滄浪風含翠篠  
淨雨裏紅蕖冉冉香厚祿故人書斷絕恒饑穉子色  
凄涼欲填溝壑唯疎放自笑狂夫老更狂

成堂

杜甫

背郭堂成蔭白茅綠江路熟俯青郊  
檉林礙日吟風葉籠竹和煙滴露梢  
暫上飛鳥將數子頻來語燕定  
新巢傍人錯比揚雄宅懶惰無心作解嘲

奉和翁文堯員外畫錦堂作

黃滔

君王面賜紫還鄉金紫中推是甲  
豪華構便將垂美  
唐詩類苑 卷之一百六十三 三十一  
號故山重更發清光水澄此日蘭宮鏡樹  
翠拱來來皆自讀詩堂

唐詩類苑卷第一百六十三

明雲間張之象玄超甫纂輯

雲間于燕芳馭先甫編次

雲間王徹叔朗甫補訂

梁谿曹仁孫伯安甫校正

居處部

齋

郡齋閑坐

岑參

負郭無良田屈身狗微綠平生好疎曠何事就羈束  
幸曾趨丹墀數得侍黃屋故人盡榮寵誰念此幽獨  
唐詩類苑 卷之一百六十三 三十一  
州縣非宿心雲山忻滿目頃來廢章句終日披案牘  
佐郡竟何成息悲徒碌碌

郡內閑齋

張九齡

郡閣畫常掩庭蕪日復滋簷風落烏毳牕葉挂蟲絲  
拙病宦情少羈閑秋氣悲理人無異績爲郡但經時  
唯有江湖意沈冥空在茲

朗州竇員外見示與澧州元郎中郡齋贈答

長句二篇因以繼和

劉禹錫

鴛鴦差池出建章綠旗朱戶蔚相望新恩共理犬牙  
地昨日同含鷄舌香白芷江邊分驛路山桃蹊外接

甘棠應憐一罷金閨籍枉渚相逢十度傷

題李三書齋

陳子昂

灼灼青春仲悠悠白日昇聲容何足恃榮客坐相  
願與金庭會將待玉書徵還丹應有術煙駕共君乘

同衛八題陸少府書齋

高適

知君薄州縣好靜無冬春散帙至棲鳥明燈留故人  
深房臘酒熟高院梅花新若是周旋地當令風義親

過鄒三湖上書齋

劉長卿

何事東南客忘機一釣竿酒香開甕老湖色對門寒  
向郭青山送臨池白鳥看見君能浪跡予亦厭微官

唐詩類苑

卷之三六三

二

谷口書齋寄楊補闕

錢起

泉壑帶茅茨雲霞生薜帷竹憐新雨後山愛夕陽時  
閑鷺樓常早秋花落更遲家童掃蘿徑昨與故人期

宿裴友書齋

李觀

卧君山牕下山鳥與我言清風何颼颼松栢中夜繁  
久遊失歸趣宿此似故園林煙還近郊谿月落古原

穉子不待曉花間出柴門

南谿書齋

于鵠

茅屋住來久山深不置門草生垂井口花落擁籬根  
入院將雛鳥尋蘿抱子猿

早秋至郭勁書齋

僧清塞

暑消岡舍清閑坐有餘情石水生茶味秋風減扇聲  
遠雲收海雨靜角旂山城此地秋吟苦時來遶菊行

題崔中丞北齋

鄭巢

湖近草侵庭秋來道興生寒湖不井吟  
放卷聽泉坐尋僧踏雪行何年各無事高論宿青城

次韻和友人冬日書齋

張蠟

四季多花木窮冬亦不彫薄氷行處斷殘火睡來消  
象版簽書帙蠻藤絡酒瓢公卿有知己時得一相招

題程氏書齋

張祐

唐詩類苑

卷之三六三

三

僻巷難通馬深園不籍籬青蘿纏栢葉紅粉瑞蓮枝  
雨燕銜泥近風魚網遲綠君尋小

過唐校書書齋

賈島

池滿風吹竹時時得爽神聲齊雛鳥語盡卷老僧真  
月出行幾步花開到四隣江湖心自切未可挂頭巾

宿陳處士書齋

朱慶餘

結茅當此地下馬見高情菰葉寒塘晚杉陰白石明  
向爐新茗色隔雪遠鐘聲閑得相逢少吟多寐不成

題劉華書齋

賈島

白石牀無屋青松樹有隣一鶯啼帶雨兩樹合從春

荒榭苔膠砌幽叢果墮榛偶來疎或數當暑夕  
露滴星河水巢重草木薪終南同往意趙北獨遊身  
渡葉司天漏驚蛩遠地人機清公幹族也莫卧漳濱

早秋過龍武李將軍書齋 王建

高樹蟬聲秋巷裏朱門冷靜似閑居重裝盡墨數莖  
竹長著香薰一架書語笑侍兒知禮數吟哦野客任  
疎狂就中愛讀英雄傳欲立功勳恐不如

和淮南王相公與賓僚同游瓜洲別業題舊

書齋

許渾

碧油紅旆想青衿積雪牕前盡日吟巢鶴去時雲樹

唐詩類苑

卷之百三

四

老卧龍歸處石潭深道傍苦李猶垂實城外甘棠已  
布陰賓御莫辭嚴下醉武丁高枕待爲霖

題書齋

劉滄

一日不曾離此處風吹疎牖夕雲晴氣凌霜色劍光  
動吟對雪華詩韻清高木宿禽來遠嶽古原殘雨隔  
重城西齋瑤瑟自爲侶門掩半春苔蘇生

寒日書齋卽事三首

皮日休

參佐三間似草堂恬然無事可成忙移時寂歷燒松  
子盡日殷勤拂乳牀將近道齋先衣褐欲清詩思更  
焚香空庭好待中宵月獨禮星辰學步綱

不知何事有生涯皮褐親裁學道家深夜數甌唯栢  
葉清晨一器是雲華盆池有鷺窺蘋沫石版無人掃  
桂花江漢欲歸應未得夜來頻夢赤城霞

方朔家貧未有車肯從榮利捨樵漁從公未怪多侵  
酒見客唯求轉借書暫聽松風生意足偶看溪月世  
情疎如鉤得貴非吾事合向煙波爲五魚

奉和皮襲美寒日書齋每篇各用一韻

陸龜蒙

不必探幽上鬱岡公齋吟嘯亦何妨唯求惹惹供僧  
食別著甌餽待客牀春近帶煙分短蕙曉來衝雪撼

唐詩類苑

卷之百三

五

疎篁餘杭山酒猶封在遙囑高人未肯嘗

已上星津八月槎月通猶自學丹砂仙徑寫得空三  
洞隱士招來別九華靜對真圖呼綠齒偶開神室問  
黃芽方諸更是憐才子錫賚於君合有差

名價皆酬百萬餘尚憐方丈講玄虛西都賓問曾成  
賦東海人求近著書茅洞煙霞侵寤寐壇溪風月挂  
樵漁清朝還要廷臣在兩地寧容便結廬

夏日過鄭七山齋

杜審言

共有樽中好言尋谷口來薜蘿山徑入荷芰水亭開  
日氣含殘雨雲陰送晚雷洛陽鐘鼓至車馬繫遲回

題友人山齋

黃滔

疎竹漏斜暉庭間陰復遺句成苔石若吟弄雪廳棋  
沙草泉經澀林齋客集遲西風虛見遍未擬問京師  
山齋獨坐喜玄上人夕至 錢起

春日山齋

僧靈一

野徑東風起山扉度日開晴光析紅萼流水長青苔  
逋客殊未去芳時已再來非關戀春草自是欲徘徊  
秋夕山齋卽事 劉滄

唐詩類苑

卷之百五

六

衡門無事閉蒼苔籬下蕭疎野菊開半夜秋風江色  
動滿山寒葉雨聲來鴈飛關塞霜初落書寄鄉間人  
未迴獨坐高牕此時節一彈瑤瑟自成哀

秋日山齋書懷

劉滄

啓戶清風枕簟幽蟲絲吹落挂簾鈎蟬吟高樹雨初  
霽人憶故鄉山正秋浩渺蒹葭連夕照蕭疎楊柳隔  
沙洲空將方寸荷知己身寄煙蘿恩未酬

題吳中陸龜蒙山齋

殷文圭

萬卷圖書千戶貴十洲煙景四時和花心露洗猩猩  
血水面風披瑟瑟羅莊叟靜眠清夢永客兒芳意小

詩多天麟不觸人間網擬把公卿法得麼

題友人山齋

黃滔

到君棲跡所竹徑與衡門亦在乾均內獨無塵俗喧  
新泉浮石蘚崩壁露松根更說尋僧處孤峯上嘯猿

題王校書山齋

劉滄

猿鳥無聲書掩扉寒原隔水到人稀雲晴古木月初  
上雪滿空庭鶴未歸藥園地連山色近樵家路人樹  
煙微棲遲慣得治浪思雲閣還應夢釣磯

梁氏水齋

韋莊

獨醉任騰騰琴棋亦自能捲簾山對客開戶犬迎僧

唐詩類苑

卷之百五

七

看蟻移苔穴聞蛙落石層夜牕風雨急松外一菴燈  
府西北池新葺水齋卽事招賓偶題十六韻

白居易

繚繞府西面潺湲池北頭鑿開明月峽夾破白蘋洲  
清淺漪瀾急實緣浦嶼幽直衝行徑斷平入卧齋流  
石疊青稜玉波翻白片鷗噴時千點雨澄處一泓油  
絕境應難別同心豈易求少逢人愛翫多是我淹留  
夾岸鋪長簾當軒泊小舟枕前看鶴浴林下見魚游  
洞戶敘開扇疎簾半上鈎紫浮萍泛泛碧亞竹修修  
讀罷書仍展棋終局未收午茶能散睡卯酒善銷愁

簷雨晚初霽，風涼欲休誰能伴。老尹時復一開門。

水齋

李商隱

多病欣依有道邦，南塘晏起想秋江。捲簾飛燕還拂水，開戶暗蟲猶打牕。更闌前頭已披卷，仍斟昨夜未開缸。誰人爲報故交道，莫惜鯉魚時一雙。

松齋自題

白居易

非老亦非少年過，三紀餘非賤亦非貴朝。登一命初才小，分易足心寬。體長舒，充腸皆美食，容膝卽安居。況此松齋下，一琴數帙書。書不求甚解，琴聊以自娛。夜直入君門，晚歸卧吾廬。形骸委順動，方寸付空虚。

松齋偶興

白居易

置心思慮外，戚跡是非間。約俸爲生計，隨官換往還。耳煩聽曉角，眼醒見秋山。賴此松齋下，朝迴半日閑。

白水縣崔少府高齋三十韻

杜甫

客從南縣來，浩蕩無與適。旅食白日長，況當朱炎赫。高齋坐林杪，信宿遊衍閒。清晨陪嶠攀，傲睨俯峭壁。崇岡相枕帶，曠野懷咫尺。始知賢主人，贈此遣愁寂。危堦根青冥，增水生淅瀝。上有無心雲，下有欲落石。

泉聲聞復昔，動靜隨所激。鳥呼藏其身，有似懼。

更隱適情性，茲焉其窟宅。白水見舊氏，諸公乃仙伯。杖藜長松陰，作尉窮谷僻。爲我炊雕胡，逍遙展良策。坐久風波怒，晚來山更碧。相對十丈蛟，歛翻盤渦折。何得空裏雷，殷殷尋地脉。煙氛藹齒崖，魍魎森慘戚。崑崙崕崕峒，顛迴首如不隔。前軒頽反照，巖絕華嶽赤。兵氣漲林巒，川光雜鋒鏑。知是相公軍，鐵馬雲霧積。玉觴淡無味，胡羯豈強敵。長歌激屋梁，淚下流衽席。人生半哀樂，天地有順逆。慨彼萬國夫，休明備征狄。猛將紛填委，廟謀蓄長策。東郊何時開，帶甲且未釋。欲告清宴疲，難拒幽明迫。三漢酒食傍，何由似平昔。

秋日與張少府楚城韋公藏書高齋作

李白

目下空亭暮，城荒古跡餘。地形連海盡，天影落江虛。舊賞人雖隔，新交樂未疎。絲雲思作賦，丹壁間藏書。查擁隨流葉，萍開出水魚。夕來秋興滿，回首意何如。

暮秋會嚴京兆後廳竹齋

岑參

見職官部京兆

題大理黃主簿湖上高齋

劉長卿

閉門湖水畔，自與白鷗親。竟日牕中岫，終年林下人。

俗輕儒服弊家厭法官貧多雨茅簷夜空洲草徑春  
桃源君莫愛且作漢朝臣

登劉賓客高齋時公初退相錢起

能以功成疎寵位不將心賞負雲霞林間客散孫弘  
閣城上山宜綺季家蝴蝶晴連池岸草黃鸝晚出柳  
園花日陪鯉也趨文苑誰道門生隔絳紗

巴陵劉處士東齋作王昌齡

劉生隱岳陽心遠洞庭水偃帆入山郭一宿楚雲裏  
竹映秋館深月寒江風起煙波桂陽接日夕數千里  
嫋嫋清夜猿孤舟坐如此湘中有來鴈雨雪候音旨

唐詩類苑卷之五十五  
夏日東齋曹松

三庚到秋伏偶來松檻立執少清風多開門放山入

劉景陽東齋賈島

松陰連竹影中有無苔井清風此地多白日空自永  
景陽公幹孫詩句得真景勸我不須歸月出東齋靜

韓大使東齋會諸學士孟浩然

郡守虛陳榻林間召楚材山川祈雨畢品物喜晴開  
抗禮尊縫掖臨池揖渡杯徒攀朱仲李誰薦和羹梅  
翰墨緣情製高深以意裁滄洲趣不遠何必問蓬萊

同姜濬題裴式微餘子東齋

劉長卿

世事終成夢生涯欲半過白雲心已矣滄海意如何  
藜杖全吾道樞花養太和春風騎馬醉江月釣魚歌  
散帙看蟲蠹開門見雀羅遠山終日在芳草傍人多  
吏體莊生傲方言楚俗訛屈平君莫弔腸斷洞庭波

遊南齋韋應物

池上鳴佳禽僧齋日幽寂高林晚露清紅藥無人摘  
春水不生煙荒岡筠簞石不應朝夕遊良爲蹉跎客

南齋賈島

獨自南齋卧神閑景亦空有山來枕上無事到心中

唐詩類苑卷之五十五  
新理西齋韋應物

方將畔訟理久翳西齋居草木無行次閑暇一芟除  
春陽土脉起膏澤發生初養條刊朽枿護藥鋤穢作

荒蕪稍稍覺林叢歷歷忻竹疎始見庭宇曠頓令煩  
抱舒茲焉即可愛何必是吾廬

曉坐西齋韋應物

裴裴城鼓動稍稍林鴉去柳意不勝春嚴光已知曙  
寢齋有單梯一作靈藥爲朝茹靈藥爲朝茹一作處靈藥爲朝茹一作處靈藥爲朝茹一作處

神慮公門自常事道心寧易一作處

秋夕西齋與僧神靜遊 韋應物

晨登西齋望不覺至夕曛正當秋夏交原野起煙氛  
坐聽涼飆舉華月稍披雲漠漠山猶隱濫濫川始分  
物幽夜更殊境靜興彌臻息機非傲世於時乏嘉聞  
究空自爲理況與釋子群

復理西齋寄丘員外 韋應物

前歲理西齋得與君子同迨茲已一周悵望臨春風  
始自疎林竹還復長榛藂端正良難久蕪穢易爲功  
援斧開衆鬱如師啓群蒙庭宇還清曠煩抱亦舒通  
海隅雨雪霽春序風景融時物方如故懷賢思無窮

唐詩類苑

卷之五十三

十二

澧上西齋寄諸友 韋應物

七月中善福西齋作

絕岸臨西野曠然塵事遙清川下遷迓茅棟上岩甍  
翫月愛佳夕望山屬清朝俯砌視歸翼開衿納遠飈  
等陶辭小秩効朱妨負樵閑遊忽無累心跡隨景超  
明世重才彥雨露降丹霄群公正雲集獨予忻寂寥

和翰林吳舍人兄弟西齋 顧況

君家誠易知易知復難同新裁一尺詔早入明光官  
西齋何其高上與星漢通永懷洞庭石春色相玲瓏  
又懷巴峽泉夜落君絲桐信是怡神所迢迢茂華高  
鳥飛晴雲滅疊嶂盤虛空君家誠易知易知意難窮

郡中西齋 韋應物

似與塵境絕蕭條齋舍秋寒花獨經雨山禽時到州  
清觴養真氣玉書示道流豈將符守戀幸以棲心幽

秋夜集李式西齋

澤國秋光淡詩家夜會清雨餘逢月色風靜得琴聲  
小徑幽蟲絕寒堦落葉并嘗余不擬睡自起繞池行

獨遊西齋寄崔主簿 韋應物

同心忽已別昨事方成昔幽徑還獨尋綠苔見行跡  
秋齋正蕭散煙水易昏夕憂來結幾重非君不可釋

西齋 劉兼

唐詩類苑

卷之五十三

十三

西齋新竹兩三莖也有風敲碎玉聲莫恨移來欄檻  
遠譬如元本此間生

錢塘青山題李隱居西齋 李郢

小隱西亭爲客開翠蘿深處遍青苔林間掃石安棋  
局巖下分泉遞酒杯蘭葉露光秋月上蘆花風起夜  
潮來湖山遶屋猶嫌淡欲棹漁舟近釣臺

宿姚少府北齋 賈島

石溪同夜泛復此北齋期鳥絕吏歸後蛩鳴客卧時  
鏤城涼雨細開印曙鐘遲憶此漳川岸如今是別離

卧小齋 白居易



朝起視事畢晏坐飽食終散步長廊下退卧小齋中  
拙政自多暇幽情誰與同孰云二千石心如田野翁

春園醉醒閑卧小齋

楊發

酣醉送餘春醒來恨更頻花殘雪盡物葉暗鳥欺人  
簾閉高眠貴齋空浩氣新從今北牕蝶長是夢中身

夏初訪曾望偶題小齋

皮日休

半夏芳陰到陸家藜牀相勸飯胡麻林間度宿拋棋  
局壁上經旬挂釣車野客病時分竹米隣翁齋日乞  
藤花脚躡未放閑人去半岸紗幘待月華

奉和夏初小齋次韻

陸龜蒙

唐詩類苑

卷之三十三

十四

四隣多是老農家百樹鷄桑半頃麻盡趁晴明修網  
架每和煙雨掉綠車啼鶯偶坐身藏葉餉婦歸來鬢  
有花不是對君吟復醉更將何事送年華

秋齋

白居易

晨起秋齋冷蕭條稱病容清風兩牕竹白露一庭松  
院簾謀身拙嵇康向事慵生涯別有處浩氣在心曾

秋齋

李建勳

水木遶吾廬寒簾晚檻虛衰條寒露鵲幽果落驚魚  
愛酒貧還甚趨時老更疎乖慵自有素不是忽簪裾

草齋

羅隱

從事不從事養生非養生職爲尸祿本官是受恩  
時態已相失歲華徒自驚西齋一卮酒衰老與誰傾

同熊少府題盧主簿茅齋

高適

虛院野情在茅齋秋興存孝廉趨下位才子出高門  
乃繼幽人靜能令學者尊江山歸謝客神鬼下劉根  
階樹時攀折牕書任討論自堪成獨往何必武陵源

荒齋

賈島

草合徑微微終南對掩扉晚涼疎雨絕初曉遠山稀  
落葉無青地閑身著白衣朴愚猶本性不是學忘機

東陽郡齋中詣南山招韋十

唐詩類苑

卷之三十三

十五

錢起

齊來海半山隱映城上起中峯落照時殘雪翠微裏  
同心久爲別孤興那對此良會何遲遲清揚瞻則邇

齋中

賈島

耽靜非謬爲本性實疎索齋中一就枕不覺白日落  
低扉礙軒轡寡德謝接諾叢菊在墻陰秋窮未開萼  
所餐類病馬動影似移嶽欲駐迫悲衰豈殊辭綆縛  
已見飽時雨應豐蔬與藥

同皇甫侍御齋中奉望見示之作

獨孤及

望遠思歸心易傷況將衰鬢偶年光時攀芳樹愁  
盡畫掩高齋厭日長甘比流波辭舊浦忍看新草  
橫塘因君贈我江楓詠春思如今未易量

軒

南軒

戴叔倫

野居何處是軒外一橫塘座納薰風細簾垂白日長  
面山如對畫臨水坐流觴更愛閒花木欣欣得向陽

水軒

鄭谷

日日狎沙禽偷安且放吟讀書老不入愛酒病還深  
歉後爲羈客兵餘問故林楊花滿牀席搔首度春陰

唐詩類苑

卷之五十五

十六

屋

暮春題灤西新賃草屋五首

杜甫

久嗟三峽客再得暮春期百舌欲無語繁花能幾時  
谷虛雲氣薄波亂日華遲戰伐何由定哀傷不在茲

二

此郊千樹橘不見比封君養拙千戈際全生麋鹿群  
畏人江北草旅食灤西雲萬里巴俞曲三年實飽聞

三

綠雲陰復白錦樹曉來青身世雙蓬鬢乾坤一草亭

哀歌時自短醉舞爲誰醒細雨荷鋤立江猿吟

四

壯年學書劍他日委泥沙事主非無祿浮生卽有涯  
高齋依藥餌絕域改春華發亂丹心破王臣未一家

五

欲陳濟世策已老尚書郎不息豺虎鬪空慙鴛鴦行  
時危人事急風逆羽毛傷落日悲江漢終宵淚滿牀

自灤西荆扉且移居東屯茅屋四首

杜甫

白鹽危嶠北赤甲古城東平地一川穩高山四面同

唐詩類苑

卷之五十五

十七

煙霜淒野日秔稻熟天風人事傷蓬轉吾將守桂叢

二

東屯復灤西一種住青溪來往兼茅屋淹留爲稻畦  
市喧宜近利林僻此無蹊若訪衰翁語須令賸客迷

三

道北馮都使高齋見一川子能渠巨石吾亦沼清泉  
枕帶還相似柴荆卽有焉斫會應費日解纜不知年

四

牢落西江外參差北戶間夕遊已忘宅卧病幾人  
幽獨移佳境清深隔遠關寒空見鷺鷥宿首想班

栢學士茅屋

杜甫

碧山學士焚銀魚白馬却走身巖居古人已用三冬足年少今開萬卷餘晴雲滿戶團傾葢秋水浮堦澗決渠富貴必從勤苦得男兒須讀五車書

壞屋

王建

官家有壞屋居者願離得苟或幸其遷回循任傾側若當君子住一日還修飾必使換榱楹先須木端直永令雀與鼠無處求棲息堅固傳後人從今勉勞力以茲喻臣下亦可成邦國雖曰愚者詞將來幸無惑

茅屋爲秋風所破歌

杜甫

唐詩類苑

卷之百五

十八

八月秋高風怒號捲我屋上三重茅飛渡江灑濕郊高者挂罥長林梢下者飄轉沈塘坳南村群童欺我老無力忍能對面爲盜賊公然抱茅入竹去唇焦口燥呼不得歸來倚仗自歎息俄頃風定雲墨色秋天漠漠向昏黑布衾多年冷如鐵嬌兒惡卧踏裏列牀牀屋漏無乾處雨脚如麻未斷絕自經喪亂少睡眠長夜沾濕何由徹安得廣廈千萬間大庇天下寒士俱歡顏風雨不動安如山嗚呼何時眼前突兀見此屋吾廬獨破受凍死亦足

房

題李孝廉書房

耿湋

野情專易外一室向青山業就三編絕心通萬事閑鶯稀春木上草徧暮階間莫道歸繡在來時棄故關

宿山房

李建勳

石牕燈欲盡松檻月還明就枕渾無睡披衣却出行巖高泉亂滴林動鳥時驚倏忽山鐘曙喧喧僕馬聲

舊房

白居易

遠壁秋聲蟲絡絲入簷新影月低眉牀帷半故簾旌斷仍是初寒欲夜時

重過秘書舊房因題長句

白居易

唐詩類苑

卷之百五

十九

閣前下馬思徘徊第二房門手自開昔爲白面書郎去今作蒼鬚贊善來吏人不識多新補松竹相親是舊栽應有題牆名姓在試將衫袖拂塵埃

室

一室

杜甫

一室他鄉遠空林暮景懸正愁聞塞笛獨立見江船巴蜀來多病荆蠻去已年應同王燦宅畱井峴山前

廊

題七步廊

韋

席門無計那殘陽夏接簷前七步廊不羨東都丞相

宅每行吟得好篇章

廬

號州送鄭興宗弟歸扶風別廬

岑參

佐郡已三載豈能長後時出關少親友賴汝常相隨  
今但忽言別愴然俱淚垂半生滄洲意獨有青山知  
州縣不敢說雲霄誰敢期因懷東溪老最憶南峯縉  
我爲多種樂還山應未遲

送梁判官歸女几舊廬

岑參

女几知君憶春雲相逐歸草堂開藥裹苔壁取荷衣

唐詩類苑

卷之百十三

三十一

老竹移時小新花舊處飛可憐真傲吏塵事到山稀

題野人園廬

孟浩然

與客園廬並微尚頗亦同耕釣方自逸壺觴趣不空  
門無俗士駕人有上皇風何處先賢傳唯稱龐德公

夏景園廬

韋應物

靜水晝陰靜北牕涼氣多閑居逾時節夏雲已嵯峨  
繁華愛繁綠綠澗弄驚波豈爲論夙志對此青山阿

吾廬

白居易

吾廬不獨貯妻兒自覺年侵身力衰  
地心中准擬挂冠時新昌小院公嘗口後道幽居竹

蓮池莫道兩都空弟宅林泉風月是家資

窩

監官王長官新創瑞隱窩 方干

指畫便分元化力周迴秀絕自清機孤雲戀滴尋常  
住落絮縈風特地飛雛鳥啼花催釀酒驚魚濺水誤  
沾衣明年秋滿難將去何以先教畫取歸

唐詩類苑

卷之百十三

三十一

唐詩類苑卷第一百六十四

明雲間張之象玄超甫纂輯

雲間于燕芳胤先甫編次

雲間王微叔朗甫補訂

梁谿曹仁孫伯安甫校正

居處部

居

訪題進士孫秦延福南街居

鄭谷

多病久離索相尋聊解顏短牆通御水疎樹出南山

唐詩類苑

卷之三百六

歲月何難老園林未得還無門共榮達孤坐却如閑

延福里居和林寬何紹餘醅寄

黃滔

長說愁吟逆旅中一庭深雪一牕風眼前道路無心

覓象外烟霞有句通幾度相留侵鼓散頻聞會宿着

僧同高情未以千時廢屬和因知興不窮

題盧處士居

溫庭筠

西溪問樵客遙識楚人家古樹老連石急泉清露沙

千峯隨雨暗一逕入雲斜日暮飛鴉散滿庭麥花

題友人居

溫庭筠

盡日松堂看畫圖綺疏岑寂似清都若教烟水無鷗鳥張翰何由到五湖

履道春居

白居易

微雨灑園林新晴好一尋低風洗池面斜日折花心

暝助嵐陰重春添水色深不如陶省事猶抱有絃琴

履道居三首

白居易

莫嫌地窄林亭小莫厭貧家活計微大有高門鎖寬

地主人到老不曾歸

東里素帷猶未徹南鄰丹旆又新懸衡門蝸舍自慙

愧收得身來已五年

唐詩類苑

卷之三百六

世事平分衆所知何嘗苦樂不相隨唯餘耽酒狂歌

客只有樂時無苦時

寄崇德里居作

馬戴

掃君園林地澤我清涼襟高鳥雲路晚孤蟬楊柳深

風微漢宮漏月迥秦城砧光景坐如此徒懷經濟心

送裴宣城上元所居

李嘉祐

水流過海稀爾去換春衣浹向檣柳盡身隨鴻鴈歸

草思晴後發花怨雨中飛想到金陵渚酣歌對落暉

題張十八所居

韓愈

君居泥溝上濁溝萍青青蛙謹一作橋未掃蟬嘒門

長篇名秩後千品詩文齊六經端來問音字爲我講  
聲形

題薛昌之所居

溫庭筠

所得乃清曠寂寥常掩關獨來春尚在相得暮方還  
花白風露晚柳青街陌閑翠微應有雪窻外見南山

題新昌所居

白居易

宅小人煩悶泥深馬鈍頑街東閑處住日午熱時還  
院窄難栽竹牆高不見山唯應方寸內此地覺寬閑

書崔少府居

黃滔

魯史蜀琴旁陶然舉一觴夕陽明島嶼秋水淺池塘

唐詩類苑

卷之二百六

三

世亂憐官督家貧值歲荒前峯上背宿知有辟寒方

九華山費徵君所居

羅隱

草堂何處試徘徊見說遺蹤向此開蟾樹自歸三逕  
後鶴書曾降九天來白雲事跡依前在青瑣光陰竟

不迴盡夕爲君思曩日野泉鳴咽路莓苔

裴明府居止

李商隱

愛君茅屋下向晚水溶溶試墨書新竹張琴和古松  
坐來聞好鳥歸去度疎鐘明日還相見極南蕢酒釀

題陳山人居

黃滔

猶自莓苔馬跡重石嵌泉冷頰移峯空垂鳳食簷前

竹漫拔龍形澗底松隔岸青山秋見寺半狀明  
聞鐘誰能惆悵磻溪事今古悠悠不再逢

舊居

京口懷洛陽舊居兼寄廣陵二三知己

劉長卿

川闊悲無梁藹然滄波夕天涯一飛鳥日暮南徐客  
氣混京口雲潮吞海門石孤帆候風進夜色帶江白  
一水阻佳期相望空脉脉那堪歲方盡更便春夢積  
故國一作胡塵飛渡山楚雲隔家人想何在庭  
草爲誰碧惆悵空傷情滄浪有餘一作跡嚴陵七里

唐詩類苑

卷之二百六

四

灘攜手同所適

孟夏思渭村舊居寄舍弟 白居易

嘖嘖雀引鵲稍稍笋成竹時物感人情憶我故鄉曲  
葵園渭水上十載事樵牧手種榆柳成陰陰覆牆屋  
免隱豆苗大鳥鳴桑椹熟前年當此時與爾同遊矚  
詩書課弟姪農圃資僮僕日暮麥登場天晴蠶折簇  
弄泉南澗坐待月東亭宿興發飲歡杯悶來碁一局  
一朝忽分散萬里仍羈束并鮒思返泉籠鷺悔出谷  
九江地卑濕四月天炎燠苦雨初入梅瘴雲稍含毒  
泥秧水畦稻灰種畬田粟已訝殊歲時仍嗟異風俗

閑登郡樓望日落江山綠歸鴈拂鄉心平湖斷人  
殊方我漂泊舊里君幽獨何時同一瓢飲水心亦足  
移使鄂州次峴陽館懷惟舊居

劉長卿

多慙恩未報敢問路何長萬里逢秋鴈千峯共夕陽  
舊遊成遠道此去更違鄉草路深山裏朝朝落客裳

春日閑居憶江南舊業

崔塗

杜門朝復夕豈是解謀身夢不離泉石林唯稱隱淪  
漸諳浮世事轉憶故山春南國水風暖又應生白蘋

同德精舍舊居傷懷

韋應物

唐詩類苑

卷之百六十五

五

洛京十載別東林訪舊屏山河不可望存沒意多違  
時遷跡尚在同去獨來歸還見牕中鴿日暮遠庭飛  
奉和元丞杪秋憶終南舊居

李端

高門有才子能履古人蹤白社陶元亮青雲阮仲容  
田園忽歸去車馬杳難逢廢巷臨秋水支頤向暮峯  
行魚避楊柳驚鴨觸芙蓉石竇紅泉細山橋紫菜重  
鳳鷄終食竹鶴侶暫巢松願接烟霞賞羈離計不從  
奉和元丞杪秋憶終南舊居

耿漳

白玉郎仍少羊車上路平秋風搖遠草舊業起高情  
亂樹通秦苑重原接社城溪雲隨暮濤野水帶寒清  
廣樹留峯翠閑門響葉聲近樵應已燒多稼又新成  
解佩從沐浴承家豈退耕恭侯有遺躅何事學泉明

憶司空文明懷野寺舊居

李端

自嫌野性共人疎居日西林更結廬寄謝山陰許都  
講昨來頻得遠公書

憶廬山舊居

僧處默

鹿衣糲食老烟霞勉抱衰顏惜歲華獨鶴祗爲山客  
伴閑雲常在野僧家叢生嫩蕨沾松粉自落乾薪帶

唐詩類苑

卷之百六十五

六

鮮花明月清風舊相識十年歸恨可能賒

同徐處士秋懷少室舊居

周賀

曾居少室黃河畔秋夢長懸未得回扶病半年離水  
石思歸一夜隔風雷荒齋幾遇僧眠後晚菊頻經鹿  
踏來燈下此心誰共說傍松幽徑已多栽

懷廬山舊隱

僧若虛

九疊嵯峨倚着天每隨寒濕下巖烟深秋獵鳥來心  
上夜靜杉松到眼前書架想遭苔蘚裹石牕應被薜  
蘿纏一枝筇杖遊江北不見爐峯二十年

懷舊居

許渾



兵書一篋老無功故國郊扉在夢中  
藤蔓覆荆扉  
暗草花侵菊  
庾園空  
朱門跡  
忝登龍  
客白屋  
心期失  
馬翁  
楚水吳山何處是  
北牕殘月照屏風

歸海上舊居

章孝標

鄉路遠  
蒹葭縈紆出海涯  
人衣被蜃氣  
鳥跡印鹽花  
草沒題詩石  
潮推坐釣槎  
還歸舊牕裏  
凝思賞烟霞

晚歸藍田舊居

錢起

雲卷東臯下  
歸來省故蹊  
泉移憐石在  
林長覺原低  
舊里情難盡  
前山賞未迷  
引藤看古木  
嘗酒呪春鷄  
興與時髦背  
年將野老齊  
才微夕陽退  
應得遂霞棲

唐詩類苑

卷之三百六十四

七

歸桐廬舊居寄嚴長史

章八元

昨辭天子棹  
歸舟家在桐廬憶  
舊丘三月暖  
時花競發  
兩溪分處水  
爭流近聞江  
老傳鄉語  
遙見家山減  
旅愁或在醉  
中逢夜雪  
懷賢應向剡川遊

奉送韋起居老舅百日假滿歸嵩陽舊居

權德輿

威鳳翔紫氛  
孤雲出寥天  
奇彩與幽姿  
縹緲皆自然  
常聞陶唐氏  
亦有巢許全  
以茲聳風俗  
豈必効羈牽  
大君遂羣方  
左史蹈前賢  
振文去朝市  
賜告歸林泉  
滑和固難久  
循性得所便  
有名皆畏途  
無事乃真筌

舊壑窮杳冥  
新潭漾淪漣  
巖花落又開  
山月缺復圓  
輕策逗蘿徑  
幅巾凌翠烟  
機閒魚鳥狎  
體和芝木鮮  
四皓本避難  
二疏猶待年  
况今寰宇清  
復此鬢髮玄  
顧慙纓上塵  
未絕區中緣  
齊竿終自退  
心寄嵩峯顛

送王翁信還剡中舊居

皇甫冉

海岸耕殘雪  
溪沙釣夕陽  
客中何所有  
春草漸看長

送司空文明歸江上舊居

李端

野菊有黃花  
送君千里還  
鴻來燕又去  
離別惜客顏  
流水通歸夢  
行雲失故關  
江楓正搖落  
宋玉莫登山

送元晟歸江東舊居

李端

唐詩類苑

卷之三百六十四

八

澤國舟車接  
關門雨雪垂  
春天行故楚  
夜月下清淮  
講易居山寺  
論詩到郡齋  
蔣家人暫別  
三路草連階

送李垣先輩歸嵩陽舊居

劉駕

高秋灞澨路  
遊子多慘戚  
君於此地行  
獨以尋春色  
文章滿人口  
高第非苟得  
要路在長安  
歸山却爲客

狂歌罷嘆息  
我豈無故山  
千里同外國

經李蒙穎陽舊居

錢起

同心而早世  
天道亦何論  
獨有山陽宅  
平生未不諼  
青溪引白鳥  
流涕弔芳魂  
草入空室叢  
篁深幾垣  
舊迹還在眼  
神理更忘言  
唯見東山月  
人亡不去門

經安容先生舊居

邵諤

羽化留遺蹤千載蹤難沒一泉巖下水幾度換明月  
松老不改柯龍久皆變骨雲雨有歸時鷄犬無還日  
至今青山中寂寞桃花發

經費徵君舊居

僧貫休

高眠當聖代雲鳥未爲孤天子微不起閑人親得無  
猿猱狂欲墜水石怪難圖寂寞荒齋外杉松相倚枯

經隱巖舊居

張喬

夜久村落靜徘徊楊柳津青山猶有路明月已無人  
夢寐空前事星霜倦此身當期結茅處來往躡遺塵

唐詩類苑

卷之三古

九

經故人舊居

儲嗣宗

萬里訪遺塵鶯聲淚濕巾古書無主散廢宅與山鄰  
宿草風悲夜荒村月中人淒涼問殘柳今日爲誰春

經賀監舊居

僧可朋

不戀明皇寵歸來鏡水隅道裝汀鶴識春醉釣人扶  
逐朵雲如吐成行鴈侶驅蘭亭名景在蹤跡未爲孤

經范蠡舊居

張蠡

一變姓名離百越越城猶在范家無他人不見扁舟  
意却笑輕生泛五湖

經故翰林袁學士居

溫庭筠

劍逐驚波玉委塵謝安門下更何人西州城外花千  
樹盡是羊曇醉後春

經李羣玉故居

方干

許直上書難遇主銜冤下世未成翁琴樽劍鶴誰將  
去惟鏤山齋一樹風

經故侯郎中舊居

方干

一朝寂寂與冥冥壟樹未長墳草青高節雄才向何  
處夜蘭空鎖滿池星

經張舍人舊居

羅隱

行塵不是昔時塵謾向朱門憶侍臣一榻已無開眼  
處九泉應有愛才人文餘吐鳳他年詔樹想栖鸞舊

唐詩類苑

卷之三古

十

日春從此思深轉難報夕陽衰草淚沾巾

經故秘書崔監揚州舊居

溫庭筠

昔年曾識安成松竹風姿鶴性情西掖曙河橫漏  
響北山秋月照江聲乘舟竟吏經輿縣爲酒求官得

參兵千頃水流通故墅至今留得謝公名

壬辰歲過舊居

獨孤及

少年事遠遊出入燕與秦離居歲周天猶作勞歌人  
負劍度潁水歸馬自知津緣源別舊處攢涕尋荒秦

隣里喜相勞壺觴展殷勤酒闌擊筑語及此誰能因

丈夫隨世波豈料百年身今日負鄙願多慙故山

過溫逸人舊居

錢起

返真難合道懷舊仍無弔浮俗漸澆漓斯人誰繼妙  
聲容在心耳寧覺阻言笑玄堂閉幾春拱木齊雲嶠  
鶴傳居士舞猿得蘇門嘯酌酒片陽微空山想埋照

過扶風精舍舊居簡朝宗巨川兄弟

韋應物

佛剎出高樹晨光間井中年深念陳跡迨此獨忡忡  
零落逢故老寂寥悲草蟲舊宇多改構幽篁延本藂  
栖止事如昨芳時去已空佳人亦攜手再往今不同

唐詩類苑

卷之三百六十四

十一

新文聊感舊想子意無窮

過陳陶處士舊居

僧貫休

一室貯琴樽詩皆大雅言夜過秋竹寺醉打老僧門  
遠燒來籬下寒蔬簇石根閑庭除鶴迹半是杖頭痕

過孟浩然舊居

朱慶餘

命合終山水才非不稱時塚邊空有樹身後獨無兒  
散盡詩篇本長存道德碑平生誰見重應只是王維

過王山人舊居

耿漳

故宅春山中來遲夕陽入汲少井味變開稱戶樞澀  
樹朽鳥不栖階閒雲自濕先生何處去惆悵空獨立

過盧秦所舊居

司空曙

五柳茅茨楚國賢桔槔蔬圃水涓涓黃花寒後蝶紅  
葉晴來忽有蟬韓康助採君臣藥支遁同看內  
外篇爲問潛夫空著論如何侍從賦甘泉

過賈誼舊居

戴叔倫

楚鄉悲濕歎殊方鵬賦人非宅已荒謾有長書憂漢  
室空將哀些弔湘沅雨餘古井生秋草葉盡疎林見  
夕陽過客不須頻太息咸陽宮殿亦淒涼

重到渭上舊居

白居易

舊居清渭曲開門當蔡渡十年方一還幾欲迷歸路

唐詩類苑

卷之三百六十四

十一

追思昔日行感傷故遊處挿竹作高林種桃成老樹  
因爲成人者盡是舊童孺試問舊老人半爲繞村墓  
浮生同過客前後遞來去白日如弄珠出沒光不住  
人物自改變舉目悲所遇迴念念我身安得不衰暮  
朱門銷不歇白髮生無數唯有山門外三峯色如故

再到襄陽訪問舊居

白居易

昔到襄陽日髯髯初有髭今過襄陽日髯髯半成絲  
舊遊都似夢乍到忽如歸東郭蓬蒿宅荒涼今屬誰  
故知多零落間井亦遷移獨有秋江水烟波似舊時

春日重至南徐舊居

白居易

綠水陰空院春深喜再來獨眠從草長留酒看花開  
過雨遠山出向風孤鳥迴忽思秋夕事雲物却悠哉

重到華陽觀舊居

白居易

憶昔初年三十二當時秋思已難堪  
院病癯愁心四十三

題倪處士舊居

許渾

儒翁九十餘舊向此山居生寄一壺酒死留千卷書  
檻摧新竹少池淺故蓮疎但有子孫在帶經還荷一作  
自鋤

陪諸公游故江西韋大夫通德湖舊居有感

唐詩類苑

卷之三

十三

題四韻兼呈李六侍御卽韋大夫舊寮也

元稹

高墉行馬接通湖巨壑藏舟感大夫塵壁暗埋悲舊  
札風簾吹斷落殘珠烟波漾日侵隤岸狐兔奔叢拂  
坐隅唯有滿園桃李下膺門偏拜阮元瑜

阮客舊居

李陽冰

阮客身何在僊雲洞口橫人間不到處今日此中行

尋李逸人舊居

于鵠

舊隱松林下衡泉入兩涯琴書隨弟子鷄犬在隣家  
茅屋長黃菌穠籬生白花幽墳無處訪恐是入紅霞

中書王舍人輞川舊居 錢起

幾年家絕壑滿逕種芳蘭帶石買松貴通溪漲水寬  
誦經連谷響吹律減雲寒誰謂桃源裏天書問考槃  
一從解蕙帶三入偶蟬冠今夕復何夕歸休尋舊歡  
片雲隔蒼翠春雨半林湍藤長穿松蓋花繁壓藥欄  
景深青眼下興絕采毫端笑向同來客登龍此地難

館陶李丞舊居

皇甫冉

盛名天下挹餘芳棄置終身不拜郎詞藻世傳平子  
賦園林人比鄭公鄉門前墜葉浮秋水籬外寒臯帶  
夕陽日日青松成古木祗應來者爲心傷

唐詩類苑

卷之三

十四

鄆杜舊居二首

韋莊

却到山陽事事非谷雲谿鳥尚相依阮咸貧去田園  
盡向秀歸來父老稀秋雨幾家紅稻熟野塘何處錦  
鱗年年爲獻東堂策長似蘆華別釣磯

一徑尋村渡碧谿稻花香澤水千雲中寺遠磬難  
識竹裏巢深鳥易迷紫菊亂開連井合紅榴初綻拂  
簷低歸來滿把如漚酒何用傷時歎鳳兮

尉遲郎中見示自南還牽復却成洛城東舊

居之作因以和之

劉禹錫

曾遭飛語十年謫新受恩光萬里還朝服不妨遊洛

浦郊園依舊看嵩山竹舍天籟清商樂水邊亭臺碧  
玉環留作功成退身地如今只道暫時閑

塌橋舊業

白居易

別業塌城北拋來二十春改移新逕路變換舊村鄰  
有稅田曠薄無官弟姪貧田園何用問強半屬他人  
早春歸盤屋舊居却寄耿拾遺緯李校書端

盧綸

野日初晴麥壠分竹園相盡鹿成羣萬家廢井生新  
草一樹繁花對古墳引水忽驚水滿澗向田空見石  
和雲可憐荒歲青山下惟有松枝好寄君

唐詩類苑

卷之三百六

五

題賀知章故居疊韻作

溫庭筠

廢砌翳薜荔枯湖無菰蒲老媪寶蓋草患儒輸逋租  
經費拾遺故居

李羣玉

雲卧竟不起少微空損光惟應孔北海爲立鄭公鄉  
舊館苔蘇合幽齋松菊荒空餘書帶草日上階長

江上故居

顧况

家在雙峯蘭若邊一聲秋磬發孤烟山迴極浦鳥飛  
盡月上青林人未眠

寄萬德躬故居

戴叔倫

日暮山風吹女蘿故人舟揖定如何  
已聞下寒

急帝子閣前秋水多聞海風塵鳴戍鼓江湖烟雨暗  
漁簑何時醉把黃花酒聽爾南征長短歌

經李徵君故居

溫庭筠

露濃烟重草萋萋樹映欄干柳拂堤一院落花無客  
醉五更殘月有鶯啼芳筵想像情難盡故樹荒涼路  
已迷惆悵羸驂往來慣每經門巷亦長嘶

新居

谷口新居寄同省朋故

錢起

種黍傍烟溪榛蕪兼沮洳亦知生計薄所貴隱身處  
橡栗石上材莓苔水中路蕭然授衣日得此還山趣

唐詩類苑

卷之三百六

六

汲井愛秋泉結茅因古樹閑雲與幽鳥對我我不能去  
寄謝駕鸞羣狎鷗拙所慕

酬孟十二新居見寄

陸長源

大道本夷曠高情亦冲虚因隨白雲意偶逐青羅居  
青羅分蒙密四序無慘舒餘清濯子衿散彩還吾廬

去歲登美第榮名在公車將必繼管蕭豈唯躡應徐  
昔夏尚清和殘方遍丘墟塞幃陰牕柳汲井滋園蔬  
達者貴知心古人不顯餘愛君將生逕且著茂陵書

立德新居十首

孟郊

立德何亭亭西南登高隅陽崖沈沈意并園留冬蕪

勝引卽紆道幽行豈通衢碧峯遠相接清思誰言孤  
寺秩雖未貴家醪良可哺

聳城架霄漢繁宅涵網緼開門洛北岸時鎖嵩陽雲  
夜高星辰大晝長天地分厚韻屬疎語薄名謝置聞  
茲焉有殊隔未矣難及羣

賓秩已覺厚私儲常恐多清貧聊自爾素質將如何  
儉教先勉力修襟無餘他良棲一枝木靈巢片葉荷  
仰笑鵬鵬輩委身拂天波

疎門不掩水浴色寒更高曉碧流視聽夕清濯衣袍  
爲於仁義得未覺登陟勞遠岸雪難暮勁枝風易號

唐詩類苑

卷之百六

七

霜禽各嘯侶吾亦愛吾曹

崎嶇有懸步委曲饒荒尋遠樹足良木疎巢無爭禽  
素魄銜夕岸綠水生曉潯空曠伊洛視髮髯瀟湘心  
何必尚遠異憂勞滿行襟

懸途多仄足崎圃無修畦霜蘭與宿艾手擷心不迷  
品子懶讀書輟駒唯服犁虛食日相投夸腸詎能低  
耻從新學遊願將古農齊

鄒城多聳秀愛此高縣居伊雒遶街巷鴛鴦飛閭閻  
翠景何的礫霜颼颼空虛突出萬家表獨治二畝蔬  
一句一手版十日九手鋤

手鋤良自勗激勸亦已饒畏彼梨栗兒空資玩弄  
夜景卧難盡晝光坐易消治舊得新義耕荒生嘉苗  
鋤治苟愜適心形俱逍遙

玉蹄裂鳴水金綬忽照門拂拭貧士席拜候丞相軒  
德疎未爲高禮至方覺尊豈唯耀茲日可以榮遠孫  
如何一陽朝獨荷衆瑞繁

東南富木木深蒙蔽光輝此地足文字及時臨駟  
仄雪踏爲平涇行變如飛今畦生氣色嘉綠新霏微  
天意資厚養賢人肯相違

春葦新居

白居易

唐詩類苑

卷之百六

六

江州司馬日忠州刺史時栽松滿後院種柳蔭前墀  
彼皆非吾土栽種尚忘疲况茲是我宅葦藝固其宜  
平旦領僕使乘春新指揮移花夾暖室洗竹覆寒池  
池水變綠色池芳動清輝尋芳弄水坐盡日心熙熙  
一物苟可適萬緣都若遺設如宅門外有事吾不知  
送州人孫沅自歸州却歸句章新營所居

劉長卿

故里歸成客新家去未安詩書滿榻舍征稅及漁竿  
火種山田薄星居海島一作寒憐君不得已步步別離難

過故人所遷新居

馬戴

金馬詔何晚茂陵居近修客來雲雨散鳥下梧桐秋  
迴漢銜天關遙泉響御溝坐看涼月上爲子一淹留

酬鄭進士九江新居見寄 李咸用

躡屐扣柴關因成盡日閑獨聽黃鳥語深似白雲間  
萍沼寬於井莎城綠當山前期招我作此景得吟還

答李滁州憶玉潭新居見寄

獨孤及

從來招隱地未有剖符人山水能成癖巢夷擬獨親  
猪肝無足累馬首敢辭勤掃灑潭中月他時望德隣

唐詩類苑

卷之二百六

九

題張博士新居

賈島

青楓何不種林在洞庭村應爲三湘遠難移萬里根  
斗牛初過伏菌苗欲香門一作斗移亭北舊卽湖山

隱新廬葺此原

杜處士新居

羅隱

蠶歛王孫草荒誅宋玉茅寇餘無故物時薄少深交  
逆笋侵行逕饑鷄出壞巢小園吾亦有多病近來拋

早春題友人湖上新居二首

賈島

近得雲中路門長侵早開到時猶有雪行處已無苔

勸酒客初醉留茶僧未來每逢晴暖日惟見乞花栽

二

門不當官道行人到亦稀故從餐後出多是夜深歸  
開篋收詩卷掃牀移卧衣幾時同買宅相送有柴扉

新昌新居書事四十韻因寄元郎中張博士

白居易

冒寵已三遷歸朝始二年囊中貯餘俸園外買閑田  
狐兔同三逕蒿萊共一壥新園聊刻穢舊屋且扶顛  
簷漏移輕瓦梁欹換蠹椽平治遠臺路整頓近階軌  
巷狹開容駕牆低壘過肩門閭堪駐蓋堂室可鋪筵

唐詩類苑

卷之二百六

十

丹鳳樓當後青龍寺在前市街塵不到宮樹影相連  
省吏嫌妨遠豪家笑地偏敢勞賓客訪或望子孫傳  
不覓他人愛唯將自性便等閑栽樹木隨分占風烟  
逸致因心得幽期遇境牽松聲凝澗底草色勝河邊  
虛澗水銷地晴和日出天苔行滑如簾莎坐軟於綿  
簾每當山卷帷多待月寒籬莎花掩映窗北竹嬋娟  
通窺書門隱名題紫禁仙假歸思晚沐朝去戀春眠  
拙薄才無取疎慵職不專題牆書命筆沽酒率分錢  
栢杵春靈藥銅瓶漱暖泉爐香穿蓋散籠燭隔紗然  
陳室何曾掃陶琴不要絃屏除俗事盡養活道情全



尚有妻孥累猶爲組綬終須拋爵祿漸擬斷  
大抵宗莊叟私心事空乾榮浮水劃字真諦人生  
梵部經十二玄書字五千是非都是夢語默不妨禪  
博士官猶冷郎中病已痊多年僻處住久結靜中緣  
緩步攜筇杖徐吟展蜀牋老宜閑語話悶憶好詩篇  
蠻榼來方瀉蒙茶到始煎無辭數相見鬢髮各蒼然

杜賓客永豐里新居

蔣防

退蹟居三逕辭榮繼二疎聖情容解印帝里許懸車  
已去龍樓籍猶分御廩儲風泉輸耳目松竹助玄虛  
調護心常在山林思有餘應嗤紫芝客遠就白雲居

唐詩類苑

卷之百六十四

主一

履道新居二十韻

白居易

履道坊西角宮河曲北頭林園四鄰好風景一家秋  
門閉深沈樹池通淺沮溝拔青松直上鋪碧水平流  
籬菊黃金合牕筠綠玉稠疑連紫陽洞似到白蘋洲  
僧至多同宿賓來輒少留豈無詩引興兼有酒銷憂  
移榻臨平岸攜茶上小舟果穿聞鳥啄萍破見魚遊  
地與塵相遠人將境共幽汎潭菱點鏡沈浦月生鈎  
厨晚烟孤起庭寒雨半收老饑初愛粥瘦冷早披裘  
洛下招新隱秦中忘舊遊辭章留鳳閣班籍寄龍樓  
病慙官曹靜閑慙俸祿優琴書中有得衣食外何求

濟世才無取謀身智不周應須共心語萬事一時休

和元八侍御升平新居四絕句

白居易

忽驚映樹新開屋却似當簷故種花可惜年年紅似  
火今春始得屬元家

楊祕書新居

賈島

城角新居隣靜寺時從新閣上經樓南山泉入宮中  
去先向詩人門外流

秋日題寶員外崇德里新居竇氏判度支業

劉禹錫

唐詩類苑

卷之百六十四

主一

長愛街西風景閑到君居處暫開顏清光門外一渠  
水秋景墻頭數點山疎種碧松過月朗多栽紅葉待  
春還莫言堆案無餘地認得詩人在此間

題新居寄宣州崔相公

白居易

門庭有水巷無塵好稱閑官作主人冷似雀羅雖少  
客寬然蠲食足容身疎通竹徑將迎月掃掠莎臺欲  
待春濟世料君歸未得南園此曲謾爲隣

題章正字道正新居

李標

朱慶餘

獨在御樓南畔住生涯還似舊時貧全無竹可侵行  
逕一半花猶屬別人吟處不妨嫌鼓鬧眼前唯稱與

僧鄰近來漸覺青莎卷車馬過從已有塵

題王郎中宣義里新居 劉禹錫

愛君新買街西宅客到如遊鄴杜間雨後退朝金  
樹中時出省趨看山門前巷陌三條近墻內池亭萬  
境閑見擬移居作隣里不論時日請開關

陳侍御新居 黃滔

幕客開新第詞人遍有詩山憐九仙近石買太湖奇  
樹勢想高日地形誇得時自然成避俗休與白雲期

題新居寄元八 白居易

青龍岡地近西邊移入新居便泰然冷巷閉門無客  
唐詩類苑 卷之三百六十四 五

到暖簷移榻向陽眠階庭寬窄纔容足牆壁高低麓  
及肩莫羨昇平元八宅自思買用幾多錢

題崔少尹上林坊新居 白居易

勝靜瀟瀟新且幽忽疑縮地到滄洲宅東籬缺嵩峯  
出堂後門開洛水流高下三層盤野徑公涸十里沚  
漁舟若能爲客烹鷄黍願伴田蘇日日遊

聞尚顏上人初居有寄 僧貫休

麓山南面橘洲西別構新齋與竹齊野客已聞將鶴  
贈江僧未說有詩題壁臨香霽雲千嶂松逾濕浚月  
一溪可想乍移吟榻處松陰冷濕塵新泥

原上新居十三首 王建

新占原頭地本無山可歸荒藤生葉晚老杏著花稀  
厨舍近泥竈家人初飽薇弟兄今四散何日更相依

二

一家榆柳新四面遠無隣人少愁聞病莊孤幸得貧  
耕牛長願飽樵僕每憐勤終日憂衣食何由脫此身

三

長安無舊識百里是生天一作涯寂寞思蓬友荒涼喜  
見花訪僧求賤藥將馬中豪家乍得新蔬菜朝盤忽

覺奢

唐詩類苑 卷之三百六十四 五

四

春來梨棗盡啼哭小兒饑隣富鷄長去莊貧客漸稀  
借牛耕地晚賣樹納錢遲墻下當官路依山補竹籬

五

鷓鴣村舍過花發亦蕭條野竹初生筍溪田未得苗  
家貧重僕瘦春冷菜蔬焦甘分長如此無名在聖朝

六

風歸一間房唯鋪獨卧牀野蕘溪菜滑山紙水苔香  
陳藥初和白一作新經未入黃近來心力少休讀養

生方

七

擬作讀經人空房置淨巾鎖茶藤篋密曝藥竹林新  
老病應隨業因緣不離身焚香向居士無計出諸塵

八

移家近住村貧苦自安存細問梨果植遠求花藥根  
倩人開廢井趲犢入新園長愛當山立黃昏不閉門

九

和暖遶林行新貧足喜聲掃渠憂竹旱澆池引蘭生  
山客憑栽樹家僮使入城門前粉壁上書着縣官名

十

唐詩類苑

卷之百六十四

圭

住處鐘鼓外免爭當路橋身閑時却因兒病可來嬌  
鷄睡日陽暖蜂一作蝶狂花艷燒長安足門戶疊疊看

登朝

十一

近來年紀到世事總無心古鶴憑人榻閑詩任客吟  
送經還野院移石入幽林谷口春風惡梨花蓋地深

十二

嬾更學諸餘林中掃地居膩衣穿不洗白髮短慵梳  
苦相常多淚勞生自誤虛閑行人事絕親故亦無書

十三

住處去山近傍園麋鹿行野桑窠井長荒竹過墻半  
新識隣里面未諳村社情名田無力及賤賃與人耕

卜居

香山下卜居

白居易

老須爲老計老計老抽簪山下初投足人間久息心  
亂藤遮石壁絕澗護雲林若要深藏處無如此處深

卜居

白居易

遊宦京都二十春貧中無處可安貧長美蝸牛猶有  
舍不如碩鼠解藏身且求容立錐頭地免似漂流木

偶人但道吾廬心便足敢辭湫隘與鶯塵

唐詩類苑

卷之百六十四

圭

卜居

杜甫

歸美遼東鶴吟同楚執珪未成遊碧海著處覓丹梯  
雲障寬江北春耕破壤西桃花客若至定似昔人迷

卜居

杜甫

浣花流水冰西頭主人爲卜林塘幽已知出郭少塵  
事更有澄江銷客愁無數蜻蛉齊上下一雙鸕鶿對

沈浮東衙萬里堪乘興須向山陰上小舟

遊藍田山卜居

白居易

脫置腰下組擺落心中塵行歌望山去意似歸鄉人  
朝榻玉峯下暮尋藍水濱擬求幽僻地安置疎慵身

本性便山寺應須旁悟真

移居

移居夔州郭

杜甫

伏枕雲安縣遷居白帝城春知催柳別江與放船情  
農事聞人說山光見鳥情禹功饒斷石且就土微

唐詩類苑

卷之百六十四

毛

唐詩類苑卷第一百六十五

明雲間張之象玄超前纂輯

雲間于燕芳馭先甫編次

雲間王徹叔朗甫補訂

梁谿曹仁孫伯安甫校正

居處部

別業

裴尹東溪別業

李頎

公才廊廟器官亞河東守別墅臨都門驚湍激前後  
舊交與群從十日一攜手幅巾望寒山長嘯對高柳

唐詩類苑

卷之真五

一

清歡信可尚散吏亦何有岸雪清城陰水光遠林首  
閑觀野人筏或飲川上酒幽雲淡徘徊白鷺飛左右  
庭竹垂卧內村煙隔南阜始知物外情簪紱同芻狗

尋鞏縣南李處士別業

岑參

先生近南郭茅屋臨東川桑葉隱村戶蘆花映釣船  
有時著書暇盡日牕中眠且喜間并近灌田同一泉

春半與群公同遊元處士別業

岑參

郭南處士宅門外羅幃翠勝繁忽想劉夷華今正濃  
山厨竹裏爨野確藤間春對酒雲數片捲簾花萬重

巖泉嗟到晚州縣欲歸慵草色帶朝雨灘聲  
愛茲清俗慮何事老塵容況有林下約轉懷方外蹤

出青門往南山別業

薛據

舊居在南山夙駕自伊闕榛莽相蔽虧去爾漸起忽  
散漫餘雪晴蒼茫季冬月寒風吹長林白日原上沒  
懷抱曠莫伸相知阻胡越弱年好棲隱鍊藥在巖窟  
及此離垢紛興來亦因物末路期赤松斯言庶不伐

過汪氏別業二首

李白

遊山誰可遊子明與浮丘疊嶺礙河漢連峯橫斗牛  
汪生面北阜池館清且幽我來感意氣槌魚列珍羞

唐詩類苑

卷之百六十五

二

掃石待歸月開池漲寒流酒酣益爽氣爲樂不知秋

二

疇昔未識君知君好賢才隨山起館宇鑿石營池臺  
大火五月中景風從南來數枝石榴發一丈荷花開  
恨不當此時相過醉金罍我行值木落月苦清猿哀  
永夜達五更吳歛送瓊杯酒酣欲起舞四座歌相催  
日去遠海明軒車且徘徊更遊龍潭去枕石拂莓苔

潯陽陶氏別業

劉昫

陶家習先隱種柳長江邊朝夕潯陽郭白衣來幾年  
霽雲明孤嶺秋水澄寒天物象自清曠野情何綿聯

蕭蕭丘中賞明宰非徒然願守黍稷稅歸耕東山田

同家兄題潯南王公別業

蔡希寂

好閑知在家退跡何必深不出人境外蕭條江海心  
軒居自來往空堂坐清陰川渙將釣玉鄉亭期散金  
素暉射流瀨翠色綠森林曾爲詩書僻寧唯耕稼任  
吾兄許微尚枉道來相尋朝慶老萊服夕閑安道琴  
文章遙頌美寤寐增所欽既鬱蒼生望明時豈陸沈

太子李善人城東別業

一作李善人城東別業  
視川林前帶雷岫

錢起

南山轉群木昏曉擁山翠小澤近龍居清蒼常雨氣

唐詩類苑

卷之百六十五

三

君家北原上千金買勝事丹闕退朝迴白雲迎賞至  
新晴村落外處處煙景異片水明斷岸餘霞入古寺  
東臯指歸翼目盡有餘意

初至洞庭懷瀟陵別業

劉長卿

長安邈千里日夕懷雙闕已是洞庭人猶有瀟陵月  
誰堪去鄉意親戚想天末昨夜夢中歸煙波覺來闊  
泣車見芳草孤客心欲絕豈訝青春來但傷經特別  
長天不可望鳥與浮雲沒

遊韋七洞庭別業

孟郊

洞庭如瀟湘疊翠蕩浮碧松桂無赤日風物饒清曠

逍遙展幽韻參差逗良觀道勝不知疲冥搜自無  
曠然青霞抱永矣白雲適崆峒非凡鄉蓬瀛在仙籍  
無言從遠尚還思一作君子識波濤激古岸鏗鏘辨  
奇石靈響非外求殊音自中積人皆走煩濁君能致  
虛寂何以祛擾擾叩調清淅淅既懼豪華損誓從詩  
書益一舉獨往姿再搖飛遁迹山深有變異意慙無  
驚惕采翠奪日月照耀迷旦夕松齋何用掃蘿院自  
然滌業峻謝煩蕪文高追古昔暫遙朱門戀終立青  
史績物表易淹留人間重離析難隨洞庭酌且醉橫  
塘席

唐詩類苑

卷之三頁五

四

經李處士杜城別業

溫庭筠

憶昔幾遊集今來倍嘆傷百花情易老一笑事難忘  
白杜已蕭索青樓空豔陽不閑雲雨夢猶欲過高唐

題袁氏別業

賀知章

主人不相識偶坐爲林泉莫謾愁沽酒囊中自有錢

別輞川別業

王維

依遲動車馬惆悵出松蘿忍別青山去其如綠水何

輞川別業

王維

山月曉仍在林風涼不絕殷勤如有情惆悵令人別

輞川集

并序

王維

余別業在輞川山谷其遊上有孟城坳華子岡六  
杏館斤竹嶺鹿柴木蘭柴萸黃荈官槐陌臨湖亭  
南垞欽湖柳浪巒家瀨金屑泉白石灘北蛇竹里  
館辛夷塢漆園椒園等與裴迪閑暇各賦絕句云  
爾

孟城坳

王維

新家孟城口古木餘衰柳來者復爲誰空悲昔人有

孟城坳

裴迪

結廬古城下時登古城上古城非疇昔今人自來往

華子岡

王維

飛鳥去不窮連山復秋色上下華子岡惆悵情何極

華子岡

裴迪

落日松風起還家草露稀雲光侵履跡山翠拂人衣

文杏館

王維

文杏裁爲梁香茅結爲宇不知棟裏雲去作人間雨

文杏館

裴迪

迢迢文杏館躋攀日已屢南嶺與北湖前看復迴顧

斤竹嶺

王維

檀欒映空曲青翠漾清暉夕照山色好不可知

斤竹嶺

裴迪

明流紆且直綠篠簷復深一徑通山路行歌望

鹿柴

柴土邁切按韻會云山居以木棚作柴或作柴

王維

空山不見人但聞人語響返景入深林復照青苔上

鹿柴

裴迪

日夕見寒山便爲獨往客不知深林事但有麝麝跡

木蘭柴

王維

秋山斂餘照飛鳥逐前侶彩翠時分明夕嵐無處所

木蘭柴

裴迪

蒼蒼落日時鳥聲亂溪水綠溪路轉深幽興何時已

茱萸泚

王維

唐詩類苑

卷之五十五

六

結實紅且綠復如花更開山中儻留客置此芙蓉杯

茱萸泚

裴迪

飄香亂椒桂布葉間檀欒雲日雖迴照森沈猶自寒

宮槐陌

王維

仄徑陰宮槐幽陰多綠苔門但迎掃畏有山僧來

宮槐陌

裴迪

門前官槐陌是向歆湖道秋來山雨多落葉無人掃

臨湖亭

王維

輕舸迎上客悠悠湖上來當軒對樽酒四面芙蓉開

臨湖亭

裴迪

當軒彌澗漾孤月正徘徊谷口猿聲發風傳入戶來

南垞

王維

輕舟南垞去北垞森難卽隔浦望人家遙遙不相識

南垞

裴迪

孤舟信一泊南垞湖水岸落日下崦嵫清波殊淼漫

歌湖

王維

吹簫凌極浦日暮送夫君湖上一回首青山卷白雲

歌湖

裴迪

空闊湖水廣青燄天色同艤舟一長嘯四面來清風

柳浪

王維

唐詩類苑

卷之五十五

七

分行接綺樹倒影入清漪不學御溝上春風傷別離

柳浪

裴迪

映池同一色逐吹散如絲結陰旣得地何謝陶家時

樂家瀨

王維

颯颯秋雨中淺淺石榴瀉跳波自相濺白鷺驚復下

樂家瀨

裴迪

瀨聲喧極浦沿涉向南津汎汎鳥鷗渡時時欲近人

金屑泉

王維

日飲金屑泉少當千餘歲翠鳳翊文螭羽節朝玉帝

金屑泉

裴迪



縈渟澹不流金碧如可拾迎晨含素華獨往事

白石灘

王維

清淺白石灘綠蒲向堪把家住水東流浣紗明月下

白石灘

裴廸

跂石復臨水弄波情未極日下川上寒浮雲澹無色

北垞

王維

北宅湖水北雜樹映朱欄逶迤南川水明滅青林端

北垞

裴廸

南山北垞下結宇臨歆湖每欲採樵去扁舟出菰蒲

竹里館

王維

唐詩類苑

卷之五十五

八

獨坐幽篁裏彈琴復長嘯深林人不知明月來相照

竹里館

裴廸

來過竹里館日與道相親出入惟山鳥幽深無世人

辛夷塢

王維

木末芙蓉花山中發紅萼澗戶寂無人紛紛開且落

辛夷塢

裴廸

綠堤春草合王孫自留翫況有辛夷花色與芙蓉亂

漆園

王維

古人非傲吏自闕經世務偶寄一微官宴安數株樹

漆園

裴廸

好閑早成性果此諧宿諾今日漆園遊還同莊叟

椒園

王維

桂尊迎帝子杜若贈佳人椒漿奠瑤席欲下雲中君

椒園

裴廸

丹刺罽人衣芳香留過客幸堪調鼎用願君垂採摘

南溪別業

蔣冽

結宇依青嶂開軒對綠嶠樹交花雨色溪合水同流

竹徑春來掃蘭樽夜不收逍遙自得意鼓腹醉中遊

送陳子歸陸渾別業

岑參

雖不舊相識知君丞相家故園伊川上夜夢方山花

唐詩類苑

卷之五十五

九

種藥畏春過出關愁路賒青門酒壚別日暮東城鴉

酬虞部蘇員外過藍田別業不見留之作

王維

貧居依谷口喬木帶荒村石路枉迴駕山家誰候門

漁舟膠東浦獵火燒寒原唯有白雲外疎鐘聞夜猿

終南別業

王維

中歲頗好道晚家南山陲興來每獨往勝事空自知

行到水窮處坐看雲起時偶然值林叟談笑無還期

浮舟過陳逸人別業

孟浩然

水亭涼氣多閑棹晚來過潯影見藤竹潭香聞芰荷

野童扶醉舞山鳥笑酣歌幽賞未云偏煙光杳夕

蘇氏別業

祖詠

別業居幽處到來生隱心南山當戶牖澧水決園林  
竹覆經冬雪庭昏未夕陰寥寥人境外間坐聽春禽

汝濱別業

祖詠

失路農爲業移家到汝濱獨愁常廢卷多病有離群  
鳥雀垂檐柳虹霓出澗雲山中無外事樵唱有時聞

歸輞川作

王維

谷口疎鐘動漁樵稍欲稀悠然遠山暮獨向白雲歸  
菱蔓弱難定楊花輕易飛東臯春草色惆悵掩柴扉

唐詩類苑

卷之三頁五

十

戲題輞川別業

王維

柳條拂地不須折松樹披雲從更長藤花欲暗藏猓  
子栢葉初齊養麝香

和人秋歸終南山別業

錢起

舊居三顧後晚節重幽尋野徑到門盡山牕連竹陰  
昔年營出谷今日鳳歸林物外凌雲操誰能繼此心

題樊川杜相公別業

錢起

數畝園林好人知賢相家結茅書閣儉帶水槿籬斜  
古樹生春蘚新荷卷落花聖恩加玉鉉安得卧青霞

春夜過長孫繹別業

錢起

佳期難再得清夜此雲林帶竹新泉冷穿花片月  
含毫疑逸思酌水詰幽心不覺星河轉山枝驚暗禽

過湖南羊處士別業

一作奉處士別業

劉長卿

杜門成白首湖上寄生涯秋草蕪一作閑三徑寒塘獨  
一家鳥歸村落盡水向縣城斜自有東籬菊年年解

作花

一作愛汝園花

過鸚鵡洲王處士別業

劉長卿

白首此爲漁青山對結廬問人尋野笋畱客饋家蔬  
古柳依沙發一作岸春苗帶雨鋤共憐芳杜色終日伴

唐詩類苑

卷之三頁五

十一

閑居

送朱山人越州職退後歸山陰別業

劉長卿

越州初罷職江上送歸橈南渡無來客西陵自落潮  
空城垂故柳舊業廢春畱問里相逢少鶯花共寂寥

送元說還丹陽別業

郎士元

已知成傲吏復見解朝衣應向丹陽郭秋山獨掩扉  
草堂連海近江動曉暉一別滄洲遠關曉幾歲歸

贈張伍諶歸濠州別業

郎士元

常知罷官意果與世人疎復此涼風起仍聞濠上居

故山期採菊秋水憶觀魚一去蓬蒿徑羨君

東溪別業寄段郎中

方干

前山含遠翠羅列在牕中盡日人不到一樽誰與同  
涼隨蓮葉雨暑避柳條風豈分長岑寂明時有至公

題楊著別業

耿湋

柳巷向陂斜回陽噪亂鷗農桑子雲業書籍蔡邕家  
暮葉初翻砌寒池轉露沙如何守儒行寂寞過年華

題鄭侍御藍田別業

張喬

秋山清若水吟客靜於僧小徑通商嶺高牕見杜陵  
雲霞朝入境猿鳥夜窺燈作前峯侶終來寄上層

唐詩類苑

卷之三十五

十一

送盧處士歸嵩山別業

劉禹錫

世業嵩山隱雲深無四隣藥爐燒姹女酒甕貯賢人  
晚日華陰霧秋風函谷塵送君從此去鈴閣少談賓

送烏行中石淙別業

一作賈島

賈島

寒水長繩汲丁冷數滴翻草通石淙脉硯帶海潮痕  
嶽色何曾遠蟬聲尚未繁勞思當此夕苗稼在西原

送石協律歸吳興別業

宋慶餘

識來無定居此去復何如一與耕者遇轉將朝客疎  
資身唯藥草教子但詩書曾許黃庭本斯言豈合虛

送李明府歸別業

于鵠

寄家丹水邊歸去種春田白髮無知已空山又一年  
鹿裘長酒氣茅屋有茶煙亦擬辭人世何溪有瀑泉

晚夏歸別業

張祐

古岸扁舟晚荒園一徑微鳥啼新果熟花落故人稀  
宿潤浸苔甃斜陽照竹扉相逢盡鄉老無復話時機

東郊別業

耿湋

東臯占薄田耕種過餘年護藥栽山刺澆蔬引竹泉  
晚雷期稔歲重霧報晴天若問幽人意思齊沮溺賢

喜友人歸上元別業

曹松

一橋千里外隱者興宜孤落日長邊海秋風滿故都  
掩關苔色老盤徑葉聲枯匡岳來時過遲迴絕頂無

與友人同懷江南別業

崔塗

因君話故國此夕倍依依舊業臨秋水何人在釣磯  
解名如縱得滄海亦終歸却是風塵裏如何更息機

書馬如文石門山居

僧無可

別業逸高情暮泉喧密寧林迴天闕近雨過石門青  
野果誰來拾山禽獨卧聽要迎文會友時復掃柴局

陸處士別業

方干

問道遠相訪無人覺路長夜深迴釣撤月影出書牀  
蟬噪蓼花發禽來山果香多時欲歸去西望又斜陽

和元秀才別業書事

韋莊

僻居春事好水曲亂華陰浪過河移岸雛成鳥別水  
綠錢榆貫重紅障杏籬深莫飲宜城酒愁多醉易吟

鏡中別業二首

方干

寒山壓鏡心此處是家林染燕窺春醉巖猿學夜吟  
雲連平地起月向白波沈猶自聞鐘角棲身可在深

二

世人如不容吾自縱天慵落葉憑風掃香杭倩水春  
花朝連郭霧雪夜隔湖鐘身外能無事頭宜白此峯

秋晚山中別業

盧綸

唐詩類苑

卷之五十五

十四

樹老野泉清幽人好獨行去閑知路靜歸晚喜山明  
蘭茝通荒井牛羊出古城茂陵秋最冷誰念一書生

讀方干詩因懷別業

崔塗

把君詩一吟萬里見君心華髮新知少滄洲舊隱深  
潮衝虛閣上山入暮曉沈憶宿高齋夜庭枝識海禽

過吳張二子檀溪別業

孟浩然

卜築依自然檀溪不更穿園林二友接水竹數家連  
直取南山對非關選地偏草塘時掩瀑欄柵日周旋  
外事情都遠中流性作便閑垂太公釣興發子猷船  
予亦幽棲者經過竊慕焉梅花殘臘日柳色半春天

烏泊隨陽燕魚藏縮項鰱停杯問山簡何似習池邊

題崔山人別業

儲光義

南陽隱居者築室丹溪源溪冷懼秋晏寒寒欣景暝  
山鷄鳴菌閣水霧入衡門東嶺或野嘯北牕時討論

封君渭川竹逸士漢陽園何必空同上獨爲堯所尊

晚出青門望終南別業

錢起

能清謝朓思暫下承明廬遠山新水下寒臯微雨餘  
更憐歸鳥去宛到卧龍居笑指叢林上閑雲自卷舒

寧心鳴鳳日却意釣璜初處貴有餘興伊周位不如

送鄭十二還廬山別業

劉長卿

唐詩類苑

卷之五十五

十五

潯陽數畝宅歸卧掩柴關谷口何人待一作門前秋  
草閑忘機賣藥罷無語杖藜還舊筍成寒竹空齋向

暮山水流經舍下雲去到人間桂樹花應發因行寄

一攀

春遊司直城西鵲鵲別業

僧清江

別墅軍城下閑誼未可齊春深花蝶夢曉隔柳煙韉  
韶景浮寒水疎楊映綠堤沿回看竹色來往聽鶯啼  
久慢持生術多親種藥畦家貧知素行心苦見清溪  
越客初投分南枝得寄棲禪機空寂寞雅趣賴招攜

本寺重江外遊方二室西徘徊戀知已日夕望華英

題羅浮別業

高騏

不將真性染埃塵爲有煙霞伴此身帶月長江好歸去博羅山下碧桃春

題山中別業

李端

舊宅在山中閑門與寺通往來黃葉路交結白頭翁晚筍難成竹秋花不滿叢

輞川別業

王維

不到東山向一年歸來纔及種春田雨中山色綠堪染水上桃花紅欲然優婁比丘經論學偈優丈人鄉

唐詩類苑

卷之五十五

共

里賢披衣倒屣且相見相歡語笑衡門前

題郎士元半日吳村別業兼呈李長官

錢起

半日吳村帶晚霞閑門高柳亂飛鴉橫雲嶺外千重

樹流水聲中一兩家愁人昨夜相思苦閨月今年春意賒自嘆梅生頭似雪却憐潘令縣如花

送楊於陵歸宋汴州別業

劉長卿

半山溪雨帶斜暉向水殘花汙客衣旅食嗟余當歲晚能文似汝今年稀新河柳色千株暗故國雲帆萬

里歸離亂要知君到處寄書須及鴈南飛

春宴王補闕城東別業 郎士元

柳陌乍隨洲勢轉花源忽傍竹陰開能將瀑水清人境直取流鶯送酒杯山下古松當綺席簷前片雨滴春苔地主同聲復同舍留歡不畏夕陽催

酬王季友題半日村別業兼呈李明府

郎士元

村映寒原日已斜煙生密竹早歸鴉長溪南路當群岫半景東隣照數家門通小徑連芳草馬飲春泉踏淺沙欲待主人林上月還思潘令縣中花

送蕭處士歸緱嶺別業

許渾

唐詩類苑

卷之六十五

七

醉斜烏帽髮如絲曾看仙人一局棋賓館有魚爲客久鄉書無鴈到家遲緱山佳近吹笙廟湘水行逢鼓瑟祠今夜月明何處宿九疑雲盡綠參差

題周鍊別業

僧皎然

隱身若上欲何如不著青袍愛綠羅柳巷任疎容騎入水籬從破許船過昂藏獨鶴閑心遠寂歷秋花野意多若訪禪齋遙可見竹牕書幌共煙波

和淮南太尉留題鳳州王氏別業

李洞

清秋看長鷺雛成說向湘僧亦動情節屋拆將松上

影印龕移鎖月中聲野人陪賞增詩價太尉因居  
谷名閑想此中遺勝事宿齋吟遶鳳池行

訪題表兄王藻渭上別業 鄭谷

桑村搖落渭川西蓼水瀾瀾接稻泥幽檻靜來漁唱  
遠暝天寒極鴈行低濁醪最稱看山醉冷句偏宜選  
竹題中表人稀離亂後花時莫惜重相攜

春日題杜叟山下別業 盧綸

百鳥群飛山半晴渚田相接有泉聲園中曉露青叢  
合橋上春風綠野明雲影斷來峯影出林花落盡草  
花生今朝醉舞同君樂始信幽人不愛榮

唐詩類苑

卷之三頁五

十八

題汧陽縣馬跑泉李學士別業

韋莊

水滿寒塘菊滿籬籬邊無限彩禽飛西園夜雨紅櫻  
熟南畝秋風白稻肥草色自留閑客住泉聲如待主  
人歸九霄岐路忙於火肯戀斜陽守釣磯

河內別業閑題

韋莊

阮氏清風竹巷深滿谿松竹似山陰門當谷路多樵  
客地帶河聲足水禽閑伴爾曹雖適意靜思吾道好  
霑襟隣翁莫問傷時事一箇高秋夕照沈

送田明府歸終南別業

韓翃

故園此日多心賞胞下泉流竹外雲近食應難  
士北隣自識千田君離宮樓影登山見上苑鐘聲過  
雪聞相勸早移丹鳳閣不須管戀白鷗群

秋晚自洞庭湖別業寄懷秀才

皮日休

破村牢落過重陽獨自櫻桃草房風捲紅蕉仍換  
葉雨霖黃菊不成香野猿偷栗重窺戶落鴈疑人更  
繞塘他日若修耆舊傳爲予添取此書堂

和道溪君別業

溫庭筠

積潤初銷碧草新鳳陽晴日帶雕輪絲飄弱柳平橋  
晚雪點寒梅小院春屏上樓臺陳後主鏡中金翠李  
夫人花房透露紅珠落蛺蝶雙飛護粉塵

唐詩類苑

卷之三頁五

九

張舍人南溪別業

僧靈一

新田遶屋半春耕藜杖閑門引客行山翠自成微雨  
色溪花不隱亂泉聲漁家遣道堪留與公府懸知欲  
厭名入夜更宜明月滿雙童喚出解吹笙

別墅

李侍御上虞別業

方干

滿目亭臺水繫無蟬吟語不爲聲聲勢急吞諸  
島暑雨聲回露平林直爲捲簾看卷雲便

開樽莫將明月爲儔侶應把清風遺子孫蘇軾詩  
離果上紅鱗見餌出蒲根尋君未要先敵竹直棹漁  
舟入大門

裴祭酒尚書見示春歸城南青松塢別墅寄  
王左丞高侍郎之什命同作

劉禹錫

蚤宦閑人事曉懷生道機時從學省出獨望郊園歸  
野竹度春水鶯花映巖扉石頭解金章林下步綠薇  
青松鬱成塢修竹盈尺園吟風起天籟蔽日無炎威  
危徑盤羊腸連薨聲飛幽谷響樵斧渾潭環釣磯  
唐詩類苑 卷之百六十五 三十一

因高見帝城冠蓋揚光輝白雪難持寄清韻投所希  
二公如長離比翼翔太微含情謝林壑酬贈駢珠璣  
顧予久卽潛愁寂對芳菲一聞丘中趣再撫黃金微  
送豆盧策歸別墅 孟郊

短松鶴不巢高居雲不一作棲君今一作蕭湘去意  
與雲鶴齊力買奇險地手開清淺溪身披薜荔  
衣一作山陟莓苔梯一卷冰雪文避俗常自攜

郭郊別墅寄所知

溫庭筠

持願望平綠萬景集所思南塘遇新雨百草生容姿  
幽鳥不相識美人如何期徒然多搖蕩惆悵春風時

碧澗別墅喜皇甫侍郎相訪

劉長卿

荒村帶返照落葉亂紛紛古路無行客寒山獨見君  
野橋經雨斷澗水向田分不爲憐同病何人到白雲  
答劉戒之早秋別墅見寄 白居易

涼風木槿籬暮雨槐花枝併起新秋思爲得故人詩  
避地烏擇木升朝魚在池城中與山下喧靜聞相思  
李先生別墅望僧舍寶刹因作雙韻聲

溫庭筠

棲息消心象簷楹溢瀝陽簾櫳闌露落隣里柳林涼  
唐詩類苑 卷之百六十五 三十一

高閣過空谷孤竿隔右岡潭廬同淡蕩髮鬢復菲芳  
春日題李中丞樊川別墅 項斯

心知受恩地到此亦徘徊上路移時立中軒隔宿來  
川光通沼沚寺影樓臺無限成暎樹花多向客開

宿崔邵池陽別墅

馬戴

楊柳色已改郊原日復低煙生寒渚上霞散亂山西  
待月人相對驚風鴈不齊此心君莫問舊

國去將迷

別墅

李山甫

此地可求息開門足野情聰明雨初歇日落風更清



蒼蘚槎根匝碧煙水面生翫奇心自樂暑月聽蟬聲

題崔行先石室別墅 鄭巢

山空水繞籬幾日此棲遲採菊頻吟醉雷僧擬夜棋  
桂陰生野菌石縫結寒漸更喜遲留洞壑君與我知

遠歸別墅 李昌符

馬省曾行處漸渡晚河忽驚鄉樹出漸識路人多  
細徑穿禾黍頽垣蘆薜蘿乍歸猶似客隣叟亦相過

送夏侯校書歸華陰別墅 盧綸

山前白鶴村竹雪覆柴門候客定爲黍務農因燎原  
乳水懸暗井蓮石照晴軒黃酒隣里睦曝衣塲圃喧

唐詩類苑 卷之三 三

依然望 余怕亦何尋

娥兄渭口別業 鄭谷

枯桑河上村寥落舊田園少小曾來此悲涼不可言  
訪隣多指塚問路半移原久歎家僮散初晴野莽繁

客帆懸極浦漁網曬危軒苦澀詩盈篋荒唐酒滿樽  
高枝霜果在幽渚暝禽喧遠靄籠樵響微煙起燒痕

哀榮孤族分感激外兄恩三宿忘歸去主峯恰對門

宿城南亡友別墅 溫庭筠

水流花落嘆浮生又伴遊人宿社城還似昔年殘夢  
裏透簾斜月獨聞鶯

新營別墅寄兄 竇羣

嬾性如今成野人行藏由興不由身莫驚此度歸來  
晚買得山居正值春

崔常侍濟上別墅 白居易

求榮爭寵任紛紛脫葉金貂祗有君散員疎去未爲  
貴小邑陶休何足云山色好當晴後見泉聲宜向醉  
中聞主人憶爾爾知否拋却青雲歸白雲

送襄垣王君歸南陽別墅 韓翃

都門霽後不飛塵草色萋萋滿路春雙兔坡東千室  
吏三鴉水上一歸人愁眠客舍衣香滿走渡河橋馬

唐詩類苑 卷之百六十五 圭

汗新少婦北來多遠望應知蟪蛄上羅巾

題錢宇別墅 朱慶餘

林居向晚饒清景惜去非關戀酒杯石淨每因杉露  
滴地漸覺水禽來藥蔬秋後供僧盡竹杖吟中望

月回紅葉閑飄離落迴行人遠見草堂開

送周使君罷渝州歸郢州別墅 劉禹錫

劉禹錫

君恩郢上吟歸去故自渝南擲郡城  
舸綠蘿陰下到山莊池荷雨後方香九夏草春深緩  
帶長只恐鳴騶催道上不容行得晚松亭

許員外新陽別墅

方干

蘭汀橘島映亭臺不是經心卽手栽  
滿閣白雲隨雨去一池寒月逐潮來  
小松出屋和巢長新徑通村避  
筍開柳絮風前欹枕卧荷花香裏釣魚回  
園中認藥分靈草簷下攀枝落野梅  
莫恣高情求逸思須防急詔用長才  
若因螢火低殘卷便把漁歌送幾杯  
多謝鄧山賢太守常時談笑許趨陪

唐詩類苑

卷之三頁五

古

唐詩類苑卷第一百六十六

明雲閣張之象玄超甫纂輯

雲閣干燕芳卽先甫編次

雲間王微叔則甫補訂

梁谿曹仁孫伯安甫校正

居處部

精舍

藍田山石門精舍

王維

落日山水好漾舟信歸風玩寄不覺遠  
因以緣源窮遙愛雲木秀初疑路不同  
安知清流轉偶與前山通

唐詩類苑

卷之三頁六

一

拾舟理輕策果然愜所適老僧四五人  
逍遙蔭松柏朝梵林未曙夜禪山更寂  
道心及牧童世事問樵客晚宿長林下  
焚香臥瑤席澗芳襲人衣山月映石壁  
再尋畏迷誤明發更登歷笑謝桃源人  
花紅復來覲

題辨覺精舍

儲光羲

朝隨秋雲陰乃至青松林花閣空中遠  
方池巖下深竹風亂天語溪響成龍吟  
試問眞君子遊山非世心

至閑居精舍呈正上人

儲光羲

太室三招提其趣皆不同不同非一趣  
况是天遊宮雙嶺前夾門閣道復橫空  
寶坊若花積宛轉不可窮

流泉自成池青松信曉風秋晏景氣回晶明丹素功  
近將隱者居隣與西上通大師假惠照念以息微躬

宿岸道人精舍

閻防

早梅參道風放情入寥廓重經息心侶遂果巖下諾

歛迹辭人間杜門守寂寞秋風剪蘭蕙霜氣冷淙壑  
山牖見燃燈竹房聞搗藥願言捨塵事所趣非龍蠖

麓山精舍送莫侍御歸寧 張謂

見人部觀省

藍嶺精舍

韋應物

石壁精舍高排雲聊直上佳遊愜始願忘險得前賞

唐詩類苑 卷之二頁六

二

崖傾景方晦谷轉川如掌綠林含蕭條飛閣起弘敞

道人上方至深夜還獨往日落群山陰天秋百泉響

所嗟累已成安得長偃仰

韓協律相送精舍讀書四韻奉寄呈陸補闕

朱慶餘

白鶴西山別更看上去船遙知尋寺路應念宿江烟

到處無閑日回期已隔年何因陪夜坐清論諫臣邊

靜林精舍梁武隱所有鐘磬古物

釋靈一

靜林溪路遠蕭帝有遺踪水聲羅浮磬山鳴子闌鐘

煙傳三世火樹老萬株松無復煙霞色空聞昔臥龍

舟次通泉精舍

鄭谷

江清如洛汭寺好似香林勞倦孤舟裏登臨半日間

樹涼巢鶴健巖響語僧閒更共幽雲約秋隨絳帳還

自大林與韓明府歸郭中精舍

釋靈一

野客中舟楫相携復一歸孤烟生暮景遠岫帶春輝

不道還山是誰云向郭非禪門有通隱喧寂共忘機

遊暖泉精舍

喻鳧

塢木殿前空山河澤國同鳥閑沙影上泉落樹陰中

唐詩類苑 卷之二頁六

三

纜舸蒲花水縈幡柳絮風條然方寸地何事更悲蓬

延壽里精舍寓居

賈島

旅託避華館荒樓逐愚慵短庭無繁植珍果春亦濃

側廬發局樞纖魄時臥逢耳目乃鄺井肺肝即巖峰

汲泉飲酌餘見我閑靜容霜蹊猶舒英寒蝶斷來踪

雙履與誰逐一尋青瘦節

題從姪成緒西林精舍書齋

韋應物

棲身齒始一作多暮息心君獨少慕謝始精文依僧欲

觀妙測泉前皆注清池北牕照果藥雜芬數松筠疎

舊峭屢躋幽人境每肆芳辰眺採栗玄猿宿樹芝丹  
林嶠紆衣豈寒禦蔬食非饑療雖甘巷北單一作單豈  
塞青紫耀郡有優賢楊朝編貢士詔欲同一作朱輪  
載勿憚移文誚

寓居永定精舍

蘇州

韋應物

政拙忻罷守閑居初理生家貧何由往夢想在京城  
野寺霜露月農興羈旅情聊租二頃田方課子弟耕  
眼暗文字廢身閑道心精即與人群遠豈謂是非嬰

秋景詣瑯琊精舍

韋應物

屢訪塵外跡未窮幽賞情高秋天景遠始見山水清

唐詩類苑

卷之百六

四

上陟巖殿憩暮看雲壑平蒼茫寒色起迢遞晚鐘鳴  
意有清夜戀身為符守嬰悟言一作方愛縑衣子蕭灑中  
林行

寓居開元精舍酬薛秀才見貽

許渾

知已蕭條信陸沈茂林扶疾臥西林菱荷風起客堂  
靜松桂月高僧院沈清露下時傷旅鬢白雲歸處寄  
鄉心勞君詩思猶相憶題在空齋夜夜吟

書院

同耿拾遺春中題第四郎新修書院

一作同  
錢員外

春中題薛  
少府新書院

盧綸

得接西園會多因野性同引藤連樹影移石間花叢  
學就晨昏外歡生禮樂中春遊隨墨客夜宿伴潛公  
散帙燈驚燕開簾月帶風朝朝在門下自與五侯通

宴趙氏昆季書院因與會文弁率爾投贈

盧綸

詩禮挹餘波相歡在琢磨琴樽方會集珠玉忽駢羅  
謝族風流盛于門福慶多花攢騏驎檻錦絢鳳巢  
詠雪因饒妹書經為愛鵝仍聞廣練被更有遠儒過

田將軍書院

賈島

唐詩類苑

卷之百六

五

滿庭花木半新栽石自平湖遠岸來笋迸隣家還長  
竹地經山雨幾層苔井當深夜泉微上閣入高秋戶  
盡開行背曲江誰到此琴書鎖着未朝迴

題壁

秋日題汝陽潭壁

劉希夷

獨坐秋陰生悲來從所適行見汝陽潭飛蘿蒙水石  
懸瓢木葉上風吹何歷歷幽人不耐煩振衣步閑寂  
迴流清見底金沙覆銀礫錯錯落非一文空隴幾千尺  
魚鱗可憐紫鴨毛自然碧吟詠秋水篇渺焉忘損益  
秋水隨形影清濁混心迹歲暮歸去來東山今宿昔

自巴東舟行經瞿塘峽登巫山最高峯晚過

題壁

李白

江行幾千里海月十五圓始經瞿塘峽逐步巫山巔  
巫山高不窮巴國盡所歷口邊攀垂蘿霞外倚穹石  
飛步凌絕頂極目無纖煙却顧失舟壑仰觀臨青天  
青天若可捫銀漢去安在望雲知蒼梧記水辨瀛海  
周遊孤光晚歷覽幽意多積雪照空谷悲風鳴森柯  
歸途行欲曛佳趣尚未歇江寒早啼猿松冥已吐月  
月色何悠悠清猿響啾啾辭山不忍聽揮策還孤舟  
早春過士嶺寄題硤石裴永廳壁

唐詩類苑

卷之五十八

六

蕭穎士

出硤寄趣少晚行偏憶君依然向來處官路溪邊雲  
茲路豈不劇能無俗累紛槐陰永未合泉聲細猶聞  
彌嘆春罷酒

從此分登高望城入斜影半風薰  
使至嵩山尋杜四不遇慨然復傷田洗馬韓

觀主因以題壁贈杜侯杜四

宋之問

洛橋瞻太室期子在雲烟歸來不相見孤賞弄寒泉  
與君闊松石於茲二十年田公謝昭世韓子秘幽埏  
憶昔同携手山棲接二賢笙歌入玄地詩酒坐寥天

舊友悉零落罷琴私自憐遊者非樂誤餐霞意  
爲餘理還策相與事靈仙

題隨州紫陽先生壁

李白

神農好長生風俗久已成復聞紫陽客早署丹臺名  
喘息餐妙氣步虛吟真聲道與古仙合心將元化并  
樓疑出蓬海鶴似飛玉京松雪牕外曉池水階下明  
忽耽笙歌樂頗失軒冕情終願惠金液提携凌太清  
重過壽泉憶與楊九別時因題店壁

白居易

商州南十里有水名壽泉涌出山崖下流經山店前

唐詩類苑

卷之五十八

七

憶昔相送日我去君言還寒波與老淚此地共潺湲  
一去歷萬里再來經六年形容已變改處所猶依然  
他日君過此殷勤吟此篇

題趙生壁

李賀

大婦燃竹根中婦春玉屑冬暖拾松枝日煙坐蒙滅  
未鮮青桐老石泉水聲發曝背臥庭東桃花滿肌骨

晉安建陰題壁

王勃

江漢深無極梁岷不可攀山川雲霧裏遊子幾時還

古意題徐令壁

陳子昂

白雲蒼梧來氛氲萬里色問君太平世栖泊靈臺側

吟元郎中白鬚詩兼飲雪水茶因題壁

白居易

吟詠霜毛句開嘗雪水茶城中展眉處只是有元家

醉題沈子明壁

白居易

不愛君池東十叢菊不愛君池南萬竿竹愛君簾下

唱歌人色似芙蓉聲似玉我有陽關君未聞若聞亦

應愁殺君

題司空圖壁

盧携常

姓氏司空貴官班御史卑老夫如且在不用歎屯奇

題江潮莊壁

萬楚

唐詩類苑

卷之五十六

八

田家喜秋熟歲晏林葉稀禾黍積場圃榴梨垂戶扉

野閑犬時吠日暮牛自歸時復落花酒茅齋堪樂饑

遊李山人所居因題屋壁

王維

世上人如夢狂來或自歌問年松樹老有地竹林多

藥倩韓康賣門容尚子過翻嫌枕席上無柰白雲何

題新鄉王釜廳壁

岑參

憐君守一尉家計復清貧祿米嘗不足俸錢供與人

城頭蘇門樹栢上黎陽塵不是舊相識聲同心自親

題丹陽司馬廳壁

薛據

高鑒清洞徹儒風入進難詔書增寵命才子亦能官

門帶山光晚城臨江水寒唯余好文客時得詩

題玄武禪師屋壁

杜甫

何年顧虎頭滿壁畫滄洲赤日石林氣青天江海流

錫飛常近鶴杯度不驚鷗似得廬山路真從惠遠遊

題忠州龍興寺所居院壁

杜甫

忠州三峽內并邑聚雲根小市常爭米孤城早閉門

空看過客淚莫覓主人恩淹泊仍愁虎深居賴獨園

題栢大兄弟山居屋壁二首

杜甫

叔父朱門貴郎君玉樹高山居精典籍文雅涉風騷

唐詩類苑

卷之五十六

九

江漢終吾老雲林得爾曹哀絃繞白雪未與俗人操

二

野屋流寒水山籬帶白雲靜應連虎穴喧已去人群

筆架霑牕雨書籤映隙隙蕭蕭千里馬箇箇五花文

題鄭原郭三十二明府茆屋壁

杜甫

江頭且繫船為爾獨相憐雲散濯壇雨春青彭澤田

頻驚適小國一擬問高天別後已東遠逢人問幾賢

題陳季壁

錢起

野人何苦調飲水仍布衾烟火畫不起蓬蒿春欲深

前庭少喬木隣舍聞新禽雖有徵賢詔終傷不遇心

題吳通微主人壁

錢起

食貧無盡日有願幾時諧一作不知青雲器良願幾時諧長嘯秋光

晚誰知志士懷朝烟不起竈寒葉欲連塔飲水仍留

我孤燈點一作詩夜齋

題朱慶餘所居

賈島

天寒吟竟曉古屋瓦生松寄信船一隻隔鄉山萬重

樹來沙岸鳥應度雪樓鐘每憶江中嶼更看城上峯

題李上墓壁

李商隱

舊著思玄賦新編雜擬詩江庭猶近別山舍得幽期

唐詩類苑

卷之百五十六

十一

嫩割周顒韭肥烹鮑照葵飽聞南燭酒仍及撥醅時

題友人屋

李昌符

松底詩人宅閑門遠岫孤數家分小徑一水截平蕪

竹節偶相對鳥名多自呼愛君真靜者欲去又踟躕

題吳發原南居

馬戴

閑居誰厭僻門掩漢祠前山色夏雲映樹陰幽草連

晴光分渚曲綠氣冒原田何日遠遊罷高枝已噪蟬

酬豆盧倉曹題庫壁見示

韋應物

採局勞才子新詩動洛州運籌知決勝聚米以論邊

安罷常分騎晨趨又比肩莫嗟年歲改郎署定推先

江村題壁

李商隱

沙岸竹森森維舟聽越禽數家同老壽一逕自陰陰

喜客嘗留橘應官說採金傾壺真得地愛日靜霜

題長安主人壁

孟浩然

久廢南山田叨陪東閣賢欲隨平子去猶未獻甘泉

枕席琴書滿寥帷遠岫連我來如昨日庭樹忽鳴蟬

促織驚寒女秋風感長年授衣當九月無褐竟誰憐

玉山東溪題李叟屋壁

錢起

霞景已斜照烟溪方暝投山家歸路僻轍跡亂泉流

野老採薇暇蝸廬招客幽麝屐突荒院鷓鴣步閑疇

唐詩類苑

卷之百五十六

十一

偶此愜真性令人輕宦遊

天門谷題孫逸人石壁

錢起

崖石亂流處竹深斜照歸主人臥礧石心耳滌清暉

春雷近作解空谷半芳菲雲棟綵虹宿藥圃蝴蝶飛

惡翳慕嘉遁幾夜瞻少微相見竟何說忘情同息機

題玉山村叟壁

錢起

谷口好泉石居人能陸沈牛羊下山小烟火隔雲深

一逕入溪色數家連竹陰藏虹辭晚雨驚隼落殘禽

涉趣皆流目將歸羨在林却思黃綬事辜負紫芝心

和吳處士題村叟壁

李商隱



因閱鄉居景歸心寸火燃吾家依碧嶂小檻枕清川  
遠雨籠孤戍斜陽隔斷烟沙虛遺虎跡水狀聚蛟涎  
糲麴芟汀蓼甘茶挈石泉霜朝巡栗樹風夜探魚船  
戲日魚呈腹翹灘鷺並肩蒼尋盤石淨酒傍野花妍  
器以鋤爲利家惟竹直錢飯香同豆熟湯暖摘松煎  
睡島鳬藏足攀藤欲凍拳淺茅鳴闌雉曲枿嘯寒鳶  
秋果櫨梨澀晨羞笋蕨鮮衣蓑留冷閣席草種閑田  
椎髻檐舖餉厖眉識稔年嚇鷹芻戴笠驅犢條克鞭  
不重官於社常尊食作天谷深靄蔽峯迴白雲纏  
每憶關魂夢長誇表愛憐覽君書壁句誘我率成篇

唐詩類苑

卷之二頁六

十一

題李員外廳

李山甫

石砌蛩吟響草堂人語稀道孤思絕唱年長漸知非  
名利終成患煙霞亦可依高丘松蓋古閑地藥苗肥  
猿鳥啼嘉景牛羊傍晚暉幽棲還自得清嘯坐忘機  
愛彼人深處白雲相伴歸

題李別駕壁

高適

去鄉不遠逢知己握手相歡得如此禮樂遙傳魯伯  
禽賓客爭過魏公子酒筵暮散明月上櫪馬長鳴春  
風起一生稱意能幾人今日從君問終始

醉題匡城周少府壁

岑參

婦姑城南風雨秋婦姑城中人獨愁愁雲遮却  
處數日不上西南樓故人薄暮公事閒玉壺美酒  
珀殷頽陽秋草今黃盡醉臥君家猶未還

題長安主人壁

張謂

世人結交須黃金黃金不多交不深縱令然諾暫相  
許終是悠悠行路心

題楊秘書新居

張籍

愛閑不向爭名地宅在街西最靜坊卷裏詩過一千  
首白頭新受秘書郎

戲題友人壁

李商隱

唐詩類苑

卷之二頁六

十三

化逕逶迤柳巷深小闌亭午嘯春禽相如解作長門  
賦却用文君取酒金

題李十一修行里居壁

元稹

雲闕朝回塵騎合杏花春盡曲江閑憐君雖在城中  
住不隔人家便是山

春晚書山家主人壁

僧貫休

深門寂寂黍飯馨山家烟火春雨晴庭花濛濛不冷  
冷小兒啼索樹上鶯

書原上鮑處士屋壁

方干

木闌坐看千萬里青蕪蓋地接天涯  
莫愛山中

靜遠舍山多却礙人

戲題諸判官廳壁

包 佶

六十老翁無所取二三君子不相遺  
願留今日交歡意直到陳官謝病時

秋夜戲題盤方平壁

皇甫冉

鴻悲月白時將謝正可招尋惜遙夜翠帳蘭房曲且  
深不知戶外清霜下

官不來題皇甫湜先輩廳 李 賀

官不來官庭秋老桐錯幹青龍愁書司曹佐走如牛  
疊疊問佐官來否官不來門幽幽

唐詩類苑

卷之二百六

十四

題玄武禪師屋壁

嚴 武

臥向巴山月落時兩鄉千里夢相思可但步兵偏愛  
酒也知光祿最能詩江頭赤葉楓愁客籬外黃花菊  
對誰歧馬望君非一度冷猿秋燕不勝悲

題慈谿張丞壁

方 干

因君貳邑藍溪上遣我維舟紅葉時共向鄉中非半  
面俱驚鬢裏有新絲竹看廉潔成三考應無忘疎捨  
一枝貌似故人心尚喜相逢况是舊相知

和友人題壁

周 質

冲上猶來出範圍肯將經濟一作世作風微三台位一作

嚴陵臥百戰功高范蠡歸剡欲一名添一作自俗  
寢不應孤憤學牛衣西州未看暮暇澗戶何因一作  
曲得掩扉

書桃花塢周處士壁 方 干

醉吟雪月思深苦思苦神勞新髮生自學古賢脩靜  
節唯應野鶴譚高情細泉出石飛難盡孤燭和雲濕  
不明何事夢嵇叔夜更無書札答公卿

與夢得偶同到敦詩宅感而題壁

白居易

山東纔副蒼生願川上俄驚逝水波履道淒涼新第

唐詩類苑

卷之二百六

十五

宅宣城零落舊笙歌園荒惟有新堪採門冷兼無雀  
可羅今日相隨偶同到傷心不是故經過

題岐王舊山池石壁 白居易

樹深藤老竹回還石壁重重錦翠斑俗客看來猶解  
愛忙人到此亦須閑况當霽景涼風後如在千巖萬  
壑間黃綺更歸何處去洛陽城內有商山

題扉

臥病李員外題扉而去 錢 起

僻陋病者居蒿萊行遲失誰知簪紱貴一作憂疾  
珂聲未駐門開氣先入室沈疴不冠帶安得侍蓬

清揚去莫尋誰念頃來侵雀梅高隱靜日出修竹陰  
枕上憶君子悄悄唯苦心

題門

晚歸嚴明府題門

錢起

降士林雲草寒強驚輶苑失鴛鴦秋中回首君門  
阻馬上應歌行路難

題居

訪題進士張喬延興門外所居

鄭谷

平居苦節同旦夕會原東掩卷斜陽裏看山落木中

唐詩類苑

卷之百六

十

星霜吟欲老江海業全空近日文場內因君起古風

題石室山王宇所居

罷官

馬戴

白雲知所好栢葉幸加餐石鏡妻將照仙書我借看  
鳥來翻藥碗猿飲怕魚竿借問巖前樹何枝曾挂冠

題水部李羽員外招國里居

鄭谷

野色入前軒條然琴與樽畫僧依寺壁栽葦學江村

自醒色前醉誰敲雪裏門不辭朝謁遠注要近慈恩

江上題所居

韋莊

故人相別盡朝天苦竹江頭獨閉關落日飢蟬蕭帝

唐詩類苑卷第一百六十七

明雲間張之象玄超甫纂輯

雲間干燕芳馭先甫編次

雲間王微叔朗甫補訂

梁谿曹仁孫伯安甫校正

居處部

山居

山居

麋鹿自成羣何人到白雲山中無外事終日醉醺醺

山居

李咸用

唐詩類苑

卷之百六十七

草堂書一架苔徑竹千竿難世投誰是清貧且自安

鄰居皆學稼客至亦無官焦尾何人聽涼宵對月彈

山居

王建

居在瀑泉西茅屋下有溪閉門留野鹿分食養山雞

桂熟長收子蘭生不作畦初開洞中露深處轉松梯

山居

朱慶餘

歸來青壁下又見滿籬霜轉覺琴齋靜閑從菊地荒

山泉共鹿飲林果讓僧嘗時復收新藥隨雲過石梁

山居

白居易

山齋方獨往塵事莫相仍籃輿辭鞍馬緇徒換友朋

朝食唯藥菜夜伴只紗燈除却青衫在其餘便

山居

僧可止

雪消春力展花漫洞門垂果長纖枝曲品崩直道  
重後圍淺井關鼠下跡籬寒食煙微有高風勢微

山居三首

鄭雲叟

見有人尋移庵更入深落花流澗水明月照松林  
醉勸頭陀酒閒教孺子吟身同雲外鶴斷得世塵侵

二

冥心栖太室散髮侵流泉採柏時逢麝看雲忽見山  
夏狂衝雨戲春醉戴花眠絕頂登雲望東都一點烟

唐詩類苑

卷之百六十七

二

三

不求朝野知臥見歲華移採藥歸侵夜聽松飯過時  
荷竿尋水釣背局上崑基祭廟人來說中原正亂離

歸山居寄錢起

李端

悵望青山下迴頭淚滿巾故鄉多古樹落日少行人  
髮鬢將回色簪纓未到身誰知武陵路亦有漢家臣

寄贈暢當山居

盧綸

古村荒石路歲宴獨言歸山雪厚三尺社榆籠十圍  
虬龍寧守蟄鸞鶴豈矜飛君子固安分毋聽勞者譏

題山居逸人

黃滔

十畝餘蘆葦新秋看雪霜世人誰到此塵念自應  
斜日風收釣深秋雨信梁不知幾闕下何以謂軒裳

尋張逸人山居

劉長卿

危石纔通鳥道空山更有人家桃源定在深處澗水  
浮來落花

早春山居寄城中知己

姚合

陽和潛發蕩寒陰便使川源景象深入戶風泉聲瀝  
瀝當軒雲岫自沉沉殘雲帶雨輕飄雪嫩柳含煙小

綻金雖有眼前詩酒興邀遊爭得稱閑心

山居十首

僧貫休

唐詩類苑

卷之百六十七

三

休話喧譁事難山翁只合住深山數聲清磬是非  
外一箇閑人天地間綠園空堦雲冉冉異禽靈草水

潺潺無人爲向羣儒道若桂枝高更好攀

誰是言休即便休高吟靜坐碧峰頭三間茅屋無人  
到十里松門獨自遊明月清風宗炳社夕陽秋色庾

公樓修心未到無心地萬種千般逐水流

露滴紅蘭玉繞畦開拖象屐到峰西但令心似蓮花  
潔何必身將槁木齊古壑細煙紅樹老半岩殘雪白

猿啼雖然不是桃源洞春至桃花亦滿溪

嵐嫩風輕似碧紗雲樓金像滿煙霞葛苞玉粉生香

龍菌簇銀丁出靜槎舉世只知嗟逝水無人微解悟  
空花可憐擾擾塵埃裏雙髻如絲事似麻

心心心不住希夷石室巉岩白髮垂惜竹不除當路  
笋愛松留得礙人枝焚香開卷霞生砌捲箔冥心月  
在池無限故人頭已白不知今日復何之

一菴瞑日在穹冥菌枕松床蘚陣青乳鹿暗行樵徑  
雪瀑泉微濺石樓經閑吟不覺過天井長嘯還能動  
嶽靈應恐無人知此意非凡非聖獨醒醒

五嶽烟霞連不斷三山洞穴去應通石牕欹枕踈踈  
雨水碓無人浩浩風童子念經深竹裏獼猴拾蝨夕

唐詩類苑

卷之五十七

四

陽中因嗟往事拋心力六七年來楚水東

翠寶烟岩畫不成桂華瀑沫雜芳馨撥霞掃雪和雲  
母掘石移松得茯苓好鳥似花窺玉磬嫩苔如水沒  
金瓶從他人笑從他笑地覆天翻也只寧

自古浮華能幾幾逝波終日去滔滔漢王廢苑生秋  
草吳王荒宮入夜濤滿屋黃金機不息一頭白髮氣  
猶高豈知物外金仙子甘露天香滴毳袍

自休自了自安排常願居山事偶諧僧採樹皮臨絕  
壑枕爭山果落空堦閑檐茶器綠青嶂靜衲禪袍坐  
綠崖虛作新詩反招隱出來多與此心乖

石處士山居

王維

君子盈天階小人耳自免方隨鍊金客林上家絕  
背嶺花未開入雲樹深淺清晝猶自眠山鳥時一嘯

韋侍郎山居

王維

幸忝君子顧遂陪塵外蹤閑花滿巖谷瀑水映杉松  
啼鳥忽臨澗歸雲時抱峰良遊盛簪紱繼跡多夔龍  
詎枉青門道胡聞長樂鐘清晨去朝謁車馬何從容

題嵩山逸人元丹丘山居

并序 李白

白久在廬霍元公近遊嵩山故交情深出處無間  
巖信頻及許爲主人欣然適會本意當冀長往不

唐詩類苑

卷之五十七

五

返欲便舉家就之兼書共遊因有此贈

本家紫雲山道風未淪落沉懷丹丘志冲賞歸寂寞  
竭來遊閩荒捫涉窮禹鑿黃緣泛湖海偃蹇涉廬霍  
馮雷躡天窻弄景憇霞閣且欣登眺美頗愜隱淪諾  
三山曠幽期四岳聊所託故人憇嵩嶺高義炳丹牋  
滅跡遺紛囂終言本峰壑自矜林湍好不羨朝市樂  
偶與真意并頓覺世情薄爾能折芳桂吾亦採蘭若  
拙妻好乘鸞嬌女愛飛鶴提携訪神仙從此鍊金藥

題元丹丘穎陽山居

并序

李白

丹丘家于穎陽新市別業其地北倚馬嶺連峰嵩

丘南瞻鹿臺極目汝海雲崑映鬱有佳致焉白  
之遊故有此作

仙遊度潁水訪隱同元君忽遺蒼生望獨與洪崖羣  
十地初晦跡興言且成文却顧北山斷前瞻南嶺分  
遙通汝海月不隔嵩丘雲之子合逸趣而我欽清芬  
舉跡倚松石談笑迷朝暉益願狎青鳥拂衣棲江濱

題元丹丘山居

李白

故人棲東山自愛丘壑美青春臥空林白日猶不起  
松風清襟袖石潭洗心耳羨君無紛喧高枕碧霞裏

過沈氏山居

錢起

唐詩類苑

卷之一百六十七

六

雞鳴孤煙起靜者能卜築喬木出雲心閑門掩山腹  
貧交喜相見把臂歡不足空林留宴言永日清耳目  
泉聲冷樽俎荷氣香童僕往往仙犬鳴樵人度深竹  
酒酣出谷口世網何羈束始願今不從區區折腰祿

山居貽裴十二履道廸

儲光羲

落葉滿山砌蒼烟埋竹扉遠懷青冥士書劒常相依  
霜臥眇茲地琴言紛已違衡陽今萬里南鴈將何歸  
出徑惜松引入舟憐釣磯西林有明月夜久空微微

秋霖中過縱之仙遊山居

白居易

慘慘八月暮連連三日霖邑居尚愁寂况乃在山林

林下有志士苦學惜光陰歲晚千萬慮併入方寸  
岩鳥共旅宿草蟲伴愁吟秋天床席冷雨夜燈火深  
憐君寂寞意携酒一相尋

山居酬韋蘇州見寄

暢當

孤茅泄煙處此中山叟居親雲寧有事耽酒詎知余  
水定鶴翻去松欹峰儼如猶煩使君問更欲結環廬

送丘員外歸山居

韋應物

郡閣始嘉宴青山憶舊居爲君量華履且願住籃輿  
會稽山居寄薛播侍郎袁高給事高參舍人

秦系

唐詩類苑

卷之二百六十七

七

稷契今爲相明君復是堯寧知買臣困猶負會稽樵

題石室山王君所居

學道

秦系

白雲知所好柏葉幸加餐石鏡妻將照仙書我借看  
鳥來翻藥碗猿飲怕魚竿借問岩前樹柯枝曾掛冠

和韋開州山居十二首

張籍

宿雲亭

清淨當深處虛明向遠開卷簾無俗客應只見雲來

梅溪

自愛新梅好行尋一徑斜不教人掃石恐損落來花

茶嶺

紫芽連白藥初向嶺頭生自看家生摘尋常解

流杯渠

淥酒白螺杯隨流去復回似知人把處各向面前來

盤石磴

壘石盤空遠層層勢不危不如行幾匝得到上頭時

桃塢

春塢桃花發多將野客遊日西殊未散看酒缸頭

竹巖

獨入千竿裏綠巖踏石層笋頭齊欲出更不許人登

琵琶臺

唐詩類苑

卷之五十七

八

臺上綠蘿春閑登不待人每當休暇日着履戴紗巾

胡蘆沼

曲沼春流滿新蒲映野鵝閑齋朝飯後拄杖遶行多

隱月岫

月出深峰裏清涼夏亦寒每嫌西落疾不得到明看

繡衣石榻

山城無別味藥草兼魚果時到繡衣人同來石上坐

上士泉餅

塔上一眼泉四邊青石甃惟有護淨僧添餅將盥漱

山居即事

王維

寂寞掩柴扉蒼茫對落暉鶴巢松樹使人訪草門稀

韋給事山居

王維

幽尋得此地詎有一人曾大壑隨階轉羣山入戶登

庖廚去深竹印綬隔垂藤即事辭軒冕誰云病未能

題魏仲光淮山所居

皇甫冉

人羣不相見乃在白雲間問我將何適羨君今獨閒

朝朝汲淮水暮暮上龜山幸已安貧定當從髻髮斑

送韋山人歸鍾山所居

皇甫冉

逸人歸路遠弟子出山迎服藥顏雖駐耽書癖未成

唐詩類苑

卷之五十七

九

柴扉度歲月藜杖見公卿更閱儒林傳還應有姓名

送劉兵曹還隴山居

皇甫冉

離堂徒燕語行子徂悲辛雖是還家路終爲隴上人

先秋雪已滿近夏草初新唯有聞羌笛梅花曲裏春

送鄭員外入茅山居

皇甫冉

且見全家去寧知幾日還白雲迎俗物流水出人間

冠冕人遺世神仙事滿山其中應有物豈貴一身閒

送元晟歸潛山所居

皇甫冉

深山秋事早歸去復何如裊露收新稼迎寒葺舊廬

題詩即招隱作賦是閒居別後空相憶嵇康獨寄書



送元評事歸山居 錢起

憶家望雲路東去獨依依水宿隨漁火山行到竹扉  
寒花催酒熟山犬喜人歸遙羨書窻下千峰出翠微

題溫處士山居 錢起

誰知白雲裏別有綠蘿春苔繞溪邊徑花侵洞裏人  
逸妻看種藥稚子伴垂綸頰上逃堯者何如養此真

過孫員外藍田山居 錢起

不知香署客謝病翠微間去幄蘭將老辭車雉亦閑  
近山雲出洞當戶竹連山對酒溪霞晚家人採蕨還

雨中過員稷巴陵山居贈別

唐詩類苑

卷之二十一

十一

劉長卿

憐君洞庭上白髮向人垂積雨悲幽獨長江對別離  
牛羊歸故道猿鳥聚寒枝明發遙相望雲山不可知  
歸弋陽山居留別盧邵二侍御

劉長卿

陂渺歸何處沿流附客船久依鄱水住頻悅越人田  
偶俗機偏少安閒性所便祇應君少慣又欲寄林泉

將赴京師留題孫處士山居二首

許渾

草堂近西郭遙對敬亭開枕脈海雲起簾凉山雨來

高歌懷地肺遠賦憶天台應學相如志終須駟馬回

二

西巖有高興路僻幾人知一作有松陰花開晚一作

山寒酒熟遲游從隨野鶴休息遇靈龜常見鄰翁說

容華似舊時

題陳正字山居 李咸用

怪來忘祿位習學近瀟湘見處雲山好吟中歲月長  
花光籠晚雨樹影浸寒塘幾日憑欄望歸心自不忙

題王氏山居 李咸用

簷有煙嵐色地多松竹風自言離亂後不到鼓鼙中

徑柳拂雲綠山櫻帶雪紅雨邊青嶂下時見採芝翁

寄友人山居 黃滔

斷嶠滄江上相思恨阻尋高齋秋不掩幾夜月當吟  
落石有泉滴盈庭無樹陰茫茫名利內何以拂塵襟

題李山人幽居 張籍

襄陽南郭外茅屋一書生無事焚香坐有時尋竹行  
畫苔藤杖細踏石筍鞋輕應笑風塵客區區逐世名

鄭補闕山居 李洞

高節諫垣容白雲居靜訪馬飢落葉鵲病曉殘陽  
野霧昏朝燭溪澣惹御香相招倚蒲壁論句夜何長

奉和段著作山居呈諸同志三首次本韻

僧無可

香花懷道侶巾舄立雙童解印驚鴻內抽毫水石中  
履溫行燒地衣赤動霞風又似朝天去諸僧不可同

二

官辭中秘府疎放野麋齊偃仰青霄近登臨白日低  
折腰窺乳竇定足涉水溪染翰揮嵐翠僧名幾處題

三

暫收丹陛跡獨往亂山居入雪知人遠眠雲覺俗虛  
足垂巖頂石纓濯洞中渠只見僧酬答新歸絕壑書

唐詩類苑

卷之五十七

十一

詹磻山居

方干

愛此棲心靜風塵路已賒十餘莖野竹一兩樹山花  
遶石開泉細穿蘿引徑斜無人會幽意來往在烟霞

同李益崔放送王鍊師還樓觀兼爲羣公先

營山居

孟郊

十年白雲士一卷紫芝書來結崆峒侶還期縹緲居  
霞冠遺彩翠月帔上空虛寄謝泉壽水清冷閑有餘

宿友人山居寄司徒相公二首

李建勳

雨雪正霏霏令人不憶歸地爐僧坐煖山枿火聲肥

隔紙烘茶葉移鐙剝芋衣知君在霄漢此興得還

二

郢客相尋夜荒庭雪灑簷虛堂看向曙吟坐共忘勞  
溪凍聲全滅燈寒焰不高他人莫相笑未易會吾曹

宿山居

朱慶餘

山店燈前客躋身未有嫌鄉關貧後別風雨夜深來  
上國求丹桂衡門長綠苔堪驚雙鬢雪不待歲寒催

宿鄭諫議山居

僧曇域

堂開星斗邊大諫採薇還禽隱石中樹月生池上山  
涼風吹詠思幽語隔禪關莫擬歸城計終防此地閑

唐詩類苑

卷之五十七

十三

徐侍郎素未相識携酒命饌兼命詩客同訪

會稽山居

秦系

忽道仙翁至幽人學拜迎華簪窺甕牖珍味代藜羹  
洗硯魚仍戲移尊鳥不驚蘭亭攀叙却會此越中營

秋晚拾遺朱放訪山居

秦系

不逐時人後終年獨閉關家中貧自樂石上卧常閒  
墜栗添新味殘花帶老顏侍臣當獻納那得到空山

過山人所居因寄諸遺補錢起

空谷春雲滿愚公晦跡深一隨玄豹隱幾換綠蘿陰  
絕徑人稀到芳蓀我獨尋厨烟住峭壁酒氣出重林

蝴蝶晴還舞黃鸝晚暫吟所思青瑣客瑤草寄幽心

始爲奉禮憶昌谷山居 李賀

掃斷馬蹄痕衙迴自閉門長鎗江米熟小樹棗花春  
向壁懸如意當簾開角巾犬書曾去洛鶴病悔遊秦  
土甌封茶葉山杯鎖竹根不知船上月誰棹滿溪雲

過鄭山人所居 劉長卿

寂寂孤鶯啼杏園寥寥一犬吠桃源落花芳草無尋  
處萬壑千峰獨閉門

山居喜友人見訪 李洞

入雲晴斷茯苓還日暮逢迎水石間看待詩人無別  
唐詩類苑 卷之二十一 齒

物半潭秋水一房山

垣縣山中尋李書記山居不遇留題河次店 韋莊

韋莊

白雲紅樹坑峴東名鳥羣飛古畫中僊吏不知何處

隱山南山北雨濛濛

題贈張道士山居 秦系

盤石垂蘿即是家園頭猶看五枝花松間寂寂無煙

火應報朝來一片霞

題山居 曹鄴

掃葉煎茶摘葉書心閑每夢尋山處 武恩波

晚豈是嚴君戀釣魚

題友人山居 戴叔倫

四郭青山處處同客懷無計荅秋風數家茅屋清溪  
上千樹蟬聲落日中

送處士武君歸章洪山居 許渾

形影無羣消息沉登門三繫血沾襟皇綱一日開冤  
氣青史千年重壯心却望烏臺春樹老獨歸蝸舍暮  
雲深何時縱有徵書至雪滿重山不可尋

元山自洛歸宛陵山居見示詹事相公餞 許渾

行之什因贈

唐詩類苑 卷之二十一 齒 圭

紫霄峰下絕羣編舊隱相如結襪前 元君隱廬山學

服云 月落尚流東閣醉風高還憶北窗眠江城夜別

蕭蕭雨山檻晴歸漠漠煙一頃豆花三頃竹想應拋

却釣魚船

題勤尊師歷陽山居 許渾

師即思奉之孫頃爲故相國肖公錄用相國致政

尊師亦自邊將入道因贈是詩

三十知兵在羽林中年潛識子房心蒼鷹出塞胡塵

滅一作 白鶴還鄉楚水春深圻酒瓶浮一作 藥氣晚

携碁局帶松陰雞籠山上雲多處自斲黃精不可

題崔處士山居

許渾

坐窮今古掩書堂二頃湖田一半荒  
荆樹有花兄弟樂橘林無實子孫忙  
龍歸曉洞雲猶濕麝過春山草自香  
向夜欲歸心萬里故園松月更蒼蒼

題韋長史山居

許渾

一宮唯買畫公堂但得身閑日自長  
琴曲少聲重勘譜藥丸多忘更尋方  
溪浮箬葉添杯綠泉遶松根助茗香  
明日鰕魚何處釣門前春水似滄浪

送李處士弋陽山居

權德輿

暫來城市意何如卻憶舊陽溪上居  
不憚薄田輸井

唐詩類苑

卷之二十一

七

稅自將佳句著州閭波飜極浦檣竿出  
霜落穠郊樹影疎想到家山無俗侶逢迎  
只是坐藍輿

和李中丞與李給事山居雪夜同宿小酌

白居易

憲府觸邪義豸角瑣闥駁正犯龍鱗那知  
近地齊名客忽作深山同宿人一盞寒燈雲  
外夜數杯溫酎雪中春林泉莫作多時計諫  
獵登封憶舊臣

香爐峰下新卜山居草堂初成偶題東壁五

首

白居易

五架三間新草堂石階柱竹編牆雨簷納日  
冬天

暖北戶迎風夏月涼灑然泉纔有點拂窻  
成行來春更葺東廡屋紙閣簾簾著孟光

喜入山林初息影厭趨朝市久勞生早年薄  
有烟霞志歲晚深諳世俗情已許虎溪雲裏臥  
不爭龍尾道前行從茲耳界應清淨免見啾啾  
毀譽聲

長松短下小谿頭斑斑鹿胎巾白布裘藥圃茶園  
爲產業野麋林鶴是交遊雲生澗戶衣裳潤嵐  
隱山厨火燭幽最愛一泉新引得清泠屈曲遶階流

日高睡足猶慵起小閣重衾不怕寒遺愛寺鐘  
欹枕聽香爐峰雪撥簾看匡廬便是逃名地司馬  
仍爲送

唐詩類苑

卷之二十一

七

老官心泰身寧是歸處故鄉可獨在上安  
宦途自此心長別世事從今口不言豈止行骸同土  
木兼將壽夭任乾坤曾中壯氣猶須遣身外浮榮何  
足論還有一條遺恨事高家門館未酬恩

夏日山居

魚玄機

移得仙居此地來花叢自遍不曾栽庭前亞樹張衣  
桁坐上新泉泛酒杯軒檻暗傳深竹徑綺羅長擁亂  
書堆開乘盡舫吟明月信任輕風吹却冠

題章野人山居

馬戴

帶郭茅亭詩興饒回看一曲倚危橋門前山色能深

淺壁上湖光自動搖開花散落填書帙戲鳥低飛柳條向此隱來經幾載如今已是漢家朝

題桃源處士山居留寄 劉滄

白雲深處葺茅廬退隱衡門與俗疎一洞曉烟留水上滿庭春露落花初開看竹嶼吟新月特酌山醪讀古書窮達盡爲身外事浩然元氣樂樵漁

過故人陳羽山居 戴叔倫

向來携酒共追攀此日看雲獨未還不見山中人半載依然松下屋三間峰攢仙境丹霞上水遶魚磯綠玉灣却望夏懷二妙滿崖霜樹曉斑斑

唐詩類苑

卷之二百六十七

十八

山居示靈澈上人 僧皎然

清明路出山初煖行踏春蕪看茗歸乍削柳枝聊代札時窺雲影學裁衣身閒始覺隨名是心了方知苦行非物外寂中誰似我松聲草色共無機

晚歸山居 劉滄

寥落霜空木葉稀初行郊野思依依秋深頻憶故鄉事日暮獨尋荒徑歸山影暗隨雲水動鐘聲潛入遠烟微娟娟唯有西林月不惜清光照竹扉

郭中山居 方干

莫見一瓢離樹上猶須四壁在林間沉吟不寐先聞

角屈曲登高自有山澱石迸泉聽未足亞窻紅堪攀公卿莫便遺名姓却與禽魚作往還

春山居 于鵠

獨來多任性惟與白雲期深處花開盡遲眠人不知水流山暗處風起月明時望見南峰近年年嬾更移

山居即事 戴叔倫

巖雲掩竹扉去鳥帶餘暉地僻生涯薄山深俗事稀養花分宿雨剪葉補秋衣野渡逢漁子同舟蕩月歸

唐詩類苑

卷之二百六十七

十九

簡吳郎司法 杜甫

有客乘舸自忠州遣騎安置瀼西頭古堂本買藉疎谿借汝遷居停宴遊雲石熒熒高葉曉風江颭颭亂帆秋却爲姻婭過逢地許坐曾軒數散愁

赤甲 杜甫

卜居赤甲遷居新兩見巫山楚水春炙背可以獻天子美芹由來知野人荊州鄭薛寄書近蜀客郗岑非我鄰笑接郎中評事飲病從深酌道吾真

野老 杜甫

野老籬前江岸迴柴門不正逐江開漁人網集澄潭下賈客船隨返照來長路關心悲劍閣片雲何意傍琴臺王師未報收東郡國秋生盡角哀

唐詩類苑卷第一百六十七終

唐詩類苑卷第一百六十八

明雲間張之象玄超甫纂輯

雲間于燕芳臯先甫編次

雲間王徹叔朗甫補訂

梁谿曹仁孫伯安甫校正

居處部

郊居

過前安宜張明府郊居

劉長卿

寂寥東郭外白首一先生解印孤琴在移家五柳成  
夕陽臨水釣春雨向田耕終日空林下何人識此情

唐詩類苑

卷之百六十八

郊居秋日有懷一二知己

溫庭筠

稻田鳬鴈滿晴沙釣渚歸來一逕斜門帶果林招邑  
吏井分蔬圃屬隣家臯原寂歷垂禾穗桑竹參差映  
豆花自笑謾懷經濟策不將心事許烟霞

林居

林居喜崔三博遠至

伍喬

幾日區區在遠程晚煙林徑喜相迎姿容雖有塵中  
色巾屨猶多嶽上清野石靜排爲坐榻溪茶深煮當  
飛觥留連話與方經宿又欲携書別我行

村居

村居即事

王建

休看小字大書名向日持經眼却明時過無心求富貴身閑不夢見公卿因尋寺裏薰辛斷自別城中數生斜月照房新睡覺西峰半夜鶴來聲

谿居

題令狐處士谿居

項斯

白髮已過半無心離此谿病嘗山藥徧貧起草堂低爲月牕前破因詩壁重泥近來常夜坐寂寞與僧齊

題元八谿居

白居易

谿嵐漠漠樹重重水檻山牕次第逢晚葉尚開紅躑

唐詩類苑

卷之二百六十八

二

躑秋房初結白芙蓉聲來枕上千年鶴影落杯中五老峰更媿殷勤留客意魚鮮飯細酒香濃

題顧正字谿居

李昭象

高敞吟軒近釣灣塵中來似出人間若交明月休生桂應得危時共掩關春酒夜棊難放客短籬疎竹不遮山莫誇恬澹勝榮祿鴈引行高未許開

隱居

過曹鈞隱居

錢起

蒼蕙有奇性馨香道爲人不居衆芳下寧老空林春之子秉高節攻文還守真素書寸陰豈流水怨情

新濟濟振纓客煙霄各致身誰當舉玄晏不使作良臣

題盧十一所居

皇甫冉

春風來幾日先入辟疆園身外無餘事閒吟晝閉門

尋張子顏隱居

孟浩然

白鶴青巖半幽人有隱居階庭空水石林壑罷樵漁歲月青松老風霜苦竹疎觀茲懷舊業迴策返吾廬

題張子顏隱居

杜甫

之子時相見邀人晚興留濟潭鯁發發春草鹿呦呦杜酒偏勞勸張梨不外求前村山路險歸醉每無愁

唐詩類苑

卷之二百六十八

三

題鄒處士隱居

許渾

桑柘滿江村西齋對海門浪衝高岸響潮入小池渾曲樹蔭棊局山花落酒樽相逢亦一作相留宿還似

識王孫

題終南山隱者室

僧貫休

終南山北面直下是長安自掃青苔室閑欹白石看風吹窻樹老日曬竇雲乾時向圭峰宿僧房瀑布寒

題終南山隱者居

姚鵠

開門絕壑旁躡蹻過花梁路入峰巒影風來芝朮香夜澄明雪牖春夢閒雲房盡室更何有一琴兼一觴



隱者居

王建

山人住處高看日上蟠桃雪縷青山脉雲生白鶴毛  
朱書護身呪水噀斷邪刀何物中一作堪長食胡麻慢  
火熬

王逸人隱居

崔塗

一徑入千岑幽人許重尋不逢秦世亂未覺武陵深  
石轉生寒色雲歸帶夕陰却愁危坐久看盡暝棲禽  
題鄭大有隱居

李商隱

結構何峰是喧閑此地分石梁高瀉月樵路細侵雲  
偃臥蛟螭室希夷鳥獸群近知西嶺上玉管有時間

唐詩類苑卷之五十八

四

唐詩類苑卷之五十八

處士隱居

唐球

不信最清曠及來愁已空數點水泉雨一溪霜葉風  
業在有山處道成無事中酌盡一樽酒老夫顏亦紅  
宿隱者居

李咸用

永日連清夜因居識躁君竹扉難掩月巖樹易延雲  
曙鳥枕前起寒泉夢裏聞又須隨計吏雞鶴迴然分

寄題商洛王隱居

許渾

近逢商洛客知爾往南塘草閣平春水柴門掩夕陽  
隨峰收野蜜尋麝未生香憶前年醉松花滿石牀

過友人隱居

戴叔倫

瀟灑絕塵喧清溪流遶門水聲鳴石灘蘿影到松  
地靜留眠鹿庭虛下飲猿春花正夾岸何必問桃源  
過陶徵君隱居

崔塗

陶令昔居此弄琴遺世榮田園三畝綠軒冕一銖輕  
衰柳自無主白雲猶可耕不隨陵谷變應只有高名  
題隱者居

賈島

雖有柴門常不關片雲孤木伴身閑猶嫌住久人知  
處見擬移家更上山

題張氏隱居

杜甫

唐詩類苑卷之五十八

五

春山無伴獨相求伐木丁丁山更幽澗道餘寒歷水  
雪石門斜日到林丘不貪夜識金銀氣遠害朝看麋  
鹿幽乘興杳然迷出處對君疑是泛虛舟

潭山人隱居

杜甫

南極老人自有星北山移文誰勒銘微君已去獨松  
菊哀壑無光留戶庭予見亂離不得已子知去處必  
須經高車駟馬帶傾覆悵望秋天虛翠屏

題桐廬謝逸人江居

方干

少小高眠無一事五侯勳盛欲如何湖邊倚竹寒吟  
苦石上橫琴夜醉多鳥自樹梢隨果落人從窻外卸

帆過由來朝市爲空憶可要棲身向薜蘿

題陶詳校書陽羨隱居 方干

芸香署裏從容步陽羨山中嘯傲情竿底紫鱗輸釣  
伴花邊白犬吹流鶯長潭五月含水氣孤檣中宵帶  
雨聲便泛孤舟應未得鳴夷棄相始垂名

方干隱居 李山甫

咬咬嚶嚶水禽聲露洗松陰滿院清溪畔印沙名鶴  
跡檻前題竹有僧名問人遠岫千重意對客閑雲一  
片情早晚塵埃得休去且將書劍事先生

題懸溜巖隱者居 方干

唐詩類苑 卷之百六十八 六

世人如要問生涯滿架堆床是五車谷鳥暮蟬聲四  
散脩篁灌木勢交加蒲葵細織團圓扇薤葉平鋪合  
還花却用水荷包綠李兼將寒井浸甘瓜慣緣峻峭  
收松粉常趁芳鮮掇茗芽池上樹陰隨浪動窻前月  
影被巢遮坐雲獨釣盆盤漏穿竹微吟路逕斜見說  
公卿訪遺逸逢迎亦是戴烏紗

題梁鋁城中高居 岑參

居住最高處千家恒眼前題詩飲酒後只對諸峰眠

幽人居 儲光義

幽人下山徑去去來來青林滑處莓苔濕暗中薜蘿深

春朝煙雨散猶帶浮雲陰

新卜青蘿幽居奉獻陸大夫

孟郊

黔婁住何處仁邑無餘寒豈誤舊羈旅變爲新別安  
二頃有餘食三農行可觀籠禽得高巢輒酬還層淵  
翳翳桑柘墟紛紛田里歡兵戈忽消散耦耕非艱難  
嘉木偶良酌芳陰庇清彈力農唯一事趣世徒萬端  
靜覺本相厚動爲末所殘此外有餘暇鋤荒出幽蘭

題東溪山居

秋色有佳興况君池上閑悠悠西林下自識門前山

唐詩類苑 卷之百六十八 七

千里橫岱色數峰去雲間嗟峨對秦國合沓藏荆關  
殘雨斜日照夕嵐飛鳥還故人今尚爾歎息此顏顏

幽居作

李端

山舍千年樹江亭萬里雲迴潮迎伍相聚雨送湘君

題宣州元處士幽居 許渾

潺湲遶門水未省濯纓塵鳥散千巖曙蜂來一逕春  
杉松還待客芝朮不求人寧學磻溪叟逢時罷隱淪

題李凝幽居

賈島

閒居少隣並草徑入荒園鳥宿池邊竹樹僧敲月  
下門過橋分野色移石重雲相去遠來此幽相不

負言

題任處士幽居

朱慶餘

惜與人別停舟對草堂湖雲侵臥位杉露滴茶床  
山月吟時在池花覺後香生涯無一物誰與讀書堂

題陳處士幽居

溫庭筠

松軒塵外客高枕自蕭疎雨後苔侵井霜來葉滿渠  
閒看鏡湖盡秋得越僧書若待前溪月誰人伴釣魚

題韋承總吳王故城下幽居

孟郊

才飽身自貴巷荒門豈貧韋生堪繼相孟子願依隣

唐詩類苑

卷之五十八

八

夜思琴語切畫情茶味新霜枝留過鵲風竹掃蒙塵  
郢唱一聲發吳花千片春對君何所得歸去覺情真

題杜賓客新豐里幽居

蔣防

退跡依三逕辭榮繼二疎聖情容解印帝里許懸車  
已去龍樓籍猶分御廩儲風泉輸耳目松竹助玄虛  
調護心常在山林意有餘應嗤紫芝客遠就白雲居

幽居弄

顧況

苔衣生花露滴月入西林蕩東壁扣商占角兩三聲  
洞戶深窻一冥寂獨去滄洲無四隣身嬰世網此何  
身關情命曲寄惆悵夕別山南

題東溪幽居

李白

杜陵賢人清且廉東溪卜築歲將淹宅近青山同  
眺門垂碧柳似陶潛好鳥迎春過後院飛花送酒舞  
前簷客到但知留一醉盤中祇有水精鹽

題湖州太學丘光庭博士幽居

殷文珪

舜軌堯文混九垓明重宏構集良材江邊雲卧如龍  
穩天外況書遺鶴來五夜藥苗滋沆瀣四時花影蔭  
莓苔草玄門似山中靜不是公卿到不開

終南幽居獻蘇侍郎三首時拜太祝未上

唐詩類苑

卷之五十八

九

儲光義

暮春天氣秋登嶺望層城朝日懸清景巍峩宮殿明  
聖君常臨朝達士復懸衡道近無良足歸來卧山楹  
靈嶺蹕仙書深室鍊金英春巖松柏秀晨路鷗雞鳴  
羽化既有言無然悲不成

中歲尚微道始知將谷神抗策還南山水木自相親  
深林開一道青嶂成四隣平明去採薇日入行刈薪  
雲歸萬壑暗雪罷千岩春始看玄鳥來已見瑤華新  
寄言褻芳者無迺後時人

上築青苔裏雲蘿四垂陰虛室若無人喬木自成林

時有清風至側聞樵樵音鳳皇鳴南岡望望開  
旣言山路遠復道溪流深倏倏空中遊虬龍水間吟  
何當見輕翼爲我達遠心

題李處士幽居

溫庭筠

水玉簪頭白角巾瑤琴寂歷拂輕塵濃陰似帳紅薇  
晚細雨如烟碧草春隔竹見籠疑有鶴捲簾看盡靜  
無人南山自是忘年友谷口徒與鄭子真

早秋題崔業居處

秦系

從來席不煖爲爾便淹留難黍今相會雲山昔共遊  
上簾宜曉景卧簾覺新秋身事何須問余心正四愁

唐詩類卷之五十八

十

題鏡湖野老所居

秦系

湖裏尋君去樵風往返吹樹暄巢鳥出路細葑田移  
漚芋成魚網枯根是酒卮老年唯自適生事任羣兒

夜集張諲所居得飄字

皇甫冉

江南城久客門館日蕭條惟有圖書在多傷髮髮凋  
諸生陪講誦稚子給漁樵虛室寒燈靜空堦落葉飄  
滄洲自有趣誰道隱須招

莊

與張諲宿劉八城東莊

皇甫冉

人間當歲暮田野尚連連連連蔡子多書愛公得此生

寒蕪連古渡雲樹近嚴城雞黍無辭薄貧交在貴

漢上題韋氏莊

戎昱

結茅同楚客卜築漢江邊日落數歸鳥夜深聞扣舷  
水痕侵岸柳山翠侵厨煙調笑提筐婦春來蠶幾眠

王侍御南原莊

賈島

買得足雲地新栽藥數窠峰頭盤一逕原下注雙河  
春寺閑眠久晴臺獨上多齋齋宿雨後仍許重來麼

過一作

題崔常侍濟源莊

白居易

谷口誰家住雲扃鎖竹泉主人何處去蘿薜換貂蟬

唐詩類卷之五十八

十一

籍在金閨內班排玉展前誠知憶山水歸得是何年

題韋氏莊

韓愈

昔者誰能比今來事不同寂寥青草曲散漫白榆風  
架倒藤全落籬崩竹半空寧須惆悵立翻覆本無窮

遊城南韓氏莊

孟郊

初疑瀟湘水鎖在朱門中時見水底月動搖池上風  
山動搖池上風清氣潤竹木白光連虛空浪簇霄漢

山動搖池上風

一作

常慕

神仙侶飄然一作汗漫通

奉酬侍中夏中甫後遊城南莊見示八韻

島樹間林巒雲收雨氣殘四山嵐色重五月水聲寒  
老鶴兩三隻新篁千萬竿化成天竺寺移得子陵灘  
心覺閑彌貴身緣健更歡帝將風后待人作謝公看  
用里年雖老高陽興未闌佳辰不見召爭免赴盃盤  
和令狐尚書平泉東莊近居李僕射有宅

平地有清泉伊南古寺邊漲池閑遠屋出野徧澆田  
舊隱離多日新鄉得幾年探幽皆一絕選勝又雙全  
門靜山光別園深竹影連斜分採藥徑直過釣魚船

唐詩類苑

士

雞犬還應識雲霞  
頃覺鮮追思應不遠  
賞愛足難偏  
此處堪長往  
遊人早共傳  
各當恩寄重  
歸臥恐無緣

過溫尚書舊莊

白居易

白居易

白石青泉拋濟口，碧幢紅旆照河陽。村人都不知時事，猶自呼爲處士莊。

和裴令公南莊一絕裴詩云野人不識中書

令喚作陶家與謝家  
白居易

陶廬僻陋那堪比謝墅幽微不足攀倚似嵩峯三十六長隨申甫作家山

宮刑  
不家  
入財  
法不  
入財  
家產  
因以  
此

誰氏園林一簇烟  
路人遙指盡長歎  
桑田稻澤今無幾  
主新犯香醪没入官

題吉澗廬拾遺集

主人西遊去不歸滿谿春雨長春薇怪來馬上訴  
好印破青山白鷺飛

題于賓客莊

榆莢車前蓋地皮薔薇醺水筍穿籬馬蹄無入朱門  
跡縱使春歸可得知

與元沈氏莊

唐詩類苑

十三

清淺縈紆一水間竹岡藤樹小躋攀露荒草行人  
過月上高林宿鳥還江遶武侯籌筆地雨昏張載勒  
銘山異鄉一笑因醅醉忘却愁來鬢髮斑

題姑蘇凌處士莊

一簇林亭返照間。門當官道不曾關。華深遠岸黃鸝  
關雨急。春塘白露閑。載酒客尋吳苑寺。倚樓僧看洞  
庭山。怪來話得僊中事。新有人從物外還。

題平泉薛家堆莊

怪石千年應自結靈泉一帶是誰開  
楚爲宛轉青蛇項噴作玲瓏白雪堆  
赤日旱天長看雨玄陰臘月六

聞雷所嗟地去都門遠不得肩昇每日來

奉和思黯自題南莊見示兼呈夢得

白居易

謝家別墅最新奇山展屏風花夾籬曉月漸沉橋脚底晨光初照屋梁時臺頭有酒鶯呼客水面無塵洗池除却吟詩兩閑客此中情狀更誰知

山莊

奉和幸韋嗣立山莊侍宴應制

張說

嗣立山莊在驪山鸚鵡谷景龍三年十二月十四

唐詩類苑 卷之二百六十八

十四

日中宗皇帝幸之嗣立立獻食百舉及木器藤盤等物上封爲逍遙公名其原曰清虛原名其谷曰幽棲谷中宗留詩從臣屬和嗣立並鐫于石請張說爲之序薛稷書之序曰兵部尚書同中書門下三品修文館大學士韋公體含真靜思協幽曠雖翊亮廊廟而緬懷林藪東山之曲有別業焉嵐氣入縣榛嶺出谷石潭竹岸松齋藥碗虹泉電射雲木虛吟恍惚疑夢間關忘術茲所謂丘壑夔龍衣冠曹許幸溫泉之歲也皇上聞而賞之過命掌舍設帝金吾副次太官載酒奉常抱樂停輿輦於青

霽佇暈褕於紫雲百神朝於谷口千官飲乎池

緹騎環山朱旆煇野縱觀空巷歌途傳壑是日即

席拜公道遙公名其居曰清虛原幽棲谷移樂極

天子賦詩王后帝女宮嬪邦媛歌焉和焉以寵德

也加以中官敦序謂我諸兄引內子於重幄見兒

童於行殿家人之禮優棠棣之詩作於是實其筐

簋下以昭忠信之獻貢其束帛上以示慈惠之恩

朝野歡并君臣義洽夫飛翠華歷具茨至道之主

也紆紫綬期赤松素履之輔也千載一時難乎此

遇故兩曜合舍衆星聚得雅道光華高風允塞寒

谷煦景窮崖潤色猗歟盛事振古未有篆之玄石

貽代厥後

西京上相出扶陽東郊別業好池塘自非仁智符天

賞茲能日月共迴光

奉和聖製幸韋嗣立山莊應制

劉憲

非吏非隱晉尚書一丘一壑降乘輿天緣藻情兩曜

合山危獻壽萬餘年

奉和聖製幸韋嗣立山莊應制

崔湜

竹逕桃源本出塵松軒茅棟別驚折御蹕何須林下  
駐山公不是俗中人

奉和聖製幸韋嗣立山莊應制

李義

曲榭回廊繞澗幽飛泉瀆水溢池沆氾應感發明王  
夢遂得邀迎聖主遊

奉和聖製幸韋嗣立山莊應制

沈佺期

東山朝日翠屏開北闕晴空綵仗來喜遇天文七曜  
動少微今夜近三台

唐詩類苑

卷之二百六十八

十六

奉和聖製幸韋嗣立山莊應制

李嶠

萬騎千官擁帝車八龍三馬訪仙家鳳凰原上窺青  
壁鸚鵡杯中弄紫霞

奉和聖製幸韋嗣立山莊應制

趙彥昭

廊廟心存岩壑中興輿囑在霸城東逍遙自有蒙莊  
子漢主徒言河上公

奉和聖製幸韋嗣立山莊應制

武平一

鳴鑾奕奕下重樓羽蓋逍遙向一丘漢日惟聞白  
寵唐年更覩赤松遊

奉和聖製幸韋嗣立山莊應制

蘇頌

樹色參差隱翠微泉流百尺向空飛傳聞此處校竿  
佐遂使茲辰扈蹕歸

奉和幸韋嗣立山莊侍宴應制

張說

寒灰飛玉琯湯井駐金輿既得方明相還尋大隗居  
懸泉珠貫下列帳錦屏舒騎遠林踰密笳繁谷自虛

唐詩類苑

卷之二百六十八

十七

門旗斬複磴殿幕褰通渠舞鳳隨公主雕龍起婕妤  
地幽天賞洽酒樂御筵初非才叨侍從連藻媿應徐

奉和幸韋嗣立山莊侍宴應制

劉憲

東山有謝安枉道降鳴鸞緹騎分初日霓旌度曉寒  
雲蹕岩間下虹橋澗底盤幽棲俄以屆聖囑宛餘歡  
崖懸飛溜直岸轉綠潭寬桂華堯酒冷松響舜絃彈  
明主恩斯極賢臣節更殫不才叨侍從詠德以濡翰

奉和幸韋嗣立山莊侍宴應制

蘇頌



擬金寒墅霽步玉曉山幽帝幄期松子匡廬訪舊  
百工徵往夢七聖扈來遊斗柄乘時轉台階捧日留  
樹重岩巖合泉進水光浮石徑隨朝履瓊溪擁釣舟  
恩如犯星夜歡擬濟河秋不舉羣年隱空令傲許由  
奉和幸韋嗣立山莊侍宴應制

沈佺期

鼎臣休澣隙方外結遐心別業青霞境孤潭碧樹林  
每遷東墅策遙弄北溪琴帝幸行時豫台園賞歲陰  
移鑒明月沼張樂白雲岑御席瑤觥落仙壇竹徑深  
三章懸聖藻五等冠朝簪自愧承恩盛咸言獨在今  
唐詩類苑 卷之二百六十八 九

奉和幸韋嗣立山莊侍宴應制

宋之問

樞掖調梅暇林園藝種初入朝榮劍履退食偶琴書  
地隱東岩室天廻北斗車旌門臨窻窳閣道屬扶疎  
雲早明丹壑霜筵徹紫虛水疑投石處溪似釣璫餘  
帝澤頒卮酒人歡頌里閭一承黃竹詠長奉白茅居  
奉和幸韋嗣立山莊侍宴應制

趙彥昭

賢族惟題里儒門但署鄉何如表岩洞宸翰發輝光  
地在茲山曲家隣卻水陽六龍駐旌竿四牡耀旂常

北斗臨台座東山入廟堂天高羽翼近主聖股肱三  
野竹池亭氣春花澗谷香縱然懷豹隱空愧躡鸞行  
奉和幸韋嗣立山莊侍宴應制

崔湜

丞相登前府尚書啓舊林式閭明主意榮族聖嬪心  
川狹旌門抵岩高蔽帳臨閑窻憑柳暗小徑入松深  
雲卷千峰色泉和萬籟吟蘭迎天女珮竹礙侍臣簪  
宸翰三光燭朝榮四海欽還嗟絕機叟白首漢川陰  
奉和幸韋嗣立山莊侍宴應制

李乂

唐詩類苑 卷之二百六十八 九

台階好赤松別業對青峰茅室承三顧花源接九重  
龍旂紫秀木鳳輦拂疎筇逕狹千官擁溪長萬騎容  
水塘開禹膳山閣獻堯鍾皇鑒清居遠天文睿獎濃  
鼎臠他甘夢魚釣往年逢共榮丞相府偏降逸人封  
奉和幸韋嗣立山莊侍宴應制

武平一

三光廻斗極萬騎肅鈞陳地若遊汾水吹疑歷渭濱  
圓塘水寫鏡遙樹露成春絃奏魚聽曲機忘鳥狎人  
築岩思感夢磻石想垂綸落景搖紅壁層陰結翠筠  
素風紛可尚玄澤藹無垠薄暮清笳動天文煥紫宸

奉和幸韋嗣立山莊侍宴應制

李嶠

南洛師臣契東巖王佐居幽情遺綬冕宸眷屬然  
制下峒山蹕恩迴灞水與松門駐旌蹕薜幄引簪裾  
石磴平黃陸烟樓半紫虛雲霞僊路近琴酒俗塵疎  
喬木千齡外懸泉百尺餘崖深經鍊藥穴古舊藏書  
樹宿搏風鳥池潛縱壑魚寧知天子貴尚憶武侯廬  
初到陸渾山莊 宋之問

授衣感窮節策馬凌伊關歸齊逸人趣日覺秋琴閑  
寒露衰北阜夕陽破東山浩歌步岑樾棲鳥隨我還  
唐詩類苑 卷之二百六十八 三

陸渾山莊

宋之問

歸來物外情負杖閱岩耕源水看花入幽林採藥行  
野人相問姓山鳥自呼名去去獨吾樂無窮愧此生

藍田山莊

宋之問

宦遊非吏隱心事好幽偏考室先依地爲農且用天  
輞川朝伐木藍水暮澆田獨與秦山老相歡春酒前

宿裴氏山莊

王昌齡

蒼蒼竹林暮吾亦知所投靜坐山齋月清溪聞遠流  
西風下微雨向晚白雲收遂解塵中組終南春可遊  
和石侍御山莊 楊炯

烟霞非俗宇岩壑只幽居水浸何曾畝荒郊不復  
影濃山樹密香淺澤花疎闊塹防斜徑平堤夾小渠  
蓮房若箇實竹節幾竿虛蕭然隔城市酌醴焚枯魚

宿山莊

駱賓王

金陵一起忽玉燭幾環周露積吳臺草風入郢門楸  
林虛宿斷霧磴險挂懸流拾青非漢策緇化類秦裘  
牽迹猶多蹇勞生未寡尤獨此他鄉夢空山明月秋  
歸汝墳山莊留別盧象 祖詠

淹留歲將宴久廢南山期舊業不見棄還山從此辭  
漚麻入南澗川楚向東苗對酒雞黍熟閉門風雪時  
唐詩類苑 卷之二百六十八 三

非君一延首誰慰遙相思

荻塘西莊贈房元垂

張光朝

門在荻塘西塘高何聯聯往昔分地利遠近無開田  
冰國信汙下霖霖即成川苗稼盡湮沒茲鄉獨豐年  
家肥待親懿人樂思管絃日晏始能起盥漱看厨烟  
醞酒寒正熟養魚長食鮮黃昏鐘未鳴偃息早已眠  
何意久城市寂寥丘中綠俛仰在顏色區區人事間  
憶昔炎漢時乃知綺季賢靜默不能仕養老終南山  
過故人莊 孟浩然  
故人具雞黍邀我至田家綠樹村邊合青山郭外斜

開筵而場圃把酒話桑麻待至重陽日還來就菊花

題李十四莊

孟浩然

聞君息陰地東郭楊柳間左右瀍澗水門庭緱氏山  
抱琴來取醉垂釣坐乘閑歸客莫相待緣源殊未還  
憑孟倉曹將書覓士婁舊莊

杜甫

平居喪亂後不到洛陽岑爲歷雲山問無辭荆棘深  
北風黃葉下南浦白頭吟十載江湖客茫茫遲暮心

春晚山莊率題二首

盧照隣

顧步三春晚田園四望通遊絲橫惹樹戲蝶亂依叢  
唐詩類苑 卷之一百六十八 三

行懶偏泥水花狂不待風惟餘詩酒意當了一生中

二

田家無四隣獨坐一園春鶯啼非選樹魚戲不驚綸  
山水彈琴盡風花酌酒頻年華已可樂高興復留人

題張處士山莊

杜牧

好鳥疑敲磬風蟬認輶車修篁與嘉樹偏倚半巖生

題馬尉華山莊

劉滄

別開池館背山陰近得幽奇物外心竹色拂雲連嶽  
寺泉聲帶雨出谿林一庭楊柳春光煖三逕春蘿晚  
翠深自是功成閒劍履長臥對瑤琴

送唐環歸敷水莊

賈島

毛女峰當戶日高頭未梳地侵山影掃葉帶露痕書  
松逕僧尋藥沙泉鶴見魚一川風景好恨不有吾廬

山墅

陪侍御叔遊城南山墅

孟郊

夜坐擁腫亭晝登崔嵬岑日窺萬峰首月見雙泉心  
松氣清耳目竹氛碧衣襟佇想一作悲琅玕字數聽枯  
稿吟

山墅閑題

韋莊

遷迤前岡壓後岡一川桑柘好殘陽主人饋餉炊紅  
唐詩類苑 卷之一百六十八 三

黍鄰父携竿釣紫魴靜極却嫌流水閑閒多讎笑野  
雲忙有名不那無名客獨閉衡門避建康

茅茨

百丈溪新理茅茨讀書

閻防

浪跡棄人世還山自幽獨始傍巢由蹤吾其獲心曲  
荒亭何所有老樹半空腹晝蜩鳴北林暮鳥穿我屋  
棲遲樂遵渚恬曠寡所欲開卦推盈虛散帙攻節目  
養閑度人事達命知止足不學東國儒俟時勞伐輻

茅舍

元稹

楚俗不理居居人盡茅舍茅苦竹梁棟茅疎竹仍縛

邊緣隄岸斜結屈簷楹亞籬落不蔽肩荷借不  
 南風五月盛時雨不來下竹蠹茅亦乾迎風自焚地  
 防虞焦鄰里巡警勞晝夜遺燼一星然連延禍相嫁  
 號呼憐穀鳥奔走伐桑柘舊架已新焚新茅又初架  
 前日洪州牧韋大念此常嗟訝牧民未及久郡邑紛  
 如化峻邱儼相望飛薨遠相跨旗亭紅粉泥佛廟青  
 鴛瓦法斯事纔未終斯人久云謝有客自洪來洪民  
 至今藉惜其心太亟倖役無容暇臺觀亦已多工徒  
 稍寬咤我欲他郡長三時務耕稼農收次邑居先室  
 後臺謝啓閉既及期公私亦相借度材無強略庀役  
 唐詩類苑 卷之二百六十八 五  
 有定價不使及僭差粗得禦寒夏火至殊陳鄭人安  
 極嵩華誰能繼此名名流襲蘭麝五袴有前聞斯言  
 我非詐

唐詩類苑卷第一百六十九

明雲間張之象玄超甫纂輯

雲間于燕芳胤先甫編次

雲間王徹叔朗甫補訂

梁谿曹仁孫伯安甫校正

居處部

山家

春日山家

宋之問

今日遊何處春泉洗藥歸悠然紫芝曲晝掩白雲扉  
 魚樂偏尋藻人閑屢采薇丘中無俗事身世兩相違  
 唐詩類苑 卷之二百六十九 一

過山家

張翥

避暑得探幽忘言遂久留雲深燈火曙松合徑先秋  
 響谷傳人語鳴泉洗客愁家山不在此至此可歸休

宿山家

韋莊

山行侵夜到雲竇一星燈草動蛇尋穴枝搖鼠上藤  
 背風開藥竈向月展魚簾明日前溪路煙蘿更幾深

田家

田家雜興八首

儲光義

春至鷓鴣鳴薄言向田墅不能自力作黿勉娶隣女  
 旣念生子孫方思廣田圃閑時相顧咲喜悅好禾黍

夜夜登嘯臺南望洞庭渚百草被霜露秋山  
却羨故年時中情無所取

二

衆人耻貧賤相與尚膏腴我情既浩蕩所樂在畋漁  
山澤時晦冥歸家暫閑居滿園種葵藿繞屋樹桑榆  
禽雀知我閒翔集依我廬所願在優游州縣莫相呼  
日與南山老兀然傾一壺

三

逍遙阡陌上遠近無相識落日照秋山千岩同一色  
網罟繞深莽鷹鷂始輕翼獵馬既如風奔獸莫敢息

唐詩類苑

卷之二百六元

二

駐旗滄海上犒士吳宮側楚國有夫人性情本真直  
鮮禽徒自致終歲竟不食

四

田家超壠畝當晝掩虛關隣里無烟火兒童共幽閑  
桔槔懸空圃雞犬滿桑間時來農事隙採藥遊名山  
但言所採多不念路險難人生如蜉蝣一往不可攀  
君看西王母千載芙蓉顏

五

貧士養性情不復知憂樂去家行賣畚留滯南陽郭  
秋至黍苗黃無人可刈穫孺子朝未晚把竿逐鳥雀

忽見梁將軍乘車出宛洛意氣軼道路光輝滿  
安知負薪者啞啞笑輕薄

六

楚山有高士梁國有遺老築室既相隣同由復同道  
糗糲常共飯兒孫每更抱忘此耕耨勞愧彼風雲好  
鵲鳴空澤鷓鴣傷秋草日夕寒風來衣裳苦不早

七

梧桐蔭我門薜荔網我屋超超兩夫婦朝出暮還宿  
稼穡既自種牛羊還自牧日旰懶耕鋤登高望川陸  
空山足禽獸墟落多喬木白馬誰家兒聯翩相馳逐

唐詩類苑

卷之二百六元

三

八

種桑百餘樹種黍三十畝衣食既有餘時時會親友  
夏來菰米飯秋至菊花酒孺人喜逢迎稚子解趨走  
日暮閒園裏團團蔭榆柳酌酤乘夜歸涼風吹戶牖  
清淺望河漢低昂看北斗數窺猶未開明朝能飲否

雜詩二首

一作田家雜興

儲光義

混沌本無象末路多是非達士志寥廓所在能忘機  
耕鑿時未至還山聊采薇虎豹對我蹲鸞鶴傍我飛  
仙人空中來謂我勿復歸格澤爲君駕虹蜺爲君衣  
西遊崑崙墟可與世人違

秋氣肅天地太行高崔巍  
徠颺清夜吟其聲一何哀  
寂寞掩茱萸夢寐遊蓬萊  
琪樹遠停停玉堂雲中開  
洪崖吹簫管玉女飄飄來  
雨師既洗道後路無纖埃  
鄙哉楚襄王獨好陽雲臺

同王十三維偶作十首

儲光羲

仲夏日中時草木看欲焦  
田家惜工力把鋤來東臯  
顧望浮雲陰往往誤傷苗  
歸來悲困極兄嫂共相饒  
無錢可沽酒何以解劬勞  
夜深星漢明庭宇虛寥寥  
高柳三五株可以獨逍遙

二

唐詩類苑

卷之百六十九

四

北山種松柏南山種蒺藜  
出入雖同趣所向各有宜  
孔丘貴仁義老氏好無爲  
我心若虛空此心將安施  
慙過伊闕間晚晚三伏時  
高閣入雲中芙蓉滿清池  
要自非我室還望南山陲

三

野老本貧賤冒雨鋤瓜田  
一畦未及終樹下高枕眠  
荷篠者誰子幡幡來息肩  
不復問鄉墟相見但依然  
腹中無一物高話羲皇年  
落日臨層閣遙望晴川  
使婦提蠶筐呼兒傍漁船  
悠悠泛綠水去摘浦中蓮  
蓮花艷且美使我不能還

四

浮雲在虛空隨風復卷舒  
我心方處靜動作何憂虞  
但言嬰世網不復得閑居  
迢迢天壤遠邈邈來西徂  
見人乃恭敬曾不問貴賤  
若不能言中心亦難語  
故鄉滿眼感遺情三時偶欲陳此意復無南燕兒

五

草木花葉生相與命爲春  
豈非草木意信是故時人  
靜念惻惻悲何由知至真  
狂歌問夫子夫子莫能陳  
鳳凰飛且鳴空齋下天津  
清淨無言語茲焉庶可親

六

唐詩類苑

卷之百六十九

五

黃河流向東弱水流向西  
趨舍各有異造化安能齊  
妾本邯鄲女生長在叢臺  
旣聞容見寵復想玄爲妻  
刻畫尚風流幸會君招携  
逶迤歌舞座婉孌芙蓉闥  
日月方向除恩愛忽焉睽  
棄置誰復道但悲生不諧  
羨彼匹婦意偕老常同棲

七

日暮登春山山鮮雲復輕  
遠近看春色踟躕新月明  
仙人浮丘公對月時吹笙  
丹鳥飛熠燿蒼龍營營  
羣動汨吾真訛言傷我情  
安得如子晉與之遊太清

八

眈眈銅鞮宮遙望長數里賓客無多少出入皆珠戶  
朴儒亦何爲辛苦讀舊史不道無家舍效他養妻子  
冽冽玄冬暮衣裳無准擬偶然著道書神人養生理  
公卿時見賞賜賚難具紀莫問身後事且論朝夕是

九

空山暮雨來衆鳥競棲息斯須照夕陽雙雙復撫翼  
我念天時好東田有稼穡浮雲蔽川原新流集溝洫  
徘徊顧衡宇僮僕邀我食卧覽床頭書睡看機中織  
想見明膏煎中夜起唧唧

十

唐詩類苑

卷之二百六十九

六

四鄰競豐屋我獨好卑室窈窕高臺中時聞撫清瑟  
狂飈動地起拔木乃非一相顧始知悲中心憂且慄  
蚩蚩命子弟恨不居高秋日入賓從歸清晨冠蓋出  
中庭有奇樹榮早衰復疾此道猶不知微言安可述

田家即事

祖詠

舊居東臯上左右俯荒村樵路前傍嶺田家遙對門  
權娛始披物愜意在郊原餘霽蕩川霧新秋仍晝昏  
攀條憇林麓引水開泉源稼穡豈云倦桑麻今正煩  
方求靜者說偶遇潛夫言雞黍何必眞吾心之道遵

田家即事

儲光義

蒲葉日已長杏花日已滋老農要看此貴不違天  
迎晨起飯牛雙駕耕東菑蚯蚓土中出田鳥隨我飛  
羣合亂啄噪嗷嗷如道飢我心多惻隱顧此兩傷悲  
撥食與田鳥日暮空筐歸親戚更相謂我心終不移

題綦母校書田家

李頎

常稱掛冠吏昨日歸滄洲行客暮帆遠主人庭樹秋  
豈伊問天命但欲爲山遊萬物我何有白雲空自幽  
蕭條江海上一日夕見丹丘生事本漁釣賞心隨去留  
惜哉曠微月欲濟無輕舟倏忽令人老相思河水流

丁寓田家有贈

王維

唐詩類苑

卷之二百六十九

七

君心尚棲隱久欲傍歸路在朝每爲言解印果成趣  
晨雞鳴鄰里羣動從所務農夫行餉田閨婦起縫素  
開軒御衣服散帙理章句時吟招隱詩或製閑居賦  
新晴望郊郭日映桑榆暮陰盡小苑城微明渭川樹  
撥予宅間井幽賞何由屢道存終不忘迹異難相遇  
此時惜離別再來芳菲度

渭川田家

王維

斜光照墟落窮巷牛羊歸野老念牧童倚杖候荆扉  
雉鳴麥苗秀蚕眠桑葉稀田夫荷鋤至相見語依依  
即此羨閑逸悵然吟式微



同羣公題鄭少府田家 高適

鄭侯應恤惶五十頭盡白昔爲南昌尉今作東郡客  
與語多遠情論心知所益秋林旣清曠窮巷空淅瀝  
蝶舞園更開雞鳴日云夕男兒未稱意其道固無適  
勸君且杜門勿歎人事隔

行次田家澳梁作

儲光羲

田家俯長道邀我避炎氛當暑日方晝高天無片雲  
桑間禾黍氣柳下牛羊羣野雀棲空屋晨風不復聞  
前登澳梁坂極望溫泉分逆旅方三舍西山猶未曛

田家三首

柳宗元

唐詩類苑

卷之二頁十九

八

屏食狗所務驅牛向東阡雞鳴村巷白夜色歸暮田  
札札耒耜聲飛飛來鳥禽竭茲筋力事持用窮歲年  
盡輪助徭役聊就空自眠子孫日以長世世還復然

二

籬落隔煙火農談四隣夕庭際秋蟲鳴疎麻方寂歷  
蠶絲盡輸稅機杼空倚壁里胥夜經過雞黍事筵席  
各言官長峻文字多督責東鄉後租期車轂陷泥澤  
公門少推恕鞭朴恣狼籍努力慎經營肌膚真可惜  
迎新在此歲惟恐踵前跡

三

古道饒蒺藜紫迴古城曲蓼花被隄岸陂水寒  
是時收穫竟落日多樵牧風高榆柳疎霜重梨棗熟  
行人迷去住野鳥競棲宿田翁笑相念昏黑慎原陸  
今年幸少豐無厭饘與粥

觀田家

韋應物

微雨衆卉新一雷驚蟄始田家幾日閑耕種從此起  
丁壯俱在野場圃亦就理歸來景當晏飲犢西澗水  
飢飭不自苦膏澤且爲喜倉廩無宿儲徭役猶未已  
方慙不耕者祿食出閭里

田家春望

高適

唐詩類苑

卷之二頁十九

九

出門何所見春色滿平蕪可歎無知己高陽一酒徒  
田家王建

啾啾雀滿樹靄靄東坡雨田家夜無食水中摘禾黍  
田家顧况

田家

楊顏

帶水摘禾穗夜搗具晨炊縣帖取社長嗔怪見官遲  
田家

小園足生事尋勝日傾壺時疏利於鸞纔青聞已無  
四鄰因野竹日夕採其枯田家心適時春色遍桑榆

田家三首 王勃

阮籍生平懶倦康意氣疎相逢一飽行書

生池聊養鶴開田且牧猪草生元亮徑花暗子雲

二

家住箕山下門枕潁川濱不知今有漢惟言昔避秦  
琴伴庭前月酒勸後園春自得中林士何忝上皇人

三

平生唯以樂作性不能無朝朝訪鄉里夜夜遣人酤  
家貧留客久不暇道精粗抽簾時益炬拔箒更燃爐  
怕聞飲不足何見有殘壺

田家元日

孟浩然

唐詩類苑 卷之二百六十九

見歲部元日

張谷田舍

儲光義

縣官清且儉深谷有人家一徑入寒竹小橋穿野花  
確喧春澗漫梯倚綠桑斜自說年來稔前村酒可賒

題田父廬舍

丘爲

東風何處至已綠湖上山湖上春已早田家日不開  
溝塍流水處耒耜平蕪間薄暮飯牛後歸來還閉關

田舍

杜甫

田舍清江曲柴門古道傍草沉迷市井地僻懶衣裳  
楊柳枝枝弱枇杷樹樹香鷓鴣西日照躍翅滿漁梁

赤谷西崕人家

杜甫

躋險不自安出郊已清目溪迴日氣暖逕轉山田  
鳥雀依茅茨藩籬帶松菊如行武陵暮欲問桃源宿

暫往白帝復還東屯

杜甫

復作歸田去猶殘穫稻功築場憐穴蟻拾穗許村童  
落杵光輝白除芒子粒紅加餐可扶老倉廩慰飄蓬

寄劉方平大谷田家

皇甫冉

故山聞獨往樵路憶相從水結泉聲絕霜清野翠濃  
籬邊潁陽道竹外少姨峰日夕田家務寒煙隔幾重

田家

聶夷中

唐詩類苑 卷之二百六十九

二月賣新絲五月糶新穀  
我願君王心化作光明燭不照綺羅筵只照逃亡屋

江上田家

包何

近海川原薄人家本自稀黍苗期臘酒霜葉是寒衣  
市井雖相識漁樵夜始歸不須騎馬問恐畏狎鷗飛

贈田家翁

耿湋

老人迎客處籬落稻畦間蠶屋朝寒閉田家晝雨閒  
悶聞新雜草蹊徑舊諳山自道誰相及邀予試往還

田家

司空曙

田家喜雨足隣老相招携泉溢溝塍壤麥高桑柘低

呼兒催放債宿客待烹雞搔首蓬門下如將

田家三首

李建勳

畢歲知無事兵銷復舊丁竹門桑徑狹春日稻畦青  
犬吠隈籬落雞飛上碓樓歸田起思蛙叶草冥冥

二

不識城中路熙熙有年木檠擊社酒瓦鼓送神錢  
霜落牛歸屋禾收雀滿田遙陂過秋水閑閣釣魚船

三

長愛田家事時時欲一過垣籬皆樹槿廳院亦堆禾  
病果因風落寒蔬向日多遙聞數聲笛牛晚下前陂

唐詩類苑

卷之二百六十九

十一

晚愁田家

駱賓王

轉蓬勞遠役披薜下田家山形類九折江勢急三巴  
懸梁接斷岸澀路擁崩查霧岩淪曉魄風激漲寒沙  
心迹一朝舛關山萬里賒龍章圖表越閩俗本非華  
旅行悲泛梗離贈斷疎麻惟有寒潭燕獨似故園花

田家

王維

舊穀行將盡良田未可希老年方愛粥卒歲且無衣  
雀乳青苔井雞鳴白版扉柴車駕犢草屨牧豕稀  
多雨紅榴折新秋綠竿肥餉田桑下憇旁舍草中歸  
住處名愚谷何煩問是非

寄宿田家

高適

田家老翁住東陂說道平生隱在茲  
月山青每到識春時門前種柳深成巷野谷流泉添  
入池牛壯日耕十畝地人閑常掃一茆茨客來滿酌  
清樽酒感興不吟詩嚴密窟中藏殿鼠澗邊竹  
裏隱鷓鴣村墟日落行人少醉後無心怯路岐今夜  
只應還寄宿明朝拂曙與君辭

田家留客

王建

人客少能留我屋客有新漿馬有粟遠行僮僕應苦  
饑新婦厨中炊欲熟不嫌田家破門戶蠶房新泥無  
唐詩類苑 卷之二百六十九 十一

風土行人但飲莫畏貧明府上來可苦辛丁寧回語  
屋中妻有客勿令兒夜啼雙塚直西有縣路我教丁  
男送君去

田家行

王建

男聲欣欣女顏悅人家不怨言語別五月雖熟麥風  
清簷頭索索縲車鳴野蠶作繭人不取葉間撲撲秋  
蛾生麥收上場絹在軸的知輸得官足不望入口  
復上身且免向城賣黃犢回家衣食無厚薄不見縣  
門身即樂

田家詞

元稹

牛吒吒許角反田确确早塊敲牛蹄趵趵音剝種得官倉

珠顆穀六十年來兵簇簇月月食糧車輓輓一日官

軍收海服驅牛駕車食牛肉歸來收得牛兩角重鑄

樓犁作斤斷姑春婦擔去輸官輸官不足歸賣屋願

官早勝讎早覆農死有兒牛有憤誓不遣官軍糧不

足

田家即事荅崔二東臯作四首

儲光義

玄鳥雙雙飛杏林初發花煦妯命僮僕可以樹桑麻

清旦理犁鋤日入未還家

唐詩類苑

卷之二百六十九

古

有客山中至言傳古人訊蕩漾敷遠情飄飄吐清韻

猗歟春臯上無乃成秋興

念別求須臾忽至嚶鳴時萊田燒故草初樹養新枝

所寓非幽深夢寐相追隨

依依親隴畝寂寂無鄰里不聞雞犬音日見和風起

賴君遺挾藻憂來散能弭

田家效陶

曹鄴

黑黍春來釀酒飲青禾刈了驅牛載大姑小叔常在

眼却笑長安在天外

早秋宿田舍

曹鄴

澗草疎疎螢火光山月朗朗風樹長南村犢子夜聲急應是欄邊新有霜

春日田家

薛逢

南村晴雪北村梅樹裏茅簷曉盡開蠻童出門兒婦去鳥飛迎路女郎來相逢但祝新正壽那愁暮景催長笑士林因管別一官輕是十年迴

田家即事

權德輿

閒卧藜牀對落暉悠然便覺世情非漠漠稻花資旅食青青荷葉製儒衣山僧相勸期中飯漁父同游或夜歸待學向平婚嫁畢渚烟溪月共忘機

唐詩類苑

卷之二百六十九

五

酒家

題酒家壁

王績

績性簡放大業中授秘書省正字不樂在朝求爲六合丞以嗜酒不任酒因勸遂解去常乘牛經酒肆留或數日其飲至五斗不亂人有以酒邀者無貴賤輒往著五斗先生傳

昨夜鉗始盡今朝甕即開夢中占夢罷還向酒家來

過酒家五首

王績

洛陽無大宅長安乏主人黃金銷未盡祗爲酒家貧

二

此日長昏飲非開養性靈眼看人盡醉何忍獨爲

三

竹葉連糟翠蒲萄帶麴紅相逢不令盡別後爲誰空

四

對酒但知飲逢人莫强牽倚爐便得睡橫釵足堪眠

五

有客須教飲無錢可別酤來時長道實慚愧酒家胡

金陵酒肆留別

李白

白門柳花滿店香吳姬壓酒喚客嘗金陵子弟來相  
送欲行不行各盡觴請君問取東流水別意與之誰

唐詩類苑

卷之百零九

十六

短長

新豐主人

儲光義

新豐主人新酒熟舊客還歸舊堂宿滿酌香含北砌

花盈尊色泛南軒竹雲散天高秋月明東家少女解

秦箏醉來忘却巴陵道夢中疑是洛陽城

過長林湖西酒家

司空曙

湖草青青三兩家門前桃李一般花遷人到處唯求

醉聞說漁翁有酒賒

東陽酒家贈別二絕句

韋莊

送君同上酒家樓酩酊翻成一笑休正是落華饒悵

望醉鄉前路莫回頭

天涯方歎異鄉身又向天涯別故人明日五更孤店

月醉醒何處淚霑巾

酒肆行

韋應物

豪家沽酒長安陌一旦起樓高百尺碧疏玲瓏含春

風銀題彩幟邀上客迴瞻丹鳳闕直視樂遊苑四方

稱賞名已高五陵車馬無近遠晴景悠揚三月天桃

花飄俎柳垂筵繁絲急管一時合他壚隣肆何寂然

主人無厭且專利百斛須臾一壺貴初醲後薄

爲大偷飲者知名不知味深門潛醞客來稀終歲醉

唐詩類苑

卷之百零九

十七

醲味不移長安酒徒空擾擾路旁過去那得知

唐詩類苑卷第一百七十

明雲間張之象玄超甫集

雲間干燕芳鮑先甫納次

雲間王徹叔頭甫補訂

梁谿曹仁孫伯安甫校正

居處部

城

詠城

李嶠

四塞稱天府三河建洛都飛雲謁層闕白日麗南隅  
獨下仙人鳳群驚御史烏何辭一萬里邊徼悍匈奴

唐詩類苑

卷之百七十

題居延古城贈喬十二知之

陳子昂

聞君東山意宿習紫芝榮滄洲今何在華髮旅邊城  
還漢功既薄逐胡策未行徒嗟白日暮坐對黃雲生

桂枝芳欲晚惹以傍誰明無爲空自老含歎負生平

題沈黎城

權澈

蘇子卧北海馬翁渡南洲迹恨事乃立功達名遂休  
夜聞羽書至召募此邊州鐵騎耀楚甲玉匣橫吳鉤  
雪厚羣山東蓬飛荒塞秋久戍曷辭苦數戰期封侯  
不學豎儒輩談經空白頭

辟陽城

高適

荒城在高岸凌眺俯清淇傳道漢天子而封審食其  
奸淫且不戮茅土孰云宜何得英雄主返令兒女欺  
母儀良已失臣節豈如斯太息一朝事乃令人所嗤

和崔二少府登楚丘城作 高適

故人亦不遇翼縣久棲託辛勤失路意感歎登樓作  
清晨眺原野獨立窮寥廓雲散芒碭山水還睢陽郭  
遶梁即襟帶封衛多漂泊事古悲城池年豐愛墟落  
相逢俱未展携手空蕭索何意千里心仍求百金諾  
公侯皆我輩動用在謀略聖心思賢才竭來刈葵藿

唐詩類苑

卷之百七十

登古鄴城

岑參

下馬登鄴城城空復何見東風吹野火暮入飛雲殿  
城隅南對望陵臺漳水東流不復回武帝宮中人去  
盡年年春色爲誰來

出東城

劉復

步出一作步步東城門獨行已徬徨伊洛泛清流密林含  
朝陽芳景雖可矚憂懷在中腸人生能幾何再再隨  
流光願得心所親罇酒坐高堂一爲浮沉隔會合殊  
未央戲戲水中鳬和鳴自翱翔我無此羽翼安可以  
比方

經楚城

劉復

日沒途且長遊子欲涕零荒城無人跡秋艸飛寒螢  
東南古丘墟莽蒼馳郊垌黃雲晦斷岸枯井臨崩亭  
昔人竟何之窮泉獨冥冥蒼苔沒碑板朽骨無精靈  
俛仰寄世間忽如流波萍金石非汝壽浮生等臊腥  
不如學神仙服食求丹經

弋陽溪中望仙人城

顧况

何草乏靈姿無山不孤絕我行雖云寒偶勝聊換節  
上界浮中流光響洞明滅晚禽曝霜羽寒魚依石髮  
自有無還心隔波望松雪

唐詩類苑

卷之百七十

三

登司馬錯古城

劉禹錫

秦昭王命錯征五溪蠻城在武陵沅江南  
將軍將秦師西南莫遐服故壘清江上蒼烟晦喬木  
登臨直蕭辰周覽壯前躅塹平陳葉滿墉高秋蔓綠  
廢井抽寒菜賤臺生魯穀耕人得古器宿雨多遺鏃  
楚塞鬱重疊蠻溪分詰曲留此數仞基幾人生遠目

故城曲

溫庭筠

漠漠沙堤煙堤西雉子班雉聲何角角麥秀陰桑閑  
遊絲蕩平綠明滅時相續白馬金絡頭東風故城曲  
故城殷貴墟曾占未來春自從香骨化飛作馬蹄塵

古鄴城童子謠效王粲刺曹操

李賀

鄴城中暮塵起將黑丸斫文吏棘爲鞭虎爲馬團團  
走鄴城下切玉劒射日弓獻何人奉相公扶鼓來關  
右兒香掃塗相公歸

長城作

蒙公虜生人北築秦氏冤禍興蕭牆內萬重防禍根  
城成六國亡宮闕啓千門生人半爲士兵甲空中原  
奈何家天下骨肉尚無思投沙擁海水安得不久翻  
乘高慘人魂寒日易黃昏枯骨貫朽鐵沙中如有言

唐詩類苑

卷之百七十

四

萬古驪山葬誰知野火燔

臺城曲二首

杜牧

整整復斜斜隨旗簇晚沙門外韓擒虎樓頭張麗華  
誰憐容足地却羨井中蠶  
王頒兵勢急鼓下坐蠻奴湫漚浣塘水义牙出骨鬚  
乾蘆一炬火迴首是平蕪

垓城

儲嗣宗

百戰未言非孤軍驚夜圍山河意氣盡淚濕美人衣

登蕪城

儲嗣宗

昔人登此地丘壠已前悲今日又非昔春風能幾時



岳州山城

張說

山城豐日暇閉戶見天心東曠迎朝色西樓引夕陰  
書觀千載近學靜二毛深忽有南風至吹君堂上琴

奉和岳州山城

張說

郡館臨清掌閑局坐白雲訟虛堂戶曙觀靜竹簾曠  
懸榻迎賓下趨庭學禮聞風傳琴上意遙向日華紛

泊岳陽城下

杜甫

江國踰千里山城僅百層岸風翻夕浪舟雪灑寒燈  
留滯才難盡艱危氣益增圖南未可料變化有鯢鵬

登襄陽城

杜審言

唐詩類苑

卷之百十

五

旅客三秋至層城四望開楚山橫地出漢水接天回  
冠蓋非新里章華即舊臺習池風景異歸路滿塵埃

上白帝城

杜甫

城峻隨天壁樓高更女墻江流思夏后風至憶襄王  
老去聞悲角人扶報夕陽公孫初恃險躍馬意何長

登潤州城

丘爲

天末江城晚登臨客望迷春潮平嶼殘雨隔虹蜺  
鳥與孤帆遠烟和獨樹低鄉山何處是目斷廣陵西

奉和王相公早春登徐州城

皇甫湜

皇甫湜

落日憑危堞春風似故鄉川流通楚塞山色遶徐方  
壁壘依寒草旌旗動夕陽無戎資上策南畝起耕桑

江城晚眺

張祐

重檻構雲端江城四鬱盤河流出郭靜山色對樓寒  
浪草侵天白霜林映日丹悠然此江思樹杪幾橋竿

過洛陽城

于鄴

古來利與名俱在洛陽城九陌鼓初起萬車輪已行  
周秦時幾變伊洛水猶清二月中橋路鳥啼春草生

雲夢故城秋望

戎昱

故國遺墟在登臨想舊遊一朝人事變千載水空流  
夢渚鴻毛晚荆門樹色秋片雲凝不散遙想望鄉愁

唐詩類苑

卷之百十

六

過洛陽故城

崔塗

三十世皇都蕭條是霸圖片牆看欲盡遺跡漸應無  
野徑通荒苑高槐映遠衢獨吟人不問清冷自鳴鳴

步登夏口古城作

劉長卿

平蕪連古堞遠客此沾衣高樹朝光上空城秋  
氣歸微明漢水極搖落楚人稀但見荒郊外寒鷗暮

暮飛

華城西北雉堞最高崔相公首創多取臺錢  
左丞繼種花果合爲勝境題在雅篇歲暮

獨遊悵然成詠

白居易

高居稱君子，瀟灑四無鄰。丞相棟梁久，使君桃李新。  
凝情看麗句，駐步想清塵。況是寒天客，樓空無主人。

臺城

羅隱

水國春長在，臺城夜未寒。麗華承寵渥，江令捧杯槃。  
宴罷明堂爛，詩成寶炬殘。兵來吾有計，金井玉钩欄。

長城下

曹鄴

遠水猶歸壑，征人合憶鄉。泣多盈袖血，吟苦滿頭霜。  
楚國連天浪，衡門到海荒。何當生燕羽，時得近雕梁。

邊城吟

孟郊

唐詩類苑 卷之二 七  
西城近日水，一作天俗稟氣候，偏行子獨自渴。主人仍  
賣泉燒烽，碧雲外牧馬青坡巔。何處作幽夢，歸思寄  
酒眠。

姑蔑城

孟郊

勁越既城土，強吳亦爲墟。皇風一已被，茲邑信平居。  
撫俗觀舊跡，行春布新書。興亡意何在，綿歎空躊躇。

登楚州城望驛路十餘里山村竹林相次交

映

李嘉祐

十里山村道，千峰檉樹林。霜濃竹枝亞，歲晚荻花深。  
草市多樵客，漁家足水禽。幽居雖可羨，無那二牟心。

登杭州城

鄭谷

漠漠江天外，登臨返照間。潮來無別浦，水落見他山。  
沙鳥晴飛遠，漁人夜唱閑。歲窮歸未得，心逐片帆還。

經閬中城

杜牧

遺蹤委衰草，行客思悠悠。昔日人何處，終年水自流。  
孤煙村戍遠，亂雨海門秋。吟罷獨歸去，煙雲盡慘愁。

酬李郎中夜登蘇州城樓見寄

劉長卿

辛勤萬里道，蕭索九秋殘。日照閭中夜，天凝海上寒。  
客程無地遠，主意在人安。遙寄登樓作，空知行路難。

秋晚登古城

李百藥

日落征途遠，悵然臨古城。頽墉寒雀集，荒堞晚鳥驚。  
蕭森灌木上，迢遞孤烟生。霞景煥餘照，露氣澄晚清。

秋風轉搖落此志安可平

岳州西城

張說

水國何遼曠，風波遂極天。西江三汜合，南浦二湖連。  
危堞臨清境，憂憂豁豁然。四圍觀掌內，萬象閱眸前。

日去長沙渚，山橫雲夢田。汀葭變秋色，津樹入寒烟。

潛冗探靈詭，浮生揖聖僊。至人今不見，跡滅事空傳。

登越州城

孫逖

越嶂繞層城登臨萬象清封圻滄海合鄆市碧江  
曉日漁歌滿芳春棹唱行山風吹美箭田雨潤香粳  
代閱英靈盡人閑更誰并墮言王逸少已見曲池平

上白帝城二首

杜 甫

江城含變態一上一回新天欲今朝雨山歸萬古春  
英雄餘事業衰邁久風塵取醉他鄉客相逢故國人  
兵戈猶擁蜀賦歛尚輸秦不是煩形勝深慙畏損神

二

白帝空祠廟孤雲自往來江山城宛轉棟宇客徘徊  
勇略今何在當年亦壯哉後人將酒肉虛殿日塵埃

唐詩類苑

卷之百十

九

谷鳥鳴還過林花落又開多慙病無力騎馬入青苔

晚歲登武陵城顧望水陸悵然有作

劉禹錫

星象承烏翼蠻陬想犬牙俚人祠竹節仙洞開桃花  
城塞歷漢魏江原自賓巴華表廖立地菜地黃瓊家  
霜輕菊秀晚石淺水紋斜樵音繞故壘汲路明寒沙  
清風稍改葉蘆橘如含葩野橋過驛騎叢祠發迥笳  
跳鱗避舉網倦鳥寄行檣路塵高出樹山火遠連霞  
夕曛轉赤岸浮靄起蒼葭軋軋渡水漿迢迢赴林鴉  
叫關道未遠賜環期日除孤臣本危涕寄人在天涯

登吳古城歌

劉長卿

登古城兮思古人感賢達兮同埃塵望平原兮寄遠  
目歎姑蘇兮聚麋鹿黃池高會事未終滄海橫流人  
蕩覆伍員殺身誰不冤竟看墓樹如所言越王嘗膽  
安可敵遠取石田何所益一朝空謝會稽人萬古猶  
傷甬東客黍離離兮城坡地牛羊踐兮牧豎歌野無  
人兮秋草綠園爲墟兮古木多白楊蕭蕭悲故柯黃  
雀啾啾爭晚禾荒阡斷兮誰重過孤舟逝兮愁若何  
天寒日暮江楓落葉去辭風水自波

錦城曲

溫庭筠

唐詩類苑

卷之百十

十

蜀山攢黛留晴雪簌簌葦葦繁九折江風吹巧剪霞  
綃花上千枝杜鵑血杜鵑飛入巖下叢夜叫思歸山  
月中巴水漾情情不盡文君織得春機紅怨魄未歸  
芳草死江頭學種相思子樹成寄與望鄉人白帝荒  
城五十里

鄴城引

張 鼎

君不見漢家失統三靈變魏武爭雄六龍戰盪海吞  
江制中國迴天運斗應南面隱隱都城紫陌間迢迢  
分野黃星見流年不駐漳河水明月俄終鄴國晏文  
章猶入管絃新帷座空銷狐兔塵可惜望陵歌舞處

松風四面暮愁人

早入皇城贈王留守僕射 白居易

津頭殘月曉沉沉風露淒清禁署深城柳宮槐設搖落悲愁不到貴人心

過故洛城

錢起

故城門前春日斜故城門裏無人家市朝欲認不知處漠漠野田空草花

鄴城

羅隱

臺上年年掩翠娥臺前高樹夾漳河英雄亦到分香處能共常人校幾多

唐詩類苑

卷之二百七十

士

廣陵城

孟遲

紅映樓臺綠遶城城邊春草傍牆生隋家不向此中盡汴水應無東去聲

臺城

韋莊

江雨霏霏江草齊六朝如夢鳥空啼無情最是臺城柳依舊煙籠十里堤

同王員外隴城絕句

錢起

三軍版築脫金刀黎庶翻慙將士勞不憶新城連嶂起唯驚畫角入雲高

登長城

李益

漢家今上郡秦塞古長城有日雲長慘無風沙自驚當今聖天子不戰四夷平

題陽人城

呂溫

忠驅義感即風雷誰道南方乏武才天下起兵誅董卓長沙子弟最先來

登古城

于鵠

獨上閑城却下遲秋山慘慘塚纍纍當時還有登城者荒草如今知是誰

題石勒城二首

呂溫

長驅到處積人頭大旆連營厭上游建業烏栖何足

唐詩類苑

卷之二百七十

士

問慨然歸去王中州

天生傑異固難馴應變摧枯若有神夷甫自能疑倚笑忍將虛誕誤吳人

白帝城

杜甫

白帝城中雲出門白帝城下雨翻盆高江急峽雷霆蹴古木蒼藤日月昏戎馬不如歸馬逸千家今有百家存哀哀婦誅求盡慟哭秋原何處村

和樊使君登潤州城樓

劉長卿

山城迢遞敵高樓露冕吹簫居上頭春草連天隨北望夕陽浮水共東流江田漠漠全吳地野樹蒼蒼故

蔣州王粲尚爲南郡客別來何處更銷憂

悲吳王城

杜牧

二月春色江上來水精波動碎樓臺吳王宮殿柳食  
翠蘇小宅房花正開解舞細腰何處往能歌姹女逐  
誰迴千秋萬古無消息國作荒原人作灰

春望梁石頭城

羅鄴

柳碧桑黃破國春殘陽微雨望歸人江山不改興亡  
地冠蓋自爲前後塵帆勢掛風輕若翅浪聲吹岸疊  
如鱗六朝無限悲愁事欲下荒城迴首頻

春日登上元石頭故城

羅隱

唐詩類苑

卷之二七

十三

萬里傷心極目春東南三氣只逡巡野花相笑落滿  
地山鳥自申啼傍人謾道城池須險阻可知豪傑亦  
埃塵太平寺主惟輕薄却把三公與賊臣

石城

鄭谷

石城昔爲莫愁鄉莫愁魂散石城荒江人依舊棹舫  
艤江岸還飛雙鷺驚帆去帆來風浩渺花開花落春  
悲涼煙濃草遠望不盡千古漢陽關夕陽

春晚岳陽城言懷

崔魯

煙花零落過清明異國光陰老客情雲夢夕陽愁裏  
色洞庭春浪坐來聲天邊一與舊山別江上幾看芳

草深獨凭闌干意難寫暮鴉鳴軋調孤城

經過洛陽城

羅隱

敗垣危堞跡依稀試駐羸驂弔落暉跋扈以成梁冀  
在簡書雖問杜喬歸由來世事須翻覆未必餘材解  
是非千載昆陽好功業與君門下作恩威

過洛陽城有感

杜牧

一片宮牆當道危行人爲汝去遲遲簾圭苑裏秋風  
後平樂館前斜日時錮黨豈能留漢鼎清談空解識  
胡兒千燒萬戰坤靈死慘慘終年鳥雀悲

登故洛陽城

許渾

唐詩類苑

卷之二七

十四

禾黍離離半野蒿昔人城此豈知勞水聲東去市朝  
變山勢北來宮殿高鴉噪暮雲歸古堞鴈迷寒雨下  
空壕可憐綵嶺登仙子猶自吹笙醉碧桃

經故洛城

羅鄴

一片危牆勢恐人牆邊日日走蹄輪築時驅盡千夫  
力崩處空爲數里塵長恨生來經此地每嗟興廢欲  
沾巾那堪又向荒城過錦雉驚飛麥隴春

河陰新城

雍陶

高城新築壓長川虎踞龍盤氣色全五里似雲根不  
動一重如月暈長圓河流暗與溝池合一色遙將埤

境連自有此來當汴口武牢何用鎖風煙

登餘古縣城

劉長卿

孤城上與白

一作通楚

雲齊萬古荒涼一作楚水西宮

舍已空秋草綠女牆猶在夜烏啼平江渺渺來人遠

一作夕

落日亭亭向客低沙鳥不知陵谷變朝飛一作還

暮去

一作往

弋陽溪

江城晚望

劉滄

一望江城思有餘遙分野逕入樵漁青山經雨菊花

盡白鳥下灘蘆葉疎靜聽潮聲寒木杪遠看風色暮

帆舒秋期又涉潼關路不得年年向此居

唐詩類苑

卷之二百七

五

經曲阜城

劉滄

行經闕里自堪傷曾歎東流逝水長蘿蔓幾凋荒隴

樹莓苔多處古官牆三千弟子標青史萬代先生號

素王蕭索風高洙泗上秋山明月夜蒼蒼

新安城

羅鄴

若算防邊久遠名新安豈更勝長城謾興他役悲荒

壘何似從今實取兵聖德便應同險固人心自不向

忠貞但將死節酬堯禹版築無勞冠已平

臺城

羅隱

晚雲陰映下空城六代疊疊夕照明玉井已乾龍不

起金瓶雖破虎曾爭亦知罷世才難得却是窮唐

寂平深谷作陵山作海

流輩莫傷情

維城作

羅隱

大鹵旌旗出洛濱此中煙月已埃塵更無樓閣尋行

處只有山川識野人早得鑄金誇范蠡旋聞垂釣哭

平津舊遊難得時難遇回首空城百草春

城南聯句

韓愈

竹影金瑣碎

一作泉音玉淙琤瑠璃翦木葉

翡翠開

園英流滑隨仄步一作搜尋得深行遙岑出寸碧遠

目增雙明乾稊粉往地一作化蟲枯揭莖木腐或垂耳

唐詩類苑

卷之二百七

六

草珠競駢晴浮虛有新斷一作摧抗饒孤撐囚飛黏

網動一作盜啍接彈驚脫實自開圻牽柔誰繞縈禮

鼠拱而立一作駭牛躅且鳴疏甲喜臨社田毛樂寬

征露螢不自煖一作凍蝶尚思輕宿雨有先曉食鱗

時半橫菱翻紫角利一作荷折碧圓傾楚厭鱸鮪亂

獮羞螺蚌并柔護見虛指一作穴狸聞閭窺逗翳翅相

築一作擺幽尾交榜蔓涎角出縮一作樹啄頭敲鏗脩

箭裏金餌一作羣魴沸池羹岸殼圻玄兆野麋漸豐

萌窰烟羃疏島一作沙篆印迴平瘁肌遭耗刺嗽耳

聞雞生奇慮恣迴轉一作遐睎縱逢迎巖林戢遠睫

縹氣夷空情歸跡歸不得郊捨心捨還爭靈底郊  
 蟲愈村雉啼禽猩紅皺曬檐瓦郊黃團繫門衡得雉  
 蠅虎健愈相殘雀豹趙根音束枯樵指禿郊刈熟擔肩  
 頽澀旋皮卷櫛愈苦開腹彭亨機春潏潏力郊吹簫  
 飄颻精賽饌木盤簇愈鞞妖藤索紆荒學五六卷郊  
 古藏四三坐里儒拳足拜愈土怪閃眸偵蹄遁補復  
 破郊絲窠掃還成暮堂蝙蝠沸愈破窻伊威盈追此  
 訊前主郊荅云皆冢卿敗壁剝寒月愈折筮嘯遺笙  
 桂熏霏霏在郊基跡微微呈劍石猶竦檻愈獸材尚  
 挈楹寶唾拾未盡郊玉帝墮猶鎗臆綃疑悶艷愈枳  
 唐詩類苑 卷之一百七十一 七  
 燭已銷繁綠髮抽珉甃青膚聳瑤楨白蛾飛舞地愈  
 幽蠹落書棚惟惜集嘉詠郊吐芳類鳴嚶窺奇摘海  
 異愈恣韻激天鯨腸胃繞萬象郊精神驅五兵蜀雄  
 李杜拔愈嶽力雷車轟大句幹玄造郊高言軋霄崢  
 芒端轉寒燠愈神助溢杯觥巨細各乘運愈湍瀾亦  
 騰聲凌花咀粉藥郊削縷穿珠櫻綺語洗晴雪愈嬌  
 辭呀雛鴛酣歡雜弁珥郊繁價流金瓊齒寫江調  
 萎蕤綴藍瑛庖霜繪玄鯽愈浙玉炊香梗朝饌已  
 百態郊春醪又千名哀匏蹙駛景愈冽唱凝餘晶解  
 魄不自主郊痺肌坐空墜返援賤蹊絕愈空醒優選

更蕞巧競採笑郊駢鮮互探嬰桑變忽蕪蔓愈樟栽  
 浪登丁霞闢詎能極郊風期誰復賡臯區扶帝環愈  
 壤蘊郁天京祥色被文彥郊良才插杉櫟隱伏饒氣  
 象愈興潛示堆坑壁華露神物郊確終儲地禎訐謨  
 壯締始愈輔弼登階清全秀恣填塞郊呀靈畜淳澄  
 益大聯漢魏愈肇初邁周羸積照涵德鏡郊傳經僊  
 金籛食家行鼎鬲愈寵族飫弓旌奕制盡從賜郊殊  
 私得逾程飛橋上架漢愈綠岸俯規瀛瀛碧遠輪委  
 胡嵌費攜擎荀首從大漠愈楓櫨至南荆嘉植鮮  
 危朽郊膏理易滋榮懸長巧紐翠愈象曲善攢珎魚  
 唐詩類苑 卷之一百七十一 八  
 口星浮沒郊馬毛錦斑駁五方亂風土愈百種分鉏  
 耕葩藥相妬出郊菲茸共舒情類招臻個詭翼萃伏  
 衿纓危望跨飛動郊冥升躡登閭春遊轆轤靡愈彩  
 伴颺嫠嫠遺燦飄的皪郊淑顏洞精誠嬌應如在寤  
 頽意若含醒鷄毳翔衣帶郊鵝肪截佩璜文昇相  
 照灼愈武勝屠攬搶割錦不酬價郊構雲有高營通  
 波初鱗介愈疏畹富蕭蕭衡買養馴孔翠郊遠苞樹蕉  
 枿鴻頭排刺芡愈鵠鷄攢瓊橙驚廣雜良牧郊蒙休  
 賴先盟罷旌奉環衛愈守封踐忠貞戰服脫明介郊  
 朝冠飄彩愈肅勳遠僮隸郊簪笏自懷繡乳下秀巖



嶷郊椒蕃泣嗶嗶貌鑑清溢匣愈眸光寒發硯館愈  
 養經史郊綴戚觴孫甥考鐘饋肴核愈憂鼓侑牢牲  
 飛膳自北下郊函珍極東烹如瓜煮大卵愈比線茹  
 芳菁海嶽錯口腹郊趙燕錫媼姪一笑釋仇恨愈百  
 金交弟兄貨至貊戎市郊呼傳鸚鵡令順居無鬼瞰  
 愈抑橫免官評殺候肆凌翦郊籠原市置紉羽空顛  
 雉鴟愈血路迸孤麋折足去踉蹌郊感髻怒髻鬢躍  
 犬疾翥鳥愈呀鷹甚饑重算蹄記功賞郊裂腦擒控  
 振猛斃牛馬樂愈妖殘梟鴿悍窟窮尚嗔視郊箭出  
 方驚抨連箱載已實愈礙輟棄仍羸喘覷鋒刃點郊  
 唐詩類苑 卷之百廿 九  
 困衝株杙盲掃淨豁曠曠愈騁遙略萃萃饒挾飽活  
 嚮郊惡嚼嚙腥鯖歲律及郊至愈古音命詔諛旗旆  
 流日月郊帳廬扶棟覺磊落莫鴻壁愈參差席香簾  
 玄祇祉兆姓郊黑柜饒豐盛慶流蠲瘥癘愈威暢捐  
 輻輳靈燔望高岡郊龍駕開敲鼙是惟禮之盛愈永  
 用表其宏德孕厚生植郊恩熙完別宅土盡華族  
 愈運田間強吐蔭庾森嶺檜郊啄場翔祥鵬畦肥翦  
 韭薤愈陶固收盆甕利養積餘健郊孝思事嚴祊掘  
 雲破帶嶼愈採月漉坳泓寺砌上明鏡郊僧盂敲曉  
 鉅泥像對騁怪愈鐵鐘孤春鐘郊鐘鳴愈鐘垣

亂球螭甚黑老鸛愈參黃鵠鸚鵡韶曙遲騰愈  
 賢朋戒先庚馳門填偈仄愈競墅輾碌碎碎緗紅滿  
 杏郊稠凝碧浮錫蹙繩觀娥婺愈聞草擷璣瑱粉汗  
 澤廣額郊金星墜運環鼻偷困淑郁愈眼剽強盯睨  
 是節飽顏色郊茲疆稱都城書饒罄魚肉愈紀盛播  
 琴箏奚必事遠覲郊無端逐羈僇將身親魍魅愈浮  
 跡侶鷗鵲腥味空莫屈郊天年徒羨彭驚魂見蛇蚓  
 愈觸嗅值蝦蟇幸得履中氣郊忝從拂天振歸私暫  
 休暇愈驅明出庠覺鮮意疎輕暢郊連輝照瓊瑩陶  
 暄逐風乙愈躍視舞晴晴足勝自多詣郊心貪敵無  
 唐詩類苑 卷之百廿 二十  
 勅始知樂名教愈何用苦拘擥畢景任詩趣郊焉能  
 守磴磴愈  
 城西行 劉禹錫  
 城西簇簇三叛族叛者爲誰蔡吳蜀中使提刀出禁  
 來九衢車馬轟如雷臨行與酒杯未覆離家白官先  
 請肉守吏能然董卓臍飢鳥來覲極玄目城西人散  
 秦街平雨洗血痕春草生  
 築城二首 曹鄴  
 郎有藤蘿心妾有芙蓉質不辭嫁與郎築城無休日

鳴鳴啄人鴉軋軋上城車力盡土不盡得歸亦無家

三

築人非築城圍秦豈圍我不知城上土化作宮中火

築城詞

張籍

築城處千人萬人齊把杵重重土堅試行錐軍吏執鞭催作遲來時一年深磧裏盡着短衣渴無水力盡不得拋杵聲杵聲未盡人皆死家家養男當門戶今日作君城下上

登城寄王建

張籍

聞君鶴嶺住西望月依依遠客偏相憶登城獨不歸

唐詩類苑

卷之百十

三

十年爲道侶幾處共柴扉今日煙霞外人間得見稀

冬中登城樓有懷因贈程騰

盧綸

生涯何事多羈束賴此登臨暢心目郭南郭北無數山萬井逶迤流水間彈琴對酒不知暮岸幘題詩身且閒風聲蕭蕭雁飛絕雲色茫茫欲成雪遙思海客天外歸坐想征人兩頭別世情多以風塵隔泣盡無因畫籌策誰知白首窻下人不接朱門座中客賤亦不足歎貴亦不足陳長卿未遇楊朱江潭澤無媒原憲貧如今萬乘方用武國命天威侍從虎窟中

身外名公侯可廢刀頭取君不見漢家邊將在邊塞  
白羽三千出井陘當風看獵擁珠翠豈在終年窮一經

出城

韓愈

暫出城門蹋青草遠於林下見春山應須韋杜家家到祇有今朝一日閑

城上

白居易

城上瑟瑟鼓朝衙復晚衙爲君慵不出落盡迷城花

城上

李商隱

有客虛投筆無家獨上城沙禽失侶遠江樹着陰輕

唐詩類苑

卷之百十

三

邊遽稽天討軍須竭地征賈生遊刃極作賦又論兵

城上

杜甫

草滿巴西綠空城白日長風吹花片片春動水茫茫  
人駿隨天子群臣從武皇遙聞出巡狩早晚遍遐荒

城外

李商隱

露寒風定不無情臨水當山有隔城未必明時勝  
鈴一生長共月虧盈

郭

出郭

杜甫

霜露晚淒淒高天逐望低遠烟鹽井上斜景雪峰西

故國猶兵馬他鄉亦鼓鼙江城今夜客還與舊鳥

市

詠市

李嶠

闌闌開三市旗亭起百尋漸離初擊筑司馬正彈琴  
細柳龍鱗映長槐兔月陰徒知觀衛玉詎肯挂秦巾  
入茶山下題水口草市絕句

杜牧

倚溪侵嶺多高樹誇酒書旗有小樓驚起鴛鴦豈無  
恨一雙飛去却迴頭

街

唐詩類苑

卷之二十七

三

過天門街

白居易

雪盡終南又欲春遙憐翠色對紅塵千車萬馬九衢  
上迴首看山無一人

天街

秦韜玉

九衢風景盡爭新獨占天門近紫宸寶馬競隨朝暮  
客香車爭碾古今塵烟光正入南山色氣勢遙連北  
關春莫見繁華祗如此暗中還換往來人

利仁北街作

白居易

草色斑斑春雨晴利仁坊北面西行踟躕立馬緣何  
事認得張家歌吹聲

靖安北街贈李二十

白居易

榆莢拋錢柳展眉兩人竝馬語行遲還似往年安福  
寺共君私試却迴時

街西長句

杜牧

碧池新漲浴嬌鴟分鏤長安富貴家遊騎偶同人  
酒名園相倚杏交花銀鞦驪裊宛馬繡鞦韆走  
鈿車一曲將軍何處笛連雲芳草日初斜

唐詩類苑

卷之二十七

三

唐詩類苑卷第一百七十一

明雲間張之象玄超甫纂輯

晉陵孫慎行聞斯甫編次

雲間王 微叔朗甫補訂

梁谿曹仁孫伯安甫校正

居處部

門

詠門

李 嶠

奕奕彤闈下煌煌紫禁隈阿房萬戶列閭闔九重開  
疎廣遺榮去于公待駟來詎知金馬側方朔有奇才

唐詩類苑

卷之二百七十一

上東門會送李幼舉南遊徐方

韋應物

離絃既罷彈樽酒亦已闌聽我歌一曲南徐在雲端  
雲端雖云邈行路本非難諸侯皆愛才公子遠結歡  
濟濟都門宴將去復盤桓令姿何昂昂良馬遠遊冠  
意氣且爲別由來非所嘆

出東門

孟 郊

餓馬骨亦聳獨驅出東門少年一日程衰叟十日奔  
寒景不我爲疾走落平原眇然荒草行恐懼夜魄翻  
一生自組織千首大雅言道路如抽蠶宛轉羈腸繁

賦得鼎門送盧耿赴任 韋應物

名因定鼎地門對鑿龍山水北樓臺近城南車馬還  
稍開芳野靜欲掩暮鐘閑去此無嗟屈前賢尚抱關

青門歌送東臺張判官 岑 參

青門金鎖平旦開城頭日出使車回青門柳枝正堪  
折路傍一日幾人別東出青門路不窮驛樓官樹灞  
陵東花撲征衣看似繡雲隨去馬色疑驄胡姬酒壚  
日未午絲繩玉缸酒如乳灞頭落花沒馬蹄昨夜微  
雨花成泥黃鸝翅濕飛屢低關東尺書醉嬾題須臾  
望君不可見揚鞭飛轡疾於箭借問使乎何時來莫  
唐詩類苑 卷之二百七十一 二

古東門行

柳宗元

漢家三十六將軍東方靄動橫陣雲鷄鳴函谷客如  
霧貌同心異不可數赤丸夜語飛電光徼巡司隸眠  
如羊當街一叱百吏走馮敬胷中函七首兇徒側耳  
潛愜心悍臣破膽皆杜口魏王卧內藏兵符子胥掩  
袂真無辜羌胡轂下一朝起敵國舟中非所擬安陵  
誰辨削礪功韓國詎明深井里絕臙斷骨那下補萬  
金寵贈不如土

閶門卽事

張 繼

耕夫占募逐樓船春草青青萬頃田試上吳門看郡郭清明幾處有新煙

都門晚望

朱慶餘

綠槐花墮御溝邊步出都門雨後天日暮野人耕種罷烽樓原上一條煙

履道西門二首

白居易

履道西門有弊居池塘竹樹遶吾廬豪華肥壯雖無分飽煖安閑卽有餘行寵朝香炊早飯小園春煖撥新蔬夷齊黃綺誇芝蕨比我盤餐恐不如

履道西門獨掩扉休官病退客來稀亦知軒冕榮堪

唐詩類苑

卷之二十七

三

戀其柰田園老合歸跛躄難隨騏驥足傷禽莫趁鳳凰飛世間認得身人少今我雖愚亦庶幾

登閬門閑望

白居易

閬門四望鬱蒼蒼始覺州雄土俗強十萬夫家供課稅五千子弟守封疆閬間城碧鋪秋草烏鵲橋紅帶夕陽處處樓前飄管吹家家門外泊舟航雲埋虎寺山藏色月耀娃官水放光曾賞錢塘嫌茂苑今來未敢苦誇張

柱

道州南換柱

呂溫

鴻災起無朕有見非前知蟻入不足恤柱傾何可追良工操斤斧沈吟方在斯殫材事朽廢曷若新橫規

館

早發苦竹館

李嶠

合沓巖嶂深朦朧煙霧曉荒阡下樵客野猿驚山鳥開門聽潺湲入徑尋窈窕棲巖抱寒木流螢飛暗篠早霞稍霏霏殘月猶皎皎行看遠星稀漸覺游氛少我行撫輶傳兼得傍林沼貪翫水石奇不知川路渺徒憐野心曠詎惻浮年小方解寵辱情求託累塵表

鄭縣陶太公館中贈馮六元二

唐詩類苑

卷之二十七

四

王昌齡

儒有輕王侯脫畧當世舉本家藍溪下非爲漁弋故無何困躬耕且欲馳水路幽居與君近出谷同所務昨日舜石門五年變秋露雲龍未相感干謁亦已屢子爲黃綬羈余忝蓬山顧京門望西岳百里見郊樹飛雨祠上來靄然關中暮驅車鄭城宿秉燭論往素山月出華陰開此河渚霧清光比故人豁達展心晤馮公尚戢翼元子仍跼步拂衣易爲高論迹難有趣張范善終始吾等豈不慕罷酒當涼風屈伸備算數

題豫章館

崔國輔

楊柳映春江江南轉佳麗吳門淥波裏越國青山際  
遊宦常往來津亭暫臨憩驛前蒼石沒浦外湖沙細  
向晚宴且平孤舟閒然逝雲留西北客氣歇東南帝  
獨有萋萋心誰知怨芳歲

春宵燕萬年吉少府中孚南館

韋應物

始見斗柄迴復茲霜月霽河漢上縱橫春城夜迢遞  
賓筵接時彥樂燕凌芳歲稍愛清觴滿仰嘆高文麗  
欲去返郊扉端爲一歡滯

宿新安江深度館寄鄭州王使君

唐詩類苑

五

朱長文

霜飛十月中搖落衆山空孤館閉寒木大江生夜風  
賦詩忙有意沈約在關東

桐村館重題

白居易

堦前下馬時梁上題詩處慘澹病使君蕭疎老松樹  
自嗟還自哂又向杭州去

郡齋暇日辱常州陳郎中使君早春晚坐水

西館舊事詩十六韻見寄亦以十六韻酬

之 白居易

新年多暇日晏起褰簾坐睡足心更慵日高頭未裹

徐傾下藥酒稍藝煎茶火誰伴寂寥身無絃琴在左  
遙思毘陵館春深物婀娜波拂黃柳梢風搖白梅朵  
衙門排曉戟鈴閣開朝鎖太守冰西來朱衣垂素舸  
良晨不易得佳會無由果五馬正相望雙魚忽前墮  
魚中獲瑰寶持翫何磊砢一百六十言字字靈珠顆  
上申心款曲下敘時輾轉才富不如君道孤還似我  
敢辭官遠慢且貴身安妥勿復問榮枯冥心無不可

寓居武丁館

陳存

暑雨飄已過涼飈觸幽衿虛館無喧塵綠槐多晝陰  
俯視古苔積仰聆早蟬吟放卷一長想閑門千里心

唐詩類苑

卷之百十一

六

吳安西館贈從弟楚客

孟郊

蒙籠楊柳館中有南風生風生今爲誰湘客多遠情  
孤枕楚水夢獨帆楚江程覺來殘恨深一作尚與歸  
路并玉匣正絃在請君時一鳴

湘口館瀟湘二水所會

柳宗元

九疑濤傾奔臨源委縈迴會合屬空曠泓澄停風雷

高館軒霞表危樓凌山隈茲辰始激湍直凌霽纖雲盡

塞開天秋日正中水碧無塵埃杳杳漁父吟呌呌

鴻哀境勝豈不豫慮分固難裁升高欲自舒彌使遠

念來歸流駛且廣汎舟絕沿洄

宿洞口館

錢起

野竹通溪冷秋泉入戶鳴亂來人不到芳草上堦生

山館

皇甫冉

山館長寂寂閒雲朝夕來空庭復何有落日照青苔

題壽安甘棠館二首

劉禹錫

公館似仙家池清竹徑斜山禽忽驚起衝落半巖花

二

門前洛陽道門裏桃源路塵土無煙霞其間十餘步

題宛溪館

李白

吾憐宛溪好百尺照心明可謝新安水千尋見底清

唐詩類苑

卷之百七十一

七

白沙留月色綠竹助秋聲却笑巖湍上于今獨擅名

答王無功冬夜載酒鄉館

崔善爲

頒條忝貴郡懸榻久相望處士同楊鄭邦君謝李疆

詎知方擁篲逢子敬惟桑明朝蓬戶側會自謁任棠

岳館

沈佺期

洞壑仙人館孤風玉女臺空濛朝雨合窈窕夕陽開

荒澗含輕雨虛巖應薄雷正逢鸞與鶴歌舞出天來

宿鐵關西館

岑參

馬汗踏成泥朝馳幾萬蹄雪中行地角火處宿天倪

塞迴心常怯鄉遙夢亦迷那知故園月也到鐵關西

次蔡陽館

孟浩然

日暮馬行疾城荒人住稀聽歌疑近楚投館忽如歸

魯堰田疇廣章陵氣色微明朝拜嘉慶須著老萊衣

山館

杜甫

南國晝多霧北風天正寒路危行木杪身遠宿雲端

山鬼吹燈滅厨人語夜闌鷄鳴問前館世亂敢求安

同李司直諸公暑夜南餘館

皇甫冉

何處多明月津亭暑夜深煙霞不可望雲樹更深沈

好是吳中隱仍爲洛下吟微官朝復夕牽強亦何心

唐詩類苑

卷之百七十一

八

宿新里館

錢起

愁人待曉雞秋雨暗淒淒度燭螢時滅傳書鴈漸低

客來知計誤夢裏泣津津無以逃悲思寒蟄處處啼

一本有五韻從迷字下云每食皆彈鋏  
歸山柰杖藜叔牙先得路何日救沈泥

晚次宿預館

錢起

鄉心不可問秋氣更相逢飄泊方千里離悲復幾重

迴雲隨去鴈寒露滴鳴蛩延頸遙天末如聞故國鐘

勅恩重推使牒追赴蘇州次前溪館作

劉長卿

漸入雲峯裏愁看驛路閑亂鷗投落日疲馬向空山



且喜憐非罪何心戀末班天南一萬里誰料得生還

北歸次秋浦界清谿館 劉長卿

萬里猿啼斷孤村客暫依鴈過彭蠡暮人向宛陵稀  
舊路青山在餘生白首歸漸知行近北不見鷓鴣飛  
晚次苦竹館卻憶平越舊游

劉長卿

匹馬風塵色千峰日暮時遙看落日盡獨向遠山枝  
故驛花臨道荒村竹映籬誰憐却迴首步步戀南枝

石城館酬王將軍 郎士元

誰能繡衣客肯駐木蘭舟連鴈沙邊至孤城江上秋

唐詩類苑

卷之百七十一

九

歸帆背南浦楚塞入西樓何處看離思滄波日夜流

發靈溪館

許渾

山多水不窮一葉似漁翁鳥浴寒潭雨猿吟暮嶺風  
雜英垂錦繡眾艸合絲桐應有曹溪一作桃溪路千叢萬壑中

題青山館 郎謝公館

許渾

昔人詩酒地芳草思王孫白水半塘岸青山橫郭門  
懸巖碑已折盤石井猶存無處繼行樂野花空一樽

秋日衆哲館對竹

蕭蕭凌雪霜濃翠異三湘疎影月移壁寒聲風滿堂

捲簾秋更早高枕夜偏長忽憶秦溪路萬竿今正涼

陪越中使院諸公鏡波館餞明台裴鄭二使

君 許渾

傾幕來華館淹留二使君舞移清夜月歌斷碧空雲  
海郡樓臺接江船劍戟分明時自驚翫無復嘆離群

荆溪館呈丘義興

嚴維

失路荆溪上依仁忽暝投長橋今夜月陽羨古時州  
野燒明山郭寒更出縣樓先生能館我無事五湖遊  
雨中長樂水館送趙十五滂不及

李商隱

唐詩類苑

卷之百七十一

十

碧雲東去雨雲西苑路高高驛路低秋水綠蕪終盡

分夫君太騁錦障泥

泥陽館

賈島

客愁何併起暮送故人回廢館秋螢出空城寒雨來  
夕陽飄白露樹影掃青苔獨坐離容慘孤燈照不開

宿邯鄲館寄馬磁州

張籍

旅客到空館夜寒愁卧遲雖沾主人酒不似在家時  
幾宿得歡笑如今成別離明朝行更遠迴望隔山陂

題壽安南館

王建

明蒙行間亭天暖幽桂碧雲生四面山水接當階石

濕是浴鳥痕破苔卧鹿蹟不緣塵駕觸堪作商賄

街西池館

李商隱

白閣他年別朱門此夜過疎簾留月魄珍簾接煙波  
太守三刀夢將軍一箭歌國租容客旅香熟玉山禾

句容縣東青陽館作

李嘉祐

句曲千峯暮歸人向遠煙風搖近水葉雲護欲霜天  
夕照留山館秋花落野田征途傍斜日一騎獨翩翩

雲陽館與韓紳宿別

司空曙

故人江海別幾度隔山川乍見翻疑夢相悲各問年  
孤燈寒照雨濕竹暗浮煙更有明朝恨離杯惜共傳

唐詩類苑

卷之百七十一

十一

宿江館

朱慶餘

江館迢遙處知音信漸賒夜深鄉夢覺聽下月明斜  
起鴈看荒草驚波尚白砂那堪動鄉思故國在天涯

晚次荆溪館呈崔明府

張祐

艤舟陽羨館飛步繚疎楹山暝水雲碧月涼煙樹清  
長橋深漾影遠櫓下搖聲況是無三害絃歌初政成

洞庭南館

張祐

一徑逗霜林朱欄遶碧岑地盤雲夢角山鎮洞庭心  
樹白看煙起沙紅見日沈還因此悲屈惆悵又行吟

泊靈溪館

鄭巢

孤吟疎雨絕荒館亂峯前曉鷺棲危石秋萍滿敗船  
溜從華頂落樹與赤城連已有求閑意來期在暮年

題海鹽南館

張祐

故人營此地臺館尚依依黑夜山魃語黃昏海燕歸  
舊陰楊葉在殘雨槿花稀無復南亭賞高簷紅燭輝

宿甘棠館

儲嗣宗

塵跡入門盡悄然江海心水聲巫峽遠山色洞庭深  
風桂落寒子嵐煙凝夕陰前軒鶴歸處蘿月思沈沈

宿彭蠡館

羅隱

孤館少年旅解鞍憎別愁遠山矜薄暮高柳怯清秋

唐詩類苑

卷之百七十一

十二

病裏見時態醉中思舊遊所懷今已矣何必恨東流

酬徐二中丞普寧郡內池館卽事見寄

柳宗元

鵝鴻念舊行虛館對芳塘落日明珠檻繁花照羽觴  
泉歸滄海近樹入楚山長榮賤俱爲累相期在故鄉

晚憇南陽旅館

劉希夷

旅館何年廢征夫此日過途窮人自哭春至鳥還歌  
行路新知少荒田古徑多池篴覆丹谷墳樹遶清波  
日照蓬陰轉風微墅氣和傷心不可去回首怨如何

賀給事嘗詣蔡起居郊館有詩因命同作

張九齡

記言聞直史築室面層阿豈不承明入終云幽意多  
沈冥高士致休澣故人過前嶺游氛滅中林芳氣和  
茲辰阻佳趣望美獨如何

襄武館遊眺

元 禎

州民知禮讓訟簡得遨遊高亭憑古地山川當暮秋  
是時秔稻熟西望盡田<sub>一作</sub>疇仰恩慙政拙念勞喜  
歲收澹泊風景晏繚繞雲樹幽節往情惻惻天高思  
悠悠嘉賓華雲集芳樽始淹留還希習池賞<sub>一作還喜曲池</sub>  
賓聊以駐鳴騶

唐詩類苑

卷之百七十一

五

銀山磧西館

岑 參

銀山峽口風似箭鐵門關西月如練雙雙愁淚沾馬  
毛颯颯胡沙迸人面丈夫三十未富貴安能終日守  
筆櫬

興州江館

鄭 谷

向蜀還秦計未成寒蛩一夜遶牀鳴愁眠不穩孤燈  
盡坐聽嘉陵江水聲

題廣昌館

韓 愈

白水龍飛已幾春偶逢遺跡問耕人丘墳發掘當官  
路何處南陽有近親

冬至宿楊梅館

白居易

十一月中長至夜三千里外遠行人若爲獨宿楊梅  
館冷枕單牀一病身

宿桐廬館同崔存度醉後作

白居易

江海漂漂共旅遊一樽相勸散窮愁夜深醒後愁還  
在雨滴梧桐山館秋

玉仙館

張 籍

長谿新雨色如泥野水陰雲盡向西楚客天難行漸  
遠山山樹裏鷓鴣啼

唐詩類苑

卷之百七十一

四

題前溪館

李嘉祐

兩年謫宦在江西舉目雲山每自迷今日始知風土  
異潯陽南去鷓鴣啼

題松江館

羊士諤

津柳江風白浪平棹移高館古今情扁舟一去鷓鴣  
子應笑分符計日程

宿荊州江陵館

羅 隱

西游象闕媿知音東下荆溪稱越吟風動菱荷香四  
散月明樓閣影相侵閑歌別枕千般夢醉送征帆萬  
里心薛荔衣裳木蘭檝異時煙雨好追尋

題青雲館

杜牧

虬蟠千仞劇羊腸  
天府由來百二強  
四皓有芝輕漢祖  
張儀無地與懷王  
雲連帳影蘿陰合  
枕遶泉聲客夢涼  
深處會容高尚者  
水苗三頃百株桑

題新館

白居易

會爲白社羈遊子  
合作朱門醉飽身  
十萬戶州猶覺貴  
二千石祿敢言貧  
重裘每念單衣士  
兼味常思旅食人  
新館寒來多少客  
欲爲歌酒煖風塵

宿望亭館寄蘇州一二同志

許渾

唐詩類苑

卷之百七十一

五

候館人稀夜自長  
姑蘇城遠樹蒼蒼  
江湖水落高樓迥  
河漢秋歸廣簾涼  
月轉碧梧移鵲影  
露低紅葉濕螢光  
西園詩侶應多思  
莫醉笙歌掩畫堂

晚題江館

周賀

病寄曲江居帶城  
傍門孤柳一蟬鳴  
澄江月上見魚擲  
晚徑蕖多聞犬行  
越島夜無侵閣色  
寺鐘涼有隔原聲  
故園盡賣休官去  
潮水秋來空自平

宿蒼谿館

劉滄

孤館門開對碧岑  
竹牕燈下聽猿吟  
巴山夜雨別離夢  
秦塞舊山迢遞心  
滿地莓苔生近水  
幾株楊柳自

成陰空思知已隔  
雲嶺鄉路獨歸春  
草深

客舍

何九於客舍集

王昌齡

客有住桂陽亦如巢林鳥  
羣觴且終宴功業曾未了  
山月空霽時江明高樓曉  
門前泊舟櫂行次入松篠  
此意投贈君滄波風裏裏

邯鄲客舍歌

岑參

客從長安來驅馬邯鄲道  
傷心叢臺下一旦生蔓草  
客舍門臨漳水邊垂楊下  
繫釣魚船邯鄲女兒夜沽酒  
對客挑燈誇數錢  
醕酢時日正午一曲狂歌墮

唐詩類苑

卷之百七十一

六

上眠

宿華陰東郭客舍憶閭防  
岑參

次舍山郭近解鞍鳴鐘時  
主人炊新粒行子充夜饑  
關月生首陽照見華陰祠  
蒼苔秋山晦蕭瑟寒松悲  
久從園廬別遂與朋知辭  
舊壑蘭杜晚歸軒今已遲  
冀州客舍酒酣貽王綺寄題南樓

岑參

夫子傲常調詔書下徵求  
知君欲謁帝抹馬趨西周  
逸足何駸駸美聲實風流  
學富贍清詞下筆不能休  
君家一何盛赫奕難爲儔  
伯父四五人同時爲諸侯

憶昨始相值，值君客貝丘。相看復乘興，攜手到冀州。  
前日在南縣，與君上北樓。野曠不見山，白日落草頭。  
客舍梨花繁，深花隱鳴鳩。南隣新酒熟，有女彈箜篌。  
醉後或狂歌，酒醒滿離憂。主人不相識，此地難淹留。  
吾廬終南下，堪與王孫遊。何當肯相尋，澧上一孤舟。

西蜀旅舍春歎寄朝中故人呈狄評事

岑參

春與人相乖，柳青頭轉白。生平未得意，覽鏡心自惜。  
四海猶未安，一身無所適。自從兵戈動，遂覺天地窄。  
功業悲後時，光陰歎虛擲。却爲文章累，幸有開濟策。

唐詩類苑

卷之百七十一

十七

何負當途人，心無矜窘厄。回瞻後來者，皆欲肆轡轢。  
起草思南宮，寄言憶西掖。時危任舒卷，身退知損益。  
窮巷草轉深，閉門日將夕。橋西暮雨黑，籬外春江碧。  
昨者初識君，相看俱是客。聲華同道術，世業通往昔。  
早須歸天階，不得安孔席。吾先稅歸鞅，舊國如咫尺。

題高

皇甫冉

孤興自自深，薄雲非所仰。牕中西城峻，樹外東川廣。  
晏起簾幕中，閑吟倚藜杖。阮公道在醉，莊子生常養。  
五柳轉扶疎，千峯恣來往。清秋香稻稔，白露寒菜長。  
吳國滯風煙，平陵延夢想。時人趨綬弁，高鳥違羅網。

世事徒亂紛，吾心方浩蕩。唯將山與水，處處諧真賞。

客舍贈鄭賁

錢起

結交意不薄，匪席言莫違。世義隨波久，人生知已稀。  
先鳴誓相達，未遇還相依。一望金門詔，三看黃鳥飛。  
暝投同旅食，朝出易儒衣。藉向林廬接，攜手行將歸。

商州客舍

孟郊

商山風雪壯遊子，衣裳單四望。失道路百憂，攢肺肝。  
日短覺易老，夜長知至寒。淚流瀟湘絃，調苦屈宋彈。  
識聲今所易，識意古所難。聲意今詎辨，一作竟高明鑒其端。

唐詩類苑

卷之百七十一

十八

客舍月下對酒醉後寄畢四耀

獨孤及

鄉路風雪深，生事憂患迫。天長波瀾廣，高舉無六翮。  
獨立寒夜移，幽境思彌積。霜月照膽淨，銀河入簷白。  
沽酒聊自勞，開樽坐簷隙。主人奏絲桐，能使高興劇。  
清機暫無累，獻酬更駉驛。慷慨葛天歌，愔愔廣陵陌。  
既醉萬事遺，耳熱心亦適。視身兀如泥，瞪目傲今昔。  
故人問城闕，音信兩脉脉。別時前盟在，寸景莫自擲。  
先是畢贈及詩云：共爐無火停日月，連若飛忽然街人身。飲酒不須疑。心與白日闕，十  
無一滿百。寓形新火內，甘作天地客。與物無親疎，斗

酒勝竹帛何必用自苦將貽古賢責

臨洮客舍留別祁四 岑參

無事向邊外至今仍不歸三年絕鄉信六月未春衣  
客舍洮水聒孤城胡鴈飛心知別君後開口笑應稀

七月三日在內學見有高道舉徵宿關西客

舍寄東山嚴許二山人

岑參

雲送關西雨風傳渭北秋孤燈然客夢寒杵搗鄉愁

灘上思嚴子山中憶許由蒼生今有望飛詔下林丘

郡中客舍

黃麟

唐詩類苑

卷之二百七十一

十九

蟲響亂啾啾更人正數籌魂歸洞庭夜霜卧洛陽秋

微月有時隱長河到曉流起來還囑鴈鄉信有吳洲

同耿緯宿陸澧旅舍

盧綸

當軒雲月開清夜故人杯擁褐覺霜下抱琴聞鴈來

迎風君顧步臨路我遲迴雙鬢共如此此歡非易陪

通川客舍

鄭谷

奔走失前計淹留非本心已難消永夜況復聽秋霖

漸解已兒語誰憐越客吟黃花徒滿手白髮不勝簪

早秋客舍

杜牧

風吹一片葉萬物已驚秋獨夜他鄉淚年年爲客愁

別離何處盡搖落幾時休不及磻溪叟身閑長自由

客舍喜友人相訪 賀蘭朋吉

荒居無四隣誰肯訪來頻古樹秋中葉他鄉病裏身  
鴈聲風送急螢影月流新獨爲成名晚多慙見友人

餘干旅舍

劉長卿

搖落暮天迴青楓霜葉稀孤城向水閉獨鳥背人飛  
渡口月初上隣家漁未歸鄉心正欲絕何處搗寒衣

客舍書情寄趙中丞

崔峒

東楚復西秦浮雲類此身關山勞策蹇僮僕慣投人

孤客來千里全家託四隣生涯難自料中夜問情親

唐詩類苑

卷之二百七十一

二十

客舍有懷因呈諸在事

崔峒

讀書常苦節待詔豈辭貧暮雪猶驅馬哺餐又寄人

愁來占吉夢老去惜良辰延首平津閣家山口已春

羅江客舍

戎昱

山縣秋雲閣亭臺暮雨寒自傷庭葉下誰問客衣單

有興時添酒一作開卷無聊嬾整冠近來鄉國夢夜夜到

長安

邊州客舍

項斯

開門不成出麥色徧前坡自小詩名在如今白髮多

聖年無越信終日厭蕃歌近寺居僧少春來亦嬾過

塾屋客舍

耿 漳

寂寥荒壘下客舍雨微微門見苔生滿心慙吏到稀  
籬花看未發海燕欲先歸無限堪惆悵誰家復擣衣  
下邳客舍喜叔孫主簿鄭少府見過

耿 漳

良宵復杪秋把酒說羈遊落水東西別寒萍遠近流  
蕭條旅館月寂歷曙更籌不是仇梅至何人問百憂  
送房明府罷長寧令之湖州客舍

李嘉祐

君爲萬里宰恩及五湖人未滿先求退歸閑不厭貧  
唐詩類苑 卷之二十七十一 主一

遠峯晴更近殘柳雨還新妄自趨丹陛明年雞樹親

華州客舍奉和崔端公春城曉望

耿 漳

不語看芳徑悲春嬾獨行向人微月在報雨早霞生  
貧病催年齒風塵掩姓名賴逢驄馬客郢曲緩羈情  
過章秀才洛陽客舍 姚 倫

達人心自適旅舍當閑居不出來時徑重看讀了書  
晚山嵐色近斜日樹陰疎盡是忘言客聽君誦子虛

金州客舍

方 干

卷箔群峯暮蕭條未掩關江流嶓冢雨路人漢家山

落葉歆眠後孤砧倚望間此情偏耐醉難遣酒壘閒

懷州客舍

方 干

誤飲單懷酒誰知滯去程朝昏太行色坐卧沁河聲  
白道穿秦甸嚴聲似戍城隣雞莫相促遊子自晨征  
洪州客舍寄柳博士芳 薛 業

去年燕巢主人屋今年花發路傍枝年年爲客不到  
舍舊國存亡那得知胡塵一起天下亂何處春風無  
別離

客居

杜 甫

客居所居堂前江後山根下塹萬尋岸蒼濤鬱飛翻  
唐詩類苑 卷之二十七十一 主一

蔥青衆木梢邪豎雜石浪子規晝夜啼壯士斂精魂  
峽開四千里水合數百源人虎相半居相傷終兩存  
蜀麻久不來吳監擁荆門西南失大將商旅自星奔  
今又降元戎已聞動行軒舟子候利涉亦憑節制尊  
我在路中央生理不得論卧愁病脚廢徐步視小園  
短畦帶碧草悵望思王孫鳳隨其凰去離雀暮喧繁  
覽物想故國十年別荒村日暮歸幾翼北林空自昏  
安得覆八溟爲君洗乾坤稷契易爲力大戎何足吞  
儒生老無成臣子憂四蕃篋中有舊筆情至時復援

客堂

杜 甫



憶昨離少城而今異楚蜀拾舟復深山宵窈一林麓  
樓泊雲安縣消中內相毒舊疾甘載來衰年得無足  
死爲殊方鬼頭白免短促老馬終望雲南鴈意在北  
別家長兒女欲起慙筋力客堂敘節改具物對羈束  
石暄葦芽紫渚秀蘆笋綠巴稼紛未稀微麥早向熟  
悠悠日動江漠漠春辭木臺郎選才俊自顧亦已極  
前輩聲名人埋沒何所得居然絳章紱受性本幽獨  
平生憇息地必種數竿竹事業只濁醪營葺恒草屋  
上公有記者累奏資薄祿主憂豈濟時身遠彌曠職  
循文廟算正獻可天衢直尚想趨朝廷毫髮裨社稷  
唐詩類苑 卷之百七十一 三

形骸今若是進退委行邑

長安客舍贈李行父明府 錢起

藏器待時少知人自古難遂今丹穴鳳晚食金琅玕  
誰謂兵戈際鳴琴方一彈理煩善用簡濟猛能兼寬  
夙夜念黎庶寢興非宴安洪波未靜壑何樹不驚鸞  
鳬鳥傍京輦毗心懸灌壇高槐暗苦雨長劍生秋寒  
旅食還時客饑年亦盡歡親勞攜斗水往往救泥蟠  
但恐酬明義蹉跎芳歲闌

臨河客舍呈狄明府兄畱題縣南樓

岑參

鳳陽城南雪正飛黎陽渡頭人未歸河邊酒家堪寄  
宿主人小女能縫衣故人高卧黎陽縣一別三年不  
相見邑中雨雪偏著時隔河東郡人遙羨鄴都唯見  
古時丘障水還如舊日流城上望鄉應不見朝來好  
是嬾登樓

客舍喜鄭三見寄

劉長卿

客舍逢君未換衣閉門愁見桃花飛遙想故園今已  
爾家人應念行人歸寂寞垂楊映深曲長安日暮靈  
臺宿窮巷無人鳥雀閑空庭新雨莓苔綠北中分與  
故交疎何幸仍廻長者車十年未稱平生意好得辛  
唐詩類苑 卷之百七十一 三

勤謾讀書

秋日汴河客舍酬友人 羅隱

梁宋追遊早歲同偶然違別事皆空年如流水催何  
急道似危途動卽窮醉舞且欣連夜月狂吟還聚上  
樓風煩君更枉謠人句白鳳靈蛇滿袖中

客舍寓懷

錢珣

灑灑灘聲晚霽時客亭風袖半披垂野雲行止誰相  
待明月襟懷祇自知無伴偶吟溪上路有花偷笑臘  
前枝牽情景物潛惆悵忽似傷春遠別離

長安客舍懷蕭使君邵陵舊宴

曹唐

粉雉丹軒畫障西水雲紅樹翠璇題鷓鴣欲絕歌聲  
定鷓鴣初驚舞袖齊坐對玉山難句線細聽金石怕  
底迷東風夜月三年飲不省歸時不似泥

溫湯客舍

劉長卿

冬行溫泉歲欲闌官城佳氣晚宜看湯熏仗裏千旗  
暖雲照山邊萬井寒君門獻賦誰相達客舍無錢輒  
自安且喜禮闈秦鏡在還將妍醜付春官

汶陽客舍

劉滄

年光自感益蹉跎岐路東西竟若何  
外雨來山色

唐詩類苑

卷一百一十五

三五

江每邊秋至鴈聲多思鄉每讀登樓賦對月空吟叩

角歌迢遞舊山伊水畔破齋荒徑閉煙蘿

晚秋洛陽客舍

劉滄

清洛平分兩岸沙沙邊水色近人家  
隋朝古陌銅駝

柳石氏荒源金谷花庭葉霜濃悲送客官城日晚度

寒鷀未成歸計關河阻空望白雲鄉路賒

岐陽客舍呈張明府

耿漳

逸妻稚子應溝壑歸路茫茫東去遙涼葉下時心悄  
悄空齋夢裏雨蕭蕭星霜漸見侵華髮生長處聞在  
聖朝知已只今何處在故山無事別漁樵

郊舍

寄題崔校書郊舍

黃滔

一片寒塘水尋常立鷺絲主人貧愛客沽酒往吟詩

店

澧水東店送唐子歸嵩陽 岑參

野店臨官路重城壓御堤山開灞水北雨過杜陵西  
歸夢秋能作鄉書醉懶題橋回忽不見征馬尚聞嘶

楊固店

岑參

客舍梨葉亦離家聞搗衣夜來嘗有夢墜淚緣思歸  
洛水行欲盡縵山看漸微長安祗千里何事信音稀

唐詩類苑

十一

三六

宿江店

張籍

野店臨西浦門前有橘花停燈待買客賣酒與漁家  
夜靜秋江白路迴山月斜閑尋泊船處潮落見平沙

唐詩類苑卷第一百七十二

明雲間張之象玄超甫集輯

晉陵孫慎行開斯甫編次

雲間王 徹叔朗甫補訂

梁谿曹仁孫伯安甫校正

居處部

驛

奉使益州至長安發鍾陽驛

盧照隣

躋險方未夷乘春聊騁望落花赴丹谷奔流下青嶂

唐詩類苑

卷之百七十二

歲蕤芳樹滋滉漭春江漲平川看釣侶狹徑聞樵唱

魚戲綠苔前鶯歌白雲上耳目多異賞風煙有奇狀

峻阻將長城高樓吞巨舫聯翩事羈勒辛苦勞疲恙

夕濟幾潺湲晨登每惆悵誰念復芻狗山河獨偏喪

古泉驛

張說

昔聞陵仲子守義辭三公身質妻織履樂亦在其中

豈無窮賤苦羞與傾巧同長白臨河上於陵入濟東

我今行至此感嘆百泉空

經望湖驛

韋 鑑

大漠無屯雲孤峯出亂柳前驅白登道領失飛狐口

遙憶代王城俯臨恒山後疊疊多古墓寂寞爲墟久

豈不固金湯終聞擊銅斗交歡初仗信接燕翻貽咎

埋寶賊夫人磨笄傷彼婦功成行且薄義立名不朽

莫慎纖微端其何社稷守身殘國遂亡此立人君醜

通泉驛南去通泉縣十五里山水作

杜甫

溪行衣自濕亭午氣始散冬溫蚊蚋集人遠鳬鴨亂

登頓生層陰欲傾出高岸驛樓衰柳側縣郭輕煙畔

一川何綺麗盡日窮壯觀山色遠寂寞江光夕滋漫

傷時愧孔父去國同王粲我生苦飄零所歷有嗟嘆

唐詩類苑

卷之百七十二

青雲驛

元 稹

岩崕青雲嶺下有千仞谿徘徊不可上人倦馬亦嘶

願登青雲路若望丹霞梯謂言青雲驛繡戶芙蓉閨

謂言青雲騎玉勒黃金蹄謂言青雲具瑚璉并象犀

謂言青雲吏的的顏如珪懷此青雲望安能復久棲

路途信不易風雨正淒淒已怪杜鵑鳥先來山下啼

歸家塵霧黯忽遇蓬蒿妻延我開華戶鑿竇宛如圭

逡巡來敘別頭白顏色鰥鰥食頻呌噪假器仍乞醯

嚮時延我者共拾糞與梨乘我犂犂馬蒙茸大如甍

悔爲青雲意此意良噬臍昔游蜀關下有驛名青泥

聞名意慘愴若墜牢與徒雲泥異所稱人物一以齊  
復聞閭闔上下視日月低銀城藥珠殿玉版金字題  
大帝直南北群仙侍東西龍虎儼隊仗雷霆轟鼓鼙  
元君理庭內左右桃花蹊丹霞爛成綺素雲輕若緋  
天池光瀟瀟瑤瑤草綠萋萋衆真千萬輩柔顏盡如美  
手持鳳尾扇頭戴翠羽笄雲韶互鏗受霞服相提攜  
雙雙發皓齒各各揚輕袿天祚樂未極溟波浩無隄  
穢賤靈所惡安肯問黔黎桑田變成海寓縣烹爲壺  
虎皇不願見雲霧重重翳大帝安可夢閭闔何由跡  
靈物可見者願以諭端倪蟲蛇吐雲氣妖氛變虹蜺

陽城驛

元稹

商有陽城驛名同陽道州陽公沒已久感我淚交流  
昔公孝父母行與曾閔儔既孤善兄弟兄弟和且柔  
一夕不相見若懷三歲憂遂誓不婚娶沒齒同衾稠  
妹夫死他縣遺骨無人收公令季弟往公與仲弟留

相別竟不得三人同遠遊共負他鄉骨歸來藏故丘  
棲遲居夏邑邑人無苟偷里中競長短來問劣與優  
官刑一朝耻公短終身羞公亦不遺布人自不盜牛  
問公何德爾忠信先自修發言當道理不顧黨與讐  
聲香漸翕習冠蓋若雲浮少者從公學老者從公遊  
往來相告報縣尹與公侯名落公卿口湧如數萬舟  
天子得聞之書下再三求書中願一見天異呈天虬  
何以持爲聘束帛籍琳球何以持爲御駟馬駕安輜  
公云自挺操事殷不事周我實唐士庶食唐之田疇  
我聞天子憶安敢專口由來爲諫大夫朝夕侍冕旒  
希夷淳薄俗密勿獻良籌神醫不言術人瘼曾暗瘳  
月請諫官俸諸弟相對謀皆曰親戚外酒散目前愁  
公云不有爾安得此嘉猷施餘盡沽酒客來相獻酬  
日旰不謀食春深仍弊裘人心良戚戚我樂獨油油  
貞元歲云暮朝有曲如鉤風波勢奔蹙日月光綢繆  
齒牙屬爲猾禾黍暗生蠹豈無司言者肉食吞其喉  
豈無司搏者利柄扼如鑊鼻復勢氣塞不得辨薰蕕  
公雖未顯諫惴惴如患癘飛章八九上皆若珠暗投  
炎炎日將熾積燎無人抽公乃帥其屬決諫同報仇  
延英殿門外叩閣仍叩頭且曰事不止臣諫誓不休

上知不可遏命以美語酬降官司成署俾之爲贅疣  
奸心不快活擊刺礪戈矛終爲道州去天道竟悠悠  
遂令不言者反以言爲說喉舌坐成木鷹鷂化爲鳩  
避權如避虎冠豸如冠猴平生附我者詩人稱好速  
私來一執手恐若墜諸溝送我不出戶決我不迴眸  
唯有太學生各具糧與糒咸言公去矣我亦去荒陬  
公與諸生別步步駐行驛有生不可訣行行過閭阨  
爲師得如此得爲賢者不道州聞公來鼓舞歌且謳  
昔公居夏邑狎人如狎鷗況自爲刺史豈復援鼓枻  
滋章一時罷教化天下道炎瘴不得老英華忽已秋

和陽城驛

白居易

商山陽城驛中有嘆者誰云是元監察江陵謫去時  
忽見此驛名良久涕淚垂何故陽道州名姓同於斯  
憐君一寸心寵辱誓不移疾惡若巷伯好賢如緇衣  
沈吟不能去意者欲改爲改爲避賢驛大署於門楣  
荆人愛羊祜戶曹改爲辭一字不忍道況兼姓呼之

因題八百言言直文甚奇詩成寄與我鐸若金和絲  
上言陽公行友悌無等夷骨肉同衾裯至死不相離  
次言陽公迹夏邑始棲遲鄉人化其風少長皆孝慈  
次言陽公道終日對酒卮兄弟笑相顧醉貌紅怡怡  
次言陽公節寒寒居諫司誓心除國蠹決死犯天威  
終言陽公命左遷天一涯道州炎瘴地身不得生歸  
一一皆實錄事事無子遺凡是爲善者聞之惻然悲  
道州旣已矣往者不可追何世無其人來者亦可思  
願以君子文告彼大樂師附於雅歌末奏之白玉墀  
天子聞此章教化如法施直諫從如流佞臣惡如疵

食曲河驛

韓愈

晨及曲河驛悽然自傷情群鳥巢庭樹乳雀飛簷楹  
而我抱重罪子子萬里程親戚頓乖角圖史棄縱橫  
下負明義重上孤朝命榮殺身諒無補何用答生成  
酬裴十六功曹巡府西驛途中見寄

韓愈

相公罷論道聿至活東人御史坐言事作吏府中塵  
遂令河南治今古無儔倫四海日富庶道途隘蹄輪  
府西三百里候館同魚鱗相公謂御史勞子去自巡  
是時山水秋光景何鮮新哀鴻鳴清耳宿霧塞高旻  
遺我行旅詩軒軒有風神譬如黃金盤照耀荆璞真  
我來亦已幸事賢友其仁持竿洛水側孤坐屢窮辰  
多才自勞苦無用祇因循辭免期匪遠行行及山春

蓮塘驛

李益

五月渡淮水南行遶山陂江村遠雞應竹裏聞縹緲  
楚女肌髮美蓮塘煙露滋菱花覆碧渚黃鳥雙飛時

唐詩類苑

卷之三百七十三

七

渺渺泝洄遠憑風託微詞斜光動流睇此意難自持  
女歌本輕豔客行多怨思女蘿蒙幽蔓擬上青桐枝

州

柳宗元

幽徑爲誰開美人城北來王程儻餘暇一上子陵臺

宿樟亭驛

白居易

夜半樟亭驛愁人起望鄉月明何所見潮水白茫茫

宿懸泉驛

賈島

曉行瀝水樓暮到懸泉驛林月值雲遮山燈照愁寂  
臨都驛答夢得六言二首 白居易

楊子津頭月下臨都驛裏燈前昨日老於前日去年  
春似今年  
謝守歸爲秘監馮公老作郎官前事不須問著新詩  
且更吟看

白下驛餞唐少府

王勃

下驛窮交日昌亭旅食年相知何用早懷抱卽依然  
浦樓低晚照鄉路隔風煙去去如何道長安在日邊

題大庾嶺北驛

宋之問

陽月南飛鴈傳聞至此迴我行殊未已何日復歸來  
江靜潮初落林昏瘴不開明朝望鄉處應見隴頭梅

唐詩類苑

卷之三百七十三

八

寒食江州滿塘驛

宋之問

見歲時部

寒食題臨江驛三首

崔融

胡皓 宋之問

見歲時部

還至端州驛前與高六別處

張說

舊館分江口悽然望落暉相逢傳旅舍臨別換征衣  
昔寄山川是今傷人代非往來皆此路生死不同歸  
深渡驛 張說

旅宿青山夜荒庭白露秋洞房懸月影高枕聽江流  
猿響寒巖樹螢飛古驛樓他鄉對搖落併覺起離憂

曉發方驛驛

蘇頌

博置遠山蹊龍鍾澗泥片陰常作雨微照已望霓  
鬢髮愁氛換心情險路迷方知向蜀老協議子規啼  
至鴨欄驛上白馬磯贈裴侍御

李白

側疊萬古石橫爲白馬磯亂流若電轉舉棹揚珠輝  
臨驛卷綈幕升堂接繡衣情親不避馬爲我解霜威

宿白沙驛

杜甫

唐詩類苑

卷之三百七十三

九

水宿仍餘照人煙復此亭驛邊沙舊白湖外草新青  
萬象皆春氣孤槎自客星隨波無限月的近南溟  
清泥驛迎獻王侍郎

錢起

候館掃清晝使車出明光森森入郭樹一道引飛霜  
仰視驄花白多慚綬色黃鷓鴣無羽翼願假憲烏翔

洞庭驛逢郴州使還寄李湯司馬

劉長卿

洞庭秋水闊南望過衡峯遠客瀟湘裏歸人何處逢  
孤雲飛不定落葉去無蹤莫使滄浪叟長歌笑爾容

使還至菱陂驛渡潯水作

劉長卿

清川已再涉疲馬共西還何事行人倦終年流水閑  
孤煙飛廣澤一鳥向空山愁入雲峯裏蒼蒼閉古關

秋日赴闕題潼關驛樓

許渾

紅葉晚蕭蕭長亭酒一瓢殘雲歸太華疎雨過中條  
中條樹色隨關迴河聲入海遙帝鄉明日到猶自夢  
漁樵

秋濟潼關驛亭

許渾

霽色明高嶽關河獨望遙殘雲歸太華疎雨過中條  
鳥散綠蘿靜蟬鳴紅樹凋何言此時節去去任蓬飄  
次石頭驛寄江南王十中丞閣老

唐詩類苑

卷之三百七十三

十

韓愈

憑高試迴首一望豫章城人由戀德泣馬亦別群鳴  
寒日夕始照風江遠漸平默然都不語應識此時情

北還登漢陽北原題臨川驛

柳宗元

驅馬方向關迴首一臨川多壘非余耻無謀終自憐  
亂松知野寺餘雪記山田惆悵樵漁事今還又落然

善謔驛和劉夢得醉淳于先生

柳宗元

水上鷁已去亭中鳥又鳴辭因使楚重名爲救齊成



荒龍遠千古羽觴難再傾劉伶今日意異代是同聲  
將出關宿層峯驛却寄李諫議

杜牧

孤驛在重阻雲根掩柴扉數聲暮禽切萬壑秋意歸  
心馳碧泉澗目斷青瑣闌明日武關外夢魂勞遠飛

望亭驛酬別周判官

白居易

何事常長洲運宵飲不休醒應難作別歡漸少於愁  
燈火穿村市笙歌上驛樓何言五十里已不屬蘇州

茅城驛

白居易

汴河無景思秋月又淒淒地薄桑麻瘦村貧屋金低  
唐詩類苑卷之三百七十一

臨都驛送崔十八

白居易

勿言臨都五六里扶病出城相送來莫道長安一步  
地馬頭西去幾時迴與君後會知何處爲我今朝盡

一杯

宿臨江驛

張籍

楚驛南渡口夜深來客稀月明見潮上江靜覺鷗飛  
旅宿今已遠此行猶未歸離家久無信又聽搗寒衣

使至藍谿驛寄太常王丞

張籍

獨上七盤去空齋轉轉稠雲中迷策鼻雨裏下筆頭

水沒荒橋路鴉啼古驛樓君今在城闕肯見此中愁  
寄和水部馬郎中題興德驛時昭義已平

李商隱

仙郎倦去心鄭驛暫登臨水色瀟湘闊沙程朔漠深  
鷁舟時往復鷗鳥恣浮沈更想逢歸馬悠悠岳樹陰

宿山驛

張蠟

驛在千峯裏寒宵獨此身古墳時見火荒里悄無隣  
月白翻驚鳥雲閑欲就人祇應明月鬢更與老相親

秋日送客至潛水驛

劉禹錫

候吏立沙際田家連竹溪楓林社日鼓茅屋午時雞  
唐詩類苑卷之三百七十一

裏城驛

元稹

嚴秦修此驛兼漲驛前池已種千竿竹又栽千樹梨  
四年三月半新筍晚花時悵望東川去等閑題作詩

過三郊驛却寄楊評事時此子郭令公欲有

表薦

耿漳

冉冉青衫客悠悠白髮人亂山孤驛暮長路百花新  
終歲行他縣全家望此身更思君去就早晚問平津

汴路水驛

王建

晚泊水邊驛柳塘初起風蛙鳴蒲葉下魚入稻花中

去舍已云遠問程猶向東近來多怨別不與少年

邯鄲驛樓作

馬戴

蕪沒叢臺久清漳廢御溝蟬鳴河外樹人在驛西樓  
雲燒天中赤山當日落秋近郊經戰後處處骨成丘

馬嵬驛

于漬

常經馬嵬驛見說坡前客一從屠貴妃生女愁傾國  
是日芙蓉花不如秋草色當時嫁匹夫不妨得頭白

題籌筆驛

殷潛之

江東矜割據鄴下奪孤葵霸略非匡漢宏圖欲佐誰  
秦書辭後主仗劍出全師重襲襄斜路懸開反正旗

唐詩類苑

卷之三百七十三

十三

欲將苞有截必使舉無遺沈慮經謀際揮毫決勝時  
圓觚當分畫前著北操持山秀扶英氣川流入妙思  
算成功在穀運去事終虧命屈天方厭人亡國自隨  
艱難推舊姓開創極初基總嘆曾過地寧探作教資  
若歸新曆數誰復顧衰危報德兼明道長留識者知

和野人殷潛之題籌筆驛十四韻

杜牧

三吳裂婺女九錫獄孤兒霸王業未半本朝心是誰  
永安宮受詔籌筆驛沈思畫地乾坤在濡毫勝負知  
艱難同草創得失計毫釐寂默經千慮分明渾一期

川流繁智思山聳助扶持慷慨匡時略從容問罪師  
襄中秋鼓角渭曲晚旌旗仗義懸無敵鳴攻固有辭  
若非天奪去豈復慮能支子夜星纔落鴻毛鼎便移  
郵亭世自換白日事長垂何處躬耕者猶題殄瘁詩

重題絕句

杜牧

郵亭寄人世世寄郵亭何如自籌度鴻路有冥冥

早發楚城驛

白居易

過雨塵埃滅沿江道徑平月乘殘夜出人趁早涼行  
寂歷閑吟動冥濛聞思生荷塘翻露氣稻壠瀉泉聲  
宿犬聞鈴起棲禽見火驚曉曉煙樹色十里始天明

唐詩類苑

卷之三百七十三

十四

至端州驛見杜五審言沈三佺期間五縣隱

王二無兢題壁慨然成咏

宋之問

逐臣北地承嚴譴調到南中每相見豈意南中岐路  
多千山萬水分鄉縣雲搖雨散各翻飛海闊天長音  
信稀處處山川同瘴癘自憐能得幾人歸

哀城驛二首

元稹

容州詩句在哀城幾度經過眼暫明今日重看滿衫  
淚可憐名字已前生

憶昔萬株梨映竹遇逢黃令醉殘春梨枯竹盡黃令

死今日再來衰病身

題嘉陵驛

張蟾

嘉陵路惡石和泥行到長亭日已西獨倚闌干正惆悵海棠花裏鷓鴣啼

瓜洲驛重送梁郎中赴吉州

劉長卿

渺渺雲山去幾重依依獨聽廣陵鐘明朝借問南來客五處雙旌何處逢

嘉陵驛二首

元稹

嘉陵驛上空牀客一夜嘉陵江水聲仍對牆南滿山樹野花撩亂月朧明

唐詩類苑 卷之三百七十一

五

牆外花枝壓短牆月明還照半張牀無人會得此時意一夜獨眠西畔廊

西縣驛

元稹

去時樓上清明夜月照樓前撩亂花今日成陰復成子可憐春盡未還家

望喜驛

元稹

微眼文書堆案邊眼昏偷得暫時眠子規驚覺燈又滅一道月光橫枕前

駱口驛二首

東壁上初李二十員外逢古崔二十二侍御詔使雲南題名處

北壁有翰林白二十二居易題陳石壁開雪紅樹等篇有王預夫和馬王不知何人也

元稹

郵亭壁上數行字崔李題名王白詩盡日無人共言語不離墻下至行時

二星微外通蠻服五夜燈前草御文我到東川却相半向南看月北看雲

望驛臺三月盡

元稹

可憐三月三旬足悵望江邊望驛臺料得孟光今日語不曾春盡不歸來

答微之泊西陵驛見寄

白居易

唐詩類苑

卷之三百七十一

六

煙波盡處一點白應是西陵古驛臺知在臺邊望不見暮潮空送渡船迴

望喜驛別嘉陵江水二絕

李商隱

嘉陵江水此東流望喜樓中憶閬州若到閬州還赴海蘭州應更有高樓

千里嘉陵江水色含煙帶月碧於藍今朝相送東流後猶自驅車更向南

五松驛

李商隱

獨下長亭念過秦五松不見見與薪只應既斬斯高後尋被樵人用斧斤

戲題贈稷山驛吏王全

全爲驛吏五十六人稱有道術往來多

贈詩

李商隱

絳臺驛吏老風塵耽酒成仙幾十春過客不勞詢甲子唯書亥字與時人

重平驛作

張籍

茫茫孤草平如地渺渺長堤曲似城日暮未知投宿處逢人更問向前程

題黃花驛

薛逢

孤戍迢迢蜀路長鳥鳴山館客思鄉更看頂煙霞外數樹巖花照夕陽

唐詩類苑

卷之百七十一

七

馬嵬驛

羅隱

佛屋前頭野草春貴妃輕骨此爲塵從來絕色知難得不破中原未是人

宿紀南驛

羅隱

策蹇南游憶楚朝陰風淅淅樹蕭蕭不知無忌奸邪骨又作何山野葛苗

及第除正字東歸題杭州樟亭驛

章孝標

樟亭驛上題詩客一半尋爲山下塵世事日隨流水去紅花還似白頭人

再因公事到駱口驛

白居易

今年別時夏雲白去年來時秋樹紅兩度見山心有愧皆因王事到山中

題馬嵬驛

狄歸昌

馬嵬煙柳正依依重見鑾輿幸蜀歸泉下阿蠻應有語這回休更怨楊妃

走筆

鄭仁表

分陝東西路正長行人名利火燃湯路傍著榜滄浪峽真是將閑攪撩忙

唐詩類苑

卷之百七十一

八

訓和元九駱口驛舊題詩

白居易

拙詩在壁無人愛鳥汗苔侵文字殘唯有多情元侍御繡衣不惜拂塵看

藍橋驛見元九詩

白居易

藍橋春雪君歸日秦嶺秋風我去時每到驛亭先下馬巡牆遶柱覓君詩

題嘉祥驛

盧渥

交親榮餞洛城空秉鉞戎裝上將同星使自天丹詔下雕鞍照地數程中馬嘶靜谷聲偏響旆映晴山色更紅到後定知人易化滿街棠樹有遺風

籌筆驛

羅隱

拋擲南鄉爲主憂，北征東討盡良籌。  
時來天地皆同力，運去英雄不自由。  
千里山河輕孺子，兩朝冠劍恨  
誰周。唯餘巖下多情水，猶解年年傍驛流。

秋日泊平望驛寄太常裴郎中

羅隱

蘋洲重到杳難期，西倚郵亭憶往時。  
北海樽中常有酒，東陽樓上豈無詩。  
地清每負生靈望，官重方升禮樂司。  
聞說江南舊歌曲，至今猶是唱吳姬。

商山富水驛

唐書本名與陽諫議同姓名因遂改爲富水驛

唐詩類苑

卷之百一十一

十九

杜牧

益慙猶來未覺賢，終須南去弔湘川。  
當時物議朱雲小，後代聲華白日懸。  
邪佞每思當面唾，清貧長欠一杯錢。  
驛名不合輕移改，留警朝天者惕然。

題盤豆驛水館後軒

韋莊

極目晴川展畫屏，地從桃塞接蒲城。  
灘頭鷺占清波立，原上人侵落照耕。  
去鷹數行天際沒，孤雲一點淨  
中生。憑軒盡日不迴首，遠水吳山無限情。

黃鶴驛偶題

羅隱

野雲芳草遶離邊，敢對青樓憶少年。  
秋色來催榆塞

鴈人心先下洞庭，船高歌酒市非狂者。  
大嚼屠門亦偶然，車馬同歸莫同恨。  
古人頭白盡林泉。

蓮塘驛

羅隱

蓮塘館東初日明，蓮塘館西行人行。  
隔林啼鳥似相應，當路好花疑有情。  
一夢不須追往事，數杯猶可慰  
勞生。莫言來去只如此，君看  
瘴邊霜幾莖。

題望遠驛

溫庭筠

弱柳千條杏一枝，半含春雨半垂絲。  
景陽寒井人難到，長樂晨鐘鳥自知。  
花影至今通博望，樹名從此樂  
相思。分明十二樓前月，不向西陵照盛姬。

唐詩類苑

卷之百一十一

二十

馬嵬驛

溫庭筠

穆滿曾爲物外遊，六龍經此暫淹留。  
返魂無驗青煙滅，埋血空生碧草愁。  
香輦却歸長樂殿，曉鐘還下景  
陽樓。甘泉不復重相見，誰道文成是故侯。

籌筆驛

李商隱

魚鳥猶疑畏簡書，風雲長爲護儲胥。  
徒令上將揮神筆，終見降王走傳車。  
管樂有才真不忝，關張無命欲  
何如。他年錦里經祠廟，梁父吟成恨有餘。

行至金牛驛寄興元渤海尚書

李商隱

樓上春雲水底天五雲章色破巴牋諸生箇箇王恭  
柳從事人人更臬蓮六曲屏風江雨急九枝燈檠夜  
珠圓深慙走馬金牛路驟和陳王白玉篇

晚登龍門驛樓

許渾

魚龍多處鑿門開萬古人知夏禹材青嶂遠分從地  
斷洪流高瀉自天來風雲有路皆燒尾波浪無程盡  
曝腮心感膺門身過此晚山秋樹獨徘徊

韶州驛樓宴罷

許渾

簷外千帆背夕陽歸心杳杳蒼蒼嶺猿群宿蘇山  
靜沙鳥獨飛秋水涼露墮桂花棋局濕風吹荷葉酒

唐詩類苑

卷之三百七十一

三

瓶香主人不醉下樓去月在南軒更漏長

夜歸驛樓

許渾

水晚雲秋山不窮自疑身在畫屏中孤舟移棹一江  
月高閣捲簾千樹風牕下覆棋殘局在橋邊沽酒半  
壘空早炊香稻待鱸膾南渚未明尋釣翁

留呈夢得子厚致用

題蓋

元稹

泉溜才通疑夜磬燒煙餘燠有春泥千層玉帳鋪松  
蓋五出銀匾印虎蹄暗落金烏山漸黑深埋粉堠路  
渾迷心知魏闕無多地十二瓊樓百里西

登松江驛樓北望故園

劉長卿

淚盡江樓北望歸田園已陷百重圍平蕪萬里無人  
去落日千山空鳥飛孤舟濛濛寒潮小極浦蒼蒼遠  
樹微白鷗漁父徒相待未掃攬搶癩息機

發綿津驛

耿漳

孤舟北去暮心傷細雨東風春草長杳杳短亭分水  
陸陸隆遠鼓集漁商千叢野竹連湘浦一派寒江下  
吉陽欲問長安今遠近初年塞鴈有歸行

自蘇臺至望亭驛人家盡空春物增思悵然

有作因寄從弟紆

李嘉祐

南浦孤蒲覆白蘋東吳黎庶逐黃巾野棠自發空流

唐詩類苑

卷之三百七十一

三

水江燕初歸不見人遠樹依依如送客平田渺渺獨

傷春那看迴首長洲苑烽火年年報虜塵

宋州東登望題武陵驛

李嘉祐

梁宋人稀鳥自啼登鱸一望倍含悽白骨半隨河水  
去黃雲猶伴郡城低平陂戰地花空落舊苑春田草  
未齊明主頻移虎符守幾時行縣向黔黎

春夜赤水驛旅懷

羅鄴

一星殘燭照離堂失計遊心歸渺茫不自尋思無道  
路爲誰辛苦竟時光九衢春色休迴首半夜溪聲正  
夢鄉却羨去年買山侶川斜漁艇倚瀟湘

水夫謠

王建

苦哉生長當驛邊官家使我牽驛船  
辛苦日多樂日少水宿沙行如海鳥  
逆風上水萬斛重前驛迢迢後  
緜緜半夜緣堤雪和雨受他驅遣  
還復去衣寒衣濕披短蓑臆穿足  
裂忍痛何到明辛苦無處說齊聲  
騰踏牽船出一間茅屋何所直父  
母之鄉去不得我願此水作平田  
長使水夫不怨天

唐詩類苑

卷之百七十三

三

唐詩類苑卷第一百七十三

明雲間張之象玄超甫纂輯

晉陵孫慎行聞斯甫編次

雲間王徹叔朗甫補訂

梁谿曹仁孫伯安甫校正

寺觀部

寺

奉和幸大薦福寺應制 趙彥昭

寶地龍飛後金身佛現時  
千花開國界萬善累皇基  
北闕承行幸西園屬住持  
天衣拂舊石王舍起新祠

唐詩類苑 卷之百七十三

剝鳳迎雕輦幡虹駐綵旗  
同霑小雨潤竊仰大風詩

奉和幸大薦福寺應制二首

宋之問

是日鄭愔詩先成之間後進中宗命昭容上官氏

差第甲乙以之間二詩爲冠乘龍太子去駕象法

王歸尤警句也

香刹中天起宸遊滿路輝  
乘龍太子去駕象法王歸  
殿飾金人影牕搖玉女屏  
稍迷新草木遍識舊庭園  
水入禪心定雲從寶思飛  
欲知皇劫遠初拂六銖衣

二



梵筵光聖邸仙豫覽宏規不改靈光殿因開功德  
蓮生新步葉桂長昔攀枝湧塔庭中見飛樓海上移  
聞韶三月幸觀象七星危欲識龍歸處朝來雲氣隨

奉和幸大薦福寺應制 李 乂

象設隆新宇龍潛想舊居碧樓披玉額丹杖導金輿  
代日興光近周星掩曜初空歌清沛筑梵樂奏胡書  
帝造還三界天文賁六虛康哉孝理日崇德在真如

奉和幸大薦福寺應制 李 嶠

鴈沼開香域鶯林降綵旒還窺圖鳳宇更坐濯龍川  
桂輦朝羣辟蘭宮列四禪半空銀閣斷分砌寶繩連

唐詩類苑 卷之百三十三 二

甘雨焦蘇澤慈雲動沛篇獨慙賢作礪空喜福成田

奉和幸大薦福寺應制 劉 憲

地靈傳景福天駕儼鈞陳佳哉藩邸舊赫矣梵宮新  
香塔魚山下禪堂鴈水濱珠幡映白日鏡殿寫青春  
甚懼延故吏大覺極生人幸承歌頌末長奉屬車塵

奉和幸大薦福寺應制 鄭 愔

舊邸三乘闢佳辰萬騎留蘭圖承葉偁芝蓋拂花樓  
國會人王法宮還天後遊紫雲成寶界白水作禪流  
鴈塔昌基遠鸚鵡杯簾藻抽忻承大風曲竊預小童謳

奉和幸三會寺應制 李 乂

睿德總無邊神皇擇勝緣二儀齊法駕三會禮香  
漢闕中黃近秦山太白連臺疑觀鳥日池似刻鯨年  
滿月臨真境秋風入御絃小臣叨下列持管繆窮天

奉和幸三會寺應制 李 嶠

故臺蒼頡里新邑紫泉居歲在開金寺時來降玉輿  
龍形雖起剎鳥跡尚留書竹是蒸青外池仍點墨餘  
天文光聖草寶思合真如謬奉千齡日忻逢十地初

奉和幸三會寺應制 鄭 愔

鳥籥遺新閣龍旂訪古臺造書臣頡往觀跡帝義來  
法界山川匝宸心宇宙該梵音隨駐輦天步接乘杯

唐詩類苑 卷之百七十三 三

舊苑經寒露殘池間劫灰散花將捧日俱喜聖祠開

奉和幸三會寺應制 上官昭容

釋子談經處軒臣刻字留故臺遺老在殘簡聖君求  
駐蹕懷千古開襟望九州四山緣塞合二水夾城流  
宸翰陪瞻仰天杯接獻酬太平詞藻盛長願紀鴻休

奉和幸三會寺應制 宋之問

六飛迴玉輦雙樹謁金仙瑞鳥呈書字神龍吐浴泉  
淨心遙証果睿想獨超禪塔湧香花地山園日月天  
梵音迎漏徹空樂倚雲懸今日登仁壽長看法鏡圓

奉和幸三會寺應制 劉 憲

岩巖蒼史臺敞朗紺園開戒旦壺人集翻霜羽駢來  
下輦登三襲褰旒望九垓林披館陶勝水浸昆明灰  
網戶飛花綴幡竿度鳥迴預遊仙唱動瀟灑出塵埃

長安寺

溫庭筠

仁祠寫露宮長安佳氣濃烟樹含葱蒨金剎映茸茸  
繡戶香焚象珠網玉盤龍寶題新翡翠天井列芙蓉  
幡長迴遠吹牕虛含曉風遊騎迷青鎖歸鳥思華鐘  
雲拱承跼邈羽葆背花重所嗟蓮社客輕蕩不相從

次韻和秀上人長安寺居言懷寄渚宮禪者

鄭谷

唐詩類苑

卷之二百七

四

齋松老別多年香社人稀喪亂間出寺祇知趨內  
殿閉門長似在深山臥聽秦樹秋鐘斷吟想荆江夕  
鳥還唯恐興來飛錫去老郎無路更追攀

題湖南岳麓寺

曹松

海雲山上寺每到每開襟萬木長不住細泉聽更深  
蜩沾高雨斷鳥遇夕嵐沈此地良宵月懷隔楚砧

次潭州酬唐侍御姚員外遊道林岳麓寺題

示

沈傳師

承明年老輒自論乞得湘守東南奔爲閒楚國富山  
水青嶂邈巡僧家園含香珥筆皆眷舊謙抑自忘臺

省尊不令執簡候亭館直許携手遊山樊忽驚列  
曉來逼朔雪洗盡煙嵐昏碧波迴三山轉丹檻綽  
郭千艘屯華鑣蹀躞沙步大旆綵錯輝松門樛枝  
競驚龍蛇勢折幹不滅風霆痕相重古殿倚巖腹別  
引新徑繁雲根目傷平楚虞帝魂情多思遠聊開樽  
危絃細管逐歌飄畫鼓繡靴隨節驪鏘金七言凌老  
杜入木八法蟠高軒嗟余潦倒久不知忍復感激論  
元元

岳麓山道林二寺行

杜甫

玉泉之南麓山殊道林林壑爭盤紆寺門高開洞庭  
野殿脚挿入赤沙湖五月寒風冷佛骨六時天樂朝  
香爐地靈步步雪山草僧寶人人滄海珠塔劫宮墻  
壯麗蔽香厨松道清涼俱蓮花交響共命鳥金榜雙  
迴三足鳥方丈涉海費時節玄圃尋河知有無暮年  
且喜經行近春日兼蒙暄暖扶飄然斑白身奚適旁  
此烟霞茅可誅桃源人家易制度橘洲田土仍膏腴  
潭府邑中甚淳古太守庭內不喧呼昔遭衰世皆晦  
跡今幸樂國養微軀依止老宿亦未晚富貴功名焉  
足圖久爲野客尋幽慣細學何顯免興孤一重一掩  
吾肺腑山鳥山花吾友于宋公放逐曾題壁物色分

唐詩類苑

卷之二百七

五

留與老夫

道林寺

韋蟾

石門迴接蒼梧野，愁色陰深二妃寡。  
廣殿崔嵬萬壑間，長廊詰曲千巖下。  
靜聽林飛念佛鳥，細看壁畫馱經馬。  
暖日斜明蟬噪梁，濕烟散竊鷺驚瓦。  
北方部落檀香塑，西園文書貝葉寫。  
壞欄迸竹醉好題，宦路垂藤堪把沈。  
裴筆力闢雄壯，宋杜詞源兩風雅。  
他方居士來施齋，彼岸上人投結夏。  
非我未離擾擾徒，勸我休學悠悠者。  
何時得與劉遺民，同入東林遠公社。

道林寺

崔珣

唐詩類苑

卷之三十三

六

臨相之濱，麓之隅，西有松寺，東岸無松，風十里擺不  
斷。竹泉瀉入於僧厨，宏梁大何棟，足貴山寺，難有山  
泉俱。四時唯夏不敢入，燭龍安敢停，斯須遠公池上  
種何物，碧羅扇底紅鱗魚。門閣朝鳴大法鼓，天宮夜  
轉三乘書。野花市井栽不著，山鷄飲啄聲相呼。  
金鑑僧迴步步影，石盆水濺聯聯珠。北臨高處日正午，舉  
手欲模黃金鳥。遙江大船小於葉，遠村雜樹齊如蔬。  
潭州城郭在何處，東邊一片青模糊。今來古往人滿  
地，勞生未了歸丘墟。長卿之門久寂寞，五言七字諱  
我吟。杜詩清入骨，灌頂何必須醍醐。白日不照

來陽縣黃天厄，死饑寒軀明珠大貝採，欲盡蚌蛤空  
滿赤沙湖。今我題詩亦無味，懷賢覽古成長吁。不如  
興罷過江去，已有好月明歸途。

道林寺

李建勳

雖向鐘峯數寺連，就中奇勝出其間。不教幽樹妨閑  
地，別着高牕向遠山。蓮沼水從雙澗入，客堂僧自九  
華還。無因得結香燈社，空向王門玷玉班。

宿萬固寺因寄嚴補闕

耿漳

曉隨樵客到青冥，因禮山僧宿化城。鐘梵已休初入  
定，有無皆離本難名。雲開半夜千林靜，月上中峯萬  
壑明。爲報故人雷處士，塵心終日自勞生。

唐詩類苑

卷之三十三

七

和崔侍郎遊萬固寺

盧綸

聞說中方高樹林，曙華先照轉春禽。風雲才子冶遊  
興，蒲柳老人惆悵心。石路青苔花漫漫，雪簷垂溜玉  
森森。君若此去君方至，河北東流西日沈。

題棲霞寺

綦毋潛

南山勢迴含靈境，依此住殿轉雲崖。陰僧探石泉度  
龍蹕，擊翁習神意皆密護。萬壑奔道場，群峯向雙樹。  
天花飛不着，水月白成路。今日觀身我歸心，復何處

遊棲霞寺

張翥

躋險入幽深翠微含竹殿泉聲無休歇山色時隱見  
潮來雜風雨梅花成霜霰一從方外遊頻覺塵心變  
與沈十九拾遺同遊棲霞寺上方夜於亮上

人院會宿

權德輿

躡山標勝絕暇日諧想矚縈紆松路深繚繞雲巖曲  
重樓迴樹杪古像作山腹人遠水木清地深蘭桂馥  
層臺聳金碧絕頂摩淨綠下界誠可悲南朝紛在目  
焚香入古殿待月出深竹稍覺天籟清自傷人世促  
宗雷此相遇偃放隨所欲清論月輪低閒吟茗花熟  
一生如土梗萬慮相桎梏永願事潛師窮年此棲宿  
唐詩類苑 卷之百七十一 八

與沈十九拾遺同遊棲霞寺上方夜於亮上

人院會宿

權德輿

偶來人境外心賞幸隨君古殿烟霞夕深山松桂薰  
巖花點寒溜石磴掃春雲清淨諸天近喧塵下界分  
名僧康寶月上客沈休文共宿東林夜清涼徹曙聞  
與高適薛據同登慈恩寺 岑 參

塔勢如湧出孤高聳天宮登臨出世界磴道盤虛空  
突兀壓神州崢嶸如鬼工四角礙白日七層摩蒼穹  
下窺指高鳥俯聽聞驚風連山若波濤奔湊似朝東  
青槐夾馳道宮館何玲瓏秋色從西來蒼然滿關中

五陵北原上萬古青濛濛淨理了可悟勝因風所宗  
誓將挂冠去覺道資無窮

慈恩寺伽藍清會

韋應物

素友俱薄世屢招清景賞鳴鐘悟音聞宿昔心已往  
重門相洞庭高宇亦遐朗嵐嶺曉城分清陰夏條長  
氤氛芳臺馥蕭散竹池廣平荷隨波泛迴飈激林響  
蔬食導道侶泊懷遺滯想何彼塵昏人區區在天壤  
奉和聖製又同皇太子詵遊慈恩寺應制

沈佺期

肅肅蓮花界熒熒貝葉宮金人來夢裏白馬出城中  
唐詩類苑 卷之百七十一 九

湧塔初從地焚香欲遍空天歌應春籥非是爲秋風

奉和聖製又同皇太子詵遊慈恩寺應制

張說

翼翼宸思永煌煌福地開離光昇寶殿震氣遶香臺  
上界幡花合中天伎樂來願君無量壽仙藻屢徘徊  
同錢郎中晚春過慈恩寺 盧綸

不見僧中舊仍逢雨後春惜花將愛寺俱是白頭人

過慈恩寺

太宗一作高宗

日宮開萬仞月殿聳千尋花蓋飛圓影幡虹曳曲陰  
霞綺遙籠帳叢珠細網林寥廓煙雲表超然物外心

奉和過慈恩寺應制

許敬宗

鳳闕鄰金地龍旂拂寶臺  
雲楣將葉並風牖送花來  
月宮清晚桂虹梁絢早梅  
梵境留宸矚揆發麗天才

雪後與群公過慈恩寺

岑參

乘興忽相招僧房暮與朝  
雪融雙樹濕紗閣一燈燒  
竹外山低塔藤間院隔橋  
歸家如欲嬾俗慮向來銷

春日遊慈恩寺寄暢當

耿湋

浮世人何事空門此諦真  
死生俱是夢哀樂詎關身  
遠草光連水春篁色離塵  
當從庾中庶詩客更何人

同苗發慈恩寺避暑

李端

月詩類苑

卷之百七

十一

退涼尋寶刹畏日望璇題  
臥草同鴛侶臨池似虎溪  
樹閑人跡外山晚鳥行西  
若問無心法蓮花隔淤泥

慈恩寺二月半寓言

蘇頌

二月韶春半三空曠景初  
獻來應有受滅盡竟無餘  
化迹傳官寺歸誠謁梵居  
殿堂花覆席觀閣柳垂疏

共命枝間鳥長生水上魚  
問津窺彼岸迷路得真車  
行密幽關靜談精俗態祛  
稻麻欣所遇蓬簪愴焉如

不駐秦京陌還題蜀郡輿  
愛離方自此迴望獨躊躇

酬慈恩寺有感時杓直初遊居敬方病

白居易

自問有何惆悵事寺門臨入却遲迴  
李家哭泣元家病柿葉紅時獨自來

慈恩寺偶題

鄭谷

往事悠悠添浩歎勞生擾擾竟何能  
故山歲晚不歸去高塔晴來獨自登  
林下聽經秋苑鹿江邊掃葉夕陽僧  
吟餘却起雙峯念曾看庵西瀑布冰

夏日登慈恩寺

劉滄

金界時來一訪僧天香飄翠瑣  
凝碧池靜照寒松影清晝深懸古殿  
燈晚景風蟬催節候高空雲鳥度軒  
窗塵機消盡話玄理暮磬出林疎韻澄

唐詩類苑

卷之百七

十一

遊法華寺

宋之問

薄遊京都日遙羨稽山名分刺江海郡  
竭來徵素情松露洗心眷象筵敷念誠  
薄雲界青嶂皎日霽朱甍

苔澗深不測竹房閒且清感真六象見  
垂兆二鷗鳴古今信靈跡中州莫與京  
林嶽永棲業豈伊佐一生

浮悟雖已久事試去來成觀念幸相續  
庶幾最後明

經華嶽寺訪法華雲公

野寺聊解鞍偶見法華僧開門對西嶽  
石壁青稜層竹逕厚蒼苔松門盤紫藤  
長廊列古畫高殿懸孤燈

五閭山雨熟三峯火雲蒸側聞樵人言  
深谷猶積冰

久願尋此山至今嗟未能謫官忽東走王程苦相仍  
欲去戀雙樹何由窮一乘月輪吐山郭夜色空清澄

宿法華寺

崔國輔

松雨時復滴寺門清且涼此心竟誰證回愁支公牀  
壁盡感靈跡龕經傳異香獨遊寄象外忽忽歸南昌

宿法華寺簡澈上人

僧皎然

至道無機但杳冥孤燈寒竹自青燐不知何處小乘  
客一夜風前聞誦經

宿法華寺

嚴維

一夕雨沈沈哀猿萬木吟陰天龍護法長老密看心  
唐詩類苑 卷之百七十三 十三

魚梵空山靜紗燈古殿深無生久已學白髮浪相侵

奉和獨孤中丞遊法華寺

皇甫冉

謝君臨郡府越國舊山川訪道三千界當仁五百年  
巖空騶馭響樹密旌旄連閣影凌空壁松聲助亂泉  
開門得初地伏檻接諸天向背春光滿樓臺古製全  
群峰爭彩翠百谷會風烟香象隨僧次祥鳥報客先  
清心乘暇日稽首慕良緣法證無生偈詩成大雅篇  
蒼生望已久回駕獨依然

書法華寺上方禪壁

方干

砌下松巔有鶴棲孤猿亦在鶴遙啼臥聞雷雨歸巖

早坐見星辰去地低一徑穿綠應就郭千花掩翠  
無溪是非生死多憂惱此日蒙師爲砌迷

題雲際寺上方

盧綸

松高蘿蔓輕中有石牀平下界水常急上方燈自明  
空門不易啓初地本無程迴步忽山盡萬緣從此生

遊雲際寺

章孝標

衫袖拂青冥推鞍上翠屏塵埃辭馬尾城闕入牕櫺  
雲領浮名去鐘撞大夢醒茫茫山下事滿眼送流萍

遊華山雲際寺

張喬

少華中峯寺高秋衆景歸地連秦塞起河翻晉山微  
唐詩類苑 卷之百七十三 十三

曉不蟬相應涼天鴈並飛慙慙記巖石祗恐再來稀

題雲際寺

李洞

開門風雪頂上微因飛禽樓戲青冥裏人行紫閣陰  
臘泉冰下出夜磬月中尋盡欲居巖官一作室如何不  
住心

宿雲際寺

溫庭筠

白蓋微雲一逕深東風弟子遠相尋蒼苔路熟僧歸  
寺紅葉聲乾鹿在林高閣清香生靜境夜堂疎磬發  
禪心自從紫極巔前別不見南能直至今

遊雲際寺

韋應物



始入松路永獨忻山寺幽不知臨絕檻乃見西  
吳岫分烟景楚甸散林丘方悟關塞渺重軫故園愁  
聞鐘戒歸騎愁澗惜良遊地疎泉谷狹春深草木稠  
茲焉賞未極清景一作期杪秋

宿靈巖寺

戴叔倫

馬疲盤道峻投宿入招提雨急山溪漲雲迷嶺樹低  
涼風來殿角赤日下天西偃腹虛簷外林空鳥恣啼

題靈巖寺

白居易

娃宮襟廊尋已傾硯池香徑又欲平二三月時但草  
綠幾百年來空月明使君雖老頗多思携觴領妓處  
唐詩類苑 卷之二五十五

處行今愁古恨入絲竹一曲涼州無限情直自當時  
到今日中間歌吹更無聲

宿天竺寺

陶翰

松栢亂巖口山西微徑通天開一峯見宮闕生虛空  
正殿倚霞壁千樓標石叢夜來猿鳥靜鐘梵寒雲中  
翠映映湖月泉聲亂溪風心超諸境外了與懸解同  
明發氣候改起視長崖東湖色濃蕩漾海光漸腫朦  
葛仙跡尚在許氏道猶崇獨往古來事幽懷期二公

遊天竺寺

崔顥

晨登天竺山山殿朝陽曉澗泉鳴江岫相縈繞

直上孤頂高平看衆峯小南州十二月地暖水清沙  
青翠滿寒山藤蘿覆冬沼花龕瀑布側青壁石林杪  
鳴鐘集人天施飯聚猿鳥洗意歸清淨澄心悟空了  
始知世上人萬物一何擾

與從姪杭州刺史良遊天竺寺

李白

挂席凌蓬丘觀濤憇樟樓三山動逸興五馬同遨遊  
天竺森在眼松風颯驚秋覽雲測變化弄水窮清幽  
疊嶂隔遙海當軒寫歸流轉成傲雪月佳趣滿吳洲  
留題天竺靈隱兩寺 白居易

唐詩類苑 卷之二五十五

五

在郡六百日入山十二回宿因月桂落醉爲海榴開  
黃紙除書到青宮詔命催僧徒多悵望賓從亦徘徊  
寺暗烟埋竹林香雨落梅別橋憐白石辭前戀青苔  
漸出松間路猶飛馬上杯誰教冷泉水送我下山來  
送崔十二遊天竺寺 李白

還聞天竺寺夢想懷東越每年海樹霜桂子落秋月  
送君遊此地已屬流芳歇待我來歲行相隨浮溟渤

送堅上人歸杭州天竺寺

釋清江

十年勞負笈經綸化中朝流水知鄉近和風惜別遙  
雲山零夜雨花岸上春潮 臥南天竺禪心更寂寥



宿天竺寺

鄭巢

暮過潭上寺獨宿白雲間鐘磬遙連樹星河半隔山  
石中泉暗落松外戶初關却憶終南裏前秋此夕還

宿天竺寺迴

白居易

野寺經三宿都城復一還家仍念婚嫁身尚繫官班  
瀟灑秋臨水沈吟晚下山長閑猶未得逐日且偷閑

宿天竺寺

嚴維

方外主人名道林怕將水月淨身心居然對我說無  
我寂歷山深將夜深

早秋寄題天竺靈隱寺

賈島

唐詩類苑

卷之百十五

十七

峰前峰後寺新秋絕頂高隱見沃州人在定中聞蟋  
蟀鶴從棲處挂獼猴山鐘夜度空江水汀月寒生古  
石樓心憶懸帆身未遂謝公此地昔年遊

題鶴林寺

綦母潛

道門隱形勝向背臨層霄松覆山殿冷花藏溪路遙  
珊珊寶幡挂焰焰明燈燒遲日半空谷春風連上潮  
少憑水木興暫忝身心調願謝携手客茲山禪誦饒

和崔日用遊開化寺閣

吳少微

左憲多材雄故人尤驚鸚鵡護贈單于使休軺太原郭  
館次厭煩敲清懷尋寂寞西緣十里餘北上開化閣

初入雲樹間冥蒙未昭廓漸出欄楯外萬里秋景  
歲晏風落山天寒水歸壑覽物頌幽景三乘動玄  
但敷利解言永用忘昏著

寺居清晨

劉復

高枕對曉月衣巾清且涼露華朝未晞滴瀝含虛光  
隔竹聞汲井開扉見焚香幽心感衰病結念依法王  
青冥早雲飛杳靄空鳥翔此情皆有釋悠然知所忘  
秋夜宿龍門香山寺奉寄王方城十七丈奉  
國瑩上人從弟幼成令問

李白

唐詩類苑

卷之百十五

十七

朝發汝海東暮棲龍門中水寒夕波急木落秋山空  
望極九霄迴賞幽萬壑通目皓沙上月心清松下風  
玉斗橫網戶銀河耿花宮興在趣方逸歡餘情未終  
鳳駕憶王子虎溪懷遠公桂枝坐銷歇棣華不復同  
流恨寄伊水盈盈焉可窮

秋宿鶴林寺

崔塗

步步入林中山窮意未窮偏逢僧話久轉與鶴樓同  
燭焰風銷盡蘭條露濕空又須從此別江上正秋鴻  
奉陪韋中丞使君遊鶴林寺

皇甫曾

古寺傳燈久層城閉閣開香花同法侶旌旆入深山  
寒磬虛空裏孤雲起滅間謝公憶高臥徒御欲忘還

奉陪韋潤州遊鶴林寺

李嘉祐

野寺江城近雙旌五馬過禪心超忍辱梵語問多羅  
松竹間僧老雲烟晚日和寒塘歸路轉清磬隔微波

春晚遊鶴林寺寄使府諸公

李端

野寺尋春花已遲背巖唯有兩三枝平生携酒猶堪  
醉爲報春風且莫吹

遊少林寺

沈佺期

唐詩類苑

卷之百三

九

長歌遊寶地徙倚對珠林鴈塔風霜古龍池歲月深  
紺園澄夕霽碧殿下秋陰歸路烟霞晚山蟬處處吟

幸少林寺應制

宋之問

紺宇橫天室迴鑾指帝休曙陰迎日盡春氣抱巖流  
空樂繁行漏香烟薄綵游玉膏從此泛仙馭接浮丘

遊少林寺

戴叔倫

步入招提路因之訪道林石龕蒼蘚積香徑白雲深  
雙樹含秋色孤峰起夕陰屢廊行欲遍回首一長吟

從龍潭寺至少林寺題贈同遊者

白居易

山屐田衣六七賢  
寥芳踏翠弄潺湲  
九龍潭月落杯  
酒三品松風飄  
管絃強健且宜遊  
勝地清涼不覺過  
炎天始知鶴駕乘  
雲外別有逍遙地上仙

題石甕寺

馬戴

僧室並皇宮雲門輦路同渭分雙北闕山迴五陵東  
修綆懸林表深泉汲洞中人烟窺蛭蟻鴛瓦拂冥鴻  
薜壁松生峭龕燈月照空稀逢息心侶獨禮竺乾公

石甕寺

儲光義

遙山起真宇西向盡花林下見宮殿小上看廊廡深  
苑花落池水天語聞松音真子又知我焚香期化心

唐詩類苑

卷之百三

九

題石甕寺

范朝

勝境宜長望遲春好散愁關連四塞起河帶八川流  
複磴承香閣重巖映彩樓爲臨溫液近偏美聖君遊

尋石甕寺上方

賈島

野寺入時春雪後崎嶇得到此房前老僧不出迎朝  
客已住上方三十年

奉同會郎中題石甕寺得嵌韻

王建

寺門連內遠丹巖下界雲開數過帆遙指上皇翻曲  
處百官題字滿西嵌

宿石龕寺

盧綸

殿有寒燈草有螢千林萬壑寂無聲  
烟凝積水龍蛇蟄露濕空山星漢明  
昏霧霧中悲世界曙霞光裏見王城  
迴瞻相好四垂淚苦海波濤何日平

題石龕寺

王建

青崖白石夾城東泉脉鐘聲內裏通  
地壓龍蛇山色別屋連宮殿匠名同  
簷燈經夏紗牕黑溪葉先秋臘樹紅  
天子親題詩總在畫屏長鑲碧

一作龕中

冬夕寄青龍寺源公

郎士元

歛屨入寒竹安禪過漏聲高松殘子  
落深井凍痕生

唐詩類苑

卷之百五

三

罷磬風枝動懸燈雪屋明何當招我宿  
乘月上方行

同中書劉舍人題青龍上方

韓翃

西掖歸來後東林靜者期遠峰春雪裏  
寒竹暮天時笑說金人偈閒聽寶月詩  
更憐茶興在好出下方遲

題青龍寺

朱慶餘

寺好因岡勢登臨值夕陽青山當佛閣  
紅葉滿僧廊竹色連平地蟲聲在上方  
最憐東面靜爲近楚城牆

遊青龍寺贈崔太補闕

韓愈

秋灰初吹季月管日出卯南暉景短友  
生招我佛寺

行正值萬株紅葉滿光華閃壁見神鬼  
赫赫炎官

火傘然雲燒樹火實駢金鳥下啄頻

音虬卯魂翻眼

倒忘處所赤氣冲融無間斷有如流傳  
上古時九輪

照獨乾坤早二三道士席其間靈液屢  
進頗黎盃

音碗

忽驚顏色變韶稚却信靈仙非怪誕桃  
源迷路竟茫

茫棗下悲歌徒纂纂前年嶺隅鄉思發  
躑躅成山開

不筭去歲羈帆湘水明霜楓千里隨歸  
伴猿呼鼯嘯

鷓鴣啼側耳酸腸難濯潁思君攜手安  
能得今者相

從取辭懶由來鈍駮音駮寒參尋况是儒官飽閒散惟

君與我同懷抱鋤去陵谷置平坦年少  
得途未要忙

唐詩類苑

卷之百五

三

時清諫疏尤宜罕何人有酒身無事誰  
家多竹門可

款須知節候卽風寒幸及亭午猶妍暖  
南山逼冬轉

清瘦刻畫圭角出崖窾音窾當憂復被水雪埋汲汲來

窺誠遲緩

題青龍寺

賈島

碣石山人一軸詩終南山北數人知擬  
看青龍寺裏

月待無一點夜雲時

病後遊青龍寺

李端

病來形貌穢齋沐入東林境靜聞神遠  
身羸向道深

芭蕉高自折荷葉大先沈

和錢員外青龍寺上方望舊山

白居易

舊峯松雪舊溪雲  
悵望今朝遙屬君  
共道使臣非俗吏  
南山莫動北山文

遊滬湖上寺

王  
琚

春山臨遠壑，水木自幽清。鳳志懷微尚，茲焉一放情。  
雲間聽弄鳥，烟上摘初英。地側方無悶，逾知道思精。

遊瀝湖上寺

趙冬曦

遊澠湖上寺

趙冬曦

江外多山水招要步馬來琴將天籟合酒共鳥歌催  
巖坐攀紅藥溪行愛綠苔所懷非此地遊望亦徘徊

唐詩類苑

卷之百十三

1571

澧湖山寺二首

張說

空山寂歷道心生。虛谷迢遙野鳥聲。禪室泛來塵外  
賞。香臺豈是世中情。雲間東嶺千尋出。樹裡南湖一  
片明。若使巢由同此意。不將蘿薜易簪纓。

楚老遊山寺提攜觀畫壁揚袂指辟支睦盼相關閒  
險哉透撞兒百金賭一擲成敗身自受傍人空歎息

題宣州開元寺

寺置於東晉時

杜牧

南朝謝眺城東吳最深處亡國去如鴻遺寺藏烟塢  
樓飛九十尺廊環四百柱高高下下中風繞松桂樹  
青苔照朱閣白鳥兩相語溪聲入僧夢月色暉粉堦

閱景無旦夕憑欄有今古留我酒一樽前山看春雨

留題開元寺上方

白居易

東寺臺閣好上方風景清  
數來猶未厭長別豈無情  
戀水多臨坐辭花剩繞行  
最憐新岸柳手種未全成

宿岳陽開元寺

僧修睦

宿岳陽開元寺

僧修睦

竟夕凭虛檻何當興歎頻往來人自老今古月長新  
風送沈漁唱松疎露鶴身無眠鐘又動幾客在迷津  
酬婁秀才寓居開元寺早秋月夜病中見寄

酬婁秀才寓居開元寺早秋月夜病中見寄

柳宗元

客有故園思瀟湘生夜愁病依居士室夢繞羽人丘

唐詩類苑

卷之一百七十三

### III

味道憐知己遺名得自求壁堂一作空殘月曙門掩候

堂一作

空殘月曙門掩候

離憂

冬日宣城開元寺贈元孚上人

許  
渾

一鉢事南宗僧儀稱病容曹溪花裏別蕭寺竹前一作  
逢燭影深寒殿經聲徹曙鐘欲齋簷睡下一作鵲初

間逢

燭影深寒殿經聲徹曙鐘欲齋簷睡下一作鴿初

初

定壁吟蛩詩繼休遺韻書傳永逸蹤藝多人譽洽機  
絕道情濃汲澗瓶沈藻眠堦錫桂松雲鳴新放鶴池  
卧舊降龍露茗山厨焙霜杭野碓春梵文明處譯禪

衲暖時縫層塔題應遍飛軒步不慵繡梁交辟荔畫  
井倒芙蓉翠戶垂旗網朱牕列劍鋒寒風金磬遠晴  
雪玉樓重妙理三乘達清才萬象供山高橫睥睨難  
淺聚鰲臚微霧蒼平楚殘暉淡遠峯林疎霜撼撼波  
靜月溶溶劍出因雷煥琴全遇蔡邕西方知有社支  
許合相從

獨在開元寺避暑頗懷魯望因飛筆聯句

皮日休

煩暑雖難避僧家自有期泉甘於馬乳苔滑似龍漿  
日任誕襟全散臨幽榻旋移松行將雅拜望陣欲交

唐詩類苑

卷之百十三

五

塵望塔青髻識登樓白鶴知石經森欲動珠像儼  
將怡簡簾臨杉穗紗巾透雨絲靜譚蟬噪少涼步鶴  
隨遲烟重迴蕉扇風輕拂桂帷對碑吳地說開卷  
梵天詞積水魚梁壞殘花病枕欹懷君瀟灑處孤夢  
繞梁恩

寄題宣州開元寺

杜牧

松寺曾同一鶴樓夜深臺殿月高低何人爲倚東樓  
柱正是千山雪漲溪

夏夜上谷宿開元寺

賈島

詩成一夜月中題便卧松風到曙鷄帶月時聞山鳥

語郡城知近武陵溪

題邢州開元寺

鍾離權

得道高僧不易逢幾時歸去願相從自言住處連滄  
海別是蓬萊第一峯  
莫怪追歡笑語頻尋思離亂好傷神閑來屈指從頭  
數得見清平有幾人

題開元寺

朱慶餘

西入山門十里程粉牆書字甚分明蕭帝壞陵深虎  
跡廣師遺院閉松聲長廊畫剝僧形影石壁塵昏客  
姓名何必更將空色遣眼前人事是浮生

唐詩類苑

卷之百十三

五

開元寺客省早景即事

皮日休

客省蕭條柿葉紅樓臺如畫倚霜空銅池數滴桂上  
雨金鐸一聲松杪風鶴靜時來珠像側鵲馴多在寶  
幡中如何塵外虛爲契不得支公此會同  
奉和開元寺客省早景次韻

陸龜蒙

日上采恩疊影紅一聲清梵萬緣空攤牀滿地貝多  
雪料峭入樓干闌風水榭初抽寥泝思竹牕猶掛夢  
魂中靈香散盡禪家接誰共殷源小品同  
日禪家者流殷浩讀小品經  
下二首疑義以問支道林

晚歸香山寺因詠所懷 白居易

我年日已老我身日已閑閑出都門望但見水與山  
關塞碧巖巖伊流清潯潯中有古精舍軒戶無扃關  
岸草歇可籍逕羅行可攀朝隨浮雲出夕與飛鳥還  
吾道本迂拙世途多險艱嘗聞嵇呂輩尤悔生疎頑  
巢悟入箕穎皓知返商顏豈唯樂肥遁聊復祛憂患  
吾亦從此去終老伊嵩間

菩提寺上方晚望香山寺寄書員外

白居易

晚登西寶刹晴望東精舍反照轉樓臺輝輝似圖畫

唐詩類苑

卷之百十三

壬

水淨水明滅雪壓松偃亞石閣僧上來雲汀燕飛下  
西京開於市東洛閑如社曾憶舊遊無香山明月夜  
重修香山寺畢題二十二韻以紀之

白居易

關塞龍門口祇園驚嶺頭曾隨滅却壞今遇勝緣無  
再營新金刹重裝舊石樓病僧皆引起忙客亦淹留  
四望窮沙界孤標出瞻洲地圖鋪雜色天桂倚崧丘  
兩面蒼蒼岸中心瑟瑟流波翻八灘雪堰護一潭油  
臺殿朝彌麗房廊夜更幽千花高下塔一葉往來舟  
岫合雲初吐林開霧半收靜聞樵子語遠聽棹郎謳

以贈之

白居易

香山石樓倚天開翠屏壁立波環迴黃菊繁時好客  
到碧雲合處佳人來酡顏一笑天桃綻清吟數聲寒  
玉哀軒騎逶遲棹容與留連三日不能迴白頭老尹  
府中坐早衙纔退暮衙催庭前階上何所有纍囚成  
貫案成堆豈無池塘長秋草亦有絲竹生塵埃今日  
清光昨夜月竟無人來勸一杯

五年秋病後獨宿香山寺三絕句

白居易

經年不到龍門寺今夜何人知我情還向暢師房裏

秋月色舊灘聲

伴今何在雨散雲飛盡不迴從此香山風月

長是一身來

石盆泉伴石樓頭十二年來晝夜遊更過今年年七十假如無病亦宜休

香山寺二絕

白居易

空門寂靜老夫閑伴鳥隨雲往復還家醞滿瓶書滿

架半移生計入香山

愛風巖上攀松蓋戀月潭邊坐石稜且共雲泉結緣

境他生當作此山僧

幸香山寺應制

沈佺期

南山奕奕通丹禁北闕峨峨連翠雲嶺上樓臺千地起城中鐘鼓四天聞旃壇曉閣金與度鸚鵡晴林綵

唐詩類苑

卷之百七十三

天

眊分願以醍醐參聖酒還將祇苑當秋汾

同群公宿開善寺贈陳十六所居

高適

駕車出入境避暑投僧家徘徊龍象側始見香林花讀書不及經飲酒不勝茶知君悟此道所未披袈裟談空忘外物持戒被諸邪則是無心地相看唯月華

香山開善寺

李嘉祐

山殿秋雲裏香烟出翠微客尋朝磬至僧背夕陽歸下界千門在前朝萬事非看心兼送日葭莢自依依和友封題開善寺十韻

依大重用本韻

元稹

梁王開佛廟雲構歲時遙珠綴飛閑鶴紅泥落碎椒燈籠青焰短香印自灰銷古匣收遺施行廊畫本朝藏經霑雨爛魔女捧花嬌亞樹牽藤閣橫查壓石橋竹荒新筍細池淺小魚跳匠正琉璃瓦僧鋤芍藥苗旋蒸茶嫩葉偏把柳長條便欲忘歸路方知隱易招

宿清源寺

白居易

往謫潯陽去夜憇輞溪曲今爲錢塘行重經茲寺宿爾來幾何歲溪草二八綠不見舊房僧蒼然新樹木虛空走日月世界遷陵谷我生寄其間孰能逃倚伏

唐詩類苑

卷之百七十三

天

隨緣又南去好住東廊竹

題清源寺

耿湣

儒墨兼宗道雲泉隱舊廬孟城今寂寞輒水自紆餘內學銷多累西林易故居深房春竹老細雨夜鐘疎陳跡留金地遺文在石渠不知登座客誰學蔡邕書

宿雲門寺

朱之問

雲門若耶裏泛鶴路纔通寅緣綠條岸遂得青蓮宮天香衆壑滿夜梵前山空淅淅潭際月飄飄杉上風茲焉多嘉趣數子今莫同鳳歸慨處士化鹿聞仙公樵路鄭州北舉井阿巖東永夜豈云寐曙華忽葱龍



谷鳥嚙尚涇源桃驚未紅再詠期春暮當造林端窮  
庶幾蹤謝客開山投劍中

訓萬八賀九雲門寺歸溪中作

孫逖

晚從靈境出林壑曙雲飛稍覺清溪盡迴瞻畫剎微  
獨園餘興在孤棹宿心違更憶登攀處天香滿袖歸

和崔司馬遊雲門寺

孫逖

繫馬清溪樹禪門春氣濃香臺花下出講庄竹間逢  
覓路山童引經行谷鳥從更言窮寂滅迴策上南峯  
奉陪使君十四叔晚憩大雲門寺

唐詩類苑

卷之三十三

三

錢起

野寺千家外閑行晚暫過炎氛臨水盡夕照傍林多  
境對知心妄人安覺政和繩牀搖塵尾佳趣滿滄波

同韓翃員外宿雲門寺

嚴維

小嶺路雖近仙郎此夕過潭空觀月定澗靜見雲多  
竹翠烟深色松聲雨點和萬緣俱不有對境自垂蘿

遊雲門寺

宋之問

維舟探靜域作禮事尊經投跡一蕭散為心自杳冥  
龕依大禹穴樓倚少微星香岵團蘭若迴溪抱竹庭  
覺花塗砌白甘露洗山青鴈塔鸞金地虹橋轉翠屏

人天宵現景神鬼畫潛形理勝常虛寂緣空自感靈  
入禪從鵲繞說法有龍聽劫累終朝滅塵躬且未寧  
惺惺不安寐待月詠巖扃

奉和獨孤中丞遊雲門寺作

嚴維

絕壑開花界耶溪極上源光輝三獨座登陟五雲門  
深木鳴騶馭晴山躍武賁亂泉觀坐卧疎磬發朝昏  
蒼翠新秋色莓苔積雨痕上方看度鳥後夜聽吟猿  
異跡焚香對新詩酌茗論歸來還撫俗諸老莫攀轅  
宿雲門上方

秦系

唐詩類苑

卷之三十三

三

禪室遙看峯頂頭白雲東去水長流松間倘許幽人  
住不更將錢買沃洲

遊悟真寺

王綰

聞道黃金地仍開白玉田擲山移巨石呪嶺出飛泉  
猛虎同三徑愁猿學四禪買香燃綠桂乞火踏紅蓮  
草色搖霞起松聲泛月邊山河窮百二世界接三千  
梵宇聊憑視王城遂渺然瀟陵纔出樹渭水欲連天  
遠縣分諸郭孤村起白烟望雲思聖主披霧憶羣賢  
薄宦慚尸素終身擬尚玄誰知草菴客曾和栢梁篇  
遊悟真寺詩一百三十韻 白居易

元和九年秋八月月上弦我遊悟真寺寺在王順山  
去山四五里先聞水潺湲自茲捨車馬始步藍溪灣  
手拄青竹杖足蹋白石灘漸怪耳目曠不聞人世喧  
山下望山上初疑不可攀誰知中有路盤折通巖巔  
一息憊竿下再休石龕邊龕間長丈餘門戶無扃關  
俯窺不見人石髮垂若鬢驚出白蝙蝠雙飛如雪翻  
回首寺門望青崖夾朱軒如擘山腹開置寺於其間  
入門無平地地窄虛空寬房廊與臺殿高下隨峯巒  
巖巒無撮土樹木多瘦堅根株抱石長屈曲蟲蛇蟠  
松桂亂無行四時鬱芊芊枝梢嫋青翠韻若風中絃

唐詩類苑

卷之三十三

三

日月光不透綠陰相交延幽鳥時一聲聞之似寒蟬  
首憩賓位亭就坐未及安須臾開北戶萬里明豁然  
拂簷虹霏微遠棟雲回旋赤日閒白雨陰晴同一川  
野綠簇草樹眼界吞秦原渭水細不見漢陵小於拳  
却顧來時路終然映朱檻歷歷上山入一一遙可觀  
前對多寶塔風鐸鳴四端樂檀與戶牖恰恰金碧繁  
云昔伽葉佛此地坐涅槃至今鐵鉢在當底手跡穿  
西開玉像殿白佛森比肩抖擻塵埃衣禮拜冰雪顏  
塵霜爲袈裟貫電爲華鬘遍觀疑鬼功其跡非雕鐫  
次登觀音堂未到聞旂檀上皆脫雙履歛足升瑤筵

六楹排玉鏡四座敷金鈿黑夜自光明不待燈燭  
衆寶互低昂碧珮珊瑚幡風來似天樂相觸聲珊珊  
白珠垂露凝赤珠滴血殷點綴佛髻上合爲七寶冠  
雙瓶白琉璃色若秋水寒隔瓶見舍利圓轉如金丹  
玉笛何代物天人施祇園吹如秋鶴聲可以降靈仙  
是時秋方中三五月正圓寶堂豁三門金魄當其前  
月與寶相射晶光爭鮮妍照人心骨冷竟夕不欲眠  
曉尋南塔路亂竹低蟬娟林幽不逢人寒蝶飛翾翾  
山果不識名離離夾道蕃足以療饑乏摘嘗味甘酸  
道南藍谷神紫傘白紙錢若歲有水旱詔使修蘋蘩

唐詩類苑

卷之三十三

三

以地清淨故獻奠無輦輶危石疊四五蟲鬼歆且列  
造物者何意堆在巖東偏冷滑無人跡苔點如花牋  
我來登上頭下臨不測淵目眩手足掉不敢低頭看  
風從石下生薄人而上搏衣服似羽翮開張欲飛騫  
巉巖三面峯峯尖刀劍攢悠悠白雲過決開露青天  
西北日落時夕暉紅團團千里翠屏外走下丹砂丸  
東南月上時夜氣清漫漫百丈碧潭底寫出黃金盤  
藍水色似藍日夜長潏潏周迴繞山轉下視如青環  
或鋪爲慢流或激爲奔湍泓澄最深處浮出蛟龍涎  
側身入其中懸磴猶險難捫蘿踏樛木下逐飲澗援

雪迸起白鷺錦跳驚紅鱣欵定方盥漱濯去支體煩  
淺深皆洞徹可照腦與肝但愛清見底欲尋不知源  
東崖饒怪石積甃蒼琅玕溫潤發於外其間韜璵璠  
卞和死已久良玉多棄捐或時洩光彩夜與星月連  
中頂最高峯柱天青玉竿颯颯上不得豈我能攀援  
上有白蓮池紫葩覆清瀾聞名不可到處所非人寰  
又有一片石大如方尺輒插在半壁上其下萬仞懸  
云有過去師坐得無生禪號爲定心石長老世所傳  
却上謁仙祠蔓草生綿綿昔聞王氏子羽化升上玄  
其西曬藥臺猶對芝木田時復明月夜上聞黃鶴言  
唐詩類苑 卷之三十三 三  
迴尋畫龍堂二叟鬚髮斑想見聽法時歡喜禮印壇  
復歸泉窟下化作龍蜿蜒階前石孔在欲雨生白烟  
往有寫經僧身靜心精專感彼雲外鶴羣飛千翩翩  
來添硯中水去吸巖下泉一日三往復時節長不憊  
經成號聖僧弟子名揚難誦此蓮花偈數滿百億千  
身壞口不壞舌根如紅蓮顱骨今不覓石函尚存焉  
粉壁有吳畫筆彩依舊鮮素屏有褚書墨色如新乾  
名境與異跡周覽無不殫一遊五晝夜欲返仍盤桓  
我本山中人誤爲時網牽率使讀書推挽令効官  
既登文字科又忝諫諍員偏直不合時無益同素餐

以此自慙惕戚戚常寡歡無成心力盡未老形骸殘  
今來脫簪組始覺離憂患及爲山水遊彌得縱疎頑  
野麋斷羈絆行走無拘攣池魚放入海一往何時還  
身著居士衣手把南華篇終來此山住永謝區中綠  
我今四十餘從此終身閑若以七十期猶得三十年  
題悟真寺 盧綸  
萬峯交掩一峯開曉色常從天上來似到西方諸佛  
國蓮花影裏數樓臺  
和皇甫冉夏日遊華嚴寺 嚴維  
初地華嚴會王家少長行到官龍節駐禮塔鴈行成  
唐詩類苑 卷之三十三 三  
蓮界千峰靜梅天一雨清禪庭未可戀聖主寄蒼生  
夜宿靈臺寺寄郎士元 錢起  
西日橫山含碧空東方吐月滿禪宮朝瞻雙頂青冥  
上夜宿諸天色界中石潭倒獻蓮花水塔院空聞松  
栢風萬里故人能尚爾知君視聽我心同  
中秋與空上人同宿華嚴寺 冷朝陽  
掃榻相逢宿論詩舊梵宮鐘聲迎鼓盡月色過山窮  
庭簇安禪草牕飛帶火蟲一宵何惜別迴首隔秋風  
酬栢侍御聞與韋處士同遊靈臺寺見寄

王建

西城傳中說靈臺屬雍州有泉皆聖蹟有石皆佛頭  
所出蘆荀香外國俗來求毒蛇護其下樵者不可偷  
古碑在雲巔備載置寺由魏家移下來後人始增修  
近與韋處士愛此山之幽各自具所須竹籠盛茶甌  
牽馬過危棧襍衣涉奔流草開平路盡林下大石稠  
過廓轉經峯忽見東西樓瀑布當寺門迸落衣裳秋  
石苔鋪紫花溪葉裁碧油松根載殿高飄飄仙山浮  
縣中賢大夫一月前此遊賽神賀得雨豈暇多停留  
二十韻新詩遠寄尋山儔清冷玉潤泣冷切石磬愁  
唐詩類苑卷之百七十五  
君名高難閑餘身愚終休相將長無因從今生離憂

金山寺

韓垂

靈山一峯秀岌然殊衆山盤根大江底插影浮雲間  
雷霆常間作風雨時往還象外懸清景千載長躋攀

送僧歸金山寺

許渾

老歸江上寺不忘

舊師恩駐錫逢山色停杯一作

見浪痕秋濤吞楚驛曉月上荆門爲訪題詩處莓苔

幾字存

送僧歸金山寺

馬戴

金陵山色裏蟬急向秋分迴寺橫洲島歸僧渡水雲

夕陽依岸盡一作落清磬隔潮聞遙想禪林下鑪香帶月焚

宿題金山寺

劉滄

一點青山翠色危雲巖不掩與星期海門烟樹潮歸  
後江面山樓月照時獨鶴唳空秋露下高僧入定夜  
猿知蕭疎水木清鐘梵顚氣寒光動石池

題潤州金山寺

張祐

一宿金山寺超然離世羣僧歸夜船月龍出曉堂雲  
樹色中流見鐘聲兩岸聞翻思在朝市終日醉醺醺

題潤州甘露寺

張祐

唐詩類苑卷之百七十五  
千重構橫險高步出塵埃日月光先見江山勢盡來  
冷雲歸水石清露滴樓臺况是東溟上平生意一開

題杭州孤山寺

張祐

樓臺聳碧岑一徑入湖山不雨山長潤無雲水自陰  
斷橋荒蘚澀空院落花深猶憶西牕月鐘聲在北林

聞崔十二侍御灌口夜宿報恩寺

岑參

聞君尋野寺便宿支公房漢月冷深殿江雲擁迴廊  
燃燈松竹靜煮茗柴門香勝事不可接相思幽興長

題報恩寺

白居易

好是清涼地多無繫絆身晚晴宜野寺秋景屬閑人  
靜石堪趺坐寒泉且濯巾自慙容鬢上猶帶郡庭塵

題報恩寺上方

方干

來來先上上方看眼界無窮世界寬巖濶噴空晴似  
雨林蘿礙日夏多寒衆山迢遞皆相疊一路高低不  
記盤清峭關山惜歸去他時夢到亦難拚

龍翔寺言懷

喻鳧

眠雲喜道存讀易過朝昏喬木青連郭長河白  
鐘沈鳥去夕陽村搜此成閑句期逢作者論

龍翔寺居喜胡權見訪因宿

唐詩類苑

卷之百七十三

天

喻鳧

林棲無異歡煮茗就花欄雀啁北岡曉僧開西閣寒  
衝橋水急扣月一鐘殘明發還分手徒悲行路難  
夏日龍翔寺居即事寄崔侍御

喻鳧

古刹一幡斜吹門水過沙數聲鐘裏飯雙影樹間茶  
落日窮荒雨微風古塹沙何當戴多客復此問生涯

龍翔寺居夏日寄獻王尚書

喻鳧

那期高旆下得遇重臣知泉石容居止風沙免路岐

河兼落下望句入大荒思無復愁煩暑迴山開危

夏日龍翔寺即事寄張侍御

喻鳧

沙西林杪寺殿倚石稜開曉月僧汲井殘陽鐘殷臺  
河衝綠野去鳥背白雲來日夕唯增思京關未想迴

龍翔寺寄李頻

喻鳧

鐘聲南北寺不道往來遙人事因循過時光荏苒銷  
懸燈灑砌雨上閣遶雲鵬卽是洲中柳嘶蟬急暮條  
秋日於天中寺尋復禮上人

武三思

唐詩類苑

卷之百七十三

天

妙城三時殿香巖七淨一作寶宮金繩先界道玉柄卽

談空喻棧知何極傳燈竟不窮彌天高義遠初地勝  
因同理詣歸一處心行不二中有無雙感遣真俗兩  
緣同摘葉疑焚翠投花若散紅網珠遙映日簷鐸近

吟風定沼寒光素禪枝暝色聰願隨便力長驥釋

塵籠

和武三思於天中寺尋復禮上人之作

蘇味道

藩戚三雍暇禪居二室隈忽開從桂苑移步踐花臺  
敏學推多藝高談屬辨才是非寧滯著空有掠嫌猜

五術幽機暢三番妙鍊開味同甘露灑番似逆風來  
砌古留方石池清辨火灰人尋鶴州逐月逐虎谿迴  
連一作躡瞻飛蓋攀游想玉一作波一作杯願陪爲善樂從  
此去塵埃

唐詩類苑

卷之百七十三

四十

唐詩類苑卷第一百七十四

明雲間張之象玄超甫纂輯

晉陵孫慎行聞斯甫編次

雲間王 徹叔朗甫補訂

梁谿曹仁孫伯安甫校正

寺觀部

寺

題武丘寺

劉長卿

青林虎丘寺林際翠微路仰見山僧來遙從飛鳥處  
茲峰淪寶玉千載唯丘墓埋劍人空傳鑿山龍已去  
唐詩類苑 卷之百七十四  
捫蘿披翳蒼路轉夕陽遽虎嘯崖谷寒猿鳴杉松暮  
徘徊北樓上江海窮一顧日映千里帆鷗歸萬家樹  
暫因愜所適果得損外慮庭暗棲閒雲簷香滴甘露  
久迷空寂理多爲繁華故永欲投死生餘生豈能誤

同沈恭子遊虎丘寺作 清遠道士

我本長殷周遭罹歷秦漢四瀆與五嶽名山盡幽竄  
及此寰區中始有近峰玩近峰何鬱鬱平湖渺瀰漫  
吟挽川之陰步上山之岸山川共澄澈光彩交凌亂  
白雲翁欲歸青松忽消半客去川島靜人來山鳥散  
谷深中見日崖幽曉非旦聞子盛遊遨風流足詞翰

嘉茲好松石一言常累歎勿謂予鬼神欣君共幽讚

刻清遠道士詩因而繼作 顏真卿

不到東西寺于今五十春  
竭來從舊賞林壑宛相親  
吳子多藏日秦皇厭勝辰  
劍池穿萬仞盤石坐千人  
金氣騰爲虎琴臺化若神  
登壇仰生一捨宅歎珣珉  
中嶺分雙樹迴巒絕四鄰  
窺臨江海接崇飾四時新  
客有神仙者于茲雅麗陳  
名高清遠峽文聚斗牛津  
跡異心寧間聲同質豈均  
悠然千載後知我揖光塵

追和太師顏魯公刻清遠道士詩

李德裕

唐詩類苑

卷之二百七十四

二

茂苑有靈峰嗟予未遊觀  
藏山在平陸壤谷爲高岸  
岡繞數仞墻巖潛千丈幹  
乃知造化意迴幹資奇玩  
鏐騰昔虎踞劍沒常龍煥  
潭黛入海底峯岑聳霄半  
層巒未昇日哀狹寧知旦  
綠篠夏凝陰碧林秋不換  
冥搜既窈窕迴望何蕭散  
川晴嵐氣收江春雜英亂  
逸人綴清藻前哲留篇翰  
共扣哀玉音皆舒文繡段  
難追彦回賞褚彦回曰此人所稱常過其實見虎丘則逾其所聞徒起興公歎  
一夕如再升含毫星斗爛

追和清遠道士詩兼次本韻

并序

皮日休

聖人爲春秋凡諸侯有告則書無告則不書蓋所以懲其僞而敦其實也夫怪之與神雖曰不言在傳則書之者亦撫其實而爲之也若然者神之與怪果安耶噫聖賢有不得其志者則必垂之於言也大則爲經詰小則爲歌詠蓋不信於當時則取愬於後世抑鬼神有生不得其志者死亦然耶若憑而宜之則石言乎晉物吁於宋是也若夢而辨之則良夫有昆吾之歌聲伯有瓊瑰之謠是也自茲以後人倫不修神藻益熾在君人者悟之則爲瑞逆之則爲妖其冥諷昧刺時出於世者則與驪

唐詩類苑

卷之二百七十四

三

人狎客往往敵於忽微焉虎丘山有清遠道士詩一首其所稱自殷周而歷秦漢迄於近代抑二千年末以鬼神自謂亦神怪之甚者格之以清健飾之以俊麗一句一字若奮若搏彼建安詞人倘在不得居其右矣顏太師魯公愛之不暇遂刻於巖際并有繼作李太尉衛公欽清遠之高致慕魯公之素尚又次而和之顏之叙事也典李之屬思也麗並一時之寡和又幽獨君詩二首亦甚奇愴嗜古者觀而樂之予因總而爲和答幽獨君一篇不知孰氏之作其詞古而悲亦存於篇末太玄曰大



無方易無時然後爲鬼神也噫清遠道士果鬼神  
乎抑道家者流乎抑隱君子乎詞則已矣人則吾  
不知也

成道自衰周避世窮炎漢荆杞雖云梗煙霞尚容窳  
茲岑信靈異吾懷愜流玩石澀古鐵鉏嵐重輕埃漫  
松膏膩幽徑蘋沫著孤岸諸蘿幄幕暗衆鳥陶匏亂  
巖罅地中心海光天一半玄援行列歸白雲次第散  
蟾蜍生夕景沉瀝餘清旦風日採幽什墨客學靈翰  
嗟予慕斯文一詠復三歎顯晦雖不同茲吟粗堪讚  
追和清遠道士詩亦次本韻

唐詩類苑

卷之一百七十四

四

陸龜蒙

一代先後賢聲容劇河漢况茲邁古士復歷蒼崖窳  
辰經幾十萬邈與靈壽玩海嶽尚推移都鄙固蕪漫  
羸僧下高閣獨鳥沒遠岸嘯初風雨來吟餘鍾唄亂  
如何練精魄萬祀忽欲半寧爲斷臂憂肯作秋柏散  
苦聞鄴宮內日月自昏旦左右修文郎縱橫灑篇翰  
斯人久冥漠得不垂慨歎庶或有神交相從重興讚

武丘寺路

白居易

自開山寺路水陸往來頻銀勒牽驕馬花船載麗人  
菱荷生欲遍桃杏種仍新好住湖堤上長留一道春

題東武丘寺六韻

白居易

香刹看非遠祇園入始深龍蟠松矯矯玉立竹森森  
怪石千僧坐靈池一劍沈海當亭兩面山在寺中心  
酒熟憑花勸詩成倩鳥吟寄言軒冕客此地好抽簪

夜遊西武丘寺八韻

白居易

不厭西丘寺閒來卽一過舟船轉雲島樓閣出雲蘿  
地入青松影門迎白月波魚躍驚乘燭猿援覷鳴珂  
搖曳雙紅旆娉婷十翠娥香花助羅綺鐘梵避笙歌  
領郡時將久遊山數幾何一年十二度非少亦非多

武檐山寺

蘇頌

唐詩類苑

卷之一百七十四

五

武檐獨蒼然墳山下玉泉龜趺時共盡龍女事同遷  
松柏含哀處幡花種福田詎知留鏡石長與法輪圓

登武檐寺西臺

溫會

桑臺煙樹中臺榭造雲空眺聽逢秋興篇辭變國風  
坐愁高鳥處笑指遠人同始愧才情薄躋攀繼韻窮

和登武檐寺西臺

李敬伯

臺上起涼風乘閒覽歲功目隨台席貴盡許羽觴同  
樓殿斜暉照江山極望通賦詩思共樂俱得詠時豐

和登武檐寺西臺

姚向

開閣錦城中餘閒訪梵宮九層連畫景萬象寫秋空

天半將身到江長與海通提攜出塵土曾是穆清風

和登武檐寺西臺

姚康

松徑引清風登臺古寺中江平沙岸白日下錦川紅  
疎樹山根淨深雲鳥跡窮自慚陪末席便與九霄通

題武檐寺西臺

段文昌

秋天如鏡空樓閣盡玲瓏水暗餘霞外山明落照中  
鳥行看漸遠松韻聽難窮今日登臨意多歡語笑同

恩德寺

許渾

樓臺橫復重猶有半巖空羅洞淺深水竹廊高下風  
晴山疎雨後秋樹斷雲中未盡平生意孤帆又向東

唐詩類苑

卷之二百七十四

六一

遊恩德寺

并序

白居易

予以長慶二年冬十月到杭州明年秋九月始與  
范陽盧賈汝南周元範蘭陵蕭悅清河崔求東萊  
劉方輿同遊恩德寺之泉洞竹石籍甚久矣及茲  
目擊果愜心期因自嗟云到郡周歲方來入寺半  
日復去俯視朱綬仰睨白雲有愧於心遂留絕句  
雲水埋藏恩德洞簪裾束縛使君身暫來不宿歸州  
去應被山呼作俗人

曉過蔚林寺戲呈李明府

許渾

身閒白日長何處不尋芳山嶺登樓寺路浮泊晚航

洞花蜂聚蜜巖柏麝留香若指求仙路劉郎學阮郎

蔚林寺

許渾

臺殿冠峩峩春來日日過水分諸院少雪近上方多  
衆籟凝絲竹繁英耀綺羅酒酣詩自逸乘月棹寒波

同薛存誠登棲巖寺

盧綸

衰蹇步難前上山如上天塵泥來自晚援鳥到何先  
萬壑應孤磬百花通一泉蒼蒼此明月下界正沈眠

奉和李益遊棲巖寺

盧綸

林香雨氣新山寺綠無塵遂結雲外賞共遊天上春  
鶴鳴金闕麗僧語竹房隣待月水流急惜花風起頻

唐詩類苑

卷之二百七十四

七

何方非壤境此地有歸人迴首空門路皓然一幻身

尋龍華山寺廣宣上人

段文昌

十里惟聞松桂風江山忽轉見龍宮正與休師方話  
舊風煙幾度入樓中

題龍華山寺

郭震

昔年曾到此山回百鳥聲中酒一盃最好寺邊開眼  
處段文昌有讀書臺

秋夜宿仙遊寺南涼堂呈謙道人

岑參

太一連太白兩山知幾重路盤石門窄匹馬行才通

日西到山寺林下逢支公昨夜山北時星星聞此鐘  
秦女去已久仙臺在中峰簫聲不可聞此地留遺踪  
石潭積黛色每歲投金龍亂流爭迅湍噴薄如雷風  
夜來聞清磬月出蒼山空空山滿清光水樹相玲瓏  
迴廊映密竹秋殿隱深松燈影落前溪夜宿水聲中  
愛茲林巒好結宇向溪東相識唯山僧鄰家一釣翁  
林晚栗初拆枝寒梨已紅物幽興易愜事勝趣彌濃  
願謝區中緣永依金人宮寄報乘輦客簪裾爾何容

仙遊寺獨宿

白居易

沙鶴上階立潭月當戶開此中留我宿雨夜不得迴

唐詩類苑

卷之一百七十四

八

題仙遊寺

朱慶餘

石抱龍堂蘚石乾山遮白日寺門寒長松瀑布饒奇  
狀曾有仙人駐鶴看

過仙遊寺

盧綸

上方下方雪中路白雲流水如閒步數峰行盡猶未  
歸寂寞經聲竹陰暮

題翠微寺

溫庭筠

邠土初成邑虞賓竟讓王乾符初得位天琴夜收銑  
偃息齊三代優游念四方萬靈扶正寢千嶂抱重岡

幽石歸階陞喬柯入棟梁火雲如沃雪湯殿似含霜  
澗籟添仙曲巖花借御香野麋陪獸舞林鳥逐鷄行  
鏡寫三秦色窻搖八水光問雲徵楚女疑粉試何郎  
蘭芷承雕輦杉蘿入畫堂受朝松露曉頒朔桂烟涼  
嵐濕金鋪外溪鳴錦幄傍倚絲曼漢祖持璧告秦皇  
短景催風馭長星屬羽觴儲君猶問豎元老已登牀  
鶴蓋趨平樂鷄人下建章龍髯悲滿眼螭首淚沾裳  
疊鼓嚴靈仗吹笙送夕陽斷泉辭劍佩昏日伴旗常  
遺廟青蓮在頽垣碧草芳無因奏韶濩流涕對幽篁

翠微寺有感

劉禹錫

唐詩類苑

卷之一百七十四

九

宿翠微寺

馬戴

處處松陰滿樵開一徑通鳥歸雲壑靜僧語石樓空  
積翠含微月遙泉韻細風經行心不厭憶在故山中  
數顏魯公送挺贊題翠微寺

盧綸

挺贊惠學該儒釋袖有顏徐眞草迹一齋三請紀行  
詩誦我垂鞭美鳴鏑寺懸金榜半山隅石路荒涼松  
樹枯虎跡印雪大如斗閏月暮天過得無

再題龍泉寺上方

方干

牛斗正齊群木末，鳥行橫截衆山腰。  
路盤砌下兼穿竹，井在巖頭亦統潮。  
海岸四更看日出，石房三月任花燒。  
未能割得繁華去，難向此中甘寂寥。

題龍泉寺絕頂

方干

未明先見海底日，良久遠鷄方報晨。  
古樹含風長帶雨，寒巖四月始知春。  
中天氣爽星河近，下界時豐雷雨均。  
前後登臨思無盡，年年改換往來人。

宿雙峰寺寄盧七李十六劉長卿

寥寥禪誦處，滿室蟲絲結。獨與山中  
人，無心生復滅。

唐詩類苑

卷之二百七十四

十一

徘徊雙峰下，惆悵雙峰月。杳杳暮  
援深，蒼蒼古松列。玩奇不可盡，漸  
遠更幽絕。林暗僧獨歸，石寒泉且咽。  
竹房響輕吹，難徑陰餘雪。臥澗曉何  
遲，背巖春未發。此遊誠多趣，獨往共  
誰閱。得意空自歸，非君豈能說。

遊休禪師雙峰寺

劉長卿

雙扉碧峰際，遙向夕陽開。飛錫方  
獨往，孤雲何事來。寒潭映白月，秋  
雨上青苔。相送東郊外，羞看驄馬回。

同元錫題瑯琊寺

韋應物

適從郡邑喧，又茲三伏熱。山中清景  
多，石罅寒泉潔。花香天界事，松竹人  
間別。歿分嵐嶺明，磴臨懸壑絕。

昏旭窮陟降，幽顯盡披閱。欽駭風雨  
區，寒知龍蛇穴。情虛澹泊生，境寂  
塵妄滅。經世豈非道，無爲厭車轍。

遊瑯琊山寺

韋應物

受命恤人隱，茲遊久未遑。鳴騶響  
幽澗，前旌耀崇岡。青冥苔砌寒，綠  
縹草木香。填壑躋花界，疊石構雲房。  
經製隨巖轉，繚繞繞方定。新泉泄陰  
壁，高蘿蔭綠塘。攀林一棲止，飲水得  
清涼。物累誠可遣，疲疴終未忘。還  
歸坐郡閣，但見山蒼蒼。

題楞伽寺

許渾

碧煙秋寺汎湖來，水浸城根古堞摧。  
盡日傷心人不見，石榴花滿舊歌臺。

唐詩類苑

卷之二百七十四

十一

自思益寺大楞伽寺作

白居易

朝從思益峰遊後，晚到楞伽寺歇時。  
照水姿容雖已老，上山筋力未全衰。  
行逢禪客多相問，坐倚漁舟一自思。  
猶去懸車十五載，休官非早亦非遲。

祀紫蓋山經玉泉山寺

張九齡

指塗躋楚望，策馬傍荆岑。稍稍松篁  
入，泠泠澗谷深。觀奇逐幽映，歷險志  
嶮嶮。上界投佛影，中天揚梵音。焚香  
懺在昔，禮足誓來今。靈異若有對，聖  
先其可尋。高僧聞逝者，遠俗是初心。  
蘚駁經行處，猿啼燕坐林。

歸真已寂滅留迹豈埋沈法地自茲廣何云千萬金

復至玉泉寺

張九齡

冬中至玉泉山寺屬窮陰水閉崖谷無景及仲春  
行縣復往焉故有此作

靈境信幽絕芳時重暄妍再來及茲勝一遇非無緣  
萬木柔可結千花敷欲燃松間鳴好鳥林下流清泉  
石壁開精舍金光照法筵眞空本自寂假有聊相宣  
復此灰心者仍追巢頂禪簡書雖有畏身世亦俱捐

題玉泉寺

白居易

湛湛玉泉邑悠悠浮雲身閒心對定水清淨兩無塵  
唐詩類苑 卷之二百七十四 十三

手把青筇杖頭戴白綸巾興盡下山去知我是誰人

獨遊玉泉寺

白居易

雲樹玉泉寺肩昇半日程更無人作伴祇共酒同行  
新葉千萬影殘鶯三兩聲閒遊竟未足春盡有餘情

陪張丞相祀紫蓋山經玉泉寺

孟浩然

望秩宣王命齋心待漏行青衿 子從事有參卿

五馬尋歸路雙林指化城聞鐘度門近照瞻玉泉清  
皂蓋依松憩緇徒擁錫迎天宮近堦率沙界忽迷明  
欲就終焉志恭聞智者名人隨逝波沒山逐覆舟傾

想像若在眼周流空復情謝公還欲臥誰與濟羣生

遊龍門寺寄越府

孟浩然

我行適諸越夢寐懷所懼久負獨往願今來恣遊盤  
台嶺踐苔石耶溪沂林巒捨舟入香界登閣憩旃檀  
青山泰望近春水鏡湖寬遠懷佇應接卑位徒勞安  
白雲日夕澗滄海去來觀故國渺天末良朋在朝端  
遲爾同攜手何時方挂冠

題龍門寺

陸海

窻燈林霽裏門磬水聲中更與龍華會爐煙滿夕風

遊龍門奉先寺

杜甫

唐詩類苑 卷之二百七十四 十三

已從招提遊更宿招提境陰壑生靈籟月林散清影  
天闕象緯逼雲臥衣裳冷欲覺聞晨鐘令人發深省

訓苗發員外宿龍池寺見寄

錢起

寧知待漏客清夜此從容暫別迎車雉還隨護法龍  
香煙輕上月林嶺靜聞鐘郢曲傳甘露塵心洗幾重

遊終南龍池寺

孟郊

飛鳥不到處僧房終南巔龍在水長碧雨開山更鮮  
步出白日上坐飲清溪 寒谷短石險道路偏  
曉客送歸客數聲落遠天

宿西林寺

白居易

木落天晴山翠開，愛山騎馬入山來。  
心知不及柴桑令，一宿西林便却迴。

宿西林寺早赴東林滿上人之會因寄崔二

十二員外

白居易

謫辭魏闕鸞鸞隔，老入廬山麋鹿隨。  
薄暮蕭條投寺宿，凌晨清淨與僧期。  
雙林我起聞鐘後，隻日君趨入閤時。  
鵬鷗高低分皆定，莫勞心力遠相思。

登廬山峰頂寺

劉昫

孤峰臨萬象，秋氣何高清。  
庭際南郡出，林端西江明。

唐詩類苑

卷之二百七十四

十四

山門二緇叟，振錫聞幽聲。  
心照有無界，業懸前後生。  
徒知真機靜，尚與愛網并。  
方首金門路，未遑參道情。

廬山寺

僧無可

千峰盤磴盡林寺，昔年名步步入山影。  
房房聞水聲，多年人跡絕殘月。  
石陰清便可求居，止安閒過此生。

題廬山寺

馬戴

白茅爲屋宇，編荆數處堦。  
堦石疊成東谷笑，言西谷響下方雲。  
雨上方晴，鼠驚樵客緣蒼壁，後戲山頭撼紫煙。  
別有一條投澗水，竹筒斜引入茶鐺。

廬山東林寺夜懷

李白

我尋青蓮宅，獨往譙城闕。  
霜清東林鐘，水白虎溪月。  
天香生虛室，天樂鳴不歇。  
宴坐寂不動，大千入毫髮。  
湛然冥真心，曠劫斷出沒。

送後集往廬山東林寺兼寄雲臯上人

白居易

後集寄將何處去，故山迢遞在匡廬。  
舊僧獨有雲臯在，三二年來不得書。  
別後道情添幾許，老來筋力又何如。  
生來緣會應非遠，彼此年過七十餘。

宿東林寺

白居易

經憲燈焰短，僧爐火氣深。  
索落廬山夜，風雪宿東林。

唐詩類苑

卷之二百七十四

十五

題東林寺

僧修睦

欲去不忍去，徘徊吟遶廊。  
水光秋澹蕩，僧好語尋常。  
碑古苔文疊，山晴鐘韻長。  
翻思南岳上，欠此白蓮香。

再遊東林寺三首

僧貫休

臺殿參差聳瑞煙，桂花飄雪水潺湲。  
莫疑遠去無消息，七萬餘年始半年。

宣玄舊輦殘雲濕，耶舍孤墳落照遲。  
有箇山僧倚松睡，恐人來取白猿兒。

玉像珠龕香陣橫，錦霞多傍石牆生。  
辟虵行者今何在，花裏惟聞鷓鴣聲。

題揚州禪智寺

杜牧

雨過一蟬噪，飄蕭松桂秋。青苔滿階砌，白鳥故遲留。  
暮靄生深樹，斜陽下小樓。誰知竹西路，歌吹是揚州。

將赴宣州留題揚州禪智寺

杜牧

故里溪頭松柏雙，來時盡日倚松窗。杜陵隋苑已絕  
國，秋晚南遊更渡江。

春日獨遊禪智寺

羅隱

遠樹連天水，接空幾年行。樂舊隋宮花，開花謝還如  
此人去。人來自不同，驚鳳調高何處酒。吳牛蹄健滿

唐詩類苑

卷之百七十四

七

車風思量只合騰騰醉煮海平陳一夢中

宿石窟寺

喻鳧

一剎古岡南，孤鐘撼夕嵐。客閒明月閣，僧閉白雲菴。  
野鶴立枯枿，天龍吟淨潭。因知不生理，合自此中探。

題石窟寺

宋昱

梵宇開金地，香龕鑿鐵圖。影中群象動，空裏衆禽飛。  
簾牖籠朱旭，房廊挹翠微。瑞蓮生佛步，瑤樹挂天衣。

邀福功雖在，興兵伐久非。誰知雲朔外，更覩化胡歸。

遊上方石窟寺

劉滄

苔徑縈廻景漸分，儵然空界靜埃氛。一聲疎磬過寒

水，半壁危樓隱白雲。雪下石龕僧在定，日西山木鳥  
成群。幾來吟嘯立朱檻，風起天香處處聞。

夜歸孤山寺寄盧郎中

許渾

青山有志路猶賒，心在琴書自憶家。醉別庾樓山色  
滿，夜歸蕭寺月光斜。落帆露濕迴塘柳，開院風驚滿  
地花。他日此恩須報得，莫言空愛舊煙霞。

西湖晚歸迴望孤山寺贈諸客

白居易

柳湖松島蓮花寺，晚動歸桡出道場。盧橘子低山雨  
重，柰欄葉戰水風涼。煙波蕩漾搖空碧，樓殿參差倚

唐詩類苑

卷之百七十四

十七

夕陽到岸請君迴，首望蓬萊宮在海中央。

題甘露寺

曹松

香門接巨壑，畫角間清鐘。北固一何峭，西僧多未逢。  
天垂無際海，雲白久晴峰。旦暮燃燈外，濤頭振螯龍。

送無夢道人先歸甘露寺

許渾

飄飄隨晚浪，杯影入鷗群。岸凍千船雪，巖陰一寺雲。  
夜燈江北見，寒磬浦西聞。鶴嶺煙霞在，歸期不羨君。

甘露寺感事貽同志

許渾

雲蔽長安路，更賒獨隨漁艇老。天涯青山盡日尋黃  
絹，滄海經年夢綠苔。雪憤有期心自壯，報恩無處髮



先華東堂舊侶勤書劍同出膺門是一家

甘露寺

鄭谷

石門蘿徑與天隣雨檜風篁遠近聞  
飲澗鹿喧雙派水上樓僧踏一梯  
雲孤煙薄暮關城沒遠色初晴渭  
曲分長欲然香來此宿北林猿鶴舊  
同群

稱心寺

駱賓王

征帆恣遠尋逶迤過稱心凝滯蘅  
葭岸沿洄檀栢林穿渚不厭曲  
艤潭唯愛深爲樂凡幾許聽取舟中  
琴

遊稱心寺

宋之問

釋事懷三隱清襟謁四禪江鳴潮未  
落林曉日初懸

唐詩類苑

卷之二百七十四

大

寶葉交香雨金沙吐細泉望諧舟客  
趣思發海人煙顧櫪仍留馬乘孟久  
棄船未憂龜負嶽且識鳥耘田理契  
都無象心冥不寄筌安期庶可揖天  
地得齊年

和崔司馬登稱心山寺

孫逖

郡府乘休日王城訪道初覺花迎步  
履香草籍行車倚閣觀無際尋山盡  
太虛巖空迷禹跡海靜望秦餘翡翠  
巢珠網鷗鷺間綺疏地靈資淨土水  
若護眞如寶樹誰攀折禪雲自卷舒  
晴分五湖勢煙合九夷居生滅紛無  
象窮臨已得魚常聞寶刀贈今日奉  
瓊琚

稱心寺中島

方干

木水生不極似將星漢連中州唯此  
地上界別無天雪折停猿樹花藏浴  
鶴泉師爲終老意日日復年年

題精舍寺

錢起

勝景不易遇入門神頓清房房占山  
色處處分泉聲詩思竹間得道心松  
下生何時來此地擺落世間情

題精舍寺

郎士元

石林精舍虎溪中夜扣禪扉謁遠公  
月在上方諸品靜心持半偈萬緣空  
蒼苔古道行應徧落木寒泉聽不窮  
唯有雙峰最高頂此心期與故入同

宿清遠峽山寺

宋之問

唐詩類苑

卷之二百七十四

九

香岫懸金刹飛泉界石門空山唯習  
靜中夜寂無喧說法初聞鳥看心欲  
定猿寥寥隔塵市何異武陵源

清遠江峽山寺

張說

流落經荒外逍遙此楚宮雲峰吐月  
白石壁淡煙紅寶塔臨仙湧懸龕造  
化功天香涵竹氣虛唄引松風簷牖  
飛花入房廊激水通猿鳴知谷靜魚  
戲辨江空靜默將何貴所貴心鏡同

歲暮自廣江新興往復中題峽山寺四首

許渾

夜醉晨方醒孤吟恐失群海鱗潮上  
見江鷁霧中聞

去臘梅先實經冬草自薰樹隨山崦合泉到石稜分  
虎跡空林雨後聲絕嶺雲蕭蕭異鄉鬢明日共絲芬

二

薄暮綠西峽停撓一訪僧鷺巢橫臥柳後飲倒垂藤  
水曲巖千疊雲重樹百層山風寒殿磬溪雨夜船燈  
灘漲危槎沒泉衝怪石崩中臺一襟淚歲杪別良朋

三

密樹分蒼壁長溪抱碧岑山風聞鶴遠潭日見魚深  
松蓋環清韻榕根架綠陰洞丁多斲石蠻女半淘金  
端州斲石金江縣淘金爲業南浦驚春至西樓送月沈江流不過

唐詩類苑 卷之二百七十四 二十  
嶺何處寄歸音

四

月在行人起千峰復萬峰海虛爭翡翠溪邏關芙蓉  
古水高生柵陰池滿種松火探深洞燕香送遠潭龍  
藍均寒先燒禾堂晚併春更投何處宿西峽隔雲鐘

如空上人移居大雲寺 周賀

竹溪人請住何日向中峰瓦舍山晴少齋身疾色濃  
夏高移坐次菊淺露行蹤來往湓城下三年兩度逢

大雲寺二十韻 元稹

地勝宜臺殿山晴離垢氛現身千佛國護法四王軍

碧耀高樓瓦頰飛半壁文鶴林繁古道鴈塔沒歸雲  
幡影中天颺鐘聲下界聞攀蘿極峰頂游目到江濱  
馴鴿閒依綴調後靜守群虎行風捷獵龍睡氣氛氲  
獲稻禪衣卷燒畬却火焚新英蜂采掇荒草象耕耘  
鉢付靈童洗香教善女薰果枝低晉晉花雨澤雰雰  
示化維摩疾降魔力士勲聽經神變見說偈鳥紛紜  
上境光猶在深谿暗不分竹籠煙欲暝松帶日餘曛  
眞諦誠知別迷心尚有云多生沈五蘊宿習樂三墳  
喻鹿車雖設如蠶緒正禁且將平等義還奉聖明君

遊龍山靜勝寺 張說

唐詩類苑 卷之二百七十四 二十一

每上襄陽樓遙望雲山樹鬱蒼吐岡嶺微蒙在煙霧

下車歲已成飾馬問餘步霜苦哀野草愛日揚江煦  
雲對石上塔風吹松下路禪室宴三空神祠同六趣  
兒童共戲謔援鳥相驚顧南登桓公臺北禮先賢墓  
世上人何在時聞心不住唯傳無盡燈可使有情悟

同諸官遊招隱寺 王昌齡

山館人已空青蘿換風雨自從永明世月向龍宮吐  
鑿井長幽泉白雲今如古應眞坐松柏錫杖挂窗戶  
口云七十餘能救諸有苦回指巖樹花如聞道場鼓  
金身不壞滅眞如性無主僚友同一心清光遣誰取

題思禪寺上方

獨孤及

溪口聞法鼓停橈登翠屏攀雲到金界合掌開禪局  
鬱律衆山抱空濛花雨零老僧指香樓云是不死庭  
眇眇於越路茫茫春草青遠峰噴百谷繚繞馳東溟  
目極想何在鏡照心亦冥驕然諸根空破結如破瓶  
下視三界狹但聞五濁腥山中有良藥吾欲墮天刑

法鏡寺

杜甫

身危適他州勉強終勞苦神傷山行深愁破崖寺古  
嬋娟碧鮮淨蕭瑟寒籟聚洄洄山根水冉冉松上露  
洩雲蒙清晨初日翳復吐朱甍半光炯戶牖粲可數

唐詩類苑

卷一百七十四

三十三

策忘前期出蘿已亭午冥冥子規叫微徑不復取

登嘉州凌雲寺

岑參

寺出飛鳥外青峰戴朱樓搏壁躋半空喜得登上頭  
始知宇宙濶下看三江流天晴見峨眉如向波上浮  
廣煙景豁陰森棕枿稠願割區中緣永從塵外遊  
心吹虎穴片雲當龍湫僧房雲濛濛夏月寒飈颼  
心郭寥落見遠舟勝槩無端倪天宮可淹留  
人道欲去令人愁

登白馬山護明寺

孔德紹

名嶽標形勝危峰遠鬱紆成象建環極大壯闡規模

層臺聳靈鷲高殿邇陽烏暫同遊園苑還類入仙都  
三休開碧題萬戶洞金鋪攝心磬前禮訪道把中虛  
遙瞻盡地軸長望極天隅白雲起梁棟丹霞映拱樞  
露花疑濯錦泉月似沈珠今日桃源客相顧失歸途

奉陪蕭使君入鮑達洞尋靈山寺

劉長卿

山居秋更鮮秋江相映碧獨臨滄洲路如待挂帆客  
遂使康樂侯披榛着雙屐入雲開嶺道永日尋泉脉  
古寺隱青冥空中寒磬夕蒼苔絕行徑飛鳥無去跡  
樹杪下歸人水聲過幽石任情趣逾遠移步奇屢易

唐詩類苑

卷一百七十四

三十三

蘿木靜蒙蒙風煙深寂寂徘徊未能去畏共桃源隔

陪元侍御遊支硎山寺

劉長卿

支公去已久寂寞龍華會古木閉空山蒼然暮相對  
林巒非一狀水石有餘態密竹藏晦明群峰爭向背  
峰峰帶落日步步入青靄香氣空翠中猿聲暮雲外  
留連南臺客想像西方內因逐溪水還觀心兩無礙  
息丹荆溪入陽羨南山遊善卷寺呈李功曹

巨

羊士諤

結纜蘭香渚柴車上連崗晏溫值初霽去遶山河長  
獻歲冰雪盡細泉生路傍行披煙杉入澗澗橫石梁

層閣表精廬飛甍切雲翔冲襟得高步清眺極遠  
潭嶂積佳氣萬英多早芳具觀澤國秀重使春心傷  
念遵煩促途榮利驚陳光勉君脫冠意共匿無何鄉

酬李司直縱諸公冬日遊妙喜寺題照昱二

上人房寄長城潘丞述 僧皎然

達賢貴貞隱常懼迹不滅遂與永公期遺身坐林樾  
華軒何麟麟爲我到幽絕心境寒草花空門青山月  
潘生獨不見清景屢盈缺林下長寂寥人間自離別  
何時解輕佩來稅林中轍

陪杜侍御遊湘西兩寺獨宿有題因獻楊常

唐詩類苑

卷之二百七十四

二十四

侍

韓愈

長沙千里平勝地猶在險况當江濶處斗起勢匪漸  
深林高玲瓏青山上琬琰路窮臺殿闢佛事煥且儼  
剖竹走泉源開廊架崖厂是時秋之殘暑氣尚未歛  
群行忘後先朋息棄拘檢客堂喜空涼華榻有清簟  
澗疏者蒿芹水果剝菱芡伊余夙所慕陪賞亦云忝  
幸逢車馬歸獨宿門不掩山樓黑無月漁火燦星點  
夜風一何喧杉檜屢磨颺職猶疑在波濤休惕夢  
成魔靜思屈原沈遠憶賈誼貶椒蘭爭妬忌絳灌共  
讒諂誰令悲生腸坐使淚盈臉翻飛之羽翼指摘困

瑕玷珥貂藩維重政化類分陝禮賢道何優奉已事  
苦儉大厦棟方隆巨川楫行剡經營誠少暇遊宴固  
已歎旅程愧掩留徂歲嗟荏苒平生每多感柔翰遇  
頻染展轉領後鳴曙燈青睽睽

登龍昌上寺望江南山懷錢舍人

白居易

騎馬出西郭悠悠欲何之獨上高寺去一與白雲期  
虛檻晚瀟灑前山碧參差忽似青龍閣同望玉峰時  
因詠松雪句永懷鸞鶴姿六年不相見况乃隔榮衰

七泉寺上方

王建

唐詩類苑

卷之二百七十四

二十五

長年好名山本性今得從迴看塵蹟遙稍見麋鹿蹤  
老僧雲中居石門青重重陰泉養成龜古壁飛却龍  
掃石禮新經懸幡上高峰日夕猿鳥合覓食聽山鐘  
將火尋遠泉煮茶傍寒松晚隨收藥人便宿南澗中  
晨起衝露行濕花枝茸茸歸依向禪師願作香火翁  
有僧言羅浮寺因爲詩以寫之

劉禹錫

君言羅浮上容易見九垓漸高元氣壯洶湧來翼身  
夜宿最高峰瞻望浩無際天宇曠星辰來逼人  
是時當朏魄陰物恣騰辰日光一餘背劍影開龍麟

飲若萬馬馳旌旗登齋漏又如廣樂奏金石含悲辛  
疑其有巨靈怪物盡來賓陰陽迭用事乃俾夜作晨  
咿喔天鷄鳴扶桑色昕昕赤波千萬里湧出黃金輪  
下視生物息罪如隙中塵醺鷄仰甕口亦謂雲漢津  
世人信耳目方寸度大鈞安知視聽外怪愕不可陳  
悠悠想大方此乃栢水濱知小天地大安能識其真  
與王二十一員外涯遊昭成寺

孟郊

洛友寂寂約省騎霏霏塵遊僧步晚磬話茗含芳春  
瑤策水入手粉壁畫瑩神顏廊芙蓉霽碧殿琉璃津  
唐詩類苑 卷之一百七十四 二十六  
玄講島嶽盡淵詠文字新屢笑寒竹譙况接青雲賓  
顧慙餘眷下哀瘵嬰殘身

遊東林寺

黃滔

長生猶自重無生言讓仙祠佛寺成碑折誰忘康樂  
制山靈表得遠公名松形入漢藤羅短僧語離經耳  
目清莫怪遲遲不歸去童年已夢遶林行

唐詩類苑卷第一百七十四終

唐詩類苑卷第一百七十五

明雲間張之象玄超甫纂輯

晉陵孫慎行聞斯甫編次

雲間王 徹叔朗甫補訂

梁谿曹仁孫伯安甫校正

寺觀部

寺

題奉國寺

陸海

新秋夜何爽露下風轉淒一磬竹窻外千燈花塔西

池州廢林泉寺

杜牧

唐詩類苑

卷之一百七十五

一

廢寺碧溪上頽垣倚亂峰看棲歸樹鳥猶想過山鐘  
石路尋僧去此生應不逢

塗山寺獨遊

白居易

野徑行無伴僧房宿有期塗山來去熟唯是馬蹄知

遺愛寺

白居易

弄石臨谿坐尋花遶寺行時時聞鳥語處處是泉聲

遊梵宇三學寺

王勃

杏閣披青磴瑯臺控紫岑葉齊山路狹花積野壇深  
蘿幌棲禪影松門聽梵音遽忻陪妙躅延賞滌煩襟

觀佛跡寺

王勃

蓮座神容儼松崖聖蹟餘年長金跡淺地久石文  
顏華臨曲磴傾影赴前除共嗟陵谷遠俄視化城虛

石鏡寺

盧照隣

古墓芙蓉塔神銘松柏煙鸞深仙鏡底花沒梵輪前  
銖衣千古佛寶月兩重圓隱隱香臺夜鐘聲徹九天

樂城白鶴寺

沈佺期

碧海開龍藏青雲起鴈堂潮聲迎法鼓雨氣濕天香  
樹接前山暗溪承瀑水涼無言謫居遠清靜得空王

秋晚遊普耀寺

宋之問

薄暮曲江頭仁祠暫可留山形無隱霽野色遍呈秋

卷之二十七十五

二

泉密藤綠寶樹幽平生厭塵事過此忽悠悠

奉和同皇太子過荷恩寺應制

張說

朗朗神居峻軒軒瑞象威聖君成願果太子拂天衣  
至樂三靈會深仁四皓歸還聞潏水曲更繞白雲飛

登涼州尹臺寺

岑參

胡地三月半梨花今始開因從老僧飯更上夫人臺  
清唱雲不去彈絃風颯來應須一倒載還似山公回

過香積寺

王維

不知香積寺數里入雲峰古木無人逕深山何處鐘

泉聲咽危石日色冷青松薄暮空潭曲安禪制寺

登辨覺寺

王維

竹逕從初地蓮峰出化城窻中三楚盡林上九江平  
軟草乘跌坐長松響梵聲空居法雲外觀世得無生

遊景光寺

孟浩然

龍象經行處山腰度石關屢迷青嶂合時愛綠蘿間  
宴息花林下高譚竹嶼間寥寥隔塵事疑是入鷄山

與張折衝遊耆闍寺

孟浩然

釋子彌天秀將軍武庫材橫行塞北盡獨步漢南來  
貝葉傳金口山櫻作賦開因君振嘉藻江楚氣雄哉

詩類苑

卷之二十七十五

三

泊廬江聞故人在東林寺寄之

孟浩然

江路經廬阜松門入虎溪聞君尋寂樂清夜宿招提  
石鏡山精怯禪林怖鴿棲一燈如悟道爲照客心迷

登少室山寺

褚朝陽

飛閣青雲裏先秋獨早涼天花映牕近月桂拂簷香  
華嶽三峰小黃雲一帶長空聞指歸路煙處有垂楊

陪李梓州王簡州蘇遂州李果州四使君登

惠義寺

杜甫

春日無入境虛空不住天鶯花隨世界樓閣倚山巔

遲暮身何得登臨意惘然誰能解金印瀟灑共安禪

遊修覺寺

杜甫

野寺江天豁山扉花竹幽時應有神助吾得及春遊  
徑石相縈帶川雲自去留禪枝宿衆鳥漂轉暮歸愁

後遊修覺寺

杜甫

寺憶曾遊處橋憐再渡時江山如有待花柳更無私  
野潤煙光薄沙暄日色遲客愁全爲減捨此復何之

上兜率寺

杜甫

兜率知名寺真如會法堂江山有巴蜀棟宇自齊梁  
庾信哀雖久何顒好不忘白牛車遠近且欲上慈航

唐詩類苑

卷之一百七十五

四

望兜率寺

杜甫

樹密當山徑江深隔寺門扉扉雲氣重閃閃浪花翻  
不復知天大空餘見佛尊時應清盥罷隨喜給孤園

遊韶州廣界寺

宋之問

影殿臨丹壑香臺隱翠霞巢飛含象鳥砌踏雨空花  
寶鐸搖初霽金池映晚沙莫愁歸路遠門外有三車

謫南海過韶州廣界寺

房融

零落嗟殘命蕭條托勝因方燒三界火遽洗六情塵  
隔嶺天花發凌空月殿新誰憐鄉國思終此學分身

上牛頭寺

杜甫

青山意不盡衮衮上牛頭無復能拘礙真成浪出遊  
花濃春寺靜竹細野池幽何處鶯啼切移時獨未休

望牛頭寺

杜甫

牛頭見鶴林梯逕繞幽深春色浮山外天河宿殿陰  
傳燈無白日布地有黃金休作狂歌老回看不住心

幸岳寺應制

宋之問

暫幸珠筵地俱憐石瀨清汎流張翠幕拂迴挂紅旌  
雅曲龍調管芳罇蟻汎觥陪歡玉座晚復得聽金聲

陪潤州薛司空丹徒桂明府遊招隱寺

駱賓王

唐詩類苑

卷之一百七十五

五

共尋招隱寺初識戴顒家還依舊泉壑應改昔雲霞  
綠竹寒天笋紅蕉臘月花金繩倘留客爲繫日光斜

宿龍興寺

綦毋潛

香刹夜忘歸松清古殿扉燈明方丈室珠繫比丘衣  
白日傳心淨青蓮喻法微天花落不盡處處鳥銜飛

題江夏修靜寺

李白

我家北海宅作寺南江濱空庭無玉樹高殿坐幽人  
書帶留青草琴堂羃素塵平生種桃李寂滅不成春

和裴迪登新津寺寄王侍郎

杜甫



何限倚山木吟詩秋葉黃蟬聲集古寺鳥影度寒塘  
風物悲遊子登臨憶侍郎老夫貪佛日隨意宿僧房

登思禪寺題修竹茂松 劉長卿

上方幽且暮臺殿隱蒙籠遠磬秋山裏清猿古木中  
衆溪連竹路諸嶺共松風倘許棲林下甘成白首翁

題崇聖寺 許渾

西林本行殿池榭日坡陁雨過水初漲雲開山漸多  
曉街垂御柳秋院閉宮莎借問龍歸處鼎湖空碧波

早發中巖寺別契直上人 許渾

蒼蒼松桂陰殘月半西岑素壁寒燈暗紅爐夜火深

題任處士荆資福寺 魚玄機

幽人荆奇境遊客駐行程粉壁空留字蓮宮未有名  
鑿池泉自出開徑草重生百尺金輪閣當川豁眼明

過慶寶寺 司空曙

黃葉前朝寺無僧寒殿開池晴龜出曝松暮鶴飛回  
古井碑橫草陰廊畫雜苔禪宮亦銷歇塵世轉堪哀

與石畫秀才過普照寺 朱慶餘

問人知寺路松竹暗春山潭黑龍應巢空鶴未還  
爲客倦半日與僧閒更共嘗新茗聞鐘笑語閒

封禪寺居 羅隱

盛禮何由覩嘉名偶寄居周南太史淚蠻徼長卿書  
砌竹搖風直庭花泣露疎誰能賦秋興千里隔吾廬

靈山寺 羅隱

晚景聊攄抱憑欄幾蕩魂檻虛從四面江濶柰孤根  
幽徑薜蘿色小山苔蘚痕欲依師問道何處繫心猿

秋日與諸公文會天口寺 嚴維

相訪從吾道因緣會爾時龍臺餘帝宅花界古人詞  
明月虛空色青林大小枝還將經濟學來問道安師

遊東林寺 黃滔

平生愛山水下馬虎溪時已到終嫌晚重遊預作期  
寺寒三伏雨松偃數朝枝翻譯如曾見白蓮開舊池

正見寺曉別生公 溫庭筠

清曉盥秋水高窻留夕陰初陽到古寺宿鳥起寒林  
香火有良願宦名非素心靈山綠未絕他日重來尋

信美寺岑上人 鄭谷

巡禮諸方遍湘南頗有緣焚香老僧寺乞食向江船  
紗碧籠名畫燈寒照淨禪我來能永日蓮漏滴階前

重還宜豐寺 僧靈一

載過招隱寺重會息心期樵客問歸日山僧寄別詩

野雲陰遠旬秋水漲前陂勿謂頻來此吾今不好奇

入靜隱寺途中作

周賀

亂雲迷遠寺入路認青松鳥道綠巢影僧鞋印露踪  
草煙連野燒溪霧隔霜鐘更遇樵人問猶言過數峰

雨中宿義興寺

耿漳

遙夜宿東林蟲聲階草深高風初落葉多雨未歸心  
家國身猶負星霜鬢已侵滄洲縱不去何處有知音

題童子寺

耿漳

半偈留何處全身棄此中雨餘沙塔壞月滿雪山空  
聳斜蹄回磴朱樓間碧叢朝朝日將暮長對晉陽宮

唐詩類苑

卷之一百三十五

八

雙林寺謁傅大士

郎士元

草露經前代津梁及後人此方今示滅何國更分身  
月色空如夜松陰不記春猶憐下生日應在一微塵

書翠巖寺壁

曹松

何年話尊宿瞻禮此堂中入郭非無路歸林自學空  
濺瓶雲嶠水逆磬雪川風時說南廬事知師用意同

送僧歸敬亭山寺

許渾

十年劍中路傳盡本師經曉月下黔峽秋風歸敬亭  
開門新樹綠登閣舊山青遙想禪處松陰水一瓶

送惟一遊清涼寺

賈島

去有巡臺侶荒溪衆樹分瓶殘秦地水錫入晉山雲  
秋月離喧見寒泉出定聞人間臨欲別旬日雨紛紛

遊頭陀寺上方

項斯

高步陟崔嵬吟閒路惜迴寺知何代有僧見梵天來  
暮靄連沙積餘霞遍檻開更期招靜者長嘯上南臺

遊竹林寺

方干

得路到深寺幽虛曾識名蘇濃陰砌古煙起暮香生  
曙月落松翠石泉流梵聲聞僧說眞理煩惱自然輕

遊瀑泉寺

于鵠

日斜尋未遍古木寺高低粉壁猶遮嶺朱樓尚隔溪

唐詩類苑

卷之一百七十五

九

厨窓通澗鼠殿跡立山鷄更有無人處明朝獨向西

遊寶彌寺

白居易

竹寺初晴日花塘欲曉春野猿疑弄客山鳥似呼人  
酒嫩傾金液茶新碾玉塵自憐幽靜地堪寄老慵身

重遊長眞寺

戴叔倫

同到長眞寺青山四面同鳥啼花竹暗人散戶庭空  
蒲澗十年雨松門午夜風舊遊悲往日回首各西東

同盧校書遊新興寺

朱慶餘

山深雲景別有寺亦堪過才子將迎遠林僧氣性和  
潭清蒲影定松老鶴聲多豈不思公府其如野興何

留宿羅源西峰寺示輝上人

戴叔倫

宿西峰寺塵煩漸覺清遠林生夕籟高閣起鐘聲  
山寂僧初定廊深火自明雖云殊出處聊與說無生

宿吳匡山破寺

僧皎然

雙峰百戰後眞界滿塵埃萑草綠空壁悲風起古臺  
野花寒更發山鳥暝還來何事池中水東流獨不回

同苗員外宿薦福寺

李端

安仁秋興動涼夜宿僧房倚杖雲離月垂簾竹有霜  
迴風吹遠逕隨葉颯長廊一與交親會空貽別後傷

唐詩類苑

卷之一百七十五

十一

夜從法王寺下歸歡寺

白居易

雙刹夾虛空綠雲一徑通似從初利下如過劍門中  
燈火光初合笙歌曲未終可憐獅子坐昇出淨名翁

題聖果寺

僧處默

路自中峰上盤迴出薜蘿到江吳地盡隔岸越山多  
古木叢青靄遙天浸白波下方城郭近鐘磬接笙歌

題橫山寺

戴叔倫

偶入橫山寺湖山景最幽露涵松翠濕風湧浪花浮  
老衲供茶盃斜陽送客舟自緣歸思促不得更遲留

題新安國寺

李洞

佛亦遇艱難重興疊廢壇偃松枝舊折盡竹粉新乾  
開講宮娃聽拋生禁鳥餐鐘聲入帝夢天竺化長安

留題愛敬寺

李建勳

野性竟未改何以居朝廷空爲百官首但愛千峰青  
南風新雨後與客攜觴行斜陽惜歸去萬壑啼鳥聲

題招提寺

戎昱

招提精舍好石壁向江開山影水中盡鳥聲天上來  
一燈傳歲月深院長莓苔日暮雙林碧玲瓏送客回

題絕島山寺

崔塗

絕島跨危欄登臨到此難夕陽高鳥過疎雨一鐘殘

類苑

卷之一百七十五

十一

駭浪搖空濶靈山厭渺漫那堪更回首鄉樹隔雲端

題凌雲寺

司空曙

春山古寺繞滄波石磴盤空鳥道過百丈金身開翠  
壁萬龕燈焰隔煙蘿雲生客到侵衣濕花落僧禪覆

地多不與方袍同結社下歸塵世竟如何

題靈山寺

張喬

樹涼清島寺虛閣敞禪扉四面閒雲入中流獨鳥歸  
湖平幽徑近船泊夜燈微一宿秋風裏煙波隔擣衣

題興善寺

鄭谷

武帝城陰清虛勝二林薜侵隋盡暗茶助越甌深

巢鶴和鐘喉詩僧倚錫吟煙莎後池水前跡杳難尋  
才子詩集多有與善寺後池之作今寺在池無每用追歎

和王記室從趙玉春日遊陁山寺

駱賓王

鳥旗陪訪道鷺嶺洽棲真四禪明靜業三空廣勝因  
祥河疎疊澗惠日皎重輪葉暗龍宮密花明鹿苑春  
彫談筌奧旨妙辨漱玄津雅曲終難和徒自奏巴人

靈隱寺

駱賓王

宋之問貶黜放還至江南遊靈隱寺夜月極明長  
廊行吟曰鷺嶺巒岩堯龍宮鎖寂寥句未屬有老

唐詩類苑

卷之一百七十五

十三

僧點長明燈問曰少年夜久不寐何耶之問曰適  
偶欲題此寺而興思不屬僧請吟上聯即曰何不  
云樓觀滄海日門對浙江潮之問愕然訝其道麗  
僧又續終篇云云遲明更訪之則不復見矣寺僧  
有知者曰此駱賓王也

鷺嶺巒岩堯龍宮鎖寂寥樓觀滄海日門對浙江潮  
桂子月中落天香雲外飄捫蘿登塔遠剝木取泉遙  
霜薄花更發水輕葉互凋夙齡尚遐異搜對滌煩囂  
待入天台路看余度石橋

遊化感寺

王維

翡翠香煙合琉璃寶地平龍宮連棟宇虎穴傍簷  
谷靜惟松響山深無鳥聲瓊峰當戶折金澗透林鳴  
郢路雲端迴秦川雨外晴鴈王銜果獻鹿女踏花行  
抖擻辭貧里歸依宿化城繞籬生野蕨空館發山櫻  
香飯青菰米嘉蔬綠芋羹誓陪清梵末端坐學無生  
和宋中丞夏日遊福賢觀天長寺即陳左相

宅所施之作

王維

已相殷王國空餘尚父溪釣磯開月殿築道出雲梯  
積水浮香象深山鳴白鷄虛空陳妓樂衣服製虹霓  
黑點三千界丹飛六一泥桃源勿遽返再訪恐君迷

唐詩類苑

卷之一百七十五

十三

同諸公遊雲公禪寺

張謂

共許尋鷄足誰能惜馬蹄長空淨雲雨斜日半虹霓  
簷下千峰轉窻前萬木低看花尋徑遠聽鳥入林迷  
地與喧聞隔人將物我齊不知樵客意何事武陵溪  
和鄭少尹祭中嶽寺北訪蕭居士越上方

皇甫冉

肅事祠靈境尋真到隱居寅緣幽谷遠蕭散白雲餘  
晚節持僧律他年著道書海邊曾狎鳥濠上正觀魚  
寂靜求無相淳和覩太初一峰綿歲月萬姓任盈虛  
離隔溪鐘度空臨澗水疎謝公懷舊壑迴駕復何如

自道林寺西入石路至麓山寺過法崇禪師

故居

劉長卿

山僧候谷口石路拂莓苔深入泉源去遙從樹杪回  
香隨青靄散鐘過白雲來野雪空齋掩山風古殿開  
桂寒知自發松老問誰栽惆悵湘江水何人更渡杯

津梁寺尋李侍御

錢起

禪林絕過客柱史正焚香馴鴿不猜隼慈雲能護霜  
驄聲隔暗竹吏事散空廊霄漢期鷄鶩狐狸避憲章  
遶塔春色至屈草待君芳

度門寺

元稹

唐詩類苑

卷之一百七十五

十四

北祖三禪地

神秀禪師造

西山萬樹松門臨溪一帶橋映

竹千重剪鑿基階正包藏景氣濃諸巖分院宇雙嶺

抱垣墉舍利開層塔香鑪占小峰道場居士置經藏

大師封太子知栽植神王守要衝由旬排講座丈六

寫真容佛語迦陵說僧行猛虎從修羅擡日拒樓至

拔霜鋒畫井垂枯朽穿池救喻喁蕉非難敗壞槿喻

暫丰茸寶界留遺事金棺滅去蹤鉢傳烘瑪瑙石長

翠芙蓉影帳紗全落繩牀土半墮

金棺已下並荒林

迷醉象危壁亞盤龍行色憐初月歸程待曉鐘心源

雖了了塵世苦懂懂宿陰高聲懺齋糧并力泰他生

再來此還願總相逢

春遊二林寺

白居易

下馬西林寺翛然進輕策朝為公府吏暮是靈山客  
二月匡廬北冰雪始消釋陽叢抽茗芽陰竇洩泉脉  
熙熙風土暖靄靄雲嵐積散作萬壑春疑為一氣碧  
身閒易澹泊官散無牽迫緬彼十八人古今同此適  
是年淮寇起處處興兵革志士勞思謀戎臣苦征役  
獨有不才者山中美泉石

題郡南山光福寺

羊士諤

寺即嚴黃門所置時自給事中京兆少尹出寺年

唐詩類苑

卷之一百七十五

十五

三十性樂山水故老云每旬數至後分閭川州門

有去思碑即郗拾遺之詞也

傳聞黃閣守茲地賦長沙少壯稱時傑功名惜歲華

巖廊初見剎賓從亟鳴笳玉帳空嚴道甘棠見野花

碑殘猶墮淚城古自歸鴉寂寂清風在懷人諒不遐

柏林寺南望

郎士元

溪上遙聞精舍鐘泊舟微徑度深松青山霽後雲猶

在畫出東南四五峰

觀心處

元稹

滿座喧喧笑語頻獨憐方丈了無塵燈前便是觀心

處要似觀心有幾人

使行重悟占寺

張籍

採玉峰連佛寺幽高高斜對驛門樓無端來去騎官馬寸步教身不得遊

晚秋破山寺

僧皎然

秋風落葉滿空山古寺殘燈石壁間昔日經行人盡去寒雲夜夜自飛還

龜山寺晚望二首

張嶺

四面湖光絕路岐鷗鵲飛起暮鐘時漁舟不用懸帆席歸去乘風柳枝

唐詩類苑

卷之百七十五

十六

九衢秋雨掩閒扉不似千名似息機貧病却慙牆上土年來猶自換新衣

題念濟寺

盧綸

靈空聞偈夜清淨雨裏花枝朝暮開故里九泉留語別逐臣千里寄書來

登寶意寺上方舊遊

寺在武功曾居此寺

韋應物

翠嶺香臺出半天萬家煙樹滿晴川諸僧近住不相識坐聽微鐘記往年

遊雲居寺贈穆三十六地主

龍峰深處雲居路共踏花行獨惜春勝地本來無定

主大都山屬愛山人

遊石澗寺

朱放

聞道幽深石澗寺不逢流水亦難知莫道山僧無伴侶獼猴長在古松枝

寄題天台國清寺齊梁體

皮日休

十里松門國清路飯猿臺上菩提樹怪來煙雨落晴天元是海風吹瀑布

奉和寄題天台國清寺

陸龜蒙

唐詩類苑

卷之百七十五

十七

峰帶樓臺天外立明河色近采恩濕松間石上定僧寒半夜猶溪水聲急

題臨瀧寺

韓愈

不覺離家已五千仍將衰病入瀧船潮陽未到吾能說海氣昏昏水拍天

奉天西佛寺

溫庭筠

憶昔狂童犯順年玉虬閒暇出甘泉宗臣欲舞千鈞劍追騎猶觀七寶鞭星背紫垣終掃地日歸黃道却當天至今南頓諸耆舊猶指蒼梧野

開聖寺

盧綸

路分磴石夾煙叢十里蕭蕭古樹風出寺馬嘶秋色裏向  
鴉亂夕陽中竹間泉落山厨靜塔下僧歸影殿空猶有南巢舊碑在耻將興廢問休公

題化城寺

韋應物

平高選處創蓮宮一水縈流處處通畫閣晝開遲日畔禪房夜掩碧雲中平川不見龍行雨幽谷遙聞虎嘯風偶與遊人論法要眞元浩浩理無窮

和趙嘏題岳寺

溫庭筠

疎鐘細響亂鳴泉客省高臨似水天嵐翠暗來空覺潤澗茶餘爽不成眠越僧寒立孤燈外岳月秋當萬

唐詩類苑

卷之二百七十五

六

木前張邵宦情何太薄遠公窗外有池蓮

題西隱寺

封敖

三年未到九華前終日披圖一室閒秋寺喜因晴後賞靈峰看待足時還後從有性留僧坐雲靄無心伴客閒勝事倘能銷歲月已拚名利不相關

題柱國寺

王建

皇帝施錢修此院半居天上半人間丹梯暗出三重閣古像斜開一面山松柏自穿空地少川原不稅小僧閒行香天使長相續早起離城日午還

題淨居寺

戴叔倫

玉壺山下雲居寺六百年來選佛場滿地白雲關不住石泉流出落花香

宿定陵寺

寺在陵內

盧綸

古塔荒臺出禁墻磬聲初盡漏聲長雲生紫殿幡花濕月照青山松柏香禪室夜聞風過燭莫延朝啓露沾裳誰悟威靈同寂滅更堪砧杵發昭陽

宿松門寺

溫庭筠

白石青崖世界分捲簾孤坐對氤氲林間禪室春深雪潭上龍堂夜半雲落月蒼涼登閣在曉鐘搖蕩隔江聞西山舊是經行地願漱寒瓶遂領軍

唐詩類苑

卷之二百七十五

九

宿九華化成寺莊

僧泠然

佛寺孤莊千嶂間我來詩境強相關巖邊樹動猿下磴雲裏錫鳴僧上山松月影寒生碧落石泉聲亂噴潺湲明朝更躡層霄去誓共煙霞到老閒

宿長慶寺

杜牧

南行步步遠浮塵更近青山昨夜隣高鐸數聲秋撼玉霄河千里曉橫銀紅蕖影落前池淨綠稻香來野逕頻終日官閒無一事不妨長醉是遊人

禪林寺作寄劉書記

李山甫

坐近松風骨自寒茅齋直鎖白雲邊玄關不閉何人



到此事誰論在佛先天竺老師留一句曹溪行者答  
全篇今朝林下忘言說強把新詩寄謫仙

雨後遊南門寺

劉滄

郭南山寺雨初晴上界尋僧竹裏行半壁樓臺秋月  
過一川煙水夕陽平苔封石室雲含潤露滴松枝鶴  
有聲木葉蕭蕭動歸思西風盡角漢東城

遊碧澗寺

并序

元稹

八月初六日與僧如展前松滋主簿韋戴同遊碧  
澗寺賦得扉字韻寺臨蜀江內有碧澗穿注兩廊  
又有龍女洞能興雲雨詩中

字以平聲韻

唐詩類苑

卷之一百七十五

二十

空澗長江礙鐵圍高低行樹倚巖扉穿廊玉澗噴紅  
旭踴塔金輪拆翠微草引風輕馴虎睡洞驅雲入毒  
龍歸他生莫忘靈山別滿壁人名後會稀

遊豐樂提佛光三寺

白居易

竹鞋葵扇白綃巾林野爲家雲是身山寺每遊多寄  
宿都城暫出卽經旬漢容黃綺爲逋客堯放巢由作  
外臣昨日制書臨郡縣不談愚俗醉鄉人

遊寺

李咸用

無家身自在時得到蓮宮秋覺暑衣薄老知塵世空  
幽情憐水石野性任萍蓬是處堪閒坐與僧行止同

鍾山寺避暑勉二三子

李建勳

樓臺雖少景何深滿地青苔勝布金松影晚留僧共  
坐水聲閒與客同尋清涼會擬歸蓮社沈湎終須棄  
竹林長愛寄吟經案上石窻秋霽向千岑

上方所居寺院涼夜書懷

何元

庾公念病宜清暑遣向僧家占上方月光似水衣裳  
濕松氣如秋枕簟涼幸似薄才當客次無因弱羽逐  
鸞翔何由一示雲霄路腸斷星星兩鬢絲

華嶽寺

并序

元稹

貞觀二十年正月二十五日自洛之京二月三日

唐詩類苑

卷之一百七十五

二十一

春社至華嶽寺憩寶師院曾未逾月又復徂東再  
謁寶師因題四韻

山前古寺臨長道來往淹留爲愛山雙燕營巢始西  
別百花成子又東還暝驅羸馬頻看嶠曉聽鳴鷄欲  
度關羞見寶師無外役竹窻依舊老身閒

經龍門廢寺

劉滄

因思人事無窮幾度經過感此中山色不移樓殿  
盡石臺依舊水雲空唯餘芳草滴春露時有殘花落  
晚風楊柳覆灘清瀨響暮天沙鳥自西東

宿隱靜寺

僧清塞

一宿五峰孟渡寺虛廊中夜磬聲分疎林未落上方  
月幽澗忽生平地雲高鳥背泉生靜景遠人當燭想  
遺文慙來此地歇勞足望斷故園滄海濱

寺居清晨

劉復

高枕對曉月衣巾清且涼露華朝未曦滴瀝含虛光  
隔竹聞汲井開扉見焚香幽心感衰病結念依法王  
青冥早雲飛杳靄空鳥翔此情皆有釋悠然知所忘

仙遊寺

有龍潭穴弄玉祠

李華

捨事入樵境雲木深谷口萬壑移晦明千峰轉前後  
巖然龍潭上石勢若奔走開折秋天光崩騰萬雷吼

唐詩類苑

卷之二百七十五

三十二

靈溪自茲去紆直互紛糾聽聲靜復喧望色無更有  
冥冥翠微下高殿映杉柳滴滴洞穴中懸泉響相扣  
昔時秦王女羽化年代久日暮松風來簫聲在左右  
早窺神仙錄願結芝朮友安得美門方青囊繫吾肘

謁文公上方

杜甫

野寺隱喬木山僧高下居石門日色異絳氣橫扶疎  
窈窕入風磴長蘿紛卷舒庭前猛虎臥遂得文公廬  
俯視萬家邑煙塵對塔除吾師雨花外不下十年餘  
長者自布金禪龕只晏如大珠脫玷翳白日當空虛  
甫也南北人蕪蔓少耘鋤久遭詩酒污何事添簪裾

王侯與螻蟻同盡隨丘墟願聞第一義迴向心地初  
金篦刮眼膜價重百車渠無生有汲引茲理倘吹嘘

山寺

杜甫

野寺根石壁諸龕遍崔嵬前佛不復辨百身一莓苔  
唯有古殿存世尊多塵埃如聞龍象泣足令信者哀  
使君騎紫馬捧擁從西來樹羽靜千里臨江久徘徊  
山僧衣藍縷告訴棟梁摧公爲領兵徒咄嗟檀施開  
吾知多羅樹却倚蓮花臺諸天必歡喜鬼物無嫌猜  
以茲撫士卒孰曰非周才窮子失淨處高人憂禍胎  
歲宴風破肉荒林寒可迴思量入道苦自哂同嬰孩

唐詩類苑

卷之二百七十五

三十三

同群公題中山寺

高適

平原十里外稍稍雲巖深遂及清淨所都無人世心  
名僧既禮謁高閣復登臨石壁倚松徑山田多栗林  
超遙盡巖壑遙側仍嶮嶮欲休世事於焉聊自任

東城初陷與薛員外王補闕暝投南山佛寺

錢起

日昃石門裏松聲山寺寒香雲室靜影定水無驚湍  
洗足解塵纓忽覺天形寬清鐘揚虛谷微月深重巒  
意我朝露世翻浮與波瀾行運邁憂患何緣親盤桓  
庶將鏡中象盡作無生觀

早秋寺居酬張侍御六韻見寄

喻鳧

六十上清冥曉緘東越滕山光紫衣陟寺影白雲凝  
濕葉起寒鳥深林驚古僧微風窻靜展細雨閣吟登  
清韻嶽聲遠佳境湖水澄却思前所獻何以豸冠稱

寺居獨夜寄崔主簿

韋應物

幽人寂無寐木葉紛紛落寒雨暗深更流螢度高閣  
坐使青燈曉還傷夏衣薄寧知歲方晏離居更蕭索

春日上方卽事

王維

好讀高僧傳時看辟穀方鳩形將刻杖龜殼用支牀

唐詩類苑

卷之二百七十五

三

柳色春山映梨花夕鳥藏北窻桃李下閒坐但焚香

山寺

杜甫

野寺殘僧少山園細路高麝香眠石竹鸚鵡啄金桃  
亂水通人過懸崖置屋牢上方重閣晚百里見纖毫

送桃巖上人歸本寺

嚴維

長老歸緣起桃花憶舊巖清晨雲抱石深夜月籠杉  
道具門人捧齋糧谷鳥銜餘生願依止文家欲三緘

送曹三同猗遊山寺

司空曙

山路青蕪盡涼秋古寺深何時得連策此夜更聞琴  
窮水雲同穴過僧虎共林殷動如念我遺爾挂冠心

題山寺

楊衡

千峰白露後雪壁挂殘燈曙色海邊月經聲松下僧  
意閒門不開年去水空澄稽首如何問森羅盡一乘

宿山寺

張翥

中峰半夜起忽覺有青冥此界自生雨上方猶有星  
樓高鐘尚遠殿古像多靈好是潺湲水房房伴誦經

宿山寺

賈島

衆岫聳寒色精廬向此分流星透疎木走月逆行雲  
絕頂人來少高松鶴不群一僧年八十世事未曾聞

山寺

杜牧

唐詩類苑

卷之二百七十五

三五

峭壁引行徑截溪開石門泉飛濺虛檻雲起漲河軒  
隔水看來路疎籬見定援未閒難久住歸去復何言

與友人過山寺

戴叔倫

共有春山典幽尋此日同談詩訪靈澈入社愧陶公  
竹暗閒房雨茶香別院風誰知塵境外路與白雲通

早秋遊山寺

李咸用

閒臥雲巖穩攀緣笑戲孫靜於諸境靜高却衆山高  
至理無言了浮生一夢勞清風朝復暮四海自波濤

遊襄陽山寺

張籍

秋色江邊路煙霞若有期寺貧無利施僧老足慈悲

薜荔侵禪窟蝦蟆占浴池閒遊殊未遍卽是下山時

奉和馬常侍寺中之作 蘇頌

怨暑時云謝愆陽澤暫偏昂陳從祀日鑰動問刑年  
絳服龍霄寢玄冠馬使旋作霖期傳說爲早聽周宣  
河嶽陰符啓星辰暗檄傳浮涼吹景氣飛動灑空煙  
颯颯將秋近沈沈與暝連分湍涇水石合潁雍州田  
德施超三五文雄賦十千及斯何以樂明主敬人天

春日歸山寄孟浩然 李白

朱紱遺塵境青山謁梵筵金繩開覺路寶筏度迷川  
嶺樹攢飛拱巖花覆谷泉塔形標海日樓勢出江煙

唐詩類苑 卷之一百七十五 二十六

香氣三天下鐘聲萬壑連荷秋珠已滿松密蓋初圓  
鳥聚疑聞法龍參若護禪愧非流水韻叨入伯牙絃

秦州雜詩二首 杜甫

秦州城北寺勝跡隄翳官苔藓山門古丹青野殿空  
月明垂葉露雲逐度溪風清渭無情極愁時獨向東

二

山頭南郭寺水號北流泉老樹空庭得清渠一邑傳  
秋花危石底晚景臥鐘邊倂仰悲身世溪風爲颯然

送僧歸閩中舊寺 馬戴

寺隔海山遙帆前落葉飄斷後通楚塞驚鷺出蘭橈

星月禪波島煙蘿度石橋鐘聲催野飯秋色落寒潮  
舊社人多老閒房樹半凋空林容病士歲晚待相招

同路郎中韓侍御春日題野寺

盧綸

寺前山遠古陂寬寺裏人稀春草寒何事最堪悲色  
相折花將與老僧看

古寺 元稹

古寺春餘日半斜竹風蕭爽勝人家花時不到有花  
院意在尋僧不在花

宿湖邊山寺 顧況

唐詩類苑 卷之一百七十五 二十七

群峰過雨澗淙淙松下扉扇白鶴雙香透經牕籠檜  
柏雲生梵宇濕旛幢蒲團僧定風過席葦岸漁歌月  
墮江誰悟此生同寂滅老禪慧力得心降

松寺 盧延遜

山寺取涼當夏夜共僧躡坐石堦前兩三條電欲爲  
雨七八箇星猶在天衣汗稍停牀上扇茶香時潑澗  
中泉通宵聽論蓮華義不藉松牕一覺眠

遊西禪 伍喬

遠岫當軒列翠光高僧一衲萬緣忘碧松影裏地長  
潤白藕花中水亦香雲自雨前生淨石鶴於鐘後宿

塵廊遊人戀此吟終日盛暑樓臺早有涼

題古寺

劉滄

古寺蕭條偶宿期更深霜壓竹枝低長天月影高懸  
過疎樹寒鴉半夜啼池水竭來龍已去老松枯處鶴  
猶棲傷心可惜從前事寥落朱廊墮粉泥

寺居陸處士相訪感懷却寄二三友人

李建勳

湘寺閒居亦半年就中昨夜好潛然人歸遠岫疎鐘  
後雪打高杉古屋前投足正逢他國亂冥心未解祖  
師禪爐煙回冷孤燈下唯有寒吟到曙天

唐詩類苑

卷之二百七十五

三

和王舍人崔補闕題天王寺

黃滔

郭內青山寺難論此崛奇白雲生院落流水下城池  
石像雷霆啓江沙鼎鵲期嶽僧來坐夏秦客會題詩  
崗轉泉根滑門昇繚級危紫微今日句黃絹昔年碑  
歇鶴松低閣鳴蛩徑出籬粉垣千堵束金塔九層支  
啼鳥笙簧韻開花錦繡姿清齋奔井邑玄髮剃熊羆  
極浦征帆小平蕪落日遲風篁清却暑煙草綠無時  
信士三公作靈蹤四絕推良遊如不宿明月擬何之

宿山寺

項斯

栗葉重重覆翠微黃昏溪上語人稀月明古寺客初  
到風度閒門僧未歸山果經霜多自落水螢穿竹不  
停飛中宵能得幾時睡又被鐘聲催著衣

遊三寺回呈上府主嚴司空時因尋寺道出

當陽縣奉命覆視縣囚牽於遊衍不暇詳

究故以詩自諷爾

元稹

謝公恣縱顛狂投觸處閒行許自由舉板支頤對山  
色當筵吹帽落臺頭貪緣稽首他方佛無暇精心滿  
縣囚莫責尋常吐茵吏書囊赤白報君侯

唐詩類苑

卷之二百七十五

三五

唐詩類苑卷第一百七十六

明雲間張之象玄超甫纂輯

晉陵孫慎行聞斯甫編次

雲間王 徹叔朗甫補訂

梁谿曹仁孫伯安甫校正

寺觀部

浮圖

奉和聖製閨九月九日幸總持寺登浮圖應

制

李嶠

閨節開重九真遊下大千花寒仍薦菊座晚即披蓮

唐詩類苑

卷之二百七十六

剎鳳廻雕輦幡虹間綵旃還將西梵曲助入南薰絃

登總持寺浮圖

駱賓王

梵宇出三天登茲望八川開襟俯城闕揮手拍雲烟

函谷春山外昆池落日邊東京楊柳陌少別遂經年

登總持寺浮圖

孟浩然

半空躋寶塔晴望盡京華竹遶渭川遍山

四門開帝宅阡陌俯人家累劫從初出

一窺功德見彌益道心加坐覺清

和寶侍郎登涼州

七級浮圖之作

高適

化塔屹中起孤高宜上躋鐵冠雄賞眺金界籠招攜

空色在軒戶邊聲連鼓鼙天寒萬里北地豁九州西

清興揖才彥峻風和端倪始知陽春後具物皆筌蹄

同諸公登慈恩寺浮圖 高適

香界民靈有浮圖豈諸相登臨駭孤高披拂忻大壯

言是羽翼生迴出虛空上頓疑身世別乃覺形神王

宮闕皆戶前山河盡簷向秋風昨夜至秦塞多清曠

千里何蒼蒼五陵鬱相望盛時慙阮步末官知周防

輸效獨無因斯焉可遊放

奉和九月九日登慈恩寺浮圖應制

唐詩類苑

卷之二百七十六

劉憲

飛塔雲霄半清晨羽旆遊登臨憑季月寥廓見中州

御酒新寒退天文瑞景留辟邪將獻壽茲日奉千秋

奉和九月九日登慈恩寺浮圖應制

上官昭容

帝里重陽節香園萬乘來却邪莫入佩 菊傳盃

塔類承天湧門疑待佛開睿詞懸 書仰昭回

奉和九月九日登慈恩寺浮圖應制

張璠

九州霜景淨千門曉望通仙游光御 塔迴凌空

菊彩揚堯日萸香入舜風天文麗神象竊抃仰屬穹

奉和九月九日登慈恩寺浮圖應制

岑義

寶臺登天外玉輦步雲端日麗重陽景風搖季月寒  
梵堂遙集鴈帝樂近翔鸞願獻延齡酒長承湛露歡

奉和九月九日登慈恩寺浮圖應制

趙彥昭

出豫乘秋節登高陟梵宮皇心滿塵界佛迹現虛空  
日月宜長壽人天得大通喜聞題寶偈受記莫由同

奉和九月九日登慈恩寺浮圖應制

唐詩類苑

卷之百七十六

崔日用

紫宸歡每洽紺殿法初隆菊泛延齡酒蘭吹解愠風  
威英調正樂香梵遍秘空臨幸符天瑞重陽日再中

奉和九月九日登慈恩寺浮圖應制

化塔龍山起中天鳳輦迂絲旒  
寶葉擎千座金英漬百玉孟秋雲飄

奉和九月九日登慈恩寺浮圖應制

李

湧塔臨玄地高層啟

李

慶洽重陽壽文合列象輝小臣叨載筆欣此頌巍巍

奉和九月九日登慈恩寺浮圖應制

畢乾泰

鸚鵡林花塔啓鳳輦順時遊重九昭皇慶大千揚帝休  
耆闍妙法闍王舍睿文流至德覃無極小臣歌詠訓

奉和九月九日登慈恩寺浮圖應制

辛替否

洪慈均動植至德俯深玄出豫從初地登高適梵天  
白雲飛御藻慧日暖皇編別有秋原藿長傾雨露緣

奉和九月九日登慈恩寺浮圖應制

唐詩類苑

卷之百七十六

解琬

瑞塔臨初地金輿幸上方空邊有清淨覺處無馨香  
雨霽微塵歛風秋定水涼茲辰採仙菊薦壽慶重陽

奉和九月九日登慈恩寺浮圖應制

麴瞻

扈蹕遊玄地陪仙瞰紫微似邁銖衣却將同羽化飛  
雕戈秋日麗寶劍曉霜霏獻觴乘菊序長願奉天暉

奉和九月九日登慈恩寺浮圖應制

孫佺

應節更房滿初寒菊圃新龍旗煥宸極鳳駕儼香闥



蓮井偏宜夏梅渠更若春一忻陪薦塔還似得天身

奉和九月九日登慈恩寺浮圖應制

李從遠

九月從時豫三乘爲法開中霄日天子半座寶如來  
摘果珠璣獻妙王輦迴願將塵露點遙奉光明臺

奉和九月九日登慈恩寺浮圖應制

楊庶

萬乘臨眞境重陽眺遠空慈雲浮鴈塔定水映龍宮  
寶鐸含風響仙輪帶日紅天文將瑞色輝煥滿寰中

奉和九月九日登慈恩寺浮圖應制

唐詩類苑

卷之三十一

五

張景源

飛塔凌霄起宸遊一局焉金壺新泛菊寶座卽披蓮  
就日提香輦憑雲出梵天祥氛與佳色相伴雜鑪烟

奉和九月九日登慈恩寺浮圖應制

馬懷素

季月重陽啓金輿陟寶坊御旂橫日道仙塔儼雲莊  
帝蹕千官從乾詞七曜光韻慚文墨職無以頌時康

奉和九月九日登慈恩寺浮圖應制

李迥秀

沙界人王塔金繩梵帝遊言從祇樹賞行玩菊叢秋

御酒調甘露天花拂綵旒堯年將佛日同此慶時休

奉和九月九日登慈恩寺浮圖應制

樊忱

淨境重陽節仙遊萬乘來挿萸登鷺嶺把菊坐蜂臺  
十地祥雲合三天瑞景開秋風詞更遠竊抃樂康哉

奉和九月九日登慈恩寺浮圖應制

李恒

寶地臨丹掖香臺瞰碧雲關河天外出城闕樹中分  
睿藻蘭英秀仙杯菊蘂薰願將今日樂長奉聖明君

奉和九月九日登慈恩寺浮圖應制

唐詩類苑

卷之三十一

六

王景

玉輦移中禁珠梯覽四禪重階清漢接飛寶紫霄懸  
綴葉披天藻吹花散御筵無因鑾蹕暇俱舞鶴林前

奉和九月九日登慈恩寺浮圖應制

蕭至忠

天蹕三乘啓星輿六轡行登高凌寶塔目極徧玉城  
神衛空中遶仙歌雲外清重陽千萬壽率舞頌昇平

奉和九月九日登慈恩寺浮圖應制

周利用

出豫乘金節飛文煥日宮更房開聖酒菊苑被玄功

塔向三天迴池將八解空叨恩奉蘭籍終愧洽薰風

奉和九月九日登慈恩寺浮圖應制

李適

鳳輦乘朝霽鸞林對晚秋天文貝葉寫聖澤菊花浮  
塔似神功遠龍疑佛影留幸陪清漢蹕欣奉淨居遊

奉和九月九日登慈恩寺浮圖應制二首

宋之問

鳳剎侵雲半虹旌倚日邊散花多寶塔張樂布金田  
時菊芳仙醞秋蘭動睿篇香街稍欲晚清蹕扈歸天

二

唐詩類苑

卷之三百七十六

七

瑞塔千尋起仙輿九日來更房陳寶席菊藥散花臺  
御氣鵬霄近升高鳳野開天歌將梵樂空裏共徘徊

同諸公登慈恩寺塔

儲光羲

金祠起真宇直上青雲垂地靜我亦閑登之秋清時

蒼蕪宜春苑片碧昆明池誰道天漢高逍遙方在茲

虛形賓太極攜手行翠微雷雨傍杳冥鬼神中躡蹠

靈變在倏忽莫能窮天涯冠上閭闔開履下鴻鴈飛

宮室低邈迤群山小參差俯仰宇宙空庶隨了義歸

蘭芳非大厦久居亦以危

同諸公登慈恩寺塔

杜甫

高標跨蒼穹烈風無時休自非曠士懷登茲翻百憂

方知象教力足可追冥搜仰穿龍蛇窟始出枝撐幽

七星在北戶河漢聲西流羲和鞭白日少昊行清秋

秦山忽破碎涇渭不可求俯視但一氣焉能辨皇州

迴首叫虞舜蒼梧雲正愁惜哉瑤池飲日宴崑崙丘

黃鵠去不息哀鳴何所投君看隨陽鴈各有稻粱謀

題慈恩寺塔

荆叔

漢國山河在秦陵草樹深暮雲千里色無處不傷心

長安慈恩寺塔

盧宗回

東方曉日上翔鸞西轉蒼龍拂露盤渭水冷光搖藻

唐詩類苑

卷之三百七十六

八

井玉峯晴色墜欄杆九重宮闕參差見有二山河表  
裏觀暫輟去蓬悲不定一凭金界望長安

題慈恩寺塔

章八元

十層突兀在虛空四十門開面面風却怪鳥飛平地

止自驚人語半失中迴梯暗踏如穿洞絕頂初攀似

出籠落日鳳城佳氣入滿城春樹雨濛濛

題鴈塔

解彥融

崢嶸徹倒景刻削俯無地勇進攀有緣卽嶮恐迷墜

宿然喪五蘊蠶爾懷萬類實際罔他尋滅羅必可致

南山繚上苑祇樹連巖翠北斗臨帝城挾宮切太清

餐和禪日用味道懿天明綠野冷風淡紫微佳氣晶  
馴禽演法要忍草藉經行本願從茲適方知物世輕

題鴈塔

許玫

寶輪金地壓人寰獨坐蒼冥塔玉關北嶺風烟開魏  
闕南山氣象鎖商山灞陵車馬垂楊裏京國城池落  
照間甍放塵心遊物外六街鐘鼓又催還

秋日登楊州西靈寺塔

李白

寶塔凌蒼蒼登攀覽四荒頂高元氣合標出海雲長  
萬象分空界三天接畫梁水搖金剎影日動火珠光  
鳥拂瓊簾度霞連繡栱張目隨征路斷心逐去帆揚

唐詩類苑

卷之百七十六

九

露浩梧楸白霜催橘柚黃玉毫如可見於此照迷方

登揚州西靈寺塔

劉長卿

北塔凌空虛雄觀壓川澤亭亭楚雲外千里看不隔  
遙對黃金臺浮輝亂相射盤梯接元氣半壁棲夜魄  
稍登諸劫盡若騁排霄翮向是滄洲人已爲青雲客  
雨飛千栱霽日在萬家夕鳥處高却低天涯遠如迫  
泣臨入空翠海嶠現微碧向暮期下來誰堪復行役

書香能和尚塔

張說

大師捐世去空餘法力在遠寄無礙香心隨到南海

素上人影塔

王昌齡

登靈善寺塔

諸朝陽

飛閣青霞裏先秋獨早涼天花映牕近月桂拂簷香  
華嶽三峯小黃河一帶長空聞指歸路烟處有垂楊

登廣陵樓靈寺塔

高適

淮南富登臨茲塔信奇最直上造雲族憑虛納天籟  
迴然碧海西獨立飛鳥外始知高興盡適與賞心會  
連山黯吳門喬木吞楚塞城池滿牕下物象歸掌內  
遠思駐江帆暮情結春靄軒車疑蠢動造化資大塊

唐詩類苑

卷之百七十六

十

何必了無身然後知所退

登千佛寺楚金禪師法華院多寶塔

岑參

多寶滅已久連華付吾師寶塔凌太空忽如湧出時  
數年功不成一志堅自持明主親夢見世人今始知  
千家獻黃金萬匠磨琉璃旣空泰山木亦罄天府寶  
焚香如雲屯幡蓋珊珊垂悉窣神繞護衆魔不敢窺  
作禮觀靈境焚香方證疑庶割區中緣脫身恒在茲  
宿大通和尚塔敬贈如闍黎廣心長孫錡二

山人

薛據

支公已寂滅塔影山上古更有真僧來道場救諸苦  
一承微妙法寓宿清淨土身心能自新色相了無取  
森森松映月漠漠雲近戶嶺外飛電明夜來前山雨  
燃燈見棲鵲作禮聞信鼓曉霽南軒開秋華淨天宇  
願言長出世謝爾及申甫

送武員外使嵩山置舍利塔

張說

懷玉泉戀仁者寂滅真心不可見空留影塔嵩巖下  
寶玉四海轉千輪企曇百粒送分身山中二月安羅  
會虛唄遙遙愁思人我念過去微塵劫與子禪門同  
正法雖在神仙蘭省間常持清淨蓮花葉來亦好去  
亦好了觀車行馬不移當見菩提離煩惱

送考功武員外學士使嵩山置舍利塔

徐堅

伊川別騎灞岸分筵對三春之花月覽千里之風烟  
望青山今分地見白雲今在天寄愁心於樽酒愴離  
緒於清絃共握手而相顧各銜悽而黯然

樓

酬報先上人登樓見寄

上人自峽來

許渾

丹葉下西樓知君萬里愁鐘非黔峽寺帆是敬亭舟  
山色和雲暮湖光共月秋天台多道侶何惜更南游  
得日觀宿東房有酒數缸甚美遂攜一壺上

樓酌之因吟

李質

曾入桃溪路仙原信少雙洞霞飄素練蘇壁畫陰牕  
古木愁撐月危峯欲墮江自吟空向寂誰共倒秋缸

李處士道院南樓

項斯

霜晚復秋殘樓明近遠山滿壺邀我醉一榻爲僧閑  
樹簇孤汀眇帆歌積浪間從容更南望殊欲外人寰

慈恩寺東樓

曹松

寺樓涼出竹非與曲江賒野火流穿苑秦山疊入巴  
風梢離衆葉岸角積虛沙此地鐘聲近令人思未涯

題安州浮雲寺樓寄湖州張郎中

杜牧

生夏疎雨餘同倚朱欄語當時樓下水今日到何處  
恨如春草多事與孤鴻去楚岸柳何窮別愁紛若絮

登咸陽北寺樓

張籍

高秋原上寺下馬一登臨渭水西來直秦山南去深  
舊宮人不仕荒碣路難尋日暮涼風起蕭條多遠心

易州登龍興寺樓望涿州

賈島

郡北最高峯巉巖絕雲路朝來上樓望稍覺得幽趣  
朦朧碧烟裏群嶺若相附何時一登陟萬物皆下顧

宿開元寺樓

許渾

誰家歌裏裏孤枕在西樓竹色寒清簟松香染翠幃  
月移珠殿曉風遞玉簫秋日出應移棹三湘萬里愁

宿開元寺樓

周賀

西峯殘日落誰見寂寥心孤枕客眠久兩廊僧話深  
寒扉開雨氣風葉隱鐘陰此愛東樓望仍期別夜尋

宜州開元寺南樓

杜牧

唐詩類苑

卷之百七十六

圭

小樓纔受一牀橫終日看山酒滿樽可惜和風夜來  
雨醉中虛度打牕聲

宿香山寺石樓

李頎

夜宿翠微半高樓聞暗泉漁舟帶遠火山磬發孤烟  
衣拂雲松外門清河漢邊峯巒低枕席世界接人天  
靄靄花出霧輝輝星映川東林曙鶯滿惆悵欲言還

法雄寺東樓

張籍

汾陽舊宅今爲寺猶有當時歌舞樓四十年來車馬  
客古槐深巷暮蟬愁

題敬愛寺樓

杜牧

暮景千山雪春寒百尺樓獨登還獨下誰會我悠悠

冬日題智門寺北樓

杜牧

滿懷多少是恩酬未見功名已白頭不爲尋山試筋  
力豈能寒上背雲樓

幸紅樓苑應制

沈佺期

紅樓疑見白毫光寺逼宸居福盛唐支遁愛山情  
切曇摩泛海路空長經聲夜息聞天語爐氣晨飄接  
御香誰謂此中難可到自憐深院得徜徉

晨起白雲樓寄龍興江準上人兼呈竇秀才

秀才方自  
竟陵回

許渾

唐詩類苑

卷之百七十六

古

茲樓今是望鄉臺鄉信全稀曉鴈哀山翠萬重當檻  
出水華千里抱城來東巖月在僧初起南浦花殘客  
已回欲弔靈均能去否秋風還有木蘭開

夏日登西林白上人樓

劉滄

幾到西林清淨境層臺高視有無間寒光遠動天邊  
水碧影出空烟外山苔點落花微萼在葉藏幽鳥碎  
聲閑曠然多慊登樓意未日重門深掩關

閣

和崔侍御日用遊開化寺閣

吳少微

左憲多才雄故人尤驚鶚護贈單于使休軺太原郭  
館次厭煩歎清懷尋寂寞西緣十里餘北上開化閣  
初入雲樹間冥蒙未昭廓漸出欄柵外萬里秋景焯  
歲晏風落山天寒水歸壑覽物頌幽景三乘動玄鑰  
但敷利解言未用忘昏著

登巴陵開元寺西閣贈衡嶽僧方外

李白

衡嶽有闡士五峯秀真骨見君萬里心海水照秋月  
大臣南溟去問道皆請謁灑以甘露言清涼潤肌髮  
明湖落天鏡香閣凌銀闕登眺餐惠風新花期啓發  
唐詩類苑 卷之百七十六 十五

同德寺閣集眺

韋應物

芳節欲云晏遊遨樂相從高閣照丹霞颺颺含遠風  
寂寥氛氲廓超忽神慮空旭日靈皇州崑崙見兩宮  
嵩少多秀色羣山莫與崇三川浩東注瀝澗亦來同  
陰陽降大和宇宙得其中舟車滿川陸四國靡不通  
舊堵今既葺庶昨亦已豐周覽思自奮行當邁時邑

登重玄寺閣

韋應物

時暇陟雲構晨霽澄景光始見吳都六十里鬱蒼蒼  
山川表明麗湖海吞大荒合沓臻水陸駢闐會四方  
俗繁節又暄雨順物亦康禽魚各翔泳草木遍芬芳

於茲省昨俗一用勸農桑誠知虎符忝但恨歸路長

善福寺閣

韋應物

殘霞照高閣清山出遠林晴明一登望瀟灑此幽襟

登景雲寺閣

張元宗

胡馬飲河洛我家從此遷今來獨垂淚三十六峯前

登禪定寺閣

宋之問

梵宇出三天登臨望八川開襟坐霄漢揮手擲雲烟  
面谷青山外昆明落日邊東京楊柳陌少別已經年

宿香山閣

賀朝

暝上春山閣梯雲宿半空軒牕閉潮海枕席拂烟虹  
唐詩類苑 卷之百七十六 十六

朱網防棲鶴紗燈護夕蟲一聞鷄唱曉已見日瞳瞳

同羣公登濮陽聖佛寺閣

高適

落日登臨處悠然意不窮佛因初地識人覺四天空  
來鴈清霜後孤帆遠樹中徘徊傷寓目蕭索對寒風

流夜郎至江夏陪長史叔及薛明府宴興德

寺南閣

李白

紺殿橫江上青山落鏡中岸迴沙不盡日映水成空  
天樂流香閣蓮舟颺晚風恭陪竹林宴留醉與陶公  
奉和聖制閏九月九日登莊嚴總持二寺閣

宋之問

閨月再重陽仙輿歷寶坊帝歌雲稍白御酒菊猶黃  
風鐸喧行漏天花拂舞行豫遊多景福梵宇日生光

登總持閣

岑參

高閣逼諸天登臨近日邊晴開萬井樹愁看五陵烟  
檻外低秦嶺牕中小渭川早知清淨理常願奉金仙

天宮閣秋晴晚望

白居易

洛城秋霽後梵閣暮登時此日風烟好今秋節候遲  
霞光紅泛艷樹影碧參差莫慮言歸晚牛家有宿期

宿雲門寺閣

孫逖

香閣東山下烟花象外幽懸燈千嶂夕卷幔五湖秋

唐詩類苑

卷之百七十六

七

畫壁餘鴻鴈紗牕宿斗牛更疑天路近夢與白雲遊

登總持寺閣

耿漳

今日登高閣三休忽自悲因知筋力減不及往年時  
草樹還如舊山河亦在茲龍鍾兼老病更有重來期

登天宮閣

白居易

平時乘興出薄暮未能還高上烟中閣平看雪後山  
委形羣動裏任性一生閒洛下多閑客其中我最閑

晚霽登汝南大雲閣

賈彥璋

禪宮歇雨新香閣晚登臨邑樹晴光起川苗佳氣深  
水包城下岸雲細郢中岑自歎牽卑日聊開望遠心

使過襄陽登鳳林寺閣 宋之問

香閣臨清漢丹梯隱翠微林篁天際密人世谷中違  
巖石銜仙洞蓮舟泊釣磯山雲浮棟起江雨入庭飛  
信美雖南國嚴城限北歸幽尋不可再留步惜芳菲

登龍興寺閣

孟浩然

閣道乘空出披軒遠日開逶迤見江勢客至屢驚迴  
茲郡何填委遙山復幾哉蒼蒼皆草木處處盡蒿臺  
驟雨一陽散行舟四海來鳥歸餘興遠周覽更徘徊

登總持閣

崔湜

宿雨清龍界晨暉滿鳳城昇攀重閣迴憑覽四郊明

唐詩類苑

卷之百七十六

六

井邑周秦地山河今古情紆餘二水合寥落五雲平

處處風烟起欣欣草木榮故人不可見冠蓋滿東京

聖善閣送裴迪入京

李頎

雪華滿高閣苔色上鈎欄藥草空階靜梧桐返照寒  
清吟可愈疾攜手暫同歡墜葉和金磬饑鳥鳴露盤  
伊流惜東別灞水向西看舊託含香署雲霄何足難

靈仙閣晚眺寄鄆州韋評事

李商隱

愚公方任谷仁者本依山共誓林泉志胡為樽俎間  
華道開苗裔荆玉刻犀顏爽氣臨周道嵐光出漢關



滿壺從蟻泛高閣已苔斑想就安車召寧期負笑還  
滯遊全壁散郭去半舟閑定笑幽人迹鴻軒不可攀

登聖善寺閣望龍門

成 崧

高閣聊登望遙分禹鑿門剎連多寶塔樹滿給孤園  
香境超三界清流振六渾報慈弘孝理道行真源  
空淨祥烟霽時明愛日溫願從初地起長奉下生  
和嚴官秋日登太原龍興寺閣野望

歐陽詹

百丈化城樓君登最上頭九霄回棧路八到視并州  
烟火遺堯庶山河啓聖猷短垣齊介嶺片帛指汾流

唐詩類苑

卷之三百七十六

七

清輝中天籟哀鴻下界秋境閑知道勝心遠見名浮  
豈公乘肥馬方應駕大牛自憐蓬逐吹不得與良遊

早春獨登天宮閣

白居易

天宮日暖閣門開獨上迎春飲一盃無限遊人遙怪  
我緣何最老最先來

早秋登天宮寺閣贈諸客

白居易

天宮閣上醉蕭辰絲管閑聽酒慢巡爲向涼風清景  
道今朝屬我兩三人

涪城縣香積寺官閣

杜甫

寺下春江深不流山腰官閣迴添愁舍風翠壁孤雲

細背日丹楓萬木稠小院迴廊春寂寂浴鳥飛鷺晚  
悠悠諸天合在藤蘿外昏黑應須到上頭

同皇甫冉登重玄閣

李嘉祐

高閣朱欄不厭遊蒹葭白水遶長洲孤雲獨鳥川光  
暮萬井千山海氣秋清梵林中人轉靜夕陽城上角  
偏愁誰堪遠作秦吳別離恨歸心恨淚流

題遊仙閣

李嘉祐

仙冠輕舉竟何之薜荔緣階竹映祠甲子不知風馭  
日朝見唯見雨來時霓旌翠蓋終難遇流水青山空  
所思逐客自憐雙鬢改焚香多負白雲期

唐詩類苑

卷之三百七十六

七

廣陵開元寺閣上作

羅隱

滿檻山川漾落暉檻前事去如飛雲中鷄犬劉安  
過月裡笙歌煬帝歸江感海門帆散出地吞淮口樹  
相依紅樓翠幕知多少長向東風有是非

宿報恩寺水閣

皮日休

寺鎖雙峯寂不開幽人中夜獨徘徊池文帶月鋪金  
簾蓮朵含風動玉杯往往竹梢提翡翠時時杉子擲  
莓苔可憐此際誰曾見唯有支公盡看來

奉和宿報恩寺水閣

陸龜蒙

峯抱池光曲岸平月虛虛度何清僧穿小檜纔分

影魚擲高荷漸有聲因憶故山吟易苦各橫秋簾夢  
難成周顒不用裁書勸自得涼天證道情

早登西禪寺閣

王建

上方臺閣第三層朝壁紅牕日氣凝烟霧開時分遠  
寺山川晴處見崇陵沙灣漾水圖新粉綠野荒阡疊  
色繡莫說城南月燈閣自諸樓看總難勝

登瓦棺寺閣

羅隱

下盤雲跡上雲浮偶逐僧行步步愁暫憩已知須用  
意漸來爭忍不迴頭烟中樹老重江晚林鐸風輕四  
境寒懶指臺城更東望鵲飛龍關盡荒丘

唐詩類苑

卷之百七十六

主

和太原鄭中丞登龍興寺閣

歐陽詹

青牕朱戶半天開極目疑神聖幾迴晉國頽墉生草  
樹皇家瑞氣在樓臺千條水入黃河去萬點山從紫  
塞來獨恨侍遊羣長者不知高意是誰陪

登龍門敬善寺閣

劉滄

獨步危梯入杳冥天風瀟灑拂簷楹禹門烟樹正春  
色少室雲屏向晚晴花落院深清禁閉水分川闊綠  
蕪平瑣牕朱檻同仙界半夜鐘聲

題宣州開元寺水閣閣下宛溪夾溪居人

杜牧

六朝文物草連空天澹雲閑今古同鳥去鳥來山色  
裏人歌人哭水聲中深秋簾幕千家雨落日樓臺一  
笛風惆悵無因見范蠡參差烟樹五湖東

題天宮寺閣

劉滄

丹闕凌霄壯復危排空霞影動簷扉城連伊水禹門  
近烟隔上陽宮樹微天歛暮雲殘雨歇路穿春草一  
僧歸此來閑望更何有無限清風生客衣

院

題神力師院

李頎

唐詩類苑

卷之百七十六

主

大師神傑五嶽森禪房堅持日月珠豁見滄江長  
隨病拔諸苦致身如法王階庭藥草徧飯食天花香  
樹色向高閣畫陰橫半墻每聞第一義心淨琉璃光

曇壁上人院走筆成訓黎居士浙川作

王維

儂家真箇去公定隨儂否着處是蓮花無心變楊柳  
松龕藏藥裹石唇安茶臼氣味當共知那能不攜事

曇智禪師院

韋應物

高年不復出門徑衆草生時夏方新雨果藥發餘榮  
疎澹下林景流暮幽禽情身名兩俱遣獨此野寺行

起度律師同居東齋院 韋應物

釋子喜相偶幽林俱避喧安居同僧夏清夜諷道言  
對閣景恒晏步庭陰始繁逍遙無一事松風入南軒

行寬禪師院 韋應物

北望極長廊斜扉映<sup>一作</sup>叢竹亭午一來尋院幽僧  
亦獨唯聞山鳥啼愛此林下宿

上昭成閣不得於從姪僧悟空院嘆嗟

孟郊

欲上千級閣問天三四言未盡數十登心目風浪翻  
手子把驚魂脚脚踏墜魂却流至舊手傍掣猶欲奔

唐詩類苑

卷之三百七十六

孟郊

老病但自悲古蠹木萬痕老力安可誇秋海萍一枰  
孤叟何所歸晝眼如黃昏常恐失好步入彼市井門  
結僧爲親情策竹爲子孫此誠徒切切此意空存存  
一寸地上語高天何由聞

與二三友秋宵會話清上人院

孟郊

何處山不幽此中情又別一僧敲一磬七子吟秋月  
激石泉韻清寄枝風嘯咽冷然諸境靜頓覺浮累滅  
扣寂兼探真通宵詎能輟

北禪院避暑聯句

皮日休

歎蒸何處避來入戴顓宅逍遙脫單絛放擲拋輕策

爬搔林下風偃仰潤中石<sup>日</sup>殘蟬烟外響野鶴沙中

跡到此失煩襟蕭然揖蟬伯<sup>日</sup>藤懸疊霜蛻桂倚支雲

錫<sup>龜</sup>清陰豎毛髮爽氣舒筋脉逐幽隨竹書選勝鋪

花席魚跳上紫芙蓉蝶化綠清壁<sup>日</sup>心是玉蓮徒耳爲

金磬敵吾宗昔高尚志在義皇易豈獨斷韋編幾將

折鐵擣<sup>龜</sup>天書既屢降野抱難自適一入承明廬肝

衡論今昔流光不容寸斯道甘枉尺<sup>日</sup>既起謝儒玄

亦翻商羽翼封章帷幄徧夢寐江湖日擺落函谷塵

高歎華陽憤<sup>龜</sup>詔去雲無信歸來鶴相識半病奪牛

唐詩類苑

卷之三百七十六

孟郊

唐詩類苑

卷之三百七十六

孟郊

公全慵捕魚客少微光一點落此芒磔索<sup>日</sup>釋子問

池碧門人廢幽蹟堪悲東序寶忽變西方籍不見步

兵詩空懷康樂屐<sup>龜</sup>高名不可効勝境徒堪惜墨沼

轉疎蕪玄齋踰聞寂遲遲不能去涼颼滿杉柏<sup>日</sup>

下洲島清烟生蕊菊碧俱懷出塵想共有吟詩癖終

與淨名遊還來雪山覓<sup>龜</sup>

早春同庾侍郎題青龍上方院

李端

栢見惜餘輝齊行登古寺風烟結遠恨山水含芳意

車馬莫前歸留看巢鶴至

題約公院

印火焚焚燈續燭青七俱眩呪四阿舍經各錄佳語  
聊事素屏文室安居賓延不

辭偶聯句

共入夕陽寺因窺甘露門清香惹惹鮮忍草雜蘭蓀  
捷偈飛箱答新詩倚杖論壞幡標古刹聖畫煥崇垣  
豈慕穿籠鳥難防在牖猿一音唯一性三語更三幡  
題天竺南院贈閑元旻清四上人

白居易

雜芳澗草合繁綠巖樹新山深景候晚四月有餘春  
唐詩類苑 卷之百七十六 五

竹寺過微雨石逕無纖塵白衣一居士方袍四道人  
地是佛國土人非俗交親城中山下別相送亦殷勤

偶入西齋院示釋子恒璨 韋應物

僧齋地雖密忘子跡要賒一來非問訊自是看山花  
秋居法華寺下院望高頂贈如獻上人

僧皎然

峯色秋天見松聲靜夜聞影孤長不出行道在深雲

題雲際寺曉上人故院

李端

白髮忽忽色青山草草心遠公仍下世從此別東林

苑水至龍興院作

儲光羲

朝遊天苑外忽見法筵開山勢當空出雲陰滿地來

疎鐘清月殿幽梵靜花開日暮香林下飄飄仙步迴

題靈隱寺山頂院

綦毋潛

招提此山頂下界不相聞塔影挂清漢鐘聲和白雲  
觀空靜室掩行道衆香焚且駐西來駕人天日未曛

題破山寺後禪院

常建

清晨入古寺初日照高林竹逕通幽處禪房花木深  
山光悅鳥性潭影空人心萬籟此都寂但餘鐘磬音

過感化寺臺與上人山院

王維

暮持筇竹杖相待虎溪頭催客聞山響歸房逐水流  
唐詩類苑 卷之百七十六 五

野花叢發好谷鳥一聲幽夜坐空村寂松風直似秋  
過感化寺臺與上人山院 裴迪

不遠瀟陵邊安居向十年人門穿竹逕留客聽山泉  
寫轉深林裏心閑落照前浮名竟何益從此願棲禪

集繁耿開元寺所居院

劉長卿

錫鑪幽臥處爲我掃莓苔花雨晴天落松風終日來  
路經深竹過門向遠山開豈得長高枕中朝正用才

遊果畫二僧院

許渾

何必老林泉冥心便是禪講時開院去齋後下簾眠  
鏡明燈分焰香銷印絕烟真乘不可到雲盡月明天

重遊鬱林寺道玄上人院 許渾

藤杖叩松關，春溪蘚藥還。  
雨晴巢燕急，波暖浴鷗閑。  
倚檻花臨水，回舟月照山。  
憶歸師莫笑，書劒在人間。

題岫上人院 許渾

病客與僧閑，頻來不掩關。  
高牕雲外樹，疎磬雨中山。  
離索秋蟲響，登臨夕鳥還。  
心知落帆處，明月溯河灣。

題冲沼上人院 許渾

斲石種松子，數根浸杳冥。  
天寒猶講律，雨晴尚經經。  
小殿燈千盞，深爐水一瓶。  
碧雲多別思，休到望溪亭。

將歸塗口宿鬱林寺道玄上人院二首

唐詩類苑 卷之百七十六 毛

許渾

西巖一磬長，僧起樹蒼蒼。  
開殿灑寒水，誦經焚晚香。  
竹風雲斷散，杉露月猶光。  
無復重來此，歸舟凌夕陽。

二

春尋採葉翁，歸路宿禪宮。  
雲起客眠處，月殘僧定中。  
藤花深洞水，一作松葉滿山風。  
清境不能住，朝朝慙遠公。

遠公

朗上人院晨坐 許渾

簾涼襟袖清，日沒尚殘星。  
山果落秋院，水花開曉庭。  
疎藤風嫋嫋，圓桂露冥冥。  
正憶江南寺，巖齋聞誦經。

明禪師院酬從兄見寄 李商隱

貞吝嫌茲世，會心馳本原。  
人非四禪縛，地絕一塵喧。  
霜露歆高木，星河墮故園。  
斯游儻爲勝，九折幸迴軒。

神靜師院 韋應物

青苔幽巷獨新林，露氣微經聲在深。  
竹高齋獨掩扉，憩樹愛嵐嶺聽禽。  
悅朝暉方耽靜中趣，自與塵事遠。

初冬章上人院 皮日休

寒到無妨睡，僧吟不廢禪。  
尚關經病鶴，猶濾欲枯泉。  
靜按貝多紙，閒爐波律烟。  
清譚兩三句，相向自翛然。

初冬章上人院 陸龜蒙

唐詩類苑 卷之百七十六 毛

每伴來方丈，還如到四禪。  
硯分荒砌露，茶待遠山泉。  
盡古全無跡，林寒却有烟。  
相看吟未竟，金磬已泠然。

道晏寺主院 韋應物

北隣有幽竹，潛筠穿我廬。  
往來地既密，心樂道者居。  
殘花迴往節，輕條陰夏初。  
聞鐘北牕起，嘯傲永日餘。

秋夜憶興善院寄苗發 司空曙

右軍多住寺，此夜後池秋。  
自與山僧伴，那因洛客愁。  
卷簾霜鶴滿，目水悠悠若。  
有詩相贈，若憶惠休。

慈恩寺上座院 賈島

未委衡山色，何如對塔峯。  
曩宵曾宿此，今夕值秋濃。

羽族栖烟竹寒流帶月鐘井甘源起異泉湧漬苔封

瀑布寺貞上人院

鄭巢

林疎多暮蟬師宿此山烟古壁燈薰盡秋琴雨潤絃  
竹間窺遠鶴巖上取寒泉西嶽沙房在歸期更幾年

夏日訪貞上人院

朱慶餘

炎夏尋靈境高僧澹蕩中命茶隈綠竹盡日有清風  
流水離經閣閑雲入梵宮此時祛萬慮直似出塵籠

贈律師院

朱慶餘

粉壁通蓮徑扁舟到不迷葦聲過枕上湖色滿牕西  
但見修行苦誰論夏臘低閑看種來樹已覺與身齊

唐詩類苑

卷之百七十六

五

濬公院懷舊

耿漳

遠公傳教畢身沒向他方弔客來何見門人開影堂  
紗燈臨古砌塵杙在空牀寂寞鐘後秋天有夕陽

東林愿禪師院

崔塗

與世漸無緣身心獨了然講銷林下日臘長定中年  
聲絕朝齋後香焚古寺前非因送小朗不到虎谿邊

衡陽春日遊僧院

戎昱

曾共劉諮議同時事道林與君相掩淚來客豈知心  
堦雪凌春積爐烟向暝深依然舊童子相送出花林

過蘇州曉上人院

朱慶餘

夏滿律當清無中景自生移松不避遠取石亦親行  
經案離時少繩牀著處平若將林下比應只欠泉聲

寒夜過叡川師院

僧無可

長生推獻壽法坐四朝登問難無疆敵聲名掩古僧  
絕塵苦積道栖竹鳥鳴燈語默俱忘寐殘牕半月稜

秋日過僧惟則故院

馬戴

衰草經行處微燈舊道場門人失譚柄野鳥上禪牀  
科斗書空古旃檀鉢自香今朝數行淚却灑約公房

重過惟貞上人院

朱慶餘

老去唯求靜都忘外學名掃牀秋葉滿對客遠雲生  
唐詩類苑 卷之百七十六 五

香閣閑留宿晴階暖共行牕西暮山色依舊入詩情

題清徹上人院

張籍

本寺臨壇久松間別起堂看添浴佛水自合讀經香  
愛養無家客多傳得効方遇齋長不出坐卧一繩牀

題慈雲寺僧院

李山甫

帝城深處寺樓殿壓秋江紅葉去寒樹碧峯來曉牕  
烟霞生淨土苔蘚上高幢欲問吾師語心猿不肯降

題邵公禪院

劉得仁

無事門多掩陰階竹掃苔勁風吹雪聚渴鳥啄冰開  
樹向寒山得人從瀑布來終期三日老孳錫逐雲回

題興善寺寂上人院 鄭谷

客來風雨後院靜似荒涼罷講蛩離砌思山葉滿廊  
臘高興故疾爐暖發餘香自說匡廬側移陰半石牀

題鑿石山僧院 羅隱

日夜潮聲送是非一迴登眺一忘機憐師好事無人  
見不把蘭芽染褐衣

題興善寺僧道深院 張喬

江峯峯頂人受法老西秦法本無前業禪非爲後身  
院栽他國樹堂展祖師真甚願依宗旨求閑未有因

題藏公院 耿漳

唐詩類苑 卷之百十六

圭

古院林公住疎篁近井桃俗年人見少禪地自知高  
藥草誠多喻滄溟在一毫仍悲次宗輩塵事日爲勞

題毗陵上人院 朱慶餘

院深終日靜落葉覆秋蟲盥漱新齋後修行未老中  
映松山色遠隔水磬聲通此處宜清夜高吟未與同

題竹谷上人院 賈島

禪庭高鳥道迴望極川原樵徑連峯頂石泉通竹根  
水深猶積雪山淺未聞猿欲別塵中苦願師貽一言

題僧院 李遠

不用問湯休何人免白頭百年如過鳥萬事盡浮漚

別緒長牽夢情田亂種愁却嫌風景麗牕外別雲秋

題靈隱寺院公院 鄭巢

山寒葉滿衣孤鶴偶清羸已在雲房老休爲內殿期  
嵐昏聲磬早菓熟喚猿遲未得終高論明朝更別離

和姚郎中題凝公院 鄭巢

石房寒竹連白晝坐冥然片衲何由至空堂幾夜禪  
葉侵經上字水結硯中泉雪夕誰同話懸燈古佛前

題贈仲儀上人院 張祐

星霜幾朝寺香火靜居人黃葉不經意青山無事身  
口生臺上日結座履中塵自說一時謀別來詩更新

唐詩類苑 卷之百十六

圭

題僧禪院 馬戴

虛室焚香久禪心悟幾生瀝泉侵月起掃徑避蟲行  
樹隔前朝在苔滋廢渚平我來風雨夜像設一作照

燈明

題畫公院 周賀

叢木開風徑過從白晝寒舍深原草合茶疾竹新乾  
夕雨生眠興禪心少話端頻來覺無事盡日坐相看

題憚詞律師院 僧賈休

律中麟角者高淡出塵埃芳草不曾觸幾生如此來  
壑風吹磬斷杉露滴花開如結林中社伊子願一陪



靈準上人院

賈島

掩扉當太白臘數等松椿禁漏來遙夜山泉落近隣  
經聲終卷曉草色幾芽春海內知名士交游準上人

題簡禪師院

僧貫休

機忘室亦空靜與沃洲同惟有半庭竹能生竟日風  
思山海月上出定印香終繼後傳衣者還須立雪中

題崇福寺禪院

崔峒

僧家更無事掃地與焚香清磬度山翠閑雲來竹房  
身心塵外遠歲月座中長向晚禪室閑無人空夕陽

題莊嚴寺休公院

鄭谷

唐詩類苑

卷之百七十六

三

秋深庭色好紅葉間青松病客殊無着吾師甚見容  
疎鐘和細溜高塔等遙峯未省求名侶頻於此地逢

題僧泰恭院

溫庭筠

昔歲東林下深公識姓名爾來辭半偈空復歎勞生  
憂患慕禪味寂寥遺世情所歸心自得何事倦塵纓

題造微禪師院

溫庭筠

夜香聞偈後岑寂掩雙扉照燭燈和雪看松月到衣  
草堂疎磬斷江寺故人稀唯憶湘南雨春風獨鳥啼

題慈仁寺竹院

韓翃

千峯對古寺何異到西林幽磬蟬聲下閑牕竹翠陰

詩人謝客興法侶遠公心寂寂爐烟裏香花欲暮深

宿溪僧院

曹松

年少雲溪裏禪心夜更閑煎茶留靜坐靠月坐蒼山  
露白鐘尋定螢多戶未關嵩陽大石室何日譯經還

雨中宿僧院

張喬

千燈有宿因長老許和親夜永樓臺雨更深江海人  
勞生無日忘念起微塵不是真如理何門靜此身

晚宿於裴員外寺院得逢字

耿漳

仲言多麗藻晚水獨芙蓉梁苑仍秋過仁祠又夜逢

唐詩類苑

卷之百七十六

三

回林通暗竹去雨帶寒鐘願向空門裏修持比畫龍

宿禪智寺上方演太師院

崔峒

石林高幾許金刹在中峯白日空山梵晴霜後夜鐘  
竹牕迴翠壁苔徑入寒松幸接無生法疑心怯所從

宿開照寺光澤上人院

張壘

靜室譚玄旨清宵獨細聽真身非有像至理本無經  
鐘定遙聞水樓高別見星不教人觸穢偏說此山靈

宿程上人院

盧綸

竹牕聞遠水月出似溪中香覆經年火幡飄後夜風  
性昏知道晚學淺喜言同一悟歸身處何山路不通

旅次景空寺宿幽上人院 白居易

不與入境接寺門開向山暮鐘鳴鳥聚秋雨病僧閑  
月隱雲樹外螢飛廊宇間幸投花界宿暫得靜心顏

青龍寺疊壁上人兄院集 并王維

吾兄大開蔭中明徹物外以定力勝敵以惠用解  
嚴深居僻坊傍俯人里高原陸地下映芙蓉之池  
竹林果園中秀菩提之樹八極氛霧萬彙塵息太  
虛寥廓南山爲之端倪皇州蒼茫渭水貫於天地  
經行之後跌坐而閑升堂梵筵餌客香飯不起而  
遊覽不風而清涼得世界於蓮花記文章於貝葉

唐詩類苑

卷之百七十六

王

時江寧大兄持片石命維序之詩五韻坐上成

高處敞招提虛空詎有倪坐看南陌騎下聽秦城鷄  
眇眇孤烟起芊芊遠樹齊青山萬井外落日五陵西  
眼界今無染心空安可迷

青龍寺疊壁上人院集 王縉

林中空寂舍階下終南山高卧一牀地迴看六合間  
浮雲幾處滅飛鳥何時還問義天人接無心世界閑  
誰知大隱客兄弟自追攀

青龍寺疊壁上人院集 王昌齡

本來清淨所竹樹引幽陰簷外舍山秀人間出世心

圓通無有象聖境不能侵真是吾兄法何妨有弟深  
天香自然會靈異識鐘音

青龍寺疊壁上人院集 裴迪

靈境信爲絕法堂出塵氛自然成高致向下看浮雲  
迤邐峯岫列參差間井分林端遠堞見風末疎鐘聞  
吾師久禪寂在世超人羣

晨日竹徑至龍興寺崇隱上人院

許渾

佛寺通南徑僧堂倚北坡藤陰迷晚竹苔滑仰晴  
莎病憶春前別閑宜雨後過石橫聞水遠林缺見山

唐詩類苑

卷之百七十六

王

多欲結三天社初降十地魔素龍來有窟靈鶴去無  
窠客路隨萍梗鄉園失薜蘿禪心如可學不藉魯陽  
戈

寂上人院聯句 皮日休

瘦牀空默坐清景不知斜暗數菩提子閑看薜荔花  
休有情唯墨客無語是禪家背日聊依桂嘗泉欲試  
茶石形蹲玉虎池影閃金蛇經笥安巖區餅囊挂  
樹樞日書傳滄海外龔寄白雲涯竹色寒凌箔燈光  
靜隔紗龔趣幽翻小品逐勝讀南華莎彩融黃露蓮  
衣染素霞日水堪傷聚沫風合落天葩若許傳心印

何辭古堞餘

集

題麟公院

靜虛熱際安居龕燈歛印香餘果林賓客西澗圖書  
簷外垂青豆經中發白髮繼宗因夢忘言事理如  
泉臺定將入流否鄰僧已覺青梵余

題念濟寺暈上人院

盧綸

泉響竹瀟瀟潛公居處遙虛空聞偈夜清淨雨花  
放鶴臨山閣降龍步石橋世塵徒委積劫火定焚燒  
苔壁雲難聚風篁露易搖浮生亦無着况乃是芭蕉

題法院

常建

唐詩類苑

卷之三百七十六

圭

勝景門間對遠山竹深松老半含烟皓月殿中二度

磬水晶宮裏一僧禪

經曠禪師舊院

方干

谷鳥散啼如有恨庭花含笑似無情更名變貌難消  
息去去來來第幾生

題禪院

杜牧

舫船一棹百分空十歲青春不負公今日賞絲禪榻  
畔茶烟輕颺落花風

題蘭江言上人院二首

僧貫休

一生只着一麻衣道業還期習彥威手把新詩說山

夢石橋天柱雨霏霏

只是危吟坐翠層門前岐路自崩騰青雲名士時相  
訪茶煮西峯瀑布水

與真上人一二禪師題玢寺主院

宋慶餘

杖屨相隨任處便不唯空寄上方肥歸時亦取湖邊  
路晚映楓林共上船

早春題真上人院

寶天

杜牧

清羸已近百年身古寺風烟又一春  
地唯師曾是太平人

唐詩類苑

卷之三百七十六

圭

題僧院

張籍

聞師行講青龍疏本寺往來多少年靜掃空房唯獨  
坐千莖秋竹在簷前

題靈峯僧院

黃滔

繫馬松間不忍歸數巡香茗一枰茶擬登絕頂留人  
宿猶待滄溟月滿時

題慈恩寺默公院

鄭谷

雖近曲江居古寺舊山終憶九華峰春來老病厭  
送翦却牡丹栽野松

同王錫起居程浩郎中韓翃舍人題安國寺

用上入院

錢起

慧眼沙門真遠公經行宴坐有儒風香緣不絕簪裾  
會禪相寧妨藻思通曙後爐烟生不滅晴來塔色並  
歸空狂夫入室無餘事唯與天花一笑同

將赴嶺外留題蕭寺遠公院寺即梁朝蕭內史創

劉長卿

竹房遙閉上方幽苦逕蒼蒼訪昔遊內史舊山空日  
暮南朝古木向人秋天香月色同僧室月落猿啼傍  
客舟此去播遷明主意白雲何事欲相留

題靈山寺行堅師院

許渾

唐詩類苑卷之百七

王

西巖一逕不通樵八十持杯未覺遙龍在石潭聞夜  
雨鴈移沙渚見秋潮經雨露濕文多暗香印風吹字  
半銷應笑東歸又南去越山無路水迢迢

題說法師院

王建

三年說戒龍宮裏巡禮還來向水行多愛貧窮人遠  
請長修破落寺先成秋天盆底新荷色夜地房前小  
竹聲僧院不求諸處好轉經唯有一牕明

宿靈巖寺上院

白居易

高高日月上青林客去僧歸獨夜深暈血屏除唯對  
酒歌鐘放散只留琴更無俗物當人眼但有泉聲洗

我心最愛曉亭東望好太湖烟水綠沈沈

春望山僧院

羅隱

巉巖危岫倚滄洲聞說秦皇亦此游霸王不纔二  
世老僧傳錫已千秋陰崖水瀨松根直蘚壁苔侵盡  
像愁各是病來俱未了莫將煩惱問湯休

冬曉章上人院

皮日休

山堂冬曉寂無聞一句清言憶右軍琥珀珠粘行處  
雪櫻欄帶掃卧來雲松扉欲啓如鳴鶴石鼎初煎若  
聚蚊不是戀師歸去晚陸機葦內足毛羣

奉和冬曉章上人院

陸龜蒙

唐詩類苑卷之百七

早

山寒偏是曉來多况值禪窗雪氣和病客功夫經未  
演故人書信納新磨閒臨靜案修茶品獨傍深溪記  
藥科從此逍遙知有地更乘清月伴君過

同襲美遊北禪院

陸龜蒙

連延花蔓映風廊岸幘披襟到竹房居士祇今開梵  
處先生曾是草玄堂清樽林下看香印遠岫窗中挂  
鉢囊今日有情消未得欲將名理問思光

奉和遊北禪院

皮日休

戚歷松陰入草堂老僧雖見似相忘吟多幾轉蓮花  
漏坐久重焚柏子香雲霞落時分淨食鵲能閒處傍

禪牀雲林滿眼空羈滯欲對彌天却自傷

遊西山龍泉禪院

伍喬

疊巘層峯坐可親  
枕門流水出雲端  
曉鐘聲徹洞溪遠  
夏木影籠軒檻寒  
幽徑生華衣履潤  
古堂頻宿夢魂安  
因嗟城郭營營事  
不得蒞茲空巖殘

秋日過逢舉法師寺院便送歸江陵

劉禹錫

黔江秋水浸雲霓  
獨泛慈航路不迷  
猿狖窺齋林葉動  
蛟龍聞呪浪花低  
如蓮半偈心常悟  
問菊新詩手自攜  
常記摩圍似靈鷲  
却將山屐上丹梯

唐詩類苑

卷之百五十六

聖

題寶林山禪院

方干

山捧亭臺郭遶山  
遙盤蒼翠到山巔  
巖中古井雖通海  
窟裏陰雲不上天  
羅列衆星依水末  
周迴萬室在簷前  
我來可要歸禪老  
一寸寒灰已達禪

題尼大德院

李洞

雲鬢早歲斷金刀  
戒律曾持五百條  
臺上燈紅蓮葉密  
眉間毫白黛痕銷  
繡成佛國銀爲地  
畫出王城雪覆橋  
清淨高樓松檜寺  
世雄翻愧自低腰

題澄聖塔院上方

方干

地靈直上鏡雲雨  
杉檜老於雲雨間  
只訝窻前常見

海方知砌下更多山  
遠泉勢曲猶須引  
野果枝低可要攀  
若把重門喻玄寂  
何妨善閉却無關

題陳上人院

司空曙

閉門不出自焚香  
擁褐看山歲月長  
雨後綠苔生石井  
秋來黃葉遍繩牀  
身閑何處無真性  
年老曾言隱故鄉  
更說本師同學在  
幾時攜手見衡陽

題西明寺僧院

溫庭筠

曾識匡山遠法師  
低松片石對前墀  
爲尋名畫來過院  
因訪閑人得看棋  
新鴈參差雲碧處  
寒鴉遶遶葉紅時  
自知終有張華識  
不向滄洲理釣絲

唐詩類苑

卷之百五十六

聖

題龜山穆上人院

方干

修持白髮過半百  
日往月來心更堅  
牀上水雲隨坐  
下厦西山月伴行  
禪寒蜩遠韻來窻裏  
白鳥斜行起砌邊  
我愛華師師訪我  
只因尋訪是因緣

題蘇州虎丘寺僧院

許渾

暫引寒泉濯遠塵  
此生多是異鄉人  
荆溪夜雨花開疾  
吳苑秋風月滿頻  
萬里高低門外路  
百年榮辱夢中身  
世間誰似西林客  
一卧烟霞四十春

題宇文裝山寺讀書院

于鵠

讀書林下寺不出  
動經年草閣連僧院  
山厨共石泉

雲庭無履跡龕壁有燈烟年少今頭白刪詩到幾篇

題道成上人院

黃滔

花宮城郭內師住亦清涼何必天台寺幽禪瀑布房  
簾舒湘竹滑蒼苔蜀牙香更看道高處君侯題翠梁

題宣一僧正院

黃滔

五級凌虛塔三生落髮師都僧須有託孤囑遂無期  
井邑焚香待君侯減俸資山衣隨疊破菜骨逐年羸  
茶取寒泉試松於遠澗移吾曹來頂手不合不題詩

晚春宿僧院

劉滄

蕭寺春風正落花淹留數宿惠休家碧空雲盡磬聲

唐詩類苑

卷之百七十六

聖

遠清夜月高牕影斜白社閑吟爲道侶青山遙指是  
生涯微微一點寒燈在鄉夢不成聞曙鴉

唐詩類苑卷第一百七十七

明雲間張之象玄超甫纂輯

晉陵孫慎行聞斯甫編次

雲間王微叔朗甫補訂

梁谿曹仁孫伯安甫校正

寺觀部

禪居

無礙上人東林禪居

李頎

草堂每多暇時謁山僧門所對但羣木終朝無一言  
我心愛水流此地臨清源含吐山上日蔽虧松外村

唐詩類苑

卷之百七十七

孤風隔身世百衲老未暄禪戶積朝雪花龕來暮猿  
顧余守耕稼十載隱山園羅絲冠春波綠潭恣討論  
洩雲豈知限至道莫探元且願啓關鎖於焉微尚存

題聘上人禪居

儲光羲

眞王清淨子燕居復行心結宇隣居邑瘠言非遠尋

丹青丈室滿草樹一庭深秀色玄東發交枝白日陰

江流映朱戶山鳥鳴香林獨往已寂寂安知浮與沈

題岸上人郡內閑居

賈島

靜向方寸求不居山嶂幽池開菡萏香門閉莓苔秋  
金玉重四句粃糠輕九流鑪烟上喬木鐘磬下危樓

手種一株松貞心與師儔

寄鄭二侍御歸新鄭無礙寺所居

皇甫冉

何事休官早歸來作鄭人雲山隨伴侶伏臘見鄉親  
南畝無三徑東林寄一身誰當便靜者莫使甌生塵

雙山逢信公所居

包佶

遙禮前朝塔微聞後夜鐘人間第四祖雲裏一雙峯  
積雨封苔徑多年亞石松傳心不傳法誰可繼高蹤

維摩暢林居

李洞

諸方遊幾臘五夏五峯銷越講迎騎象蕃齋懺射鵬

唐詩類苑 卷之二十七

二

冷筇和雪倚朽櫟帶雲燒從此西林老瞥然三萬朝

寄振上人無礙寺所居

皇甫冉

戀親時見在人羣多在東山就白雲獨坐焚香誦經  
處深山古寺雪紛紛

書石壁禪居

僧貫休

赤旃檀塔六七級白菌菖花三四枝禪客相逢祇彈  
指此心能有幾人知

題睦州烏龍山禪居

方干

暑夜月華猶冷濕自知坐卧通星宮晨鷄未暇鳴山  
底早日先來照屋東人世驅馳方丈內海波搖動一

杯中伴生長住應難住歸去仍須入俗籠

禪房

洛陽尉劉晏與府掾諸公茶集天宮寺岸道

上人房

王昌齡

良友呼我宿月明懸天宮道安風塵外灑掃清林中  
削去府縣理豁然神機空自從三相還始得今夕同  
舊居大行北遠宦滄溟東各有四方事白雲處處通

題華嚴寺環公禪房

岑參

寺南幾十峯峯翠晴可掬朝從老僧飯昨日崖口宿  
錫杖倚枯松繩牀映深竹東溪草堂路來往行自熟

唐詩類苑 卷之二十七

三

生事在雲山誰能復羈束

題慎言法師故房

儲光羲

精廬不住子自有無生鄉過客知何道徘徊鴈子堂  
浮雲歸故嶺落月還西方日夕虛空裏時時聞異香

題終南翠微寺空上人房

孟浩然

翠微終南裏雨後宜返照閉門久沈冥杖策一登眺  
遂造幽人室始知靜者妙儒道雖異門雲林頗同調

兩心喜相得畢景共談笑暝還高牕眠時見遠山燒  
緬懷赤城標更憶臨海嶠風泉有清聽何必蘇門嘯

大雲寺贊公房四首

杜甫



燈影照無睡心清聞妙香夜深殿突兀風動金琅璫  
天黑閉春院地清樓暗芳玉繩回斷絕鐵鳳森翺翔  
梵放時出寺鐘殘仍殷牀明朝在沃野苦見塵沙黃

二

童兒汲井華便捷擬在手霜灑不濡地掃除似無箒  
明霞爛復閣霽霧牽高牖側塞被徑花飄飄委墀柳  
艱難世事迫隱遁佳期後晤語契深心那能總鉗口  
奉辭還仗策暫別終回首決決泥污人狎狎國多狗  
既未免羈絆時來想奔走近公如白雪執熱煩何有

三

唐詩類苑 卷之三百七十七 四  
心在水精城衣霑春雨時洞門盡徐步深院果幽期  
到扉開復閉鐘齋及茲醞醕長發性飲食過扶衰  
把臂有多日開懷無愧辭黃鸝度結構紫鴿下巢窠  
愚意會所適花邊行自遲湯休起我病微笑索題詩

四

細軟青絲覆光明白氈巾深藏供老宿取用及吾身  
自顧轉無趣交情何尚新道林才不世惠遠德過人  
雨濕暮簷竹風吹春井芹天陰對圖畫最覺澗龍鱗  
冬夜宿揚州開元寺烈公房送李侍御之江

甫

劉長卿

遷客投百越窮陰淮海凝中原馳驅萬里棲饑鷹  
寂寂連宇下愛君心自弘空堂來霜氣永夜清明燈  
發後望烟水相思勞寢興暮帆背楚郭江色浮金陵  
此去爾何恨近名予未能爐峯若便道為訪東林僧

蘇州崑山惠聚寺僧房

孟郊

昨日到山房片雲挂石牀錫杖莓苔青袈裟松栢香  
晴磬無短韻古燈含未光有時乞鶴歸還訪道場  
題鑒上人房二首 宋之問

二

芳花雙樹積芳草一庭春玩之堪興異何必見幽人

唐詩類苑

卷之三百七十七

五一

聯入應真理經行尚未回房中無俗物林下有青苔

題僧房

王昌齡

棕欄花滿院苔蘚入閑花彼此名言絕空中聞異香

宿無可上人房

戴叔倫

偶來人境外何處染羣塵倘許栖林下僧中老此身

夏日遊暉上人房

陳子昂

山水開精舍琴歌列梵筵人疑白樓賞地似竹林禪  
對戶池光亂交軒巖翠連色空今已寂乘月弄澄泉

題山寺僧房

岑參

樹影搖羣木牆陰載一峯野爐風自蕤山碓水能春

勤學翻知誤爲官好欲慵高僧瞑不見月出但聞鐘

題虬上人房

儲光羲

禪宮分兩地禪子一爲心入道無來去清言見古今  
江寒池水綠山暝竹園深別有中天月遙遙散夕陰

題義公禪房

孟浩然

義公習禪寂結宇依空林戶外一峯秀塔前衆壑深  
夕陽連雨足空翠落庭陰看取蓮花淨方知不染心

題惠上人房

孟浩然

帶雪梅初暖含烟柳尚青來歸童子偈得聽法王經  
會理知無我觀空厭有形迷心應覺悟客思不遑寧

唐詩類苑

卷之二百七

六

宿立公房

孟浩然

支遁初求道深公笑買山如何石巖趣自入戶庭間  
苔澗春泉滿蘿軒夜月閑能令許玄度吟卧不知還

宿贊公房

杜甫

杖錫何來此秋風已颯然雨荒深院菊霜倒半池蓮  
放逐寧違性虛空不離禪相逢成夜宿隴月向人圓

遊始興廣果寺山房

房融

零落嗟殘命蕭條託勝因方燒三昧火遽洗六情塵  
隔嶺天花發凌空月殿新誰令鄉國思從此學分身

題招隱寺綽公房

綦毋潛

開士度人久空巖花霧深徒知燕坐處不見有爲心  
蘭若門對壑田家路隔林還言澄法性歸去比黃金

題昭上人房

皇甫冉

沃洲傳教授百衲老空林慮盡朝昏磬禪隨坐卧心  
鶴飛湖草迴門閑野雲深地與天台接中峯早晚尋

秋夜肅公房喜晉門上人自陽羨山至

劉長卿

山棲久不見林下偶同遊早晚來香積何人住沃洲  
寒禽驚後夜古木帶高秋却入千峯去孤雲不可留

鄱陽大雲寺一公房

顧况

唐詩類苑

卷之二百七

七

盡日陪遊處斜陽竹院清定中觀有漏言外證無生  
色界聊傳法空門不用情欲知相去近鐘鼓兩聞聲

崇聖寺斌公房

賈島

近來惟一食樹下掩禪扉落日寒山磬多年壞衲衣  
白鬚長更剃青靄遠還歸仍說遊南岳經行是息機

同皇甫侍御題薦福寺一公房

李嘉祐

虛室獨焚香林空靜磬長閑窺數竿竹老在一繩牀  
啜茗翻眞偈燃燈繼夕陽人歸遠相送步履出迴廊

題薦福寺衡嶽陳師房

韓翃

春城乞食還高論此漸閑僧臘階前樹禪心江上山  
疎簾看雪卷深戶曉鐘關曉送門人出鐘聲香霽間

題莊上人房

耿 漳

不語焚香坐心知道已成流年哀此世定八他生  
暮雪餘春冷寒燈獨畫明尋常五侯至敢望下階迎

題惟幹上人房

耿 漳

縮牀茅屋下獨坐味閒安苦行無童子忘機避宰官  
是非齊已久夏臘比應難更悟真如性塵心稍自寬

題青龍寺鏡公房

賈 島

一夕曾留宿終南搖落時孤燈龕舍掩殘磬雪風吹  
唐詩類苑 卷之百七

樹老因寒折泉深出井遲疎慵豈有事多失上方期

題僧房

韓 翃

披衣聞客至關鎖此時開鳴磬夕陽盡捲簾秋色來  
落香連竹徑清梵出花臺身在心無住他時到幾回

題龍興寺澹師房

韓 翃

簾櫳彼上人詩興轉相親竹裏經聲曉門前山色春  
卷簾苔點淨下飭藥苗新記取無生理歸來問此身

宿贊上人房

賈 島

階前多是竹閑地擬栽松朱點草書疏雪平麻履蹤  
御溝寒夜雨宮寺靜時鐘此室無他事來尋不厭重

同苗員外宿薦福常師房 司空曙

浮生共多故聚宿喜君同人息時聞磬燈搖乍有風  
霜堦疑水際夜木似山中一願持如意長來事遠公

宿誠禪師山房題贈二首 劉禹錫

晏坐白雲端清江直上看來人望金刹講席繞香壇  
虎嘯夜林動鼯鳴秋澗寒衆音徒起滅心在淨中觀

二

不出孤峯上人間四十秋初身如傳舍閱世似東流  
法爲因緣立心從次第脩中宵問真偈有住是吾憂

宿慈恩寺郁公房

賈 島

唐詩類苑 卷之百七

病身來寄宿自掃一牀閑反照臨江磬新秋過雨山  
竹陰移冷月荷氣帶禪關獨往天台意方從內請還

辭僧房連句

古畫思厓嶺上方疑傳巖蝶閑移忍草蟬曉揭高杉  
香字消芝印金經發范面井通松底誅書圻洞中緘

一公房

喻 鳧

幽深誰掩關清淨自公閑一雨收衆木孤雲生遠山  
花萎綠苔上鶴乳翠樓間一燭燃香夕容聽半偈還

書贊上人房

周 賀

絕頂言無伴長懷別大師禪中燈落燼講次栢生枝

沙井泉澄疾秋鐘韻盡遲里閭還受請空有向南期

溫泉僧房

于鵠

雲裏前朝寺修行獨幾年山村無施食盥漱亦安禪  
古塔巢溪鳥深房閉谷泉自言曾入室知處梵王天

慈恩寺曉上人房招耿拾遺

李端

悠然對惠遠共結故山期汲井樹陰下閉門  
地閑花落厚石淺水流遲願與神仙客同來事木

顏上人房

李洞

御溝臨岸行遠岫見雲生松下度三伏磬中銷五更

唐詩類苑

卷之一百十七

十一

雨霖經閣閉白日剗刀明海畔終須去燒燈老國清

題青龍寺僧房

僧無可

從誰傳法印不離上方傳夕磬城霜下寒房竹月圓  
烟殘衰木畔客住積雲邊未隱滄洲去時來於此禪

再題敬亭清越上人山房

張喬

重來訪惠休已是十年遊向水千松老空山一磬秋  
石牕清吹入河漢夜光流又別多新作長吟洗俗愁

青龍寺題故曇上人房

李端

遠公留故院一徑雪中微童子逢皆老門人問亦稀  
翻經徒有處攜履遂無歸空念尋巢鶴時來傍影飛

題青龍寺鏡公房

馬戴

一室竟何有閉門爲我開爐香寒自滅覆雪飯初迴  
牕迴孤山入燈殘片月來禪心方此地不必訪天台

同皇甫侍御題惟一上人房

李端

焚香居一室盡日見空林得道輕年暮安禪愛夜深  
東西皆是夢存沒豈關心唯羨諸童子持經在竹陰

夏日題岫禪師房

喻鳧

朝朝聲磬罷童子掃藤陰花過少游客日長無事心  
迴山閉院直落水下橋深安得開方便容身老此林

唐詩類苑

卷之一百十七

十一

題西明寺攻文僧林復上人房

李洞

誰寄湘南信陰牕硯起津燒痕碑入集海角寺留眞  
獲憩堪坐鳥鐘驚半闕人御溝圓月會似在草堂身

一作

題靜住寺欽用上人房

馬戴

寺近朝天路多聞玉珮音鑒人開慧眼歸鳥息禪心  
磬接星河曙牕連夏木深此中能宴坐何必在雲林

宿鳳翔天柱寺窮易上人房

李洞

天柱暮相逢吟思天柱峯墨研青露月茶吸白雲鐘  
卧語身粘解行禪頂拂松探玄爲一决明日去臨邛

秋宿經上人房

李洞

江房無葉落松影帶山高滿寺中秋月孤牕入夜濤  
舊眞懸石壁衰髮落銅刀卧聽曉耕者與師知苦勞

宿無可上人房

馬戴

稀逢息心侶細話遠山期河漢秋深夜杉梧露滴時  
風傳林磬響月掩草堂遲坐卧禪心在浮生皆不知

同王九題就師山房

孟浩然

晚憩支公室故人逢右軍軒牕避炎暑翰墨動新文

唐詩類苑

卷之百十七

十二

竹蔽簷前日雨隨塔下雲同遊清陰徧吟卧夕陽曛  
江陰棹歌歇溪深樵語聞歸途未忍去攜手戀清芬

題僧明惠房

秦系

簷前朝暮雨添花八十眞僧飯一麻入定幾時還出  
定不知巢燕汗袈裟

題道虔上人竹房

李嘉祐

詩思禪心共竹閑任他流水向人間手持如意高牕  
裏斜日沿江千萬山

題雲師山房

權德輿

雲公蘭若深山裏月明松殿微風起試問空門清淨

心蓮花不省秋潭水

安公房問法

張繼

流年一日復一日世事何時是了時試向東林問禪  
伯遣將心地學琉璃

寂上人禪房

戎昱

俗塵浮垢閉禪關百歲身心幾日閑安得此生同草  
木無營長在四時間

題秀禪師房

韓愈

橋夾水松行百步竹牀莞席到僧家暫舉一手支頭  
卧還把魚竿下釣沙

唐詩類苑

卷之百十七

志一

寄題雲門寺梵僧無側房

時人傳是  
寶月後身

僧皎然

越山千萬雲門絕西僧貌古還名月清朝掃石行道  
歸林下眠禪看松雪

宿瑩公禪房聞梵

李頎

花宮仙梵遠微微月隱高城鐘漏稀夜靜霜林驚落  
葉曉聞天籟發清機蕭條已入寒空靜颯沓仍隨秋  
雨飛始覺浮生無住着頓令心地欲歸依

赴嘉州過城固縣尋永安超禪師房

岑參

滿樹枇杷冬着花老僧相見具袈裟漢王城北雪初  
霽韓信臺西日欲斜門外不須催五馬林中且聽演  
三車豈料巴州多勝事爲君書此報京華

荊州貫休大師舊房

僧貫休

疎篁抽笋柳垂陰舊是休公種此吟入貢文儒來請  
益出官卿相駐過尋右軍書畫神傳隨康樂文章夢  
授心消得青城千嶂下白蓮標塔帝恩深

題栖霞僧房

僧處默

名山不許買山錢任創花宮近碧巔松桂老依雲裏  
寺樓臺深鎖洞中天風經險嶂迴疎雨石倚危屏掛

唐詩類苑

卷之百十七

十四

落泉欲結茅庵共師坐肯饒多少薜蘿烟

題雲際寺準上人房

李端

高僧居處似天台錫杖銅瓶對綠苔竹巷雨晴春鳥  
轉山房日午老人來中鹿過椒枝動潭底龍游水

沐開獨夜焚香禮遺像空林月出始應迴

題龍僧房

劉滄

靜室遙臨伊水東寂寥誰與此身同禹門山色度寒  
磬蕭寺竹聲來晚風僧宿石龕殘雪在鴈歸沙渚夕  
陽空偶將心地問高士坐惜浮生一夢中

佛龕

利州北佛龕前重於去歲題處作

蘇頌

重巖戴清美分塔起層標蜀守經途處巴人作禮朝  
地宜三界出空是六塵銷許石鋪倉鮮行騰履綠苔  
歲年書有記非爲學題橋

精廬

重遊圭峯宗密禪師精廬

溫庭筠

百尺青崖三尺墳行言已絕奇難聞戴顓今日稱居  
士支遁他年識領軍暫對杉松如結社偶同麋鹿自

唐詩類苑

卷之百十七

十五

成羣故山弟子空迴首葱嶺唯應見未雲

精舍

疾愈過龍泉寺精舍呈易萊二上人

孟浩然

停午聞山鐘起行散愁疾尋林採芝去轉谷松蘿密  
撥見精舍開長廊飯僧畢石渠流雪水金子耀霜橘  
竹房思舊遊過憩終未日入洞窺石髓傍崖採蜂窠

日暮辭遠公虎溪相送出

至閑居精舍呈正上人

即大后故宮

儲光羲

太室三招提其趣皆不同不同非一趣況是天遊宮  
雙嶺前夾門閣道復橫空寶坊若花積宛轉不可窮  
流泉自成池青松信饒風秋暑氣迴晶明丹素功  
近將隱者隣遠與西山通大師假惠照念以息微功

題辨覺精舍

儲光義

朝隨秋雲陰乃至青松林花開空中遠方池巖下  
竹風亂天語溪響成龍吟試問真君子遊山非世心

同李五夕次香山精舍訪憲上人

錢起

彼岸聞山鐘仙舟過苔水松門入幽映石逕趨迤迤

唐詩類苑

卷之百七十七

七

初月開草堂遠公方觀止忘言在閑夜凝念得微理  
泠泠功德池相與滌心耳

經少林精舍寄都督親友 韋應物

息駕依松嶺高閣一攀緣前瞻路已窮既詣喜更延  
出巘聽萬籟入林濯幽泉鳴鐘生道心暮磬一作空  
雲烟獨往雖暫適多累終見牽方思結茅地歸息期  
暮年

春月觀省屬城始憩東西

韋應物

因時省風俗布惠遠高年建隼出溫陽登舊遊山川

白雲歛晴壑羣峯列遙天欹崎石門狀香馥香爐烟  
榛荒屢曾星遙側殆覆顛方臻釋氏廬時物屢華妍  
疊遠昔經始於茲閑幽玄東西竹林寺濯注寒澗泉  
人事既云泯歲月復已綿殿宇餘丹紺磴閣峭欹懸  
佳士亦棲息善身絕塵緣今我蒙朝寄教化敷里鄣  
道妙苟爲得出處理無偏心常同所尚跡豈辭纏牽

四禪精舍登覽悲崔寄朝宗巨川兄弟

韋應物

蕭散人事憂迢遞古原行春風日已暄百草亦復生  
躋閣謁金像攀雲造禪扁新景林際曙雜花川上明

唐詩類苑

卷之百七十七

七

徂歲方綢繆陳事尚縱橫溫泉有佳氣馳道指京城  
攜手思故日山河留恨情行客邈難見去者已冥冥  
臨風一長慟誰畏行路驚

善福精舍示諸生 韋應物

湛湛嘉樹陰清露夜景沈惘然羣物寂高閣似陰岑  
方以玄默處豈爲名跡侵法妙一作不知歸獨此抱  
冲襟齋舍無餘物陶器與單衾諸生時列坐共愛風  
滿林

澧上精舍答趙氏外生伉 韋應物

遠跡出塵表寓身雙樹林如何小子伉亦有超世心



擔書從我遊攜手廣川陰雲開夏郊綠景發青山沈  
對榻遇清夜獻詩合雅音所推苟體數於性道豈深  
隱拙在冲默經世昧古今無爲率爾言可以致華簪

莊嚴精舍遊集

韋應物

良遊因時暇乃在西南隅綠烟凝層城豐草滿通衢  
精舍何崇曠煩躅一弘舒架虹施廣陰構雲眺八區  
卽此塵境遠忽聞幽鳥殊新林泛清光叢綠含露濡  
永日亮難遂平生少歡娛誰能遊還歸幸與高士俱

法華寺石門精室三十韻

柳宗元

拘情病幽鬱曠志寄高爽願言懷名緇東峯旦夕仰

唐詩類苑

卷之百十七

十一

始欣雲雨霽尤悅草木長道同有愛弟披拂恣心賞  
松谿窈窕胡了篠切了入石後助諫寅緣上蘿葛綿層  
疊莓苔侵標榜密林互對從絕壁倏雙敞斷峭出蒙  
籠墟囂臨滉瀟稍疑地脉斷悠若天梯往結構羣羣  
崖迴環驅萬象小劫不逾瞬大千若在掌體空得化  
元觀有遺細想喧煩困蟻蟻踟躕疲翹翹寸進諒何  
營尋直非所枉探奇極遙矚窮妙開清響理會方在  
今神閑庶殊曩茲遊苟不嗣浩氣充誰養道異誠所  
希各賓匪余仗超擢藉外獎俛然有內朗鑑爾揖古  
風終焉乃吾黨潛軀委韁鎖高步謝塵埃蓄志徒爲

勞追蹤將焉做淹留值頽暮有戀睇遐壤映日鴈聯  
軒翻雲波泱泱殊殊風紛已萃鄉路悠且廣羈木畏漂  
浮離旌倦搖蕩昔人歎遠志出處今已兩何用期所  
歸浮圖有遺像幽蹊不盈尺虛室有函丈微言信可  
傳申旦稽吾頌

構法華寺西亭

柳宗元

窺身楚南極山水窮險艱步登最高寺蕭散任疎頑  
西垂下斗絕欲似窺人窺石  
命童恣披翦葺宇橫斷山  
遠岫攢衆頂澄江抱清灣  
河濁飄若昇雲間  
再墮棲鳥當我還

唐詩類苑

卷之百十七

九

苗苗溢嘉色質音當音遺  
幽濕棄逐久枯槁追今始  
相開北望間親愛南瞻重  
與閑  
可屏羈鎖志適忘  
心難久留離念來  
之勿復道且寄須

初夏遊楞伽精舍

皮日休

越艇輕似萍漾漾出烟郭人聲漸疎曠天氣忽寥廓  
伊予愜斯志有似剗癰瘻遇勝卽夷猶逢幽且淹泊  
俄然棹深處虛無倚巖臺暮靄毫一道人引我登龍閣  
當中見壽象欲禮光紛箔珠幡時相鏗恐是諸天樂  
樹杪見觚稜林端逢繡望千尋井猶在萬祀靈不涸

下通蛟人道水色黠而惡欲照六藏驚將窺百骸愕  
揭去山南嶺其險如却笮悠然放吾興欲把青天摸  
紫藤垂罽珥紅荔縣纓絡鮮厚滑以黎峯尖利如鏑  
斯須到絕頂似愈漸離燿一片太湖光只驚天漢落  
梅風脫綸帽乳水透芒屨嵐姿與波彩不動渾相著  
既不暇供應將何以酬酢却來茅竹徑似入青油幕  
穴恐水君開龕如鬼工鑿窟幽入玄院前楯臨巨壑  
遣畫龍奴獐殘香蟲篆薄  
雲態共縈留鳥言相許諾  
怒泉聲似激聞之意爭傳  
唐詩類苑 卷之百十七  
遂今不羈性戀此如纏縛  
曾無膚撓事肯把心源度  
沐猴本不冠未是謀生錯  
願力儻不遺請作華林鶴

奉和皮日休初夏遊楞伽精舍次韻

陸龜蒙

吳都涇汀洲碧波浸郡郭微雨蕩春醉下一清廓  
荷蹤欲探討靈物先瘞瘼飄然蘭舟旋倚烟霞泊  
吟譚亂篙榜夢寐雜巖嶸纖情不可逃洪筆難暫閣  
豈知楞伽會乃在山水箔金仙著書日世界名極樂

如虺近之恐相蠶  
已嘿衆竊蕭然作

干

八者將生付寂寞  
豕流沒齒勤且恪  
共調棲遲亦同託

蓬筍冠諸香琉璃代華望禽言經不輟象口川寧涸  
萬善峻爲城巉巉扞羣惡清晨欲登造安得無自愕  
險穴駭坤牢高羅挂天竿池容澹泊向蛟怪如可摸  
苦蔽石髓根蒲差水心鏐嵐侵吝摩髻日照後貌絡  
仰首乍眩旋迴眸更輝燿簷端凝  
落到迴解風襟臨幽濯雲層機性非便靜境心所  
著自取海鷗知何煩尸祝峯圍雲澤岸翠浪舞綃  
幕欲灑豈堯遭岐嶢非禹  
鑠服道身可遺乞閑心口  
唐詩類苑 卷之百十七  
毒

蘇軾壘競高深儒衣謾優  
作管氏包伯圖須人解甘

入書乃索

莫近得風雅情聊將聖賢

自述來識度兩清

恪詎龍生滅詞肯教夷夏

未爲五舜用且向烟霞

託我亦擺塵埃他年附鴻鶴

遊昌化山精舍

盧照隣

寶地乘峯出香臺接漢高稍覺異途近方知人事勞

酬令狐司錄善福精舍見

頌

韋應物

野寺望山雪空齋對竹林我以養愚地生君道者心

秋夜北上精舍觀體如師梵

劉長卿

焚香奏仙唄向夕遍空山清切兼  
遠威儀對月閑  
靜分巖響答散逐海潮還幸  
公去隨人到世間

遊開元精舍

韋應物

夏衣始輕體遊步愛僧居果園新雨後香臺照日初  
綠陰生晝靜孤花表春餘符竹方爲累形跡一來疎  
訪舍弘山僧不遇亞

滿院洞華鳥雀喧寂寥芳

歸山

唐詩類苑

卷之三十七

日閑客空題到寺年池竹

公任

生傳人間不自尋行跡一

宿輝公精舍

公筠

禪房無外物清話此宵同林彩水烟裏澗聲山月中

橡霜諸壑霽杉火一爐空擁褐寒更徹心知覺路通

題眞州精舍

僧貫休

波心精舍好那岸是繁華礙

向樹當門卽遠沙

晨齋來海客夜磬到漁家石鼎秋

何靜禪回有嶽茶

寓居澧上精舍寄于張二舍人

韋應物

萬木叢雲出香閣西連碧澗竹林園高齋猶宿遠山  
曙微霰下庭寒雀喧遺心淡泊對流水生事蕭疎空  
掩門時憶故交那得見曉排闥闔  
公明恩

唐詩類苑

卷之三十七

唐詩類苑卷第一百七十八

明雲間張之象玄超甫纂輯

晉陵孫慎行問斯甫編次

雲間王 律叔朗甫補訂

梁谿曹仁孫伯安甫校正

寺觀部

禪堂

和薦福寺英公新構

山芝

清衆綠

上人久棄世中道自忘筌

前

所以於此地築館開青蓮

唐詩類苑卷之百七十八

眠

况中灑甘露指處流香泉

然

枳聞廬山法松入漢陽禪

負

宿招山畫公禪堂

從作兩河客別離經半年却來峯下宿知廢井南禪

尋白石山真禪師舊草堂 劉長卿

惆悵雲山暮閑門獨不開何時飛仗錫終日閉蒼苔

隔嶺春猶在無人燕亦來誰堪暝色處空復一猿哀

題終南山僧堂

羅 鄴

九衢終日見南山名利何人肯掩關唯有吾師達真

理坐看雙樹老雲間

遊西林寺題蕭二兄郎中舊堂

韓 愈

中郎有女能傳業伯道無兒可保家偶到匡山曾住

處幾行衰淚落煙霞

法堂

憩淮上觀公法堂

孟 郊

動覺日月短靜知時歲長自

人暫宿空閑堂

孤燭讓清晝紗巾歛輝光

無別強

我有巖下桂願爲爐中香

芳

唐詩類苑卷之百七十八

淮水色不汚汴流徒渾黃

草

明日遂獨行羈愁來舊腸

經堂

題雲際南峰眼上人讀經堂

岑 參

結宇題三藏焚香老一峰雲間獨坐臥祇是對杉松

題香山新經堂招僧

白居易

烟滿秋堂月滿庭香花漠漠磬冷冷誰能來此尋真

諦白老新開一藏經

講堂

曲講堂

柳宗元

寂滅本非斷文字安可離曲堂何爲設高士方在斯  
聖默寄言宣分別乃無知趣中卽空假名相與誰期  
願言絕聞得忘意聊思誰

影堂

題暉師影堂

張籍

日早欲參禪竟無相識緣道場今獨到惆悵影堂前  
辭中禪師影堂連句

名下故無虛教曹貌嚴毅  
一言當要害忽忽醒諸醉

王圓融入佛地

山多言辯無遺

唐詩類苑

卷之二百八

三

但以理爲量不語怪力事

門外形如脫履

當時之支許何人辨深致隨

爲高慈悲引食憲

當時之支許何人辨深致隨

三直下開不二

齊一和尚影堂

劉長卿

一公住世忘世紛暫來復去誰能分身寄虛空如遇  
客心將生滅是浮雲蕭散浮雲往不還淒涼遺教歿  
仍傳舊地愁看雙樹在空堂只是一燈懸一燈長照  
恒河沙雙樹猶落諸天花天花寂寂香深殿苦蘇者  
蒼閭虛院昔余精念訪禪扉常接微言清道機今來  
寂寞無所得唯共門人淚襟衣

題印禪師壁畫影堂

盧綸

雙屨參差錫杖斜衲衣交膝對天花瞻容悟問修持  
劫似指前溪無數沙

玉像堂

題玉像堂

張籍

玉毫不若世間塵輝相分明十八身入夜無煙燈更  
好堂中唯有轉經人

禪室

登福先寺上方然

蔡希寂

名都標佛刹萬構臨河干

夕峻森森青翠攢

唐詩類苑

卷之二百八

四

步登諸劫盡忽造浮雲端

閑遠却嫌絺綌寒

禪房最高頂靜者殊閑安

空城數峯簾外盤

午鐘振衣坐招我同一餐

露衆香唯蒹蘭

晚來恣偃俛茶菓仍畱歡

西枝村尋置草堂地宿贊公土室二首

杜甫

出郭吟細岑披榛得微路溪行一流水曲折方屢渡  
贊公湯休徒好靜心迹素昨枉霞上作盛論巖中趣  
怡然共携手恣意同遠步捫蘿濯先登陟巖岵  
要求陽岡暖苦涉陰嶺危

卜居意未展杖策廻且暮層巔餘落日草蔓已多露

二

天寒鳥已歸月出山更靜土室延白光松門耿疎影  
躋攀倦日短語樂寄夜永明燃林中新暗汲石底井  
大師京國舊德業天機乘從來支許遊興趣江湖迴  
數竒謫關塞道廣存箕穎何知戎馬間復接塵事屏  
幽尋豈一路遠色有諸嶺暮光稍朦朧更越西南頂

法華寺上方題江上

僧皎然

路入松聲遠更竒山光水

左中峯禪寂一僧

在坐對梁朝老桂枝

唐詩類苑

卷之二百七十八

五

禪室

柳宗元

發地結菁茆團團抱虛白山花落幽戶中有忘機客  
涉有本非取照空不待析菰

緣生宵然喧中寂

心境本洞如鳥飛無遺跡

石室

題空山人石室

崔峒

早晚悟無生頭陀不到城雲山知夏臘猿鳥見修行  
地僻無溪路人尋逐水聲年年深谷裏誰識遠公名

浴室

同皇甫兵曹天宮寺浴室新成招友人賞會

寇坦

溫室歡初就蘭交托勝因共聽無漏法兼濯有爲塵  
水潔三空性香沾四大身清心多善友頌德慰同人

僧舍

偶遊石盞僧舍

杜牧

敬岑草浮光句泄水解脉光鬱乍怡融凝嚴忽頽圻  
梅賴暖眠酣風緒和無力暮色蒼茫江流注江雛嬌村暮暮  
落日美樓臺輕烟飾阡陌餘輝古岸遠積潤苔基釋  
孰謂漢陵人來作江汀客我輩念無能捧籌慚所畫  
任戀偶追閑逢幽果遭適僧語淡如雲塵事繁堪織

唐詩類苑

卷之二百七十八

六

今古幾輩人而我何能息

冬夜泊僧舍

方干

江東寒近臘野寺水天昏無酒能消夜隨僧早閉門  
照牆燈焰細著瓦雨聲繁漂泊仍千里清吟欲斷魂

秋宿天彭僧舍

崔塗

身世兩相惜秋雲每獨興難將塵界事話向雪山僧  
力善知誰許歸耕又未能此懷平不得挑盡草堂燈

春日湘中題岳麓寺僧舍

羅隱

蟾宮虎穴兩皆休來凭危欄送遠愁多事林鶯還謾  
語薄情邊鴈不廻頭春祇只待乾坤醉水闊深知世

界浮欲共高僧話心跡野花芳草柰相尤

題鶴林寺僧室

李涉

終日昏昏醉夢間忽聞春盡強登山因過竹院逢僧話又得浮生半日閑

齋

靜法師東齋

王昌齡

築山在人境遂得真隱情春盡草木變雨來池館清  
琴書全雅道視聽已無生閉戶脫三界白雲自虛盈

已上人茅齋

杜甫

已公茅屋下可以賦新詩枕簟入林僻茶瓜留客遲

唐詩類苑

卷之百七十八

七

江蓮搖白羽天棘蔓青絲空忝許詢輩難酬支遁詞

題無本上人小齋

鄭谷

寒寺唯應我訪師人稀境靜雪銷遲竹西落照侵牕  
好堪惜歸時落照時

軒

忍公小軒二首

鄭谷

松溪水色綠於松每到松溪到暮鐘閑得心源祇如  
此問禪何必向雙峯  
舊游前事半埃塵多向中林結淨因一念一爐香火  
裏後身唯願似師身

戲題石門長老東軒

柳宗元

石門長老身如夢旃檀成林手所種坐來念念非昔  
人萬徧蓮花爲誰用如今七十自忘機貪愛都忘筋  
力微莫向東軒春野望花開日出雉皆飛

寄題甘露寺北軒

杜牧

曾上蓬萊宮裏行北軒欄檻最留情孤高堪弄桓伊  
笛縹緲宜聞子晉笙天接海門秋水色烟籠隋苑蒼  
鐘聲他年會着荷衣去不向山僧道姓名

牕

題遠上人牕

孟浩然

唐詩類苑

卷之百七十八

八

給園支遁隱虛寂養閑和春晚羣木秀關關黃鳥歌  
林棲居士竹池養右軍鵝於日北牕下清風期再過

題林校書花嚴寺書牕

孟郊

隱詠不誇俗問禪徒淨居翻將白雲字寄向青蓮書  
據古投松坐就明開紙疏昭昭南山景獨與心相如

林泉

酬暉上人夏日林泉

陳子昂

聞道白雲居窈窕青蓮宇巖泉流澗樹石室千年古  
探臥對軒牕山陰滿庭戶方釋塵勞事從君襲蘭杜  
同辛簿簡仰酬思玄上人林泉四首



駱賓王

聞君招隱地，髣髴武陵春。緝芰知還楚，披蓍似避秦。  
崩查年紀積幽草，歲時新一謝滄浪。水安知有逸人

二

芳晨臨上月，幽賞狎中園。有蝶堪成夢，無羊可觸藩。  
忘懷南澗藻，蠲思北堂萱。坐嘆華滋歇，思君誰爲言。

三

林泉恣探歷，風景暫徘徊。客有遷鶯處，人無結驪來。  
聚花如薄雪，沸水若輕雷。今日徒招隱，終知異壑回。

四

唐詩類苑

卷之百七十八

九

俗遠風塵隔，春還初服遲。林疑中散地，人似上皇時。  
芳杜湘君曲，幽蘭楚客詞。山中有春草，長似寄相思。

亭

酬暉上人秋夜山亭有贈（陳子昂）

皎皎白林秋，微微翠山靜。禪居感物變，獨坐開軒屏。  
風泉夜聲絕，月露宵光冷。多謝忘懷人，塵憂未能整。

京口題崇上人山亭即京口郭內山也

儲光義

清旦歷香巖，巖徑紆復直。花林閉宿霧，遊目清霄極。  
分明牕戶中，遠近山川色。金沙童子戲，香飯諸天食。

叫叫海鴻聲，軒軒江燕翼。寄言清淨者，聞聞徒自路。

奉應顏使君真卿與陸虎士羽登妙喜寺三

癸亭

僧皎然

秋意西山多，列岑紫左次。縉亭歷三癸，

以癸丑歲癸卯朔癸亥日

立故名

疏址隣什壹，元化隱靈蹤。始君啓高致，誅

榛養翹楚。鞭草理芳蕙，俯砌披水客。遍天掃峯翠，境

新耳目換物遠。風烟異倚石，忘世情投雲。得真意嘉

林，幸勿翦禪侶。欣可庇衛法，大臣過佐遊。羣英萃龍

池，護清澈。虎節到深邃，徒恐嘆頂期。於今沒遺記。

酬暉上人秋夜獨坐山亭有贈

唐詩類苑

卷之三十八

十

陳子昂

鐘梵經行罷，香牀坐入禪。巖庭交雜樹，石瀨瀉鳴泉。  
水月心方寂，雲霞思獨玄。寧知人世裏，疲病苦攀緣。

暉上人獨坐亭

戴叔倫

蕭條心境外，兀坐獨參禪。蘿月明盤石，松風落澗泉。  
性空長入定，心悟自通玄。去住渾無跡，青山謝世緣。

題丹陽永泰寺練湖亭

張祜

小檻俯澄鮮，龍宮浸浩然。孤光懸夜月，一片割秋天。  
淺派沙草餘波漂，岸船聊當因吹淪。披拂坐潺湲。

來開黎新亭作

孟浩然

八解禪林秀三明給苑才地偏香界遠心淨水亭開  
傍險山查立尋幽石逕迴瑞花長自下靈藥豈須栽  
碧網交紅樹清泉盡綠苔戲魚聞法聚閑鳥誦經來  
棄象玄應悟忘言理必該靜中何所得吟咏也徒哉

題蕭郎中開元寺新構幽寂亭

劉長卿

康樂愛山水賞心千載同結茅依翠微伐木開蒙籠  
孤峰倚青霄一徑去不窮候客石苔上禮僧雲樹中  
曠然見滄洲自遠來清風五馬留谷口雙旌薄烟虹  
沈沈衆香積耿耿諸天空獨往應未遂蒼生思謝公

唐詩類苑

卷之二百七十六

十一

法華寺西亭夜飲

柳宗元

祇樹夕陽亭共傾三昧酒霧暗水連階月明花覆牖  
莫厭罇前醉相看未白首

池

題璿公山池

李頎

遠公遁跡廬山岑開山幽居祇樹林片石孤峯窺色  
相清池白日照禪心指揮如意天花落坐臥閑房春  
草深此外俗塵都不染惟餘玄度得相尋

蘭若

襄州景空寺題融上人蘭若

張說

高名出漢陰禪閣踰香岑衆山皆圍繞長川復迴臨  
雲峯曉空變風木夜虛吟碧甃龍池滿蒼松虎徑深  
舊知青巖憶偏入杳冥心何由侶飛錫從此脫朝簪

同薛八往符公蘭若

孟浩然

謂予獨迷方逢子亦在野結交指松栢問法尋蘭若  
小溪劣容舟怪石屢驚馬所居最幽絕所住皆靜者  
雲簇興座隅天空落階下上人亦何閑塵念俱已捨  
四禪合真如一切是虛假願承甘露潤喜得惠風灑  
依止此山門誰能效丘也

唐詩類苑

卷之二百七十八

十二

明禪師蘭若

孟浩然

西山多奇狀秀出倚前楹亭午收彩翠夕陽照分明  
吾師住其下禪坐說無生結廬就嵌窟剪竹通逕行  
談空對樵叟授法與山精日暮方辭去田園歸冶城

杪秋南山西峰題準上人蘭若

錢起

向山看霽色步步豁幽性返照亂流明寒空千嶂淨  
石門有餘好霞殘月欲映上詣遠公廬孤峰懸一迥  
雲裏隔牕火松下聞山磬客到兩忘言猿鳥與禪定

蘭若寓居

白居易

名宦老慵求退身安草野家園病懶歸寄居在  
群衣換簪組款仗代車馬行止輒自由其覺身漸  
晨遊南塢上夜息東菴下人間千萬事無有關心者

過福禪師蘭若

王維

巖壑轉微逕雲林隱法堂羽人飛奏樂天女跪焚香  
竹外峯偏照藤陰水更涼欲知禪坐久行路長

題融公蘭若

孟浩然

精舍買金開流泉遶砌迴菱荷薰講席松栢映香臺  
法雨晴飛去天花晝下來談玄殊未已歸騎夕陽催

宿遠上人蘭若

錢起

唐詩類苑

卷之二百七十八

七

香花閑一林真士此看心行道白雲近燃燈翠壁深  
梵筵清水月禪坐冷山陰更說東溪好明朝乘興尋

送靈澈上人歸嵩陽蘭若

劉長卿

南地隨緣久東林幾歲空暮山門獨掩春草路難通  
作梵連松韻焚香入桂叢唯將舊瓶鉢却寄白雲中

宿北山禪寺蘭若

劉長卿

上方鳴夕磬林下一僧還密行傳人少禪心對虎開  
青松臨古路白日滿寒山舊識牕前桂經霜更待攀

潼關蘭若

許渾

來往幾經過前軒枕大河遠帆春水闊高寺夕陽多

蝶影下紅藥鳥聲喧綠蘿故山歸未得徒詠採薇歌

宿澄泉蘭若

鄭谷

山半古招提空林雪月迷亂流分石上斜漢在松西  
雲集寒菴宿猿先曉聲啼此心知了了即此是曹溪

洛東蘭若夜歸

曹唐

一衲老禪牀吾生半異鄉管絃愁裏老書劍夢中忙  
鳥急山初暝禪稀樹正涼又歸何處去塵路月蒼蒼

過紫霞蘭若

白居易

我愛此山頭及此三登歷紫霞舊精舍寥落空泉石  
朝市日喧隘雲林長悄寂猶存住寺僧肯有歸山客

唐詩類苑

卷之二百七十八

十四

入南山全師蘭若

李益

木隕水歸壑寂然無念心南行有真子被褐息山陰  
石路瑤草散松門寒景深吾師亦何授自起定中吟

岫禪師南溪蘭若

喻鳧

錫影配瓶光孤溪照草堂水懸青石磴鐘動白雲牀  
樹色含殘雨河流帶夕陽唯應無月夜瞑目見他方

冬日題覺公牛頭蘭若

李洞

天寒高木靜一磬隔川聞鼎水看日汲臺香拂雪焚  
鶴歸惟認剎僧步不離雲石室

後珠謝聖君

投道一師蘭若宿

王維

一公棲太白高頂出雲烟梵流諸壑遍花雨一峰偏  
迹爲無心隱名因立教傳鳥來還語法客去更安禪  
晝涉松露盡暮投蘭若邊洞房隱深竹清夜聞遙泉  
向是雲霞裏今成枕席前豈唯暫留宿服事將窮年

大覺高僧蘭若

杜甫

巫山不見廬山遠松林蘭若秋風晚一老猶鳴日暮鐘  
諸僧尚乞齋時飯香爐峯色隱晴湖種杏仙家近  
白榆飛錫去年啼邑子獻花何日許門徒

題玉山觀禪師蘭若

韓翃

玉山宴坐移年月錫仗承恩詣丹闕先朝親與會龍  
唐詩類苑 卷之二百六 十五

華紫禁鳴鐘白日斜宮女焚香把經卷天人就席禮  
架娑禪牀久臥虎溪水蘭若初聞鳳城裏不出囂塵  
見遠公道成何必青蓮官朝持藥鉢千家近暮倚繩  
牀一室空掖垣揮翰君稱美遠客陪遊問真理薄宦  
深知誤此心回心願學雷居士

過融上人蘭若

孟浩然

山頭禪室挂僧衣牕外無人水鳥飛黃昏半在下山  
路却聽泉聲綠翠微

尋盛禪師蘭若

劉長卿

秋草黃花覆古阡隔林何處起人烟山僧獨在山中

老唯有寒松見少年

題蘭若

崔峒

絕頂茅菴老此生寒雲孤木獨經行世人那得知幽  
逕遙向青一作峯禮磬聲

遊西山蘭若

羊士諤

路傍垂柳古今情春草春泉咽又生借問山僧好風  
景看花携酒幾人行

過乘如禪師蕭居士嵩丘蘭若

王維

無着天親弟與兄嵩丘蘭若一峰晴食隨鳴磬巢鳥  
唐詩類苑 卷之二百六 十六

下行踏空林落葉聲迸水定侵香案濕雨花應共石  
牀平深洞長松何所有儼然天竺古先生

題覺公新蘭若

李端

頭白禪師何處還獨開蘭若樹林間鬼因巫祝傳移  
社神見夫人請施山猛虎聽經金聲動獼猴獻蜜雪  
牕閑新齋結誓如相許願與雷宗永閉關

臺

題三會寺蒼頡造字臺

岑參

野寺荒臺晚寒天古木悲空階有鳥跡猶似造書時

覺公院施鳥石臺

李頎

石臺置香飯齋後施諸禽童子亦知善衆生無懼心  
苔痕蒼曉露盤勢出香林錫杖或圍繞吾師一念深

題遠公經臺

祖詠

蘭若無人到眞僧出復稀苦行道席雲濕坐禪衣  
澗鼠緣香案山蟬噪竹扉世間長不見寧止暫忘歸

今日登吳公臺上寺遠眺寺卽陳將吳明徹

戰場

劉長卿

古臺搖落後秋日望鄉心野寺來人少雲峯隔水深  
夕陽依舊壘寒磬滿空林惆悵南朝事長江獨至今

題壁

唐詩類苑

卷之三百十八

十七

歸義寺題震上人壁

寺卽神光皇帝讀書之所龍飛後創爲精舍

錢起

入谷逢雨花香綠引幽步招提饒泉石萬轉同一趣  
向背森碧峰淺深羅古樹堯皇未登極此地曾隱霧  
秘識得神謀因高思虎路太陽忽臨照物象俄光煦  
梵王宮始開長者金先布白水入禪境礪山通覺路  
往往無心雲猶起潛龍處仍聞七祖餘弟子繼調御  
溪鳥投慧燈山蟬飽甘露不作經客室知於後喻  
身世已悟空歸途復何去

題從叔述靈隱寺壁

孟郊

換却世上心獨起山中情露衣涼且鮮雲策高復輕  
喜見夏日來變爲松景清每將逍遙聽不厭颼颼聲  
遠念塵末宗未疎俗間名桂枝妄舉手萍路空勞生  
仰謝開淨絃相招時一鳴

題僧壁

張祐

出門無一事忽忽到天涯客地多逢酒僧房却厭花  
基因王粲覆鼓是禪衡過自喜疎成品生前不怨嗟  
因省風俗訪道士姪不見題壁

韋應物

去年澗水今亦流去年杏花今又折山人歸來問是

唐詩類苑

卷之三百十八

十八

誰還是去年行春客

閬州開元寺壁題樂天詩 元稹

憶君無計寫君詩寫盡千行說向誰題在閬州東寺  
壁幾時知是見君時

題寶林寺禪者壁

山名飛來峯

方干

邃巖喬木夏藏寒牀下雲溪枕上看臺殿漸多山更  
重却今飛去卽應難

題僧壁

韋蟻

一竹橫簷柱淨巾竈無煙火地無塵剝頭未必知心  
法要且閑於名剎人

題僧壁

段成式

有僧支頰撚眉毫起就夕陽磨剗刀到此既知閑處  
樂俗心何啻九牛毛

題崇慶寺壁

溫憲

十口溝墜待一身半千里絕音塵鬚毛如雪心如  
死猶作長安下第人

題嵩陽焦道士石壁

錢起

三峰花畔碧堂懸錦里真人此得仙玉醴纔飛西蜀  
雨霓裳欲向大羅天彩雲不散燒丹竈白鹿時藏種  
玉田幸入桃源因去世方期丹訣一延年

唐詩類苑

卷之三百七十八

九

題僧壁

李商隱

拾生求道有前蹤乞腦剗身結願重大去便應欺粟  
顆小來兼可隱針鋒蚌胎未滿思新桂琥珀初成憶  
舊松若信貝多真實語三生同聽一樓鐘

感悟妄緣題如上人壁

白居易

自從爲騷童直至作衰翁所好隨年異爲忙終日同  
弄沙成佛塔鏤玉謁王宮彼此皆兒戲須臾即色空  
有營非了義無著是真宗兼恐修勤道猶應夜妄中

唐詩類苑卷第一百七十八終

唐詩類苑卷第一百七十九

明雲間張之象玄超甫纂

晉陵孫慎行聞斯用編次

雲間王微叔助甫補訂

梁谿曹仁孫伯安甫校正

寺觀部

觀

遊清都觀尋沈道士

得仙

劉孝孫

紛吾因暇豫行樂極留連尋真謁紫府披霧覲青天  
緬懷金門外遐想玉京前飛軒俯松柏高殿接雲烟

唐詩類苑

卷之三百七十九

一

滔滔清夏景嘒嘒早秋蟬橫琴對危石酌醴臨寒泉

聊祛塵俗累寧希龜鶴年無勞生羽翼自可狎神仙

遊清都觀尋沈道士

得珠

凌敬

聊排靈鎖闥徐步入清都青溪冥寂士思玄狗道樞  
十芒生藥笥七燭發丹爐縹緲裘桐君錄朱書王母符

宮槐散綠穗日堇落青柎矯去雷門鶴飛來葉縣鳧

凌風自可御安事迫中區方追羽化侶從此得玄珠

遊清都觀尋沈道士

得芳

趙中虛

清溪阻千仞姑射苑陽未若遊茲境探玄衆妙場  
鶴來疑羽客雲汎山霓裳寓目雖靈宇遊神乃帝鄉

道存真理得心灰俗累忘烟霞疑抗殿松桂肅景  
早蟬清暮景崇蘭散晚芳即此翔寥廓非復控榆枋

題應聖觀

儲光義

空中望小山下見餘雪皎皎河漢女在茲養真骨  
登門駭天書啓鑰問仙訣池光搖水霧銍色連松月  
合塲起花臺折草成玉節天雞弄白羽王母垂玄髮  
北有上年宮一路在雲霓上心方嚮道時復朝金闕

至嵩陽觀

觀即天  
皇故宮

儲光義

真人上清室乃在中峰前花霧生玉井霓裳盡列仙  
念茲宮故宇多此地新泉松柏有清陰薛蘿亦自妍

唐詩類苑

卷之二五九

二

一聞步虛子又話逍遙篇忽若在雲漢風中意泠然

題太玄觀

儲光義

門外車馬喧門裏宮殿清行即翳若木坐即吹玉笙  
所喧既非我真道其冥冥

昭聖觀

儲光義

主家隱溪口微路入花源數日朝青閣彩雲猶在門  
雙樓夾一殿玉女侍玄元扶櫺盡蟠木步欄多畫幡  
新松引天闕小柏繞山樊坐弄竹陰遠行隨溪水喧  
石池辨春色林獸知人言未遂鳳凰去真宮在此原

宿桐柏觀

孟浩然

海汎信風帆夕宿逗雲島緬尋滄洲趣近愛赤城好  
捫蘿亦踐苔輟棹恣窮討息陰憇桐栢采秀尋芝草  
鶴唳清露垂雞鳴信潮早願言解纓綬從此去煩惱  
高步陵四壁玄蹤得三老紛吾遠遊意學彼長生道  
日夕望三山雲濤空浩浩

題應聖觀

儲光義

一山盡天死一峰開道宮道花飛羽衛天鳥遊雲空  
玉殿俯玄水春旗搖素風夾門小松柏覆井新梧桐  
自昔大仙下乃知元化功神皇作桂館此意與天通  
奉和聖製登降聖觀與宰臣同望應制

唐詩類苑

卷之二五九

三

王維

鳳晨朝碧落龍圖耀金鏡維岳降二臣戴天臨萬姓  
山川入校滿井邑三農竟比屋皆可封誰家不相慶  
林疎遠村出野曠寒山靜帝城雲裏深渭水天邊映  
喜氣含風景頌聲溢歌詠端拱能任賢彌章賀君聖

清都觀答幼遐

韋應物

邈遙仙家子日夕朝玉皇興高清露浥渴飲瓊華漿  
解組一來欵披衣拂天香粲然顧我笑綠簡發新章  
泠泠如玉音一作馥馥若蘭芳浩意坐盈此月華殊  
未央却念誼諱日何由得清涼疎松抗高殿密竹陰



長廊榮名等糞土携手隨風翔

善福精舍答韓司錄清都觀會宴見意

韋應物

弱志厭衆紛抱素寄精廬瞰瞰仰時彥悶悶平聲獨爲  
愚之子亦辭秩高蹤罷馳驅忽因西飛禽贈我以瓊  
琚始表仙都集復言歡樂殊人生各有因契濶不獲  
俱一來田野中日與人事疎水木澄秋景逍遙清賞  
餘枉駕懷前諾引領豈斯須一作須無爲便高翔邈矣  
不可迂

雨夜宿清都觀

韋應物

唐詩類苑

卷之百七十九

四

靈飈動閭闔微雨灑瑶林復此新秋夜高閣正沉沉  
曠歲恨殊迹茲夕一披襟洞戶含涼氣網軒構層陰  
况自展良友芳樽遂盈斟適悟委前妄清言怡道心  
豈戀腰間綬如彼籠中禽

永崇里觀居

白居易

季夏中氣候煩暑自此收蕭颯風雨天蟬聲暮啾啾  
永崇里巷靜華陽觀院幽軒車不到處滿地槐花秋  
年光忽冉冉世事本悠悠何必待衰老然後悟浮休  
真隱豈長遠至道在冥搜身雖世界住心與虛無遊  
朝饑有蔬食夜寒有布裘幸免凍與餒此外復何求

寡欲雖少病樂天心不憂何以明吾志周易在床頭

宿簡寂觀

白居易

巖白雲尚屯林紅葉初隕秋光引閑步不知身遠近  
夕投靈洞宿臥覺塵機泯名利心既忘南朝夢亦盡  
暫來尚如此况乃終身隱何以療夜饑一匙雲母粉

寄李校書遊簡寂觀

黃滔

古觀雲溪上孤懷永夜中梧桐四更雨山水一庭風  
詩得如何句仙遊寂勝宮卻愁逢羽客相與入煙空

遊華山雲臺觀

孟郊

華岳獨靈異草木恒新鮮山盡五色石水無一色泉

唐詩類苑

卷之百七十九

五

仙酒不醉人仙芝皆延年夜聞明星館時韻女蘿絃  
敬茲不能寐焚柏吟道篇

西上經靈寶觀

觀即尹真  
人舊宅

孟郊

道士無白髮語音一作言

靈泉清青松多壽色白石恒

夜明放步躋霞起振衣華風生真文秘中頂寶氣浮

幽檻一片古關路萬里今人行上仙一可見驅策徒

西征

宿道士觀

朱慶餘

堂閉仙人影空壇月露初閑聽道家子盥漱讀靈書

一柱觀

張說

舊說江陵觀初疑神化來空中結雲閣綺靡隨風迴  
奈何任一柱斯焉容衆材奇功非長世今餘草露臺

宿太平觀

綦母潛

夕到玉京寢宵冥雲漢低魂交仙室蝶曙聽羽人雞  
滴瀝花上露清泠松下溪明當訪真隱揮手入無倪

奉和幸白鹿觀應制

觀在白鹿原周平王時有白鹿遊此故名

沈佺期

紫鳳真人劫斑龍太上家天流芝蓋下山轉桂旗斜

聖藻垂寒露仙杯落晚霞唯應問王母桃作幾時花

奉和幸白鹿觀應制

劉憲

唐詩類苑

卷之百十九

六

玄遊乘落暉仙宇謫非微石梁紫澗轉珠旒掃壇飛  
芝童薦膏液松鶴舞駢駢還似瑤池上歌成周馥歸

奉和幸白鹿觀應制

趙彥昭

雲駟驅半景星蹕坐中天國誕玄宗聖家尋碧落仙

玉盃薦壽寶算鶴知年一觀光華旦忻承道德篇

奉和幸白鹿觀應制

武平一

玉府凌二曜金壇駐六龍綠旒懸倒景羽蓋偃喬松  
玄圃靈芝秀華池瑞液濃謬因霑舜渥長願奉堯封

奉和幸白鹿觀應制

李嶠

制蹕乘驪阜回輿指鳳京南山田畝舊已闢童迎

雲幄臨玄圃霞杯薦赤城神明近茲地何事往蓬瀛

奉和幸白鹿觀應制

崔湜

御旗探紫籙仙仗開丹丘捧藥芝童下焚香桂女留  
鸞歌無歲月鶴語記春秋臣朔何其幸常陪漢武遊

奉和幸白鹿觀應制

蘇頌

紫虛清吹下謫謫入仙宮松磴攀雲絕花源接澗空  
受符邀羽使傳訣駐香童詎似閑居日徒聞有順風

奉和幸白鹿觀應制

李嶠

駐蹕三天路迴旃萬仞溪真庭羣帝享洞府百靈棲  
玉酒仙壚釀金方暗壁題佇看青鳥入還陟紫雲梯

唐詩類苑

卷之百十九

七

奉和幸白鹿觀應制

徐彦伯

鳳輿乘八景龜籙向三仙日月移平地雲霞綴小天  
金童擎紫藥玉女獻青蓮花洞留宸賞還旗繞夕烟

尋道觀

王勃

枝屨光分野蓬闕盛規模碧壇清桂闕丹洞肅松樞  
玉笈三山記金箱五嶽圖蒼虬不可得空望白雲衢

觀內懷仙

王勃

玉架殘書隱金壇舊迹迷牽花尋紫澗步葉下清谿  
瓊漿猶類乳石髓尚如泥自能成羽翼何必仰雲梯

於紫雲觀贈道士

并序

駱賓王

余鄉國一辭江山萬里昔年離別還同塞北之鳬  
今日歸來即似遼東之鶴先生情均得免忘筌之  
契已深路是忘羊分岐之恨愈切不題短什何汰  
衷襟

碧落澄秋景玄門啓曙闌人疑列聖至客似令威還  
羽蓋徒欣仰雲華未可攀只應領玉醴時許寄顏顏

遊雲公觀

駱賓王

靈峰標勝景神府枕通川玉殿斜臨漢金堂迴架烟  
斷風疎曉竹流水切寒絃別有青門外空懷玄圃仙

春日登金華觀

陳子昂

唐詩類苑

卷之百七

八

白玉仙臺古丹丘別望遙山川亂雲日樓榭入烟霄  
鶴舞千年樹虹飛百尺橋還逢赤松子天路坐相邀

奉和華清宣觀行香應制 崔國輔

天子藻珠宮樓臺碧落通豫遊昔汗漫齋處即崆峒  
雲物三光裏君臣一氣中道言何所說寶曆自無窮

玉臺觀二首

杜甫

浩劫因王造平臺訪古遊綵雲蕭史駐文字魯恭留  
宮闕通羣帝乾坤到十洲人傳有笙鶴時過北山頭

二

中天積翠玉臺遙上帝高居絳節朝遂有馮夷來擊

鼓始知羸女善吹簫江光隱見鼉鼉窟石勢參差烏  
鵲橋更有紅顏生羽翰便應黃髮老漁樵

宿洞靈觀

皇甫冉

孤烟靈洞遠積雪滿山寒松柏凌高殿莓苔封古壇  
客來清夜久仙去白雲殘明日開金籙焚香更沐蘭

遊鍾山紫芝觀

耿漳

繫舟仙宅下清蘿落春風雨數芝田長雲開石路重  
古房清磴接深殿紫烟濃鶴駕何時去游人自不逢

同莊秀才宿鎮星觀

馬戴

的的星河落露苔復洒松濕光微泛草石翠澹搖峰

唐詩類苑

卷之百七

九

野觀雲和月秋城漏間鐘知君親此境九陌少相逢

遊終南白鶴觀

張喬

上徹鍊丹峰求玄意未窮古壇青草合往事白雲空  
仙境日月外帝鄉烟霧中人間足煩暑欲去戀清風

宿天柱觀

釋靈一

石室初投宿仙翁幸見容花源隨水遠洞府過山逢  
泉湧階前地雲生戶外峰中宵自入定非是欲降龍

題東華觀

王建

路盡烟水外院門題上清鶴雛虛解語瓊葉軟無聲  
白髮道心熟黃衣仙骨輕寂寥虛境裏何處覓長生

送劉道士之成都嚴真觀

嚴公通老子  
易以成道

項斯

嚴君名不朽道出二經中歸去精誠懇還應夢寐通  
池臺鏡定月松檜雨餘風想對靈玄憶人間戀若空

經故賀賓客鏡湖道觀

朱放

已得歸鄉裏逍遙一外臣那隨流水去不待鏡湖春  
雪裏登山屐林間漉酒巾空餘道士觀誰是學仙人

經吳平觀

僧貫休

中元齋醮後錢燼滿空壇老鶴心何待尊師髻已乾  
幡燈古殿夜霜霰大椿寒誰見長生路人間事萬端

唐詩類苑

卷之百七十九

十一

謁仙觀二首

馬戴

我生求羽化齋沐造仙居  
蒼葭沒丹井石函盛道書  
寒松多偃側靈洞遍清虛  
一就泉西飲雲中採藥蔬

二

山空蕙氣香乳管折雲房  
願值壺中客親傳肘後方  
三更禮星斗寸七服丹霜  
默坐樹陰下仙經橫石牀

古觀

項斯

置觀碑已折看松年不分洞中誰識藥門外日添墳  
放去龜隨水呼來鹿怕薰壇邊見灰火幾燒祭星文

終南山白鶴觀

鄭谷

步步景通真門前衆水分  
煙蘿諸洞合鐘磬上清聞

古木千尋雪寒山萬丈雲  
終期掃壇級來事紫陽君

秋日仙遊觀贈道士

王勃

石圖分帝宇銀牒洞靈宮  
迴丹紫岫室復翠上巖櫳  
霧濃金竈靜雲暗玉壇空  
野花常捧露山葉自吟風  
林泉明月在詩酒故人同  
待余逢石髓從爾命飛鴻

遊廢觀

楊炯

青嶂倚丹田荒源數百年  
猶知小山桂尚識大羅天  
藥敗金爐火苔昏玉女泉  
歲時無壁畫朝夕有階烟  
花柳三春節江山四望懸  
悠然出塵網從此狎神仙

唐詩類苑

卷之百七十九

十一

和劉侍郎入隆唐觀

楊炯

福地陰陽合仙都日月開  
山川陵四險城樹隱三臺  
伏檻排雲出飛軒遶澗回  
參差陵倒影瀟灑酒軼浮埃  
百果珠爲寶群峰錦作苔  
懸蘿暗凝霧瀑布響成雷  
方士燒丹液真人泛玉杯  
還如問桃李水更似得蓬萊  
漢帝求仙日相如作賦才  
自然金石奏何必上天台

和輔先入昊天觀

楊炯

遁甲爰皇星占太一宮  
天門開奕奕佳氣鬱葱葱  
碧落三乾外黃圖四海中  
邑居環若水城闕抵新豐  
玉檻崑崙側金樞地軸東  
上真朝北斗元始詠南風

漢君祠五帝淮王禮入公道書藏竹簡靈藥灌梧桐  
草茂瓊瑤綠花繁寶樹紅石樓紛似畫地鏡淼如空  
桑海年應積桃源路不窮黃軒若有問三月住崆峒

開元觀閑居酬吳士矩侍御

元稹

靜習狂心盡幽居道氣添神編啓黃簡祕錄捧朱籤  
爛熳煙霞駐優游歲序淹登壇擁旄節趨殿禮胡髯  
殿有玄宗醮起彤庭燭香開白玉區結盟金劍重斬  
魅寶刀鋤禹步星綱動焚符竈鬼詹冥搜呼直使章  
奏役飛廉仙籍聊憑檢浮名復爲占赤誠祈皓鶴綠

唐詩類苑

卷之二百五十九

主一

髮代青縑虛室常懷素玄關屢引枯貂蟬徒自寵鷗  
鷺不相嫌始悟身爲患惟欣祿永恬龜龍戀淮海雞  
犬傍間松笠新偏翠山峰遠更尖簫聲吟茂竹虹  
影逗虛簷初日光通牖輕颺每透簾露盤朝滴滴鈎  
月夜纖纖已得霞味應嗤食夢甜上琴閑度晝耽  
酒醉消炎八案隨宜設詩書逐便拈灌園多抱甕刈  
藿乍腰鎌野鳥終難繫鷓鴣本易厭風高雲遠逝波  
駭鯉深潛邸第過從隔蓬壺夢寐瞻所希顏頗練誰  
恨突無黔恩拙慙圭璧詞煩雜米鹽論雖言大小求  
藥意何謙語默君休問行藏我詎兼狂歌終此曲情

盡口長筭

晚秋陪崔閣老張祕監苗考功同遊昊天觀

權德輿

方駕遊何許仙源去似歸紫迴留勝賞瀟灑出塵機  
汎菊賢人至燒丹姹女飛步虛清晚籟隱几吸晨輝  
竹逕琅玕合芝田沆瀣稀銀鈎三洞字瑤笥六銖衣  
麗句翻紅藥佳期限紫微徒然一相望郢曲和應稀  
和李中丞訓萬年房署少府過汾州景雲觀

因以寄上

房與李早年同居此觀

盧綸

顯晦滄無迹賢哉常晏如如何警孤鶴忽乃傳雙魚

唐詩類苑

卷之二百五十九

主一

叙以泉石舊悵然風景餘低回青油幕夢寐白雲居  
玉洞桂香滿雪壇松影疎沉思矚仙侶紆組正軍書  
積學早成道感恩難遂初梅生諒多感歸止豈吾廬  
宿無爲觀

元結

九疑山深幾千里峰谷崎嶇人不剗山中舊有仙姥  
家十里飛泉遶丹竈如金道士三四人茹芝鍊玉學  
輕身霓裳羽蓋傷腸整飄飄似欲來雲鶴

題醴陵玉仙觀歌

釋護國

主喬一去空仙觀白雲至今凝不散星垣松殿幾千  
秋往往笙歌下天半瀑布西行過石橋黃精採根還

採苗路逢一人擎藥碗松花夜雨風吹滿又言家住  
在東坡白犬相隨邀我過南山石上有碁局曾使樵  
夫爛斧柯

遊石堂觀

蕭祐

西山高高何所知上有古昔真人居嶽崖巨石自成  
室其下磅礴含清虛我來斯訪遺跡乃遇沈生耽  
載籍沈生爲政哀惻發又能索隱探靈竒欣然向我  
話佳境與我崎嶇到山頂甘瓜割綠出寒泉碧甌浮  
花酌春茗嚼瓜啜茗身清涼汗消絺綌如迎霜胡爲  
空山百草花條爾蓬豆肆栽旁始驚知周無小大力

唐詩類苑

卷之百十九

古

寡多方驗斯在妙用騰聲冠蓋間勝遊恣意烟霞外  
故碑石像凡幾年雲鬱雨霏生綠烟我知遊此多靈  
仙縹緲月中飛下天天風微微夕露委松梢颺颺曉  
聲起鳳去空遺簫管音星翻寥落銀河水勸君學道  
此時來結茅獨宿何遼哉齋心玄默感靈衛必見鸞  
鶴相徘徊我愛崇山雙劍北峰如人首拄天黑羣仙  
僂僂勢奔走狀若歸尊趨有德半巖有洞頂有池出  
人靈怪潛蛟螭我去不得晝夜思夢遊曾信南風吹  
南風吹我到林嶺故國不見秦山迥山花名藥撲地  
香月色泉聲洞心冷蔭松散髮逢異人寂寞曠然口

不言道陵公遠莫能識髮短耳長誰獨存司農驚覺  
忽惆悵可惜所遊俱是妄蘊懷耿耿誰與言直至今  
來意通形神開擁傳又恨斜陽催一丘人境尚堪戀  
何況海上金銀臺

題觀樓

岑參

荒樓荒井閑空山關令乘雲去不還羽蓋霓旌何處  
在空留藥臼向人間

尋古觀

朱慶餘

仙觀曾過知不遠花藏石室香難尋泉邊白鹿聞人  
語升過天墻漸入深

唐詩類苑

卷之百十九

五

玉真觀

張籍

臺殿曾爲貴主家春風吹盡竹窻紗院中仙女修香  
火不許閑人入看花

寄雲臺觀田秀才

馬戴

雪壓松枝拂石窻幽人獨坐鶴成雙晚來漱齒敲水  
渚閑讀仙書倚翠幢

春題華陽觀

白居易

帝子吹簫逐鳳凰空留仙洞號華陽落花何處堪惆  
悵頭白宮人掃影堂

題方瞳上人房

張籍

一身清淨無童子獨坐空堂得幾年每夜焚香通月  
觀可能無碍最團圓

玄元觀送李源李風還奉先華陰

皇甫冉

此去那知道路遙寒原紫府上迢迢莫特別酒和瓊  
液乍唱離歌和鳳簫遠水東流浮落景線垣西轉失  
行鑣華山秦塞長相憶無使音塵頃寂寥  
重遊飛泉觀題故梁道士宿龍池

許渾

西巖泉落水空寬靈物蜿蜒黑處蟠松葉正秋琴韻  
唐詩類苑 卷之二百七十九 六

響菱花初曉鏡光寒雲開星月浮山殿雨過風雷遠  
石壇仙客不歸龍亦去稻畦長滿此池乾

再遊姑蘇玉芝觀

許渾

高梧一葉下秋初迢迢重廊舊寄居月過碧窻今夜  
酒雨昏紅壁去年書玉池露冷芙蓉淺瓊樹風高薜  
荔疎明日征帆更東去仙翁應笑爲鱸魚

同于汝錫遊降聖觀

王建

秦時桃樹滿山坡騎鹿先生降大羅路盡溪頭逢地  
少門連內裏見天多荒泉漱簡朱砂暗古塔殘經篆  
字訛聞說開元齋醮日曉移行漏帝親過

題仙遊觀

韓翃

仙臺下見五城樓風物淒淒宿雨收山色遙連秦樹  
晚砧聲近報漢宮秋疎松影落空壇靜細草香聞小  
洞幽何用別尋方外去人間亦自有丹丘

同閻伯均宿道士觀有述 包何

南國佳人去不迴洛陽才子更須媒綺琴白雪無心  
弄羅幌清風到曉開冉冉修篁依戶牖迢迢列宿映  
樓臺縱令奔月成仙去但作行雲入夢來

宿題天壇觀

劉滄

沐髮清齋宿洞宮桂花松韻滿巖風紫霞曉色秋山  
唐詩類苑 卷之二百七十九 七

霽碧落寒光霜月空華表鶴聲天外迴蓬萊仙界海  
門通冥心一叩虛無理寂寞玄珠象罔中

題應聖觀

觀即李林甫舊宅

王建

精思堂上畫三身迴作仙官度美人賜額御書金字  
實行香天樂羽衣新空廊鳥啄花靚縫小殿蟲緣玉  
像塵頭白女冠猶說得薔薇不似已前春

題天華觀

盧綸

峰嶂徘徊霞景新一潭寒水絕纖鱗朱字靈書千萬  
軸蒼髯道士兩三人芝童解說壺中事玉管能留天  
上春眼見仙丹求不得漢家簪綬在羸身



題龍瑞觀兼呈徐尊師 方干

或雨或雲常不定地靈雲雨自無時世人莫識神方  
字仙鳥偏棲藥樹枝遠壑度年如晦暝陰溪入夏有  
凌漸此中惟有師知我未得尋師即夢師

題上皇觀 章孝標

煙霞星蓋七星壇想像先朝駐禁鑾輦路已平栽藥  
地皇風猶在步虛寒樓臺瑞氣晴蕭索杉檜龍身老  
屈蟠翻感惠休并李郭劍門空處望長安

題青城范賢觀 唐球

數里緣山不厭難爲尋真訣問黃冠苔鋪翠點山橋  
唐詩類死 卷之一百七十九 六

滑松織香梢古道寒晝傍綠畦薜蘿玉夜開紅竈然  
新丹孤鐘已斷泉聲在風動瑤花月滿壇

春中與盧四周諒華陽觀同居

白居易

性情懶慢好相親門巷蕭條稱作鄰背燭共憐深夜  
月踏花同惜少年春杏壇住僻雖宜病芸閣官微不  
救貧文行如君尚憔悴不知霄漢待何人

樂真觀 僧若虛

樂氏騎龍上碧天東吳遺宅尚依然悟來大道無多  
事真後丹元不直錢老樹夜風撼葉古垣春雨蘚

生觀松傾鳥死桑田變華表歸鄉未有年

叙龍瑞觀勝異寄于尊師 方干

混元融結致功難山下平湖湖上山萬頃涵虛寒漱  
灤千尋聳翠秀潺湲菱荷香入琴棋處雷雨聲離棟  
牖間但有五雲依鶴嶺曾無陸路向人寰夜溪漱玉  
常堪聽仙樹垂珠可要攀若棄榮名便居此自然浮  
濁不相關

壇

善卷壇 釋可朋

耕荒鑿原時高趣在希夷大舜欲遜國先生空歛眉  
唐詩類死 卷之一百七十九 九

五溪清不足千古美無虧縱遣亡渚者何人 所思

祈真壇 僧貫休

玉甃瑤壇二三級學仙弟子參差入霓旌隊仗下不  
下松檜森森天露濕殿前寒氣束香雲朝祈暮禱玄  
元君茫茫俗骨醉更昏樓臺十二遙崑崙縱廣一萬  
三千里中有五色雲霞五色水何當斷慾便飛去不  
要九轉神丹換精髓

王仙君霸壇 林傑

羽客已登仙路去丹爐草木盡凋殘不知千載歸何  
日空使時人掃舊壇

題魏壇二首

李建勳

不遇至真傳道要曾看真誥亦何爲舊碑經亂沉荒  
澗靈篆因耕出故基蛙鼃自喧澆藥井牛羊閑過放  
生池蕭條夕景空壇畔朽檜枝斜綠蔓垂

二

一尋遺跡到仙鄉雲鶴沉沉思渺茫丹井歲深生草  
木芝田春廢臥牛羊雨淋殘畫摧荒壁鼠引饑蛇落  
壞梁薄暮欲歸仍佇立菖蒲風起水泱泱

院

過方尊師院

蔡母潛

唐詩類苑

卷之二百七十九

千

羽客北山尋草堂松徑深養神宗示法得道不知心  
洞戶逢雙履寥天有一珥更登玄圃上仍種杏成林  
苑外至龍興院作 儲光羲

朝遊天苑外忽見法筵開山勢當空出雲陰滿地來

疎鐘清月殿幽梵靜花臺日暮香林下飄飄仙步迴

過包尊師山院

劉長卿

竇藥曾相識吹簫此復聞杏花誰是主桂樹獨留君  
漱玉臨丹井園基訪白雲道經今爲寫不慮惜鵝羣

同僧宿道者院

李洞

携文過水宿拂席四廊塵墜果敲樓瓦高螢映鶴身

點燈吹葉火談佛悟山人盡有棲霞志好謀三教隣

題紫閣院

張蠟

上方人海外苔徑上千層洞壑有靈藥房廊無老僧  
古巖雕素像喬木棲靈每到思修隱將回若不能

題田道者院

僧脩睦

入門空寂寂真個出家兒有行鬼不見無心人謂痴  
古巖寒柏對流水落花隨欲別一何懶相于所恨遲

題許仙師院

韋莊

地古多喬木遊人到且吟院開金鑲澀門映綠簷深  
山色不離眼鶴聲長在琴往來誰與熟乳鹿住前林

唐詩類苑

卷之二百七十九

王

秋夜同暢當宿藏公院

盧綸

禮足一垂淚醫王知病由風螢方喜夜露槿已傷霜  
顧以兒童愛每從仁者求將祈竟何得滅跡在緇流

爲趙法師別造精院過院賦詩

玄宗

秋九月聽政觀風存乎遊息退朝之後歷西上陽

入清虛院則法師所居之地也法師得玄元之法

養浩然之氣故法此仙家特建真宇紫房對綠

竹羅生既親重其人每經過其地以怡神洗雪進

德修業何必 在順風因而賦詩用適

其意云耳

宗師心物外爲道運虛舟不戀巖泉賞來從空禁遊  
探玄知幾歲習靜更宜秋烟樹辨朝色風湍閑夜流  
坐朝繁聽覽尋勝在清幽從廣無爲化因茲庶可求

武陵開元觀黃師院二首

王昌齡

松間白髮黃尊師童子燒香禹步時欲訪桃源入溪  
路忽聞雞犬使人疑

二

先賢盛說桃花源塵忝何堪武陵郡聞道秦時避地

唐詩類苑

卷之二百七十九

三

人至今不與人通問

三

山觀空虛清靜門從官役吏擾塵喧暫因問俗到真  
境便欲投誠依道源

過柳溪道院

戴叔倫

溪上誰家掩竹扉鳥啼渾似惜春暉日斜深巷無人  
跡時見梨花片片飛

題玉真觀李秘書院

韓翃

白雲斜日影深松玉宇瑤壇知幾重把酒題詩人散  
後華陽洞裏有疎鐘

題魚尊師院

賈島

老子堂前花萬樹先生曾見幾迴春夜煎白石平明  
喫不擬教人哭此身

題道靖院院在中條山故王顏中丞所置號

州刺史捨官居此今寫真存焉

李商隱

紫府丹成化鶴羣青松手植變龍文壺中別有仙家  
日嶺上猶多隱士雲獨坐遺芳成故事寒帷舊貌似  
元君自憐築室靈山下徒望朝嵐與夕曛

堂

唐詩類苑

卷之二百七十九

三

張天師草堂

常建

靈溪宴清宇傍倚枯松根花藥繞方丈瀑泉飛石所  
四氣閉炎熱兩崖啟朗昏夜深月懸皎亭午朝始曠  
信是天人居幽幽寂無喧萬壑應鳴磬諸峰接一村

遂登子因田生樽時節開玉書宵映飛天言  
心化更無影目精焉累煩忽而與霄漢寥落空南軒  
自紫陽觀至華陽洞宿侯尊師草堂簡同遊

李延年

劉長卿

石門媚烟景句曲盤江甸南向佳氣濃數峰遙隱見  
漸臨華陽口雲路入葱蒨七曜懸洞宮五雲抱仙殿

銀函竟誰發金液徒堪薦千載空桃花秦人深不見  
東溪喜相遇貞白如會面青鳥來去閑紅霞朝夕變  
一從換仙骨萬里乘飛電蘿月延步虛松花醉開宴  
幽人即長往茂宰應交戰明發歸琴堂知君懶爲縣  
清旦題採藥翁草堂 溫庭筠

幽人尋藥逕來自曉雲邊衣濕木花雨語成松嶺烟  
解藤開澗戶踏石過溪泉林外晨光動山昏鳥滿天

生公講堂

劉禹錫

生公說法鬼神聽身後空堂夜不扃高坐寂寥塵漠  
漠一方明月可中庭

唐詩類苑

卷之二七九

西

尋王道士藥堂因題贈白居易

白居易

行行竟路緣松嶠步步尋花到杏壇白石先生小有  
洞黃芽姪女大還丹常悲東郭千家塚欲乞西山五  
色丸但恐長生須有籍仙臺試爲檢名看

房

題辛道士房

儲光義

金神不言命所向道家流迨此遠商楚遂令思北遊  
先生秀衡岳玉立居玄丘門帶江山靜房隨瑤草幽  
逍遙三花發罔象五雲浮自有太清絕曾隨草髮展  
大年方橐籥小智即蜉蝣七日赤龍至莫令余獨留

題盧道士房

李頎

秋砧響落木共坐茅君家惟見兩童子林前汲井華  
空壇靜白日神鼎飛丹砂塵尾拂霜草金鈴搖露霞  
上章人世隔看奔桐陰斜稽首問仙要黃精堪餌花

宴黃道士房

孟浩然

歸來臥青山常夢遊清都漆園有傲吏惠好在招呼  
書幌神仙錄畫屏山海圖酌霞復對此宛似入蓬壺

宴梅道士房

孟浩然

林臥愁春盡寒闌覽物華忽逢青鳥使邀入赤松家  
金竈初開火仙桃正發花童顏若可駐何惜醉流霞

唐詩類苑

卷之二七九

重

游精思觀題山房

孟浩然

誤入花源裏初憐竹逕深方知仙子宅未有世人尋  
舞鶴閑過砌飛猿嘯入林漸通玄妙理深得坐忘心

宴鬱林觀張道士房

錢起

滅跡人間世忘歸象外情竹壇秋月冷山殿夜鐘清  
仙侶披雲集霞杯達曙傾同歡不可再朝暮赤龍迎

不食仙姑山房

張籍

寂寂花枝裏草堂惟素琴因山曾改眼見客不言心  
月出溪路靜鶴鳴雲樹深丹砂如可學便欲住幽林

題朱鍊師山房

王昌齡

叩齒焚香出世塵齋壇鳴磬步虛人百花仙醞能留  
客一飯胡麻度幾春

題蔣道士房

皇甫冉

軒窗縹緲起煙霞誦訣存思白日斜聞道崑崙有仙  
籍何時青鳥送丹砂

題葉道士山房

顧况

水邊楊柳赤欄橋洞裏神仙碧玉簫近得麻姑書信  
否淶陽江上不通潮

道居

冬日天目西峰張鍊師所居

唐詩類苑

卷之百五

五

僧皎然

採薪逢野泉漸見棲閑所坎坎山上聲幽幽林中語  
仙卿何代隱鄉服言亦楚開水洗藥苗掃雪候山侶  
零葉聚敗籬幽花積寒渚冥冥孤鶴性天外思輕舉

尋李道士山居兼呈元明府

白居易

盡日行還歇遲遲獨上山攀藤老筋力照水病容顏  
陶巷招居住茅家許往還飽諳榮辱事無意戀人間

宿王尊師隱居

于鵠

夜愛雲林好寒天月裏行青牛眠樹影白犬吠猿聲

一磬山院靜千燈谿路明從來此峰客幾箇得長生

題女道士居

不佩芝木  
四十餘年

馬戴

不餌住雲溪休丹罷藥畦杏花虛結子石髓任成泥  
掃地青牛臥栽松白鶴栖共知仙女麗莫是阮郎妻

新修道居

王建

世間無所入學道處新成兩面有山色六時聞磬聲  
閑加經遍數老愛字分明若得離煩惱焚香過一生

過楊道士居

賈島

先生修道處茆屋遠囂氛叩齒坐明月攄願望白雲  
精神含藥色衣服帶霞紋無話瀛洲路多年別少君

唐詩類苑

卷之百五

五

題茅山李尊師所居

嚴維

天師百歲少如童不到山中更不逢洗藥每臨新瀑  
水步虛時遶最高峰籬根五月留殘雪座右千年蔭  
古松此去人寰知近遠迴看路隔一重重

和裴延齡尚書寄題果州謝舍人仙居

盧綸

飄然去謁八仙翁自地從天香滿空芝蓋迴標雙鶴  
上語音猶在五雲中青溪不接漁樵路丹井惟傳草  
木風歌此因思奉金液露盤長慶漢皇宮

寄題鏡巖周尊師所居詩

并序

皮日休

處州仙都山之半有洞口下望之如鑑目之曰  
鏡巖下去地二百尺上者以竹梯爲級中如方丈  
內有乳水滴瀝嵌罅黃老徒周君景復居焉迨八  
十年不食乎粟日惟焚降真香一炷讀靈寶度人  
經而已東牟段公柯昔爲州日聞其名梯其室以  
造之且曰君居此久矣乳水之滴晝夜可知量乎  
周君曰某嘗揣之盡晝與夜一斛加半焉公異而  
禮之後柯別十二年日休至吳處人過說周君尚  
存吟想其道無由以覩因寄題是詩云

唐詩類苑

卷之百九

三

八十餘年住鏡巖鹿皮巾下雪影影牀寒不奈雲縈  
枕經潤何妨乳滴函飲澗猿迴窺絕洞緣梯人歇倚  
危杉如何計吏窮於鳥欲望仙都舉一帆

奉和鏡巖周尊師所居

陸龜蒙

見說身輕鶴不如石房無侶共雲居清晨自削靈香  
柿獨夜空吟碧落書十洞飛精應徧吸一莖秋髮未  
曾梳知君便入懸珠會早晚東騎白鯉魚

寄題玉霄峰葉涵象尊師所居

皮日休

青冥向上玉霄峰元始先生識  
曉案瓊文光洞

壑夜壇香氣惹杉松閒迎仙客來爲鶴靜嚙靈符去  
是龍子細捫心無偃骨欲隨師去肯相容

奉和寄題葉尊師所居

陸龜蒙

天台一萬八千丈師在浮雲瑤極房永夜祗知星斗  
大深秋猶見海山微風前幾降青毛節雪後應披白  
羽衣南望烟霞空再拜欲尋真謁問靈威

道室

四月十五日道室書事寄襲美

陸龜蒙

烏飯薪炊薤臠香道家齋日以爲常月苗孟舉存三

唐詩類苑

卷之百九

三

洞雲華函開叩九章一掬陽泉堪作雨數銖秋石欲  
成霜可中值著雷平信爲覓閒眠苦竹牀

奉和道室書事

皮日休

望朝齋戒是尋常靜啓金根第幾章竹葉飲爲甘露  
色蓮花鮓作肉芝香松膏背日凝雲磴丹粉經年滌  
石牀剩欲與君終此志頑仙唯恐髻成霜

聖柱連句上有鐵索跡

天心惟助善聖跡此開  
恐輪雷重絙疑電索長  
上行扶躄疎不  
金飢鳥  
吟詠乖龍寧敢藏

唐詩類苑卷第一百七十九

唐詩類苑卷之二百七十九

三

唐詩類苑卷第一百八十

明雲間張之象玄超甫纂輯

晉陵孫慎行聞斯甫編次

雲間王微叔朗甫補訂

梁谿曹仁孫伯安甫校正

祠廟部

祠

嚴陵祠

洪子興

漢主召子陵歸宿洛陽殿客星今安在隱迹猶可見  
水石空潺湲松篁尚葱蒨岸深翠陰合川迴白雲偏

唐詩類苑

卷之二百八十

一

幽徑滋蕪沒荒祠暮霜霰垂釣想遺芳掇蘋羞野薦  
高風激終古語理忘榮賤方驗道可尊山林情不變

題炭谷湫祠堂

韓愈

萬生都陽明幽暗鬼所褻嗟龍獨何智出入人鬼間  
不知誰爲助若執造化關厭處平地水巢居挿天山  
列峯若攢指石孟仰環環巨靈高其捧保此一掬慳  
森沈固含蓄本以儲陰奸魚鼈蒙擁護群嬉傲天頑  
翻翻棲託禽飛飛一何閒祠堂像侔眞耀玉紆烟鬢  
羣怪儼伺候恩威在其顏我來日正中悚惕思先還  
寄立尺寸地敢言來遊難吁無乃血此牛蹄殷



至今乘水旱鼓舞寡與鰥林叢冥冥窮年無由刪  
妍英雜豔實星瑣黃朱斑石級皆險滑顛躋莫牽攀  
龍區雛衆碎付與宿已頒棄去可奈何吾其死茅菅

過凌霄洞天謁張先生祠 于鵠

戢戢亂峰裏一峰獨凌天下看如尖高上有十里泉  
志人愛幽深一住五十年懸牘到其上乘牛耕藥田  
衣食不下求乃是雲中仙山僧獨知處相引衝碧烟  
斷崖晝昏黑槎枲橫隻椽面壁攀石稜養力方敢前  
累歇日已沒始到茅堂邊見客不問誰禮質無周旋  
醉臥枕欹樹寒坐展青氍毹松掃藜牀秋菓顏色鮮

唐詩類苑

卷之二百八十

二

鍊蜜敲石炭洗澡乘瀑泉曰犬舐客不驚走聞腥膻  
乃知軒冕徒寧比雲壑眠

關羽祠送高員外還荊州 郎士元

將軍稟天姿義勇冠今昔走馬百戰場一劍萬人敵  
雖爲感恩者竟是思歸客流落荆巫間徘徊故鄉隔  
離筵對祠宇灑酒暮天碧去去勿復言銜悲向陳跡

魯郡堯祠送吳五之琅琊 李白

堯沒三千歲青松古廟存送行奠桂酒拜舞清心魂  
日色促歸人連歌倒芳樽馬嘶俱醉起分首更何言

湘夫人祠

杜甫

肅肅湘妃廟空墻碧水春蟲書上佩鮮燕舞翠帷塵  
晚泊登汀樹微馨借借渚蘋蒼梧恨不淺染淚在叢筠

祠南夕望

杜甫

百丈牽江色孤舟泛日斜興來猶杖屨目斷更雲沙  
山鬼迷春竹湘娥倚暮花湖南清絕地萬古一長嗟

同諸公謁谷母祠

崔曙

宮門凌紫微雲霧開扉帝子復何在王孫遊不歸  
春風鳴玉佩暮雨拂靈衣豈但湘江口能令懷二妃

題竹谷神祠

溫庭筠

蒼蒼松竹晚一逕入荒祠古樹風吹馬虛廊日照旗  
烟煤朝莫處風雨夜歸時寂寞東湖客空看蔣帝碑

唐詩類苑

卷之二百八十

三

聖女祠

儲嗣宗

石屏苔色涼流水遶祠堂巢鵲疑天漢潭花似鏡往  
神來雲雨合神去蕙蘭香不復聞雙佩山門空夕陽

經貞女祠

僧無可

朝賽暮還祈開唐復歷隋精誠山雨至歲月廟松衰  
窺穴龍潭黑過門鳥道危不同巫峽女來往楚王祠

神女祠

許渾

停車祠聖女涼葉下陰風龍氣石牀濕鳥聲山廟空  
長眉留桂綠丹臉寄蓮一作紅陽臺畔朝雲暮

雨中

王母祠前寫望

喻鳧

雲霞千古事桃李舊花顏芳信沈青鳥空祠掩暮山  
香傳一座暗柳匝萬家閑那復傷神所河昏落日間

山中古祠

張籍

春草空祠蔓荒林唯鳥飛記年碑石在經亂祭人稀  
野鼠緣朱帳陰塵蓋畫衣近來潭水黑時見宿龍歸

東皇太一祠

李希仲

吉月初齋戒靈巫穆上皇焚香布瑤席鳴佩奠椒漿  
緩舞花飛滿清歌水去長回波送神曲雲雨滿瀟湘

唐詩類苑

卷之二百八十

四

桂州黃潭舜祠

宋之問

虞世巡百越相傳葬九疑精靈遊此地祠宇日光輝  
禋祭忽群望丹青圖二妃神來獸率舞仙去鳳還飛  
日暝山氣落江空潭靄微帝鄉三萬里乘彼白雲歸

經伏波神祠

劉禹錫

蒙蒙篁竹下有路上壺頭漢壘麤巖巖閭蠻溪霧雨愁  
懷人敬遺像閱世指東流自負伯王略安知恩澤侯  
鄉園辭石柱筋力盡炎洲一以功名累翻思馬少游

魯郡堯祠送竇明府薄華還西京

李白

李白

朝策犁眉騶舉鞭力不堪強扶恣疾向何處角巾微

服堯祠南長楊掃地不見日石門噴作金沙潭笑誇

故人指絕境山光水色青於藍廟中往往來擊鼓堯

本無心爾何苦門前長跪雙石人有女如花日歌舞

銀鞍繡轂往復回簸林蹶石鳴風雷遠烟空翠時明

滅白鷗歷亂長飛雪紅泥亭子赤欄干碧流環轉青

錦湍深沈百丈洞海底那知不有蛟龍蟠君不見綠

珠潭水流東海綠珠紅粉沈光彩綠珠樓下花滿園

今日曾無一枝在昨夜秋聲聞闐闐來洞庭水落騷人

哀遂將三五少年輩登高送遠形神開生前一笑輕

唐詩類苑

卷之二百八十

五

九鼎魏武何悲銅雀臺我歌白雲倚牕牖爾聞其聲

但揮手長風吹月渡海來遙勸仙人一杯酒酒中樂

酣宵向分舉觴酬堯堯可聞何不令臯繇擁篲橫八

極直上青天揮浮雲高陽小飲真瑣瑣山公酩酊何

如我竹林七子去道賒蘭亭雄筆安足誇堯祠笑殺

五湖水至今憔悴空荷花爾向西秦我東越暫向瀛

洲訪金闕藍田太白若可期爲余灑掃石上月

龍女祠

岑參

龍女何處來來時乘風雨祠堂青林下宛宛如相語

蜀人競祈恩捧酒仍擊鼓

題嚴子陵祠

方干

物色旁求至漢庭一宵同寢見交情先生不入雲臺  
像贏得桐江萬古名

蒼翠雲峯開俗眼泓澄煙水浸塵心惟將道業爲芳  
餌釣得高名直到今

華山觀上母祠

李商隱

蓮華峯下鏤雕梁此去瑤池地共長好爲麻姑到東  
海勸栽黃竹莫栽桑

題尹真人祠

郎士元

宵宵雲旗去不還陰祠宇閉空山我來始悟丹青  
虛詩類苑卷之百八十

妙稽首如逢冰雪顏

宿山祠

張籍

秋草宮人斜裏墓宮人誰送葬來時千千萬萬皆如  
此家在邊城亦不知

仙人祠

韋應物

蒼岑古仙子清廟闕華容千載去寥廓白雲遺舊蹤  
歸來灞陵上猶見最高峯

重過聖女祠

李商隱

白石巖屏碧蘚滋上清淪謫得歸遲三春猛雨常飄  
瓦盡日靈風不滿旗萼綠華來無定所杜蘭香去未

移時玉郎會此通仙籍憶向天階問紫芝

聖女祠

李商隱

松篁臺殿惠香幃龍護瑤牕鳳掩扉無質易迷三里  
霧不寒長著五銖衣人間定有崔羅什天上應無劉  
武威寄問釵頭雙白燕每朝珠館幾時歸

謁寧祠

羅鄴

春生溪嶺雪初開下馬雲亭酌一杯好是精靈偏有  
感能於鄉里不爲災九江賈客應遙祝五夜神兵數  
此來盡室唯求多降福新年歸去便風催

漢武帝祠

薛逢

唐詩類苑卷之百八十

七

武帝清齋夜築壇自斟明水醮仙官殿前童女移香  
案雲際金人捧露盤絳節有時還入夢碧桃何處更  
驂鸞茂陵烟雨埋弓劍石馬無聲漫草寒

廟

題舜廟

張濯

古都遺廟出河汾一作萬代千秋仰聖君蒲坂城邊  
裴逝水蒼梧野外不歸雲寥寥鴈設魂應在寂寂虞  
篇德已聞向曉風吹庭下柏猶疑琴曲詠南薰

謁禹廟

宋之問

夏王乘四載茲趾發金符峻命於不易報功疇敢踰

先驅總昌會後至伏靈誅玉帛空天下衣冠照海隅  
旋聞厭黃屋便道出蒼梧林表祠轉茂山阿井詎枯  
舟遷龍負壑田變鳥耘蕪舊物森如在天威肅未殊  
玄夷屈瑤席王女侍清都奕奕闔闔遙軒軒仗衛趨  
氣清連曙海雲白洗春湖猿嘯有時答禽言常自呼  
靈歆與烝糈至樂匪笙竿茅殿今不襲梅梁古製無  
運逢日崇麗業盛答昭蘇伊昔力云盡而今功尚敷  
揆林非美箭精享愧生芻郡職昧為理拜空寧自誣  
下車霰已積攝事露行濡人隱冀多祐曷難霑薄軀

禹廟

杜甫

唐詩類苑

卷之二

八

禹廟空山裏秋風落日斜荒庭垂橘柚古屋畫龍蛇  
雲氣生虛壁江聲走白沙早知乘四載疏鑿控三巴  
陪皇甫冉大夫謁禹廟 嚴維  
竹使羞殷薦松龕拜夏祠為魚歌德後舞羽降神時  
文衛瞻如在精靈信有期夕陽陪醉止塘上鳥咸遲  
題夫差廟 陳羽  
姑蘇臺上千年木刻作夫差廟裏神冠蓋寂寥塵滿  
座不知簫鼓樂何人

題楚昭王廟

韓愈

丘墳滿目衣冠盡城闕連雲草樹荒猶有國人懷舊

德一問茅屋祭昭王

和令狐侍郎郭郎中題項羽廟

孟郊

碧草凌古廟清塵鎖秋牕當時獨宰割猛志誰能降  
鼓氣雷作敵劍光電為雙新悲徒自起舊恨空浮江

項羽廟

李山甫

為虜為王盡偶然有何羞見漢江船停分天下猶嫌  
少何要行人贈紙錢

謁漢世祖廟

劉希夷

春陵氣初發漸臺首未傳列營百萬衆持國十八年

唐詩類苑

卷之二

九

運開朱旗後道合赤符先宛城劍鳴匣昆陽鏑應絃  
獷獸血塗地巨人聲沸天長驅過北趙短兵出南燕  
太守迎門外王郎死道邊昇壇九城陌端拱千秋年  
朝廷方雀躍劍佩幾聯翩至德刑四海神儀翳九泉  
宗子行舊邑恭聞清廟篇君容穆而聖臣像儼猶賢  
攢木承危柱疎蘿挂朽椽祠庭巢鳥啄祭器網蟲緣  
懷古江山在惟新曆數遷空餘今夜月長似舊時懸  
奉和漢祖廟下之作 皇甫冉

古廟風煙積春城車騎過方修漢祖寺更使沛童歌  
寢帳巢禽出烟水霧和神心降福處應在故鄉多

題漢祖廟

李商隱

乘運應須宅八荒男兒安在戀池隍君王自起新豐  
後項羽何曾在故鄉

登漢高廟閑眺

韋莊

獨尋仙徑上高原雲雨深藏古帝壇天畔晚峯青簇  
簇檻前春樹碧團團參差郭外樓臺小斷續風中鼓  
角殘一帶遠光何處水釣舟閑繫夕陽灘

薦玄德公廟

儲光義

神道本無已成化亦自然君居寥天上德在王華泉  
真遊踐玉豫永日遲雲仙表微在營道明祝將祈年

唐詩類苑

卷之一百十

十

靈山俯新邑松上生彩烟豈知穆天子遠去瑤池邊

先主武侯廟

岑參

先主與武侯相逢雲雷際感通君臣分義激魚水契

遺廟空蕭然英靈貫千歲

謁先主廟絕句三首

張儼

仗順繼皇業并吞勢由已天命屈雄圖誰歌大風起

二

得股肱賢明能以奇用兵何事傷客情何人歸帝京

三

雄名垂竹帛荒陵壓阡陌終古更何聞悲風入松栢

蜀先主廟

漢末諸黃牛白腹五銖當復

劉禹錫

天地英雄氣千秋尚凜然勢分三足鼎業復五銖錢  
得相能開國生兒不象賢淒涼蜀故妓來舞魏宮前

謁先主廟

杜甫

慘澹風雲會乘時各有人力侔分社稷志屈僂經綸  
復漢留長策中原仗老臣雜耕心未已歐血事酸辛  
伯氣西南歇雄圖曆數屯錦江元過楚劒閣復通秦  
舊俗存祠廟空山泣鬼神虛簷交鳥道枯木半龍鱗  
竹送清溪月苔移玉座春閭閻兒女換歌舞歲時新  
絕域歸舟遠荒城繫馬頻如何對搖落況乃久風塵

唐詩類苑

卷之一百十

十一

孰與關張並功臨耿鄧親應天才不小得士郭無降  
遲暮堪帷幄飄零且釣縉向來憂國淚寂寞灑衣巾

題衡山縣文宣王廟新學堂呈陸宰

杜甫

鹿頭尊紫微無復俎豆事金甲相排蕩青衿一憔悴  
嗚呼已十年儒服弊於地征夫不遑息學者淪素志  
我行洞庭野歛得文翁肆俛倪胄子行若舞風雲至  
周室宜中興孔門未應棄是以資雅才渙然立新意  
衡山雖小邑首唱恢大義因見縣尹心根源舊宮闕  
講堂非曩構大屋加塗墍下可容百人墻隅亦深遠

何必三千徒始壓戎馬氣林木在庭戶密幹疊蒼翠  
有并朱夏時轆轤凍堦凡耳聞讀書聲殺伐災髮髯  
故園延歸望衰顏減愁思南紀收波瀾西河共風味  
采詩倦跋涉載筆尚可記高歌激宇宙凡百慎失墜

謁文宣王廟

羅隱

晚來乘興謁先師松柏淒淒人不知九仞蕭牆堆瓦礫  
三間茅殿走狐狸雨霖狀似悲麟泣露滴還同嘆鳳悲  
儻使小儒名粗立豈教吾道受栖遲

代文宣王答

羅隱

三教之中儒最尊止戈爲武武尊文吾今尚自披策  
唐詩類苑 卷之二百八十一

笠爾等何須讀典墳釋氏寶樓侵碧漢道家宮殿拂  
青雲若教顏閔英靈在終不羞他李老君

登華縣故城謁沈諸梁廟 李百藥

總轡臨秋原登城望寒日烟霞共掩映林野俱蕭瑟  
蹙蹙鬱不窮吳山高漸出客行殊未已沐浴期終吉  
椒桂莫芳樽風雲下虛室館宇肅而靜神心康且逸  
伊我非真龍勿驚波朽質

奉陪侍中春日過武安君廟

盧綸

長裾間貔虎遺廟盛攀登白羽三千騎紅林一萬層

元臣達幽契祝史告明徵撫坐悲今古瞻容感廢興  
回風卷藁柏驟雨濕諸陵倏忽烟花露當營看月生  
題伍相廟 僧常雅

蒼蒼古廟映林巒

劉禹錫

在威風猶入浙江寒  
將畧兵機命世雄蒼黃鍾室漢良弓遂令後代登壇  
者每一尋思怕立功

韓信廟

羅隱

剪項移秦勢自雄布衣還自負深功寡妻稚女俱堪  
唐詩類苑 卷之二百八十一

恨休把餘杯奠蒯通

韋莊

滿把椒漿奠楚祠碧幢黃鉞舊英威能扶漢代成王  
業忍見唐民陷戰機雲夢去時高鳥盡淮陰歸日故  
人稀如何不借平齊策空看長星落賊圍

黃陵廟詞

李遠

黃陵廟前莎草春黃陵女兒倩裙新輕舟小  
去水遠山長愁殺人

黃陵廟二首

李群玉

黃陵廟前春已空子規啼血滴松風不知精爽歸何

處疑是行雲秋色中

小孤洲北浦雲邊二女明粧共儼然野廟向江春寂  
寂古碑無字草芊芊東風日暮吹芳芷落日山深哭  
杜鵑猶似含顰望巡狩九嶷愁黛隔湘川

蘇武廟

溫庭筠

蘇武魂銷漢使前古祠高樹兩茫然雲邊鴈斷胡天  
月隴上羊歸塞草烟回日樓臺非甲帳去時冠劍是  
丁年茂陵不見封侯印空向秋波哭逝川

武侯廟

杜甫

遺廟丹青落空山草木長猶聞辭後主不復臥南陽

諸葛廟

杜甫

久遊巴子國屢入武侯祠竹日斜虛寢溪風滿薄帷  
君臣當共濟賢聖亦同時翊戴歸先主并吞更出師  
蟲蛇穿畫壁巫覡醉蛛絲歛憶吟梁父躬耕起未遲

上崔卿請修武侯廟

杜甫

大賢爲政卽多聞刺史眞符不必分尚有西郊諸葛  
廟卧龍無首對江濱

諸葛武侯廟

章孝標

木牛零落陣圖殘山燒燒錢古柏寒十縱七擒何處  
在茅花灑葉蓋神壇

張惡子廟

李商隱

下馬捧椒漿迎神白玉堂如何鐵如意獨自與姚萇

謁梓潼張惡子廟

王鐸

盛唐聖主解青萍欲振新封濟順名夜雨龍拋三尺  
匣青雲鳳入九重城劍明喜氣隨龍動玉壘韶光待  
賊平

和王鐸謁梓潼張惡子

蕭遇

青骨祀吳誰讓德紫華居越亦知名未聞一劍傳唐  
主長擁千山護蜀城斬馬威稜應掃蕩截蛟鋒刃俟  
昇平鄧侯爲國新簫鼓堂上神籌更布兵

唐詩類苑卷之二百八十

十五

題尉遲將軍新廟

高適

周室旣版蕩賊臣立嬰兒將軍獨激昂誓欲酬恩私  
孤城日無援高節終可悲家國共淪亡精魂空在斯  
沈沈積冤氣寂寂無人知良牧懷深仁與君建明祠  
父子俱血食軒車每逶迤我來薦蘋蘩感嘆興此詞  
晨光上階闥殺氣翻旌旗明明幽冥理至誠信莫欺  
唯失二千石多慶方自茲

題衛將軍廟

并序

許渾

將軍名逃陽美人少習詩書學弓劍有武畧二十  
七游并汾間遇神堯皇帝始建義旗逃以勇藝進



備行外洎擒寶建德巡時挾槍馬前突後翼太宗  
顧而奇之天下既定錄其功拜右軍宿衛以母老  
病且乞歸侍殘年辭旨哀激上許之既而以孝敬  
睦閭門以忠信居鄉里及卒邑人懷其賢廟宇荆  
溪之洞以平生弓甲懸東西廡下歲時祠祭頗福  
其土焉文士王叔買碑辭實詳備惜乎國史闕書  
其人因題是詩于廟壁

武牢關下護龍旗挾梁一作轡弓馬上飛漢業未興

王霸在秦軍纔散曾連歸墳穿大澤埋金劍廟枕長  
溪挂鐵衣欲奠忠魂何處問葦花楓葉雨霏霏

唐詩類苑 卷之三百十 十六

登樂遊廟作 元稹

高原出東城鬱鬱見咸陽上有千載事乃自漢宣皇  
額壚久凌遲陳迹翳丘荒春草雖復綠驚風但飄揚  
周覽京城內雙闕起中央微鐘何處來暮色忽蒼蒼  
歌吹喧萬井車馬塞康莊昔人豈不爾百世同一傷  
歸當守冲漠跡寓心自忘

北嶽廟 賈島

天地有五嶽恒嶽居其北巖巒疊萬重詭怪浩難測  
人來不敢入祠宇白日黑有時起霖雨一灑天地德  
神兮安在哉永康我王國

觀北蕃謁廟 王卓

肅肅層城裏巍巍祖廟清聖恩覃布護異域獻精誠  
冠蓋分行列戎夷辨姓名禮中齊百拜心挈盡忠冥  
瑞氣千重色簫韶九奏聲仗移迎日轉旆動逐風輕  
休運威儀盛豐年俎豆盈不堪慙頌德此空簪纓

同蕭鍊師宿太乙廟 李益

微月空山曙春祠謁少君落花壇上拂流水洞中聞  
酒引芝童奠香餘桂子焚鶴飛將羽節遙向赤城分

題蕭山廟 溫庭筠

故道木陰濃荒祠山影東杉松一庭雨幡蓋滿堂風

唐詩類苑 卷之三百十 十七

容莫曉莎濕馬嘶秋廟空夜深池上歇龍入古潭中  
謁衡岳廟遂宿岳寺題門樓 韓愈

五嶽祭秩皆三公四方環鎮嵩當中火維地荒足妖  
怪天假神柄專其雄噴雲泄霧藏半腹雖有絕頂誰  
能窮我來正逢秋雨節陰氣晦昧無清風潛心默禱  
若有應豈非正直能感通須臾靜掃衆峰出仰見突  
兀撐青空紫蓋連延接天柱石廩騰擲堆祝融森然  
魄動下馬拜松栢一逕趨靈宮粉墻丹桂動光彩鬼  
物圖畫填青紅升階僂僂薦脯酒欲以菲薄明其衷

廟令老人識神意睢盱偵丑鄭何能鞠躬手持杯玳  
導我擲云此最吉餘難同寬遂蠻荒幸不死衣食纔  
足甘長終侯王將相望久絕神緲欲福難爲功夜投  
佛寺上高閣星月掄映雲腫臃倏鳴鐘動不知曙杲  
暝寒日出於東

旌儒廟

許渾

寒谷陰風萬古悲儒冠相枕死秦時廟前亦有商山  
路不學老翁歌紫芝

青山廟

羅隱

市簫聲咽跡崎嶇雪耻酬恩此丈夫伯主兩忘時亦  
唐詩類苑 卷之百八十 太一  
異不知魂魄更歸無

題木蘭廟

杜牧

纓帶征戰作男兒夢裏曾經與畫眉幾度思歸還把  
酒拂雲堆上祝明妃

華山廟

張籍

金天廟下西京道巫女紛紛走似烟手把紙錢迎過  
客遺求恩福到神前

竹郎廟

薛濤

竹郎廟前多古木夕陽沈沈山更綠何處江村有笛  
聲笛聲盡是迎郎曲

華山南廟

李益

陰山臨古道古廟閉山碧落日春草中塞芳薦瑤席  
明靈達精意髣髴如不隔巖雨神降時回颺入松栢  
常聞坑儒後此地返秦壁自古害忠良神其輔宗祏

題潁源廟

韋莊

曾是巢由棲隱地百川唯說潁源清微波乍向雲根  
出去浪遙衝雪嶂橫萬木倚簷疎幹直群峰當戶曉  
嵐晴臨川試問堯年事猶被封人勸濯纓

衡陽泊木居士廟下作

羅隱

鳥噪殘陽草滿庭此中枯木似人形只應水物長爲  
唐詩類苑 卷之百八十 九  
主未必浮槎卽有靈八月風波飄不去四時黍稷薦  
惟馨南朝庾信無因賦牢落祠前水氣腥

雨後過華岳廟

李山甫

華山黑影霄崔嵬金天門未開雨淋鬼火滅不  
滅風送神香來不來墻外素錢飄似雪殿前陰栢吼  
如雷知君暗宰人間事休把蒼生夢裏裁

題濮廟

曹鄴

曉祭瑤齋夜扣鐘鼇頭風起浪重重人間直有仙桃  
種海上應無肉馬蹤赤水夢沈迷象罔玄珠思斷泣  
芙蓉不知皇帝三宮駐始向人間尋夢蹤

后土廟

羅隱

四海兵戈尚未寧始於雲水學儀刑九天玄女猶無  
勝后土夫人豈有靈一帶好雲侵鬢綠兩層危岫拂  
眉青韋郎年少知何在端坐思君太白經

耒陽縣浮山神廟

韋莊

一郡皆傳此廟靈廟前松桂古今青山曾竟代浮洪  
水地有唐臣莫綠醺遙坐香風吹寶蓋傍簷烟雨濕  
巖扃爲霖自可成農歲何用與師遠伐邢

題敬亭山廟

劉滄

森森古木列巖隈迴壓寒原霽色開雲雨卽從山上  
唐詩類苑 卷之百八十一 十一

起風雷多向廟中來三江入海聲長在雙鶴啼天影  
未迴花落空庭春晝晚石牀松殿滿青苔

經故太尉段公廟

許渾

徒想追兵緩翠華古碑荒廟閉松花紀生不向榮陽  
死豈有山河屬漢家

唐詩類苑卷第一百八十一

明雲間張之象玄超甫

雲間杜士基彥恭甫編次

雲間王微叔朗甫補訂

梁谿曹仁孫伯安甫校正

祠廟部

廟

過老子廟

玄宗

仙居懷聖德靈廟肅神心草合人蹤斷塵濃鳥迹深  
流沙丹竈沒關路紫煙沈獨傷千載後空餘松栢林  
唐詩類苑 卷之百八十一 十一

冬日洛城謁玄元皇帝廟

杜甫

天寶初玄元皇帝降丹鳳門之通衢告錫靈符在  
尹喜之故宅上遣使得之乃置玄元廟於天寧坊  
二年追尊大聖祖玄元皇帝仍詔天下建紫極宮  
配極玄都闕憑高禁籙長守祧嚴具禮掌節鎮非常  
碧瓦初寒外金莖一氣傍山河扶繡戶日月近雕梁  
仙李盤根大猗蘭奕葉光世家遺舊史道德付今王  
畫手看前輩吳生遠擅場森羅移地軸妙絕動官牆  
五聖聯龍袞千官列鴈行冕旒俱秀發旌旆盡飛揚  
翠陌深留景紅渠迴得霜風等吹玉柱露井凍銀牀

身退卑周室經傳拱漢皇谷神如不死養拙更何忙

### 登玄元廟

皇甫冉

古廟川原迴重門禁籙連海童紛翠蓋羽客事瓊筵  
御路分疎柳離宮出苑田興新無向背望久辨山川  
物外將遺老區中誓絕緣至關若遠近紫氣獨依然  
夕遊覆釜山道士觀因登玄元廟

錢起

冥搜過物表洞府次溪傍已入瀛洲遠誰言仙路長  
孤煙出深竹道侶正焚香鳴磬愛山靜步虛宜夜涼  
仍同象帝廟更上紫霞岡霽月懸琪樹明星映碧堂

唐詩類苑

卷之百八十一

二

傾思丹竈術願采玉芝芳倘把浮丘袂乘雲別舊鄉

### 老君廟

溫庭筠

紫氣氤氳捧半巖蓮峯仙掌共嶢嶢廟前晚色連寒  
水天外斜陽帶遠帆百二關山扶玉座五千文字闕  
瑤緘自憐金骨無人識知有飛龜在石函

### 王子晉廟

白居易

子晉廟前山月明人聞往往夜吹笙鸞吟鳳唱聽無  
拍多似霓裳散序聲

### 題緱山王子晉廟

鄭畋

有昔靈王子吹笙遡沈寥六宮攀不住三島去迢迢

亡國原林古賓天歲月遙無蹤窺海曲有廟訪山

石帳龍蛇拱雲籠綵翠銷露壇裝琬琰真像寫松喬  
珠館青童宴琳宮阿母朝氣與仙女侍天馬吏兵調  
湘妓紅絲瑟秦郎白管簫西城要婢約南嶽命嬌嬈  
句曲觴金洞天台嘯石橋晚花珠弄藥春茹玉生苗  
二景神光秘三元寶錄饒露垂鸚鵡翅髮水束虎章腰  
鶴馭爭銜箭龍奴合獻綃衣從星渚浣丹就日官燒  
物外花常滿人間葉自彫望臺悲漢戾閭水笑梁昭  
古殿香殘地荒堦柳長條幾曾期七日無復降重霄  
嵩嶺連天漢伊瀾入海潮何由得真訣使我佩環搖

唐詩類苑

卷之百八十一

三

### 緱山廟

宋之問

王子賓仙去飄飄笙鶴飛徒聞滄海變不見白雲歸  
天路何其遠人間此會稀空歌日雲暮霜月漸微微

### 緱山廟

崔曙

遺廟肅陰陰孤峯映綠林步隨仙路遠意入道門深  
澗水流年月山雲變古今祇聞風竹裏猶有鳳笙音

### 緱山廟

許渾

王子求仙月滿臺玉笙清轉鶴徘徊曲終飛去不知  
處山下碧桃春自開

### 緱山上廟

玄宗

昔聞有耆叟河上獨遺榮跡與塵囂隔心將道德并  
詎以天地累寧爲寵辱驚矯然遡寥廓如何屈堅貞  
玄玄妙門啓肅肅祠宇清冥漠無先後那能紀姓名  
奉和聖製經河上公廟應制

張九齡

昔日河邊叟誰知隱與仙姓名終不識章句此空傳  
跡爲坐忘晦言猶強著詮精靈竟何所祠宇獨依然  
道在紆宸眷風行動憲篇從茲化天下清淨復何先

奉和聖製經河上公廟應制

蘇頌

唐詩類苑

卷之百八

四

河流無日夜河上有神仙輦路曾經此壇場卽宛然  
下疑成洞穴高若在空中煙善物遺方外和光繞道邊  
事因周史得言向漢王傳嘉屬膺期聖邦家業又玄  
奉和聖製經河上公廟應制

張說

河上無名老知非漢代人先探道德要畱待聖明辰  
玄妙爲天下清虛用谷神化將和氣一用與太初隣  
靈廟觀遺像仙歌入玉尊皇心齊萬物何處不同春

謁許由廟

錢起

故向箕山訪許由  
自清幽松上挂瓢枝幾

變石間洗耳水空流綠苔見遮三徑青史空傳謫  
九州緬想古人增嘆惜颯然雲樹滿巖秋

泰伯廟

皮日休

一朝爭祠兩讓君幾千年後轉清氛當時盡解稱高  
義誰敢教他莽卓聞

奉和泰伯廟

陸龜蒙

故國城荒德未荒年年椒奠濕中堂邇來父子爭天  
下不信人間有讓王

登首陽山謁夷齊廟

李頎

唐詩類苑

卷之百八

五

古人已不見喬木竟誰過寂寞首陽山白雲空復多  
蒼苔歸地骨皓首採薇歌畢命無怨色成仁其若何  
我來入遺廟時候微清和落日弔山鬼天風吹女蘿  
石門正西豁引領望黃河千里一飛鳥孤光東逝波  
驅車層城路惆悵此巖阿

題伯夷廟

盧綸

中條山下黃礪石壘作夷齊廟裏神落葉滿堦塵滿  
座不知澆酒是何人

三閭廟

戴叔倫

沅湘流不盡屈子怨何深日暮秋風起蕭蕭楓樹林

屈原廟

崔塗

讓勝禍難防沈寃信可傷本圖安楚國不是怨懷王  
廟古碑無字洲晴蕙有香獨醒人尚笑誰與奠椒漿

四皓廟

元稹

巢由昔避世堯舜不得臣伊呂雖急病湯武乃可君  
四賢胡爲者千載名氛氲顯晦有遺跡前後疑不論  
秦政虐天下黷武窮生民諸侯戰必死壯士眉亦頰  
張良韓孺子椎碎屬車輪遂令英雄意日夜思報秦  
先生相將去不復嬰世塵雲卷在孤岫龍潛爲小鱗  
秦皇轉無道諫者鼎鑊親茅焦脫衣諫先生無一言  
趙高殺二世先生如不聞劉項取天下先生游白雲

唐詩類苑

卷之百八十一

六

海內八年戰先生全一身漢業日已定先生名亦振  
不得爲濟世宜哉爲隱淪如何一朝起屈作儲貳賓  
安存孝惠帝摧頌戚夫人捨大以謀細虬盤而螭伸  
惠帝競不嗣呂氏禍有因雖懷安劉志未若周與陳  
皆落子房術先生道何屯出處貴明白故吾今有云

答四皓廟

白居易

天下有道見無道卷懷之此乃聖人語吾聞諸仲尼  
矯矯四先生同稟希世資隨時有顯晦東道無磷緇  
秦皇肆暴虐二世構亂離先生相隨去商嶺采紫芝  
君看秦獄中戮辱者李斯劉項爭天下謀臣竟悅隨

先生如鸞鶴去入冥冥飛君看齊鼎中焦爛者  
子房得沛公自謂相遇遲八難掉舌樞三略役心機  
辛苦十數年晝夜形神疲竟雜霸者道徒稱帝者師  
子房爾則能此非吾所宜漢高之季年嬖寵鍾所私  
家嫡欲廢奪骨肉相憂疑豈無子房口舌無所施  
亦有陳平心計將何爲皤皤四先生高冠危映眉  
從容下南山顧盼入東闕前瞻惠太子左右生羽儀  
却顧戚夫人楚舞無光輝心不畫一計口不吐一詞  
暗定天下本遂安劉氏危子房吾則能此非爾所知  
先生道既光太子禮甚畢安車留不住功成棄如遺

唐詩類苑

卷之百八十一

七

如彼旱天雲一雨百穀滋澤則在天下雲復歸希夷  
勿高巢與由勿尚呂與伊巢由往不返伊呂去不歸  
豈如四先生出處兩逶迤何必長隱逸何必長濟時  
由來聖人道無朕不可窺卷之不盈握舒之亘八陲  
先生道甚明夫子猶或非願子辨其惑爲子吟此詩

過四皓廟

李頻

東西南北人高跡自相親天下已歸漢山中猶避秦  
龍樓曾作客鶴氅不爲臣獨有千年後青青廟木春  
四皓廟  
李商隱  
本爲留侯慕赤松漢庭方計之翁蕭何只解追韓

信豈得虛當第一功

四皓廟

羅隱

漢惠秦皇事已聞  
廟前高大眼前雲  
楚王謾費關心力  
六里青山盡屬君

四皓廟

李商隱

羽翼殊勲棄若遺  
皇天有運我無時  
廟前便接山門路  
不長青松長紫芝

題四皓廟

白居易

避逃秦亂起安劉  
舒卷如雲得自由  
若有精靈應笑我  
不成一事謫江州

唐詩類苑

卷之百八十一

八

題商山四皓廟

杜牧

呂氏強梁嗣子柔  
我於天性豈恩讐  
南軍不袒左邊袖  
四老安劉是滅劉

四皓廟

許渾

桂香松暖廟門開  
獨瀉椒漿奠一杯  
秦法欲興鴻已去  
漢儲將廢鳳還來  
紫芝翳翳多青草  
白石蒼蒼半綠苔  
山下驛塵南竄路  
不知冠蓋幾人回

題四皓廟

劉滄

石壁蒼苔翠靄濃  
驅車商洛想遺踪  
天高猿叫向山月  
露下鶴聲來廟松  
葉隨陰巖疎蒨  
荔池經秋雨老

芙蓉雪髯仙侶何深隱  
千古寂寥雲水重

重經四皓廟二首

許渾

峩峩商嶺採芝人  
雪頂霜髯虎豹茵  
山酒一壺歌一曲  
漢家天子忌功臣

避秦安漢出藍關  
松桂花陰滿舊山  
自是無人有歸意  
白雲長在水潺潺

意白雲長在水潺潺

題娥皇廟

朱慶餘

娥皇揮涕處東望九疑天  
往事難重問孤峯尚慘然  
夜深寒峒響秋近  
碧蘿鮮未省明君意  
遺踪萬古傳

湘妃廟

僧齊已

唐詩類苑

卷之百八十一

九

湘煙濛濛湘水急  
汀露凝紅裊蓮濕  
蒼梧雲疊九疑深  
二女魂飛江上立  
相攜泣鳳蓋  
龍輿追不及  
廟荒松朽啼飛猩  
笏迸出堦基  
傾黃昏一片陰  
風起新月如眉生  
闊水

湘妃廟

唐彥謙

劉表荒碑斷水濱  
廟前幽草閉殘春  
已將怨淚畱斑竹  
又感悲風入白蘋  
八族未來誰北拱  
四凶猶在莫南巡  
九峯相似堪疑處  
望見蒼梧不見人

二妃廟送裴侍御使桂陽

李頎

沅上秋草晚蒼蒼  
堯女祠無人見  
精魄萬古寒懷悲

二妃廟送裴侍御使桂陽

李頎

沅上秋草晚蒼蒼  
堯女祠無人見  
精魄萬古寒懷悲



桂水身沒後椒漿神降時回雲迎赤豹聚雨颯文  
受命出炎海焚香徵楚詞乘驄感遺跡一弔清川湄

過二妃廟

崔塗

殘陽楚水畔獨弔舜時人不及廟前草至今江上春

二妃廟

帝舜南巡去不還二妃幽怨水雲間當時珠淚垂多

少直到如今竹尚斑

華嶽下題西王母廟

李商隱

神仙有分豈關情八馬虛追落日行莫恨名姬中夜

沒君王猶自不長生

唐詩類苑

卷之二百八十一

十

題王母廟

劉滄

寂寥珠翠想遺聲門掩煙微水殿清拂曙紫霞生古

壁何年絳節下層城鶴歸遼海春光晚花落閑堦夕

雨晴武帝無名在仙籍玉壇星月夜空明

巫山神女廟

溫庭筠

黯黯閉宮殿霏霏蔭薜蘿曉峯眉上色春水臉前波

古樹芳菲盡扁舟離恨多一叢斑竹夜環珮響如何

巫山廟

崔塗

雙黛儼如嚔應傷故國春江山非舊主雲雨是前身

夢覺傳詞客靈猶福楚人不知千載後何處又爲神

謁巫山廟

薛濤

亂猿啼處訪高唐路入煙霞草木香山色未能忘宋

玉水聲猶似哭襄王朝朝夜夜陽臺下爲雨爲雲楚

國亡惆悵廟前多少柳春來空鬪畫眉長

謁蔣帝廟

韋莊

建業城邊蔣帝祠素髯青骨舊風姿江聲似激秦軍

破山勢如匡晉祚危殘雪嶺頭明組練晚霞簷外簇

旌旗金陵客路方流落空祝迴鑾奠酒卮

蘭香神女廟

李賀

古春年年在閑綠搖暖雲松香飛晚翠柳渚含日昏

唐詩類苑

卷之二百八十一

十一

沙砲落紅滿石泉生水芹幽篁盡新粉蛾綠橫曉門

弱蕙不勝露山秀愁空春舞珮剪鸞翼帳帶塗輕銀

蘭桂吹濃香菱藕長莘莘看雨逢瑤姬乘船值江君

吹簫飲酒醉結綬金絲裙走天呵白鹿遊水鞭錦鱗

密髮虛鬟飛膩頰凝花勻團鬢分蛛巢穠眉籠小脣

弄蝶和輕妍風光怯腰身深闌金鴨冷奩鏡幽鳳塵

踏露乘風歸撼玉山上門

題聖女廟

張祐

古廟無人入蒼皮澀老桐蟻行蟬殼上蛇竄雀巢中

淺水孤舟泊輕塵一座蒙晚來雲雨去荒草是殘風

題女郎廟

曹鄴

數點香煙出廟門，女蛾飛去影終存。  
年年嶺上春無盡，主露泣花愁斷魂。

題舒女廟

許渾

山樂來迎去不言，廟前高柳水禽喧。  
綺羅無色雨侵帳，珠翠有聲風繞幡。  
粧鏡尚疑山月滿，寢屏猶認野花繁。  
孤舟夢斷行雲散，何限離心寄曉猿。

浣紗廟

魚玄機

吳越相謀計策多，浣紗神女相和。  
一雙笑靨才回面，十萬精兵盡倒戈。  
范蠡功成身隱遁，伍胥諫死國

唐詩類苑

卷之二百八十一

十三

消磨只今諸暨長江畔，空有青山號苧蘿。

息夫人廟

羅隱

百雉摧殘連野青，廟門猶見昔朝廷。  
一生雖抱楚王恨，千載終爲息地靈。  
蟲網罥髮終縹緲，風吹寶瑟助微冥。  
玉顏渾似羞來客，依舊無言照畫屏。

聽王氏子話歸州昭君廟

李遠

獻之閑坐說歸州，曾到昭君廟裏遊。  
自古行人多怨恨，至今鄉土盡風流。  
泉如珠淚侵苔滴，花似紅粧滿岸愁。  
河畔猶殘翠眉樣，有時新月傍簾鉤。

過桃花夫人廟

李遠

寂寞應千歲，桃花想一枝。  
路人看古木，江月向空祠。  
雲雨飛何處，山川是舊時。  
獨憐春草色，猶似憶佳期。

題桃花夫人廟

卽息夫人

杜牧

細腰宮裏露桃新，脉脉無言度幾春。  
至竟息亡緣底事，可憐金谷墮樓人。

神

明神

李商隱

明神司過豈今寃，暗室由來有禍門。  
莫爲無人欺一物，他時須慮石能言。

贈勾芒神

李商隱

唐詩類苑

卷之二百八十一

十三

佳期不定春期賒，春物天關與咨嗟。  
願得勾芒索青女，不教容易損年華。

瀟湘神二首

劉禹錫

湘水流，湘水流，九疑雲物至今愁。  
君問二妃何處所，零陵香草露中秋。

斑竹枝，斑竹枝，淚痕點點寄相思。  
楚客欲聽瑤瑟怨，瀟湘深夜月明時。

題木居士二首

韓愈

火透波穿不计春，根如頭面幹如身。  
偶然題作木居士，便有無窮求福人。

爲神詎比溝中斷遇賞還同爨下餘朽蠹不勝刀鋸  
力匠人雕巧欲何如

迎神

李建勳

欄蠻鬪吟寒笛女巫結束分行立空中再拜神且來  
滿奠椒漿齊獻揖陰風窸窣吹紙錢妖巫瞑目傳神  
言與君降福爲豐年莫教賽祀虧常筵

賽神

元稹

楚俗不事事巫風事妖神事妖結妖社不問疎與親  
年年十月暮珠稻欲垂新家家不斂穫賽妖無富貧  
殺牛買官酒椎鼓集頑民喧闐里閭隘兇酗日夜頻

唐詩類苑

卷之二百八

古

歲暮雪霜至稻珠隨隴湮吏來官稅迫求質倍稱緡  
貧者日銷鑠富亦無倉困不謂事神苦自言誠不真  
岳陽賢刺史念此爲俗屯未可一朝去俾之爲等倫  
麤許存習俗不得呼黨人但許一日澤不得月與旬  
吾聞國僑理三年名乃振巫風燎久原未必憐徒薪  
我來歌此事非獨歌政仁此事四隣有亦欲聞四隣

賽神

元稹

村落事妖神林木大如村事來三十載巫覡傳子孫  
村中四時祭殺盡雞與豚主人不堪命積燎曾欲燔  
旋風天地轉急雨江河翻採薪持斧者棄斧縱橫奔

山深多掩映僅免鯨鯢吞主人集隣里各各持酒樽

廟中再三拜願得禾稼存去年大巫死小覲又妖言

邑中神明宰有意効西門焚除計未決向者迭乘軒

廟深荆棘厚但見狐兔蹲巫言小神變可驗牛馬蕃

邑吏齊進說幸勿禍鄉原踰年計不定懸聽良亦煩

涉夏祭時至因令修四垣憂虞神憤慨玉帛意彌敦

我來神廟下簫鼓正喧喧因言遣妖術滅絕由本根

主人中罷舞許我重疊論蚌蟬生濕處鷗鴉集黃昏

主人邪心起氣焰日夜繁狐狸得蹊徑潛穴主人園

腥臊襲左右然後託丘樊歲深樹成就曲直可輪轅

唐詩類苑

卷之二百八

古

幽妖盡依倚萬怪之所屯主人一心好四面無籬藩

命樵執斤斧怪木寧遽斃主人且傾聽再爲諭清渾

阿膠在末派罔象游上源靈藥逡巡盡黑波朝夕噴

神龍厭流濁先伐鼉與鼃鼃鼃在龍穴妖氣常鬱溫

主人惡淫祀去去邪與悒悒邪中人意盡禍蝕精魂

德勝妖不作勢強威亦尊計窮然後賽後賽復何恩

夜聞江南賽神卽事

李嘉祐

南方淫祀古風俗楚姬能唱迎神曲銓銓鉦鼓蘆葉  
深寂寂瓊筵江上綠雨過風清洲渚閑椒漿醺盡神  
欲還帝女凌空下湘岸舊君隔浦向堯山月照團塘

猶自舞一門依倚神之祐韓康靈藥不復求扁鵲醫  
方曾莫親逐客臨江空自悲月明流水無已時聽此  
迎神送神曲攜觴欲弔屈原祠

賽神

白布長衫紫領巾差科未動是閑人麥苗含穗桑生  
椹共向田頭樂社神

陽山廟賽神

梁松南征至此遂  
為其神在朗州

劉禹錫

漢家都尉舊征蠻血食如今配此山曲蓋幽深蒼檜  
下洞簫愁絕翠屏間荆巫脉脉傳神語野老

唐詩類苑卷之三百一十一  
日暮風生廟門外幾人連蹋竹歌還

唐詩類苑卷第一百八十二

明雲間張之象玄超甫纂輯

雲間杜士基彥恭甫編次

雲間王微叔朗甫補訂

梁谿曹仁孫伯安甫校正

產業部

農

贈農人

孟郊

勸爾勤耕田盈爾倉中粟勸爾伐桑株減爾身上服  
清霜一委地萬草色不綠狂飈一入林萬葉不著木

唐詩類苑卷之百八十一

青春如不耕何以自結束

富農詩并序

于漬

漬寓居堯山南六十里有富農得氏琅琊人指  
其貌此多藏者也積粟萬庾馬牛無算血屬星居  
於里土生不遺死不贈環顧妻孥意與天地等故  
作是詩用廣知者

長聞鄉人語此家勝良賈骨肉化饑魂倉中有飽鼠  
青黃滿桑柘旦夕鳴機杼秋風一夜來累累聞砧杵  
西隣有原憲蓬蒿遶環堵自樂固窮心天意在何處  
當門見稚子已作桑田主安得四海中盡為虞芮土

爲農

杜甫

錦里煙塵外江村八九家圓荷浮小葉細麥落輕花  
卜宅從茲老爲農去國賒遠慚勾漏令不得問丹砂

南溪春耕

錢起

荷簑趣南徑戴勝鳴條枝溪雨有餘潤土膏寧厭開  
溝塍落花盡耒耜度雲迴誰道耦耕倦仍兼勝賞催  
日長農有暇悔不帶經來

過山農家

顧況

板橋人渡泉聲茅簷日午雞鳴莫嗔焙茶煙暗却喜  
曬穀天晴

唐詩類苑

卷之二百八十二

首春逢耕者

柳宗元

南楚春候早餘寒已滋榮土膏釋原野百蟄競所營  
綴景未及郊穡人耒耨耕園林幽鳥囀渚澤新泉清  
農事誠素務鶻囚阻平生故池想蕪沒遺畝當榛荆  
慕隱既有繁圖功遂無成聊從田父言款曲陳此情  
眷然撫耒耜迴首煙雲橫

南澗耕叟

崔塗

年年南澗濱力盡志猶存雨雪朝耕苦桑麻歲計貧  
戰添丁壯役老憶太平春見說經荒後田園半屬人

山耕叟

韋應物

蕭蕭垂白髮點點知情獨放寒林燒多尋虎  
暮歸何處宿來此空山耕

女耕田行

戴叔倫

乳燕入巢笋成竹誰家二女種新穀無人無牛不及  
犁持刀斫地翻作泥自言家貧母年老長兄從軍未  
娶嫂去年災疫牛困空截絹買刀都市中頭巾掩面  
畏人識以刀代牛誰與同姊妹相攜心正苦不見路  
人唯見土疏通畦隴防亂田整頓溝塍待時雨日正  
南岡下餉歸可憐朝雉擾驚飛東隣西舍花發盡共  
惜餘芳淚滿衣

唐詩類苑

卷之二百八十三

畬田作

劉禹錫

何處好畬田團團縵山腹鑽龜得兩卦上山燒卧木  
驚麋走且顧群雉聲咿嚶紅焰遠成霞輕燦飛入郭  
風引土高岑獵獵度青林青林望靡靡赤光低復起  
照潭出老蛟爆竹驚山鬼夜色不見山孤明星漢間  
如星復如月俱逐曉風滅木從敲石光遂至烘天熱  
下種暖灰中乘陽坼牙孽蒼蒼一雨後蒼頡如雲發  
巴人拱手吟耕耨不關心由來得地勢徑寸有餘金

南山田中行

李賀

秋野明秋風白澗水清淺蟲噴噴雲根苔蘚山上石

冷紅泣露嬌啼色荒畦九月稻又牙蟄螢低飛  
斜石脉水流泉滴沙鬼燈如漆點松花

奉和聖製至長春宮登樓觀稼穡之作

蘇頌

帝迹奚其遠皇符之所崇敬時堯務作盡力禹稱功  
赫赫惟元后經營自左馮變蕪稂稻實流惡水泉通  
國阜猶前豹人疲詎昔熊黃圖巡沃野清吹入離宮  
是閱京坻富仍觀都邑雄憑軒一何綺積溜瀉晴空  
禮節家安外和平俗在中見龍垂渭北辭鴈指河東  
睿思方居鎬宸遊若飲豐寧誇子雲從祗爲獵扶風

唐詩類苑

卷之二百八十二

四

觀稼

白居易

世役不我牽身心常自若晚出看田畝閑行旁埃席  
村家何所有茶果迎來客貧靜似僧居竹林依四壁  
厨燈斜影出簷雨餘聲滴不是愛閑人肯來同此夕

與諸公同出城觀稼

白居易

老尹醉醺醺來隨少年群不憂頭似雪但喜稼如雲  
歲望千倉積秋憐五穀分何人知帝力堯舜正爲君  
秋日與冷然上人寺莊觀稼

費冠卿

世人從擾擾獨自愛身閑美景當新霽遠僧過遠山

村橋出秋稼空翠澄灣唯有中秋犬猶應望我

秋行官張望督促東渚耗稻向畢清晨遣女

奴阿稽豎子阿段往問杜甫

東渚雨今足佇聞粳稻香上天無偏頗蒲稗各自長  
人情見非類田家戒其荒功夫競撝擻除草置岸傍  
穀者命之本客居安可忘青春具所務勤墾免亂常  
吳牛力容易並驅動莫當豐苗亦已概雲水照方塘  
有生圖蔓延靜一資隄防督領不無人提攜頗在綱  
荆楊風土暖肅肅候微霜尚恐主守疎用心未甚臧  
清朝遣婢僕寄語踰崇岡西成聚必散不獨陵我倉

唐詩類苑

卷之二百八十三

五

豈要仁里譽感此亂世忙北風吹兼葭蟋蟀近中堂  
荏苒百工休鬱紆遲暮傷

行官張望補稻畦水歸

杜甫

東屯大江北百頃平若案六月青稻多千畦碧泉亂  
痛袂適云已引溜加溉灌更僕往方塘決渠當斷岸  
公私各地著浸潤無天旱主守問家臣分明見溪畔  
芊芊炯翠羽剌刺生銀漢鷗鳥鏡裏來關山雪邊看  
秋菰成黑米精鑿傳白粲玉粒足晨炊紅鮮任霞散  
終然添旅食作苦期壯觀遺穗及衆多我倉戒滋蔓

茅堂檢校收稻二首

杜甫

香稻三秋末平田百頃間喜無多屋宇幸不礙雲  
御袂侵寒氣嘗新破旅顏紅鮮終日有玉粒未吾慙

二

稻米炊能白秋葵煮復新誰云滑易飽老藉軟俱勻  
種幸房州熟苗同伊闕春無勞映渠益自有色如銀

刈稻了詠懷

杜甫

稻穫空雲水川平對石門寒風疎草木旭日散雞豚  
野哭初聞戰樵歌稍出村無家問消息作客信乾坤

西明寺威公盆池新稻

唐彥謙

爲笑江南種稻時露蟬鳴後雨霏霏蓮盆積潤分畦

唐詩類苑

卷之百八十二

六

小藻井垂陰擢秀稀得地又生金衆界結根仍對水  
因衣支分尚有三吳思更使幽人憶釣磯

觀刈麥

時爲藍屋縣尉

白居易

田家少閑月五月人倍忙夜來南風起小麥覆隴黃  
婦姑荷簞食童稚攜壺漿相隨餉田去丁壯在南岡  
足蒸暑吐氣背灼炎天光力盡不知熱但惜夏日長  
復有貧婦人抱子在其傍右手秉遺穗左臂懸弊筐  
聽其相顧言聞者爲悲傷家田輸稅盡拾此充饑腸  
今我何功德曾不事農桑吏祿三百石歲晏有餘糧  
念此私自愧盡日不能忘

納粟

白居易

有吏夜扣門高聲催納粟家人不待曉場上張燈燭  
揚簸淨如珠一車三十斛猶憂納不中鞭責及僮僕  
昔余謬從事內愧才不足連投四命官坐尸十年祿  
常聞古人語損益周必復今日諒甘心還他太倉穀

野老歌一作山農詞

張籍

老翁家貧在山住耕種山田三四畝苗疎稅多不得  
食輸入官倉化爲土歲暮鋤犂倚空室呼兒登山收  
橡實西江賈客珠百斛船中養犬長食肉

題田洗馬遊巖桔槔

陳子昂

唐詩類苑

卷之百八十二

七

遊巖永徽時補太學生罷歸入太白山長史李安  
期表其才召赴京師及汝辭疾又入箕山自造桔  
槔治農居許由祠旁號東隣頻召不出高宗幸嵩

山親至其門自書榜其門曰隱士田遊巖宅

望遠長爲客商山遂不歸誰憐北陵客永息漢陰機

杜甫

佐遷山後寄二首  
白露黃梁熟分張素有期已應春得細曠曠寄來遲  
味豈同金菊香宜配綠葵老人他日愛正想滑流匙

二

幾道泉澆圃交橫落幔坡葳蕤秋葉急映野雲多



隔沼連香艾通林帶女蘿甚聞霜薤白重惠意如何

漫歌八曲 有序

元結

壬寅中漫叟得免職事漫家樊上修耕釣以自資  
作漫歌八曲與縣大夫孟士源欲士源倡而和之

故城東

漫惜故城東良田野草生說向縣大夫大夫勸我耕  
耕者我爲先耕者相次焉誰愛故城東今爲近郭田

西陽城

江北有大洲洲上堪力耕此中宜五穀不及西陽城  
城畔多野桑城中多古荒衣食可力求此外何所望

唐詩類苑

卷之百八十一

八

大回中

樊水飲東流大江又北來樊山當其南此中爲大回  
回中魚好遊回中多釣舟漫欲作漁人終焉無所求

小回中

叢石橫大江人言是釣臺水石相衝激此中爲小回  
回中浪不惡沒在武昌郭來客去客船皆向此中泊

將牛何處去二首

將牛何處去耕彼故城東相伴有田夫相歡惟牧童

二

將牛何處去耕彼西陽城叔閑修農具直者什我耕

將船何處去二首

將船何處去釣彼大回中叔靜能鼓橈正者隨弱翁

二

將船何處去送客小回南有時逢惡客還家亦少酣

賈

賈客

蘇拯

長帆挂短舟所願疾如箭得喪一驚飄生死無良賤  
不謂天不祐自是人苟惠嘗言海利深利深不如淺

賈客詞

并序

劉禹錫

五方之賈以財相雄而鹽賈猶熾或曰賈雄則農

唐詩類苑

卷之百八十一

九

傷予感之作是詩

賈客無定遊所遊唯利并眩俗雜良苦乘時取重輕  
心計析秋毫搖鈎倖懸衡錐刀既無棄轉化日已盈

徼福禱波神施財遊化城妻約雕金釧女垂貫珠纓  
高資比封君奇貨通倖卿趨時驚鳥思藏鏹盤龍形

大編浮通川高樓次旗亭行止皆有樂關梁自無征

農夫何爲者辛苦事寒耕

賈客樂

并序

李白

賈客樂齊武帝所製也帝布衣時嘗遊樊鄧登祚  
以後追憶往事而作歌使樂府令劉瑤管絃被之

教習卒遂無成有人啓釋寶月善解音帝使奏  
旬日之中便就諧合軟歌者重爲感憶之聲寶月  
又上兩曲帝數乘龍舟遊五城江中放觀以紅越  
布爲帆綠綵爲帆緯鋤石爲篙足篙榜者悉著鬱  
林布作淡黃襖列開使江中衣出五城殿猶在齊  
舞十六人梁八人唐書樂志曰梁改其名爲商旅  
行

海客乘天風將船遠行役譬如雲中鳥一去無蹤跡

賈客

黃滔

大舟有深利滄海無淺波利深波也深君意竟如何

唐詩類苑

卷之百八十二

十

鯨鯢齒上路何如少經過

賈客樂

元稹

賈客無住著有利身則行出門求火伴入戶辭父兄  
父兄相教示求利莫求名求名莫所避求利無不營  
火伴相勒縛賣假莫賣誠交關但交假本生得失輕  
自茲相將去誓死意不更亦解市頭語便無鄉里情  
鋤石打臂釧糯米吹項瓔歸來村中賣敲作金玉聲  
村中田舍娘貴賤不敢爭所費百必本已得十倍贏  
顏色轉光靜飲食亦甘馨子本頗蕃息貨販日兼并  
求珠駕滄海採珠上荆衡北買党項馬西擒吐蕃鸚

炎洲布火浣蜀地錦織成越婢脂肉滑奚僮眉眼明  
通算衣食費不計遠近程經遊天下遍却到長安城

城中東西市聞客次第近近客美說客多財爲勢傾  
客心本明黠聞語心已驚先問十常侍次求百公卿  
侯家與主第黠絕無不精歸來始安坐富與王者勅  
市卒醉肉臭縣胥家舍成豈唯絕言語奔走極使令  
大兒販材木巧識梁棟形小兒販鹽鹵不入州縣征  
一身偃市利突若截海鯨鉤距不敢下下則牙齒橫  
生爲賈客樂判爾樂一生爾又生兩子錢刀何歲平

賈客樂

張籍

唐詩類苑

卷之百八十二

十一

金陵向西賈客多船中生長樂風波欲發移船近江  
口船頭祭神各澆酒停杯共說遠行期入蜀經蠻誰  
別離金多衆中爲上客夜夜算緡眠獨遲秋江初月  
惺惺語孤帆夜發瀟湘渚水工持楫過暗灘直過山  
邊及前侶年年逐利西復東姓名不在縣籍中農夫  
稅多長辛苦棄業長爲販寶翁

反賈客樂

劉駕

無言賈客樂賈客多無墓行舟觸風浪盡入魚腹去  
農夫更苦辛所以羨爾身

織

織女辭

孟郊

夫是田中郎妾是田中女當年嫁得君爲君東行  
筋力日已疲不息牕下機如何織紉素自著藍縷衣  
官家榜村路更索栽桑樹

織素謠

于漬

貧女苦筋力繰絲夜夜織萬梭爲一素世重韓娥色  
五侯初買笑建章方落籍一曲古涼州六親長血食  
勸爾盡長眉學歌飽親戚

賦得中婦織流黃

虞世南

寒閨織素錦含怨斂雙蛾綜新交縷澀經脆斷絲多  
唐詩類苑 卷之三百八十二 十一

衣香逐舉袖釧動應鳴梭還恐裁縫罷無信達交河

鮫人潛織

珠館馮夷室靈鮫信所潛幽閑雲碧牖滉瀟水晶簾

機動龍梭躍絲繁藕綵添七襄牛女恨三日大人嫌

古樂府焦仲卿妻詩三 日織四五大人故嫌遲 透手擊吳練疑冰笑越縑無

因聽札札空想濯織織

織婦

蘇拯

伊余盡少女一種飾螭首徒能事機杼與之作歌舞  
歌舞片時閒黃金翻袖取祗看舞者樂豈念織者苦  
感此嘗憶古人言一婦不織天下寒

當廳織

王建

嘆息復嘆息園中有桑人食貧家女爲富家  
母隔牆不得力寒三溫絲脆斷續來續去心暗傷  
草蟲促促機下啼雨日催成一疋半輪官上頂不零  
落姑未得衣身不著當廳却羨青樓倡十指不動衣  
盈箱

織婦詞

元稹

織夫何太忙蠶經三卧行欲老蠶神女聖早成絲今  
年絲稅抽徵早早徵非是官人惡去歲官家事戎索  
征人戰苦東刀瘡主將勲高換羅幕線線織帛猶勞  
唐詩類苑 卷之三百八十二 十二

力變緝捺機苦難織東家頭白雙女兒爲解挑紋嫁  
不得 予採荆時目擊貢綾 戶有終老不嫁之女 簷前嫋嫋游絲上有蜘蛛巧來往羨他蟲豸解緣天能向虛空織羅網

織綾詞

章孝標

去年蠶惡綾帛貴官急無絲織紅淚殘經脆緯不通  
梭鵲鳳闌珊失頭尾今年蠶好綠白絲烏鮮花活人  
不知瑤臺雪裏鶴張翅禁苑風前梅折枝不學隣家  
婦憐嬌蛾描粉拭謾官眼

染絲上春機

李賀

玉甕汲水桐花井蒨絲流水如雲影美人頰態臙脂

愁春梭拋擲鳴高樓絲線結茸背復疊白袷玉郎寄  
桃葉爲君挑鸞作腰綬願君處處宜春雪

織婦

僧處默

蓬齋蓬門積恨多夜闌燈下不停梭成練猶自陪錢  
納未直青樓一曲歌

織錦婦

秦韜玉

桃花日日覓新奇有鏡何曾及畫眉祗恐輕梭難作  
匹豈辭纖手遍生胝合蟬巧間雙盤帶聯鴈斜街小  
折枝豪貴大堆曲徹可憐辛苦一絲絲

漁

唐詩類苑

卷之百八十一

古

漁父歌

李頎

白首何老人蓑笠蔽其身避世長不仕釣漁清江濱  
浦沙明濯足山月靜垂綸宿湍與瀨行歌秋復春  
持撈湘岸竹藝火蘆洲薪淥水飯香稻青荷苞紫鱗  
於中還自樂所欲全吾真而笑獨醒者臨流多苦辛

漁父

岑參

扁舟滄海叟心與滄海清不自道鄉里無人知姓名  
朝從灘上飯暮向蘆中宿歌竟還復歌手持一竿竹  
竿頭釣絲長丈餘鼓棹乘流無定居世人那得識深  
意此翁取適非取魚

漁父詞

儲光羲

澤魚多鳴水溪魚好上流漁梁不得意下渚潛垂釣  
亂荇時礙楫新蘆復隱舟靜言念終始安坐看沈浮  
素髮隨風揚遠心與雲遊逆浪還極浦信潮下滄洲  
非爲徇形役所樂在行休

藍田溪與漁者宿

錢起

獨遊屢忘歸況此隱淪處濯髮清冷泉月明不能去  
更憐垂綸叟靜若沙上鷺一輪白雲心千里滄洲趣  
蘆中夜火盡浦口秋山曙嘆息分枝禽何時更相遇

漁人

蘇拯

唐詩類苑

卷之百八十一

古

垂竿朝與暮披蓑復橫楫不問清平時自樂滄波業  
長年不得閑幾度避遊畋當笑釣臺上逃名名却傳

贈湘南漁父

劉長卿

問君何所適暮暮逢煙水獨與不繫舟往來楚雲裏  
釣魚非一歲終日只如此日落江清桂楫遲纖鱗百  
尺深可窺沈釣垂餌不在得白首滄浪空自知

問漁叟

徐凝

生事同萍梗機心在野船如何臨逝水白髮未忘筌

夜到漁家

張籍

漁家在江口潮水入柴扉行客欲投宿主人猶未歸

竹深村路遠月出釣船稀遙見尋沙岸春風動草衣

漁父

杜牧

白髮滄浪上全忘是與非秋潭垂釣去夜月叩船歸  
煙影侵蘆岸潮痕在竹扉終年狎鷗鳥來去且無機

宿漁家

劉威

竹屋清江上風煙四五家水園分芰葉隣界認蘆花  
雨到魚翻浪洲迴鳥傍沙月明何處去片片席帆斜

松江亭攜樂觀漁宴宿

白居易

震澤平蕪岸松江落葉波在官常夢想爲客始經過  
水面排簷網船頭簇綺羅朝盤鱸紅鯉夜燭舞青娥

唐詩類苑

卷之三百八十二

十六

鴈斷知風急潮平見月多繁絲與促管不解和漁歌

漁父歌

高適

曲岸深潭一山叟駐眼看釣不移手世人欲得知姓  
名良久問他不開口箴皮笠子荷葉衣心無所營守  
釣磯料得孤舟無定止日暮持竿何處歸

鮫人歌

李頎

鮫人潛織水底居側身上下隨遊魚輕綃文綵不可  
識夜夜澄波連月色有時寄宿來波濤海島青冥無  
極已泣珠報恩君莫辭今年相見明年始知萬族  
無不有百尺深泉架戶牖鳥沒空山誰復望一望雲

濤堪白首

觀打魚歌

杜甫

綿州江水之東津魴魚潑潑色勝銀漁人漾舟沈大  
網截江一擁數百鱗衆魚常才盡棄却赤鯉騰出如  
有神潛龍無聲老蛟怒迴風颯颯吹沙塵饗子左右  
揮霜刀鱸飛金盤白雪高徐州禿尾不足憶漢陰槎  
頭遠遁逃魴魚肥美知第一既飽歡娛亦蕭瑟君不  
見朝來割素馨咫尺波濤永相失

觀打魚

杜甫

蒼江漁子清晨集設網提綱萬魚急能者操舟疾若  
鷹江濤子清晨集設網提綱萬魚急能者操舟疾若

唐詩類苑

卷之三百八十二

十七

風撐突波濤挺艦入小魚脫漏不可紀半死半生猶  
戢戢大魚傷損皆垂頭屈強泥沙有時立東津觀魚  
已再來主人罷鱸還傾杯日暮蛟龍改窟穴山根鱸  
鮓隨雲雷千戈兵革關未已鳳凰麒麟安在哉吾徒  
胡爲縱此樂暴珍天物聖所哀

漁翁

柳宗元

漁翁夜傍西巖宿曉汲清湘然楚竹煙銷日出不見  
人欸乃一聲山水綠迴看天際下中流巖上無心雲  
相逐

漁父詞五首

張志和

志和肅宗時待詔翰林以親既喪不復仕居江湖間自號煙波釣徒帝常賜奴婢各一志和配爲夫婦號漁童樵青陸羽常問孰爲往來者對曰太虛爲室明月爲燭與四海諸公共處未嘗少別也嘗撰漁歌憲宗圖真求其歌不能致李德裕稱志和隱而有名顯而無事不窮不達嚴光之比云

西塞山邊白鷺飛桃花流水鱖魚肥青箬笠綠蓑衣斜風細雨不須歸

釣臺漁父褐爲裘兩兩三三舴艋舟能縱棹慣乘流長江白浪不曾憂

唐詩類苑

卷之三百八十一

十八

雲溪灣裏釣漁翁舴艋爲家西復東江上雪浦邊風笑著荷衣不嘆窮

松江蟹舍主人歡菰飯莼羹亦共餐楓葉落荻花乾醉宿漁舟不覺寒

青草湖中月正圓巴陵漁父棹歌連釣車子櫂頭船樂在風波不用仙

和答弟志和漁父歌

張松齡

樂在風波釣是閑草堂松徑已勝攀太湖水洞庭山在風浪起且須還

淮上漁者

鄭谷

白頭波上白頭翁家逐船移浦浦風一尺鱸魚新釣得見孫吹火荻花中

贈漁父

杜牧

蘆花深澤靜垂綸月夕煙朝幾十春自說孤舟寒水畔不曾逢著獨醒人

漁父

張志和

八月九月蘆花飛南溪老人垂釣歸秋山入簾翠滴滴野艇倚檻雲依依却把漁竿尋小徑閑梳鶴髮對斜暉翻嫌四皓曾多事出爲儲皇定是非

贈漁翁

羅隱

唐詩類苑

卷之三百八十一

十九

葉艇悠揚鶴髮垂生涯空托一輪絲是非不向眼前起寒暑任從波上移風濤長歌籠月裏夢和春雨晝眠時逍遙此意誰人會應有青山綠水知

贈漁翁

韋莊

草衣荷笠鬢如霜自說家編楚水陽滿岸秋風吹枳橘遠陂煙雨種菰蔣蘆刀夜鱸紅鮮膩木甌朝蒸紫芋香曾向五湖期范蠡爾來空闊久相忘

和慕容法曹尋漁者寄城中故人

錢起

孤煙一點綠溪湄漁父幽居卽舊基饒鷺不驚收釣

處閑麝應乳負暄時茅齋對雪開樽好稚子焚枯  
客遲勝事宛然懷抱裏煩來新得謝公詩

西江上送漁父

溫庭筠

却逐嚴光向若耶釣輪菱棹寄年華三秋梅雨愁楓  
葉一棹蓬舟宿葦花不見水雲應有夢偶隨鷗鷺便  
成家白蘋風起樓船暮江燕雙雙五兩斜

曲江漁父

李洞

兒孫閑弄雪霜髯浪颭南山影入簷閑卧蓬舟龜作  
枕病來茅舍網爲簾值春游子憐尊滑通蜀行人說  
鱸甜數尺寒絲一竿竹豈知浮世有猜嫌

唐詩類苑

卷之三百八十三

王

漁浦

常建

春至青草綠陂澤聞鷓鴣別家投釣翁今世滄浪清  
漚紆爲縕袍折麻爲長纓榮譽失本真怪人浮此生  
碧水月自關安流淨而平扁舟與天際獨往誰能名

漁具詩

并序

陸龜蒙

天隨子漁于海山之顏有年矣矢魚之具莫不窮  
極其趣大凡結繩持網者總謂之網罟之流曰罟  
曰罾曰罾圓而總拾曰罾挾而昇降曰罾縵而竿  
者總謂之筌筌之流曰筒曰車橫川曰梁承虛曰  
竒編而沈之曰單矛而卓之曰藉棘而中之曰又

鏃而綸之曰射扣而駛之曰棹置而守之曰網

竹於海滋曰滄錯薪於水中曰簦所載之舟曰舠  
舠所貯之器曰筌筌其他或術以招之或藥而盡  
之皆出於詩書雜傳及今之聞見可考而驗之不  
誣也今擇其任詠者作十五題以諷噫矢魚之具  
也如此予既歌之矣矢民之具也如彼誰其嗣之  
鹿門子有高灑之才必爲我同作

網

大罟綱目繁空江波浪黑沈沈到波底恰共波同色  
牽時萬弩人已有一千鈞力尚悔不橫流恐他人更得

唐詩類苑

卷之三百八十三

王

罾

左手揭圓風輕橈弄舟子不知潛鱗處但去籠煙水  
時穿紫屏破忽值朱衣起貴得不貴名敢論魴與鯉

罾

有意烹小鮮乘流駐孤棹雖然煩取捨未肯求津要  
多爲蝦蜆誤已分鷓鴣笑寄語龍伯人荒唐不同調

釣筒

短短截筠光悠悠卧江色蓬差櫓相應雨慢煙交織  
須臾中芳餌迅疾如飛翼彼竭我還浮君看不爭得

釣車



溪上持隻輪溪邊指茅屋  
乘風水便敢議朱丹款  
高多倚衡懼下有折軸  
遠曷若載道遙歸來卧雲族

魚梁

能編似雲薄  
清川二缺處欲隨波波中先置笱  
投身入籠檻  
自難飛走盡日水濱吟殷勤謝漁叟

又魚

春溪正含綠良夜才參半  
持矛若羽輕列燭如星爛  
傷鱗跳密藻碎首沈遙岸  
盡族染東流傍人作佳翫

射魚

彎弓注碧潯掉尾行涼沚  
青楓下晚照正在澄明裏

唐詩類苑

卷之百八

主

桴弦斷荷扇濺血殷菱藥  
若使禽荒聞移之暴煙水

鳴榔

水淺藻荇澀鉤罾無所及  
鏗如木鐸音勢若金鉦急  
敲之就深處用以資俯拾  
搜羅爾甚微遁去將何入

滄

吳人今  
謂之餘

萬植禦洪波森然倒林薄  
千顚咽雲上過半隨潮落  
其間風信背更值雷聲惡  
天道亦哀多吾將移海若

簪

吳人今  
謂之簪

斬木置水中枝條互相蔽  
寒魚遂家此自以為生計  
春水忽融冶盡取無遺裔  
所託戎機臨八一號聘

種魚

鑿池收頰鱗踈踈置雲嶼  
遠同汗漫遊遂以江湖  
如非一神守潛被蛟龍主  
蛟龍若無道跛鼃亦可得

藥魚

香餌綴金鉤日中懸者幾  
盈川是毒流細大同時死  
不唯空飼大便可將貽蟻  
苟負竭澤心其他盡如此

舴艋

蓬棹兩三事天然相與閑  
朝隨稚子去暮唱菱歌還  
倚石遲後侶徐橈供遠山  
君看萬斛載沈溺須臾間

簪

唐詩類苑

卷之百八

主

誰謂簪簪小我謂簪簪大  
盛魚自足餐實壁能為害  
時將刷蘋浪又取懸藤帶  
不及腰上金何勞問著蔡

奉和漁具十五詠

皮日休

網

晚挂溪上網映空如霧縠  
閑來發其機旋旋沈平綠  
下處若煙雨牽時似崖谷  
必若遇鯢鰠從教通一目

罩

芒鞋下葑中步步沈輕罩  
既為淩浪颺亦被蓮泥膠  
人立獨無聲魚煩似相抄  
滿手擲霜鱗思歸舉輕棹

罾

煙雨晚來好東塘下出細小正星蕙舟輕

誰知若深後恰值魚多處浦口更有人停橈一延

釣筒

籠籬截數尺標置能幽絕從浮笠澤煙任卧桐江月  
絲隨碧潭漫餌逐清灘發好是趁筒時秋聲正清越

釣車

得樂湖海志不厭華軒小月中拋一聲驚起灘上鳥  
心將潭底測手把波文梟何處覓奔車平波今渺渺

魚梁

波際插翠筠離離似清簾遊鱗到溪口入此無逃所

唐詩類苑

卷之三頁八十二

五

斜臨楊柳津靜下鷗鷺侶編此欲何之終焉富春渚

叉魚

列炬春溪口平潭如不流照見游泳魚一一如清畫  
中目碎瓊碧毀鱗殷組繡樂此何太荒居然愧川后

射魚

注矢寂不動澄潭晴轉烘下窺見魚樂悅若翔在空  
驚羽決凝碧傷鱗浮殷紅堪將指杯術授與太湖公

鳴榔

盡日平湖上鳴榔仍動槳丁丁入波心澄澈和清響  
驚聽獨寂寞魚驚時來往

漁

波中植甚固磔磔如鰕鬚滯頭俟爾過數頃跳  
不是細羅密自爲朝夕空壓指魚命遣出海邊私

繆

伐彼槎蘂枝放於水雪浦游魚赴暖處忽爾來相聚  
徒爲樓託心不問底庥主一旦懸鼎鑊禍機真自取

種魚

移土湖岸邊一半和魚子池中得春雨點點活如蟻  
一月便翠鱗終年必頰尾借問兩綬人誰知種魚利

藥魚

唐詩類苑 卷之三頁八十二 五  
吾無竭澤心何用藥魚藥見說放溪上點點波光惡  
食時競夷猶死者爭紛泊何必重傷魚毒涇猶可作

舴艋

闊處只三尺脩然足吾事低篷挂釣車枯蚌盛魚餌  
只好攜橈坐唯堪蓋蓑睡若遣遂平生舴艋不如是

笠簪

朝空笠簪去暮實笠簪歸歸來倒却魚挂在幽牕扉  
但則鰕蜆氣欲生蘋藻衣十年佩此處煙雨苦霏霏

添漁具詩

并序

波日休

天隨子爲漁具詩十五首以遺余凡已來衍

之與器莫不盡於是也噫古之人或有溺於漁者  
行其術而不能言用其器而不能狀此與澤助之  
戲者又何異哉如吟魯望之詩想其致則江風海  
雨槭槭生齒牙間真世外漁者之才也余昔之漁  
所在洞上則爲菴以守之居峴下則占磯以待之  
江漢間時候率多雨唯以簦笠自庇每伺魚必多  
俯簦笠不能庇其上由是織篷以障之上抱而下  
仰字之曰背篷今觀魯望之十五篇未有是作因  
次而詠之以補其遺者漁家生具獲足於吾屬  
之文也

唐詩類苑

卷之百八

三六

漁菴

菴中只方丈恰稱幽人住枕上悉魚經門前空釣具  
束竿時倚壁曬網還侵戶上洞有楊顓須留往來路

釣磯

盤灘一片石置我山居足窪處著新筇

桂苑云取蝦具竅中

維艸艸多逢沙鳥污愛被潭雲觸狂奴卧此多所以  
踏帝腹

蓑衣

一領蓑正新著來沙塢中隔溪遙望見疑是綠毛翁  
襟色衰牒反霜袖香襪襪風前頭不施來何以爲

三公

簑笠

圓似寫月魂輕如織煙翠泔泔向上雨不亂窺魚思  
攜來沙日微挂處江風起縱戴二梁冠終身不忘爾

背篷

儂家背篷樣似箇大龜甲雨中跼蹐時一向聽雲雲  
甘從魚不見亦任鷗相狎深擁竟無言空成睡齁船

上虛勾反下虛印反

奉和添漁具五篇

陸龜蒙

漁菴

唐詩類苑

卷之百八

三

結茅次煙水用以資嘯傲豈謂釣家流忽同禪室號  
閑憑山叟占占晚有溪禽嫪華屋莫相非各隨吾所好

釣磯

揀得白雲根秋潮未曾沒坡陀坐鼈背散漫垂龍髮  
持竿從掩霧置酒復待月卽此放神情何勞適吳越

蓑衣

山前度微雨不廢小澗漁上有青襪襪下有新踞蹠  
滴瀝珠影法離披嵐彩虛君看杖製者不得安吾廬

簑笠

朝攜下楓浦晚戴出煙艇冒雪或平簷聽泉時仄頂

颺移靄然色波亂危如影不識九衢塵終年居下洞

背蓬

敏手劈江筠隨身織煙殼沙禽固不知釣伴猶初覺  
閑從翠微拂靜唱滄浪濯見說萬山潭漁童盡能學

釣

釣魚灣

儲光義

垂釣綠灣春春深古花亂潭清疑水淺荷動知魚散  
日暮待情人維舟綠楊岸

釣竿篇

沈佺期

朝日斂江煙垂竿向綠川人疑天上坐魚似鏡中懸

唐詩類苑

卷之百八十一

主人

避機時驚透猜鈎每誤牽湍危不理轄潭靜欲畱船  
釣玉君徒尚徵金我未賢爲看芳餌下貪得會無筌

春盡與友人入裴氏林採漁竿

溫庭筠

一徑互紆直茅棘亦已繁晴陽入荒竹暖暖如春園  
倚杖息憇倦徘徊戀微暄歷尋嬋娟節剪破蒼筤根  
地閑修莖孤林振餘輝翻過心在所好非必尋湘沅

江中晚釣寄荆南一二相識

劉長卿

楚郭微雨收荆門遙在目漾舟水雲裏日暮春江綠

齊華靜洲渚暝色連松竹月出波上時人歸渡

一身已無累萬事更何欲漁父自夷猶白鷗不羈束

既憐滄浪水復愛滄浪曲不見眼中人相思心斷續

一作垂釣看世  
人那知此生足

渭上偶釣

白居易

渭水如鏡色中有鯉與魴偶持一竿竹懸釣至其傍  
微風吹釣絲嫋嫋十尺長誰知對魚坐心在無何鄉  
昔有白頭人亦釣此渭陽釣人不釣魚八十得文王  
況我垂釣意人魚又兼亡無機兩不得但弄秋水光  
興盡釣亦罷歸來飲我觴

唐詩類苑

卷之百八十一

主人

嚴陵釣臺下作

權德輿

絕頂聳蒼翠清湍石磷磷先生晦其中天子不得臣  
心靈棲顛元纓冕猶縉塵不樂禁中卧却歸江上春  
潛驅東漢風日使薄者醉焉用佐天子持此報故人  
則知大賢心不獨私其身弛張有深致耕釣陶天真  
奈何清風後擾擾論屈伸交情同市道利欲相紛紛  
我行訪遺靈仰古懷逸民增繳鴻鵠遠雲霜松桂新  
江流去不窮山色凌秋旻人世自今古清輝照無垠

直鈎吟

盧仝

初歲學釣魚自謂魚易得三十持釣竿一魚釣不得

人鈎曲我鈎直哀哉我鈎又無食文王已沒不復生  
直鈎之道何時行

雨中與李先生期垂鈎先後相失因作疊韻

隔石覓屐跡西溪迷雞啼小鳥擾曉沼犁泥如低畦

獨鈎四首

韓愈

侯家林館勝偶人得垂竿曲樹行藤角平池散芙蓉  
羽沈知食駛緡細覺牽難聊取夸兒女榆條繫從鞍

二

一徑向池斜池塘野草花雨多添柳耳水長減蒲牙

唐詩類苑

卷之百八十二

三

坐厭親刑柄偷來傍釣車太平公事少吏隱詎相賒

三

獨想南塘上秋晨景氣醒露排四岸草風約半池萍  
鳥下見人寂魚來聞餌馨所嗟無可召不得倒吾瓶

四

秋半百物變溪魚去不來風能拆芙蓉露亦染梨頰  
遠岫重疊出寒花散亂開所期終莫至日暮與誰迴

春江獨鈎

戴叔倫

獨鈎春江上春江引起長斷煙樓草碧流水帶花香  
心事同沙鳥浮生寄野航荷衣塵不染何用濯滄浪

垂鈎

白居易

臨水一長嘯忽思十年初三登甲乙第一入承明廡  
浮生多變化外事有盈虛今來伴江叟沙頭坐釣魚

釣魚詩

李賀

秋水釣紅蕖仙人待素書菱絲繁獨蘭菰米蟹雙魚  
斜竹垂清沼長綸貫碧虛餌懸春蜥蜴鈎墜小蟾蜍  
詹子情無限龍陽恨有餘爲看煙浦上楚女淚霑裾

釣侶二首

皮日休

趁眼無事避風濤一斗霜鱗換濁醪驚怪兒童呼不  
得盡衝煙雨渡車螯

唐詩類苑

卷之百八十二

三

嚴陵灘勢似雲崩釣具歸來放石層煙浪濺蓬寒不  
睡更將枯蚌點漁燈

奉和皮襲美釣侶次韻

陸龜蒙

一艇輕擡看晚濤接離拋下漉春醪相逢便倚蒹葭  
泊更唱菱歌聲蟹螯

雨後沙虛古岸崩魚梁移入亂雲層歸時月墮汀洲  
暗認得妻兒結網燈

寄裴生乞釣鈎

溫庭筠

一隨菱棹調王侯深愧移文負釣舟今日太湖風色  
好却將詩句乞魚鈎

聞李端公垂釣回寄贈

魚玄機

無限荷香染暑衣  
阮郎何處弄船歸  
自慚不及鴛鴦  
侶猶得雙雙近釣磯

小兒垂釣

蓬頭稚子學垂綸  
側坐莓苔草映身  
路人借問遙拈  
手恐畏魚驚不應人

貽釣叟騫生

溫庭筠

晴江如鏡月如鈎  
泛濫蒼茫送客愁  
夜淚潛生竹枝  
曲春灘遙上木蘭舟  
事隨雲去身難到  
夢逐煙銷水共流  
昨日歡娛竟何在  
一枝梅謝楚江頭

唐詩類苑

卷之百八十二

三

釣翁

羅鄴

來往煙波非定居  
生涯蓑褐外無餘閑  
垂兩鬢任如鶴  
只繫一竿時得魚  
月浦扣船歌皎潔  
雨篷隈岸卧蕭疎  
行人悞話金張貴  
笑指北邙立與墟

釣翁

秦韜玉

一竿青竹老江隈  
荷葉衣裳可自裁  
潭定靜懸絲影  
直風高斜颭浪紋開  
朝攜輕櫂穿雲去  
暮背寒塘載月回  
世上無窮嶮巖事  
算應難入釣船來

寄湘陰閻少府乞釣輪子

溫庭筠

釣輪形與月輪同  
獨爾和煙影似空  
若向三途鴈

信莫辭千里寄漁翁  
篷聲夜滴松江漏  
菱葉秋傳鏡水風  
終日垂鈎還有意  
尺書多在錦鱗中

自桐江得一鈎車以襲美樂煙波之思因出  
以爲玩俄辱三篇復抒訓答

陸龜蒙

旋屈金鈎劈翠筠  
手中盤作釣魚輪  
忘情不效孤醒客  
有意閑窺百尺鱗  
雨似輕埃時一起  
雲如高蓋強相親  
任他華轂低頭笑  
此地終無覆敗人

曾招漁侶下清潄  
獨爾初隨一錘深  
細輾煙華無轍跡  
靜含風力有車音  
相呼野飯依芳草  
迭和山歌逗

唐詩類苑

卷之百八十二

三

遠林得失任渠但取樂  
不曾生箇是非心

病來縣著脆緡絲  
獨喜高情爲我持  
數幅尚凝煙雨態  
三篇能賦蕙蘭詞  
雲深石淨閑眠穩  
月上江平放溜遲  
第一莫教諳此境  
倚天功業待君爲

魯望以輪鈎相示緬懷高致因作三篇

皮日休

角柄孤輪細膩輕  
翠篷十載伴君行  
熱時解轉蟾蜍魄  
拋處能啼絡緯聲  
七里灘波喧一舍  
五雲溪月靜三更  
朱衣鮒足和蓑睡  
誰信人間有利名  
一線飄然下碧塘  
溪翁無語遠相望  
蓑衣舊去煙披

重簾筵新來雨打香白鳥白蓮為夢寐清風清月是  
家鄉明朝有物充君信樽酒三瓶寄夜航沈約集  
盡日悠然舴艋輕小輪聲細雨溟溟三尋絲帶桐江  
爛一寸鈎含笠澤腥用近詹何傳釣法收和范蠡養  
魚經孤篷半夜無餘事應被嚴灘聒酒醒

樵

採樵作

孟浩然

採樵入深山山深水重疊橋崩卧槎擁路險垂藤接  
日落伴將稀山風拂薜衣長歌負輕策平野望煙歸

樵父詞

儲光義

唐詩類苑

卷之百八十一

三

山北饒朽木山南多枯枝枯枝作採薪爨室私自知  
話朝礪斧尋視暮行歌歸先靈隱薜荔迎暄卧茅茨  
清澗日濯足喬林時曝衣終年登險阻不復憂安危  
蕩漾與神遊莫知是與非

樵者

崔塗

行山行採薇閑剪蕙為衣避世嫌山淺逢人說姓稀  
有時還獨醉何處掩衡扉莫看棋終局溪風晚侍歸

樵人十詠

并序

陸龜蒙

環中先生謂大隨子曰子與鹿門子應和為漁具  
詩信盡其道而美矣世言樵漁者必聯其命稱且

常為隱君子事詩之言錯薪禮之言負薪信之言  
積薪史之言束薪非樵者之實乎可不足以寄興  
詠獨缺其詞耶退作十樵以補其闕漏寄鹿門子

樵谿

山高谿且深蒼蒼但群木抽條欲千尺眾亦疑樸樛  
一朝蒙剪伐萬古辭林麓若遇燎玄穹微煙出雲族

樵家

草木黃落時比隣見相喜門當清瀾處屋在寒雲裏  
山棚日繞下野竈煙初起所謂順天民唐堯亦如此

樵叟

唐詩類苑

卷之百八十一

三

自小卽胼胝至今彫髮髮所圖山褐厚所愛山爐熱  
不知冠蓋好但信煙霞活富貴如疾顛吾從老巖穴

樵子

生自蒼崖邊能諳白雲養纔穿遠林去已在孤峯上  
薪和野花束步帶山詞唱日暮不歸來柴扉有人望

樵徑

石脉青靄間行行自幽絕方愁山綠繞更值雲遮截  
爭摧好林浪共約歸時節不似名利途相期覆車轍

樵斧

淬礪秋水清攜持遠山矚丁丁在前澗杳杳無尋處



巢傾鳥猶在樹盡猿方去授鉞者何人吾方易其慮

樵擔

輕無斗儲價重則筋力絕欲下半巖時憂襟兩如結  
鳳高執還却雪厚疑中折負荷誠獨難移之贈來哲

樵風

朝隨早潮去暮帶殘陽返向背得清飆相追無近遠  
採山一何遲服道常苦蹇仙術信能爲年華未將晚

樵火

積雪抱松塢蠹根然草堂深爐與遠燒此夜仍交光  
或似坐奇獸或如焚異香堪嗟宦遊子凍死道路傍

唐詩類苑

卷之百八十一

三

樵歌

縱調爲野吟徐徐下雲磴因知負樵樂不咸援琴興  
出林方自轉隔木猶相應但取天壤情何求郢人稱

奉和陸龜蒙樵人十詠

皮日休

樵谿

何時有此谿應便生幽木椽實養山禽藤花蒙澗鹿  
不止產蒸薪願當歌棫樸君知天意無以此安吾族

樵家

空山最深處太古兩三家雲蘿共夙世猿鳥同生涯  
衣服濯春泉盤餐烹野花居茲若太古不辭嘆年華

樵叟

不曾照青鏡豈解傷華髮至老未息肩至今無病骨  
家風是林嶺世祿爲薇蕨所以兩大夫天年爲自伐

樵子

相約晚樵去跳踉上山路將花餌鹿麋以果投猿父  
東薪白雲濕負擔春日暮何不壽童鳥果爲玄所誤

樵徑

蒙籠中一徑繞在千峯裏歇處遇松根危中值石齒  
花穿泉衣落雲拂芒屨起自古行此途不聞顛與墜

樵斧

腰間插大柯直入深谿裏空林伐一聲幽鳥相呼起  
倒樹去李父傾巢啼木魅不知仗鉞者除害誰如此

樵擔

不敢量樵重唯知益薪束軋軋下山時彎彎向身曲  
清泉洗得潔翠靄侵來綠看取荷戈人誰能似吾屬

樵風

野船渡樵客來往平坡中縱橫清飆吹旦暮歸期同  
蘋光惹衣白蓮影涵新紅吾當請封爾直作鏡湖公

樵火

山客地爐裏然薪如陽輝松膏作滌澹杉子爲吟

響誤擊刺開焰疑華李飛傍邊暖白酒不覺添冰

樵歌

此曲太古音由來無管奏多云彩樵樂或說林泉候  
一唱疑聞雲再謠悲顧獸若遇採詩人無辭收鄙陋

牧

牧童詞

儲光義

不言牧田遠不道牧陂深所念牛馴擾不亂牧童心  
圓笠覆我首長簑披我襟方將憂暑雨亦以懼寒陰  
大牛隱曾坂小牛穿近林同類相鼓舞觸物成謳吟  
取樂須臾間寧問聲與音

唐詩類苑

卷之二百八十二

三

觀村人牧山

錢起

六府且未盈三農爭私作貧民乏井稅堵土皆壑鑿  
禾黍入寒雲茫茫半山郭秋來積霖雨霜降方鉅獲  
中田聚黎甿反景空村落顧漸不耕者徵祿同衛鶴  
庶追周任言敢負謝生諾

牧童

劉駕

牧童見客拜山果懷中落晝日驅牛歸前溪風雨惡

牧童

釋栖蟾

牛得自由騎春風細雨飛青山青草裏一笠一簑衣  
日出唱歌去月明撫掌歸何人得侶爾無是亦無非

牧童詞

張籍

遠牧牛遠村四面禾黍稠陂中饑鳥啄牛背令我不得  
戲隴頭入陂草多牛散行白犢時向蘆中鳴隔堤  
吹葉應同伴還教長鞭三四聲牛羊食草莫相觸官  
家截爾頭上角

牧童

僧 櫟

牧童見人俱不識盡著芒鞋戴簑笠朝陽未出衆山  
時露滴簑衣猶半濕二月三月時平原草初綠三箇  
五箇騎羸牛前村後村來放牧笛聲纔一舉衆稚齊  
歌舞看青白日又西斜各自騎牛又歸去

唐詩類苑

卷之二百八十二

三

獵

出獵

太宗

楚王雲夢澤漢帝長楊宮豈若因農暇閱武出轡嵩  
三驅陳銳卒七萃列材雄寒野霜氣白平原燒火紅  
瑠玕夏服箭羽騎綠沈弓怖獸潛幽壑驚禽散翠空  
長煙晦落景灌木振嚴風所爲除民瘼非是悅秋叢

同群公出獵海上

高適

畋獵自古昔況伊心賞俱偶與群公遊曠然出平蕪  
層陰漲溟海殺氣窮幽都鷹隼何翩翩馳驟相傳呼  
豺狼實榛莽麋鹿罹艱虞高鳥下駢云困獸鬪匹夫

塵驚大澤晦火燎深林枯失之有餘恨獲者無全軀  
咄彼工拙間恨非指縱徒猶懷老氏訓感嘆此歡娛

校獵義成喜逢大雪率題九韻以示群臣

玄宗

孤矢威天下旌旗遊近縣一面施烏羅三驅教人戰  
暮雲積成雪曉色開行殿皓然原隰同不覺林野變  
北風勇士馬東日華組練觸地銀塵出連山縞鹿見  
月兔落高矐星狼下急箭既欣盈尺兆復憶磻溪便  
歲豐將遇賢俱荷皇天眷

奉和聖製校獵義成喜逢大雪應制

唐詩類苑

卷之八百八

四十

張說

文教資武功郊畋閱邦政不知仁育久徒看禽獸盛  
夜散氛埃滅朝日山川靜綽仗飛走繁枰絃筋骨勁  
帝射參神道龍馳合人性五紀連一發百中皆先命  
勇爵釣萬夫雄圖羅七聖星爲吉符老雪作豐年慶  
喜聽行獵詩威神入軍令

從張丞相獵贈裴迪

孟浩然

從禽非吾樂不好雲夢田歲暮登城望偏令鄉思懸  
公卿有幾幾車騎何翩翩世祿金章貴官曹幕府還  
順時行殺氣飛刃爭割鮮十里留賓館徵聲匝伎筵

高標回落日平楚壓芳煙何意狂歌客從公亦在旂

獵騎

溫庭筠

早辭平泉殿夕奉湘南宴香兔抱微煙重鱗疊輕扇  
蠶饑使君馬鴈避將軍箭寶柱惜離絃流黃悲赤縣  
理釵低舞鬢換袖迴歌面晚柳未如絲春花已如霰  
所嗟故里曲不及青樓宴

秋獵孟諸夜歸置酒單父東樓觀妓

李白

傾暉速短炬走海無停川冀餐圓丘草欲以還顏年  
此事不可得微生若浮煙駿發誇名駒彫弓控鳴弦

唐詩類苑

卷之八百八

四十一

鷹豪魯草白狐兔多肥鮮邀遮相馳逐逐出城東田  
一掃四野空喧呼鞍馬前歸來欲所獲炮炙宜霜天  
出舞兩美人飄飄若雲仙留歡不知疲清曉方來旋  
送族弟凝至晏堏單父三十里

李白

雪滿原野白戎裝出盤遊揮鞭布獵騎四顧登高丘  
兔起馬足間蒼鷹下平疇喧呼相馳逐取樂銷人憂  
捨此戒禽荒微聲列齊謳鳴雞發晏堏別鴈驚淶溝  
西行有東音寄與長河流

連州臘日觀莫徕獵西山

劉禹錫

海天殺氣薄蠻軍步伍驚林紅葉盡變原黑草如煙  
圍合繁鉦息食與大旆搖張羅依道口旋犬上山  
情鷹慮奮迅驚鹿時踟跳瘴雲四面起臘雪半空消  
箭頭餘鵠血鞍傍見雉翹日暮還城邑金笳發麗譙

雉免者

蘇拯

所獵一何酷終年耗林麓飛走如未空貪殘豈知足  
嘗聞獵書史可以鑒榮辱嘗聞獵賢良可以霸邦國  
如何縱網羅空成肥骨肉和濟俱不聞曷所獲顛覆  
誰能爲扣天地爐鑄此傷生其可乎

觀獵

王維

唐詩類苑

卷之百八十三

四

風勁角弓鳴將軍獵渭城草枯鷹眼疾雪盡馬蹄輕  
忽過新豐市還歸細柳營迴看射鵰處千里暮雲平

觀獵

李白

太守耀清威乘閑弄晚輝江沙橫獵騎山火繞行圍  
箭逐雲鴻落鷹隨月兔飛不知白日暮歡賞夜方歸

觀獵騎

司空曙

繆臂繡綸巾貂裘窄稱身射禽風助箭走馬雪翻塵  
金埒爭開道香車爲駐輪翩翩不知處傳是霍家親

觀獵

張祐

殘獵渭城東蕭蕭西北風雪花鷹背上冰馬蹄中

臂挂梢荆兔腰懸落箭鴻歸來逞餘勇兒子亂彎弓

觀徐州李司空獵

張祐

曉出郡城東分圍淺草中紅旗開向日白馬驟迎風  
背手抽金鏃翻身控角弓萬人齊指處一鴈落寒空

從獵渭川獻詩

魏知古

嘗聞夏太康五事訓禽荒我后成冬狩三驅盛禮張  
順時鷹隼擊講事武功揚奔走未成去翽飛豈暇翔  
飛熊從渭水瑞鶴想陳倉此欲誠難縱茲遊不可常  
子雲陳羽獵僖伯諫魚棠得失鑒齊楚仁恩念禹湯  
雍熙亮在宥亭毒匪多傷辛甲今爲史虞箴遂孔彰

唐詩類苑

卷之百八十三

四

行行且遊獵篇

孟雲卿

少年多武力勇氣冠幽州何以縱心賞馬蹄春草頭  
遲遲平原上孤兔奔林丘猛火忽前逝俊鷹連下韉  
俯身逐南北輕捷固難儔所發無不中失之如我讐  
豈唯務馳騁倚爾暴田疇殘殺非不痛古來良有由

冬狩

太宗

貞觀十六年十二月上獵於驪山登山見圍有斷  
處顧謂左右曰吾見其不整而不刑則墮軍法則  
之則是吾登高臨下以求人之過也乃托以  
引轡入谷以避之

烈烈寒風起慘慘飛雲浮霜濃類廣隰冰厚結清流  
金鞍多上苑玉勒騁平疇旌旗四望合且羅一面求  
楚路爭兇殪秦亡角鹿愁禽忙投密樹鴻驚起礫州  
騎斂原塵靜戈迴嶺日收心非洛汭逸意在渭濱遊  
禽荒非所樂撫轡更招憂

冬狩行

杜甫

君不見東川節度兵馬雄校獵亦似觀成功夜發猛  
士三千人青旄合圍步驟同禽獸已斃十七八殺聲  
落日迴蒼穹暮前生致九青兕駱駝崑崙危垂玄熊東  
西南北百里間勢驚蹴踏塞山空有鳥名鸛鵒力不  
能高飛逐走蓬肉味不足登鼎俎胡爲見羈虞羅中  
春蒐冬狩侯得同使君五馬一馬驄況今攝行大將  
權號令頗有前賢風飄然時危一老翁十年厭見旌  
旗紅喜君士卒甚整肅爲我回轡擒西戎草中狐兔  
盡何益天子不在咸陽官朝廷雖無幽王禍得不哀  
痛塵再蒙嗚呼得不哀痛塵再蒙

行行且遊獵篇

李白

邊城兒生平不讀一字書但將遊獵誇輕趙胡馬秋  
肥宜白草騎來躡影何矜驕金鞭拂雪揮鳴鞘半酣  
呼鷹出遠郊弓彎滿月不虛發雙鶴迸落連飛鶻海

邊觀者皆辟易猛氣英風振沙磧儒生不及遊俠人  
白首下帷復何益

觀獵

王昌齡

角鷹初下秋草稀鐵驄拋輕去如飛少年獵得平原  
兔馬後橫捎意氣歸

校獵曲

錢起

長陽殺氣連雲飛漢主秋畋正掩圍重門日宴紅塵  
出數騎胡人獵獸歸

贈獵騎

杜牧

已落雙鵰血尚新鳴鞭走馬又翻身憑君莫射南來  
鷹恐有家書寄遠人

鷹恐有家書寄遠人

御獵

王建

青山直遶鳳城頭澆水斜分入御溝新教內人唯射  
鴨長隨天子苑東遊

觀浙西府相畋遊

韋莊

十里旌旗十萬兵等閑遊獵出軍城紫袍日照金鵝  
關紅旆風吹畫虎簪帶箭彩禽雲外落遊離寒兔月  
中驚歸來一路笙歌滿更有仙娥載酒迎

觀獵

韋莊

苑牆東畔欲斜暉傍苑穿花兔正肥公子喜逢朝罷

日將軍誇換戰時衣鵲翻錦翅雲中落犬帶金鈴草  
上飛直到四郊高鳥盡鞍鞍齊向國門歸

漢武出獵

錢起

漢家無事樂時邑羽獵千千出九重玉帛不朝金闕  
路旌旗長繞彩霞峯且食原獸輕黃屋寧畏漁人犯  
白龍薄暮方歸長樂觀垂楊幾處綠煙濃

觀校獵上淮西相公

劉長卿

龍驤校獵邵陵東野火初燒楚澤空師事黃公千載  
後身騎白馬萬人中笳隨晚吹吟邊草箭沒寒雲落  
塞鴻三十擁旄誰不羨周郎少小立奇功

唐詩類苑

卷之百八十二

李賀

艾如張

李賀

錦襜綸繡襦強飲啄哺爾雛隴東卧穠滿風雨莫  
信良媒隴西去齊人織網如素空張在野田平碧中  
網絲漠漠無形影誤爾觸之傷首紅艾葉綠花誰剪  
刻中藏禍機不可測

唐詩類苑卷第一百八十二終

唐詩類苑卷第一百八十三

明雲間張之象玄超甫纂輯

雲間杜士基彥恭甫編次

雲間王微叔朗甫補訂

梁谿曹仁孫伯安甫校正

器用部

銅儀

銅儀

韋莊

銅儀一夜變葭灰暖律還吹嶺上梅已喜漢宮今再  
親更驚堯曆又重開牕中遠岫青如黛門外長江綠  
似苔誰念閉關張仲蔚滿庭春雨長蒿萊

漏

冬夜集賦得寒漏

皇甫冉

清冬洛陽客寒漏建章臺出禁因風徹紫牕共月來  
偏將殘瀨雜乍與遠鴻哀遙夜重城警流年滴水催  
閑齋堪坐聽況有故人杯

酬樂天待漏入閣見贈

詩樂天為中書舍人予任翰林等語

元稹

未勘銀臺拜先排浴殿關沃心因特召承旨絕常班  
承旨學士上殿閃才人袖思政對學士往嘔鵠軟舉

銀官花低作帳雲從積成山密視樞機草偷瞻咫尺  
顏恩垂天語近對久漏聲閑丹陛曾同立金鑾恨獨  
攀筆無鴻業潤袍裼紫文殷河水通天上瀛州接世  
間謫仙名籍在何不重來還

尚書郎上直聞春漏

張少博

建禮含香處重城待漏辰徐聲傳鳳闕曉唱辨雞人  
銀箭聽將盡銅壺滴更新催籌當五夜移刻及三春  
杳杳從天遠冷冷出禁頻直廬殘響曙肅穆對鈞陳

尚書郎上直聞春漏

周徹

建禮通華省含香直紫宸靜聞銅史漏暗識桂宮春

唐詩類苑

卷之百八十三

二

滴歷疑將絕清冷發更新寒聲臨鴈沼疎韻應雞人  
迴入千門徹行催五夜頻高臺閑自聽非是駐征輪

尚書郎上直聞春漏

地卽尚書省人惟鷺鷥行審時傳玉漏直夜遞星郎  
歷歷聞仙署冷冷出建章自空來斷續隨月散淒淒  
物靜知聲近寒輕覺夜長聽餘殘月落曙色滿東方

雪後觀象閣待漏

張少博

玉漏移中禁齊車入太清漸知催辨色後聽續餘聲  
乍逐微風轉將因雜珮輕青樓人罷夢紫陌騎將行  
殘魄棲初盡餘滴更生慙非朝謁客空有振衣情

太清宮聞滴漏

嚴巨川

殘雪初晴後鳴珂奉闕庭九門傳曉漏五夜候晨  
北斗橫斜漢東方落曙星煙氛初動色簪珮未分形  
雪重猶垂白山遙不辨青雞人更唱處偏入此時聽

百官乘月早朝聽殘漏

莫宣卿

建禮儼朝冠重門耿夜闌碧空蟾魄度清禁漏聲殘  
候曉車輿合凌霜環珮寒星河猶皎皎銀箭尚珊珊  
杳靄祥光起霏微瑞氣攢欣逢聖明代長願接鸞鸞

舟

詠舟

李嶠

唐詩類苑

卷之百八十三

三

征棹三江暮連檣萬里迴相鳥風際轉畫鷁浪前開  
羽客乘霞至仙人弄月來何當同傳說特展巨川材

襄陽舟夜

白居易

下馬襄陽郭移舟漢陰驛秋風截江起寒浪連天白  
本是多愁人復此風波夕

舟行

白居易

帆影日漸高閑眠猶未起起問鼓枻人已行三十里  
船頭有行竈炊稻烹紅鯉飽食起婆娑盥漱秋水水  
平生滄浪意一旦來遊此何況不失家舟中載妻子  
與張補闕王鍊師同舟南下於臺頭寺留別



趙裴二公同賦雜題 皇甫冉

朝朝春事晚泛泛行舟遠  
淮海思無窮悠揚煙景  
幸將仙子去復與故人同  
高枕隨流水輕帆任遠風  
鐘聲野寺迴草色故城空  
送別高臺上徘徊共惆悵  
懸知白日斜定是猶相望

寒夜溪行舟中作

獨孤及

日沈諸山昏寂歷群動宿孤舟  
獨不繫風水夜相逐  
雲歸恒星白霜下天地肅月輪大如盤  
金波入空谷  
魏闕萬里道羈念千慮東倦飛思故巢  
敢望梧與竹  
沈吟登樓賦中夜起三復憂來無良方  
歸候春酒熟

唐詩類苑

卷之五十三

四

昆明池泛舟

賈島

一枝青竹榜泛泛綠萍裏  
不見釣魚人漸入秋塘水  
月夜泛舟 僧法振

西塞長雲盡南湖片月斜  
漾舟人不見卧入武陵花

櫓聲

崔塗

煙外曉聲遠天涯幽夢迴  
爭知江上客不是故鄉來

放船

杜甫

送客滄溪縣山寒雨不開  
直愁騎馬滑故作泛舟回  
青惜峯巒過黃知橘柚來  
江流翠自在坐穩與悠哉

倚棹

羅隱

倚棹聽隣笛沽衣認酒壚  
自緣悲巨室誰復爲  
樹解將軍夢城遺御史烏  
直應齊始了願酌向寒蔬

秋夜泛舟

劉方平

林塘夜泛舟蟲響秋颼颼  
萬影皆因月千聲各爲秋  
歲華空復晚鄉思不堪愁  
西北浮雲外伊川何處流

初上船留寄

杜牧

煙水本好尚親交何憐懷  
況爲珠履客卽泊錦帆堤  
沙鴈同船去田鴉遶岸啼  
此時還有味必卧日從西

舟行寄李湖州

張籍

客愁無次第川路重辛勤  
藻密行舟澀灣多轉機頻

唐詩類苑

卷之五十三

五

薄遊空感惠失計自憐貧  
賴誦汀洲句時時慰遠人

秋夜船行

嚴維

扁舟時屬暝月上有餘輝  
海燕秋還去漁人夜不歸  
中流何寂寂孤棹也依依  
一點前村火誰家未掩扉

後池泛舟送王十秀才

杜牧

城日晚悠悠絃歌在碧流  
夕風飄度曲煙嶼隱行舟  
問拍疑新令憐香占彩毬  
當筵雖一醉寧復緩離愁

風雨中尋李十一因題船上

白居易

匹馬來郊外扁舟在水濱  
可憐衝雨客來訪阻風人

小槥沽清醕行厨煮白鱗停杯看柳色各憶故園春

泛舟

戴叔倫

風軟扁舟穩行依綠水堤孤樽秋露滑短棹晚煙迷  
夜靜月初上江空天更低飄飄信流去悞過子猷溪

舟中寄李起居

錢起

南行風景好昏旦水臯閑春色郢中樹晴霞湖上山  
去家旅帆遠回首暮潮還蕙草如何贈故人雲漢間

泊丹陽與諸人同舟至馬林溪遇雨

皇甫冉

雲林不可望溪水更悠悠共載人皆客離家春是秋

唐詩類苑

卷之百十三

六

遠山方對枕細雨莫迴舟來往南徐路客爲芳草留

棹歌行

并序

徐堅

古今樂錄曰王僧虔技錄云棹歌行歌明帝王者  
布大化一篇或云左延年作今不歌梁簡文帝在

東宮更製歌少異此也樂府解題曰晉樂奏魏明

帝辭云王者布大化備言平吳之勲若晉陸機梁

簡文等詩但言乘舟鼓棹而已

棹女飾銀鈞新粧下翠樓霜絲青桂楫蘭棹紫霞舟  
水落金陵曙風起洞庭秋船過曲浦飛帆越回流  
影入桃花浪香飄杜若洲洲長殊未返蕭散雲霞晚

日下大江平煙生歸岸遠岸遠聞潮波爭途遊戲多  
因聲趙津女來聽採菱歌

棹歌行

駱賓王

寫月圖黃罷凌波拾翠通鏡花搖芰日衣麝入荷風  
葉露舟難蕩蓮疎浦易空鳳媒羞自託鴛翼恨難窮  
秋帳燈光翠倡樓粉色紅相思無別曲併在棹歌中

賦得濟川用舟楫

胡權

渺渺水連天歸成想幾年孤舟亂曲岸輕楫濟長川  
迴指波濤雪迴瞻島嶼煙心迷滄海上目斷白雲邊  
泛濫雖無定維持且自專還如聖明代理國用英賢

唐詩類苑

卷之百十三

七

賦得天際識孤舟

薛能

斜日滿江樓天涯照背流同人在何處遠月認孤舟  
帆省當時席歌聞舊日謳人浮津濟晚棹泛沈寥秋  
晴閣欣全見歸遲怪久遊離居易無限食此望南休

泛小輪二首

白居易

水一塘輪一隻輪頭漾漾知風起輪背蕭蕭聞雨滴  
醉卧船中欲醒時忽疑身是江南客

船緩進水平流一莖竹篙剔船尾兩幅青幕覆船頭  
亞竹亂藤多照岸如從鳳口向湖州

舟中送李八

皇甫冉

詞客金門未有媒遊吳適越任舟迴遠水迢迢分首  
去天邊山色待人來

同趙侍御望歸舟

張說

山亭迴迴面長川江樹重重極遠煙形影相追高翥  
鳥心腸併斷北飛船

解維

韋莊

又解征帆落照中暮程還過秣陵東二年辛苦煙波  
裏贏得風姿似釣翁

汴人舟行答張祐

杜牧

千萬長河共使船聽君詩句倍淒然春風野岸名花

唐詩類老

卷之百八十五

八

發一道帆檣畫柳煙

泛舟入後溪二首

羊士諤

東風朝日破輕嵐仙棹初移酒未酣玉笛閑吹折楊

柳春風無事傍魚潭

雨餘芳草淨沙塵水綠灘平一帶春唯有啼鶯似畱

客桃花深處更無人

答微之上船後畱別

白居易

燭下樽前一分手舟中岸上兩迴頭歸來虛白堂中

夢合眼先應到越州

感蘇州舊舫

白居易

畫梁朽折紅牕破獨立池邊盡日看守得蘇州船舫  
爛此身爭合不衰殘

舟中夜坐

白居易

潭邊霽後多清景橋下涼來足好風秋鶴一隻船一  
隻夜深相伴月明中

杭州廻舫

白居易

自別錢塘山水後不多飲酒嬾吟詩欲將此意憑廻  
棹與報西湖風月知

舟中送李十八

劉長卿

釋子身心無有分獨將衣鉢去人群相思晚望西林

唐詩類老

卷之百八十五

九

寺唯有鐘聲出白雲

行舟

李益

柳花飛入正行舟卧引菱花信碧流聞道風光滿揚

子天晴共與望鄉樓

臨平道中贈同舟人

皇甫冉

遠山誰辨江南北長路空隨樹淺深流蕩飄飄此何

極唯應行客共知心

後池泛舟送王十

杜牧

相送西郊暮景和青蒼竹外遠寒波爲君蘸甲十分

沈應見離心一倍多

宿蓬船

韋莊

夜來江雨宿蓬船，卧聽淋鈴不忍眠。  
却憶紫微情調逸，阻風中酒過年年。

進艇

杜甫

南京久客耕南畝，北望傷神卧北牕。  
畫引老妻乘小艇，晴看稚子浴清江。  
俱飛蛺蝶元相逐，並蒂芙蓉本自雙。  
茗飲蔗漿攜所有，瓷甕無謝玉爲缸。

重題小舫贈周從事兼戲微之

白居易

細莖青篾織魚鱗，小眼紅牕襯麴塵。  
闊狹纔容從事細，高低却稱使君身。  
舞筵須揀腰輕女，仙棹難勝骨瘦人。  
不似鏡湖廉使出，高檣大艫鬧驚春。

唐詩類苑

卷之百八十一

十一

舟行

鄭谷

九派迢迢九月殘，舟人相語且相寬。  
村逢好處嫌風便，酒到醒來覺夜寒。  
蓼水白波喧夏口，柿園紅葉憶長安。  
季鷹可是思鱸膾，引退知時自古難。

舟中晚起

白居易

日高猶掩水牕眠，枕簟清涼八月天。  
泊處或依沽酒店，宿時多伴釣魚船。  
退身江海應無用，憂國朝廷自有賢。  
且向錢塘湖上去，冷吟閑醉二三年。

晚池泛舟遇景成詠贈呂處士

白居易

岸淺橋平池面寬，飄然輕棹汎澄瀾。  
風宜扇引開懷入，樹愛舟行仰卧看。  
別境客稀知不易，能詩人少詠應難。  
唯憐呂叟時相伴，同把磻溪舊釣竿。

小舫

白居易

小舫一艘新造了，輕裝梁柱庫安蓬。  
深坊靜岸遊應遍，淺水低橋去盡通。  
黃柳影籠隨棹月，白蘋香起打頭風。  
慢牽欲傍櫻桃泊，借問誰家花最紅。

自楞伽寺晨起泛舟道中有懷

唐詩類苑

卷之百八十一

十一

許渾

碧樹蒼蒼苑苑東，佳期迢遞路何窮。  
一聲山鳥曙雲外，萬點水螢秋草中。  
門掩竹齋微有月，棹移蘭渚淡無風。  
欲知此路堪惆悵，菱葉蓼花連故宮。

與韓鄭二秀才同舟東下洛中親友送至景雲寺

雲寺

許渾

三十六峯橫一川，綠波無路草芊芊。  
牛羊晚食鋪平地，鵬鵠晴飛摩遠天。  
洛客盡回臨水寺，楚人皆逐下江船。  
東西未有相逢日，更把繁華共醉眠。  
乘月棹舟送大曆寺靈聰上人不及

許渾

萬峯秋盡百泉清，舊鎖禪扉在赤城。  
楓浦客來煙未散，竹牕僧去月猶明。  
杯浮野渡魚龍遠，錫響空山虎豹驚。  
一字不留何足訝，白雲無路水無情。

楊氏林亭探得古槎

皇甫冉

千年古貌多，八月秋濤晚。  
偶被主人留，那知來近遠。

浮查并序

駱賓王

遊目川上觀一浮查，泛泛然若木偶之乘流迷不知其所適也。  
觀其根柢盤屈枝幹扶疎，大則有棟梁舟楫之材，小則有輪轆榱桷之用，非夫稟乾坤

唐詩類苑

卷之百八十三

十一

之秀氣，含宇宙之淳精，就能負凌雲翳日之姿，抱積雪封霜之骨，向使懷林幽藪，藏穎重巖，絕望於廊廟之榮，遺形於斤斧之患，固可垂陰萬畝，懸映九霄。  
真建木較其短長，將大椿齊其年壽者，而委根險岸，託質畏途，上爲疾風衝飄，所摧殘；下爲奔浪迅波，所激射。基由壤括，勢以地危，豈盛衰之理繫乎？時封植之道存乎？栽一墮泉谷，萬里飄淪，與波浮沈，隨時近止。  
殷仲文嘆生意已盡，孔宣父知朽質難彫，然而遇良工，逢仙客，牛礪可託，玉璫之路，非造匠石先談，萬乘之器，何遠？故材用與不用

時也。悲夫！然則萬物之相應感者，亦奚必同聲同氣而已哉？感而賦詩，貽諸同志云爾。

昔負千尋質，高臨九仞峯。  
真心凌晚桂，勁節掩寒松。  
忽值風飈折，坐爲波浪衝。  
摧殘空有恨，離腫遂無庸。  
渤海三千里，泥沙幾萬重。  
似舟飄不定，如梗泛何從。  
仙客終難託，良工豈易逢。  
徒懷萬乘器，誰爲一先容。  
凝碧池侍宴應制賦得出水槎

武三思

彼木生何代，爲槎復幾年。  
欲乘銀漢曲，先泛玉池邊。  
擁溜根橫岸，沈波影倒懸。  
無勞問蜀客，此處卽高天。

唐詩類苑

卷之百八十三

十一

款乃曲五首并序

元結

大曆丁未中，漫叟以軍事詣都，使還州，逢春水舟行，不進作款乃五曲，舟子唱之，蓋欲取適於道路耳。

偶存名跡在人間，順俗與時未安閑。  
來謁大官兼問政，扁舟却入九疑山。

湘江二月春水平，滿月和風宜夜行。  
唱橈欲過平陽戍，守吏相呼問姓名。  
千里楓林煙雨深，無朝無暮有猿吟。  
停橈靜聽曲中意，好是雲山韶濩音。

零陵郡北湘水東浯溪形勝滿湘中溪口石顛堪自  
逸誰能相伴作漁翁

下瀧船似入深淵上瀧船似欲昇天瀧南始到九疑  
郡應絕高人乘輿船

帆

齊郎中筵賦得的的帆向浦留別

皇甫冉

一帆何處去正在望中微浦迴搖空色汀迴日落暉  
每爭高鳥度能送遠人歸偏似南浮客悠悠揚無所依

賦得的的帆向浦

司空曙

唐詩類苑

卷之五十三

十

向浦參差去隨波遠近還初移芳草裏正在夕陽間  
隱映回孤驛微明出亂山向空看不盡歸思滿江關

江帆

羅鄴

別離不獨恨蹄輪渡口風帆發更頻何處青樓方凭  
檻半江斜日認歸人

車

詠車

李嶠

天子馭金根滿輪闢四門五神趨雲至雙轂似雷奔  
丹鳳棲金轄非熊載寶軒無階忝虛左珠乘奉王言

車遙遙

孟郊

路喜到江盡江上又通舟舟車兩無阻何處不得遊  
丈夫四方志女子安可留郎自別日言無令生遠愁  
旅鴈忽叫月斷猿寒啼秋此夕夢君夢君在百城樓  
寄淚無因波寄恨無因輶願爲馭者手與郎迴馬頭

車遙遙

張籍

征人遙遙出古城雙輪齊動駟馬鳴山川無處不歸  
路念君長作萬里行野田人稀秋草綠日暮放馬車  
中宿驚磨遊兔在我傍獨唱鄉歌對僮僕君家大宅  
鳳城隅年年道上隨行車願爲玉鑾繫華軾終日有  
聲在君側門前舊宅久已拋無由復得君消息

唐詩類苑

卷之五十三

十五

借車

孟郊

借車載家具家具少於車借者莫彈指貧窮何足嗟  
百年徒校走萬事盡隨花

鏡

詠鏡

張說

寶鏡如明月出自秦宮樣隱起雙盤龍銜珠儼相向  
常恐君不察匣中委清量積翳掩花光虛心蔽塵狀  
倘蒙羅袖拂光生玉臺上

詠鏡

駱賓王

寫月無芳桂照月有花菱不持光謝水翻將影學冰

詠鏡

李嶠

明鑑掩塵埃含情照魏臺日中烏鵲至花裏鳳凰來  
玉彩疑冰澈金輝似月開方知樂彥輔自有鑒人才

代美人愁鏡

李白

明明金鵲鏡了了玉臺前拂拭皎冰月光輝何清圓  
紅顏老昨日白髮多去年鉛粉坐相娛照來空淒然

代美人愁鏡

李白

美人贈此盤龍之寶鏡燭我金縷之羅衣時將紅袖  
拂明月爲惜普照之餘輝影中金鵲飛不滅臺下青

鸞思獨絕素砧一別若箭弦去有日來無年狂風吹

唐詩類苑

卷之百八十五

七

却妾心斷玉筍并墮菱花前

照鏡

王建

終日自纏繞此身無適緣萬愁生旅夜百病湊衰年  
少睡憎明屋慵行待暖天癢頭梳有虱風耳炙聞蟬

換白方多錯迴金法不全家貧何所戀時在老僧邊

磨鏡篇

劉禹錫

流塵翳明鏡歲久看如漆門前負局人爲我一磨拂  
萍開綠池滿盪盡金波溢白日照空心圓光走幽室

山神妖氣沮野魅真形出却思未磨時瓦礫來唐突

感鏡

白居易

美人與我別留鏡在匣中自從花顏去秋水無光  
經年不開匣紅埃覆青銅今朝一拂拭自照顏頰容  
照罷重惆悵背有雙盤龍

感鏡

韋應物

鑄鏡廣陵市菱花匣中發宿昔常許人鏡成人已沒  
如水結圓器類璧無絲髮形影終不臨清光殊不歇

一感平生言松枝樹秋月

校書郎楊凝往年以古鏡貺別今追贈以詩

李益

明鏡出匣時明如雲間月一別青春檻回光照華髮

唐詩類苑

卷之百八十五

七

美人惜自愛鑿帶手所結願以三五期經天無玷缺

府試古鏡

舊是秦時鏡今藏古匣中龍盤初挂月鳳舞欲生風  
石黛曾留殿朱光適在宮應祥知道泰鑑物覺神通

肝膽誠難隱妍媸信易窮幸居君子室長願免塵蒙

奉鏡

仲子陵

萬里秦時鏡從來抱至精依臺月自吐在匣水常清  
爛爛金光發澄澄物象生雲天皆洞鑑表裏盡虛明

但見人窺膽全勝響應聲妍媸定可識何處更逃情

泰鏡

張



樓上秦時鏡千秋獨有名菱花寒不落水質夏長  
龍在形難掩人來瞻易呈昇臺宜遠照開匣乍藏明  
皎色新磨出圓規舊鑄成愁容如可鑑當欲拂塵纓

以鏡贈別

白居易

人言似明月我道勝明月明月非不明一年十二缺  
豈如玉如冰長澄澈月破天暗時圓明獨不歇  
我慙紅醜老繞鬢斑斑雪不如贈少年迴照青絲髮  
因君千里去持此將爲別

覽鏡喜老

白居易

今朝覽明鏡鬢鬢盡成絲行年六十四安得不衰羸

唐詩類苑

卷之百八十三

十八

親屬惜我老相顧興嘆咨而我獨微笑此意何人知  
笑罷仍命酒掩鏡將白髭爾輩且安坐從容聽我詞  
生若不足戀老亦何足悲生若苟可戀老即生多時  
不老即須天不天即須衰晚衰勝早天此理決不疑  
古人亦有言浮生七十稀我今欠六歲多幸或庶幾  
倘得及此限何羨榮啓期當喜不當嘆更傾酒一卮

昏鏡詞

并引

劉禹錫

鏡之工列十鏡於賈奩發奩而視其一皎如其九  
霧如或曰良賈之不侔甚矣工解顧謝曰非不能  
盡良也蓋賈之意唯售是念今來市者不歷見昧

與已宜彼皎者不能隱芒秘之瑕非美容不合是  
用什一其數也予感之作昏鏡詞

昏鏡非美金漠然喪其精陋容多自欺謂若他鏡明  
瑕疵闇不見妍態隨意生一日四五照自言美傾城  
飾帶以綺繡裝匣以瓊瑛秦宮豈不重非適乃爲輕

佳人照鏡

張文恭

倦採靡蕪葉貪憐照膽明兩邊皆拭淚一處有啼聲

照鏡

李益

衰鬢朝臨鏡將看各自疑慙君明似月照我白如絲

正朝覽鏡作

劉長卿

唐詩類苑

卷之百八十三

十九

憔悴逢新歲茅屏見舊春朝來明鏡裏不認白頭人

照鏡

白居易

皎皎青銅鏡斑斑白絲鬢豈復更藏年實年君不信

清鏡嘆

孟浩然

妾有盤龍鏡清光常晝發自從生塵埃有若霧中月  
愁來或取照坐嘆生白髮寄語邊塞人如何久離別

臨鏡曉粧

楊容華

明之姪女

林鳥驚眠罷房櫳曙色開鳳釵金作纓鸞鏡玉爲臺  
粧似臨池出人疑向月來自憐方未已欲去復徘徊

覽鏡

劉希夷

青樓挂明鏡臨照不勝悲白髮今如此人生能幾時  
秋風下山路明月上春期嘆息君恩盡容顏不可思

雜詩

崔顥

可憐青銅鏡挂在白玉堂玉堂有美女嬌弄明月光  
羅袖拂金鵲絲屏點紅粧粧罷含情坐春風桃李香

賜王公千秋鏡

玄宗

奉和賜王公千秋鏡

張說

奉和勅賜公主鏡

席豫

已上三首並見治政部

照鏡見白髮

張九齡

唐詩類苑

卷之百八十三

三十一

覽鏡

李崇嗣

秋朝覽鏡

薛稷

覽鏡書懷

李白

覽鏡呈栢中丞

杜甫

已上五首並見感慨部

春鏡

劉長卿

寶鏡凌曙開含虛淨如水獨懸秦臺上萬象清光裏  
豈慮高鑑偏但防流塵委不知娉婷色回照今何似

贈友人古鏡

朱晝

我有古時鏡初自壞陵得蛟龍猶記蟠魑魅幸月蝕

摩久見菱葉青於藍水色贈君將照心無使心受感

覽鏡

邵謁

一照一迴悲再照顏色衰日月自流水不知身老時  
昨日照紅顏今朝照白絲白絲與紅顏相去咫尺間

照鏡

王建

忽自見憔悴壯年人亦疑髮緣多病落力爲不行衰  
暖手揉雙目看圖引四肢老來真愛道所恨覓還遲

小古鏡

項斯

字已無人識唯應記鑄年見來深似水攜去重於錢  
鸞翅巢空月菱花遍小天官中照黃帝曾得化爲仙

唐詩類苑

卷之百八十三

三十一

和蕭侍御監祭白帝城西村寺齋沐覽鏡有

懷吏部孟員外并見贈 羊士諤

晚沐金仙宇迎秋白帝祠軒裳煩吏職風物動心期

清鏡開塵匣華簪指髮絲南宮有高步歲晏豈磷礪

罷鏡

李益

手中青銅鏡照我少年時衰颯一如此清光難復持  
欲令孤月掩從遣半心疑縱使逢人見猶勝自見悲

新磨鏡

白居易

衰容當晚櫛秋鏡偶新磨一與清光對方知白髮多  
鬢毛從幻化心地付頭陀任意濯成雪其所以夢何

對鏡吟

長孫佐輔

憶昔逢君新納聘，青銅鑄出千年鏡。意憐光彩固無瑕，義比恩情永相映。每將鑒面兼鑒心，鑒來不輟情逾深。君非結心空結帶，結處尚新恩已背。開簾覽鏡悲難語，對面相看孟門阻。掩匣徒歎雙鳳飛，懸臺欲效孤鸞衰。昔日照來人共許，今朝照罷自生疑。鏡上有塵猶可拂，君恩詎肯無迴時。

靈臺家几古鏡歌

薛逢

一尺圓潭深墨色，篆文如絲人不識。耕夫云住赫連城，赫連城下親耕得。鏡上磨瑩一月餘，日中漸見菱

唐詩類苑

卷之百八十三

三

花舒金膏洗拭鐵，澀盡黑雲吐出新蟾蜍。人言此是千年物，百鬼聞之形暗慄。玉匣曾經龍照來，豈更更鑒農夫質。有時霹靂半夜驚，牕中飛電如晦明。盤龍張玉匣，溢牙爪觸風時有聲。耕夫不解珍靈異，翻惜赫連神作祟。十千賣與靈臺兄，百丈靈湫坐中至。溢匣水色如欲傾，兒童不敢窺。寒光照人近不得，坐愁雷電秋中生。吾兄吾兄須愛惜，將來慎勿虛拋擲。興雲致雨會有時，莫遣紅粧穢靈跡。

鏡聽詞

王建

重重摩挲嫁時鏡，夫婿遠行憑鏡聽。迴身不遣別人

知人意，丁寧鏡神聖。懷中收拾雙錦帶，恐畏街頭見驚怪。嗟嗟祭祭下堂階，獨自竈前來跪拜。出門願不聞悲哀，郎在任郎迴。未迴月明地上人，過盡好語多同皆道來。卷帷上牀喜不定，與郎裁衣失翻正。可中三日得相見，重繡鏡囊磨鏡面。

鏡聽詞

李廓

匣中取鏡祠竈王，羅衣掩盡明月光。昔時長著照容色，今夜潛將聽消息。門前地黑人來稀，無人錯道朝夕更歸深。弱體冷如鐵，繡帶菱花懷裏熱。銅片銅片如有靈，願得照見行人千里行。

唐詩類苑

卷之百八十三

三

對鏡吟

白居易

白頭老人照鏡時，掩鏡沈吟吟舊詩。二十年前一莖白，如今變作滿頭絲。吟罷迴頭索杯酒，醉來屈指數親知。老於我者多窮賤，設使身存寒且饑。少於我者半為土墓樹，已拙三五枝。我今幸得見白頭，祿俸不薄官不卑。眼前有酒心無苦，只合歡娛不合悲。

古鏡篇

陳陶

紫皇玉鏡蟾蜍字，墮地千年光不死。發匣身沈古井寒，懸臺日照愁成水。海戶山聰幾梳綰，菱花開落何人見。野老曾疑太白星，神狐夜哭秋天子。一

旋磨滅迴鸞影成枯骨會待搏風雨沈寥長恐尋  
苦蝕明月

題鏡

羅鄴

昔歲相知已有情幾迴磨拭始將行如今老去愁無  
限抱向閑牕却怕明

方鏡

賈島

背如刀截機頭錦面似升量澗底泉銅雀臺南秋  
得照來照去已三千

鏡中嘆白髮

呂溫

年過潘岳纔三歲還見星星兩鬢中縱使他時能早

唐詩類苑

卷之百八十三

三

達定知不作黑頭公

破鏡

杜牧

佳人失手鏡初分何日圓圓再會君今朝萬里秋風  
起山北山南一片雲

破鏡

李商隱

玉匣清光不復持菱花散亂月輪虧秦臺一照山雞  
後便是孤鸞罷舞時

見故人李均所借古鏡恨其未獲歸府斯人

已亡怡然有作

劉長卿

故人留鏡無歸處今日懷君試暫窺歲久豈堪尋自

入夜長應待月相隨空憐瓊樹曾臨匣猶見菱花  
映池所恨平生還不早如今始挂龍頭枝

老婦嘆鏡

王建

嫁時明鏡老猶在黃金縷盡雙鳳背憶昔咸陽初買  
來燈前自繡芙蓉帶十年不開一片鐵長向暗中梳  
白髮今日後牀重照看生死終當此長別

對鏡

劉兼

青鏡重磨照白鬚白鬚閑撚意何如故園迢遞千山  
外荒郡淹留四載餘風送竹聲侵枕簟月移花影過  
庭除秋霜滿領難消釋莫讀離騷失意書

唐詩類苑

卷之百八十三

三

古鏡

釋若虛

軒後紅爐獨鑄成薛痕磨落月輪呈萬般物象皆能  
鑒一箇人心不可明匣內乍開鸞鳳活臺前高挂鬼  
神驚百年肝膽堪將此只怕頻看素髮生

對鏡吟

白居易

閑看明鏡坐清晨多病姿容半老身誰論性情乖時  
事自想形骸非貴人三殿失恩宜放棄九空推命合  
漂淪如今所得須甘分腰佩銀龜朱兩輪

對鏡

白居易

三分鬢髮二分絲曉鏡秋容相對時去作忙官應太

老退爲閑叟未全遲靜中得味何須道穩處安身更  
莫疑若使至今黃綺在聞吾此語亦分司

對鏡偶吟贈張道士抱元 白居易

閑來對鏡自思量年貌衰殘分所當白髮萬莖何所  
怪丹砂一粒不曾嘗眼昏久被書料理肺渴多因酒  
損傷今日逢師雖已晚枕中治老有何方

簾

賦簾

太宗

參差垂玉闕舒卷映蘭宮珠光搖素月竹影亂清風  
彩散銀鈎上文斜桂戶中唯當雜羅綺相與媚房櫳

唐詩類苑

卷之百八十三

李嶠

詠簾

李嶠

清風時入燕紫殿幾含秋曖曖籠靈閣纖纖上玉鈎  
牕中翡翠動戶外水精浮巧作盤龍勢長迎飛燕遊

詠簾

萬楚

玳瑁昔稱華玲瓏薄絳紗鈎銜門勢曲節亂水紋斜  
日弄長飛鳥風搖不卷花自當分內外非是爲驕奢

詠簾

杜牧

徒云逢剪削豈謂見偏裝鳳節輕雕日鸞花薄飾香  
問屏何屈曲憐帳解解周防下漬金階露斜分碧瓦霜  
沈沈伴春夢寂寂侍華堂誰見昭陽殿真珠十二行

詠簾二首

羅隱

疊影重紋映畫堂玉鈎銀燭共熒煌會應得見神仙  
在休下真珠十二行

翡翠佳名世共稀玉堂高下巧相宜殷勤爲囑織纖  
手捲上銀鈎莫放垂

詠破簾

喬氏知之

已漏風聲罷羅幃也不禁一從經落節無復有貞心

篋

白角篋

羅隱

白似瓊瑤滑似苔隨梳伴鏡拂塵埃莫言此箇尖頭

唐詩類苑

卷之百八十三

李

物幾度撩人惡髮來

帷

詠帷

李嶠

久閉先生戶高褰太守襦羅將翡翠合錦逐鳳凰舒  
明月彈琴夜清風入幌初方知決勝策黃石受兵書

繡障

詠繡障

胡令能

日暮堂前花葉嬌爭拈小筆上牀描繡成安向東園  
裏引得黃鸝下柳條

帳



頗似近簾席還如入方丈盡日空不鳴窮年但相向  
未許子晉乘難教道林放貌既合羽儀骨亦符法相  
願升君子堂不必思崑閬

鶴屏

陸龜蒙

時人重花屏獨卽胎化狀叢毛練分絲疎節節相望  
人公相鶴經云大白容表毛生其色如雪又云高脚疎節則多皺也曾如氍毹態頗得  
連軒像勢擬搶高尋身猶在函丈如憂雞鶩闕似憶  
煙霞向塵世任縱橫霜襟自閑放空資明遠思不待  
浮丘相何由振玉衣一舉棲瀛閬

題山寺屏

賈島

唐詩類苑

卷之百八十三

三十

沈沈百尺餘功就豈斯須汲早僧出定鑿新蟲自無  
藏源重嶂底澄翳大空隅此地如經劫涼潭會共枯

破山水屏風

章孝標

時人嫌古畫倚壁不曾收雨滴膠山斷風吹絹海秋  
殘雲飛屋裏片水落牀頭尚勝凡花鳥君能補綴休

雲母屏風隔坐

彩障成雲母丹井隔上公才彰二紀感榮播一朝同  
近玉初齊白臨花乍散紅凝姿分縹緲轉珮辨玲瓏  
意愜恩偏厚名新寵更崇誰知歷千古猶自仰清風

觀元丹丘坐巫山屏風

李白

昔遊三峽見巫山見盡巫山宛相似疑是天邊十二  
峯飛入君家絲屏裏寒松蕭颯如有聲陽臺微茫如  
有情錦衾瑤席何寂寂楚王神女何盈盈咫尺如千  
里翠屏丹崖粲如綺蒼蒼遠樹圍棘門歷歷行舟泛  
巴水水石潺湲萬壑分煙光草色俱氤氳溪花笑日  
何年發江客聽猿幾歲聞使人對此心緬邈疑入嵩  
丘夢綵雲

屏風曲

李賀

蝶棲石竹銀交關水凝綠鴨瑤瑤錢團圓六曲抱膏  
蘭將髮鏡上擲金蟬沈香火暖茱萸煙酒觥綰帶新

唐詩類苑

卷之東主

三十一

寒林石屏

釋無悶

草堂無物件身閑唯有屏風枕簟間本向他山求得  
石却於石上看他山

題詩屏風絕句

并序

白居易

十二年冬微之猶滯通州予亦未離湓上相去萬  
里不見三年鬱鬱相念多以吟詠自解前後辱微  
之寄示之什殆數百篇雖藏於篋中永以爲好不  
若置之座右如見所思錄是掇律句中短小麗絕  
者凡一百首題錄合爲一屏風東言會心參若其



人在於前矣前輩作事多出偶然則安知此屏不  
爲好事者所傳異日作九江一故事耳因題絕句  
聊以獎之

相憶采君詩作幃自書自勘不辭勞幃成定被入爭  
寫從此南中紙價高

答微之

白居易

微之於閬州西寺手題予詩予以微之百篇題  
此屏各以絕句相報答

君寫我詩盈寺壁我題君句滿屏風與君相遇知何  
處兩葉浮萍大海中

唐詩類苑

卷之百八十三

三

題李相公勅賜錦屏風

溫庭筠

豐沛曾爲社稷臣賜書名畫墨猶新幾人同保山河  
誓猶自棲棲九陌塵

屏風絕句

杜牧

屏風周倣畫纖腰歲久丹青色半銷斜倚玉牕鸞髮  
女拂塵猶自妬嬌饒

屏風

李商隱

六曲連環接翠帷高樓半夜酒醒時掩燈遮霧密如  
此雨落月明俱不知

燕爾館破屏風所畫至精人多嘆賞題之

劉禹錫

畫時應遇空亡日賣處難逢識別人唯有多情往來  
客強將衫袖拂埃塵

題西平王舊賜屏風

溫庭筠

曾向金扉玉砌來百花鮮濕隔塵埃披香殿下櫻桃  
熟結綺樓前芍藥開朱鷺已隨新鹵簿黃鸝猶濕舊  
池臺世間剛有東流水一送恩波更不迴

生祺屏風歌

溫庭筠

玉墀暗接崑崙井井上無人金索冷畫壁陰森九子  
堂階前細月補靴影繡屏銀鴨香翁濛天上夢歸花  
統叢宜男漫作後庭草不似櫻桃千子紅

唐詩類苑

卷之百八十三

三

唐詩類苑卷第一百八十四

明雲間張之象玄超甫纂輯

雲間杜士基彥恭甫編次

雲間王徹叔朗甫補訂

梁谿曹仁孫伯安甫校正

器用部

香

詠香

羅隱

沈水良材食柏珍博山爐暖玉樓春憐君亦是無端物貪作聲香忘却身

唐詩類苑

卷之百八十四

寄南岳客乞靈光香

陸龜蒙

聞說融峯下靈香似反魂春來正堪采試為斲雲根

香毬

香毬

元稹

順俗唯團轉居中莫動搖愛君心不側猶訝火長燒

香印

香印

王建

閑坐燒印香滿戶松柏氣火盡轉分明青苔碑上字

燈

夜宴詠燈

顏真卿

桂酒牽詩興蘭缸照客情詎慙珠奕朗不讓月華明  
破暗光初白浮雲色轉清帶花疑在樹比燭欲分庭  
顧已慙微照開簾識近汀

詠燈

李商隱

皎潔終無倦煎熬亦自求花時隨酒遠雨夜背牕休  
冷暗黃茅驛暄明紫桂樓錦囊名畫掩玉局敗棋收  
何處無佳夢誰人不隱憂影隨簾柙轉光信草文流  
客自勝潘岳儂今定莫愁固應留半焰迴照下幃羞

詠燈

韓偓

高在酒樓明錦幕遠隨漁艇泊煙江古來幽怨皆銷

唐詩類苑

卷之百八十四

骨休向長門背雨牕

詠燈

鄭谷

雨向莎階滴未休冷光孤恨兩悠悠船中聞鴈洞庭  
宿牀下有蛩長信秋背照翠簾新灑別不挑紅燼正  
含愁蕭騷寒竹南牕靜一局閑棋為爾留

秋燈

王建

向壁暖悠悠羅幃寒寂寂斜照碧山圖松間一片石

對殘燈

韋應物

獨照碧牕久欲隨寒燼滅幽人將遠眠解帶翻成結

送綦母三寺中賦得紗燈

李康

禪室吐香燼輕紗籠翠煙長繩挂青竹百尺垂紅繡  
燭燭衆星下玲瓏雙塔前含光待明發此別豈徒然

詠燈

僧慕幽

鐘斷危樓鳥不飛焚焚何處最相宜香然水寺僧開  
卷筆寫春幃客著詩忽爾思多穿壁處偶然心盡斷  
纓時孫康勤苦誰能念少減餘光借與伊

燈影

元稹

洛陽晝夜無車馬漫挂紅紗滿樹頭見說平時燈影  
裏玄宗潛伴太真游

燈杖

唐詩類苑 卷之三百八十四

三

挑燈杖

駱賓王

稟質非貪熱焦心豈憚熬終知不自潤何處用脂膏

燈缸

寒缸

劉長卿

向夕燈稍進空堂彌寂寞光寒對愁人時復一花落  
但恐明見累何愁暗難托戀君秋夜永無使蘭膏薄

燈檠

短燈檠歌

韓愈

長檠八尺空自長短檠二尺便且光黃檠綠檠朱戶  
閉風露氣入秋堂涼裁衣寄遠淚眼暗搔頭頻挑移

近牀太學儒生東魯客二十辭家來射策夜書細字  
綴語言兩目眇昏頭雪白此時提攜富案前看書到  
曉那能眠一朝富貴還自恣長檠高張照珠翠吁嗟  
世事無不然牆角君看短檠檠

燈花

詠燈花同侯十一

韓愈

今夕知何夕花燃錦帳中自能當雪暖那肯待春紅  
黃裏排金粟釵頭綴玉蟲更願將喜事來報主人公

燭

詠燭二首

太宗

唐詩類苑 卷之三百八十四

四

焰聽風來動花開不待春鎮下千行淚非是爲思人

二

九龍幡焰動四照逐花生卽此流高殿堪持代月明

詠燭

李嶠

兔月清光隱龍盤畫燭新三星花入夜四序玉調晨  
浮柱依羅幌吹香匝綺茵若逢燕國相持用舉賢人

長門燭

王建

秋夜牀前蠟燭微銅壺滴盡曉鐘遲殘光一作欲滅  
還吹著年少宮人未睡時

代夫作白蠟燭詩贈人

孫氏

景勝銀釭香比蘭一條白玉偏人寒他時紫禁春風  
夜醉草天書仔細看

因夢得題公垂所寄蠟燭因寄公垂

白居易

照梁初日光相似出水新蓮豔不如却寄兩條君領  
取明年雙引入中書

蠟燭

鄭谷

仙漏遲遲出建章宮簾不動透清光金闈露白新裁  
詔畫閣春紅正試粧淚滴杯盤何所恨燼飄蘭麝暗  
和香多情更有分明處昭得歌塵下燕梁

唐詩類苑

卷之百八

五

燭花

詠燭花

褚亮

闌徑香風滿梅梁暖日斜言是東方騎來尋南陌車  
馬星臨夜燭眉月隱輕紗莫言春稍晚自有鎮開花

玉燭花

劉兼

裊裊香英三四枝亭亭紅豔照堦墀正當晚檻初開  
處却似春闈就試時少女不吹方燭燭東君偏惜未  
離披夜深斜倚朱欄外擬把隣光借與誰

炭

答友人贈炭

孟郊

青山白屋有仁人贈炭價重雙烏銀驅却坐上千里  
寒燒出爐中一片春吹霞弄日光不定暖得曲身成  
直身

扇

詠扇

李嶠

翟羽舊傳名蒲葵價不輕花芳不滿面羅薄詎障聲  
禦熱含風細臨秋帶月明同心如可贈持表合歡情

白羽扇

白居易

素是自然色圓因裁製功颺如松起籟飄似鶴翻空  
盛夏不銷雪終年無盡風引秋生手裏藏月入懷中

唐詩類苑

卷之百八

六

麈尾班非匹蒲葵陋不同何人稱相對清瘦白鬚翁

團扇歌

劉禹錫

團扇復團扇奉君清暑殿秋風入庭樹從此不相見  
上有乘鸞女蒼蒼網蟲遍明年入懷袖別是機中練

悲紈扇

韋應物

非關秋節至詎是恩情改掩嚙人已無委隨涼空在  
何言永不發暗使銷光彩

秋扇詞

劉禹錫

莫道恩情無重來人間榮謝遞相催當時初入君懷  
袖豈念寒爐有死灰

代董秀才却扇

李商隱

莫將畫扇出帷來遮掩春山滯上才若道團圓是明月此中須放桂花開

古扇

項斯

昨日裁成奪夏威忽逢秋節便相違寒塵妬盡秦王女涼殿恩隨漢主妃似月舊臨紅粉面有風休動麝香衣千年蕭瑟關人事莫語當時掩淚歸

代秋扇詞

鄭谷

露入庭蕪恨已深熱時天下是知音汗流浹背普施手氣爽中宵便負心一片山溪從蠹損數行文字任

唐詩類苑

卷之百八

七

塵侵綠槐陰合清和後不會何顏又見尋

印囊

戲題龔美書印囊

陸龜蒙

鵲銜龜顧妙無餘不愛封侯愛石渠應笑休文過萬

卷至今誰道沈家書

奉和陸魯望印囊次韻

皮日休

金篆方圓一寸餘可憐銀艾未思渠不知夫子將心

印印破人間萬卷書

藥盒

賦得花藤藥盒寄穎陰故人

朱畫

藤生南海濱引蔓青且長剪削為花枝何人無才亦有才有心割骨聞餘芳繁葉落何處孤貞在六願盛黃金膏寄與青眼路遠莫知意水深天蒼蒼

鼎

石鼎聯句

韓愈

巧匠斲山骨剗中事煎烹直柄未當權塞口且

吞聲龍頭縮菌蠢豕腹脹彭亨外包乾薛文

中有暗浪驚在冷安自足遭焚意彌貞謬當

鼎鼐間安使水火爭大似烈士膽圓如戰馬纓

唐詩類苑

卷之百八

八

師服上比香爐尖下與鏡面平秋瓜未落蒂東芋

強抽萌一塊元氣閉細泉幽實傾不值輸

瀉處焉知懷抱清方當紅爐燃益見小器盈

曉脫無刃迹團團類天成遙疑龜負圖出曝曉

正晴旁有雙耳穿上為孤髻撐或訝短尾銚

又似無足鎔可惜寒食毬擲此路傍坑何當

出灰地無計離瓶罌陋質荷甚酌狹中貴提擎

師服豈能煮仙藥但未汚羊羹形模婦女笑度量

兒童輕徒爾堅重性不過升合盛仍似廢

敲仰側見折時於蛭蚓竅微生蒼

以茲翻溢愆實負任使誠師服常居顧盼地敢有  
泄情喜寧依暖熱弊不與寒涼并彌明區區徒自效  
瑣瑣不足呈師服迴旋但兀兀開闔唯鏗鏗喜全勝  
瑚璉貴空有口傳名豈比俎豆古不爲手所橙磨礧  
去圭角浸潤著光明願君莫嘲諑此物方施行四韻  
作彌明

爐

別春爐

白居易

暖閣春初入溫爐與稍闌晚風猶冷在夜火且留看  
獨宿相依久多情欲別難誰能共天語長遣四時寒  
唐詩類苑 卷之八百八 九

博山香爐

溫庭筠

博山香重欲成雲錦段機絲妬鄂君粉蝶團飛花轉  
影彩鴛雙泳水生紋青樓二月春將半碧瓦千家日  
未曛見說楊朱無限淚豈能空爲路岐分

牀

牀

李嶠

傳聞有象牀疇昔獻君王玳瑁千金起珊瑚七寶粧  
桂筵含柏馥蘭席拂沈香願奉羅帷夜長承秋月光  
茵

齋中有獸皮茵偶成詠

羊士諤

逸才豈凡獸服猛愚人得山澤生異姿蒙茸蔚生  
青種持與藉重錦裁爲飾卧閣幸相宜溫然承宴息  
簞

竹簞

元稹

竹簞視重茵未忍都令卷憶昨初來日看君自施展

寄蘄州簞與元九

白居易

笛竹出蘄春霜刀劈翠筠織成雙文簞寄與獨眠人  
卷作筒中信紆爲席上珍滑如鋪薤葉冷似卧龍鱗  
清潤宜乘露鮮華不受塵通州炎障地此物最關身  
酬樂天寄蘄州簞 元稹

唐詩類苑

卷之八百八

十一

蘄簞未經春君先拭翠筠知爲熱時物預與瘴中人  
碾玉連心潤編牙小片珍霜凝青汗簡冰透碧遊鱗  
水魄輕涵黛琉璃薄帶塵夢成傷冷滑驚卧老龍身

斑竹筒簞

杜牧

血染斑斑成錦紋昔年遺恨至今存分明知是湘妃  
泣何忍將身卧淚痕

酬李學士寄簞

魚玄機

珍簞新鋪翡翠樓泓澄玉水記方流唯應雲扇情相  
似同向銀牀恨早秋

鄭群贈簞

韓愈

斬州笛竹天下知鄭君所寶尤環奇攜來官署不得  
卧一府傳看黃琉璃體堅色淨又藏節盡眼疑滑無  
瑕疵法曹貧賤衆所易腰腹空大何能爲自從五月  
困暑濕如坐深甕遭蒸炊手磨袖拂心語口慢膚多  
汗真相宜日暮歸來獨惆悵有賣直欲傾家資誰謂  
故人知我意卷送八尺含風漪呼奴掃地鋪未了光  
彩照耀驚童兒青蠅側翅蚤蟲避肅肅疑有清颯吹  
倒身甘寢百疾愈却願天日恒炎曦明珠清玉不足  
報贈子相好無時衰

白角簟

羅 鄴

唐詩類苑 卷之二百八十

十一

疊玉駢珪巧思長露華煙魄讓清光休搖雉尾當三  
伏似展龍鱗在一牀高價不唯標越絕冷紋疑是卧  
瀟湘杜陵他日重歸去獨和詩吟松桂堂

蜀

襲美將以綠蜀爲贈因成四韻

陸龜蒙

三徑風霜利若刀襜褕吹斷胃蓬蒿病中祇自悲龍  
具世上何人識羽袍狐貉近懷珠履貴薛蘿遙羨白  
巾高陳王輕暖如相遣免製衰荷效廣騷

謝魯望見迎綠蜀次韻

皮日休

輕裁鴨綠任金刀不怕西風斷野蒿酬贈既無書  
案纖華猶欠赤霜袍煙波怪石難同逸竹映仙禽未  
勝高成後料君無別事只應酣飲詠離騷

蒲團

同暢當詠蒲團

盧 綸

團團錦花結乃是前溪蒲擁坐稱儒褐倚眠宜病夫  
唯當學禪寂終老與之俱

枕

白石枕 并序

錢 起

起與監察御史畢公耀交之厚矣頃於藍水得片  
唐詩類苑 卷之二百八十

十一

石皎然霜明如其德也許爲枕贈之及琢磨將成  
炎暑已謝俗曰猶班女之扇可退也君子曰不然  
此真畢公之佳賞也故珍而賦之

琢珉勝水碧所貴素且貞曾無白珪玷不作浮磬鳴  
捧來太陽前一片新水清沈沈風憲地待爾秋已至  
璞堅難爲功誰怨晚成器比德無磷綈論交亦如此

水精枕

崔 珣

十年積雪萬年冰掌上初擎力不勝南國舊知何處  
得北方寒氣此中疑黃昏轉燭螢飛沼白日寒簾水  
在簾斷蠻蜀琴相對好裁詩乞與滌煩瑣



欹枕

鄭谷

欹枕高歌日午春酒酣睡足最閑身  
明明會得窮通理未必輸他馬上人

席

詠席

李嶠

避坐承宣父重筵揖戴公桂香浮半月  
蘭氣襲回風舞拂丹霞上歌清白雪中  
佇將文綺色舒卷帝王宮

杖

裴侍御見贈斑竹杖

李嘉祐

騷人誇竹杖贈我意何深萬點湘妃淚  
三年賈誼心

唐詩類苑 卷之三百四

十三

願持終白首誰道貴黃金他日歸愚谷  
偏宜綠綺琴

和徐法曹贈崔洛陽斑竹杖以詩見答

盧綸

玉幹一尋餘苔花錦不如勁堪和醉倚  
輕好向空書採拂稽山曲因依釋氏居  
芳辰將獨步豈與此君疎

贈梁浦秀才斑竹拄杖

賈島

棟得林中最細枝結根石上長身遲莫  
嫌瀟灑紅斑

少却似

一作湘妃淚盡時

贈張駒馬斑竹拄杖

曾護國

此君與我在雲溪勁節奇文勝杖藜為  
有歲寒堪贈

遠玉階行處愿提携

桃竹杖引

杜甫

江心蟠石生桃竹蒼波噴浸尺度足斬  
根削皮如紫玉江妃水仙惜不得梓潼  
使君開一束滿堂賓客皆歎息憐我老  
病贈兩莖出入爪甲鏗有聲老夫復欲  
東南征乘濤鼓枻白帝城路幽必為鬼  
神奪杖劍或與蛟龍爭重為告曰杖今  
杖今爾之生也甚正直慎勿見水踴躍  
學變化為龍使我不得爾之扶持滅跡  
於君山湖上之青峯噫風塵瀕洞兮豺  
虎咬人忽失雙杖今吾將曷從

唐詩類苑

卷之三百四

十四

露青竹枝歌

顧況

鮮于仲通正當年章仇兼瓊在蜀川約  
束蜀兒採馬鞭蜀兒採鞭不敢眠橫截斜  
飛飛鳥邊繩橋夜上層崖顛頭插白雲  
捧飛泉採得馬鞭長且堅浮漚丁子珠  
聯聯灰煮蠟揩光爛然章仇兼瓊持上天  
上大雨露何其偏飛龍閑廐馬數千朝飲  
吳江夕秣燕紅塵撲轡汗濕羈獅子麒麟  
聊比肩江面昆明洗刷牽四蹄踏浪頭俯  
天蛟龍稽顙河伯虔拓羯胡錐脚手鮮  
陳閔韓幹丹青妍欲貌未貌眼欲穿金鞍  
玉勒錦連乾騎入桃花楊柳煙十二樓中  
秦管絃樓中美人奪

神仙爭愛大家把此鞭祿山入關關破年忽見揚州  
北印前祗有人還千一錢亭亭筆直無皺節磨將形  
相一條鐵市頭格是無人別江海賤臣不拘綈垂髫  
挂影西牕缺稚子覓衣桃仰穴家僮拾薪幾拘折玉  
潤猶沾玉壘雪碧鮮似染長弘血蜀帝城邊子規咽  
相如橋上文君絕往年策馬降至尊七盤九折橫劍  
門穆王八駿超崑崙安用冉冉孤山根聖人不貴難  
得貨金玉珊瑚誰買恩

贈宗魯印竹杖

李商隱

大夏資輕策全溪贈所思靜憐穿樹遠滑想過苔遲

唐詩類苑

卷之三百八十四

五

鶴怨朝還望僧閑暮有期風流真底事常欲傍青羸

紅藤杖

白居易

交親過滌別車馬到江迴唯有紅藤杖相隨萬里來

紅藤杖

白居易

南沼紅藤杖西江白首人時時攜步月處處把尋春  
勁健孤莖直疎圓六節勾火山生處遠瀘水洗來新  
纒網纒盈手高低僅過身天邊望鄉客何日杜歸秦

朱藤杖紫驄吟

白居易

挂上山之上騎下山之下江州去曰朱藤杖忠州歸  
曰紫驄馬天生二物濟我窮我生合是栖栖者

和虞部盧四酬翰林錢七赤藤杖歌

韓愈

赤藤爲杖世未窺臺郎始攜自滇池滇王掃宮避使  
者跪進再拜語咀嚙繩橋挂過兒傾墮性命造次蒙  
扶持途經百國皆莫識君臣聚觀逐旌麾共傳滇神  
出水獻赤龍拔鬚血淋漓又云義和操火鞭瞑到西  
極睡所遺幾重包裹自題署不以珍怪誇荒夷歸來  
捧贈同舍子浮光照手欲把疑空堂晝眠倚牖戶飛  
電著壁搜蛟螭南宮清深禁闈密唱和有類吹埙篪  
妍辭麗句不可繼見寄聊且慰分司

唐詩類苑

卷之五百十四

六

酬藤杖

張籍

病裏出門行步遲喜君相贈古藤枝倚來自覺身生  
力每向傍人說得時

答匡山僧贈柳栗杖

曹松

栗杖出匡頂百中無一枝雖因野僧得猶畏岳神知  
畫月冷光在指雲秋片移宜畱引蹇步他日訪峨眉

答僧拄杖

張籍

靈藤爲拄杖白淨色如銀得自高僧手將扶病客身  
春遊不騎馬夜會亦呈人持此歸山去深宜戴角巾  
竹夾膝

以竹夾膝寄贈襲美

陸龜蒙

截得篋簾冷似龍翠光橫在暑天中堪臨薤簾閑憑  
月好向松牕卧歧風持贈敢齊青玉案醉吟偏稱碧  
荷筒添君雅具教多著爲著西齋譜一通

魯望以竹夾膝見寄因次韻謝

皮日休

圓於玉柱滑於龍來自衡陽絲翠中拂潤恐飛清夏  
雨叩虛疑貯碧湘風大勝書客裁成簡頗賽溪翁截  
作筒從此角巾因爾戴俗人相訪若爲通

拂子

唐詩類苑 卷之百八十四

七

櫻拂子

杜甫

機拂且薄暈豈知身效能不堪代白羽有足除蒼蠅  
熒熒金錯刀擢擢朱絲繩非獨顏色好亦用顧盼稱  
吾老抱疾病家貧卧炎蒸咂膚倦撲撲爾甘服膺  
物微世競棄義在誰肯微三歲清秋至未敢闕絨膝  
和趙給事白蠅拂歌 盧綸

華堂多衆珍白拂稱殊異柄裁沈節香襲人上結爲  
文下垂穗霜縷霏微瑩且柔虎鬚乍細龍髯稠皎然  
素色不因染游爾涼風非爲秋群蠅青蒼恣遊息廣  
庖萬品無顏色金屏成點玉成瑕畫臥空轉空空嗟

此時滿筵看一舉荻花忽旋揚花舞著如寒雀  
禽颯若繁埃得輕雨主人說是故人留每誠如新比  
白頭若將揮玩閑臨水願接波中一白鷗

機欄蠅拂歌

元稹

機欄爲拂登君席青蠅撩亂飛四壁文如輕羅散如  
髮馬尾聲牛不能潔柄出湘江之竹碧玉寒上有纖  
羅縈縷尋未絕左揮右灑繁暑清孤松一枝風有聲  
麗人紈素可憐色安能點白還爲黑

樽

登峴山觀李左相石樽聰句

唐詩類苑 卷之百八十四

十八

顏真卿

李公登飲處因石爲窪樽人事歲年改峴山今古存  
燕燕掩前跡苔蘚餘舊痕叔子尚遺德山公此迴軒  
維舟陪高興感昔情彌敦藹藹賢哲事依依離別言  
嶮嶮橫道周迢遞連山根餘烈暖林野衆芳揖蘭蓀  
德輝映巖足勝賞延高原遠水明匹練因晴見吳門  
陪遊追盛美揆德欣討論器有成形用功資造化元  
流霞方泔淡別鶴遽翩翻舊規傾逸賞新興麗初瞰  
醉後接離倒歸時騶駟喧遲遲向道遠離別益傷魂  
賈事古興爲人 賈實久徂歸遠空攀援

八座欽懿躡高名播乾坤松深引閑步葛弱供險捫  
花氣酒中馥雲華衣上屯森沈列胡樹牢落望郊園  
白石半巖岫清風滿丘樊旌麾間翠幄簫鼓來朱轡  
閑路躡雲影清心澄水源萍連浦中嶼竹遶山下村  
景落全溪暗煙凝半嶺昏去日往如復換年涼代溫  
登臨繼風騷義激舊府恩

詠山樽

李白

擁腫寒山木嵌空成酒樽愧無江海量偃蹇在君門

詠山樽

李白

蟠木不凋飾且將斤斧疎樽成山嶽勢材是棟梁餘

唐詩類苑

卷之二百八十四

十九

外與金疊並中涵玉醴虛慙君垂拂拭遂忝玳筵居

與禪師攜瘦樽歸杏園聯句

李益

千畦抱甕園一酌癭樽酒唯有沃州僧時過杏溪叟

追歡君適性獨飲我空口儒釋事雖殊文章意多偶

對芳樽

韋應物

對芳樽醉來百事何足論遙見青山始一醒欲著接

離還復昏

卮

賦得玉卮無當

卮字

元稹

共惜連城寶翻成無當卮詎慚君子貴深訝巧工  
泛蟻功全少如虹色不移可憐殊礫石何計辨糟醅  
江海誠難滿盤筵莫忘施縱乖斟酌意猶得對光儀

賦得玉卮無當

蔣防

美玉常爲器茲焉變漏卮酒漿悲莫挹樽俎念空施  
符彩功難補盈虛數已虧豈唯孤玩好抑亦類瑕疵  
清越音雖在操持意漸隨賦形期大匠良璞物同斯

蓋

棲巖寺隋文帝瑪瑙蓋歌

盧綸

天官寶器隋朝物鑲在金函比金骨開函捧之光乃

唐詩類苑

卷之三百八十四

二十

發阿修羅王掌中月五雲如拳輕復濃昔曾嘆酒今

藏龍現形環影相透徹亂雪繁花千萬重可憐貞質

無今古可歎隋陵一杯土宮中豔女滿宮春得親此

寶能幾人一留寒殿殿將壞唯有幽光通隙塵山中

老僧眉似雪忍死相傳保局鑄

杯

瑪瑙杯歌

錢起

瑤溪碧岸生奇寶剖質披心出文藻良工雕飾明且  
鮮得成珍器入芳筵含華炳麗金樽側翠尊瓊觴忽  
無色繁絃急管催獻酬倏若飛空生羽翼湛湛蘭英

照豹斑滿堂詞客盡朱顏花光來去傳香袖霞影高低傍玉山王孫彩筆題新詠碎錦連珠復輝映世情貴耳不貴竒謾說海底珊瑚枝寧及琢磨當妙用燕歌楚舞長相隨

鏡換杯

白居易

欲將朱匣青銅鏡換取金樽白玉卮鏡裏老來無避處樽前愁至有消時茶能散悶爲功淺萱縱忘憂得力遲不似杜康神用速十分一盞便開眉

瓢

詠瓢

張說

唐詩類苑

卷之三百八

三

美酒酌懸瓢真淳好相映蝸房卷墮首鶴頸抽長柄雅色素而黃虛心輕且勁豈無雕刻者貴此成天性

酒席賦得匏瓢

鄭審

華閣與賢開仙瓢自遠來幽林常伴許陋巷亦隨回挂影憐紅壁傾心向綠杯何曾斟酌處不使玉山頹

答釋子良史送酒瓢

韋應物

此瓢今已到山瓢知已空且飲寒塘水遙將回也同

酒胡子

賦酒胡子

盧汪

同心相遇思同歡擎出酒壺當玉盤盤中餽飢不自

定四座清賓注意看可亦不在心否亦不在面徇客隨時自圓轉酒胡五藏屬他人十分亦是無情勸爾不耕亦不饑爾不蠶亦有衣有限不能分饘飯有口不能明是非鼻何尖眼何碧儀形本非天地力雕鐫匠意若多端翠帽朱衫巧粧飾長安斗酒十千酤劉伶平生爲酒徒劉伶須向酒中死不得酒池中拍浮酒胡一滴不入眼空令酒胡名酒胡

榼

寄兩銀榼與裴侍郎因題兩絕

白居易

唐詩類苑

卷之三百八

三

貧無好物堪爲信雙榼雖輕意不輕願奉謝公池上酌丹心綠酒一時傾

慣和麴蘖堪盛否重用鹽梅試洗看小器不知容幾

許襄陽米賤酒升寬

匙

路上寄銀匙與阿龜

白居易

謫宦心都慣辭鄉去不難綠留龜子住涕淚一闌干小子須嬌養鄉婆爲好看銀匙封寄汝憶我卽加餐

碗

又於韋處乞大呂磁碗

杜甫

大邑燒磁輕且堅扣如哀玉錦城傳君家白盃勝霜  
雪急送茅齋也可憐

瓶

銅瓶

杜甫

亂後碧井廢時清瑤殿深銅瓶未失水百丈有哀音  
側想美人意應悲寒飈沈蛟龍半缺落猶得折黃金

筒

信行遠修水筒

引泉筒也按信行錄人名

甫

汝性不如葦清淨僕夫內秉心識本源於事少滯礙  
雲端水筒圻林表山石碎觸熱籍子修通流與厨會

唐詩類苑

卷之百八

圭

往來四十里荒險崖谷大日曛驚未餐貌赤如相對  
浮瓜供老病裂餅常所愛於斯答恭謹足以殊殿最  
詎要方士符何假將軍蓋行諸直如筆用意崎嶇外

裴侍郎湘川廻以青竹筒相遺因而贈之

錢起

楚竹青玉潤從來湘水陰絨書取直節君子知虛心  
入用隨憲簡積文不受金體將丹鳳直色映秋霜深  
寧肯假伶倫謬爲龍鳳吟唯將翰苑客昔秘瑤華音  
長跪捧嘉貺歲寒慚所欽

石

月下聽砧

劉長卿

夜靜掩寒城清砧發何處聲聲搗秋月腸斷盧龍戍  
未得一作寄征人愁霜復愁露

聞砧

孟郊

杜鵑聲不哀斷猿啼不切月下誰家砧一聲腸一絕  
杵聲不爲客客聞髮自白杵聲不爲衣欲令遊子歸

江樓聞砧

白居易

江人授衣晚十月始聞砧一夕高樓月萬里故園心

聞夜砧

白居易

誰家思婦秋擣帛月苦風淒砧杵悲八月九月正長

唐詩類苑

卷之百八

圭

夜千聲萬聲無了時應到天明頭盡白一聲添得一

莖絲

秤

賦得秤送孟孺卿

包何

願以金秤鍵因君贈別離  
懸新月吐衡直衆星隨  
掌握須平執銖鎰必盡知  
由來披分審莫放弄權移

莎柵

莎柵聯句

韓愈

水溪時咽絕風樞方軒舉  
此處不斷腸定知無斷

處

唐詩類苑卷第一百八十五

明雲間張之象玄超甫纂輯

雲間杜士基彦恭甫編次

雲間王微叔朗甫補訂

梁谿曹仁孫伯安甫校正

服食部

冠

答寄芙蓉冠子

王建

一學芙蓉葉初開映水幽雖經小兒手不稱老夫頭  
枕上眠常戴風前醉恐柔明年有閨閣此樣必難求

唐詩類苑 卷之二百八十五

山友贈薛花冠

項斯

塵汗出華髮慙君青薛冠此身閒未得終日戴應難  
好就松陰挂宜當枕石看會須尋道士簪去繞霜壇

巾

翻著葛巾呈趙尹

張說

昔日接羅倒今我葛巾翻宿酒何時醒形骸不復存  
忽聞有嘉客躡步出閑門桃花春徑滿誤識武陵源

和張燕公翻著葛巾

趙冬曦

美酒值芳春醒餘氣益真降歡時倒展乘興偶翻巾  
徐榻思方建左車理自均傲然歌一曲一醉濯纓人



訓賀四贈葛巾之作

王維

野巾傳惠好茲貺重兼金嘉此幽棲物能齊隱吏心  
早朝方暫挂晚沐更來簪坐覺塵塵遠思君共入林

友人遺華陽巾

剪霧裁煙勝角冠來從玉洞五雲端醉宜薤葉欹斜  
影穩稱菱花仔細看野客愛留籠鶴髮溪翁爭乞配  
魚竿真仙首飾勞相寄塵土翻慙戴去難

三兄以白角巾寄遺髮不勝冠因有感歎

元稹

病瘴年深渾禿盡那能勝置角頭巾暗梳蓬鬢羞臨

唐詩類苑 卷之一百八十五

二

鏡私戴蓮花耻見人白髮過於冠色白銀釘少校領  
中銀我身四十猶如此何況吾兄六十身

以紗巾寄魯望因而有作 皮日休

周家新樣替三梁裹髮偏宜白面郎掩斂乍疑裁黑  
霧輕明渾似戴玄霜今朝定見看花景明日應聞渡  
酒香更有一般君未識虎文巾在絳霄房

襲美以紗巾見惠繼以雅音因次韻訓謝

陸龜蒙

薄如蟬翅背斜陽不稱春前贈因郎初覺頂寒生遠  
吹預憂頭白透新霜堪窺水檻澄波影好拂花牆亞

藥香知有芙蓉留自戴欲裁煙霧訪黃房

帽

答友人贈烏紗帽

李白

領得烏紗帽全勝白接離山人不照鏡稚子道相宜

感舊紗帽帽即故李侍郎所贈

白居易

昔君烏紗帽贈我白頭翁帽今在頂上君已歸泉中  
物故猶堪用人亡不可逢岐山今夜月墳樹正秋風

詠白油帽送客

錢起

薄質漸加首愁陰幸庇身卷舒無定日行止必依人

唐詩類苑 卷之一百八十五

三

已沐脂膏惠寧辭雨露頻雖同客衣色不染洛陽塵

答元八遺紗帽

張籍

黑紗方帽君邊得稱到山前坐竹牀唯恐被人偷樣  
剪不曾閒戴出書堂

簪

答陳拾遺竹簪

張九齡

與君當此志因物復知心送我龍鍾節非無代瑁簪  
幽素宜相重豈所任君安首飾懷此代兼金

答友人惠牙簪

章孝標

牙簪不可忘來處隔炎荒截得半輪月磨成四寸霜

曉辭梳齒膩秋入髮根涼好是紗巾下纖纖錐出囊

釵

開池得古釵

王建

美人開池北堂下拾得寶釵金未化鳳凰半在雙股  
齊鈿花落處生黃泥當時墮地覓不得暗想窻中還  
夜啼可知將來對夫婿鏡前學梳古時髻莫言至死  
亦不遺還似前人初得時

古釵歎

張籍

古釵墮井無顏色百尺泥中今復得鳳凰宛轉有古  
儀欲爲首飾不稱時女伴傳看不知主羅袖拂拭生  
唐詩類苑 卷之百八十五 四

光輝蘭膏已盡股半折雕文刻樣無年月雖離井底  
入匣中不用還與墜時同

失釵怨

王建

貧女銅釵惜於玉失却來 一日哭嫁時女伴與作  
粧頭戴此釵如鳳凰雙杯行酒大親喜我家新婦宜  
拜堂鏡中乍無失髻樣初起猶疑在牀上高樓翠鈿  
飄舞塵明日從頭一遍新

章服

初着緋戲贈元九

白居易

晚遇緣才拙先衰被病牽那知垂白日始是着緋年

身外名徒爾人間事偶然我朱君紫綬猶未得差  
同諸公袁郎中宴筵喜加章服

劉長卿

手詔來筵上腰金粉闥歎名傳舊閣蹈舞着新衣  
白社同遊在滄洲此會稀寒筵發後殿秋草送西歸  
世難常摧敵時閒已息機曾連功可讓千載一相輝  
奉餞元侍郎加豫章採訪兼賜章服

劉長卿

任重兼烏府時平偃豹韜澄清湘水變分別楚山高  
花對形禱發霜和白雪操黃金裝舊馬青草換新袍  
唐詩類苑 卷之百八十五 五

嶺暗猿啼月江寒露映濤豫章生宇下無使翳蓬蒿  
答賀客

白居易

銀章暫假爲羣城賀客來多懶起迎似挂緋衫衣架  
上朽林枯竹有何榮

和蔣學士新授章服

王建

五色箱中絳服春笏花成就白魚新看宣賜處驚迴  
眼着謝恩時便稱身瑞草唯承天上露紅綬不受世  
間塵翰林同賀文章出驚動茫茫下界人

初除官蒙裴常侍贈鵲銜瑞草緋袍魚符

謝惠貺兼抒離情

白居易

新授銅符未着緋因君裝束始光輝惠深范叔緋  
贈榮過蘇秦佩印歸魚綴白金隨步躍鵲銜紅綬遶  
身飛明朝戀別朱門淚不敢多垂恐汗衣

初授秘監并賜金紫閒吟小酌偶寫所懷

白居易

紫袍新秘監白首舊書生  
雪人間壽腰金世上榮  
子孫無可念產業不能營  
酒引眼前興詩留身後名  
閒傾三數酌醉詠十餘聲  
便是羲皇代先從心太平  
和楊六尚書喜兩地漢公轉吳興  
魯士賜章服寬命開宴用慶恩  
榮賦長句見示

唐詩類苑

卷之二百八十五

六

白居易

華筵賀客日紛紛  
劍外歡娛洛下聞  
朱紱寵光新照地  
彤襜喜氣遠凌雲  
榮聯花萼詩難和  
樂助壺觴酒易醺  
感美料應知我意  
今生此事不如君

聞行簡恩賜章服喜成長句寄之

白居易

吾年五十加朝散爾亦今年賜  
服章齒髮恰同知  
命歲官銜俱是客  
曹郎榮傳錦帳花  
聯萼絲動綾袍鴈  
趨行大抵着緋宜  
老大莫嫌秋鬢數經霜

賀淮南節度盧員外賜緋一羅隱

臉蓮高貴九霄聞  
燦燦朱衣降五雲  
驄馬早年曾逐路  
銀魚今日且從軍  
銜題綵服垂天眷  
袍展花心透綬紋  
應笑當年老萊子  
鮮華都自降明君

賀淮南節度盧員外賜緋徐商

朱紫花前賀故人  
兼榮此會頗關身  
同年座上聯賓榻  
宗姓亭中布錦綢  
晴日照旗紅灼燦  
韶光入隊影玢璘  
芳菲解助今朝喜  
嫩藥青條滿眼新

賀盧員外賜緋段成式

雲雨軒懸鶯語新  
一篇佳句占陽春  
銀黃年少偏欺酒  
金紫風流不讓人  
連壁座中斜日滿  
貫珠歌裏落花頻  
莫辭倒戴吟歸去  
看欲東山又吐茵

唐詩類苑

卷之二百八十五

七

王傳

賀羅員外賜緋

朱紫聯輝照日新  
芳菲全屬斷金人  
華筵重處宗盟地  
白雪飛時郢曲春  
仙府色饒攀桂侶  
蓮花光讓握蘭身  
自憐亦是膺門客  
吟想恩榮氣益振

喜劉蘇州恩賜金紫遙想賀謙以詩慶之

白居易

海內姑蘇太守賢  
恩加章綬豈徒然  
賀賓喜色欺杯酒  
醉妓歡聲遏管絃  
魚珮葦鱗光照地  
鸛銜瑞草勢冲天  
莫嫌賡上些些白  
金紫由來稱二千

初着刺史排答友人見贈 白居易

故人安慰善爲辭五十專城道未遲徒使花袍紅似火其如蓬鬢白成絲且貪薄俸君應惜不稱衰容吾自知銀印可憐將底用只堪歸舍嚇妻兒

袍

尚書念舊垂賜袍衣率題絕句獻上以申感

謝

岑參

富貴情還在相逢豈間然綈袍更有贈猶荷故人憐

宣賜錦袍設上贈諸郡客 劉兼

十月芙蓉花滿枝天庭驛騎賜寒衣將同玉蝶侵肌

唐詩類苑

卷之一百八十五

八

冷也遣金鵬遍體飛夜臥始知多忝竊書行方覺轉

光輝深冬若得朝丹闕太華峰前衣錦歸

衣

擣衣

吳大江

沙塞秋應晚金閨恨已空那堪裂紈素時許出房櫳杵影美寒月砧聲調夜風裁縫雙淚盡萬里寄雲中

擣衣

杜甫

亦知戍不返秋至拭清砧已近苦寒月况經長別心寧辭擣衣倦一寄塞垣深用盡閨中力君聽空外音

擣衣篇

劉希夷

秋天瑟瑟夜漫漫月白風清玉露團燕山遊子衣裳

薄秦地佳人閨閣寒欲向樓中繁楚練還來機上裂

齊紈攬紅袖芳愁徙倚時青砧兮悵盤桓盤桓徙倚

夜已久螢火雙飛入簾牖西北風來吹細腰東南月

上浮纖手此時秋月可憐明此時秋風別有情君看

月下參差影爲聽莎間斷續聲絳河轉兮青雲曉飛

鳥鳴兮行人少攢眉緝縷思紛紛對影穿針魂悄悄

聞道還家未有期誰憐登隴不勝悲夢見形容亦舊

日爲許裁縫改昔時絨書遠寄交河曲須及明年春

草綠莫嫌衣上有斑斑只爲思君淚相續

唐詩類苑

卷之一百八十五

九

擣衣篇

李白

閨裏佳人年十餘嘔蛾對影恨離居忽逢江上春歸

燕銜得雲中尺素書玉手開絨長歎息征夫猶戍交

河北萬里交河水北流願爲雙鳥汎中洲君邊雲擁

青絲騎妾處苔生紅粉樓樓上春風日將歇誰能攬

鏡看愁髮曉吹絃管隨落花夜擣戎衣向明月明月

高高刻漏長真珠簾箔掩蘭堂橫垂寶幄同心結半

拂瓊筵蘇合香瓊筵寶幄連枝錦燈燭熒熒照孤寢

有使憑將金剪刀爲君留下相思枕摘盡庭蘭不見

君紅巾拭淚坐氤氳明年更若征邊塞願作陽臺一

段雲

擣衣曲

劉禹錫

爽砧應秋律繁杵含淒風一一遠相續家家音不同  
戶庭凝露清伴侶明月中長裾委襞積輕珮垂璫  
汗餘衫更馥細移麝半空報寒驚邊鴈促思聞候蟲  
天狼正芒角虎落定相攻盈篋寄何處征人如轉蓬

寄盧僊員外秋衣詞

于鵠

寄遠空以心心誠亦難知篋中有秋帛裁作遠客衣  
縫製雖女功尺度手自持容貌常目中長短不復疑  
斜縫密且堅遊客多塵細意欲都無言澣濯耐歲時

唐詩類苑

卷之八百八十五

十

殷勤託行人傳語慎勿遺別來已年老亦聞鬢成絲  
縱然更相逢握手唯是悲所寄莫復棄願見長相思

答張相公寄羅衣

李白

張相公出鎮荊州尋除太子詹事余時流夜郎行  
至江夏與張相公去千里公因太府丞王昔使車  
寄羅衣一事及五月五日贈余詩余答以此詩

張衡殊不樂應有四愁詩慙君錦繡段贈我慰相思  
鴻鵠復矯翼鳳凰憶故池榮樂一如此商山老紫芝  
開元中賜邊軍羅衣有年士於短袍中得詩

開元宮人

沙場征戍客寒苦若爲眠戰袍經手作知落阿誰邊  
蓄意多添線含情更著綿今生已過也重結後生緣

春深脫衣

李商隱

睥睨江鴉集堂皇海燕過減衣憐蕙若展障動煙波  
日烈憂花甚風長奈柳何陳遵容易學身世醉時多

謝令狐綯相公賜衣九事

賈島

長江飛鳥外主簿跨驢歸逐客寒前夜元戎與厚衣  
雪來松更綠霜降月彌輝卽入調殷昉朝分是與非

更衣曲

劉禹錫

唐詩類苑

卷之八百八十五

十一

博山炯炯吐香霧紅燭引至更衣處如何其夜夜漫  
漫隣鷄未鳴寒鴈度庭前雪壓松桂叢廊下點點懸  
紗籠滿堂醉客爭笑語嘈囂琵琶青幕中

寄生衣與微之因題封上

白居易

淺色縠衫輕似霧紡花紗袴薄於雲莫嫌輕薄但知  
著猶恐通州熱殺君

訓樂天寄生衣

元稹

秋茅處處流殘瘡夜烏聲聲哭瘴雲羸骨不勝纖細  
物欲將文服却還君

謝楊東川寄衣服

白居易

年年衰老交遊少處處蕭條音信稀唯有巢兄不相

忘春茶未斷寄秋衣

寄衣曲

張籍

織素縫衣苦辛遠因回使寄征人官家亦自寄衣  
去貴從妾手羞君身高堂姑老無侍子不得自到邊  
城裏慙慙爲看初着時征夫身上宜不宜

元九以綠絲布白輕襖見寄製成衣服以詩  
報之

白居易

綠絲文布素輕襖珍重京華手自封貧友遠勞君寄  
附病妻親爲我裁縫袴花白似秋雲薄衫色青於春  
草濃欲着却休知不稱折腰無復舊形容

唐詩類苑

卷之一百八十五

十二

訓樂天得稹所寄綠絲布白輕襖製成衣服

以詩報之

元稹

湓城萬里隔巴庸紆薄綈輕共一封腰帶定知今瘦  
小衣衫難作遠裁縫唯愁書到炎涼變忽見詩來意  
緒濃春草綠茸雲色白想君騎馬好儀容

襖

新製綾襖成感而有詠

白居易

水波文襖造新成綾軟綿勻溫復輕晨興好擁向陽  
坐晚出宜披蹋雪行鶴氅毳疎無實事木綿花冷得  
虛名宴安往往歡侵夜臥穩昏睡到明百姓多寒

無可救一身獨煖亦何情心中爲念農桑苦耳  
聞饑凍聲爭得大裘長萬丈與君都蓋洛陽城

衫

故衫

白居易

聞淡緋衫稱老身半披半曳出朱門袖中吳郡新詩  
本襟上杭州舊酒痕殘色過梅看向盡故香因洗嗅  
猶存曾經爛熳三年着欲棄空箱似少恩

裘

新製布裘

白居易

桂布白似雪吳錦軟於雲布重綿且厚爲裘有餘溫

唐詩類苑

卷之一百八十五

十三

朝擁坐至暮夜覆眠達晨誰知嚴冬月支體暖如春  
中夕忽有念撫裘起逡巡丈夫貴兼濟豈獨善一身  
安得萬里裘蓋裹周四垠穩暖皆如我天下無寒人

焚裘

金主臨前殿懲奢焚異裘忽看陽焰發如睹吉光流  
麗彩辭宸辰餘香在御樓火隨餘燼滅氣逐遠煙浮  
素朴同恩變凋華逐志休大垂恭儉德千古揖皇猷

訓殷明佐見贈五雲裘歌

李 白

我吟謝朓詩上語朔風颯颯吹飛雨謝朓日沒青山  
空後來繼之有殷公粉圖珍裘五雲色曄如晴天散

綠虹文章彪炳光陸離應是素娥玉女之所爲  
松花落金粉濃似苔錦含碧滋遠山積翠橫海島殘  
霞霏丹映江草凝毫採掇花露客幾年功成奪天造  
故人贈我我不遠着令山水含清暉頓驚謝康樂詩  
興生我衣襟前林壑歛暝色袖上煙霞收夕霏群仙  
長歎驚此物千崖萬壑相縈鬱身騎白鹿行飄飄手  
翳紫芝笑被拂相如不足誇鷦鷯王恭鶴警安可方  
瑤臺雪花數千點片片吹落春風香爲君持此凌蒼  
蒼上朝三十六玉皇下窺夫子不可及矯手相思空  
斷腸

唐詩類苑

卷之二百八十五

十四

韞

詠韞

李商隱

嘗聞宓妃韞渡水欲生塵好借嫦娥着清秋踏月輪

詠韞

杜牧

鈿尺裁量減四分纖纖玉笋裹輕雲五陵年少欺他  
醉笑把花前出畫裙

履

履子

六寸膚圓光綴綴白羅繡屨紅花裏南朝天子欠風  
流却重金蓮輕綠齒

鞋

贈太常王建藤杖笋鞋

張籍

蠻藤剪爲杖楚笋結成鞋稱與詩人用堪隨禮寺齋  
尋花入幽徑步日下寒堦以此持相贈君應慙素懷

襪

太子張舍人遺織成襪段

杜甫

客從西北來遺我翠織成開絨風濤湧中有棹尾鯨  
逶迤羅水族瑣細不足名客云克君襪承君終晏榮  
空堂魑魅走高枕形神清領客珍重意顧我非公卿  
留之懼不祥施之混柴荆服飾定尊卑大哉萬古程

唐詩類苑

卷之二百八十五

十五

被

詠被

李嶠

今我一賤老短褐更無營煌煌珠宮物寢處禍所嬰  
歎息當路于干戈尚縱橫掌握有權柄衣馬自肥輕  
李鼎死岐陽實以驕貴盈來填賜自盡氣豪直阻兵  
昔聞黃金多坐見悔吝生奈何田舍翁受此厚貺情  
錦鯨卷還客始覺心和平振我麤席塵愧客如藜羹  
桂友尋東閣蘭交聚北堂象筵分錦繡羅薦合鴛鴦  
光逸偷眠穩王章泣恨長孔懷欣共寢棲壘幾含芳  
唐詩類苑卷第一百八十五終



唐詩類苑卷第一百八十六

明雲間張之象玄超甫纂輯

雲間杜士基彥恭甫編次

雲間王微叔朗甫補訂

梁谿曹仁孫伯安甫校正

服食部

酒

詠酒

李嶠

孔坐洽良儔陳筵幾獻酬臨風竹葉滿湛月桂香浮  
每接高陽宴長陪河朔遊會從玄石飲雲雨出圓丘

唐詩類苑

卷之一百八十六

詠酒

翁綬

逃暑迎春復送秋無非綠蟻滿盃浮百年莫惜千回  
酒一盞能消萬古愁幾爲芳菲眠細草曾因雨雪上  
高樓平生名利關身者不識狂歌到白頭

詠家醞十韻

白居易

獨醒從古笑靈均長醉如今數伯倫舊法依稀傳自  
杜新安要妙得於陳井泉王相資重九麴藥精靈用  
上寅釀糯豈宜炊范黍撇筍何假漉陶巾常嫌竹葉  
猶凡濁始覺榴花不正道獨聞時香酷烈餅封貯  
後味甘辛捧疑明水從化飲似陽和滿腹春色洞

玉壺無表裏光搖金盞有精神能銷忙事成閒事轉  
得憂人作樂人應是世間賢聖物與君還往擬終身

酒德

孟郊

酒是古明鏡輾開小人心醉見異舉止醉聞異聲音  
酒功如此多酒屈亦以深罪人免罪酒如此可爲箴

對酒

李白

勸君莫拒盃春風笑人來桃李如舊識傾花向我開  
流鶯啼碧樹明月窺金罍昨來朱顏子今日白髮催  
棘生石虎殿鹿走姑蘇臺自古帝王宅城闕閉黃埃  
君若不飲酒昔人安在哉

唐詩類苑

卷之一百八十六

對酒行

李白

松子棲金華安期入蓬海此人古之仙羽化竟何在  
浮生速流電倏忽變光彩天地無凋換容顏有遷改  
對酒不肯飲含情欲誰待

對酒二首

白居易

人生一百歲通計三萬日何況百歲人人間百無一  
賢愚共零落貴賤同理沒東岱前後魂北邙新舊骨  
復聞藥誤者爲愛延年術又有憂死者爲貪政事畢  
藥誤不得老憂死非因藥誰人言最靈知言不知失  
何如會親友飲此盃中外能無煩慮能無性出

所以劉阮輩終年醉兀兀

引手攀紅櫻紅櫻落似霰仰首看白日白日走如箭  
年芳與時景頃刻猶衰變况是血肉身安能長強健  
人心苦迷執慕貴憂貧賤愁色常在眉歡容不上面  
况吾頭半白把鏡非不見何必花下盃更待他人見

對酒閒吟贈同老者

白居易

人生七十稀我年幸過之遠行將路盡春夢欲覺時  
家事口不開世名心不思老既不足歎病亦不能治  
扶持仰婢僕將養信妻兒饑飽進退食寒暄加減衣  
聲妓放鄭衛裘馬脫輕肥百事盡除去尚餘酒與詩

唐詩類苑

卷之一百八十六

三

興來吟一篇吟罷酒一卮不獨適情性兼用扶衰羸  
雲液灑六腑陽和生四肢於中我自樂此外吾不知  
寄問同老者捨此將安歸莫學蓬心叟曾中殘是非

對酒示行簡

白居易

今旦一樽酒歡暢何怡怡此樂從中來他人安得知  
兄弟惟二人遠別恒苦悲今春自巴峽萬里平安歸  
復有雙幼妹笄年未結褵昨日嫁娶畢良人皆可依  
憂念兩消釋如刀斷羈縻身輕心無繫忽如凌空飛  
人生苟有累食肉常如饑我心既無苦飲水亦可肥  
行簡勸爾酒停盃聽我詞不歡鄉國遠不嫌官祿微

但願我與爾終老不相離

花下對酒

白居易

藹藹江氣春南賓閏五月梅櫻與桃杏次第城上發  
紅房爛簇火素豔紛圍雪香惜委風飄愁牽壓枝折  
樓中老太守頭上新白髮冷澹病心情暄和好時節  
故園音信斷遠郡親賓絕欲問花前樽依然爲誰設

對酒

曹鄴

愛酒知是癖難與性相捨未必獨醒人便是不飲者  
晚歲無此物何由住田野

對酒

王勃

唐詩類苑

卷之一百八十六

四

投簪下山閣攜酒對河梁狹水牽長鏡高花送斷香  
繁鶯歌似曲疎蝶舞成行自然催一醉非但閱年光

對酒二首

賈至

梅發柳依依黃鸝歷亂飛當歌吟酒色對酒惜芳菲  
曲水浮花氣流風散舞衣通宵留暮雨上客莫言歸

二

春來酒味濃舉酒對春叢一酌千憂散三盃萬事空  
放歌乘美景醉舞向東風寄語尊前客生涯任轉蓬

對酒寄嚴維

劉長卿

陌巷喜陽和衰顏對酒歌懶從華髮亂閒任白雲多

郡簡容垂釣家貧學美校門前七里瀨早晚子陵

對酒贈故人

包佶

扶起離披菊霜輕喜重開醉中驚老去笑裏覺愁來  
月送人無盡風吹浪不同感時病有寄詩思澀難裁

對酒

白居易

漫把叅同契難燒伏火砂有時成白首無處問黃芽  
幻世如泡影浮生抵眠花唯將酒月替紫河車

冬夜對酒寄皇甫十

白居易

霜殺中庭草水生後院池春風空動樹無葉可辭枝  
十月苦長夜百年強半時新開一瓶酒那得不相思

唐詩類苑

卷之百八十六

五

雪夜對酒招客

白居易

帳小青氈煖盃香綠蟻新醉憐今夜月歡憶去年人  
暗落燈花燼閒生草座塵慙慙報絃管明日有嘉賓

江上對酒二首

白居易

酒助踈頑性琴資緩慢情有慵將送老無智可勞生  
忽忽忘機坐俚俚任運行家鄉何處是那得在神京

二

久貯滄波意初辭桎梏身昏昏常帶酒默默不應人  
坐穩便箕踞眠多愛屈伸客來存禮數始着白綸巾

對酒贈友人

韋莊

多病仍多感君心自我心浮生都是夢浩歎不如吟  
白雪篇篇麗清醑盞盞深亂離俱老大強醉莫露襟

春夜皇甫宅對酒

張繼

流落時相見悲歡共此情與因樽酒洽愁爲故人輕  
暗滴花垂淚斜輝月過城那知橫吹曲江外作邊聲

對酒行

張說

留侯封萬戶園令壽千金本爲成王業初由賦上林  
繁榮安足恃霜露遽相尋鳥哭楚山外猿啼湘水陰  
夢中城闕近天畔海雲深空對忘憂酒離愁不去心

對酒自勉

白居易

唐詩類苑

卷之百八十六

六

五十江城守停盃一自思頭仍未盡白官亦不全卑  
榮寵尋過分歡娛已校遲肺傷雖怕酒心健尚誇詩  
夜舞吳娘袖春歌蠻子詞猶堪三五歲相伴醉花時

早飲湖州酒寄崔使君

白居易

一榼扶頭酒泓澄瀉玉壺十分蘸甲酌漱澀滿銀盃  
捧出光華動嘗看氣味殊手中稀琥珀舌上冷醍醐  
瓶裏有時盡江邊無處沽不知崔太守更有寄來無

對酒吟

白居易

一拋學士筆三佩使君符未換銀青緩帶雪白鬚  
公門衙退掩妓席客來銅駝馬從相近謳吟任所須

金銜嘶五馬鉤帶舞雙姝不得當年有猶勝到無  
合聲歌漢月齊手拍吳歎今夜還先醉應煩紅袖扶

對酒吟

崔國輔

行行日將夕荒村古塚無人迹  
蒙籠荆棘一鳥鳴屢唱提壺沽酒聲  
古人不達酒不足遺恨精靈傳此曲  
寄言世上諸少年平生且盡盃中醪

湖中對酒作

張謂

夜坐不厭湖上月盡行不厭湖上山  
眼前一樽又長滿心中萬事如等閒  
主人有黍萬餘石濁醪數斗應不惜  
卽今相對不盡歡別後相思復何益  
茱萸渾頭唐詩類苑卷之二百八十六  
七  
歸路賒願君且宿黃公家風光若此人不醉參差辜負東園花

對酒

趙牧

雲翁耕扶桑種黍養白鳥手按六十花甲子循環落  
落如弄珠長繩繫日未是愚有翁臨鏡捋白鬚饑魂  
弔骨吟古書馮唐八十無高車人生如雲在須臾何  
乃自苦八尺軀裂衣換酒且爲娛勸君朝飲一瓢夜  
飲一壺杞天崩雷騰騰紂非舜是何足憑桐君桂父  
豈勝我醉裏白龍多上昇菖蒲花開魚尾定金丹始  
可延君命

對酒

王建

爲病比來渾斷絕緣花不免却知聞從來事事關身  
少主領春風只在君

對酒五首

白居易

巧拙賢愚相是非何如一醉盡忘機君知天地中寬  
窄鵬鸞鷺鳳各自飛  
蝸牛角上爭何事石火光中寄此身隨富隨貧且歡  
樂不開口笑是癡人  
丹砂見火去無迹白髮泥人來不休賴有酒仙相煖  
熱松喬醉卽到前頭

唐詩類苑

卷之二百八十六

八

百歲無多時壯健一春能幾日晴明相逢且莫推辭  
醉聽唱陽關第四聲

昨日低眉問疾來今朝水淚弔人迴眼前流例君看  
取且遣琵琶送一盃

對酒

白居易

未濟卦中休卜命參同契裏莫勞心無如飲此銷愁  
物一餉愁銷直萬金

對酒

韋莊

何用巖棲隱姓名一壺春酎可忘形伯倫若有長生  
術直到如今醉未醒

南浦歲暮對酒送王十五歸京

白居易

臘後水生覆溢水夜來雲暗失廬山風飄細雪落如  
米索索蕭蕭廬葦間此地二年留我住今朝一酌送  
君還相看漸老無過醉聚散窮通總是閒

對酒勸令公開春遊宴

白居易

時泰歲豐無事日功成名遂自由身前頭更有忘憂  
日向上升無快活人自去年來多事故從今日去少  
交親宜須數數謀歡會好作開成第二春

久雨閑悶對酒偶吟

白居易

唐詩類苑

卷之二百八十六

九

淒淒苦雨暗銅駝嫋嫋涼風起漕河自夏及秋晴日  
少從朝至暮悶時多驚臨池立窺魚筍隼傍林飛拂  
雀羅賴有盃中神聖物百憂無奈十分多

把酒

白居易

把酒仰問天古今誰不死所貴未死間少憂多歡喜  
窮通諒在天憂喜即由已是故達道人去彼而取此  
勿言未富貴久忝居祿仕借問宗族間幾人拖金紫  
勿憂漸衰老且喜加年紀試數班行中幾人及暮齒  
朝食不過飽五鼎徒爲爾夕寢止求安一衾而已矣  
此外皆長物於我雲相似有子不留金何況兼無子

把酒

韓愈

擾擾馳名者誰能一日閒我來無伴侶把酒對南山

把酒思閒事二首

白居易

把酒思閒事春愁誰最深乞錢羈客面落第舉人心  
月下低眉立燈前抱膝吟憑君勸一醉勝與萬黃金

二

把酒思閒事春嬌何處多試鞍新白馬弄鏡小青娥  
掌上初教舞花前欲按歌憑君勸一醉勸了問如何

前有樽酒行二首

李白

春風東來忽相過金樽綠酒生微波落花紛紛稍覺  
唐詩類苑 卷之二百八十六 十

多美人欲醉朱顏酡青軒桃李能幾何流光欺人忽  
蹉跎君起舞日西夕當年意氣不肯平白髮如絲歎  
何益

琴奏龍門之綠桐玉壺美酒清若空催絃拂柱與君

飲看朱成碧顏始紅胡姬貌如花當壚笑春風笑春  
風舞羅衣君今不醉將安歸

春日樽前示從事

李建勳

州中案牘魚鱗密界上軍書竹節稠眼底好花渾似  
雪甕頭春酒漫如油東君不爲留遲日清鏡唯知促  
白頭最覺此春無氣味不如庭草解忘憂

樽前

李建勳

官爲將相復何求世路多端早合休漸老更知春可惜正歡唯怕客難留雨催草色還依舊晴放花枝始自由莫厭百壺

閒愁

將進酒

李白

君不見黃河之水天上來奔流到海不復回君不見高堂明鏡悲白髮朝如青絲暮如雪人生得意須盡歡莫使金樽空對月天生我才必有用千金散盡還復來烹羊宰牛且爲樂會須一飲三百杯岑夫子丹丘生與君歌一曲請君爲我聽鐘鼓饌玉不足貴但願長醉不願醒古來聖賢皆寂寞惟有飲者留其名陳王昔時宴平樂斗酒十千恣歡謔主人何爲言少錢且須沽酒對君酌五花馬千金裘呼兒將出換美酒與爾同銷萬古愁

將進酒

李賀

琉璃鍾琥珀濃小槽酒滴眞珠紅烹龍炮鳳玉脂泣羅屏繡幕圍香風吹龍笛擊鼉鼓皓齒歌細腰舞兒是青春日將暮桃花亂落如紅雨勸君終日酩酊醉酒不到劉伶墳上土

將進酒

元稹

將進酒將進酒酒中有毒酖主父言之主父傷主母

母爲妾地父妾天仰天俯地不忍言陽爲僵踣主父前主父不知加妾鞭旁人知妾爲主說主將淚洗鞭頭血推反雷桂主母牽下堂扶妾遣升堂上牀將進酒酒中無毒令主壽願主迴恩歸主母遣妾如此由主父妾爲此事人偶知自慙不密方自悲主今顛倒安置妾貪天僭地誰不爲

贈張徐州莫辭酒

韓愈

莫辭酒誰爲君王之爪牙春雷三月不作響戰士豈得來還家

唐詩類苑

卷之二百八十六

十二

冬初酒熟二首

白居易

霜繁脆庭柳風利剪池荷月色曉彌苦鳥聲寒更多秋懷久寥落冬計又如何一甕新醅酒萍浮春水波

二

酒熟無來客因成獨酌謠人間老黃綺地上散松喬忽忽醒還醉悠悠暮復朝殘年多少在盡付此中銷雪中酒熟欲攜訪吳監先寄此詩

白居易

新雪對新酒憶同傾一盃自然須訪戴不必尋逌陳榻無辭解袁門莫備閑笙歌與談笑隨分自將來

酒熟憶皇甫十

白居易

新酒此時熟故人何日來自從金谷別不見玉山顏  
疎索柳花筵寂寥荷葉杯今冬問棧帳雪裏爲誰開

答皇甫十郎中秋深酒熟見憶

白居易

煙景冷蒼茫秋深夜霜爲思池上酌先覺癡頭香  
未暇傾巾漉還應添指嘗醺醺氣味琥珀讓晶光  
若許陪歌席須容散道場月終齋戒畢猶及菊花黃

嘗新酒憶晦叔二首

白居易

樽裏看無色盃中動有光自君拋我去此物共誰嘗

唐詩類苑

卷之二百八十六

十三

二

世上強欺弱人間醉勝醒自君拋我去此語更誰聽

和嘗新酒

白居易

空腹嘗新酒偶成卯時醉醉求擁褐裘直至齋時睡  
靜酣不語笑真寢無夢寐殆欲忘形骸豈知屬天地  
醒餘和未散起坐澹無事舉臂一欠伸引琴彈秋思

嘗黃醅新酎憶微之

白居易

世間好物黃醅酒天下閒人白侍郎愛向卯時謀治  
樂亦曾酉日放羈狂醉來枕麴貧如富身後堆金有  
若亡元九計程尤未到甕頭一盞共誰嘗

劉蘇州寄釀酒糯米李浙東寄楊柳枝舞衫

偶因嘗酒試衫輒成長句寄謝之

白居易

柳枝慢踏試雙袖桑落初香嘗一盃金屑醅濃吳米  
釀銀泥衫穩越娃裁舞時已覺愁眉展醉後仍教笑  
口開慙愧故人憐寂寞三千里外寄歡來

看壓新醅寄懷襲美

陸龜蒙

曉壓糟牀漸有聲旋如荒澗野泉清身前古態燠應  
出世上愁痕滴合平飲啄斷年同鶴儉風波終日看  
人爭樽中若使常能淥兩綬通侯總強名

唐詩類苑

卷之二百八十六

十四

奉和魯望看壓新醅次韻 皮日休

一簣松花細有聲旋將渠椀撇寒清秦吳只恐籌來  
近劉項真應釀得平酒德有神多客頌醉鄉無貨沒  
人爭五湖煙水郎山月令向樽前問底名

嘗春酒

王績

野觴浮鄭酌山酒漉陶巾但令千日醉何惜兩三春

春酒

駱賓王

朔空曾記曆帶地舊疎泉色汎臨卽瑞香流赴蜀仙  
欵交欣散玉怡友悅沈錢無復中山賞空吟吳會篇  
同河南李少尹畢員外宅夜飲時洛陽告捷



遂作春酒歌

高適

故人美酒勝濁醪，故人清詞合風騷。  
長歌滿酌惟君，前後武侯腰間印，如斗郎官無事時。  
飲酒杯中綠蟻吹轉來，甕上飛花拂還。  
有前年持節將楚兵，去年留司在東京。  
今年復拜二千石，盛夏五月西南行。  
彭門劍門蜀山里，乍逢軍人劫奪我到家。  
但見妻與子，賴得飲君春酒數十杯。  
不然令我愁欲死。

與夢得沽酒閒飲且約後期

白居易

唐詩類苑

卷之二百八十六

十五

少時猶不憂生計，老後誰能惜酒錢。  
共把十千沽一斗，相看七十欠三年。  
閒徵雅令窮經史，醉聽清吟勝管絃。  
更待菊黃家醖熟，共君一醉一陶然。

晚春沽酒

白居易

百花落如雪，兩鬢垂作絲。  
春去有來日，我老無少時。  
人生待富貴，爲樂常苦遲。  
不如貧賤日，隨分開愁眉。  
賣我所乘馬，典我舊朝衣。  
盡將沽酒飲，酩酊步行歸。  
名姓日隱晦，形骸日變衰。  
醉臥黃公肆，人知我是誰。  
攜酒往朗之莊居同飲

白居易

慵中又少經過處，別後無勸酒人不挈一壺相就。

醉若爲將老度殘春

晚春欲攜酒訪沈四著作先以六韻寄之

白居易

病客衰慘淡，芳景晚蹉跎。  
無計留春得，爭能柰老何。  
篇章慵報答，杯斝喜經過。  
顧我酒狂久，負君詩債多。  
敢辭攜綠螳，只願見青娥。  
最憶陽關唱，真珠一疊歌。

飲致用神麴酒三十韻

元稹

唐詩類苑

卷之二百八十六

十六

七月調神麴，三春釀綠醪。  
雕鐫荆玉盞，烘透肉丘餅。  
試滴盤心露，疑添案上螢。  
滿尊凝止水，祝地落繁星。  
翻陋瓊漿濁，唯聞石髓馨。  
冰壺通角簾，金鏡徹雲屏。  
雪映煙光薄，霜涵霽色冷。  
蚌珠懸皎魄，桂魄倒澄溟。  
晝麗蟬將飲，宵揮鶴誤聆。  
琉璃驚太白，鍾乳訝微青。  
詎敢辭濡首，并憐可鑒形。  
行當遣俗累，便得造禪扃。  
何憚說千日，甘從過百齡。  
但令長汎蟻，無復恨漂萍。  
膽壯還增氣，機忘反自冥。  
甕眠思畢卓，糟籍憶劉伶。  
髣髴中聖日，希夷求大庭。  
眼前須底物，座右任他銘。  
刮骨都無痛，如泥未擬停。  
殘觴猶漠漠，華燭已荧荧。  
眞性臨時見，狂歌半醉醒。  
喧闐爭意氣，笑學娉婷好。  
酩酊焉知極，羈離忽暫寧。  
鷄聲催曉暈，鳥影照初醒。  
咽絕鵲啼竹，蕭撩鴈去汀。  
遙城傳漏箭，鄉寺響風鈴。

楚澤一爲梗堯階屢變質醉荒非獨此愁夢幾曾經  
每耻窮途哭今那客淚零感君澄醴酒不遣渭和涇

寄李袁州桑落酒

郎士元

色比瓊漿猶嫩香同甘露仍春十千提攜一斗遠送  
瀟湘故人

置酒

李益

置酒命所歡憑觴遂爲戚日往不再來茲晨坐成昔  
百齡非久長五十將半百胡爲勞我形已鬢還復白  
西山鸞鶴羣矯矯煙霧翮明明發金井陰洞潛水碧  
安得凌風羽崦嵫駐靈魄無然坐衰老慙歎東陵柏

唐詩類苑

卷之百八十六

一七一

故園置酒

劉希夷

酒熟人須飲春還景已秋願逢千日醉得緩百年憂  
舊里多青草新知盡白頭風前燈易滅川上月難留  
卒卒周姬旦栖栖魯孔丘平生能幾日不及且遨遊

勸酒寄元九

白居易

薤葉有朝露槿枝無宿花君今亦如此促促生有涯  
既不逐禪僧林下學楞伽又不隨道士山中煉丹砂  
百年夜分半一歲春無多何不飲美酒胡然自悲吟  
俗號銷愁藥神速無以加一盃驅世慮西孟万天知  
三盃卽酩酊或笑任狂歌陶陶復兀兀吾孰知其他

况在名利途平生有風波深心藏陷穿巧言織網羅  
舉目非不見不醉欲如何

勸酒

孟郊

白日無定影清江無定波人無百年壽百年復如何  
堂上陳美酒堂下列清歌勸君金屈卮勿謂朱顏酡  
松柏歲歲茂丘陵日日多君看終南山千古青峩峩

相勸酒

李賀

義和騁六轡晝夕不曾閒彈烏啼嘯竹扶馬蟠桃鞭  
蓐收旣斷翠柳青帝又造紅蘭堯舜至今萬萬歲數  
子將爲傾蓋間青錢白璧買無端丈夫快意方爲歡

唐詩類苑

卷之百八十六

一八

雁羣雁熊何足云會須鍾飲北海箕踞南山歌滛滛  
管情悵橫波好送雕題金人生得意且如此何用強  
知元化心相勸酒終無輟伏願陛下鴻名終不歇子  
孫綿如石上葛來長安車駟駟中有梁冀舊宅石崇  
故園

勸酒

武璣

勸君金屈卮滿酌不須辭花發多風雨人生足別離

勸僧酒

皇甫松

勸僧一盃酒共看青青山酣然萬象滅不動心印閒

勸酒

李敬方

已向花前醉花應解笑人只憂連夜雨又過一年春  
日日無窮事區區有限身若非盃酒裏何以寄天真

春盡勸客酒

白居易

林下春將盡池邊日正斜櫻桃落草砌夜合隔簾花  
嘗酒留閒客行茶使小娃殘盃勸不飲留醉向誰家

汧上勸舊友酒

馬戴

斗酒故人同長歌起北風斜陽高壘閉秋角暮山空  
鴈叫寒流上螢飛薄霧中坐來生白髮況復久從戎

勸酒十四首

并序

白居易

子分秩東都居多暇日閒來輒飲醉後輒吟若無

唐詩類苑

卷之二百八十六

十九

詞章不成謠詠每發一意則成一篇凡十四篇皆  
主於酒聊以自勸故以何處難忘酒不如來飲酒

命篇

何處難忘酒七首

何處難忘酒長安喜氣新初登高第後乍作好官人  
省壁明張榜朝衣穩趁身此時無一盞爭奈帝城春

二

何處難忘酒天涯語舊情青雲俱不達白髮遍相驚  
二十年前別三千里外行此時無一盞何以叙平生

三

何處難忘酒朱門美少年春分花發後寒食月明前  
小院迴羅綺深房理管絃此時無一盞爭過艷陽天

四

何處難忘酒霜庭老病翁暗聲啼蟋蟀乾葉落梧桐  
鬢爲愁先白顏因酒暫紅此時無一盞何計奈秋風

五

何處難忘酒軍功第一高還鄉隨露布半路授旌旄  
玉柱剡蔥手金章爛襪袍此時無一盞何以騁雄豪

六

何處難忘酒青門送別多歛襟收涕淚簇馬聽笙歌

唐詩類苑

卷之二百八十六

二十

煙樹灞陵岸風塵長樂坡此時無一盞爭奈去留何

七

何處難忘酒逐臣歸故園赦書逢驛騎賀客出都門  
半面瘡煙色滿衫鄉淚痕此時無一盞何物可招魂

不如來飲酒七首

莫隱深山去君應到自嫌齒傷朝水冷貌苦夜霜嚴  
漁去風生浦樵歸雪滿巖不如來飲酒相對醉厭厭

二

莫作農夫去君應見自愁迎春種瘦地趁晚餒羸牛  
數被官加稅稀逢歲有秋不如來飲酒相伴醉悠悠

三

莫作商人去，恹惶君未諳。雪霜行塞北，風水宿江南。  
藏鏹百千萬，沈舟十二三。不如來飲酒，仰面醉醺醺。

四

莫事長征去，辛勤難具論。何曾畫麟閣，祇是老轅門。  
蟣虱衣中物，刀鎗面上痕。不如來飲酒，合眼醉昏昏。

五

莫學長生去，仙方悞殺君。那將薤上露，擬待鶴邊雲。  
矻矻皆燒藥，累累盡作墳。不如來飲酒，閒坐醉醺醺。

六

莫上青雲去，青雲足愛憎。自賢誇智慧，相糾闢功能。  
魚爛緣吞餌，蛾焦爲撲燈。不如來飲酒，任性醉騰騰。

七

莫入紅塵去，令人心力勞。相爭兩蝸角，所得一牛毛。  
且滅嗔中火，休磨笑裏刀。不如來飲酒，穩臥醉陶陶。

勸酒

白居易

勸君一杯君莫辭，勸君兩杯君莫疑。勸君三杯君始  
知，面上今日老昨日。心中醉時勝醒時，天地迢迢自  
長久。白兔赤烏相趁走，身後堆金柱北斗。不如生前  
一杯酒，君不見春明門外天欲明。喧喧歌哭多死生。

遊人駐馬出不得，白輦紫車爭路行。歸去來頭已白，  
與錢將用買酒喫。

勸我酒

白居易

勸我酒，我不辭。請君歌，歌莫遲。歌聲長，辭亦切。此辭  
聽者堪愁絕，絕洛陽女兒面。似花河南大尹頭，如雪

勸夢得酒

白居易

誰人功畫麒麟閣，何客新投魍魎鄉。兩處榮枯君莫  
問，殘春更醉兩三場。

花下自勸酒

白居易

酒盞酌來須滿滿，花枝看卽落紛紛。莫言三十是年  
少，百歲三分已一分。

答勸酒

白居易

莫怪近來都不飲，幾廻因醉却沾巾。誰料平生狂酒  
客，如今變作酒悲人。

訓寄牛相公同宿話舊勸酒見贈

白居易

每來故事堂中宿，共憶華陽觀裏時。日暮獨歸愁未  
盡，泥深同出借驢騎。交遊今日唯殘我，富貴當年更

有誰彼此相看頭。雪白一杯可合重推辭。

賜魏證詩

太宗

太宗

證善治酒有名曰醪醕曰翠濤世所未有因而賜詩

醪醕勝蘭生

漢武帝百  
珠百酒

翠濤過玉薤

隋煬帝  
酒名 千日醉

不醒十年味不敗

看釀酒

王績

王績棄官還鄉里有田十六頃在河渚間奴婢數人種黍春秋釀酒養鳧鴈時藥草自供聞太樂署史焦革家善釀績乃求為丞吏部以非流不許績因請曰有深意竟除之革死妻送酒不絕歲餘又死績曰天不使我酣美酒耶棄官去乃述革酒法

唐詩類苑

卷之二百十六

三十一

為經又采杜康儀狄以來善釀者為譜李淳風曰君酒家南董也所居東南有盤石立杜康祠祭之尊為師以革配作醉鄉記以次劉伶酒德頌

六月調神翅正朝汲美泉從來作春酒未省不經年

東溪杜野人致酒

錢起

萬重雲樹下數畝子平居野院羅泉石荆扉背里閭  
早冬耕鑿暇弋鴈復烹魚靜掃棠花徑唯邀傲吏車  
晚來留客好小雪下山初

致酒行

李賀

零落棲遲一杯酒主人捧觴客長壽生父西遊困不

歸家人折斷門前柳吾聞馬周昔作新豐客天荒地老無人識空將牋上兩行書直犯龍顏請恩澤我有迷魂招不得雄鷄一聲天下白少年心事當拏雲誰念幽寒坐鳴呃

歎唐姬飲酒歌

李賀

御服沾霜露天衢長榛棘金隱秋塵婆無人為帶飾  
王堂歌聲寢芳林煙樹隔雲陽臺上歌鬼哭復何益  
仗劍明秋水克威屢脅逼強臬噬母心犇厲索人魄  
相看兩相泣淚下如波激寧用清酒為欲作黃泉客  
不說玉山頽且無飲中色勉從天帝訴天上寡沈厄

唐詩類苑

卷之二百十六

三十一

無處張總帷如何望松柏妾身畫團團君冤夜寂寂  
蛾眉自覺長粉頸誰憐白矜持昭陽意不肯看南陌

飲酒

柳宗元

今旦少愉樂起坐開清樽舉觴酌先酒遣我驅憂煩  
須臾心自殊頓覺天地暄連山變幽晦淥水涵晏澗  
藹藹南郭門樹木一何繁清陰可自庇竟夕聞佳言  
盡醉無復辭偃臥有芳蓀彼哉晉楚富此道未必存

飲新酒

元稹

聞君新酒熟况值菊花秋莫怪平生志圖銷盡日愁

秦王飲酒

李賀

秦王騎虎遊八極，劍光照空天。自碧巖和敲日，玻璃聲却灰飛盡。古今平龍頭，瀉酒邀酒星。金槽琵琶夜，橫橫洞庭雨。脚來吹笙酒酣，喝月使倒行。銀雲拂柳，瑤殿明宮門。掌事報一更，花樓玉鳳聲。嬌獐海綃紅，文香淺清黃。鶯跌舞千年，觥仙人燭樹臘煙輕。清琴醉眼淚泓泓。

憶酒寄劉侍郎

盧仝

愛酒如偷蜜，憎醒似見刀。君爲麴蘖主，酒醴莫辭勞。

答寶二曹長留酒還榼

李益

榼小非由榼，星郎似酒星。解醒元有數，不用嚇劉伶。

唐詩類苑

卷之一百八十六

二十五

待酒不至

李白

玉壺繫青絲，沽酒來何遲。山花向我笑，正好銜盃時。晚酌東窗下，流鶯復在茲。春風與醉客，今日且相宜。

暖酒

李白

熱暖將來宿，鐵文暫時不動聚。白雲撥却白雲覓，青天撥頭裏許便乘仙。

病中贈南隣兒酒

白居易

頭痛牙疼三日臥，妻看煎藥婢來扶。今朝似較擡頭語，先問南隣有酒無。

次韻西鄰新居兼乞酒

魚玄機

一首詩來百度吟，新晴字字又聲金。西看已有登壇意，遠望能無化石心。河漢期踪空極目，瀟湘夢斷罷調琴。況逢寒節添鄉思，叔夜佳醪莫獨斟。

酌酒與裴迪

王維

酌酒與君君自寬，人情翻覆似波瀾。白首相知猶按劍，朱門先達笑彈冠。草色全經細雨濕，花枝欲動春風寒。世事浮雲何足問，不如高臥且加餐。

不飲贈酒

杜牧

細算人生事，彭殤共一籌。與愁爭底事，要爾作戈矛。

答泉州薛播使君重陽日贈酒

唐詩類苑

卷之一百八十六

二十六

秦系

欲強登高無力也，籬邊黃菊爲誰開。共知不是尋陽郡，那得王弘送酒來。

劉兵曹贈酒

張籍

一瓶顏色似甘泉，開向新栽小竹前。飲罷身中更無事，移牀獨就夕陽眠。

孟倉曹步趾領酒醬二物滿器見遺老六

杜甫

楚岸通秋屐，胡牀面夕畦。籍糟分汁滓，甕醬落提攜。飯糲添香味，朋來有醉泥。理生那免俗，方法報山妻。

謝巖中丞送青城道士乳酒一餅

杜甫

山瓶乳酒下青雲氣味濃香幸見分鳴鞭走送憐漁父洗餞開嘗對馬軍

謝人送酒

孫氏

謝將清酒寄愁人澄澈甘香氣味真好是紅窻風月夜一盃搖蕩滿懷春

謝馬侍郎寄酒

韓愈

一壺情所寄四句意能多秋到無詩酒其如月色何

寄釋子良史酒

韋應物

秋山僧冷病聯寄三五杯應瀉山瓢裏還寄此瓢來

重寄釋子良史酒

韋應物

復寄滿瓢去定見空瓢來若不打瓢破終當費酒材

李羽處士寄新醞走筆戲謝

溫庭筠

高談有伴還成數沈醉無期卽是鄉已恨流鶯欺謝客更將浮蟻與劉郎簷前柳色分張綠窻外花枝借助香所恨玳筵紅燭夜草玄寥落近廻塘

袁明府以家醞見寄用梅子相答

方干

封匏寄酒提携遠織籠盛梅客贈遲九度攪和誰用法四邊窺摘自攀枝樽疊汎蟻堪嘗日童稚驅禽欲熟時畢卓醉狂潘氏少傾來擲去恰相宜

友人許惠酒以詩徵之

皮日休

野老蕭然訪我家霜殘白菊兩三花子山病起無餘事只望蒲臺酒一車

奉和皮襲美徵酒

鄭壁

乘興閒來小謝家便裁詩句乞留花邨原雖不無端醉也要臨風從後車

奉和皮襲美徵酒

陸龜蒙

唐詩類苑卷之百八十六

醉明朝應作蔡經身

歙州盧中丞見惠名醞

杜牧

誰憐賤子啓窮途太守封來酒一壺攻破是非渾似夢削平身世有如無醞若借嵇康懶兀兀仍添甯武愚猶念悲秋更分賜夾溪紅蓼映風蒲

樂奏天恩滿盃來秋興高更蒙蕭相國對酒飲醇醪

奉宇文黃門酒

張說

聖德垂甘露天章下大風又承黃閣恩願作黑頭翁

集 319—489



奉裴中書酒

張說

西掖思華降南宮命席闌詎知鷄樹後更接鳳池

卯時酒

白居易

佛法讚醍醐仙方誇沆瀣未如卯時酒神速功力倍  
一杯置掌上三燕入腹內煦若春貫腸暄如日炙背  
豈獨支體暢仍加志氣大當時遺形骸竟日忘冠帶  
似遊華胥國疑反混元代一性既完全萬機皆破碎  
半醒思往來往來吁可恠寵辱憂喜間惶惶二十載  
前年辭紫闥今歲拋皂蓋去矣魚及泉超然蟬離蛻  
是非莫分別行止無疑礙浩氣貯胸中青雲委身外

唐詩類苑

卷之一百八十六

二十九

捫心私自語自語誰能會五十年來心未如今日泰

况茲林中物行坐長相對

卯飲

白居易

短屏風掩臥牀頭烏帽青氈白氎裘卯飲一盃眠一

覺世間何事不悠悠

橋亭卯飲

白居易

卯時偶飲齋時臥林下高橋橋上亭松影過窻眠始  
覺竹風吹面醉初醒就荷葉上包魚鮮當石渠中浸  
酒瓶生計悠悠身兀兀其從妻喚作劉伶

河南府試鄉飲酒

呂溫

酌言雖舊典糾楚如登堂百拜賓儀盡三終樂奏長

相同鷩出谷看似鴈成行禮罷如何適隨雲入帝鄉

和樂天仇家酒

元稹

病嗟酒戶年年減老覺塵機漸漸深飲罷醒餘更惆  
悵不如閒事不經心

府酒五絕

白居易

變法

自慙到府來周歲惠愛威稜一事無唯是改張官酒  
法漸從濁水作醍醐

招客

唐詩類苑

卷之一百八十六

三十

日午微風旦暮寒春來冷峭雪乾殘碧氈帳下紅爐  
畔試爲來嘗一盞看

辨味

甘露太甜非正味醴泉雖潔不芳馨盃中此物何人

別柔旨之中有典刑

自勸

憶昔羈貧應舉年脫衣典酒曲江邊十千一斗猶賒  
飲何況官供不著錢

諭妓

燭淚夜粘桃葉袖酒痕春汚石榴裙莫辭辛苦供歡

宴老後思量悔殺君

錢湖州以箸下酒李蘇州以五酸酒相次寄

到無因同飲聊詠所懷 白居易

勞將箸下忘憂物寄與江城愛酒翁  
鑄脚三州何處會甕頭一盞幾時同  
傾如竹葉盈樽綠飲作桃花上面紅  
莫恠殷勤醉相憶曾陪西省與南宮

自題酒庫

白居易

野鶴一辭籠虛舟長任風送  
愁還鬧處移老入閒中  
身更求何事天將富此翁  
此翁何處富酒庫不曾空

題酒甕贈夢得

白居易

唐詩類苑

卷之二百八十六

三十二

若無清酒兩三甕爭尚白鬚千萬莖  
麴蘖消愁真有得光陰催老苦無情  
凌煙閣上功無分伏火爐中藥未成  
更擬共君何處去且來同作醉先生

離觴不醉至驛却寄相送諸公

柳宗元

無限居人送獨醒可憐寂寞到長亭  
荊州不遇高陽侶一夜春寒滿下廳

離筵訴酒

韋莊

感君情重惜分離送我殷勤酒滿卮  
不是不能判酩酊却憂前路醉醒時

許秀才至辱李蘄州絕句問斷酒之情因寄

杜牧

有客年來話所思故人遙在醉中詩  
暫因微疾須防酒不覺歡情減舊時

有酒失於虔州陸郎中肱以詩謝之

崔櫓

醉時顛蹶醒時羞麴蘖推人不自由  
回耐一雙窮相眼不堪花卉在前頭

強酒

白居易

若不坐禪銷妄想即須行醉放狂歌  
不然秋月春風夜爭那閒思往事何

唐詩類苑

卷之二百八十六

三十三

賦得酒渴愛江清

韋莊

酒渴何方療江波一掬清  
瀉甌如練色漱齒作泉聲  
味帶他山雪光含白露精  
只應千古後長稱伯倫情

中酒寄劉行軍

李建勳

甚矣頻頻醉神昏體亦虛  
肺傷徒問藥髮落不盈梳  
戀寢嫌明室修生愧道書  
西峰老僧語相勸合何如

春日茶山病不飲酒因呈賓客

杜牧

笙歌登盡船十日清明前  
山秀日雲膩溪光紅粉鮮

欲開未開花半陰半晴天誰知病太守猶得作茶仙

不飲贈官妓

杜牧

芳草正得意汀洲日欲西無端千樹柳更拂一條谿  
幾朵梅堪折何人手好攜誰憐佳麗地春恨却悽悽

自漢中病酒歸寄王明府 李白

去歲左遷夜郎道琉璃硯水長枯槁今年敕放巫山  
陽蛟龍筆翰生輝光聖主還聽子虛賦相如却欲論  
文章願掃鸚鵡洲與君醉百場嘯起白雲飛七澤歌  
吟綠水動三湘莫惜連船沽美酒千金一擲買春芳

酒病偶作

皮日休

唐詩類苑

卷之二百八十六

三十三

鬱林步障畫遮明一炷濃香養病醒何事晚來還欲  
飲隔牆聞賣蛤蜊聲

奉和襲美酒病偶作次韻 陸龜蒙

柳疎桐下晚窻明祗有微風爲析醒唯欠白綃籠解  
散洛生閒詠兩三聲

奉和襲美酒病偶作次韻 張貴

白編柳席鏤冰明應助楊青解宿醒難繼二賢金玉  
倡可憐空作斷猿聲

酒醒

元稹

飲醉日將盡醒時夜已闌暗燈風焰曉春席冰聽寒

未解縈身帶猶傾墜枕冠呼兒問狼籍疑是夢中難

江亭酒醒却寄維揚餞客 韋莊

別筵人散酒初醒江步黃昏雨雪零滿坐綺羅皆不  
見覺來紅樹背銀屏

春夕酒醒

皮日休

四絃纔罷醉蠻奴醺醺餘香在翠爐夜半醒來  
短一枝寒淚作珊瑚

奉和襲美春夕酒醒

陸龜蒙

幾年無事傍江湖醉倒黃公舊酒壚覺後不知新月  
上滿身花影倩人扶

唐詩類苑

卷之二百八十六

三十四

酒中十詠 并序

皮日休

鹿門子性介而行獨於道無所全於才無所全於  
進無所全於退無所全豈天民之瘁者耶然進之  
與退天行未覺於余也則有窮有厄有病有殆果  
安而受耶未若全於酒也夫聖人之誠酒禍也大  
矣在書爲沈湎在詩爲童殺在禮爲蔡玄在史爲  
狂藥余飲至酣徒以爲融肌柔神消坦遂發然  
無思以天地大順爲隄封傲然不持以洪荒至化  
爲爵賞抑無懷氏之民乎葛天氏之民乎苟沈而  
亂狂而禍而族真蚩蚩之爲也若余者於物無

所斥於性有所適真全於酒者也噫天之不全余  
也多矣獨以麴蘖全之抑天猶幸於遺民焉太玄  
曰君子在玄則正在福則冲在禍則反小人在玄  
則邪在福則驕在禍則窮余之於酒得其樂人之  
於酒得其禍亦若是而已矣於是徵其具悉爲之  
詠用繼東臯子酒譜之後夫酒之始名天有星地  
有衆人有鄉今總而詠之者亦古人初終必全之  
義也天隨子深於酒道寄而請之和

酒星

誰遣酒旗耀天文列其位彩微嘗似酣芒弱偏如醉

唐詩類苑

卷之二百八十六

三十五

唯憂犯帝座只恐騎天駟若遇卷舌星讒君應墮地

酒泉

羲皇有玄酒滋味何太薄玉液是澆漓金沙乃糟粕  
春從野鳥沽畫任閒爔酌我願葵茲泉醉魂似鳬躍

酒簾

翠篴初織來或如古魚器新從山下買靜向甌中試  
輕可網金醅疎能容玉蟻自此好成功無貽我罌耻

酒牀

糟牀帶松節酒膩肥於荈滴滴連有聲空疑杜康語  
開眉既壓後染指偷嘗處自此得公田不過渾種委

酒壚

紅壚高幾尺頗稱幽人意火作縹醪香灰爲冬醅氣  
有鎗盡龍頭有主皆犢鼻倘得作杜根備保何足愧

酒樓

鉤楯跨通衢喧闐當九市金疊漱灩後玉竿紛綸起  
舞蝶傍應酣啼鶯聞亦醉野客莫登臨相讎多失意

酒旗

青幟濶數尺懸於往來道多爲風所颺時見酒名號  
拂拂野橋幽翻翻江市好雙眸復何事終竟望君老

酒樽

犧樽一何古我抱期幽客少恐消醞醕滿疑烘琥珀  
援窺曾撲瀉鳥踏經畝仄度度醒來看皆如死生隔

唐詩類苑

卷之二百八十六

三十六

酒城

萬仞峻爲城沈酣浸其俗香侵井幹過味染濠波淥  
朝傾踰百榼幕壓幾千斛吾得隸此中但爲聞者足

酒鄉

何人置此鄉杳在天皇外有事忘哀樂有酒忘頭晦  
如尋罔象歸似與希夷會從此共君遊不覺已冠帶

奉和皮襲美酒中十詠

陸龜蒙

酒星

萬古醇酎氣結而成晶瑩降爲嵇阮徒動與樽疊并  
不獨祭天廟亦應邀客星何當八月槎載我遊青冥

酒泉

初懸碧崖口漸注青谿腹味既敵中山飲寧拘一斛  
春疑浸花骨暮若酣雲族此地得封侯終身持美祿

酒筍

山齋醞方熟野重編近成持來歡伯內坐使賢人清  
不待盎中滿旋供花下傾汪汪日可挹未羨黃金甕

酒牀

六尺樣何奇溪邊濯來潔糟深貯方半石重流還咽  
唐詩類苑 卷之二百八十六 三十一

酒壚

閒移秋病可偶聽寒夢缺往往枕眠時自疑陶靖節  
錦里多佳人當壚自沽酒高低過及坵大小隨圓甌  
數錢紅燭下滌器春江口若得奉君歡十千求一斗

酒樓

百尺江上起東風吹酒香行人落帆上遠樹涵殘陽  
凝睇復凝睇一觴還一觴須知凭欄客不醉難爲腸

酒旗

搖搖倚青岸遠蕩遊人思風欹翠竹杠雨澹香醪字  
纔來隔煙見已覺臨江遲不榮其如有王事

酒樽

黃金卽爲侈白石又太拙斷得奇樹根中如老蛟穴  
時招山下叟共酌林間月盡醉兩忘言誰能作天舌

酒城

何代驅生靈築之爲釀地殊無甲兵守但有糟漿氣  
雉堞屹如狂女牆低似醉以若濊而爭先登儀狄氏

酒鄉

誰知此中路暗出虛無際廣莫是隣封華胥爲附麗  
三盃聞古樂伯雅逢遺裔自爾等榮枯何勞問玄弟

添酒中六詠 并序

陸龜蒙

唐詩類苑 卷之二百八十六 三十一

鹿門子示余酒中十詠物古而詞麗言高而性真  
可謂窮天人之際矣余既和而且曰昔人之於酒

有注爲池而飲之者象爲龍而吐之者親盜甕間  
而卧者將寶舟中而浮者可爲四荒矣徐景山有

酒鎗嵇叔夜有酒杯皆傳於後代可謂二高矣四  
荒不得不刺二高不得不頌更作六章附於本云

酒池

萬斛輸曲沼千鍾未爲多殘霞入醴齊遠岸澄白節  
后土亦沈醉空浩歌邇來東海君尚得乘餘波

酒龍

銅雀羽儀麗金龍光彩奇潛傾鄴宮酒忽似商庭漿  
若怒鱗甲赤如酣頭角垂君臣三才

酒甕

候暖麴藥調覆深苦蓋淨溢處每淋漓沈來還潤漚  
嘗聞清涼耐可養希夷性盜飲以爲名得非君子病

酒船

昔人性何誕欲載無窮酒波上任浮身風來卽開口  
荒唐意難遂沈湎名不朽千古如比肩問君能繼否

酒鎗

景山實名士所翫垂清塵嘗作酒家語自言中聖人  
唐詩類苑卷之二百八十六 三十五

奇器質含古挫糟味應醇唯懷魏公子卽此飛觴頻

酒杯

叔夜傲天壤不將琴酒疎製爲酒中物恐是琴之餘  
一弄廣陵散又裁絕交書頽然擲林下身世俱何如

奉和陸魯望添酒中六詠 皮日休

酒池

八齊競奔注不知深幾丈竹葉島紆徐鳬花波蕩漾  
醺應爛地軸浸可柔天壤以此獻吾君願銘於几杖

酒龍

銅爲吻膠鱗鑄作饒鰓角吐處百里雷瀉時千丈壑

初疑潛苑囿忽似擎寥廓遂使銅雀臺香消野花落

酒甕

堅淨不苦窳陶於醉封疆臨溪刷舊痕隔屋聞新香  
移來近麴室倒處臨糟牀所嗟無比隣余亦能偷嘗

酒船

剡桂復剡蘭陶陶任行樂但知涵泳好不計風濤惡  
嘗行麴封內稍擊糟丘泊東海如可傾乘之就斟酌

酒鎗

象鼎格仍高其中不烹飪唯將煮濁醪用以資酣飲  
偏宜旋樵火稍近餘醒枕若得伴琴書吾將著閒品

唐詩類苑

卷之二百八十六

甲

酒杯

昔有嵇氏子龍章而鳳姿手揮五絃罷聊復一樽持  
但取性淡泊不知味醇醪茲器不復見家家唯玉卮

酒中留上襄陽李相公 韓愈

濁水汙泥清路塵還曾同制掌絲綸眼穿長訝雙魚  
斷耳熱何辭數爵頻銀燭未銷牕送曙金釵半醉空

添春知公不久歸釣軸應許閒官寄病身

飲中八仙歌

杜甫

按唐史李白自知不爲親近所容益驕放不修與  
賀知章李適之汝陽王璿崔宗之蘇晉張旭焦遂

為酒中八仙

知章騎馬似乘船，眼花落井水底眠。汝陽三斗始朝天，道逢麴車口流涎。恨不移封向酒泉，左相日興費萬錢。飲如長鯨吸百川，銜盃樂聖稱世賢。宗之瀟灑美少年，舉觴白眼望青天。皎如玉樹臨風前，蘇晉長齋繡佛前。醉中往往愛逃禪，李白一斗詩百篇。長安市上酒家眠，天子呼來不上船。自稱臣是酒中仙，張旭三杯草聖傳。脫帽露頂王公前，揮毫落紙如雲煙。焦遂五斗方卓然，高談雄辯驚四筵。

琴酒

白居易

唐詩類苑

卷之二百八十六

四十二

耳根得聽琴，初暢心地忘機。酒半酣，若使啓期兼解醉，應言四樂不言三。

對琴酒

白居易

西窗明且暖，曉坐卷書帷。琴匣拂開後，酒瓶添滿時。角樽白螺盞，玉軫黃金徽。未及彈與酌，相對已依依。泠泠秋泉韻，貯在龍鳳池。油油春雲心，一盃可致之。自古有琴酒，得此味者稀。祇應康與籍，及我三心知。

花酒

白居易

香醅淺酌浮如蟻，雲鬢新梳薄似蟬。為報洛城花酒道，莫辭送老二三年。

獨酌清溪江石上寄權昭夷

李白

我攜一尊酒，獨上江左右。自從天地開，更長幾千尺。舉杯向天笑，天迴日西照。永願坐此石，長垂嚴陵釣。寄謝山中人，可與爾同調。

北山獨酌寄韋六

李白

巢父將許由，未聞買山隱。道存跡自高，何憚去人近。紛吾下茲嶺，地閒誼亦泯。門橫羣岫開，水鑿衆泉引。屏高而在雲，竇深莫能準。川光晝昏疑，林氣夕淒緊。於焉摘朱果，兼得養玄牝。坐月觀寶書，拂霜弄瑶軫。

唐詩類苑

卷之二百八十六

四十二

傾壺事幽酌，顧影還獨盡。念君風塵遊，傲爾令自哂。

獨酌

李白

春草如有意，羅生王堂陰。東風吹愁來，白髮坐相侵。獨酌勸孤影，閒歌面芳林。長松爾何知，蕭瑟爲誰吟。手舞石上月，膝橫花間琴。過此一壺外，悠悠非我心。

月下獨酌四首

李白

花間一壺酒，獨酌無相親。舉杯邀明月，對影成三人。月既不解飲，影徒隨我身。暫伴月將影，行樂須及春。我歌月徘徊，我舞影凌亂。醒時同交歡，醉後各分散。永結無情遊，相期邈雲漢。



二

天若不愛酒酒星不在天地若不愛酒地應無酒泉  
天地既愛酒愛酒不愧天已聞清比聖復道濁如賢  
賢聖既已飲何必求神仙三盃通大道一斗合自然  
但得醉中趣勿爲醒者傳

三

三月咸陽城千花晝如錦誰能春獨愁對此徑須飲  
窮通與修短造化夙所稟一樽齊死生萬事固難審  
醉後失天地兀然就孤枕不知有吾身此樂最爲甚

四

唐詩類苑 卷之二百八十六 四三  
窮愁千萬端美酒三百杯愁多酒雖少酒輕愁不來  
所以知酒聖酒酣心自開辭粟卧首陽屢空饑顏回  
當代不樂飲虛名安用哉蟹螯卽金液糟丘是蓬萊  
且須飲美酒乘月醉高臺

九月十日郡樓獨酌

羊士諤

掾吏當授衣郡中稀物役嘉辰悵已失殘菊誰爲惜  
軒一樽汎天景洞虛碧暮節獨賞心寒江鳴湍石  
歸期北州里舊友東山客飄蕩雲海深相思桂花白

郡齋獨酌

杜牧

前年鬢生雪今年鬢帶霜  
古今同爲行

唐詩類苑

卷之二百八十六

四四

廿英窮四海四萬到洛陽東南我所見北可計幽荒  
中畫一萬國角角基布方地頑壓不亢天迴老不僵  
屈指百萬世過如霹靂忙人生落其內何者爲彭殤  
促束自繫縛儒衣寬且長旗亭雪中過敢問當壚娘  
我愛李侍中標標七尺強白羽八扎弓腔壓綠檀槍  
風前略橫陣紫髯分兩傍淮西萬虎士怒目不敢當  
功成賜宴麟德殿援超鵲掠廣毬場三千宮女側頭  
看相排踏碎雙明璫旌竿慄慄旗燿燿意氣橫鞭歸  
故鄉我愛朱處士三吳當中央罷亞名百頃稻西風  
吹半黃尚可活鄉里豈唯滿囷倉後嶺翠撲撲前溪  
碧泱泱霧曉起見鴈日晚下牛羊叔舅欲飲我杜甕  
爾來嘗伯姊子欲歸彼亦有壺漿西阡下柳塢東陌  
繞荷塘姻親骨肉含煙火遥相望太守政如水長官  
貪似狼征輸一云畢任爾自存亡我昔造其室羽儀  
鸞鶴翔交橫碧流上竹映琴書牀出語無近俗堯舜  
禹武湯問今天子少誰人爲棟梁我曰天子聖晉公  
提紀綱聯兵數十萬附海正誅滄謂言大義小不義  
取易卷席如探囊犀甲吳兵鬪弓弩地矛燕騎馳鋒  
鋌豈知三載凡百戰鉤車不得望其牆答云此山外  
有事同胡羌誰將國伐叛話長釣魚郎溪南重迴首

一逕出修篁爾來十三歲斯人未曾忘往往自撫已  
淚下神蒼茫御史詔分洛舉趾何猖狂闕下諫官業  
拜疏無文章尋僧解幽夢乞酒緩愁腸豈爲妻子計  
未去山林藏平生五色線願補舜衣裳絃歌教燕趙  
蘭芷浴河湟腥膻一灑掃兒狼皆拔生人但取食  
壽域富農桑孤吟志在此自亦笑荒唐江郡雨初霽  
刀好截秋光池邊成獨酌擁鼻菊枝香醺酣更唱太  
平曲仁聖天子壽無疆

獨酌

王績

浮生知幾日無狀逐空名不如多釀酒時向竹牀傾

唐詩類苑

卷之二百八十六

四五

獨酌

杜牧

牕外正風雪擁爐開酒缸何如釣船雨篷底睡秋江

獨酌

杜甫

步屨深林晚開樽獨酌遲仰蜂粘落絮行蟻上枯梨  
薄劣慙冥隱幽偏得自怡本無軒冕意不是傲當時

獨酌成詩

杜甫

燈花何太喜酒綠正相親醉裏從爲客詩成覺有神  
兵戈猶在眼儒術豈謀身苦被微官絀低頭愧野人

小園獨酌

李商隱

柳帶誰能結花房未肯開空餘舊時香竟絕一人來

半展龍鬚席輕斟馬腦杯年年春不定虛信歲前梅

獨酌

杜牧

長空碧杳杳萬古一飛鳥生前酒伴閒愁醉閒多少  
煙深隋家寺殷葉暗相照獨佩一壺遊秋毫泰山小

獨酌憶微之

白居易

獨酌花前醉憶中與君春到又逢春惆悵銀盃來處  
重不曾盛酒勸閒人

吳秘監每有美酒獨酌獨醉但蒙詩報不以  
飲招輒此戲酬兼呈夢得

白居易

四十六

唐詩類苑

卷之二百八十六

四十六

蓬山仙客下煙霄對酒唯吟獨酌話不怕道狂揮玉  
爵亦曾乘興換金貂君稱名士誇能飲我是愚夫肯

見切 有伯倫爲醉伴何愁不解傲松喬

與諸客空腹飲

白居易

隔宿書招客平明飲暖寒麴神寅日合酒聖卯時歡  
促膝纔飛白駝顏已渥丹碧籌攢棗碗紅袖拂骰盤  
醉後歌尤異狂來舞可難拋盃語同坐莫作老人看

雪夜小飲贈夢得

白居易

同爲懶慢園林客共對蕭條雨雪天小酌酒巡銷永  
夜大開口笑送殘年久將時背成遺老多被人呼作

散仙呼作散仙應有以曾看東海變桑田

與村老對飲

韋應物

鬢眉雪色猶嗜酒言辭淳朴古人風  
鄉村年少生離亂見話先朝如夢中

與張擢對酌

盧綸

張翁對盧叟一榼山村酒傾酒請予歌  
忽蒙張翁呵予官非屈曲有怨詞多歌罷  
謝張翁所思殊不同予悲方爲老君責一  
何空曾看樂官錄向是悲翁曲張老聞此  
詞汪汪泪盈目盧叟醉言麓一杯凡數呼  
迴頭顧張老敢欲戲爲儒

唐詩類苑

卷之二百六

四七

山中與幽人對酌

李白

兩人對酌山花開一杯一杯復一杯我醉欲眠卿且去  
明朝有意抱琴來

就煖偶酌戲諸詩酒舊侶

白居易

低屏軟褥卧藤牀昇向前軒就日陽一足任他爲外物  
三盃自要沃中腸頭風若見詩應愈齒折仍誇笑不妨  
細酌徐吟猶得在舊遊未必在相忘

偶飲

白居易

三盞醺醺四體融妓亭簷下夕陽中千聲萬響敲相續  
一曲雲和戛未終今日心情如往日秋風氣味似

春風惟憎小吏樽前報道去衙時水五筒

清夜酌

張說

秋陰多士感雨息夜無塵清樽宜明月復有平生人

夜飲

元稹

燈火隔簾明竹梢風雨聲詩篇隨意贈杯酒越巡行  
漫唱江朝曲閒徵藥草名莫辭終夜飲朝起又營營

夜飲

李商隱

上夜容衰鬢開筵屬異方燭分歌扇淚雨送酒船行  
江海三年客乾坤百戰場誰能辭酩酊淹卧劇清漳  
與李十一夜飲

元稹

唐詩類苑

卷之二百六

四八

寒夜燈前賴酒壺與君相對興猶孤忠州刺史應閒卧  
江水猿聲睡得無

初冬夜飲

杜牧

淮陽多病偶求懽客袖侵霜與燭盤砌下梨花一堆雪  
明年誰此凭欄干

指巡胡

元稹

遣悶多憑酒公心只仰胡挺身唯直指無意獨欺愚

新酒

黃滔

未老先爲百病仍醉盃無計接賓朋免遭搜盞郎君  
謫還被簪花錄事憎絲管合時思索索池塘晴後獨

留僧何因澆得離  
煬爛南浦東門恨不勝

唐詩類苑卷第一百八十七

明雲間張之象玄超甫纂輯

雲間杜士基彦恭甫編次

雲間王微叔朗甫補訂

梁谿曹仁孫伯安甫校正

服食部

食

食飽

白居易

食飽拂枕卧睡足起閑吟淺酌一杯酒緩彈數聲琴  
既可暢情性亦足傲光陰誰知利名盡無復長安心

唐詩類苑

卷之二百八十七

食後

白居易

食罷一覺睡起來兩甌茶舉頭看日影已復西南斜  
樂人惜日促憂人厭年賒無憂無樂者長短任生涯

至西峯蘭若受田婦饋

元稹

攀崖復緣澗逍遙山上居鳥鳴泉谷暖土起萌甲舒  
聊登石樓憇下龍潭中魚田婦有嘉獻潑撒新歲餘  
常怪投錢飲事與賢達疎今我何爲答鰥寡欲焉如

初南食贈元十八協律

韓愈

蟹實如惠文骨眼相負行螯相黏爲山百十各自生  
蒲魚尾如蛇口眼不相管蛤卽是蝦蟇同實浪異名

章舉馬甲柱關以怪自呈其餘數十種莫不可嘆驚  
我來禦魑魅自宜味南烹調以鹹與酸毛以椒與橙  
腥臊始發越咀吞面汗驛惟蛇舊所識實憚口眼惺  
惺龍聽其去鬱屈尚不平賣爾非我罪不屠豈非情  
不祈靈珠報幸無嫌怨并聊歌以記之又以告同行  
飯

以青飣飯分送襲美曾望因成一絕

張賁

誰屑瓊瑤事青飣舊傳名品出華陽應宜仙子胡麻  
拌因送劉郎與阮郎

唐詩類苑

卷之百八十七

二

潤卿遺青飣飯兼之一絕聊用答謝

皮日休

傳得三元飣飯名大宛聞說有仙卿分泉過屋春青  
稻拂霧影衣折紫莖蒸處不教雙鶴見煎來唯怕五  
雲生草堂空坐無饑色時把金津漱一脣

奉和青飣飯

陸龜蒙

舊聞香積金仙食今見青精玉斧餐自笑鏡中無骨  
錄可能飛上紫雲端

餅

寄胡餅與楊萬州

白居易

胡麻餅樣學京都麪脆油香新出爐寄與饑鳴楊大  
使嘗看得似輔興無

麪

槐葉冷淘

杜甫

青青高槐葉采掇付中廚新麪來近市汁滓宛相俱  
入鼎資過熟加餐愁欲無碧鮮俱照筯香飯兼苞蘆  
經齒冷於雪勸人投比珠願隨金騾裏走置錦屠蘇  
路遠思恐泥興深終不渝獻芹則小小薦藻明區區  
萬里露寒殿開冰清玉壺君王納涼晚此味亦時須

粥

唐詩類苑

卷之百八十七

三

喫苦粥作

儲光羲

當晝暑氣盛鳥雀靜不飛念君高梧陰復解山中衣  
數片遠雲度曾不蔽炎暉淹留膳茶粥共我飯爇薇  
蔽廬既不遠日暮徐徐歸

評事翁寄賜餠粥走筆爲答

李商隱

粥香餠白杏花天省對流鶯坐綺筵今日寄來春已  
老鳳樓迢遞憶鞦韆

餠

長林令衛象餠絲結歌

司空曙

主人瑀盤盤素絲寒女墨子悲乃言假使飭爲  
之八珍重香失顏色手援玉筋不敢持始狀芙蓉新  
出水仰圻重衣傾萬葉又如合歡交亂枝紅茸向暮  
花參差吳蠶絡繹抽尚絕細縷纖毫看欲滅雪髮羞  
垂委墮鬟繡囊畏並茱萸結我愛此絲巧妙絕世間  
無爲君作歌陳座隅

鱠

閔鄉姜七少府設鱠戲贈長歌

杜甫

姜侯設鱠當嚴冬昨日今日皆天風河東未漁不易

唐詩類苑

卷之百八十七

四

得鑿冰恐侵河伯官饔人受魚校人手洗魚膾刀魚  
眼紅無聲細下飛碎雪有骨已剝觜春蔥偏勸腹腴  
愧年少軟炊香飯綠老翁落磻何曾白紙濕放筋未  
覺金盤空新歡便飽姜侯德清觴異味情屢極東歸  
貪路自覺難欲別上馬身無力可憐爲人好心事於  
我見子真顏色不恨我衰子貴時悵望且爲今相憶

對鱠

項斯

行到鱸魚鄉裏時鱠盤如雪怕風吹猶憐醉裏江南  
路馬上垂鞭學釣時

素饌

慕容承攜素饌見過 王維

紗帽烏皮几閑居嬾賦詩門看五柳識年算六身知  
壽靈君王賜彫胡弟子炊空勞酒食饌特底解人願  
蔬

偶掇野蔬寄襲美有作 陸龜蒙

野園煙裏自幽尋嫩甲香莼引漸深行歇每依鷗舅  
影挑頻時見鼠姑心凌風藹彩初攜籠帶露虛疎或  
貯襟欲助春盤還愛否不妨蕭灑似家林

魯望以躬掇野蔬兼示雅什用以酬謝

皮日休

唐詩類苑

卷之三百七

五

杖摘春煙暖向陽煩君爲我致盈筐深挑乍見牛脣  
液一名水牛細指徐聞鼠耳香本草云紫似鼠耳  
甲采從泉脉畔翠牙搜自石根傍彫胡飯熟餽糊軟  
不是高人不合嘗

茶

喜園中茶生 韋應物

潔性不可汙爲飲滌塵煩此物信靈味一作山原  
聊因理郡餘率爾植荒園喜隨衆人言  
巽上人以竹間自採新茶見贈酬之以詩

謝靈運

芳叢翳湘竹零露凝清華復此雪山客晨朝撥玉芽  
蒸煙俯石瀨咫尺凌丹崖圓方麗奇色圭璧無纖瑕  
呼兒爇金鼎餘馥延幽遐滌慮發真照還源蕩昏邪  
猶同甘露飯佛事重毘耶咄此蓬瀛侶無乃貴流霞

採茶歌

秦韜玉

天柱香芽露香發州研瑟瑟穿荻笈太守憐才寄野  
人山童碾破團團月倚雲傾酌泉聲煮獸炭潛然蚌  
珠吐看著晴天早日明鼎中颯颯風雨老翠香塵  
下纔熟攪時繞筋天一作秋雲綠耽書病酒兩多情坐  
對閨曉睡先足洗我胸中幽思清鬼神應愁歌欲成  
唐詩類苑 卷之百七 六

送陸鴻漸棲霞寺採茶

皇甫冉

採茶非採葉遠上層崖布葉春風暖盈筐白日斜  
舊知山寺路時宿野人家借問王孫草何時泛槎花

送陸鴻漸採茶相過

皇甫冉

千峯待逋客香茗復叢生採摘知深處煙霞羨獨行  
幽期山寺遠野飯石泉清寂寂然燈夜相思一聲聲

五言月夜啜茶聯句

顏真卿

泛花邀坐客代飲引清言陸醒酒宜華席留僧想獨  
園不須攀月桂何暇樹庭萱御史秋風致尚書  
北斗尊流華淨肌骨疏瀹滌心源真不似春醪醉

何辭綠菽繁書素瓷傳靜夜芳氣滿閑軒士

飲茶歌送鄭容

僧皎然

丹丘羽人輕玉食採茶飲之生羽翼天台記云丹丘名藏仙府世空知骨化雲宮人不識雪山童子調  
金鑪楚人茶經虛得名霜天半夜芳草折爛熳細華  
暖久生賞君茶祛我疾使人胸中蕩憂慄日上香  
爐情未畢亂踞虎溪雲高歌送君出

與亢居士青山潭飲茶

僧靈一

野泉煙火白雲間坐飲香茶愛此山巖下維舟不忍  
去青溪流水暮潺潺

唐詩類苑 卷之百七 七

西山蘭石試茶歌

劉禹錫

山僧後檐茶數叢春來映竹抽新芽宛然為客振衣  
起自傍芳叢摘鷹觜斯須炒成滿室香便酌砌下金  
沙水驟雨松聲入鼎來白雲滿盆花徘徊悠揚噴鼻  
宿醒散清峭微骨煩襟開陽崖陰嶺各殊氣未若竹  
下莓苔地炎帝雖嘗未解煎桐君有錄那知味新芽  
連拳半未舒自摘至煎俄頃餘木蘭露露香微似瑤  
草臨波色不如僧言靈味宜幽寂采采翹英為嘉客  
不辭緘封寄郡齋輒并銅爐損標格何況蒙山顧渚  
春白泥赤印走風塵可知花藥清冷味須是眠雲跂



石人

西嶺道士茶歌

溫庭筠

乳燕濺濺通石脉，綠塵愁草春江色。澗花入井水味香，山月當人松影直。仙翁白扇霜鳥翎，拂壇夜讀黃庭經。疎香皓齒有餘味，更覺鶴心通杳冥。

睡後茶興憶楊同州

白居易

昨晚飲太多，晷晷連宵醉。今朝餐又飽，爛熯移時睡。睡足摩挲眼，眼前無一事。信脚遶池行，偶然得幽致。婆娑綠陰樹，斑駁青苔地。此處置繩牀，旁邊洗茶器。白瓷甌甚潔，紅爐炭方熾。末下麴塵香，花浮魚眼沸。

唐詩類苑

卷之百七

人

盛來有佳色，嚙罷餘芳氣。不見楊慕巢，誰人知此味。

山泉煎茶有懷

白居易

坐酌冷冷水，看煎瑟瑟塵。無由持一盞，寄與愛茶人。

憑周況先輩於朝賢乞茶

孟郊

道意勿乏味，心緒病無懷。蒙茗玉花盡，越甌荷葉空。錦水有鮮色，蜀山饒芳叢。雲根纔剪綠，印縫已霏紅。曾向貴人得，最將詩叟同。幸爲乞寄來，勅此病劣躬。

峽中嘗茶

鄭谷

簇簇新英摘露光，小江園裏火煎嘗。吳僧說說蜀山好，蜀叟休休誇鳥觜。香合座半甌輕泛，綠開緘轡片淺。

合黃鹿門病客不歸去，酒渴更知春味長。

從弟舍人惠茶

劉兼

曾求芳茗貢蕪詞，果沐頒霑味甚奇。龜背起紋輕炙處，雲頭翻液乍烹時。老丞倦悶偏宜矣，舊客過從別有之。珍重宗親相寄惠，水亭山閣自攜持。

答族姪僧中孚贈玉泉仙人掌茶

并序

李白

余聞荊州玉泉寺，近清溪諸山，山洞往往有乳窟。窟中多玉泉，交流中有白蝙蝠，大如鴉，按仙經，蝙蝠一名仙鼠，千歲之後，體白如雪，棲則倒懸，蓋飲

唐詩類苑

卷之百八

九

乳水而長生也。其水邊處處有茗草羅生，枝葉如碧玉，唯玉泉真公常采而飲之，年八十餘歲，顏色如桃花。而此茗清香滑熟，異於他者，所以能還童振枯壯人壽也。余遊金陵，見宗僧中孚，示余茶數十片，拳然重疊，其狀如手，號爲仙人掌茶。蓋新出乎玉泉之山，曠古未覩，因持之見遺，兼贈詩要余答之。遂有此作。後之高僧大隱，知仙人掌茶發乎中孚禪子及青蓮居士李白也。

常聞玉泉山，山洞多乳窟。仙鼠如白鴉，倒懸深溪月。生此中石，玉泉流不歇。根柯灑芳津，採掇潤肌骨。

叢老卷綠葉枝枝相接連，曝成仙人掌，似拍洪崖肩。  
舉世未見之，其名定誰傳。宗英乃禪伯，投贈有佳篇。  
清鏡燭無鹽，顧慚西子妍。朝坐有餘興，長吟播諸天。

與趙莒茶宴

錢起

竹下忘言對紫茶，全勝羽客醉流霞。塵心洗盡興難盡，一樹蟬聲片影斜。

閑宵對月茶宴

鮑君微

閑朝向晚出簾櫳，茗宴高亭四望通。遠眺城池山色裏，俯聆絃管水聲中。幽篁映沼新抽翠，芳桂低簷欲斂紅。坐久此中無限興，更憐團扇起清風。

唐詩類苑

卷之二百八十二

十

秋晚招隱寺東峯茶宴送內弟閻伯均歸江

州

李嘉祐

萬畦新稻傍山村，數里深松到寺門。幸有香茶留釋子，不堪秋草送王孫。煙塵怨別唯愁隔，井邑蕭條誰忍論。莫怪臨歧獨垂淚，魏舒偏念外家恩。

過長孫宅與郎上人茶會

錢起

偶與息心侶，忘歸才子家。玄談兼藻思，綠茗代榴花。  
岸幘看雲卷，含毫任景斜。松喬若逢此，不復醉流霞。

惠福寺與陳留諸官茶會得西字

劉長卿

到此機事遣，自嫌塵網迷。因知萬法幻，盡與浮雲齊。  
疎竹映高枕，空花隨杖藜。香飄諸天外，日隱雙林西。  
傲吏方見狎，真僧幸相攜。能令歸客意，不復還東溪。

故人寄茶

曹鄴

劍外九華英，緘題下玉京。開時微月上，碾處亂泉聲。  
半夜招僧至，孤吟對月烹。碧沈霞脚碎，香泛乳花輕。  
六腑睡神去，數朝詩思清。月餘不敢費，留伴肘書行。

走筆謝孟諫議寄新茶

盧仝

日高丈五睡正濃，軍將扣門驚周公。口云諫議送書信，白緋斜封三道印。開緘宛見諫議面，手閱月團三五片。問道新年入山裏，蟄蟲驚動春風起。天子未嘗陽羨茶，百草不敢先開花。仁風暗結珠琲瑤，先春抽出黃金芽。摘鮮焙芳旋封裹，至精至好且不奢。至尊之餘合王公，何事便到山人家。柴門反關無俗客，紗帽籠頭自煎喫。碧雲引風吹不斷，白花浮光凝碗面。一碗喉吻潤，兩碗破孤悶。三碗搜枯腸，惟有文字五千卷。四碗發輕汗，平生不平事盡向毛孔散。五碗肌骨清，六碗通仙靈。七碗喫不得也，唯覺兩腋習習清風生。蓬萊山在何處，玉川子乘此清風欲歸去。山上海仙司下土地，位清高，隔風雨，安得知百萬億蒼生。

唐詩類苑

卷之二百八十七

十一

命墮在巔崖受苦便爲諫議問蒼生到頭還得蘇  
息否

謝僧寄茶

李咸用

空門少年初堅摘芳爲藥除睡眠斤山茗樹朝陽  
偏暖萌如瓜拏飛鳥枝枝膏露凝滴圓參差失向兜  
羅綿傾筐短甌蒸新鮮白紵眼細勻於研輒排古砌  
春苔乾殷勤寄我清明前金槽無聲飛碧煙赤獸呵  
冰急鐵喧林風夕和真珠泉半匙青粉攪潺湲綠雲  
輕縮湘娥鬟管來縱使重支枕胡蝶寂寥空掩關

新茶詠寄上西川相公二十三舅大夫二十

唐詩類苑

卷之三百七

十三

舅

盧綸

三獻蓬萊始一嘗日調金鼎閱芳香貯之玉合才半  
餅寄與阿連題數行

蕭員外寄新蜀茶

白居易

蜀茶寄到但驚新渭水煎來始覺珍滿甌似乳堪持  
翫況是春深酒渴人

謝李六郎中寄新蜀茶

白居易

故情周匝向交親新茗分張及病身紅紙一封書後  
信綠芽十片火前春湯添勺水煎魚眼未下刀圭攪  
麴塵不寄他人先寄我應緣我是別茶人

謝劉相寄天柱茶

薛能

兩串春團敵夜光名題天柱印維揚偷嫌曼倩桃無  
味搗覺嫦娥藥不香惜恐被分綠利市盡應難覓爲  
供堂廡官寄與真拋却頗有詩情合得嘗

晚春閑居楊工部寄詩楊常州寄茶同到因

以長句答之

白居易

宿醒寂寞眠初起春意闌珊日未斜勸我加餐因早  
笋恨人休醉是殘花悶吟工部新來句渴飲毘陵遠  
到茶兄弟東西官職冷門前車馬向誰家

茶中雜詠

并序

皮日休

唐詩類苑

卷之三百七

十三

按周禮酒正之職辨四飲之物乃其三曰漿又漿  
人之職共王之六飲水漿醴涼醫醕入於酒府鄭  
司農云以水和酒也蓋當時人率以酒醴爲飲謂  
乎六漿酒之醴者也何得姬公製爾雅云檟苦茶  
卽不損而飲之豈聖人純於用乎抑草木之濟人  
取捨有時也自周已降及於國朝茶事竟陵子陸  
季疵言之詳矣然季疵以前稱茗飲者必渾以烹  
之與夫淪蔬而啜者無異也季疵之始爲經三卷  
由是分其源制其具教其造設其器命其煮俾飲  
之者除瘴而去癘雖疾醫之不若也其爲利也於

人豈小哉余始得李疵書以爲備矣後又獲其額  
渚山記二篇其中多茶事後又太原溫從雲武威  
段礪之各補茶事十數節並存於方冊茶之事由  
周至於今竟無纖遺矣昔晉杜育有萍賦李疵有  
茶譜余缺然於懷者謂有其具而不形於詩亦李  
疵之餘恨也遂爲十詠寄天隨子

茶塢

關尋堯氏山遂入深深塢種蒔已成園栽蒔寧記畝  
石窪泉似樹巖罅雲如縷好是夏初時白花滿煙雨

茶人

唐詩類苑 卷之三頁七

十四

生於顧渚山老在漫石塢語氣爲茶葦衣香是煙霧  
庭從櫨子遮果任孺師虜日晚相笑歸腰間佩輕篋

茶笋

裒然三五寸生必依巖洞寒惡結紅鉛暖疑銷紫汞  
圓如玉軸光脆似瓊英凍每爲遇之疎南山挂幽夢

茶蘼

篋篋曉攜去蒼個山桑塢開時送紫茗負處沾清露  
歇把傍雲泉歸將挂煙樹滿此是生涯黃金何足數

茶舍

湯崖枕白屋幾口嬉嬉活棚上汲紅泉焙前蒸紫蕨

乃翁研茗後中婦拍茶歇相向掩柴扉清香滿山月

茶竈

南山茶事動竈起巖根傍水煮石髮氣薪燃杉脂香  
青瓊蒸後凝綠髓炊來光如何重辛苦一一輪膏梁

茶焙

鑿彼碧巖下却應深二尺泥易帶雲根燒難碍石脉  
初能燥金餅漸見乾瓊液九里共杉林相望在山側

茶鼎

龍舒有良匠鑄此佳樣成立作菌蠢勢前爲潺湲聲  
草堂暮雲陰松牕殘雪明此時勺複茗野語知逾清

唐詩類苑 卷之三頁七

十五

茶甌

邢客與越人皆能造磁器圓似月魂墮輕如雲魄起  
東花勢旋眼蘋沫香沾齒松下時一看支公亦如此

煮茶

香泉一合乳煎作連珠沸時看蟹目濺乍見魚鱗起  
聲疑帶松雨聲恐生煙翠儻把瀝中山必無千日醉

奉和皮襲美茶具十詠

陸龜蒙

茶塢

茗地幽隈回野行多繚繞向陽就中密背澗差還少  
遙盤雲髻慢亂簇香篝小何處好幽期滿巖春露曉

茶人

天賦識靈草自然鍾野姿閑年北山下似與東風期  
雨後探芳去雲間幽路危唯應報春鳥得共斯人知

茶筍

所孕和氣深時抽玉茗短輕煙漸結華嫩葉初成管  
尋來青靄曝欲去紅雲暖秀色自難逢傾筐不曾滿

茶簾

金刀劈翠筠織似波文斜製作自野老攜持伴山娃  
昨日關煙粒今朝貯綠華爭歌調笑曲日暮方還家

茶舍

唐詩類苑

卷之百八十七

十六

旋取山上材架爲山下屋門因水勢斜壁任巖隈曲  
朝隨鳥俱散暮與雲同宿不憚採掇勞祗憂官未足

茶竈

無突抱輕嵐有煙映初旭盈鍋玉泉沸滿靄雲牙熟  
奇香籠春桂嫩色凌秋菊煬者若吾徒年年看不足

茶焙

左右擣疑膏朝昏布煙縷方圓隨樣拍次第依層取  
山謠縱高下火候還文武見說焙前人時時炙花脯

茶鼎

新泉氣味良古鐵形狀醜那堪風雪夜更值煙霞友

曾過潁石下又住清溪口且共薦皇盧何勞傾斗酒

茶甌

昔人謝堰堤徒爲妍詞餘豈如珪璧姿又有煙嵐色  
光叅筠席上韻雅金壘側直使干闥君從來未嘗識

煮茶

關來松間坐看煮松上雲時於浪花裏餅下藍英未  
傾餘精爽健忽似氛埃滅不合別觀書但宜窺玉札

題茶山

在宜興

杜牧

山實東吳秀茶稱瑞草魁剖符雖俗吏修貢亦仙才  
溪盡停轡棹旗張卓翠苔柳村穿窈窕松澗渡喧阗

唐詩類苑

卷之百八十七

十七

等級雲峯峻寬平洞府開拂天聞笑語特地見樓臺  
泉嫩黃金湧山有金沙發牙香紫壁裁拜章期沃

日輕騎疾奔雷舞袖嵐侵澗歌聲谷答迴磬音燕葉

鳥雪豔照潭梅好是全家到兼爲奉詔來樹陰香作  
帳花徑落成堆景物殘三月登臨愴一杯重遊難自

尅俛首入塵埃

茶山下作

杜牧

春風最窮寇日曉柳村西嬌雲光占岫徧水鳴分溪  
燎巖野花遠憂愁幽鳥啼把酒坐芳草亦有佳人攜

茶山

袁高

禹貢通遠俗，所圖在安人。后王失其職，吏不敢陳。  
亦有奸吏者，因茲欲求伸。動生千金費，日使萬姓貧。  
我來顧渚源，得與茶事親。叱輟耕農事，採採實苦辛。  
一夫旦當役，盡室皆同臻。捫葛上欹壁，蓬頭入荒榛。  
終朝不盈掬，手足皆鱗皴。悲嗟過空山，草木爲不春。  
陰嶺芽未吐，使者牒已煩。心爭造化力，先走銀臺均。  
選納無晷夜，搗聲昏繼晨。衆工何枯槁，俯視彌傷神。  
皇帝尚巡狩，東郊路多堙。周迴遶天涯，所獻愈艱勤。  
況減兵革困，重茲困疲民。未知供御餘，誰令分此珍。  
顧省忝邦守，又慙復因循。茫茫滄海間，丹憤何由申。

唐詩類苑

卷之三百八十七

大

小饅味

答李員外小饅味

孟郊

一拳芙蓉水，傾玉何泠泠。仙清風已高，詩味今更馨。  
試啜月入骨，再銜愁盡醒。荷君道古誠，使我善飛翎。

藥

房君珊瑚散

李商隱

不兄姒娥影，清秋守月輪。月中閑杵臼，桂子搗成塵。

早服雲母散

白居易

曉服雲英漱，井華寥然身。若在煙霞藥，銷日晏三匙。  
飯酒渴春深，一碗茶。每夜坐禪觀，水日有時行。醉翫

風花淨名事，理人難解身。不出家心出家。

戒藥

白居易

促促急景中，蠢蠢微塵裏。生涯有分限，愛戀無終已。  
早夭羨中年，中年羨暮齒。暮齒又貪生，服食求不死。  
朝吞太陽精，夕吸秋石髓。微福反成災，藥誤者多矣。  
以此資嗜慾，又望延甲子。天人陰陽間，亦恐無此理。  
域中有真道，所說不如此。後日此身存，吾聞諸老氏。

罷藥

白居易

自學坐禪休服藥，從他時復病沈沈。此身不要全強健，  
強健多生人我心。

唐詩類苑

卷之三百八十七

一九

玉帛部

寶

諭寶二首

元稹

沈玉在弱泥，泥弱玉易沈。扶桑寒日薄，不照萬丈心。  
安能潛淵虬，拔壑超鄧林。泥封泰山趾，水散旱天霖。  
洗此泥下玉，照曜臺殿深。刻爲傳國寶，神器人不侵。

二

水置白玉壺，始見清皎潔。珠穿殷紅綰，始見明洌澈。  
鏡錦無人淬，兩刃幽壤鐵。秦鏡無人在，一片埋泥屑。  
驥竭環堵中，骨附筋入節。此蟠足澤內，魚衆哇同穴。

鯨鯢無巨海浮浮於淺濶棟梁無廣厦顛倒卧霜雪  
大鵬無長空舉翮受羈絏豫樟無厚地危抵真危脆  
主壁無卞和甘與頑石列舜禹無陶堯名隨腐草滅  
神功仗神物神物神乃別神不出世所以神功絕  
神物豈徒然用之乃施焉功九州理舜德天下悅  
璧寶充傳璽圭用祈太折木尋豫樟幹九萬大鵬歇  
棟梁庇生民鯨鯢濟來哲虬騰旱天雨驪騁流電掣  
鏡懸奸膽露劍拂妖蛇裂珠生照乘光氷瑩環坐熱  
此物比在泥斯言爲誰發於今盡凡耳不爲君陳說

王

唐詩類苑

卷之百八十七

二十一

詠玉

韋應物

乾坤有精物至寶無文章雕琢爲世器真性一朝傷

詠玉

李嶠

映石先過魏連城欲向秦洛陽陪勝友燕趙類佳人  
方水晴虹媚常山瑞馬新徒爲卞和識不遇楚王珍

采玉行

韋應物

官府徵白丁言采藍谿玉絕嶺夜無家深榛雨中宿

獨婦倚燈還哀哀含南哭

一作田荒含南哭

窺荆玉篇

并序

陳子昂

丙戌歲余從左補闕喬公北征夏四月軍幕次於

張掖河河洲草木無他異者惟有仙人杖往往叢

生幽朔地寒與中國稍異余家世好服食昔嘗餌

之及此役也而息意滋味戎人有薦嘉蔬者此物

存焉驟爾而笑曰始者與此君別不圖至是而見

之豈非神明嘉惠欲將扶吾壽也因爲喬公昌言

其能時東萊王仲烈亦同旅聞之大喜甘心食之

已旬有五日矣適有行人自謂能知藥者謂喬公

曰此白棘也公何謬哉仲烈愕然而疑亦曰吾怪

其味甜今果如此喬公信是言乃譏余作採玉篇

謂宋人不識玉而寶珉石也余心知必是猶以獨

唐詩類苑

卷之百八十七

二十一

見之故被奪於衆人乃喟然嘆曰嗟乎人之大明

者目也心之至信者口也夫目照五色口分五味

玄黃甘苦亦何斷而不惑也而路傍一議二子增

疑況君臣之際朋友之間自是而觀則萬物之情

可見也感采玉詠作觀玉篇以答之并示仲烈譏

其失真也

鴟夷雙白玉此玉有淄磷懸之千金價舉世莫知真

丹靑非異色輕重有殊倫勿信玉工言徒悲荆國人

賦得沽美玉

南巨川

抱玉將何適良工正在斯有瑕寧自掩匪石幸君知



雕琢嗟成器，緇磷志不移。飾樽光宴賞，入珮奉威儀。  
象德曾留譽，如虹竊可奇。終希逢善價，還得桂林枝。

賦得沽美玉

羅立言

誰憐被褐士，懷王正求沽。成器終期達，逢時豈見誣。  
寶同珠照乘，價重劍論都。浮彩朝虹滿，懸光月影孤。  
機年淪瓦礫，今日出泥塗。采斷資良匠，無令瑕掩瑜。

賦得瑕瑜不相掩

陳中師

出石溫然玉，瑕瑜素在中。妍蚩因異彩，音韻信殊風。  
讓美心方並，求疵意本同。光華開縝密，清潤仰磨礪。  
秀質非攘善，貞姿肯廢忠。今來儻成器，分別在良工。

唐詩類苑

卷之三百八十七

三

賦得瑕瑜不相掩

武翊黃

抱璞應難辨，妍蚩每自融。貞姿偏特達，微玷遇磨礪。  
涇渭流終異，瑕瑜自不同。半曾光透石，未掩氣如虹。  
縝密誠為智，包藏豈為忠。疑看分美惡，今得值良工。

賦得瑕瑜不相掩

柴宿

朗玉微瑕在，分明異璞瑜。堅貞寧可雜，美惡自能殊。  
待價知彌久，稱忠定不誣。光輝今見黜，毫髮外呈符。  
豈假相工指，堪為達士模。他日當磨琢，慕愛是洪爐。

賦得白珪無玷

辛洪

片玉表堅貞，逢時實自呈。色鮮同雪白，光潤奪冰清。

皎皎無瑕玷，鏘鏘有佩聲。崑山標重價，垂棘振香名。  
抱璞心常苦，全真道未行。琢磨欣大匠，還冀動連城。

賦得玉聲如樂

劉軻

玉叩能旋止，人言與樂并。繁音忽已闕，雅韻詘然清。  
珮想停仙步，泉疑咽夜聲。曲終無異聽，響極有餘清。  
特達知難擬，玲瓏豈易名。崑山如可得，一片佇為榮。

賦得玉聲如樂

潘存實

表質自堅貞，因人一叩鳴。靜將金並響，妙與樂同聲。  
杳杳疑風送，泠泠似曲成。韻含湘瑟切，音帶舜絃清。  
不獨藏虹氣，猶能暢物情。后夔如為聽，從此振鐃鐃。

唐詩類苑

卷之三百八十七

三

賦得曼王有餘聲

管雄甫

曼玉音難盡，疑人思轉清。依稀流戶牖，粲粲在簷楹。  
更逐松風起，還將澗水并。樂中如舊曲，天際轉餘聲。  
漂瞥浮煙遠，溫柔入耳輕。想如君子佩，時得上堂鳴。

賦得琢玉成器

葉季良

片玉寄幽石，紛綸當代名。荆人獻始遇，良匠琢初成。  
冰映寒光動，虹開晚色明。雅容看灑灑，餘響扣泠泠。  
自與瓊瑤比，方隨掌握榮。因知君有用，高價佇連城。

賦得琢玉成器

丁居晦

卞玉何時獻，初疑尚在荆。琢來聞制器，價倍勝連城。

缸氣衝天白雲浮信吉貞珮爲廉節德杯作修齊名  
露璞方期辨雕文幸既成他山豈無石寧及此時呈

賦得琢玉成器

浩虛舟

已沐識堅貞應憐器未成輝山方可重散璞乍堪磨  
玷滅隨心正瑕消奪眼明琢磨缸氣在拂拭水容生  
賞翫氷光冷提攜月魄輕佇當親捧握瑚璉幸齊名

片玉篇

錢起

至寶未爲代所奇韞靈示璞荆山陲獨使缸光天子  
識不將清韻世人知世人所貴惟燕石美玉對之成  
瓦礫空山埋照凡幾年古色蒼痕宛自然重溪羣羃  
唐詩類苑 卷之百八十七 五

暗雲樹一片熒熒光石泉美人之鑒明且澈玉指提  
攜嘆奇絕試勞香袖拂莓苔不覺清心皎氷雪連城  
美價幸逢時命代良工豈見遺試作珪璋禮天地何  
如璫城在堦墀

老夫採玉歌

李賀

採玉採玉須水碧琢作步搖徒好色老夫饑寒龍爲  
愁藍溪水氣無清自夜雨崗頭食蓂子杜鵑口血老  
夫淚藍溪之水厭生人身死千年恨溪水斜山栢風  
雨如嘯泉脚挂繩青髮村寒白屋念嬌嬰古臺石  
磴懸腸草

哭玉碑子

盧仝

山有洞左頰拾得玉碑子其長一周尺其闊一藥七  
顏色九秋天稜角四面起輕敲吐寒流清悲動神鬼  
稽首置手中只似一片氷至文反無文上帝應有以  
余疑仙石靈願以仙人比心期香湯洗歸送錄堂裏  
頗柰窮相驢行動如跛鼈十里五里行百蹶復千蹶  
顏子不少天玉碑中路折橫文尋絕此碑在瓦裂  
劈竹不可合破環永離別向人如有情似痛滴無血  
勘關平地上罅折多齧缺百見百傷心不堪再提挈  
怪哉堅貞姿蔥脆不堅固矧曰人間人安能保常度  
唐詩類苑 卷之百八十七 五

古興

孟郊

楚血未乾衣荆缸尚埋輝痛玉不痛身抱璞求所歸

荆山

李咸用

良工指君疑真玉却非玉寄言懷寶人不須傷手足  
賦得西戎獻白玉環 張維儉  
當時無外守物四受通列土金河北朝天玉塞東  
自將荆璞比不與鄭環同正矧雖傳漢衣冠尚帶戎

幸承提佩寵多媿琢磨功絕域知文教爭趨上國風

賦得亞父碎玉斗

孟簡

獻謀既我違積憤從新海鴻門日已迫赤帝時潛退  
寶位方苦競玉斗何情愛猶看虹氣疑詎惜水姿碎  
而嗟大事返當起千里悔誰爲西楚王坐見東城潰

賦得亞父碎玉斗

裴次元

雄謀竟不決寶玉將何愛條爾霜刃揮颯然春冰碎  
飛光動旗幟散響驚環珮霜濃繡帳前星流錦筵內  
圖王業已失爲虜言空悔獨有青史中英風冠千載

賦得亞父碎玉斗

何儒亮

唐詩類苑

卷之百八十七

三六

羸女昔解綳楚王有遺躅破關既定秦碎首聞獻王  
貞姿應及散清響因風續匪循切泥功將明懷璧辱  
莫量漢祖德空受項君最事玄見前心千秋渭水綠

金瑤玉珮歌

顧況

贈君金瑤太霄之玉珮金鎖禹步之流珠五嶽眞君  
之秘籙九天文人之寶書東井沐浴辰巳畢先進洞  
房上奔日借問君欲何處來黃姑織女機邊出

珠

詠珠

李詩

燦爛金輿側玲瓏玉殿隈昆池明月夜光迴

彩逐靈蛇轉形隨舞鳳來甘泉官起罷花媚望風臺

謝賜珍珠

梅妃

見治政部寵錫

奉試明堂火珠

崔曙

見禮部明堂

賦得沈珠於淵

獨孤良器

皎潔澄泉水煒煌照乘珠沈沈將寶器還與不貪符  
風折璫成浪空涵影似浮深看星并入靜向月同無  
光價憐時重亡情信道樞不應無脛至自爲暗投珠

賦得沈珠於淵

獨孤綬

唐詩類苑

卷之百八十七

三七

至道歸淳朴明珠被棄捐失眞來照乘成性却沈泉  
不足靈蛇吐猶疑合浦旋岸傍隨日落波底共星懸  
致遠終無脛懷貪遂比肩欲知恭儉德所寶在唯賢

賦得珠還合浦

鄧陟

至寶含冲粹清虛映浦濤素輝明蕩漾圓彩色紛瑤  
首逐諸侯去今隨太守還影搖波裏月光動水中山  
魚目徒相比驪龍乍可攀願將車飾用長耀君顏

賦得罔象得玄珠

張籍

赤水今何處遺珠已渺然離叟徒肆目罔象乃通玄  
皎潔因成性圓明不在泉暗中看夜色塵外照晴田

無脛真難掬懷疑寶易遷今朝搜擇得應免媚晴川

賦得濁水求珠

王起

行潦沈明月光輝也不浮識珍能洞鑒精寶此來求  
幾被沈沙雜常隨混濁流潤川終日媚照乘且何由  
的礫終難掩晶英願見收蛇行無脛至飲德已聞酬

賦得濁水求珠

至寶誠難得潛光在濁流深深當處晦皎潔庶來求  
綴履將還用褰裳必更收蚌胎應自別魚目豈能儔  
日遺逢高鑒星光詎暗投不因今日取泥滓出無由

賦得濁水求珠

王損之

唐詩類苑

卷之百八十七

三

積水非澄澈明珠不易求依稀沈極浦想像在中流  
澄目思清淺褰裳恨暗投徒看川色媚空愛夜光浮  
月入疑龍吐星歸似蚌遊終希識珍者彩掇冀冥搜

賦得濁水求珠

項斯

靈魄自沈浮從來任獨流願從深處得不向暗中投  
圓月時堪惜滄波路可求沙尋龍窟遠泥訪蚌津幽  
是實終知貴唯恩且用酬如能在公掌的不負明眸

賦得暗投明珠

羅泰

媚川時未識在掌共傳名報得能欺暗投人自欲明  
月臨幽室朗星沒曉河傾的礫驪龍領焚煌彩鳳呈

守恩辭合浦擅美掩連城魚目應難近誰知按劍情

賦得暗投明珠

至寶欣懷日良茲豈可儔神光非易鑒夜色信難投  
錯落珍寰宇圓明隔淺流情靈辭合浦素彩耀神州  
抱影希人識承時望帝求誰言按劍者猜忌却生讐

賦得暗投明珠

崔藩

至寶看懷袖明珠出復收向人光不定離掌勢難留  
皎澈虛臨夜孤圓冷瑩秋仁來驚月落疾轉怕星流  
有戾甘瑕棄無媒自暗投今朝感恩處將欲報隋侯

賦得水懷珠

莫宣卿

唐詩類苑

卷之百八十七

三

長川含媚水波底孕靈珠素魄生蘋末圓規照水隅  
淪連水彩動蕩漾瑞光鋪迴夜呈同貫秋清岸不枯  
江妃思在掌海客亦忘軀合浦當還日恩威信已敷

省試驪珠詩

耿緯

是日重泉下言探徑寸珠龍鱗今不逆魚目也應殊  
掌上星初滿盤中月正孤酬皇光莫及照乘色難踰  
欲問投人否先論按劍無儻憐希代價敢對此水壺

採珠行

元稹

海波無底珠沈海採珠之人判死採萬人判死一得  
珠斛量買婢人何在年年採珠珠避人今年採珠由

海神海神採珠盡死死盡明珠空海水珠爲海物  
海屬神神今自採何況人

珊瑚

詠珊瑚

韋應物

絳樹無花葉非石亦非瓊世人何處得蓬萊石上生

水精

詠水精

韋應物

映物隨顏色含空無表裏持來向明月的皦然成水

水精

王建

映水色不別向月光還度傾在荷葉中有時看是露

唐詩類苑

卷之二百八十七

三十一

水精環

羅維

王室符長慶環中得水精任圓循不極見素質仍貞

信是天然瑞非因樸斲成無瑕勝玉美至潔過水清

未肯齊珉價寧同雜佩聲能銜任黃雀亦欲應時明

琉璃

詠琉璃

元稹

有色同寒水無物隔纖塵象筵看不見堪將對玉人

琥珀

詠琥珀

元稹

曾爲老茯神本是寒松液蚊蚋落其中千年猶可覩

金

詠金

李嶠

南楚標前貢西秦識舊城祭天封漢嶺擲地警孫聲  
向日披沙淨含風振譯鳴方同楊伯起獨有四知名

賦得金在鎔

白行簡

巨橐方鎔物洪爐欲範金紫光看漸發赤氣望逾深  
燄熱晴雲變煙浮晝景陰堅剛由我性鼓鑄任君心

蹭躍徒標異沈潛自可欽何當得成器待叩向知音

銀

詠銀

李嶠

唐詩類苑

卷之二百八十七

三十一

思婦屏輝掩遊人燭影長玉壺初下箭桐井共安牀

色帶長河色光浮滿月光靈山有珍甕仙闕薦君王

錢

詠錢

李嶠

漢日五銖建姬年九府流天龍帶泉寶地馬列金溝

趙壹囊初乏何曾箸欲收金門應入論玉井

詠錢

羅隱

志士不敢道貯之成禍胎小人無事競作機謀

解釋愁腸結能分睡眠開朱門虎性一半逐君廻

絲

白絲行

杜甫

縹絲須長不須白越羅蜀錦金粟尺象牀玉手亂  
紅萬草千花動疑碧已悲素質隨時染裂下鳴機色  
相射美人細意熨帖平裁縫減盡鍼線跡春天衣著  
爲君舞蛟蝶飛來黃鸝語落絮遊絲亦有情隨風照  
日宜輕舉香汗清塵汚顏色開新合故置何許君不  
見才士汲引難恐懼棄捐忍離旅

錦

詠錦

李嶠

漢使巾車遠河陽步障陳雲浮仙日出霞滿蜀江春

唐詩類苑

卷之百八十七

三十一

機迴迴紋巧紳兼束髮新苦逢楚王貴不作夜行人

織錦詞

溫庭筠

丁東細漏侵瓊瑟影轉高梧月初出簇綵金梭萬縷  
紅鴛鴦豔錦初成足錦中百結皆同心藥亂雲盤相  
間深此意欲傳傳不得玫瑰作柱朱絃琴爲君裁破  
合歡被星斗迢迢一作共千里象尺熏爐未覺秋碧  
池已有新蓮子

賦得臨風舒錦

蕭昕

麗錦正云終檐檐展向風花開翻覆色亂動搖紅  
縷散還颺裏文迴照灼中低垂疑步障吹起作晴虹

綺

庾順之以紫霞綺遠贈以詩答之

白居易

千里故人心鄭重一端不綺紫氛氲開絨日映晚霞  
色滿幅風生秋水文爲褥欲裁憐葉破製裘將剪惜  
花分不如裁作合歡被寤寐相思如對君

繡

詠繡

羅隱

一片綠羅洞房西室女工勞花隨玉指添春

唐詩類苑

卷之百八十七

三十一

色鳥逐金鍼長羽毛蜀錦謾誇聲自貴越綾虛說價  
功高可中用作鴛鴦被紅葉枝枝不碍刀

綾

詠綾

李嶠

金縷通秦國爲裴指魏君落花遙寫霧飛鶴近圖雲  
馬眼冰陵影竹根雪霰文何當畫秦女煙際坐氤氳

詠羅

李嶠

妙舞隨裙動行歌入扇清蓮花依帳發秋風照帷明  
雲薄衣初捲蟬飛翼轉輕若珍三代照同擅綺紈名

布

詠布

李嶠

御績創義皇緇冠表素王瀑飛臨碧海火浣燂炎方  
孫被登三相劉衣闡四方佇因春斗粟來曉棣華芳

詠素

李嶠

女纖腰洛浦妃 遠方望鴈足上林飛  
妙奪絞綃色光騰月扇輝非君下路去誰賞故人

唐詩類苑

卷一百七

三

唐詩類苑卷第一百八十八

明雲間張之象玄超甫纂輯

雲間杜士基彥恭甫編次

雲間王微叔朗甫補訂

梁谿曹仁孫伯安甫校正

巧藝部

畫

觀江淮名勝圖

王昌齡

刻意吟雲山尤知隱淪妙公遠何爲者再詣臨海嶠  
而我高其風披圖得道照援毫無逃境遂展千里眺

唐詩類苑

卷之百八

一

淡掃荆門壁明標赤城燒青葱林間嶺隱見淮海微  
但指香爐頂無聞白猿嘯沙門既云滅獨往豈殊調  
感對懷拂衣胡寧事漁釣安期始遺鳥千古謝榮耀  
投迹庶可齊滄浪有孤棹

求崔山人百丈崖瀑布圖 李白

百丈素崖裂四山丹壁開龍潭中噴射晝夜生風雷  
但見瀑泉落如瀉雲漢來聞君寫真圖島嶼備繁迥  
石黛刷幽草曾清澤古苔幽緘儻相傳何必向天台

瑩禪師房觀山海圖

李白

真僧閉精宇滅跡含達觀列障圖雲山攢峯入霄漢



丹崖森在目清晝疑捲幔蓬壺來軒牕瀛海入几案  
烟濤爭噴薄島嶼相凌亂征帆飄空中瀑水灑天半  
崢嶸若可陟想像徒盈嘆香與真心冥遂諧靜者詵  
如登赤城裏揭步滄洲卽事能娛人從茲得消散

題劉相三湘圖

郎士元

昔日醉衡霍爾來憶南州今朝平津邸兼得瀟湘遊  
稍辨郢門樹依然芳杜洲微明三巴峽咫尺萬里流  
飛鳥不知倦遠帆生暮愁潯陽指天末此緒空悠悠  
枕上見漁父坐中當狎鷗誰言魏闕下自有東山幽

八駿圖詩

并序

元稹

唐詩類苑

卷之百十八

二

良馬無世無之而終不得與八駿並名何也吾聞  
八駿日行三萬里夫車行三萬里而無毀輪壞轅  
之患蓋神車者行三萬里而無喪精褫魄之患亦  
神之人也無是三神而得是八馬乃破車掣御躡  
人之乘也世焉用之今夫畫古者畫馬而不畫車  
馭不畫所以乘馬者是不知夫古者也予因作詩  
以辨之

穆滿志空闊將行九州野神馭四來歸天與八駿馬  
龍鍾無凡性龍行無暫捨朝辭扶桑底暮宿崑崙下  
鼻息吼春雷蹄聲裂寒瓦

華輶本修密翠蓋尚妍冶御者腕不移乘者寐不假  
車無輪扁斷轡無王良把雖有萬駿來誰是敢騎者

題天柱山圖

戴叔倫

拔翠五雲中擎天不計功誰能凌絕頂看取日升東

畫襄陽圖

徐安貞

畫得襄陽郡依然見昔遊峴山思駐馬漢水憶回舟  
丹壑常含霽青松不換秋圖書一作畫圖空咫尺千里意  
悠悠

嚴公廳宴同詠蜀道畫圖

杜甫

日臨公館靜畫列地圖雄劒閣星橋北松州雪嶺東

唐詩類苑

卷之百十八

三

華夷山不斷吳蜀水相通興與烟霞會清樽幸不空

觀李固請司馬弟山水圖三首

杜甫

簡易高人意匡牀竹火爐寒天留遠客碧海掛新圖  
雖對連山好貪看絕島孤羣仙不愁思冉冉下蓬壺

方丈渾遶水天台總映雲人間常見畫老去恨空聞

范蠡舟偏小王橋鶴不羣此生隨萬物何處出塵氛

三

高浪垂緌屋崩崖欲壓牀野橋分子細沙岸繞微茫

紅浸珊瑚短青懸辟荔長浮查並坐得山老暫相將

綿州中丞以江山小圖遠垂賜及兼寄詩

李朋

巴江與雪山并邑共廻環圖寫丹青內分明烟靄間  
移居名郡邑助我小齋閑日想登臨處高蹤不可攀  
余嘗有雪景一絕爲人所諷吟段贊善小筆  
精微忽爲圖畫以詩謝之

鄭谷

贊善賢相後家藏名畫多留心於繪素得事在烟波  
屬興同吟咏成功更琢磨愛余風雪句幽絕寫漁裝  
唐詩類苑 卷之百八十八 四

觀華夷圖

曹松

落筆勝縮地展圖當晏寧中華屬貴分遠裔占何星  
分寸辨諸岳斗升觀四溟長疑未到處一一似曾經

山水粉圖

陳子昂

仙圖之白雲今若巫山之高丘紛羣翠之鴻濛又似  
蓬瀛海水之周流信夫人之好道愛雪山以幽求

觀博平王志安少府山水粉圖

李白

粉壁爲空天丹青狀江海游雲不知歸日見白龍在  
博平真人王志安沈吟至此願挂冠松溪石磴帶秋

色愁客思歸坐曉寒

奉觀嚴鄭公廳事岷山沱江畫圖十韻

杜甫

池水臨中座岷山到北堂白波吹粉壁青嶂插雕梁  
直訝杉松冷兼疑菱荇香雪雲虛點綴沙草得微茫  
嶺鴈隨毫末川蜺飲練光霏紅洲藥亂拂黛石蘿長  
暗谷非關雨丹楓不爲霜秋成玄圃外景物洞庭傍  
繪事功殊絕幽襟興激昂從來謝太傅丘壑迫難忘

省試觀慶雲圖

五雲從表瑞藻繪宛成圖柯葉何時改丹青此不渝  
唐詩類苑 卷之百八十八 五

非烟色尚麗似蓋狀應殊渥彩看猶在輕陰望已無

省試觀慶雲圖

柳宗元

設色初成象卿雲示國都九天開秘祉百辟贊嘉謨  
抱日依龍袞非烟近御爐高標連汗漫迴望接虛無  
裂素榮光發舒華瑞色敷恒將配堯德垂慶代河圖

省試觀慶雲圖

李行敏

練素傳休祉丹青狀慶雲非烟凝漠漠似蓋乍紛紛  
尚駐從龍意全舒捧日文光陰五色起影向九霄分  
裂素觀嘉瑞披圖賀聖君寧同窺汗漫方此觀氛氲

府試觀開元皇帝東封圖 馬戴

儼若翠華舉登封圖乍開冕旒明主立冠劍侍臣陪  
跡類飛仙去光同拜日來粉痕疑檢玉黛色訝生苔  
挂壁雲將起陵風仗若迴何年復東幸魯叟望悠哉

戲題王宰畫山水圖歌 杜甫

十日畫一水五日畫一石能事不受相促迫王宰始  
肯留真跡壯哉崑崙方壺圖往者高堂之素壁巴陵  
洞庭日本東赤岸水與銀河通中有雲氣隨飛龍舟  
人漁子入浦漱山水盡亞洪濤風尤工遠勢古莫比  
咫尺應須論萬里焉得并州快剪刀剪取吳松半江  
水

金陵圖 韋莊

誰謂傷情畫不成畫人心逐世人情君看六幅南朝  
事老木寒雲滿故城

畫木蓮花圖寄元郎中 白居易

花房膩似紅蓮朵艷色鮮如紫牡丹唯有詩人應解  
愛丹青寫出與君看

觀壁畫九想圖 包佶

一世榮枯無異同百年哀樂又歸空夜闌烏鵲相爭  
處林下真僧在定中

題歌器圖 劉禹錫

秦國功成思稅駕晉臣名遂歎危機無因上蔡牽黃  
犬願作丹徒一布衣

海棠圖 崔塗

海棠花底三年客不見海棠花盛開却向江南見  
畫始慙虛到蜀城來

將至韶州先寄張端公使君借圖經 韓愈

曲江山水聞來久恐不知君訪倍難願借圖經將入  
界每逢佳處便開看

唐詩類苑 卷之二百八十八

和李尚書畫射虎圖歌 獨孤及

饑虎呀呀立當路萬夫震恐百獸怒形弓金鏃當者  
誰鳴鞭飛控流星馳居然畫中見真態若務除惡不  
顧私時和年豐五兵已白額未誅壯士耻分銖遠邇  
懸轂中不中不發思全功捨矢如破石可裂應絃盡  
敵山爲空殺氣滿堂觀者駭颯若崖谷生長風精微  
入神在毫末作續造物何同功方叔秉鉞受命新丹  
青起子氣益振底綏靜難巧可擬嘆嘆不足聲成文  
他時代天育萬物亦以此道安斯民

桃源圖 韓愈

神仙有無何渺茫桃源之說誠荒唐流水盤迴山百轉生綃數幅垂中堂武陵太守好事者題封遠寄南宮下南宮先生欣得之波濤入筆驅文辭文工畫妙各臻極異境恍惚移於斯架嚴鑿谷開宮室接屋連牆千萬日羸顛劉蹶了不聞地坼天分非所恤種桃處處惟開花川原近遠蒸紅霞初來猶自念鄉邑歲久此地還成家漁舟之子來何所物色相猜更問語大蛇中斷喪前王羣馬南渡開新主聽終辭絕共悽然自說經今六百年當時萬事皆眼見不知幾許猶流傳爭持酒食來相饋禮數不同樽俎異月明伴宿

唐詩類苑

卷之三百十八

八

玉堂空骨冷魂清無夢寐夜半金鷄鳴嘶鳴火輪飛出客心驚人間有累不可住依然離別難爲情船開棹進一迴顧萬里蒼蒼烟水暮世俗寧知偽與真至今傳者武陵人

廬卓山人畫水圖

方干

管閣畫石不畫水畫水至難君得名海色未將藍汁染筆鋒猶傍土堆行散吞高下應無岸斜感東南勢欲傾坐久神迷不能決却疑身在小蓬瀛

南省轉牒欲具注

江一作

國圖今盡通風俗故

事

柳宗元

聖代提封盡海壖狼荒猶得紀山川華夷圖上應初錄風土記中殊未傳權髻老人難借問黃茅深峒敢留連南宮有意求遺俗試檢周書王會篇

題畫山水障

張九齡

心累猶不盡果爲物外牽偶因耳目好復假丹青妍臂抱野間意而迫區中緣塵事固已矣秉意終不遷良工適我願妙墨揮巖泉變化合羣有高深倖自然置陳北堂上做像南山前靜無戶庭出行已茲地偏萱草憂可樹合歡忿亦蠲所因本微物况乃憑幽筌言象會自泯意色聊自宣對翫有佳趣使我心渺綿

唐詩類苑

卷之三百十八

九

劉相公中書江上畫障

岑參

相府徵墨妙揮毫天地窮始知丹青筆能奪造化功瀟湘在簾間廬壑橫座中忽疑鳳凰池暗與江海通粉白湖上雲黛青天際峯畫日恒見月孤帆如有風巖花不飛落澗草無春冬擔錫香爐緇釣魚滄浪翁如何平津意尚想塵外蹤富貴心獨輕山林興彌濃喧幽趣頗異出處事不同請君爲蒼生未可追赤松

李兵曹壁畫山水各賦得桂水帆

李頎

片帆浮桂水落日天涯時飛鴈看共度閑雲相與遲

長波無曉夜泛泛欲何之

觀李湊所畫美人障子 劉長卿

愛爾含天姿丹青有殊智無間已得象象外更生意  
西子不可見千載無重還空令浣沙態猶在含毫間  
一笑豈易得雙蛾如有情慙風不舉袖但覺羅衣輕  
華堂翠幕春風來內閣金屏曙色開此中一見亂人  
目只疑行到雲陽臺

題山水障子 張祐

一見秋山色方憐畫手稀波濤連壁動雲物下簷飛  
嶺樹冬猶發江帆暮不歸端然是漁叟相向日依依

唐詩類苑

卷之二百八十八

十一

題王右丞山水障子二首 張祐

精華在筆端咫尺匠心難日月中堂見江湖滿座看  
夜凝嵐氣濕秋浸壁光寒料得昔人意平生詩思殘

二

右丞今已歿遺畫世間稀咫尺江湖盡尋常鳴鳥飛  
山光全在掌雲氣欲生衣以此常爲翫平生滄海機  
奉先劉少府新畫山水障歌

杜甫

堂上不合生楓樹怪底江山起烟霧聞君掃却赤縣  
圖乘輿遺畫滄洲趣畫師亦云子不可遇對此

融心神知君重毫素豈但祁岳與鄭虔筆跡遠過楊

契丹得非玄圖裂無乃瀟湘翻悄然坐我天姥下耳  
邊已似聞清猿反思前夜風雨急乃是滿城鬼神入  
元氣淋漓障猶濕真宰上訴天應泣野亭春還雜花  
遠漁翁暝踏孤舟立滄浪水深青冥闊欹岸側島秋  
毫末不見湘妃鼓瑟時至今斑竹臨江活劉侯天機  
精愛畫入骨髓自有兩兒郎揮灑亦莫比大兒聰明  
到能添老樹巔崖裏小兒心孔開貌得山僧及童子  
若耶溪雲門寺吾獨胡爲在泥滓青鞋布襪從此始

謝微上人惠二龍障子 僧貫休

唐詩類苑

卷之二百八十八

十一

我見蘇州崑山佛殿中金城柱上有二龍老僧相傳  
道是僧繇手尋常人海共龍鬪又聞蜀國王局觀有  
孫遇跡盤屈身長八十尺遊人爭看不敢近頭觀寒  
泉萬丈碧近有五羊微上人閑工小筆得意新畫龍  
不誇頭角及龍只求筋骨與精神微上人真龍者  
惠我雙龍不言價等閑不敢將懸掛恐似葉公好假  
龍及見真龍却驚怕

巫山枕障

李白

巫山枕障畫高丘白帝城邊樹色秋朝雲夜入無行  
處巴水橫天更不流

題謝公東山障子

白居易

賢愚共在浮生內貴賤同趨羣動間多見忙時已衰  
病少聞健日肯休閑鷹餓受牒從難退鶴老乘軒亦  
不還唯有風流謝安石拂衣攜妓入東山

觀薛稷少保書畫壁

杜甫

少保有占風得之陝郊篇惜哉功名忤但見書畫傳  
我從梓州東貴亦音工邊畫藏青蓮界書入金榜懸  
仰看垂露姿不崩亦不蹇鬱鬱三大字蛟龍岌相纏  
又揮西方變發地扶屋椽慘淡壁飛動到今色未填  
此行疊壯觀郭薛俱才賢不知千載後誰復來通泉

唐詩類苑

卷之百八十八

三

奉和李右相書壁畫山水 孫逖

廟堂多暇日山水契中情欲寫高深趣還因藻繪成  
九江臨戶牖三峽遠檐楹花柳窮年盡烟雲逐意生  
能令萬里近不覺四時行氣染荀香馥光含樂鏡清  
詠歌齊出處圖畫表冲盈自保千年遇何論八載榮

酬包評事壁畫山水見寄 皇甫冉

一官知所務本意在雲泉濡翰生新興羣峯忽眼前  
黛中分遠近筆下起風烟巖翠深樵路湖光出釣船  
寒侵赤城頂日照武陵川若覽名山誌仍聞招隱篇  
遂令江海客惆悵懷閒日

會稽王處王草堂壁畫衡霍諸山

劉長卿

粉壁一作衡霍近羣峰一作如可攀能令堂上客見  
盡湖一作南山青翠數千仞一作千飛來方丈間歸  
雲無處滅去鳥何時還勝事日相對主人常獨閑稍  
看林壑晚一作佳氣生重關一本增廣與宿  
同族弟金城尉叔卿燭照山水壁畫歌

李白

高堂粉壁圖蓬瀛燭前一見滄洲清洪波湧山崢  
嶸皎若丹丘隔海望赤城光中乍喜嵐氣滅謂逢山  
陰晴後雪迴溪碧流寂無喧又如秦人月下窺花源  
了然不覺清心魂祗將疊嶂鳴秋猿與君對此歡未  
歇放歌行吟達明發却顧海客揚雲帆便欲因之向  
溟渤

當塗趙炎少府粉圖山水歌

李白

峨眉高出西極天羅浮直與南溟連名公繹思揮彩  
筆驅山走海置眼前滿堂空翠如可掃赤城霞氣蒼  
梧烟洞庭瀟湘意渺綿三江七澤情洄洑驚濤洶湧  
向何處孤舟一去迷歸年征帆不動亦不旋飄如隨

風落天邊心搖目斷興難盡幾時可到三山巔西峯  
崢嶸墳流泉橫石感水波潺湲東崖合沓蔽輕霧深  
林雜樹空芊綿此中冥昧失晝夜隱几寂聽無鳴蟬  
長松之下列羽客對坐不語南昌仙南昌仙人趙夫  
子妙年歷落青雲士訟庭無事羅衆賓杳然如在丹  
靑裏五色粉圖安足珍真仙可以全吾身若待功成  
拂衣去武陵桃花笑殺人

觀于舍人壁畫山水

王季友

野人宿在山家少朝見此山謂山曉半壁仍栖嶺上  
雲開簾欲放湖中鳥獨坐長松是阿誰再三招手起

唐詩類苑

卷之百八十八

古

來遲于公大笑向余說小弟丹青能爾爲

題禮上人壁畫山水

錢起

連山畫出映禪扉粉壁香筵滿翠微坐來爐氣鬱  
散共指晴雲向嶺歸

臺中遇直晨覽蕭侍御壁畫山水

羊士諤

蟲思庭沙白露天微風吹竹曉凄然今來始悞朝迴  
客暗寫歸心向石泉

陸山人畫水

方干

毫末用功成一水水源山秣園難尋遠巡便可見波

浪咫尺不能知淺深但有片雲生海口終無明月在  
潭心我來擬學磻溪叟白首釣璜非陸沈

香山居士寫真詩

并序

白居易

元和五年予爲左拾遺翰林學士奉詔寫真於集  
賢殿御書院時年三十七會昌二年罷太子少傅  
爲白衣居士又寫真於香山寺藏經堂時年七十  
一前後相望殆將三紀觀今照昔慨然自嘆者多  
之形容非一世事幾變因題六十字以寫所懷

昔作少學士圖形入集賢今爲老居士寫貌寄香山  
鶴龜變玄髮鷄膚換朱顏前形與後貌相去三十年

唐詩類苑

卷之百八十八

古

勿歎韶華子俄成皓叟仙請看東海水亦變作桑田

題舊寫真圖

白居易

我昔三十六寫貌在丹青我今四十六衰悴卧江城  
豈止十年老曾與衆苦并一照舊圖畫無復昔儀形  
形影莫相顧如弟對老兄况使他人見能不昧平生  
義和鞭日走不爲我少停形骸屬日月老去何足驚  
所恨凌烟閣不得畫功名

自題寫真

白居易

我貌不自識李放寫我真靜觀神與骨合是山中人  
蒲柳質易朽麋鹿心難馴何事赤墀上五年爲侍臣



况多剛捐性難與世同塵不惟非貴相但恐生禍因  
宜當早罷去收取雲泉身

崔興宗寫真詠

王維

畫君年少時如今君已老今時新識人知君舊時好

贈寫真者

白居易

子騁丹青日予當醜老時無勞役神思更畫病容儀  
迢遞麒麟閣圖功未有期區區尺素上焉用寫真爲

感舊寫真

白居易

李放寫我真寫來二十載莫問真何如畫亦銷光彩  
朱顏與玄髮日夜改復改無嗟貌遽非且喜身猶在

唐詩類苑

卷之二百八十八

寫真

僧淡交

圖形期自見自見却傷神已是夢中夢更逢身外身  
水花凝幻質墨彩染空塵堪笑余兼爾俱爲未了人

蘇小小寫真連句

如生小小真猶自未棲塵榆袂將離座斜柯欲近人  
昔時如出衆情寵古橫陳不遣遊張巷豈教窺宋鄰  
庾樓吹笛裂弘開賞歌新慙怯纖腰步蛾驚半額頻  
圖形誰有術買笑辭貧後隴迷村徑重泉附漢津  
同心知作羽比目定爲魚月巫山夕餘霞洛浦晨

題梅妃畫真

玄宗

憶昔嬌妃在紫宸鉛華不御得天真霜綃雖似當時  
態爭奈嬌波不顧人

贈寫御真李長史

李遠

玉座烟銷硯水清龍髯不動紫毫輕初分隆準山河  
秀再點重瞳日月明宮女捲簾皆暗認侍臣開殿盡  
遙驚三朝供奉應無敵始覺繇僧浪得名

獄中見壁畫佛

劉長卿

不謂銜冤處而能窺大悲獨棲叢棘下還見雨花時  
地狹青蓮小城高白日遲幸親方便力猶畏毒龍欺

周昉長史畫毗沙門天王歌

唐詩類苑

卷之二百八十八

僧皎然

長史畫神獨感神高妙區中無兩人雅而逸高真  
形生虛無忽可親降魔大戟縮在手倚天長劍橫  
諸紳慈威示物雖凜栗在德無秋唯春吾知真像  
本非色此君妙用君心得荷得下筆合神造誤點一  
點亦爲道寫出霜縑可舒卷何人能識此情遠秋齋  
清寂無外物盥手焚香聊自展憶昔胡兵圍未解感  
得此神天上下至今雲旗圖我形爲君一顧烟塵清  
同李九士曹觀壁畫雲作  
高適  
始知帝鄉客能畫蒼梧雲秋天萬里一片色只疑飛

盡猶氛氲

詠郡齋畫片雲

岑參

雲片何人畫塵侵粉色微未曾行雨去不見逐風歸  
只怪偏疑壁回看欲惹衣丹青忽借便移向帝鄉飛

和中書侍郎院壁畫雲

李牧

粉壁畫雲成如能上太清影從霄漢發光照掖垣明  
映條多幽趣臨軒得野情獨思作霖雨流潤及生靈

陳式水墨山水

方干

造化有功力平分歸筆端溪如水後聽山似曉來看  
立意雲髯出支頤烟汗乾世間從爾後應覺致名難

唐詩類苑

卷之百八十八

十八

項洙處士畫水墨釣臺

方干

畫石畫松無雨般猶嫌瀑布畫聲難雖云知慧生靈  
府要且工夫在筆端潑處便連陰洞黑添來先向朽  
枝乾我家曾寄雙臺下往往開圖盡日看

觀項信水墨畫

方干

險峭雖從筆下成精能皆自意中生倚雲孤檣知無  
朽挂壁高泉似有聲轉扇驚波連岸動迴燈落石間  
山明小年師祖今過祖異域應傳項信名

水墨松石

方干

三世精能舉世無筆端狼籍見功夫添來勢逸陰崖

黑潑處痕輕灌木枯垂地寒雲吞大漠過江春雨入  
全吳蘭堂坐久心彌惑不是山川是畫圖

李肱所遺畫松詩書兩紙得四十韻

李商隱

萬草已涼露開圖披古松青山徧蒼海此樹生何峯  
孤根邈無倚直立撐鴻濛端如君子身挺若壯士胸  
樛枝勢天矯忽欲蟠空又如驚螭走默與奔雲逢  
孫枝擢細葉旖旎狐裘茸鄒顛蓍髮軟麗姬眉黛濃  
視久眩目精倏忽變輝容竦削正稠直婀娜旋敗峯  
又如洞房冷翠被張穿籠亦若暨羅女平旦粧顏容  
唐詩類苑 卷之百八十八 九  
細疑襲氣母猛若爭神功燕雀固寂寂霧露常衝衝  
重蘭媿傷暮碧竹慙空中可集呈瑞鳳堪藏行雨龍  
淮山桂偃蹇蜀郡桑重童枝修亮眇脆靈氣何由同  
昔聞咸陽帝近說嵇山儂或著佳人號或以大夫封  
終南與青都烟雨遙相通定知夜夜意不起西南風  
美人昔清興重之由月鍾寶笥十八九香綰千萬重  
一旦鬼瞰室稠疊張懸暈赤羽中要害是非皆忽忽  
生如碧海月死踐霜郊蓬平生握中玩散失隨奴僮  
我聞照妖鏡及與神劍鋒寓身會有地不爲凡物蒙  
伊人秉茲圖顧盼擇所從而我何爲者開懷捧靈蹤

報以漆鳴琴懸之真珠櫳是時方暑夏座內若嚴冬  
憶昔謝四騎學仙王陽東千株盡若此路入瓊瑤宮  
口詠玄雲歌手把金芙蓉濃謁深霓袖色映琅玕中  
悲哉墮世網去之若遺弓形魄天壇上海日高瞳瞳  
終期紫鸞歸持寄扶桑翁

畫松

元稹

張璪畫古松往往得神骨翠帚掃春風枯龍受寒月  
流傳畫師輩奇態盡埋沒纖枝無蕭灑頑幹空突兀  
乃悟塵埃心難狀烟霄質我去浙陽山深山看真物  
壁畫古松

朱灣

唐詩類苑

卷之百八十八

辛

石上盤古根謂言天生朽安知草木性變在畫師手  
陰深方丈間真趣幽且閒木文離披勢撻摔中裂空  
心火燒出掃成三寸五寸枝便作千年萬年物莓苔  
濃淡意不同一半死皮藏蠹蟲風霜未必來到此氣  
色香似寒山中孤標可翫不可取能使支公道場古  
詠門上畫松上元杜王三相公

錢起

昔聞生澗底今見起毫端衆草此時沒何人知歲寒  
豈能裨棟宇且欲出門闌只在丹青筆凌雲也不難

戲韋偃爲雙松圖歌

杜甫

天下幾人書古松畢宏已老韋偃少絕筆長風起纖  
末滿堂動色嗟神妙兩株慘裂苔蘚皮屈鐵交錯迴  
高枝白摧朽骨龍虎死黑入太陰雷雨垂松根胡僧  
愁寂寞麗眉皓首無住著偏袒右肩露雙腳葉裏松  
子僧前落韋侯韋侯數相見我有一匹好素絹直之  
不減錦繡段已令拂拭光凌亂請公放筆爲直幹

題李尊師松樹障子歌

杜甫

老夫清晨梳白頭玄都道士來相訪握髮呼兒延入  
戶手提新畫青松障障子松林靜杳冥憑軒忽若無  
丹青陰崖却承霜雪幹偃蓋反走虬龍形老夫平生  
好奇古對此興與精靈聚已知仙客意相親更覺良  
工心獨苦松下丈人巾屨同偶坐似是商山翁悵望  
聊歌紫芝曲時危慘淡來悲風

傳經院壁畫松

鄭谷

危根瘦蓋聳孤峯珍重江僧好筆蹤得向游人多處  
畫却勝澗底作真松

畫松

釋景雲

畫松一似真松樹且待尋思記得無曾在天台山上  
見石橋南畔第三株

方著作畫竹

方干

疊葉與高節俱從毫末生留傳千古譽研鍊十年情  
向月本無影臨風疑有聲吾家釣臺畔似此兩三莖

畫竹歌 并序

白居易

協律郎蕭悅善畫竹舉時無倫蕭亦甚自秘重有  
終歲求其一竿一枝而不得者知予天與好事忽  
寫一十五竿惠然見投予厚其意高其藝無以答  
貺作歌以報之凡一百八十六字云

植物之中竹難寫古今雖畫無似者蕭郎下筆獨逼  
真丹青以來唯一人人畫竹身肥擁腫蕭畫莖瘦節  
節疎人畫竹梢死羸垂蕭畫枝活葉葉動不根而生

唐詩類苑

卷之三百八

主一

從意生不苟而成由筆成野塘水邊研岸側森森兩  
叢十五莖嬋娟不失筠粉態蕭蕭盡得風烟情舉頭  
忽看不似畫低耳靜聽疑有聲西叢七莖勁而健曾  
向天竺寺前石上見東叢八莖疎且寒憶曾湘妃廟  
裏雨中看幽姿遠思少人別與君相顧空長歎蕭郎  
蕭郎不可惜手頭眼昏頭雪色自言便是絕筆時從  
今此竹猶難得

扇上畫牡丹

羅隱

爲愛工芳滿砌階教人扇上畫將來葉隨綠筆參差  
長花逐輕風次第開閑掛幾曾停蛺蝶頻搖不怕落

每苔根生無地如仙桂疑是嫦娥月裏栽

和馬郎中畫鶴贊

盧綸

高高華亭有鶴在屏削玉點漆乘軒姓丁暮雲冥冥  
雙垂雪羽晨光炯炯一直朱頂含音儼容絕粒遺影  
君以爲真相期縹緲

通泉縣署屋壁後薛少保畫鶴

杜甫

薛公十一鶴皆寫青田真畫色久欲盡蒼然猶出塵  
低昂各有意磊落如長人佳此志氣遠豈惟粉墨新  
萬里不以力羣遊森會神威遲白鳳態非是倉庚鄰

唐詩類苑

卷之三百八

主一

高堂未傾覆幸得慰佳賓暴露牆壁外終嗟風雨頻  
赤霄有真骨耻飲滂池津冥冥任所往脫落誰能馴

詠省壁畫鶴

宋之問

粉壁畫仙鶴昂藏直氣多鸞飛竟不去當是戀恩波  
詠主人壁上畫鶴寄喬主簿崔著作

陳子昂

古壁仙人畫丹青尚有文獨舞紛如雪孤飛暖似雲  
自矜彩色重寧憶故池羣江海聯翩翼長鳴誰復聞

畫鶴篇省中作

錢起

點素凝姿任畫工霜毛雪羽正含風  
漢皇若問飛鳴華表

上何如粉繡彩屏中文昌宮近芙蓉闌蘭室細縕香  
且結鑪氣朝成縕嶺雲銀燈夜作華亭月日暖花明  
梁鴈歸應驚片雪在仙闈主人顧盼千金重誰肯排  
徊五里飛

河陽石尚書破迴鵲迎貴主過上黨射鵰  
繪畫爲圖猥蒙見示稱歎不足以詩美之

白居易

塞北虜郊隨手破山東賊壘掉鞭收烏孫公主歸秦  
地白馬將軍入潞州將拔青鱗虵尾活弦攄赤羽火  
星流須知烏目猶難漏縱有天狼豈足憂畫角三聲

唐詩類苑

卷之百八十八

五

刁斗曉清商一部管絃秋他時麟閣圖勳業更合何  
人居上頭

溫處士能畫鴈以四韻換之

鄭谷

昔年吟醉遶江籬愛把魚竿伴鷺鷥聞說小臺能縱  
逸敢憑輕素寫山奇涓涓浪濺牽菱蔓憂憂風拽折  
葦枝得向晚牕閑挂翫雪簑烟艇恨無遺

楊監又出畫鴈十二扇

杜甫

近時馮紹正能畫鷺鳥樣明公出此圖無乃傳其狀  
殊姿各獨立清絕心有向疾禁千里馬氣敵萬人將

憶昔驪山宮冬移含元仗天寒大羽獵此物神俱王  
當時無凡材百中皆用壯粉墨形似間識者一惆悵  
干戈少暇日真骨老崖墮爲君除狡兔會是翻韞上

畫鴈

杜甫

素練風霜起蒼鷹畫作殊攬身思狡兔免側目似愁胡  
條鏃光堪擣軒楹勢可呼何當繫凡鳥毛血灑平蕪

姜楚公畫角鷹歌

杜甫

楚公畫鷹鷹戴角殺氣森森到幽朔觀者貪愁懼  
飛畫師不是無心學此鷹寫真在左綿却嗟直骨遂  
虛傳梁間燕雀休驚怕亦未搏空上九天

唐詩類苑

卷之百八十八

五

畫鴈行

杜甫

高堂見生鵲颯爽動秋骨初驚無拘攣何得立突兀  
乃知畫師妙巧刮造化窟寫此神俊姿克君眼中物  
鳥鵲滿樛枝軒然恐其出側腦看青霄寧爲衆禽沒  
長翮如刀劍人寰可超越乾坤空嶢嶢粉墨且蕭瑟  
縮思雲沙除自有烟霧質吾今意何傷顧步獨紆鬱  
同鮮于洛陽於畢員外宅觀畫馬歌

高適

知君愛鳴琴仍好千里馬永日恒思單父中有時心  
到宛城下遇客丹青天下才白生胡雛控龍媒主人

娛賓畫幃開只言騏驎西極來半壁趨趨勢不住滿  
堂風飄飄然度家僮愕視欲先鞭檻馬驚嘶還屢顧  
始知物妙皆可憐燕昭市駿豈徒然縱令剪拂無所  
用猶勝駑駘在眼前

畫馬篇

高適

君侯櫪上驄貌在丹青中馬毛連錢蹄鐵色圖畫光  
輝驕王勒馬行不動勢若來權奇蹴踏無塵埃感茲  
絕代稱妙手遂令談者不容口騏驎獨步自可矜駑  
駘萬匹知何有終未如他櫪上驄載華轂聘飛鴻  
荷君剪拂與君用一日千里如旋風

唐詩類苑

卷之三百八十八

三

韋諷錄事宅觀曹將軍畫馬圖引

杜甫

國初已來畫鞍馬神妙獨數江都王將軍得名三十  
載人間又見真乘黃曾貌先帝照夜白龍池十日飛  
霹靂內府綵紅瑤盤盤婕妤傳詔才人索盤賜將軍  
拜舞歸輕純細綺相追飛貴戚權門得筆跡始覺屏  
障生光輝昔日太宗拳毛騧近時郭家師子花今之  
新圖有二馬復令識者久歎嗟此皆騎戰一敵萬縞  
素漠漠開風沙其餘七匹亦殊絕迴若寒空動烟雪  
霜蹄蹴踏長楸間馬官廐養森成列可憐九馬爭神

駿顧視清高氣深穩借問苦心愛者誰後有韋諷前  
支遁憶昔巡幸新豐宮翠華拂天來向東騰驤磊落  
三萬匹皆與此圖筋骨同自從獻寶朝河宗無復射  
蛟江水中君不見金粟堆南松柏裏龍媒去盡鳥呼  
風

天育驃騎歌

杜甫

吾聞天子之馬走千里今之畫圖無乃是何意態  
雄且傑駿尾蕭梢朔風起毛爲綠縹兩耳黃眼有紫  
焰雙瞳方矯矯龍性合變化卓立天骨森開張伊昔  
太僕張景順監牧攻駒閱清峻遂令大奴守天育別

唐詩類苑

卷之三百八十八

三

養驥子憐神俊當時四十萬匹馬張公嘆其材盡下

故獨寫真傳世人見之座右久更新年多物化空形  
影嗚呼健步無由騁如今豈無驥襄與驊驎時無王  
良伯樂死即休

題壁上韋偃畫馬歌

杜甫

韋侯別我有所適知我憐君畫無敵戲拈秃筆掃驎  
駟欵見麒麟出東壁一匹齟草一匹嘶坐看千里當  
霜蹄時危安得真致此與人同生亦同死

述韋昭應畫犀牛

儲光義

遐方獻文犀萬里隨南金大邦柔遠人以之居山林

食棘無秋冬絕流無淺深雙角前嶄嶄三蹄下駸駸  
朝賢壯其容未能辨其音有我哀烏郎新邑長鳴琴  
陸閣飛嘉聲丘甸盈仁心閑居命國工作繪北堂陰  
耽耽若有神庶比來儀禽昔有舞天庭爲君奏龍吟

詠徐正字畫青蠅

元稹

誤點能成物迷真許一時筆端來已久座上去何遲  
顧白曾無變聽雞不復疑詎傍才子賞爲入國人詩

題畫帳山水

皇甫冉

桂水饒楓杉荆南足煙雨猶疑黛色中復是雒陽岨

題畫帳遠帆

皇甫冉

唐詩類苑

卷之三百八十八

三八

朝見巴江客暮見巴江客雲帆儼整停中路陽堂夕

觀李瓊處士畫海濤

僧齊己

巨鼇轉側長鯨翻狂濤顛浪高漫漫李瓊奪得造化  
本都盧縮在秋毫端一揮一畫皆筋骨澆養崩騰大  
鯨泉葉樣仙槎擺落沈頭應是驪龍窟昔年曾夢  
涉蓬瀛唯聞撼動珊瑚聲今來正嘆陸沈久見君此  
畫思前程千尋萬派功難測海門山小濤頭白令人  
錯認錢塘城羅剎石底奔雷霆

楊子華畫二首

楊畫遠於展何言今在茲依然古壯服但感時節移

念君一朝意遺我千載思子亦幾時客安能長苦悲

二

皓腕卷紅袖錦繡臂蒼鵲故人斷絃心稚齒從禽樂  
當年惜貴遊遺形寄丹腹骨象或依稀鉛華已寥落  
似對古人民無復昔城郭子亦觀病身空色俱寂寞

三

顛倒世人心紛紛乏公是眞賞畫不成畫眞相似  
丹青各所尚工拙何足恃求此妄中精哀哉子華子

吳畫連句

慘淡十堵內吳生縱狂跡風雲將逼人神鬼如脫壁

唐詩類苑

卷之三百八十八

三九

其中龍最怪張甲方汗栗黑雲夜恣率焉知不霹靂  
此際忽仙子獵獵衣鳥奕妙瞬乍疑生參差奪人魄  
往往乘猛虎衝梁聳石蒼峭東高泉角膝警欺側  
冥獄不可視毛戴腋液液苟能久成剎那沈火宅

辭諸畫連句栢梁體

吳生畫勇正戟攢出變奇勢千萬端蒼蒼鬼怪層壁  
寬觀之魚恩毛髮寒稜伽之力所疲殫李眞周昉優  
劣難活禽生卉推邊鸞花房嫩彩猶未乾韓幹變態  
如激湍惜者壁畫勢未殫後人新畫何汗漫

送醉畫王處士

李洞



幾年乘興住南吳，狂醉蘭舟夜落湖。別後鶴毛描轉  
細，近來牛角飲還麤。同餐夏果山何處，共釣秋濤石  
在無。關下相逢怪予老，篇章役思繞寰區。

丹青引

杜甫

將軍魏武之子孫，於今爲庶爲清門。英雄割據雖已  
矣，文彩風流今尚存。學書初學衛夫人，但恨無過王  
右軍。丹青不知老將至，富貴於我如浮雲。開元之中  
常引見，承恩數上南薰殿。凌煙功臣少顏色，將軍下  
筆開生面。良相頭上進賢冠，猛將腰間大羽箭。褒公  
鄂公毛髮動，英姿颯爽來酣戰。先帝天馬玉花驄，畫

唐詩類苑

卷之百八十八

三十一

工如山貌不同。是日牽來赤墀下，迴立閭闔生長風。  
詔謂將軍拂絹素，意匠慘淡經營中。斯須九重真龍  
出，一洗萬古長馬空。玉花却在御榻上，榻上庭前屹  
相向。至尊含笑催賜金，圉人太僕皆惆悵。弟子韓幹  
早入室，亦能畫馬窮殊相。幹惟畫肉不畫骨，忍使驂  
駟氣彫喪。將軍畫善蓋有神，必逢佳士亦寫真。即今  
漂泊干戈際，屢貌尋常行路人。途窮返顧俗眼白，世  
上未有如公貧。但看古來盛名下，終日坎壈纏其身。

題寺

崔庸

人莫嫌山小，僧還愛寺靈。殿高神氣力，龍活客丹青。

射

玄武門侍射并序

張說

開元之初，季冬其望，天子始御北闕，朝羽林軍，禮  
修事，厥后二日，乃命紫微黃門九卿六事與熊罷  
之將，爪牙之臣，合宴焉。侑以純錦，頒以珍器，爾其  
射，棚新成，布侯既設，禦仗林立，帷軒霧布，衆官半  
酣，皇情載悅，卷珠箔，臨玉除，唐弓在手，夏箭斯發，  
應弦屢中，屬羽連飛，孤矢以來，未之有也。若夫天  
地合道，星辰獻儀，端視和容，內正外直，自近而制，  
遠耀威而觀德，無不通神，無不極用，是射也，其惟

唐詩類苑

卷之百八十八

三十一

聖人乎！於時繁雲覆城，大雪飛苑，天人同澤，上下  
交歡，退食懷恩，賦詩頌義，凡若干篇。

射觀通玄闕，兵欄闢御筵，雕弧月半上，畫的暈重圓。  
羿后神幽贊，靈王法暗傳，貫心精四返，飲羽妙三連。  
雪鶴來銜箭，星麟下集弦，一逢軍宴合，萬慶武功宣。

始建射侯

韋應物

男子本懸弧，有志在四方。虎竹忝明命，熊侯始張皇。  
賓登時事畢，諸將備戎裝。星飛的屢破，鼓譟武更揚。  
曾習鄒魯學，亦陪鸞鷟翔。一朝願投筆，世難激中腸。

射虎行

王建

自去射虎得虎歸官差射虎得虎遲獨行以死當虎  
命兩人因疑終不定朝朝暮暮空手迴山下綠苗成  
道徑遠立不敢汗箭鏃聞死還來分虎肉惜留猛虎  
著深山射殺恐畏終身閑

觀騎射

李益

邊頭射鵬將走馬出中軍遠見平原上翻身向蒼

和王懷州觀西營秋射

耿漳

謝公親校武草碧露漫漫落葉停高駕空林滿從官  
迎籌皆疊鼓揮箭或移竿名借三軍勇功推百中難  
主皮山郡晚飲算柳營寒明日開鈴閣新詩雙玉盤  
唐詩類苑 卷之三百八十八 三十一

觀衛尚書九日對中使射破的

戎昱

盛宴傾黃菊殊私降紫泥月營開射圃霜旆拂晴霓  
出將三朝貴彎弓五善齊脫迴金鏃滿的破綠弦低  
勇氣干牛斗歡聲震鼓鼙忠臣思報國更欲取關西

射鵬騎

馬戴

蕃面將軍著鼠裘酣歌衝雪在邊州獵過黑山猶走  
馬寒鵬射落不回頭

詠棋

盧延遜

十九條平路言平又嶮巖人心無算處國手有輸時  
勢迴星流遠聲乾下雹遲臨軒縱一局寒日又西垂

觀棋

釋子蘭

拂局盡涓時能因長路遲點頭初得計捨手待無疑  
寂默親遺景疑神入過思共藏多少意不語兩相知

寄棋客

鄭谷

松牕楸局穩相顧思皆凝幾局賭山果一先饒海僧  
覆圖聞夜雨下子對秋燈何日無羈束期君向杜陵

送棋待詔朴球歸新羅

張喬

海東誰敵手歸去道應孤闕下傳新勢船中覆舊圖  
唐詩類苑 卷之三百八十八 三十一

窮荒迴日月積水載寰區故國多年別桑田復在無

錦江陪兵部鄭侍郎話詩著棋

李洞

落葉飛吟身會棋雲外一作風雪人海枯搜一作不盡天  
定著長新月上分題遍鐘殘布子勻一作穿闕客臨江

忘養二絕境一作高客取意鑄陶鈞

酬段丞與諸棋流會宿弊居見贈二十四韻

元稹

鳴局寧虛日閑牕化屨時琴書甘盡棄一作能能苑  
運石疑填海爭籌憶坐惟赤心方苦戰一作先施

蛇勢繁山合鴻聯迴嶺運堂堂排直陣滾滾逼羸師  
懸切偏深猛回征特嶮巖旁攻百道進死戰萬般爲  
異日玄黃隊今宵黑白棋斫營看迴點對壘重相持  
善敗雖稱快驕盈最易欺狼牙當必碎虎口禍難移  
乘勝同三捷快願望一詞希因送目便敢待指蹤奇  
退引防邊策雄吟斬將時眠牀都浪置通夕共忘疲  
曉雉風傳角寒叢雪壓枝繁星收玉版殘月耀冰池  
僧請聞鐘粥實催下藥厄獸炎餘炭在蠟淚短光衰  
俛仰嗟陳跡殷勤下後期公私牽去住車馬各支離  
分作終身癖兼從是事隨此中無限興惟怕俗人知

唐詩類苑

卷之三百六

四

觀棋歌送僊師西遊

劉禹錫

長沙男子東林師開讀藝經工奕棋有時疑思如入  
意暗覆一局誰能知今年訪予來小桂方袍袖中貯  
新勢山城無事愁日長白晝惜惜眠匡牀因君臨局  
看圖志不覺遲景沈西墻自從山人遇樵子直到開  
元王長史前身後身付餘習百變千化無窮已初疑  
磊落曙天星次見搏擊三秋兵鴈行布陣衆未曉虎  
穴得子人皆驚行盡三湘不逢敵終日饒人損機格  
自知臺閣有知音悠然遠起西遊心商山夏木陰寂  
寂好處徘徊駐飛錫忽思爭道畫平沙獨笑無言心

有適藹藹京城在九天貴遊豪士足華筵此時一行  
出人意賭取聲名不要錢

美人宮棋

張籍

紅燭臺前出翠娥海沙鋪局巧相和趁行移手巡收  
盡數數看誰得最多

送國棋王逢

杜牧

玉子紋楸一路饒最宜簷雨竹蕭蕭羸形暗去春泉  
長拔勢橫來野火燒守道還如周伏柱塵兵不羨霍  
嫖姚得年七十更萬日與子期於局上銷

重送絕句

杜牧

唐詩類苑

卷之三百六

三

絕藝如君天下少閑人似我世間無別後竹牕風雪  
夜一燈明暗覆吳圖

宿葉公棋閣

李洞

帶風棋閣竹相敲局瑩無塵拂樹梢日到長天征未  
斷鐘來嶽頂初須拋挑燈雪客棲寒店供茗溪僧爇  
廢巢因悟修身試貪教不須焚火向三茅

彈棋

彈棋歌

李頎

崔侯善彈棋功妙盡於此藍田美石清如砥白黑相  
分十二子聯翩百中皆造微魏文手巾不足比綠邊

度隴未可嘉烏跂星懸正復斜迴輒轉指速飛電拂  
四取五旋風花坐中齊聲稱絕藝仙人六博何能繼  
一別常山道路遙爲余更作三五勢

彈棋歌

韋應物

圓天方地局二十四氣子劉生絕藝難對曹客爲歌  
其能請從中央起中央轉闔破欲闢零落勢背誰能  
彈此中舉一得六七旋風忽散霹靂疾履機乘變安  
可當置之死地翻取強不見短兵反掌收已盡唯有  
猛將守四方四方又何難橫擊上緣邊豈如昆明與  
碣石一箭飛中隔遠天神安志愜動十全滿堂驚視  
唐詩類苑 卷之三百八十八 三六

誰得然

風箏

風箏

司空曙

高風吹玉柱萬籟忽齊飄颻樹遲難度縈空細漸銷  
松泉鹿門夜笙鶴洛濱朝坐與直僧聽支願向寂寥

風箏

鮑溶

何響與天通瑤竿桂望中彩絃非觸指綿調忽聞颼  
鷹柱虛連勢鸞歌且墜空夜和霜擊磬晴引鳳歸桐  
幽咽誰生怨清冷自匪躬秦姬收寶匣搔首不成功

題風箏寄意

高駢

夜靜絃聲響碧空宮商信任往來風依稀似曲才堪  
聽又被移將別調中

打毬

人日西臺觀打毬應制

武平一

令節重遨遊分鑣戲綵毬駢迴上苑蹀躞繞通溝  
影就紅塵沒光隨赭汗流賞闌清景暮歌舞樂時休

幸梨園亭觀打毬應制

沈佺期

景龍四年春二月上御梨園命三品以上拋毬拔

一河韋巨源唐休璟衰老隨絙踣地不能興上及皇

后妃主臨觀大笑

唐詩類苑

卷之三百八十八

七

今春芳苑遊接武上瓊樓宛轉縈香騎飄颻拂盡毬  
俯身迎未落迴轡逐傍流祗爲看花鳥時時誤失籌

觀宋州田大夫打毬

張祐

白馬頓紅纓綃毬紫袖輕曉冰蹄下裂寒毛杖頭鳴  
叉手膠粘去分縈線道緝自言無戰伐髀肉已曾生

打毬

張建封

僕本修文持筆者今來師領紅旌下不能無事習地  
矛閑就平塲學使馬三軍伎癢驍智才競馳駿逸隨  
我來護軍對舞相向去一作出風呼月旋明光開俯身  
仰擊復傍擊難於古人左右射齊觀百步透短門誰

羨養由遙破的儒生疑我新發狂武夫愛我生雄光  
杖移髯底拂尾後星從月下流中場人不約心自一  
馬不鞭蹄自疾凡情莫辨捷中能拙目翻驚巧時失  
韓生訝我爲斯藝勸我徐驅作安計不知戎事意何  
成且媿吾人言一惠

拋毬樂詞二首

劉禹錫

五綵繡團團登君璫珥筵最宜紅燭下偏稱落花前  
上客如先起應須贈一船

春早見花枝朝朝恨發遲及看花落後却憶未開時  
幸有拋毬樂一杯更莫辭

唐詩類苑

卷之二百八十八

天

打毬篇

蔡孚

臣謹按打毬者往之蹴鞠古戲也黃帝所作兵勢  
以練武士知有材也竊美其事謹奏打毬篇一章  
凡七言九韻

德陽官北苑東頭雲作高臺月作樓金鎚玉瑩千金  
地寶杖琬文七寶毬寶融一家三尚主梁冀頻封萬  
戶侯客色由來荷恩顧意氣平生事俠遊共道用兵  
如斷蔗俱能走馬入長楸紅氍毹錦鬣風駉驥黃絡青  
絲電紫騮奔星亂下花場裏初月飛來盡杖頭自有  
長鳴須決勝能馳迅足滿先籌薄暮漢官愉樂罷還

歸堯室曉垂旒

打毬作

魚玄機

堅圓淨滑一星流月杖爭敲未  
無滯礙時從撥  
弄有遮欄處任鈞留不辭宛轉  
隨手却恐相將不  
到頭畢竟入門應始了願君爭取最前籌

觀打毬有作

楊巨源

親掃毬場如砥平龍驤驟馬曉光晴入門百拜瞻雄  
勢動地三軍唱好聲玉勒回時霑赤汗花駉分處拂  
紅纓欲令四海氛煙靜杖底纖塵不敢生

拋毬樂詩二首

皇甫松

唐詩類苑

卷之二百八十八

三

紅撥一聲飄輕毬墜越綃帶翻金孔雀香滿繡蜂腰  
少少拋分數花枝正索饒  
金蹙花毬小真珠繡帶垂幾回衝蠟燭千度入春懷  
上客終須醉觥杯自亂排

鞦韆

鞦韆詞

王建

長長絲繩紫復碧嫋嫋橫枝高百尺少年兒女重鞦  
韆盤巾結帶分兩邊身輕裙薄易生力雙手向空如  
鳥翼下來立定重繫衣復畏斜風高不得傍人送  
那足貴終睹鳴璫關自起迴迴若與高樹齊頭上

釵從墮地眼前爭勝難爲休足踏平地看始愁

競渡

白居易

競渡相傳爲汨羅不能止過意無他自經放逐來頗  
頓能校靈均死幾多

傀儡

元宗

刻木牽絲作老翁雞皮鶴髮與真同須臾弄罷寂無  
事還是人生一夢中

戴竿

唐詩類苑

卷之三百八十八

四十

詠王大娘戴竿

并序

劉晏

明皇御勤政樓大張樂羅列百技時教坊有王大  
娘者戴百尺竿竿上施木山狀瀛洲方丈令小兒  
持絳節出入於其間歌舞不輟時劉晏以神童爲  
秘書正字方十歲帝召之貴妃置之膝上爲粉黛  
與之巾櫛令詠王大娘戴竿晏卽應聲賦之因命  
牙笏及黃紋袍賜之

樓前百戲競爭新唯有長竿妙入神誰謂綺羅翻有  
力猶自嫌輕更著人

險竿行

柳善

山險驚摧輶水險能覆舟爾何平地不肯立楚上百  
尺高竿頭我不知爾是人耶復孫耶使我爲爾長嘆  
嗟我聞孝子不許國忠臣不愛家爾今輕命重黃金  
忠孝兩虧徒爾誇始以險技悅君目終以貪心媚君  
祿百尺高竿百度緣一足參差一家哭險竿兒聽我  
語更有險徒險於汝重於權者失君恩落向天涯海  
邊去險竿兒爾須知險徒欲往爾可思上不得下下  
不得上我謂此輩險於險竿兒

拔河俗戲

觀拔河俗戲

元宗

唐詩類苑

卷之三百八十八

四十一

俗傳此戲必致年豐故命北軍以求歲稔

壯徒恒賈勇拔拒抵長河欲練英雄志須明勝負多  
課齊山岌業氣作水騰波預期年歲稔先此樂時和  
奉和聖製觀拔河俗戲應制

張說

今歲好拖鉤橫街敞御樓長繩繫日往貫索挽河流  
關力頻催鼓爭都更上籌春來百種戲天意在宜秋

龜背戲

龜背戲

柳宗元

長安新技出宮掖喧喧初偏王民宅玉盤滴瀝黃金

錢皎如文龜麗秋天八方定位開神卦六甲離離齊  
上下投變轉動玄機星流霞破相參差四分五裂  
勢未已出無人有誰能知乍驚故漫無處所須更羅  
列已如故徒言萬事有幾幾終朝一擲知勝負修門  
象棋不復貴魏宮枰臺已如瑞霞耀奇文  
持千歲壽吾君廟堂巾笥非余慕錢刀兒女徒紛

繩伎

觀繩伎

劉言史

秦陵遺樂何最珍絲繩冉冉天仙人廣楊寒食風日  
好百夫伐鼓錦臂新銀畫青綃扶雲髮高處綺羅香

唐詩類苑

卷之二百八十八

四三

更切重肩接立三四層著屐背行仍應節兩邊圓劍  
漸相迎側身交步何輕盈閃然欲落却收得萬人肉  
上寒毛生危機險勢無不有倒挂纖腰學垂柳下來  
一一芙蓉姿粉薄鈿稀態轉奇坐中還有沾巾者曾

見先皇初教時

廢長行

趙搏

紫牙鏤合方如斗二十四星御月口貴人迷此華筵  
中運木手交如陣闢不算勞神運枯木且廢爲官郵  
傳獨門前有吏嚇孤寡欲訴門深抱冤哭且厭人催  
坐衙早絕聞此戲身先到理人思愛長行天心安

平多草草何當花局爲明鏡挂有高臺辨邪正何當  
花子作華鋒常在爭中行法令莫令終日迷如此不  
知生民負天子

方術部

醫

醫人

蘇拯

古人醫在心心正藥自真今人醫在手手濫藥不神  
我願天地爐多銜扁鵲身遍行君臣藥先從凍餒均  
自然六合內少聞貧病人

贈眼醫婆羅門僧

劉禹錫

唐詩類苑

卷之二百八十八

四三

三秋傷望眼終日哭途窮兩目今光暗中年似老翁  
看朱漸成碧羞日不禁風師有金篦術如何爲發蒙

嚴君平卜肆

岑參

君平曾賣卜卜肆蕪已久至今杖頭錢時時地上有  
不知支機石還在人間否

戲題卜鋪壁

王績

且逐劉伶去宵隨畢卓旋不應長賣卜須得杖頭錢  
送姚評事入蜀各賦一物得卜肆

張九齡



蜀嚴化已久沈冥空所思曾聞賣卜處猶憶下簾時  
驅傳應經此懷賢倘問之歸來說往事歷歷偶心期

贈袁天綱

杜淹

杜淹始見袁天綱於洛天綱謂曰蘭臺成就學堂  
寬廣又語曰二十年外終恐責黜暫去即還武德  
六年以善隱太子俱配流雋州淹至益州見天綱  
曰洛邑之言何其神也天綱曰不久即回至九月  
六月召入天綱曰杜公至京即得三品要職淹  
京拜御史大夫檢校吏部尚書賦此詩贈之

伊呂深可慕松喬定是虛驚風終不得脫屣欲安如

唐詩類苑

卷之二百八十八

聖四

且珍秋素美當與薜蘿疎既逢楊得意非復久閑居

答卜者

白居易

病眼昏似夜衰鬢颯如秋除却須衣食平生百事休  
知君善易者問我決疑否不卜非他故人間無所求

問卜

崔途

承家望一名幾欲問君乎自小非無志何年即有成  
豈能長失路爭忍學歸耕不擬逢昭代悠悠過此生

友人問卜見招

崔塗

何必問蒼龜行藏自可期但逢公道日即是命通時  
樂善知無厭操心幸不欺豈能花下淚長似去年垂

訓張誼

王維

故人張誼工詩善易卜兼能丹青草隸頃以詩見  
贈聊復訓之

不逐城東遊俠兒隱囊紗帽坐彈棋蜀中夫子時開  
肆洛下書生解詠詩藥欄花徑衡門裏時復據梧聊  
隱几屏風誤點惑孫郎團扇草書輕內史故園高枕  
度三春永日垂帷絕四隣自想蔡邕今已老更將書  
籍與何人

陰陽

明禁忌

蘇拯

唐詩類苑

卷之二百八十八

聖五

陰陽家有書卜筮多禁忌土中若有神穴處何無祟  
我識先賢意本誠驕侈地恣欲初樓臺率情染朱翠  
四面興土功四時妨農事可以沒凶災四隅通一二  
一年省修營萬民停困躓動若契於理福匪神之遺  
動若越於常禍乃身之致神在虛無間土中非神位  
推命

贈嚴倉曹乞推祿命

陳子昂

少學縱橫術遊楚復遊燕棲遑長委命富貴未知天  
聞道沈冥客青囊有秘篇九宮探萬象三算極重玄  
願奉唐生訣將知躍馬年非回星翟問空滯玉龍川

目者

章孝標

十指中央了五行說人休咎見前生我來本乞真消  
息却怕呵錢卦欲成

唐詩類苑

卷之二百八十八

四六

唐詩類苑卷第一百八十九

明雲間張之象玄超甫纂輯

雲間杜士基彥恭甫編次

雲間王微叔朗甫補訂

梁谿曹仁孫伯安甫校正

花部

牡丹

牡丹二首

元稹

簇藥風頻壞裁紅雨更新眼看吹落地便別一年春

二

唐詩類苑

卷之二百八十九

牡丹

鄭谷

亂前看不足亂後眼偏明却付蓬蒿力遮藏見太平

牡丹

李商隱

壓廼復緣溝富牕又映樓終銷一國破不啻萬金求  
鸞鳳戲三島神仙居十洲應憐萱草澹却得號忘憂

牡丹

李咸用

少見南人識識來嗟復驚始知春有色不信爾無情  
恐是天地媚暫隨雲雨生綠何絕尤物更可比姍明

牡丹

炙轂子

牡丹妖艷亂人心一國如狂不惜金曷若東園桃與李果成無語自成陰

牡丹

李益

紫藥叢開未到家却教遊客賞繁華始知年少求名處滿眼中別有花

牡丹

李商隱

錦幃初卷衛夫人繡被猶堆越鄂君垂手亂翻雕玉珮招腰爭舞鬱金裙石家蠟燭何曾翦荀令香爐可待薰我是夢中傳彩筆欲書花葉寄朝雲

牡丹

羅鄴

唐詩類苑

卷之一百八十九

二

落盡殘紅始著花花時比屋事豪奢買栽池館恐無地看到子孫能幾家門倚長衢橫繡轂幄籠輕日護香霞歌鍾滿座爭歡賞肯信流年鬢有華

牡丹

秦韜玉

拆妖放有誰催疑就仙中旋折來圖把一春皆占斷固留三月始教開壓枝金藥香如撲逐朵檀心體勝裁好是酒闌絲竹罷倚風含笑向樓臺

牡丹

羅隱

似共東風別有情絳羅高卷不勝春若教解語應傾國任是無情亦動人芍藥與君爲近侍芙蓉何處避

芳塵可憐韓令功成後辜負穠華過此身

牡丹二首

方干

借問庭前早晚栽座中疑是畫屏開花分淺淺胭脂臉葉墮殷殷膩粉腮紅砌不須誇芍藥白蘋何用逞重臺殷勤爲報看花客莫學遊蜂日日來不逢盛暑不衝寒種子成叢用法難醉眼莫爲拋去得狂心更擬折來看凌霜烈火吹無焰裛露陰霞曬不乾莫道嬌紅怕風雨經時猶自未凋殘

牡丹

韓琬

唐詩類苑

卷之一百八十九

三

桃時杏日不爭濃葉帳陰成始放紅曉豔遠分金掌露暮香深惹玉堂風名遺蘭杜千年後貴擅聲歌百醉中如夢如仙忽零落暮霞何處綠屏空

西明寺牡丹花時憶元九白居易

前年題名處今日看花來一作芸香吏三見牡丹開豈獨花堪惜方知老暗催何況尋花伴東都去未回詎知紅芳側春盡思悠哉

僧院牡丹

李商隱

葉薄風才倚枝輕霧不勝開先如避客色淺爲依僧粉壁正蕩水細幃初卷燈傾城惟待笑更裂幾多繒與楊十二李三早入永壽寺看牡丹

元稹

曉入白蓮宮琉璃花界淨開敷多喻草凌亂被幽徑  
壓砌錦地鋪當霞日輪映蝶舞香暫飄蜂牽藥難正  
籠處彩雲合露湛紅珠瑩結葉影自交接風光不定  
繁華有時節安得保全盛色見盡浮榮希君了真性

遠公亭牡丹

李咸用

鴈門禪客吟春亭牡丹獨逞花中英雙成膩臉隈雲  
屏百般姿態因風生延年不敢歌傾城朝雲暮雨愁  
娉婷藥繁蟻脚粘不行甜迷蜂醉飛無聲廬山根脚  
合精靈發妍吐秀叢君庭溢江太守多閒情欄朱繞

唐詩類苑

卷之二百八十九

四

絳留輕盈潏潏綠醴當風傾平頭奴子啾銀箏紅葩  
艷艷交童星左文右武憐君榮白銅堤上慙清明

和李中丞慈恩寺清上人院牡丹花歌

權德輿

澹蕩韶光三月中牡丹偏自占春風時過寶地尋香  
徑已見新花出故叢曲水亭西杏園北濃芳深院紅  
霞色擢秀全勝珠樹林結根幸在青蓮域艷藥仙房  
次第開含煙洗露照蒼苔龐眉倚杖禪僧起輕翅榮  
枝舞蝶來獨坐南臺時共美開行古剎情何已花間  
一曲奏陽春應爲芬芬此君子

西明寺牡丹

元稹

花向琉璃地上生光風炫轉紫雲英自從天女盤中  
見直至今朝眼更明

重題西明寺牡丹

時元九在江陵

白居易

往年君向東都去曾歎花時君未迴今年况作江陵  
別惆悵花前又獨來只愁離別長如此不道明年花  
不開

再看光福寺牡丹

劉兼

去年曾看牡丹花蛺蝶迎人傍彩霞今日再遊光福  
寺春風吹我入仙家當筵芬馥歌唇動倚檻嬌羞醉

唐詩類苑

卷之二百八十九

五

眼斜來歲未朝京闕去依前和露載歸衙

紅牡丹

王維

綠艷閒且淨紅衣淺復深花心愁欲斷春色豈知心

白牡丹

白居易

城中看花落旦暮走營營素華人不顧亦占牡丹名  
開在深寺中車馬無來聲唯有錢學士盡日遶叢行  
憐此皓然質無人自芳馨衆嫌我獨賞移植在中庭  
留景夜不暝迎光曙先明對之心亦靜虛白相向生  
唐昌玉藥花攀翫衆所爭折來比顏色一種如瑤瓊  
彼因稀見貴此以多爲輕始知無正色愛惡隨人情

豈惟花獨爾理與人事并君看入眼者紫艷與紅英

同于汝陽賞白牡丹 王建

曉日花初吐春寒白未凝月光裁不得蘇合點難勝  
柔膩於雲葉新鮮掩鵲膺統心黃倒暈側莖紫重  
乍斂看如睡初開問欲騰並香幽蕙死比艷美人惜  
價數千金貴形相兩眼疼自知顏色好愁破彩光

白牡丹 白居易

白花冷淡無人愛亦占芳名道牡丹應似東宮白贊  
善被人還喚作朝官

白牡丹 裴士淹

唐詩類苑 卷之一百八十九

六

開元末裴士淹為郎官使幽冀迴至汾州衆香寺  
得白牡丹一種植於長興私第天寶中為都下奇

賞

長安年少惜春殘爭認慈恩紫牡丹別有玉盤乘露  
冷無人起就月中看

趙侍郎看紅白牡丹因寄楊狀頭贊圖

殷文珪

遲開都為讓群芳貴地栽成對玉堂紅艷裏煙疑欲  
語素華映月只聞香翦裁偏得東風意淡薄似矜西  
子粧雅稱花中為首冠年年長占斷春光

詠牡丹未開者 韓琬

殘花何處藏盡在牡丹房嫩藥包金粉重葩結繡囊  
雲凝巫峽夢簾閉景陽粧應恨年華促遲遲待日長

牡丹種曲 李賀

蓮枝未長秦衛老走馬馱金斲春草水灌香泥卻月  
盆一夜綠房迎白曉美人醉語園中煙曉華已散蝶  
又闌梁王老去羅衣在拂袖風吹蜀國絃歸霞帔拖  
蜀帳昏媽紅落粉罷承恩檀郎謝女眠何處臺庭月  
明燕夜語

移牡丹栽 白居易

唐詩類苑 卷之一百八十九

七

金錢買得牡丹栽何處辭叢別主來紅芳堪惜還堪  
恨百處移將百處開

正元中牡丹多 柳渾

近來無奈牡丹何數十千錢買一顆今朝始得分明  
見也共戎葵不校多

題牡丹

一種芳菲出後庭却論桃李得佳名誰能為向天人  
說從此移根近太清

夜看牡丹 溫庭筠

高低深淺一欄紅把火慙慙遶露叢希逸近來成懶

病不能容易向春風

看憚家牡丹花戲贈李二十

白居易

香勝燒蘭紅勝霞城中最數令公家人人散後  
看歸到江南無此花

觀江南牡丹

張蠡

北地花開南地風寄根還與客心同群芳盡  
態幾醉能消一番紅舉世祇將華勝實真禪元喻  
色爲空近年明主思王道不許新栽滿六宮

虛白堂前牡丹相傳云白太傅手植在錢塘

唐詩類苑

卷之二百八十九

羅隱

欲詢往事奈無言六十年來此托根香暖幾飄  
扇格高長對孔融樽曾憂世亂應難合且喜春殘色  
尚存莫背欄干便相笑與君俱受主人恩

戲題牡丹

韓愈

幸自同開俱隱約何須相倚闌輕盈凌晨併作新粧  
面對客偏含不語情雙燕無機還拂掠遊蜂多思正  
經營長年是事皆拋盡今日欄邊眼暫明

唐郎中宅與公同飲酒看牡丹

劉禹錫

今日花前飲甘心醉數杯但愁花有語不爲老人開

題所賃宅牡丹花

王建

賃宅得花饒初開恐是妖粉光深紫膩肉色退紅嬌  
且願風流者惟愁日炙焦可憐零落藥收取作香燒

看牡丹

殷益

擁毳對芳叢由來趣不同髮從今日白花是去年紅  
艷色隨朝露馨香逐晚風何須待零落然後始知空

賞牡丹

劉禹錫

庭前芍藥妖無格池上芙蓉淨少情唯有牡丹真國  
色花開時節動京城

唐詩類苑

卷之二百八十九

九一

贈李十二牡丹花片因以餞行

元稹

鶯啭餘聲絮墮風牡丹花盡葉成叢可憐顏色經年  
別收取朱欄一片紅

誚胡三憑人問牡丹

元稹

竊見胡三問牡丹爲言依舊滿西欄花時何處偏相  
憶寥落衰紅雨後看

惜牡丹花二首

白居易

惆悵階前紅牡丹晚來唯有兩枝殘明朝風起應吹  
盡夜惜衰紅把火看

寂寞萎紅低向雨，離披破豔散隨風。晴明落地猶惆悵，何況飄零泥土中。

晚春送牡丹

李建勳

攜觴邀客遠朱欄，腸斷殘春送牡丹。風雨數來留不得，離披將謝忍重看。氛氳蘭麝香初減，零落雲霞色漸乾。借問少年能幾許，不須推酒壓杯盤。

回中牡丹為雨所敗二首

李商隱

下苑他年未可追，西州今日忽相期。水亭暮雨寒猶在，羅薦春香暖不知。舞蝶慙慙收落蕊，遊人惆悵臥遙帷。章臺街裏芳菲伴，且問宮腰損幾枝。

唐詩類苑

卷之一百八十九

十一

浪笑榴花不及春，先期零落更愁人。玉盤迸淚傷心處，數錦驚絃破夢頻。萬里重陰非舊圃，一年生意屬流塵。前溪舞罷君迴顧，併覺今朝粉態新。

微之宅殘牡丹

白居易

殘紅零落無人賞，雨打風摧花不全。諸處見時猶惆悵，更何況當元九小亭前。

殘牡丹

李建勳

腸斷題詩如執別，芳茵愁更繞欄鋪。風飄金蕊看全落，露滴檀英又暫蘇。失意婕妤粧漸減，背身妃子病難扶。迴看池館春春也，又是迢迢看畫圖。

賣殘牡丹

魚玄機

臨風興歎落花頻，芳意潛消又一春。應爲價高人不到，却緣香甚蝶難親。紅英只稱生宮裏，翠葉那堪染露塵。及至移根上林苑，王孫方恨買無因。

秋題牡丹叢

白居易

晚叢白露夕，衰葉涼風朝。紅艷久已歇，綠芳今亦銷。幽人坐相對，心事共蕭條。

和樂天秋題牡丹叢

元稹

獎宅豔山卉，別來長歎息。吟君晚叢詠，似見摧隕色。欲識別後容，勤過晚叢側。

唐詩類苑

卷之一百八十九

十一

芍藥

戲題堦前芍藥

柳宗元

凡卉與時謝，妍華麗茲晨。欹紅醉濃露，窈窕留餘春。孤賞白日暮，暄風動搖頻。夜窻諺芳氣，幽臥知相親。願致溱洧贈，悠悠南國人。

紅芍藥

元稹

芍藥綻紅綃，巴羅織青瑣。繁絲蹙金蕊，高焰當爐火。翦刻彤雲片，開張赤霜裹。煙輕琉璃葉，風亞珊瑚朵。受露色低迷，向人嬌婀娜。酡顏醉後並，小女粧成坐。艷錦不如天天桃，未可晴霞長欲散。晚日愁將墮。



結植本爲誰賞心期在我採之諒多思幽贈何由

蘇侍郎紫微庭各賦一物得芍藥

張九齡

仙禁生紅藥微芳不自持幸因清切地還遇艷陽時  
名見桐居錄香聞鄭國詩孤根若可用非直愛華滋  
、草詞畢遇芍藥初開因詠小詩紅藥當堦翻  
詩以爲一句未盡其狀偶成十六韻

白居易

罷草紫泥詔起吟紅藥詩詞頭封送後花口拆開時  
坐對鈎簾久行觀步履遲兩三叢爛熳十二紫參差

唐詩類苑

卷之一百八十九

十三

昔日房微斂當堦朶旋欹釵葶抽碧股粉藥撲黃絲  
動蕩情無限低斜力不支周廻看未足比諭語難爲  
勾滿丹砂裏焦僥火焰旗彤雲騰根蒂絳幘欠纓綬  
况有晴風度仍兼宿露垂凝香薰輦畫似淚着臙脂  
有意留連我無言怨思誰應愁明日落如恨隔年期  
苗苗泥連萼玫瑰刺繞枝等量無勝者唯眼與心知  
芍藥花開應制清平調三首

李白

先開元中禁中重木芍藥卽今牡丹也得數本紅  
紫淺紅通白者上因移植於興慶池東沈香亭前

會花方繁開上乘照夜車太真妃以步輦從詔選

梨園弟子中尤者得樂十六色李龜年以歌擅一

時之名手捧檀板押衆樂前將欲歌之上曰賞名

花對妃子馬用舊樂曰命龜年持金花牋宣賜

翰林學士李白立進詩三篇承旨猶苦宿醒

因援筆賦之龜年捧詩進上上命梨園弟子略約

詞調撫絲竹遂促龜年以歌妃持玻璃七寶杯酌

西涼州蒲萄酒笑領歌意甚厚上因調玉笛以倚

曲每曲遍將換則遲其聲以媚之妃飲罷斂繡巾

再拜上自是顧李翰林特異於他學士會力士戲

唐詩類苑

卷之一百八十九

十三

曰始謂妃子怨李白深入骨髓何翻拳拳如是耶  
妃子驚曰何學士能辱人如斯力士曰以飛鸞指  
妃子賤之甚矣妃深然之上嘗三欲命李白官卒  
爲宮中所捍而止

雲想衣裳花想容春風拂檻露華濃若非群玉山頭

見會向瑤臺月下逢

一枝紅艷露凝香雲雨巫山枉斷腸借問漢宮誰得

似可憐飛鸞倚新粧

名花傾國兩相歡長得君王帶笑看解釋春風無限

恨沈香亭北倚闌干

故王維右丞堂前芍藥花開悽然感懷

錢起

芍藥花開出舊欄春衫掩淚再來看  
主人不在花長在更勝青松守歲寒

貞元十四年旱甚早權門移芍藥

呂溫

綠原青壘漸成塵汲井開園日日新  
四月帶花移芍藥不知憂國是何人

芍藥

韓愈

浩態狂香昔未逢紅燈爍爍綠盤龍  
覺來獨對情驚

唐詩類苑

卷之二百八十九

古

恐身在仙宮第幾重

感芍藥花寄正一上人

白居易

今日階前紅芍藥幾花欲老幾花新  
開時不解比色相落後始知如幻身  
空門此去幾多地欲把殘花問

主人

桂花

桂

李嶠

來種銀宮裏寧移玉殿幽枝生無限  
月滿目自然秋俠客條爲馬仙人葉作舟  
願君期道術攀折可淹留  
謝陸處士杼山折青桂花見寄之什

顏真卿

群子遊杼山山寒桂花白綠萼含素萼  
採折自逋客忽枉巖中詩芳香潤金石  
全高南越蠹豈謝東堂策會愜名山期  
從君恣幽覲

小桂

一子落天上生此青壁枝歛從山之幽  
斷斷雲根移勁挺隱珪質盤珊緹油姿  
葉彩碧髓融花白毫蕤稜層立翠節偃  
蹇樛青嶠影澹雪霽後香汎風和時  
吾祖在月窟孤貞能見怡願老君子地  
不敢辭喧卑

小桂

唐詩類苑

卷之二百八十九

十五

諷賦輕八植擅名方一枝才高不滿意  
更自寒山移宛宛別雲態蒼蒼出塵姿  
煙歸坐華杪雪

題殿前桂葉

盧僊

桂樹生南海芳香隔遠山今朝天上見  
疑是月中攀

秋風生桂枝

羅隱

涼吹從何起中宵景象清漫隨雲葉動  
高榜桂枝生漠漠看無濟蕭蕭別有聲  
遠吹斜漢轉低拂白榆輕  
寥泝工夫大乾坤歲序更因悲未歸客  
長望一枝榮  
幽人折芳桂  
厚地生芳桂遙林聳幹長葉開風裏色  
花吐月中光

曙鳥啼餘翠幽人愛早芳動時垂露滴攀處拂衣香  
入調聲猶苦孤一作高力自強一枝終是折榮耀在東堂

秋風生桂枝

寒桂秋風動蕭蕭自一枝方將擊林變不假舞松移  
散翠幽花落搖青密葉離哀猿驚助裏花露滴爭垂  
遺韻連波聚流音萬木隨常聞小山裏適客最先知

月中桂樹

顧封人

芬馥天邊桂扶疎在月中能齊大椿長不與小山同  
皎皎舒華色亭亭麗碧空虧盈寧委露搖落不關風

唐詩類苑

卷之一百八十九

十五

歲晚花應發春餘質詎豐無因遂攀桂常欲望青蔥

月中桂樹

張喬

與月轉鴻蒙扶疎萬古同根非生下土葉不墮秋風  
每以圓時足還隨缺處空影高群木外香滿一輪中  
未種丹霄日應虛玉兔宮如何當一作何羽化細得

問玄功

東城桂三首

并序

白居易

蘇之東城古吳都城也今為樵牧之域有桂一株  
生平冰下惜其不得地因賦三絕句以寓之  
予墮本從天竺寺根盤今在闔閭城當時應逐南風

落落向人間取次生

霜雪壓多雖不死荆榛長疾欲相埋長憂落在樵人  
手賣作蘇州一束柴

遙知天上桂花孤試問嫦娥更要無月宮幸有閑田  
地何不中央種兩株

廳前桂

白居易

天台嶺上凌霜樹司馬廳前委地叢一種不生明月  
裏山中猶校勝塵中

題黃山人庭前孤桂

方干

映窗孤桂非手植子落月中聞落時仙客此時頭不  
唐詩類苑

卷之一百八十九

十五

白看來看去有枯枝

寄陽朔友人

曹鄴

桂林須產千株桂未解當天影日開我到月中收得  
種為君移向故園栽

蘭花

咏芳蘭

太宗

春暉開禁苑淑景媚蘭場映庭含淺色凝露滋浮光  
日麗參差影風傳輕重香曾須君子折佩裏作芬芳

詠蘭

李益

虛室重招尋忘言契斷金英浮漢家酒雪灑楚王琴

廣殿輕香發高臺遠吹吟河汾應擢秀誰肯訪山陰

詠蘭 并序

白居易

余自昔西濱得蘭數本移藝於庭亦既逾歲而茫然蕃殖自余遊者未始以芳草爲遇矣因悲夫物有厭常而反不若混然者有之焉遂寄情於此

寓常本殊致意幽非我情吾常有疏淺外物無重輕各言藝幽深彼美香素莖豈爲賞者說自保孤根生易地無赤林麗土亦同榮賞際林壑近泥餘煙露清余懷既鬱陶爾類徒縱橫妍媸苟不信寵辱何爲驚貞隱諒無迹激時猶棟名幽叢靄綠曉豈必懷歸耕

唐詩類苑

卷之一百八十九

十九

蘭

僧無可

蘭色結春光氣氲掩衆芳過門階露葉尋澤逕連香晚靜風吹亂亭秋雨引長靈均曾采擷紛珮挂荷裳

幽蘭

崔塗

幽植衆寧知芬芳只暗持自無君子佩未是國香衰白露沾常早春風到每遲不如當路草芬馥欲何爲

悲秋蘭二首 并序

張九齡

園中時蔬盡皆鋤理唯秋蘭數本委而不顧彼雖一物有足悲者遂賦二章

易藿已成歲園葵亦向陽蘭時獨不偶露節漸無芳

旨異菁爲蓄甘非蔗有漿人多利一飽誰復惜馨香

二

幸得不鋤去孤苗守舊根無心羨有蓄豈欲近名園遇賞寧乞佩爲生莫礙門幽林芳意在非是爲人論

木蘭花

陳秀才亭際木蘭

方干

昔見初栽日今逢成樹時存思心更感遠看步深遲蝶舞搖風藥鶯啼含露枝徘徊不忍去應與醉相宜

題靈祐上人法華院木蘭花 其樹嶺南移植此地

唐詩類苑

卷之一百八十九

十九

庭種南中樹年華幾度新已依初地長獨發舊園春映日成華蓋搖風散錦茵色空榮落處香醉往來人苗苗千燈遍芳菲一雨均高柯倘爲楫渡海有良因

木蘭

李商隱

二月二十二木蘭開折初初當新病酒復自久離居愁絕更傾國驚新聞遠書紫絲何日墮沾壁幾時車弄粉知傷重調紅或有餘波痕空映殘煙態不勝裾

桂嶺含芳遠蓮塘屬意疎瑤姬與女長短定何如

戲題木蘭花

白居易

紫房日照照脂折素艷風吹臙粉開怪得獨饒脂粉

態木蘭曾作女郎來

題令狐家木蘭花

白居易

膩如玉指塗朱粉光似金刀翦紫霞從此時時春夢裏應添一樹女郎花

蕙花

和令狐侍御賞蕙草

白居易

尋常詩思巧如春又喜幽亭蕙草新是馨香比君子遶欄今更爲何人

菊花

詠菊

陳叔達

唐詩類苑

卷之二百八十九

二十

霜間開紫蒂露下發金英但令逢採摘寧辭獨晚榮

詠菊

李嶠

玉律三秋暮金精九日開榮舒落媛浦香汎野人杯  
霍靡寒潭側丰茸曉岸隈黃花今日晚無復白衣來

九日奉陪令公登白樓同詠菊

盧綸

瓊樽猶有菊可以獻留侯願比三花秀非同百卉秋  
金英分藥細玉露結房稠黃雀知恩在銜飛亦上樓

秋菊

駱賓王

擢秀三秋晚開芳十步中分黃俱笑日含翠共搖風

碎影涵流動浮香隔岸通金翹徒可汎玉竿竟誰同

賦得秋菊有佳色

公乘億

陶令籬邊菊秋來色轉佳翠攢千片葉金剪一枝花  
藥逐蜂鬚亂英隨蝶翅斜帶香颺綠綺和酒上烏紗  
散漫搖霜彩嬌妍漏日華芳非彭澤見稱更在誰家

菊

僧無可

東籬搖落後密艷被寒催夾雨驚新折經霜忽盡開  
野香盈客袖禁葉汎天杯不共春蘭並悠揚遠蝶來

菊

李商隱

暗暗淡淡紫融融冶冶黃陶令籬邊色羅含庭裏香

唐詩類苑

卷之二百八十九

二十

幾時禁重露實是怯殘陽願汎金鸚鵡昇君白玉堂

菊

羅隱

籬落歲云暮數枝聊自芳雪裁纖藥密金拆小苞香  
千載白衣酒一生青女霜春叢莫輕薄彼此有行藏

菊

鄭谷

王孫莫把比荆蒿九日枝枝近鬢毛露濕秋香滿地  
岸由來不羨瓦松高

菊

李山甫

籬下霜前偶得存忍教遲晚避  
力未受陽和一點恩裁處不容依玉  
遠許上

金樽陶潛沒後誰知已露滴幽叢見淚痕

菊花

元稹

秋叢遶舍似陶家遍繞籬邊日漸斜不是花中偏愛菊此花開盡更無花

東園翫菊

白居易

少年昨已去芳歲今又開如何寂寞意復此荒涼園園中獨立久日淡風露寒秋蔬盡蕪沒好樹亦凋殘唯有數叢菊新開籬落間攜觴聊就酌爲爾一留連憶我少小日易爲興所牽見酒無時節未飲心欣然近從年長來漸覺取樂難常恐更衰老強飲亦無懽

唐詩類苑

卷之二百八十九

二十五

顧謂爾菊花後時何獨鮮誠知不爲我借爾暫開顏

和錢員外早冬翫禁中新菊

白居易

禁署寒氣遲孟冬菊初拆新黃間繁綠爛若金照碧仙郎小隱日心似陶彭澤秋憐潭上看日慣籬邊摘今來此地賞野意潛自適金馬門內花玉山山峰下客寒芳引清句吟翫煙景夕賜酒色偏宜握蘭香不敵淒淒百卉死晚歲冰霜積唯有此花開殷勤助君惜

九日菊花詠應詔

僧廣宣

可訝東籬菊能知節候芳細枝青玉潤繁葉碎金香

爽氣浮朝露濃滋帶夜霜汎杯傳壽酒應共樂時康

庭前菊

韋莊

爲憶長安爛熳開我今移爾滿庭栽紅蘭莫笑青青色曾向龍山汎酒來

和張尹憶東籬菊

李端

傳書報劉尹何事憶陶家若爲籬邊菊山中有此花

對菊

賈島

九日不出門十日見黃菊灼灼尚繁英美人無消息

十日菊

鄭谷

節去蜂愁蝶不知曉庭還繞折殘枝自緣今日人心

唐詩類苑

卷之二百八十九

別未必秋香一夜衰

訓皇甫郎中對新菊花見憶

白居易

愛菊高人吟逸韻悲秋病客感衰懷黃花勸興方攜酒紅葉添愁正滿階居士輩脛今已斷仙郎杯酌爲誰排愧君相憶東籬下擬廢重陽一日齋

野菊

王建

晚艷出荒籬冷香着秋水憶向山中見伴蛩石壁裏

折菊

杜牧

籬東菊徑深折得自孤吟雨中衣半濕擁鼻自知心

將赴湖州留題亭菊

杜牧

陶菊手自種楚蘭心有期遙知渡江日正是撷芳時

野菊

李商隱

苦竹園南椒塢邊微香冉冉淚涓涓已悲節物同寒  
鴈忍委芳心與暮蟬細路獨來當此夕清得相伴省  
他年紫雲新苑移花處不取霜裁近御筵

恩門小諫雨中乞菊栽

鄭谷

握蘭將滿歲栽菊伴吟詩老去慵趨世朝迴獨繞籬  
逌香風細細澆綠水瀰瀰秬共山僧賞何當國士移  
孤根深有托微雨正相宜更待金英發憑君插一枝

唐詩類苑

卷之二百八十九

三五

南海使院對菊懷丁卯別墅

何處曾移菊溪橋鶴嶺東籬疎還有艷園小亦無叢

日晚秋煙裏星繁曉露中影搖金澗水香染玉潭風

罷酒慙陶令題詩答謝公朝來數花發身在尉佗宮

和杜錄事題紅菊

白居易

寒山十月旦霜葉一新新似燒非因火如花不待春

連行排絳帳亂落翦紅巾解駐籃輿看風前兩人

採菊

李商隱

簇簇竟相鮮一枝開幾番味甘香好勝蘭蓀

古道風搖遠荒籬露壓繁盈筐時採得服餌近知門

劉員外寄移菊

李山甫

秋來綠樹復綠牆怕共平蕪一例荒顏色不能隨地  
變風流惟解逐人香煙含細葉交加碧露折寒英次  
第黃深謝栽培與知賞但慙終歲待重陽

歎庭前甘菊花

杜甫

簾前甘菊移時晚青藥重陽不堪摘明日蕭條盡醉  
醒殘花爛熳開何益籬邊野外多衆芳采擷細瑣升  
中堂念茲空長大枝葉結根失所纏風霜

詠白菊

羅隱

唐詩類苑

卷之二百八十九

三五

雖被風霜競欲摧皎然顏色不低催已疑素手能粧  
出又似金錢未染來香散自宜飄淥酒葉交仍得陰  
香苔尋思閉戶中宵見應認寒窗雪一堆

重陽席上賦白菊

白居易

滿園花菊鬱金黃中有孤叢色似霜還似今朝歌酒  
席白頭翁入少年場

幽居有白菊一叢因而成詠呈一二知己

陸龜蒙

還是延年一種材即將瑤孕冒霜開不如紅艷臨歌  
扇欲伴黃英入酒盃陶令接籬堪岸著梁王高屋好



歌來月中若有閒田地爲勸嫦娥作意裁

奉和陸魯望白菊

皮日休

已過重陽半月天琅華千點照寒煙藥香亦似浮金  
麝花樣還如鏤玉錢玩影馮妃堪比艷鍊形蕭史好  
爭妍無由摘向牙箱裏飛上方諸贈列仙

奉和陸魯望白菊

鄭壁

白艷輕明帶露痕始知佳色重難群終朝疑笑梁王  
雪盡日慵飛蜀帝魂燕雨似翻瑤渚浪鴈風疑卷玉  
銷紋瓊妃若會寬裁翦堪作蟾宮夜舞裙

奉和陸魯望白菊

司馬都

唐詩類苑

卷之百八十九

二十七

耻共金英一例開素芳須待早霜催達籬看見成瑤  
圃汎酒初迷傍玉盃映水好將蘋作伴犯寒疑與雪  
爲媒夫君每尚風流事應爲徐妃致此裁

奉和陸魯望白菊

張貴

雪綵冰姿號女華寄聲多是地仙家有時南國和霜  
立幾處東籬伴月斜謝客瓊枝空貯恨袁郎金鈿不  
幾容自知終古清香在更出梅粧弄晚霞

白菊

張墳

秋天木葉訖猶有白花殘舉世稀裁得豪家却盡看  
岸苔相應綠諸卉獨宜寒幾度攜佳客登高欲折難

和馬郎中移白菊見示

李商隱

陶詩只採黃金實郢曲新傳白雪英素色不同籬下  
發繁花疑自月中生浮杯小摘開雲母帶露全移綴  
水精偏稱含香五字定從茲得地始芳榮

卽席賦露中菊

劉灣

衆芳春競發寒菊露偏滋受氣何曾異開花獨自遲  
晚成猶有分欲採未過時勿棄東籬下看隨秋草衰

霜菊

席夔

時令忽已變行看被霜菊可憐後時秀當此凜風肅  
浙瀝翠枝翻淒淒清金蕊靄凝姿節堪重澄艷景非淑

唐詩類苑

卷之百八十九

二十七

霜菊

秋盡北風去律移寒氣肅浙瀝降繁霜離披委殘菊  
華滋尚照灼幽氣含紛郁的的冒空園萋萋被幽谷  
騷人有遺詠陶令曾盈掬倘使懷袖中猶堪襲餘馥

軍事院霜菊盛開因書一絕寄上諫議

皮日休

金華千點曉霜凝獨對壺觴又不能已過重陽三十  
日至今猶自待王弘

奉酬崔君見贈之什

崔璞

菊花開晚過秋風聞道芳香正滿叢爭奈病夫難強  
飲應須速自召車公

奉和崔諫議謝先輩霜菊 陸龜蒙

紫莖芳艷照西風祇怕霜華掠斷叢雖伴應劉還強  
酒路人終要識山公

晚菊 韓愈

少年飲酒時踴躍見菊花今來不復飲每見恒咨嗟  
佇立摘滿手行行把歸家此時無與語棄置奈悲何

賦得殘菊 太宗

階蘭凝曙霜岸菊照晨光露濃晞曉笑風勁淺殘香

唐詩類苑 卷之百八十九 二十九

細葉彫輕翠圓花飛碎黃還將新歲色復結後年芳

合歡花 李頎

題合歡花

開花復卷葉艷眼又驚心蝶遶西枝露風披東榦陰

黃衫漂細藥時拂女郎砧

辛夷花 元稹

辛夷花問韓員外

問君辛夷花君言已斑駁不畏辛夷不爛開顧我筋  
骸官束縛縛遣推囚名御史狼籍囚徒滿田地明日

不推緣國忌依前不得花前醉韓員外辛夷開

時乞取三兩枝折枝為贈君莫惜縱君不折風亦吹

題靈隱寺紅辛夷花戲謝光上人

白居易

紫粉筆含尖火紅臙脂染小蓮花芳情鄉思知多少  
少惱得山僧悔出家

揚州看辛夷花 皮日休

臘前千朵亞芳叢細膩偏勝素捺功繁首不言披曉  
雪麝脐無主任春風一枝拂地成瑤圃數樹參庭是

藥宮應為當時天女服至今猶未放全紅

奉和皮襲美揚州看辛夷花次韻

唐詩類苑 卷之百八十九 二十九

陸龜蒙

柳疎梅墮少春叢天遣花神別致功高處朵稀難避

日動時枝弱易為風堪將亂藥添雲肆若得千株便

雪宮不待群芳應有意等閒桃李即爭紅

躑躅花

酬鄭毗躑躅詠 孟郊

不似人手致豈關地勢偏孤光裊餘翠獨影舞多妍  
迸火燒閒地紅星墮青天忽驚物表物嘉客為留連

玉泉寺南三里澗下多深紅躑躅繁艷殊常

感惜題詩以示遊者 白居易

玉泉南澗花奇怪不似花叢似火堆今日多情唯我到每年無故爲誰開寧辭辛苦行三里更與留連飲兩盃猶有一般辜負事不將歌舞管絃來

紫躑躅

元稹

紫躑躅減紫攏裙倚山腹文君新寡乍歸來羞怨春風不能哭我從相識便相憐但是花叢不迴目去年春別湘水頭今年夏見青山曲青山名迢迢遠在青山上山高水濶難容足願爲朝日早相暱願作輕風暗相觸爾躑躅我向通州爾幽獨可憐今夜宿青山何年却向青山宿山花漸暗月漸明月照空山滿山綠

唐詩類苑

卷之百八十九

三十

山空月午夜無人何處知我顏如玉

葵花

歎葵花

戴叔倫

今日見花落明日見花開花開能向日花落委青苔自不同凡卉看時幾日迴

烹葵

白居易

昨臥不夕食今起乃朝饑貧厨何所有炊稻烹秋葵紅粒香復軟綠英滑且肥饑來止於飽飽後復何思憶昔榮遇日迨今窮退時今亦不凍餒昔亦無餘資口既不減食身又不減衣無心私自問何者是榮衰

勿學常人意其間分是非

流夜郎題葵葉

李白

慙君能衛足歎我遠移根白日如分照還歸守故園

遊南國偶見在陰墻下葵因以成詠

劉長卿

此地常無日青青獨在陰太陽偏不及非是未傾心

蜀葵花歌

岑參

昨日一花開今日一花開今日花正好昨日好已老人生不得恒少年莫惜牀頭沽酒錢請君有錢向酒家君不見蜀葵花

唐詩類苑

卷之百八十九

三十一

海紅花

夏中崔中丞宅見海紅搖落一花獨開

劉長卿

何事一花殘閒庭百草闌綠滋經雨發紅艷隔林看竟日餘香在過時獨秀難共憐芳意晚秋露未須團

木香花

臨洮龍興寺玄上人院同詠青木香叢

岑參

移根自遠芳種得在僧房六月花新吐三春葉已長抽莖高錫杖引影到繩牀只爲能除疾傾心向藥王

紫薇花

紫薇 并序

楊於陵

郡齋有紫薇雙本自朱明接於徂暑其花方馥數  
旬猶茂庭于之內迥無其倫予嘉其美而能久因  
詩紀述

晏朝受明命維夏走天衢逮茲三伏候自駕萬里途  
省躬既踟躕結思多煩紆簿領幸無事宴體誰與娛  
內齋有嘉樹雙植分庭隅綠葉下成幄紫花紛若鋪  
霞晚舒艷凝露朝垂珠炎沴盡方鏘幽姿閒且都  
天桃固難匹芍藥寧爲徒懿此時節久詎同光景驅  
唐詩類苑 卷之一百八十九 三十一

紫薇花

白居易

絲綸閣下文書靜鐘鼓樓中客漏長獨坐黃昏誰是  
伴紫薇花對紫薇郎

見紫薇花憶元微之

白居易

一叢暗淡將何比淺碧籠裙襯紫巾除却微之見應  
愛人間少有別花人

紫薇花

杜牧

曉迎秋露一枝新不占園中最上春  
言又何

在向風偏笑艷陽人

臨發崇讓宅紫薇

李商隱

一樹濃枝獨看來秋庭暮雨類輕埃不先搖落應爲  
有已欲別離休更開桃綬含情依露井柳綿相憶隔  
章臺天涯地角同榮謝豈要移根上苑栽

紫薇花

白居易

紫薇花對紫薇翁名目雖同貌不同獨占芳菲當夏  
景不將顏色托春風潯陽官舍雙高樹興善僧庭一  
大叢何似蘇州安置處花堂欄下月明中

紅薇花

唐詩類苑 卷之一百八十九

三十一

紅薇

李咸用

春雨有五色灑來花旋成欲留池上景別染草中英  
畫出看還欠道爲插未輕王孫多好事攜酒寄吟傾

薔薇花

漂陽唐興寺觀薔薇花同諸公餞陳明府

孟郊

忽驚紅琉璃千艷萬艷開佛火不燒物淨香空徘徊  
花下印文字林間詠觴杯群官餞宰官此地車馬來

僧院薔薇

李咸用

客引擎茶看離披曬錦紅不緣開淨域爭忍負春風

小片當吟落清香入定空何人來此植應固惱休公

題薔薇花

朱慶餘

四面重條密浮陰入夏清綠攢傷手刺紅墮斷腸英  
粉着蜂鬚膩光疑蝶翅明雨中看亦好况復值初晴

薔薇

儲光羲

裊裊長數尋青青不作林一莖獨秀當庭心數枝分  
作滿庭陰春日遲遲欲將半影離離正堪玩枝上  
嬌鶯不畏人葉底飛蛾自相亂秦家女兒愛芳菲盡  
眉相伴采歲裝高處紅鬚欲就手低邊綠刺已牽衣  
薔薇架上朝光滿楊柳園中暝鳥飛連歌從此

唐詩類苑

卷之二百八十九

去風吹香氣逐人歸

裴常侍以題薔薇架十八韻見示因廣爲三

十韻以和之

白居易

托質依高架攢華對小堂曉開春去後獨秀院中央  
霽景朱明早芳時白晝長穠因天與色麗共日爭光  
翦碧排千萼研朱染萬房煙條塗石綠粉藥撲雄黃  
根動形雲湧枝搖赤羽翔九微燈炫轉七寶帳熒煌  
淑氣熏行徑清陰接步廊照梁迷藻梲耀壁隱雕牆  
爛若叢燃火殷於葉得霜臙脂含笑臉蘇合香衣香  
浹洽濡晨露玲瓏漏夕陽合羅排砌瑣碎疊淺深粧

乍見疑迴面遙看誤斷腸風朝舞飛燕雨夜泣瀟湘

桃李慚無語芝蘭讓不芳山榴何細碎石竹苦尋常  
蕙慘隈欄避蓮羞映浦藏怯教蕉葉戰妬得柳花狂  
豈可輕嘲詠應須痛比方畫屏風自展繡繖蓋誰張  
翠錦桃成字丹砂印著行猩猩疑血點瑟瑟覺金匡  
散亂菱紅片尖纖嫩紫芒觸僧飄毳褐留妓冒羅裳  
寡和陽春曲多情騎省郎綠誇美顏色引出好文章  
東顧辭仁里西歸入帝鄉假如君愛殺留着莫移將  
薔薇花一叢獨死不知其故因有是篇

白居易

唐詩類苑

卷之二百八十九

三五

柯條未嘗損根蔕不曾移同類今齊茂孤芳忽獨萎  
仍憐委地日正是帶花時碎碧初凋葉焦紅尚戀枝  
乾坤無厚薄草木自榮衰欲問因何事春風亦不知

和薔薇花歌

孟郊

仙機機機織鳳凰花開七十有二行天霞落地攢紅  
光風枝嫋嫋時一颺飛散葩馥遶空王忽驚錦浪洗  
新色又似宮娃逞粧飾終當一使移花根還比薔薇  
天上植

邀人賞薔薇

孟郊

蜀色庶可比楚叢亦應無醉紅不自力狂艷如索扶

麗藥惜未掃宛枝長更紆何人是花侯詩老強相呼

和王十八薔薇澗花時有懷蕭侍御兼見贈

白居易

霄漢風塵俱是繁薔薇花委故山深憐君獨向澗中立一把紅芳三處心

重題薔薇

皮日休

濃似猩猩初染素輕於燕燕欲凌空可憐細麗難勝日照得深紅作淺紅

奉和皮襲美題薔薇次韻

陸龜蒙

穠華自古不得久況是倚春春已空更被夜來風雨

唐詩類苑

卷之一百八十九

三六

惡滿塔狼籍許多紅

紅薔薇

牛嶠

曉啼珠露渾無力繡簇羅襦不着行若綴壽陽公主

額六宮爭肯學梅粧

戲題廬秘書新移薔薇

白居易

風動翠條腰嫋娜露垂紅萼淚闌干移他到此須爲

主不愛花人莫使看

戲題新栽薔薇

白居易

移根易地莫憔悴野外庭前一種春少府無妻春寂

寞花開將雨當夫人

薔薇正開春酒初熟因招劉十九張大夫崔

二十四同飲

白居易

甕頭竹葉經春熟階底薔薇入夏開似火淺深紅壓架如錫氣味綠粘蠟試將詩句相招去倘有風情或可來明日早花應更好心期同醉卯時盃

薔薇

陸龜蒙

倚牆當戶自橫陳致得貧家不似貧外布芳菲雖笑日中含芒刺欲傷人清香往往生遙茨狂蔓看看及四鄰遇有客來堪玩處一端晴綺照煙新

奉和陸魯望薔薇次韻

皮日休

唐詩類苑

卷之一百八十九

三七

誰繡連延滿戶陳暫應遮得陸郎貧紅芳掩斂將迷蝶翠蔓飄飄欲挂人低拂地時如墮馬高臨牆處似窺鄰祗應是董雙成戲翦得神霞寸寸新

薔薇二首

李建勳

萬藥爭開照檻光詩家何物可相方錦江風撼雲霞碎仙子衣飄黼黻香裏露早英濃壓架背人狂蔓暗穿牆綠牋蠻榼旬休日欲召親賓看一場

拂簷拖地對前墀蝶影蜂聲爛熳時萬倍馨香勝玉藥一生顏色笑西施忘歸醉客臨高架恃寵佳人索好枝將並舞腰誰得及惹衣傷手盡從伊

朱秀才庭發薔薇

方干

繡難相似畫難成明媚鮮妍絕比倫  
露壓盤條方到地風吹艷色欲燒春  
斷霞轉影侵西域濃麝分香入四隣  
看取後詩歸故里欄花須讓一作庭  
唐謝錦衣新

木槿花

種木槿花

柳宗元

上苑年年占物華飄零今日在天涯  
飛目長作龍城守剩種庭前木槿花

紫陽花

紫陽花二首

白居易

唐詩類苑

卷之二百八十九

三八

何年植向仙壇上早晚移栽到梵家  
雖在人間人不識與君名作紫陽花

莫言魯國書生懦莫把杭州刺史欺  
醉客請君開眼望綠楊風下有紅旗

望綠楊風下有紅旗

梔子花

梔子

杜甫

梔子比衆木人間誠未多於身色有用與道遠  
相和紅取風霜實青看雨露柯無情移得汝  
芳在江波

海棠花

蜀中賞海棠

鄭谷

濃澹芳春滿蜀鄉半隨風雨斷鶯鶯  
浣花溪上堪惆悵子美無心爲發揚

集工部明詩

集中無海棠之題

海棠花

劉兼

淡淡微紅色不深依依偏得似春心  
煙輕繞國顰歌黛露重長門淚  
粉低倚繡簾人易折密藏香葉蝶  
難尋良宵更有多情處月下芬芳伴醉吟

海棠

鄭谷

春風用意勻顏色銷得攜觴與賦詩  
曉麗最宜新着雨嬌嬈全在欲開時  
莫愁粉黛臨牕嬾梁廣丹靨點  
筆遲朝醉暮吟看不足美他胡蝶宿深枝

唐詩類苑

卷之二百八十九

三九

擢第後入蜀經羅利路見海棠盛開偶有題

詠

鄭谷

上國休誇紅杏絕深溪自照綠苔磯  
一枝低帶流鶯睡數片狂和舞蝶飛  
堪恨路長移不得可無人與畫  
將歸手中已有新春桂多謝煙香更入衣

海棠

李紳

海邊佳樹生奇彩知是仙山取得栽  
瓊藥籍中聞聞苑紫芝圖上見蓬萊  
淺深芳萼通宵掩多紅英報  
晚開寄語春園百花道莫爭顏色汎金杯

丁香花



丁香

杜甫

丁香體柔弱亂結枝猶墊細葉帶浮毛踈花披素艷  
深栽小齋後庶近幽人占曉墮蘭麝中休懷粉身念

賦得池上雙丁香樹

錢起

得地移根遠交柯遶指柔露凝結桂池影闌蟬虬  
黛葉輕筠綠金花笑菊秋何如南海外雨露隔炎洲

麗春花

麗春

杜甫

百草競春華麗春應最勝少須好顏色多漫枝條刺  
紛紛桃李枝處處總能移如何貴此重却怕有人知

唐詩類苑

卷之二百八十九

四十

玉藥花

玉藥

鄭谷

唐昌樹已荒天意眷文昌曉入微風起春時雪滿牆  
故蕭尚書癭柏齋前玉藥樹與王起居吏部

孟員外同賞

羊士諤

柏寢閑何時瑤華自滿枝天清凝積素風緩動芬絲  
留步蒼苔暗停觴白日遲因吟茂陵草幽賞待妍詞

唐昌觀玉藥花

王建

一樹龍蔥玉刻成飄靡地色煙輕女冠夜窺香來  
處唯見階前碎月明

同嚴給事聞唐昌觀玉藥花有仙過作二首

張籍

千枝花裏玉塵飛阿母宮中見亦稀應共諸仙闔百  
草獨來偷折一枝歸

九色雲中紫鳳皇尋仙來到洞仙家飛輪迴處無踪  
跡唯有班班滿地花

惜玉藥花有懷集賢王校書起

白居易

芳意將闌風又吹白雲離葉雪辭枝集賢校無閒  
日落盡瑤花君不知

唐詩類苑

卷之二百八十九

四十一

揚州唐昌觀玉藥花折有仙人遊悵然成二

絕

嚴休復

終日齋心禱玉宸竟銷目斷未逢真不如滿樹瓊瑤  
藥笑對藏花洞裏人

羽車潛下玉龜山塵世何由覩薜蘿唯有無情枝上  
雪好風吹綴綠雲鬟

紫荊花

見紫荊花

韋應物

雜英紛已積含芳獨暮春還如故園樹忽憶故園人  
紅荊

元稹

庭中栽得紅荆樹十月花開不待春直到孩提時  
怪一家同是北來人

唐詩類苑卷第一百九十

明雲間張之象玄超甫纂輯

雲間杜士基彥恭甫編次

雲間王徹叔朗甫補訂

梁谿曹仁孫伯安甫校正

花部

萱花

詠萱

李嶠

展步尋芳日亡憂自結叢黃英開養性綠葉正依籠  
色湛仙人露香傳少女風還依北堂下曹植動文雄

唐詩類苑

卷之一百九十

訓夢得比萱草見贈

來篇云惟君比萱草相見可忘憂

白居易

杜康能散悶萱草解忘憂借問萱逢杜何如白見劉  
老衰勝少天閒樂笑忙愁試問同年內何人得白頭

對萱草

韋應物

何人樹萱草對此郡齋幽本是忘憂物今夕一作重

生憂叢疎露始滴芳餘蝶尚留還思杜陵圃離披風

雨秋

萱草

李咸用

芳草比君子詩人情有由祗應憐雅態未必解忘憂

積雨莎庭小微風鮮砌幽莫言開太晚猶勝菊花秋

別萱桂

白居易

使君竟不住萱桂徒栽種桂有留人名萱無忘憂用  
不如江畔月步步來相送

迎春花

代迎春花招劉郎中

白居易

幸與松筠相近栽不隨桃李一時開杏園豈敢妨君  
去未有花時且看來

翫迎春花贈楊郎中

白居易

金英翠萼帶春寒黃色花中有幾般憑君語向遊人

唐詩類苑

卷之一百九十

二

道莫作蔓菁花眼看

夜合花

感小株夜合

元稹

纖幹未盈把高條纔過眉不禁風苦動偏受露先萎  
不分秋同盡深嗟小便衰傷心落殘葉猶識合昏期

夜合

元稹

綺樹滿朝陽融融有露光雨多疑濯錦風散似分粧  
葉密煙蒙火枝低繡拂墻更憐當暑見留詠日偏長

對晚開夜合花贈皇甫郎中

白居易

移晚校一月花遲過半年紅開杪秋日翠合欲昏天

白露滴未死涼風吹更鮮後時誰肯顧唯我與君憐

東墻夜合樹去秋爲風雨所摧今年花時悵

然有感

白居易

碧萼紅縷今何在風雨飄將去不迴惆悵去年墻下

地今春惟有齊花開

金錢花

金錢花

羅隱

占得佳名繞樹芳依依相伴向秋光若文此物也收  
貯應被豪門盡斷將

唐詩類苑

卷之一百九十

三

鷄冠花

鷄冠花

羅鄴

一枝濃艷對秋光露滴風搖倚砌傍曉景年看何處  
似謝家新染紫羅裳

杜鵑花

寒食日題杜鵑花

曹松

一朶又一朶併開寒食時誰家不禁火總在此花枝

杜鵑花

方干

未問移栽日先愁落地時疎中從間葉密處莫燒枝  
野客教誰採胡蜂自是知周迴兩三步常有醉鄉期

宣城見杜鵑花

李白

蜀國曾聞子規鳥，宣城還見杜鵑花。  
一叫一回腸一斷，三春三月憶三巴。

冬瑰花

和李員外詠冬瑰花寄徐侍郎

司空曙

僊吏紫微郎，奇花共翫芳。  
攢星排綠蒂，照眼發紅光。  
暗妬翻堦葉，遙連直署香。  
遊枝蜂繞易，礙刺鳥銜妨。  
露濕凝衣粉，風吹散藥黃。  
蒙龍珠樹合，燠爛錦屏張。  
留客勝看竹，思人比愛棠。  
如傳採蘋詠，遠思滿瀟湘。

唐詩類苑

卷之一百九十

四

和李舍人昆季詠冬瑰花寄贈徐侍郎

盧綸

獨鶴寄煙霜，雙鸞思晚芳。  
舊陰依謝宅，新艷出蕭牆。  
蝶散搖輕露，鶯銜入夕陽。  
雨朝勝濯錦，風夜劇焚香。  
斷日千層艷，孤霞一片光。  
密來驚葉少，動處覺枝長。  
布影期高賞，留春爲遠方。  
當聞贈玖切，和愧升堂。

玉簪花

陳中丞翊東齋賦白玉簪 盧綸

美矣新成太華峰，翠蓮枝折葉重重。  
松陰滿澗開飛

鶴潭影通雲暗上，龍漠漠木香風。  
頗馥涓涓乳溜味，何濃因聲遠報浮丘子。  
不奏登封時不容。

優鉢羅花

優鉢羅花歌

并序

岑參

參嘗讀佛經，聞有優鉢羅花，目所未見。  
天寶庚申歲，參忝大理評事，攝監察御史，領伊西北庭度支副使，自公多暇，乃於府庭內栽樹種藥，爲山鑿池，婆娑乎其間，足以寄傲交河小吏，有獻此花者，云得之於天山之南，其狀異於衆草，勢籠從如冠弁，巖然上聳，生不傍引，攢花中，折駢葉外，包異香，騰

唐詩類苑

卷之一百九十

五

風秀色媚景，因賞而嘆曰：爾不生於中土，僻在遐裔，使牡丹價重，芙蓉譽高，惜哉！夫天地無私，陰陽無偏，各遂其生，自物厥性，豈以偏地而不生乎？豈以無人而不芳乎？適此花不遭小吏，終委諸山谷，亦何異懷才之士，未會明主，擯於林藪耶？因感而爲歌，歌曰：

白山南，赤山北，其間有花人不識。  
綠莖碧葉好顏色，葉六瓣，花九房，夜掩朝開多異香。  
何不生彼中國兮，生西方，移根在庭，媚我公堂。  
耻與衆草之爲伍，何亭亭而獨芳？何不爲人之所賞兮，深山窮谷委嚴霜。吾

竊悲陽關道路長曾不得獻於君王

芙蓉花

芙蓉

陸龜蒙

閒吟鮑昭賦更起屈平愁莫引西風動紅衣不柰秋

芙蓉

溫庭筠

刺莖澹蕩碧花片參差紅吳歌秋水冷湘廟夜雲空  
濃艷香露裏美人清鏡中南樓未歸客一夕練塘東

採芙蓉

太宗

結伴戲方塘攜手上雕航船移分細浪風散動浮香  
遊鴈無定曲驚鳬有亂行蓮稀釧聲斷水廣棹歌長

唐詩類苑

卷之一百九

六一

棲鳥還密樹汎流歸建章

賦得芙蓉出水

陳至

菡萏迎秋吐天搖映水濱劍芒開寶匣峰影寫蒲津

下照參差荷高辭苒弱蘋自當巢翠甲非止戲蘋鱗

莫以時先後而言色故新芳香正堪翫誰報涉江人

賦得芙蓉出水

賈謨

的礫舒芳艷紅姿映綠蘋搖風聞細浪出沼媚清晨

翻影初迎日流香暗襲人獨披千葉淺不競百花春

魚戲參差動龜游次第新涉江人莫此免迷津

闕下芙蓉

何

一人理國政昇平萬里呈祥助聖明天下河從闕下  
過江南花向殿前生慶雲垂蔭開難落湛露爲珠滿  
不傾更對樂懸張篴簫歌工欲奏採蓮聲

木芙蓉

韓愈

新開寒露叢遠比水間紅艷色空相妬嘉名偶自同  
採江官渡晚寒木古祠空願得勤來者無令便逐風

木芙蓉花下招客飲

白居易

晚涼思飲兩三盃召得江頭酒客來莫怕秋無伴醉

物水蓮花盡木蓮開

秋朝木芙蓉

李嘉祐

唐詩類苑

卷之一百九

七一

水面芙蓉秋色衰繁條倒是著花時平明露滴垂紅  
臉似有朝愁暮落悲

木芙蓉

劉兼

素靈失律詐風流強把芳非半載偷是葉歲裝霜照

夜此花爛熳火燒秋謝蓮色淡爭堪種陶菊香穠亦

含羞誰道金風能肅物因何厚薄不相侔

木芙蓉三首

黃滔

黃鳥啼煙二月朝若教開即牡丹饒天嫌青帝恩光

盛留與秋風雪寂寥

卻假青腰女翦成綠羅囊綻綵霞誰能不及黃花

菊只遇陶潛便得名

須到露寒方有態爲經霜裏稍無香移根若在秦宮裏多少佳人泣曉粧

蓮花

京兆府新栽蓮

白居易

汚溝貯濁水水上葉田田我來一長歎知是東溪蓮下有清泥汚馨香無復全上有紅塵撲顏色不得鮮物性猶如此人事亦宜然托根非其所不如遭棄捐昔在溪中日花葉媚青澁今來不得地憔悴府門前

隔浦蓮

白居易

唐詩類苑

卷之二百九十

八

隔浦愛紅蓮昨日看猶在夜來風吹落只得一迴採花開雖有明年期復愁明年還暫時

感白蓮花

白居易

白白芙蓉花本生吳江漬不與紅者雜色類自區分誰移爾至此姑蘇白使君初來苦顚顚久乃芬芳氤月月葉換葉年年根生根陳根與故葉銷花成泥塵化者日已遠來者日復新一爲池中物永別江南春忽想西涼州中有天寶民埋沒漢父祖孽生胡子孫已忘鄉土戀豈念君親恩生人尚復爾草木何足云

賦得秋池一枝蓮

郭恭

秋玉皆零落凌波獨吐紅撫根方得所未肯卽隨風

西街渠中種蓮疊石頗有幽致偶題小樓

白居易

朱檻低牆上清流水閣前顧人栽苗苗買石造潺湲影落江心月聲移谷口泉閒看卷簾坐醉聽掩窗眠路笑淘官水家愁費料錢是非君莫問一對一儵然

蓮花

郭震

臉膩香薰似有情世間何物比輕盈湘妃雨後來池看碧玉盤中美水晶

合歡蓮花

韋莊

唐詩類苑

卷之二百九十

九

虞舜南巡去不歸二妃相誓死江湄空留萬古香魂在結作雙葩合一枝

種白蓮

白居易

吳中白藕洛中栽莫戀江南花嬾開萬里攜歸爾知否紅蕉朱槿不將來

階下蓮

白居易

葉展影翻當砌月花開香散入簾風不如種在天池上猶勝生於野水中

題學公院池蓮

李洞

竹引山前玉甃池栽蓮莫怪藕生絲如何不似麻衣

客坐對秋風待一枝

蓮葉

鄭谷

移舟水濺差差綠倚檻風搖柄柄香多謝浣溪  
折雨中留得蓋鴛鴦

永樂殷堯藩明府縣池嘉蓮詠

陶雍

青蘋白石匝蓮塘水裏蓮開帶瑞光露濕紅芳雙  
重風搖綠帶一根長同心梔子徒誇艷合穗嘉禾豈  
解香不獨豐祥先有應更宜花縣對潘郎

六年秋重題白蓮

白居易

唐詩類苑

卷之二百九十

十

素房含露玉冠鮮絳葉搖風細扇圓本是吳州供進  
藕今爲伊水寄生蓮移根到此三千里結子經今六  
七年不獨池中花故舊兼乘舊日採花船

重臺蓮

李建勳

斜倚秋風絕比倫千英和露染難勻自爲祥瑞生南  
國誰把丹青寄北人明月幾宵同綠水牡丹無路出  
紅塵憐伊不等多時立贏得馨香暗上身

南池嘉蓮

姚合

芙蓉池重一作葉田田一一作雙枝一一作照葉泉一一作濃麗  
共妍香客散東西分艷葉相連自知政術無他異縱

似禪祥亦偶然四野人間皆盡喜爭來入郭看嘉蓮

石蓮花

司空曙

今逢石上生本自波中有紅艷秋風裏誰憐衆芳後

蓮石

白居易

青石一兩片白蓮三四枝寄將東洛去心與物相隨  
石倚風前樹蓮栽月下池遙知安置處預想發榮時  
領郡來何用還鄉去已遲莫言千里別歲晚有心期

題白石蓮華寄楚公

李商隱

白石蓮花誰所共六時長接佛前燈空庭苔蘚饒霜  
露時夢西山老病僧大海龍宮無限地諸天鴈塔幾

唐詩類苑

卷之二百九十

十一

多屬謾誇鴛鴦子真羅漢不會千車是上乘

採蓮詞

儲光義

淺渚荷花亂深潭菱葉疎獨往方自得耻邀淇上姝  
廣江無衍阡大澤絕方隅浪中海童語林外鮫人居  
春鴈時隱舟新萍復滿湖采采乘日養不思賢與愚

湖邊採蓮婦

李白

小姑織白紵未解將人語大嫂採芙蓉溪湖千里重  
長兄行不在莫使外人逢願學秋胡婦貞心比古松

採蓮

崔國輔

玉淑花爭發金塘水亂流相逢畏相失並着採蓮舟



採蓮曲

徐彥伯

妾家越水邊，搖艇入江煙。既見同心侶，復採同心蓮。  
折藕絲能脆，開花葉正圓。春歌明月歸，棹落花前。

採蓮曲

鄭情

錦楫沙棠艦，羅帶石榴裙。綠潭採荷葉，清江日稍曛。  
魚鳥爭唼喋，花木相芬氲。不覺湘川暮，菱歌處處聞。

採蓮曲二首

戎昱

雖聽採蓮曲，詎識採蓮心。漾楫愛花遠，回船愁浪深。  
煙生極浦色，日落半江陰。同侶憐波靜，看粧墮玉簪。

二

唐詩類苑

卷之一百九十

十二

洛陽女兒花滿頭，髻鬟同汎木蘭舟。秋風日暮南湖  
裏，爭唱菱歌不肯休。

採蓮曲 一作採蓮歸

王勃

採蓮歸綠水，芙蓉衣秋風。起浪鳬鴈飛，桂棹蘭橈下。  
長浦羅裙玉腕輕，搖櫓葉嶼花潭極。望平江，謳越吹  
相思苦，相思苦佳期不可駐。塞外征夫猶未還，江南  
採蓮今已暮。採蓮花，渠今那必盡娼家官道。城南記  
桑葉何如江上採蓮花，蓮花復蓮花，花葉何凋落。葉  
翠本羞眉，花紅強如頰。佳人不在此，望望難時牽。  
花憐共蒂折，藕愛連絲故。情無處所，新物徒華滋。不

惜西津交佩解，還羞北海鴈。書遲採蓮歌，有節采蓮

夜未歇。正逢浩蕩江上風，又值徘徊江上月。徘徊蓮

浦夜相逢，吳姬越女何丰茸。共問寒江千里外，征客

關山路幾重。

採蓮女

閻朝隱

採蓮女，採蓮舟。春日春江碧水流，蓮衣承玉釧，蓮刺  
罥銀鈎。薄暮斂容歌一曲，氛氲香氣滿汀洲。

採蓮

徐玄之

越艷荆姝價，採蓮蘭橈盡。楫滿長川秋，來江水澄如  
練。映水紅粧如可見，此時蓮浦珠翠光。此日荷風羅

唐詩類苑

卷之一百九十

十三

綺香纖手周遊，不暫息。紅英爛熳殊未極，夕鳥棲林  
人欲稀。長歌哀怨採蓮歸。

採蓮曲

李白

若耶溪傍採蓮女，笑隔荷花共人語。日照新粧水底  
明，風飄香袖空中舉。岸上誰家遊冶郎，三三五五映  
垂楊。紫骝嘶入落花去，見此踟躕空斷腸。

採蓮

李康成

採蓮去，月沒春江曙。翠鈿紅袖水中央，青荷蓮子雜  
衣香。雲起風生歸路長，那得各迴船兩搖手。

採蓮曲

張籍

秋江岸邊蓮子多採蓮女兒凭船歌青房圓實齊戢  
敢爭前競折漾微波試索綠莖不尋藕斷處絲多刺  
傷手白練束腰袖半卷不揜玉釵粧梳淺船中未滿  
慶前洲借問阿誰家住遠歸時共待暮潮上自美芙  
蓉還蕩槳

張靜婉採蓮歌

并序

溫庭筠

靜婉羊侃妓也其容絕世侃自爲採蓮二曲今樂  
府所存失其故意因歌以俟採詩者事且載梁史

蘭膏墜髮紅玉春燕釵梳頭拋盤雲城邊楊柳回嬌  
晚門前溝水波鄰鄰麒麟公子朝天客珂佩一作馬瑞

唐詩類苑

卷之一百九

十四

璫渡春陌掌中無力舞衣輕剪斷鮫綃破春碧抱月  
飄煙一尺腰麝臍龍髓憐嬌曉秋羅拂水碎光蓮露  
重花多香不銷鵝鵝交交一作膠塘水滿綠芒如粟蓮  
莖短一夜西風送雨來粉痕零落愁紅淺船頭折藕  
絲暗牽藕根蓮子相留連郎心似月月未缺十五十  
六清光圓

採蓮曲二首

王昌齡

吳姬越艷楚王妃爭美蓮花水濕衣來時浦口花迎  
入採罷江頭月送歸

荷葉羅裙一色裁芙蓉向臉兩邊開亂入池中看不

見聞歌始覺有人來

採蓮曲

賀知章

稽山罷霧鬱嵯峨鏡水無風也自波莫言春度芳菲  
盡別有中流采芰荷

採蓮曲

張朝

朝出沙頭日正紅晚來雲起半江中賴逢隣女曾相  
識並看蓮舟不畏風

採蓮

朱慶餘

隔煙花草遠濛濛恨箇來時路不同正是停桡相遇  
處鴛鴦飛去急流中

唐詩類苑

卷之一百九

十五

採蓮曲

白居易

菱葉紫波荷颭風荷花深處小船通逢郎欲語低頭  
笑碧玉搔頭落水中

看採蓮

白居易

小桃閒上小蓮船半採紅蓮半白蓮不似江南惡風  
浪芙蓉池在臥牀前

古意

韓愈

太華峰頭玉井蓮開花十丈藕如船冷生雲氣其比  
蜜一片入口沈痾痊我欲求之不憚遠寄與路難  
賁緣安得長梯上摘實食之十溼根松連

咏荷

李 嶠

新溜滿澄陂，圓荷影若規。風來香氣遠，日落蓋陰移。  
魚戲排緗葉，龜浮見綠池。魏朝難接採，楚服但同披。

慈恩寺南池秋荷詠

韋應物

對殿含涼氣，裁規覆清沼。襄紅受露多，餘馥依人少。  
蕭蕭遠塵跡，颯颯凌秋曉。節謝客來稀，迴塘方獨遠。

梁公院各賦一物得初荷

李 頎

微風和衆草，大葉長圓陰。晴露珠共合，夕陽花映深。  
從來不着水，清淨本因心。

贈荷花

李商隱

唐詩類苑

卷之一百九十

十六

世間花葉不相倫，花入金盆葉作塵。惟有綠荷紅菡  
萏，卷舒開合任天真。此花此葉長相映，翠減紅衰愁

殺人

甄荷

羊士諤

紅衣落盡暗香殘，葉上秋光白露寒。越女含情已無  
限，莫教長袖倚闌干。

荷花

韓 偓

細漏相歎綠香囊，獨立紅浸淫。因重露狂暴，是秋風  
逆調無人唱。秋塘每夜空，何由見周昉。移入畫屏中，

荷花

李商隱

都無色，可並不奈此香何。瑤席乘涼設，金羈落晚過。  
迴衾燈照綺，渡襪水沾羅。預想前秋別，離居夢懼歌。

奉訓盧給事雲夫四兄曲江荷花行見寄并

呈上錢七兄閣老張十八助教

韓 愈

曲江千頃秋波淨，平鋪紅雲蓋明鏡。大明宮中給事  
歸，走馬來看立不正。遺我明珠九十六，寒光映骨睡

驪。我今官閒得婆娑，問言何處芙蓉多。撐舟昆明  
度雲錦，脚敲兩舷呼吳歌。太白山高三百里，負雪崔

唐詩類苑

卷之一百九十

十七

嵬，插花裏玉山前却不復來。曲江汀滢水平，孟我時  
相思不覺一迴首。天門九扇相當開，上界真人足官

府。豈如散仙鞭笞鸞鳳終日相追陪。

孟 郊

蓮子不可得，荷花生水中。猶勝道傍柳，無事一作時一  
春風。

二

綠萍與荷葉同此一水中，風吹荷葉在，綠萍西復東。

三

蓮葉未開時，苦心終日卷。春水一作風徒蕩漾，荷花未

開展

曲池荷

盧照鄰

浮江繞曲岸圓影覆華池常恐秋風早飄零君不知

高荷

種藕百餘根高荷纔四葉颺閃碧雲扇團圓青玉疊  
亭亭自擡舉鼎鼎難藏壓不學着水荃一生長帖帖

折荷有贈

李白

涉江翫秋水愛此紅蕖鮮攀荷弄其珠蕩漾不成圓  
佳人綵雲裏欲贈隔遠天相思無因見悵望涼風前

衰荷

白居易

唐詩類苑

卷之二百九十

十八

白露凋花花不殘涼風吹葉葉初乾無人解愛蕭條  
境更遶衰叢一匝看

餞濟陰梁明府各探一物得荷葉

張九齡

荷葉生荷渚芳華信在茲朝朝空此地采采欲因誰  
但恐星霜改還將蒲柳衰懷君美人側聊以贈心期

奉和錢七兄曹長盆池所植

韓愈

翻翻江浦荷而今生在此擢擢孤葉長芳根徒使徒  
露濡兩鮮翠風蕩初磨倚但取主人知誰言盆盎是

藕

秋日吳中觀貢藕

趙嘏

野艇幾西東清吟映碧空褰衣來水上奉玉出泥中  
葉亂田田綠蓮餘片片紅激波纔入選就日已生風  
御潔玲瓏膳人懷拔擢功梯山謾多品不與世流同

菱花

李嶠

鉅野韶光暮東平春溜通影搖江浦月香引棹歌風  
日色翻池上潭花發鏡中五湖多賞樂千里望難窮

採菱詞

儲光義

唐詩類苑

卷之二百九十

十九

濁水菱葉肥清水菱葉鮮義不遊濁水志士多苦言  
潮沒具區數潦深雲夢田朝隨北風去暮逐南風旋  
浦口多漁家相與邀我船飯稻以終日蓴羹將永年  
方冬水物窮又欲休山樊盡室相隨從所貴無憂患

採菱行

劉禹錫

武陵俗事採菱歲秋矣有女郎盛遊於馬湖薄言  
採之歸以御客古有採菱曲傳其詞故賦之以俟

採詩者

白馬湖平秋日光紫菱如錦綵鴛鴦翔蕩舟遊女滿中  
央採菱不顧馬上郎爭多逐勝紛相向時轉蘭橈破

輕浪長鬟弱袂披參差釵影釧文浮蕩漾笑語  
顧晚暉夢花綠岸扣舷歸歸來共到市橋步野  
船萍滿衣家家竹樓臨廣陌下有連橋多估客攜觴  
薦菱夜經過醉踏大隄相應歌屈平祠下沅江水月  
照寒波白煙起一曲南音此地聞長安北望三千里

看採菱

白居易

菱池如鏡淨無波白點花稀青角多時唱一聲新水  
調謾人道是採菱歌

雜花

詠花

方干

唐詩類苑

卷之二百九十九

二十

狂心醉眼共徘徊一半先開笑未開此日不能偷拆  
去胡蜂直恐趁人來

詠古寺花

司空曙

共愛芳菲此樹中千花萬萼裏枝紅遲遲欲去猶迴  
望覆地無人滿寺風

花

黃滔

莫道顏色如渥丹莫道馨香過陸蘭東風吹綻還吹  
落明日誰爲今日看

和微之十七與君別及朧月花枝之詠

白居易

別時十七今頭白惱亂君心三十年垂老休吟花月  
句恐君更結後身緣

題花樹

楊衡

都無看花地偶到樹邊來可憐枝上色一一爲愁開

同耿緯司空曙二拾遺題韋員外東齋花樹

盧綸

綠砌紅花樹狂風獨未吹光中疑有燄密處似無枝  
鳥動香輕發人愁影屢移今朝數片落爲報漢郎知

賦得花發上林

獨孤綬

上苑韶容早芳菲正吐花無言向春日閒笑任年華

唐詩類苑

卷之二百九十

二十一

潤色籠輕靄晴光艷晚霞影連千戶竹香散萬人家  
幸遶樓臺近仍還雨露賒願君垂彩摘不使落風沙

賦得花發上林

周渭

灼灼花凝雪春來發上林向風初散藥垂葉欲成陰  
人過香隨遠煙晴色自深淨時空結露疎處未藏禽  
葦茸何年植間關幾日吟一枝如可冀不負折芳心

賦得花發上林

竇常

上苑曉沈沈花枝亂綴陰色浮雙闕近春入九門深  
向暖風初扇餘寒雪尚侵迴秦女目愁處悅人心  
繞繞時繁蝶關關乍引禽寧知幽谷羽一舉欲依林

賦得花發上林

王表

上苑春何早，繁華已滿林。笑迎明主仗，香拂美人簪。  
地接樓臺近，天垂雨露深。晴光來戲蝶，夕影動棲禽。  
欲托凌雲勢，先開捧日心。當知桃李樹，從此必成陰。

賦得花發上林

王儲

東陸和風至，先開上苑花。穠枝藏宿鳥，香葉拂行車。  
散白憐春日，舒紅愛晚霞。桃開留御馬，梅處入胡笳。  
城郭連增媚，樓臺映轉華。豈同幽谷草，春至發猶賒。

賦得花發上林

花發三陽盛，香飄五柝深。素暉雲積苑，紅彩繡張林。

唐詩類苑

卷之百九十

二十三

落水隨魚戲，搖風映鳥吟。瓊樓出高艷，玉輦駐濃陰。  
亂蝶枝間影，繁蜂葉上音。鮮芳盈禁籞，布澤荷天心。

賦得岸花臨水發

包融

笑笑岸溪花，叢叢逐岸斜。朝開川上日，夜發浦中霞。  
照灼如臨鏡，丰茸勝浣沙。春來武陵道，幾樹落仙家。

曲江亭望慈恩寺杏園花發

李君何

春晴凭水軒，仙杏發南園。開藥風初曉，浮香景欲暄。  
光華臨御色，相對空門雪。遙添淨山煙，近借繁  
地閒分禁。鹿一作苑。唐詩類苑卷之百九十。况值新晴日，芳枝度

彩鴛

曲江亭望慈恩寺杏園花發

周弘亮

江亭閒望處，遠近見秦源。古寺遲春景，新花發杏園。  
萼中輕蕊密，枝上素姿繁。拂雨雲初起，含風雪欲翻。  
容輝明十地，香氣遍千門。願莫隨桃李，芳菲不爲言。

曲江亭望慈恩寺杏園花發

曹著

渚亭臨淨域，憑望一開軒。晚日分初地，東風發杏園。  
異香飄九陌，麗色映千門。照灼瑤華散，葳蕤玉露繁。  
未教遊妓折，乍聽早鶯喧。誰復爭桃李，含芳自不言。

唐詩類苑

卷之百九十

二十三

曲江亭望慈恩寺杏園花發

陳翥

曲池晴望好，近接梵王家。十畝開金地，千林發杏花。  
映雲猶誤雪，照日欲成霞。紫陌傳香遠，紅泉落影斜。  
園中春尚早，亭上路非賒。芳景堪遊處，其如惜物華。

和楊舍人詠中書看花樹

張文琮

華萼映芳叢，參差間早紅。因風時落砌，雜雨乍浮空。  
影照鳳池水，香飄鷄樹風。豈不愛攀折，希君懷袖中。

韋員外家花樹歌

岑參

今年花似去年好去年人到今年老始知人老不如  
花可惜落花君不掃君家兄弟不可當列卿御史尚  
書郎朝回花底恒會客花撲玉缸春酒香

同岑郎中韋員外家作花樹歌

獨孤及

東風動地吹花發渭城桃李千樹雪芳菲可愛不可  
留武陵歸客心欲絕金華省前佳辰祇恃棣萼照  
青春君家自是成蹊處况有花作主人

別種東坡花樹兩絕

白居易

三年留滯在江城草樹禽魚盡有情何處殷勤重迴

唐詩類苑

卷之二百九十

二十四

首東坡桃李種新成

花林好住莫顛顛春至但知依舊春樓上明年新太  
守不妨還是愛花人

紅樹

吳融

一聲南鴈已先紅槭槭淒淒葉葉同此是孤根非暖  
地莫驚他木耐秋風燒煙散去陰全薄明月臨來影  
半空長憶洞庭千萬樹映山橫浦夕陽中

早花

杜甫

西京安穩未不見一人來臘月已江曲山花已自開  
盈盈當雪杏艷艷待春梅直苦風塵暗誰憂容鬢催

衡州登樓望南館臨水花呈房戴段李諸公

呂溫

天桃臨方塘暮色堪愁思托根豈求潤照影非自媚  
習挂青柳絲零落綠錢地佳意竟何許時有幽禽至

看花五首

孟郊

家家有芍藥不妨至溫柔溫柔一同女紅笑笑不  
月娥雙雙下楚艷枝枝浮洞裏逢仙人綽約青宵游

二

芍藥誰爲惜人人不敢來唯應待詩老日日殷勤開  
玉立無氣色春凝且徘徊將何謝青春痛飲一百杯

唐詩類苑

卷之二百九十

二十五

三

芍藥吹欲盡無奈曉風何餘花欲誰待唯待諫郎過  
諫郎不事俗黃金買高歌高歌夜更清花意晚更多  
飲之不見底醉倒深紅波紅波蕩諫心諫心終無它

四

獨遊終難醉挈榼徒經過閒花不解語勸得酒無多

五

三年此村落春色入心悲料得一樽酒還時淚垂

剡溪看花

湯凝

花落千回舞鶯聲百轉歌還同異方樂不奈客愁多



答史館張學士段柳庶子學士集賢院弄

見寄兼呈柳學士 韋應物

班揚秉文史對院自爲隣餘香掩閣去遲日看花頻  
似雪飄聞闔從風點近臣南宮有芳樹不並禁垣表

韋員外東齋看花 李端

入花凡幾步此樹獨將留發艷紅枝合垂煙綠水幽  
併開偏覺好未落已成愁一到芬菲下空招兩宿秋

潘安仁戴星看河陽花發 呂敬

行春潘令至勤恤戴星光爲政宵忘寢臨人俗冀康  
曉花迎徑發新藥滿城香秀色霑輕露鮮輝麗早陽

唐詩類苑 卷之二百九十 三六

津橋見來往空霧拂衣裳桃李今無數從茲願比方

賊中與嚴越卿曲江看花 盧綸

紅枝欲折紫枝殷隔水連宮不用攀會待長風吹落  
盡始能開眼向青山

夜後把火看花南園招李十一兵曹不至呈

座上諸公 呂溫

天桃紅燭正相鮮微燭閒齋獨眠應是夢中飛作  
蝶悠揚只在此光前

奉陪郎中樓上夜看花 段弘言

城上芳園花滿枝城頭太守夜看時與報休中高舉  
燭感人情思欲題詩

九華觀看花 張籍

街西無數閒遊處不似九華仙觀中花裏可憐池  
景幾重牆壁貯春風

河中府崇福寺看花 盧綸

聞道山花似火紅平明登寺已經風老僧無見亦無  
說應與看人心不同

答段秀才 呂溫

盡日看花君不來江城半夜爲君開樓中共指南園  
唐詩類苑 卷之二百九十 三七

火紅燼隨風落碧苔

襄陽看花 時因小蠻作 于鵠

自小老一作看花長不足江邊尋得數株紅黃昏人散  
東風起吹落誰家明月中

衡州夜後把火看花留客 呂溫

紅芳煖落碧池頭把火遙看更少留半夜忽然風更  
起明朝不復上南樓

看花 羊士諤

一到花間一忘歸玉盃瑤瑟滅光輝歡筵更覆青絳  
幕忽似朝雲瑞雪飛

同友人看花

朱慶餘

尋花不問春深淺縱是殘紅也入詩每箇樹邊行一  
匝誰家園裏最多時

看花

羅鄴

花開只恐看來遲及到愁如未看時家在楚鄉身在  
蜀一年春色負歸期

唐昌觀看花

張籍

新紅舊紫不相宜看覺從前兩月遲更向同來詩客  
道明年到此莫過時

于主簿廳看花

王建

唐詩類苑

卷之百九十

二六

小葉桐枝粉厭摧暖風吹動鶴翎開若無別事爲留  
滯便拋家宿看來

仲月賞花

韋同則

梅花似雪柳含煙南地風光臘月前把酒且須判却  
醉風流何必待歌筵

翫半開花贈皇甫郎中

白居易

勿訝春來晚無嫌花發遲人憐全盛日我愛半開時  
紫蠟黏爲蒂紅麻點作粧成都新夾纈梁漢碎懸脂  
樹杪真珠顆墻頭小女兒淺深粧駁落高下火參差  
蝶戲爭香朶鶯啼選穩枝好教郎作伴合共酒相隨

醉翫無勝此狂嘲更讓誰猶殘少年興未是老人詩

西日憑輕照東風莫殺吹明朝應爛熳後夜更離披  
林下遙相憶樽前暗有期銜杯嚼藥思唯我與君知

澧上與幼遐月夜登西岡翫花

韋應物

置酒臨高隅佳人自城闕已翫滿川花還看滿川月  
花月方浩然賞心何由歇

對雜花

韋應物

朝紅爭景新一作鮮夕素含露翻妍姿如有意流芳復  
滿園單棲守遠郡永日掩重門不與花爲偶終遣與

唐詩類苑

卷之百九十

二九

誰言

對花

方干

清曉入花如步障戀花行步步遲遲含風欲綻中心  
朶似火應燒外面枝野客須拚終日醉流鶯自有隔  
年期使君坐處笙歌合便是列仙身不知

西省對花憶忠州東坡新花樹因寄題東樓

白居易

每看闕下丹青樹不忘天邊錦繡林西掖垣中今日  
眼南賓樓上去年心花含春意無分別物感人情有  
淺深最憶東坡紅爛熳野桃山杏水林檎

對花

秦韜玉

長與韶光暗有期可憐蜂蝶却先知誰家促席臨低  
樹何處橫釵戴小枝麗日多情疑曲照和風得路合  
偏吹向人雖道渾無語等閒三孫到醉時

同遊人尋澗花

白居易

聞有澗底花賞得村中酒與君來枝遲已逢搖落  
臨觴有遺恨悵望空溪口記取花發時期君重攜手  
我生日日老春色年年有且作來歲期不知身健否  
訓令孤相公春日尋花見寄六韻

白居易

類苑卷之二百九十

三十

帝王州花時不得遊老應隨日至春肯爲人留  
粉堦杏將謝火繁桃尚稠白飄僧院地紅落酒家樓  
空裏雪相似晚來風不休吟君悵望句如到曲江頭

江畔獨步尋花七首

杜甫

見人部閒適

過衡山見新花開却寄弟 柳宗元

故國名園久別離今朝楚樹發南枝啼天歸路好相  
逐正是峰前迴鴈時

山路見花

崔櫓

曉紅初折露香新獨立空山冷笑人春意自知無主

惜恣風吹逐馬蹄塵

見花

韓偓

寒裳擁鼻正吟詩日午墻頭獨見時血染蜀羅山燭  
顰肉紅宮錦海棠梨因狂得病真閒事欲詠無才是  
所悲看却春風歸去也爭教判得最繁枝

就花枝

白居易

就花枝移酒海今朝不醉明朝悔且笑歡娛逐日來  
任他容鬢隨年改醉翻衫袖拋小令笑擲骰盤呼大  
采自量氣力與心情三五年間猶得在

折枝花贈行

元稹

類苑卷之二百九十

三十一

櫻桃花下送君時一寸春心逐折枝別後相思最多  
處千株萬片遶林垂

東坡種花二首

白居易

持錢買花樹城東坡上栽但構有花者不限桃杏梅  
百種叅雜種千枝次第開天時有早晚地力有高低  
紅者霞豔豔白者雪皚皚遊蜂逐不去好鳥亦棲來  
前有長流水下有小平臺時拂臺上石一舉風前杯  
花枝陰我頭花藥落我懷獨酌復獨詠不覺月平西  
巴俗不愛花竟春無人來唯此醉太守盡日不能迴

東坡春向暮樹木今何如漠漠花落盡翳翳葉生初  
每日領僮僕荷鋤仍決渠剗土壅其本引泉溉其枯  
小樹低數尺大樹長丈餘封植未幾時高下齊扶踈  
養樹既如此養民亦何殊將欲茂枝葉必先救根株  
云何救根株勸農均賦租云何茂枝葉省事寬刑書  
移此爲郡政庶幾吐俗蘇

對新家醞醖自種花

白居易

香麴親看造芳叢手自栽迎春報酒熟垂老看花開  
紅蠟半含萼綠油新醖醕玲瓏五六樹微灑雨三盃  
恐有狂風起愁無好客來獨斟還獨語待取月明迴

唐詩類苑

卷之二百九十

三十三

春和綠野堂種花

白居易

綠野堂開占物華路人指道令公家令公桃李滿天  
下何用堂前更種花

種花

朱慶餘

憶昔兩京官道上可憐桃李畫陰垂不知誰作巡花  
使空記玄宗遺種時

花栽二首

元稹

買得山花一兩栽離鄉別土易摧墮欲知北客居南  
意看取南花北地來  
南花北地種應難豈同洛中花  
縱使將來眼前

死猶勝拋擲在空欄

花底

杜甫

紫萼扶千蕊黃鬢照萬花忽疑行暮雨何事入朝霞  
恐是潘安縣堪留衛玠車深知好顏色莫作委泥沙  
楚州追制後舍弟在長安縣失囚花下共飲

呂溫

天子收郡印京兆責獄囚狂兄與狂弟不解對花愁

宿杜曲花下

白居易

覓得花千樹攜來酒一壺懶歸兼擬宿未醉豈勞扶  
但惜春將晚寧愁日漸晡藍輿爲臥舍漆盞是行厨

唐詩類苑

卷之二百九十

三十三

斑竹盛茶櫃紅泥罍鉢鑪眼前無所闕身外更何須  
小面琵琶婢蒼頭簾櫳奴從君飽富貴曾作此遊無

洛城東花下作

白居易

記得舊詩章花多數洛陽及逢枝似雪已是鬢成霜  
向後光陰促從前事意忙無因重年少何計駐時芳  
欲送愁離面須傾酒入腸白頭無緒在醉倒亦何妨

杏園花下贈劉郎中

白居易

怪君把酒偏惆悵曾是貞元花下人自別花來多少  
事東風二十四迴春

二月五日花下作

白居易

三月五日夜如雪五十二人頭似霜聞有酒時須  
樂不關身事莫思量義和趁日沈西海鬼伯驅人  
北邙只有且來花下醉從人笑道老顛狂

感花

崔塗

繡軛香轡夜不歸少年曾惜最紅枝東風一陣黃  
雨又到繁華夢竟時

花前有感兼呈崔相公劉郎中

白居易

落花如雪鬢如霜醉把花看益自傷少日爲名多檢  
束長年無興可顛狂四時輪轉春常少百刻支分夜

唐詩類苑

卷之百九十九

三十四

苦長何是同生壬子歲老於崔相及劉郎

題友人山花

方干

藥明方簇盡爲待好風吹不見移來日先愁落去時  
濃香熏疊葉繁榮壓卑枝坐看皆終夕遊蜂自有期

野花

羅鄴

拂露叢開血色殷枉無名字對空山時逢舞蝶尋香  
至少有人輕棹攀若在侯門看不足爲生江岸見  
如閒結根畢竟輸桃李長近都城紫陌間

崔元受少府自貶所還道出臺花以詩答之

劉禹錫

故人博羅尉遺我山薑花採從碧海上來自摘仙家

雲濤潤孤根陰火照晨葩靜搖扶桑日艷對瀛洲霞

世人受苦辛寧願忘幽遐傳名入帝里飛驛辭天涯

王濟本尚味石崇方闕奢堆盤多不識綺席乃增華

驛馬損筋骨貴人滋齒牙顧予藜藿士持此重咨嗟

和錢舍人水植詩

王建

盆裏盛野泉晚鮮幽池好初活草根浮重生荷葉小

多時水馬出盡日蜻蜓遶朝早獨來看冷星沈碧曉

闔閭城北有賣花翁討春之士往往造焉因

招襲美

陸龜蒙

唐詩類苑

卷之百九十九

三十五

故城邊有賣花翁水曲舟輕去盡通千畝芳非爲舊

業一家煙雨是元功閒添藥品年年別笑指生涯樹

樹紅若要見春歸處所不過攜手問東風

魯望以花翁之什見招因次韻謝之

皮日休

九十攜鋤偃僂翁小園幽事盡能通所煙栽藥爲身

計負水澆花是世功婚嫁定期杉葉氣蓋藏應待桂

枝紅不知家道爲多少只在句芒一夜風

題花子贈渭川陳判官

王建

膩如雲母輕如粉艷勝香黃薄勝蟬點綠斜蒿新葉

嫩添紅石竹晚花鮮鴛鴦比翼人初帖蛺蝶重飛揚  
未傳况復蕭郎有情思可憐春日鏡臺前

落花

白居易

留春春不住春歸人寂寞厭風風不定風起花蕭索  
既興風前嘆重命花下酌勸君嘗綠醅教人拾紅萼  
桃飄火燄燄梨墮雪漠漠獨有病眼花春風吹不落

落花

黃滔

落花辭高樹最是愁人處一一旋成泥日暮有風雨  
不如砂上蓬根斷隨長風飄然與道俱無情任西東

落花

僧修睦

唐詩類苑

卷之二百九十

三六

一片又一片等閒苦面紅不能延數日開亦是春風  
公子歌聲歇詩人眼界空遙思故山下經雨兩三叢

南池落花

羊士諤

蟬噪城溝水芙蓉忽已繁紅桃迷越艷芳意過湘沅  
湛露宜清暑披香正滿軒朝朝祇自賞穠李亦何言

和張秀才落花有感

李商隱

晴暖感餘芳紅苞雜絳房落時猶自舞掃後更聞香  
夢罷收羅薦仙歸敕玉箱迴腸九迴後猶有剩迴腸

落花

李商隱

尚閣客竟去小園花亂飛  
參差連曲陌迢遞送斜暉

腸斷未忍掃眼穿仍欲稱芳心向春盡所得是沾衣

落花

李咸用

拾得移時看重思造化功如何飄麗景不似遇春風  
滿地餘香在繁枝一夜空祇應公子見先憶墜樓紅

金谷園落花

李建勳

愁見清明後紛紛蓋地紅惜看難過日自落不因風  
蝶散餘香在鶯啼半樹空堪悲一罇酒從此似西東

風雨看舟前落花戲爲新句

杜甫

江上人家桃李枝春寒細雨出疎籬影遭碧水潛勾

唐詩類苑

卷之二百九十

三七

引風妬紅花却倒吹吹花困懶旁舟揖水光風力俱  
相怯赤憎輕薄遮人懷珍重分明不來接濕久飛遲  
半欲高榮沙惹草細於毛蜜蜂胡蝶生情性一作偷

眼蜻蜓避百勞

落花

韓愈

已分將身着地飛那羞踐蹋損光輝無端又被春風  
誤吹落西家不得歸

和嚴憚秀才落花

杜牧

共惜流年留不得且環流水醉流盃無情紅艷年年  
盛不恨凋零却恨開

落花

李山甫

落拓東風不藉春，吹開吹謝兩何因。  
當時曾見笑筵主，今日自爲行路塵。  
顏色却還天上女，馨香留與世間人。  
明年寒食重相見，零亂江頭又浥塵。

落花

李商隱

惜花無計又花殘，獨遶芳叢不忍看。  
曉來更覺動隨鶯翅落，冷香愁雜燕泥乾。  
綠珠倚檻魂初散，巫峽歸雲夢又闌。  
忍把一樽重命樂，送春招客亦何歡。

歎落花

韋莊

一夜霏微露濕煙，曉來和淚喪嬋娟。  
不隨殘雪埋芳草，盡逐香風上舞筵。  
西子去時遺笑顰，謝娥行處落金鈿。  
飄紅墮白堪惆悵，少別穠華又隔年。

草盡逐香風，上舞筵。西子去時遺笑顰，謝娥行處落金鈿。飄紅墮白堪惆悵，少別穠華又隔年。

惜落花

白居易

夜來風雨急，無復舊花林。  
枝上三分落，園中二寸深。  
日斜啼鳥思春盡，老人心莫怪添。  
盃飲情多酒不禁。

惜落花贈崔二十四

白居易

漠漠紛紛不奈何，狂風急雨兩相和。  
晚來悵望君知否，枝上稀疏地上多。

春晚賦得餘花落

李益

留春春竟去，春去花如此。  
蝶舞遠應稀，鶯飛詎已。

衰紅亂故萼，繁綠扶凋藥。  
自委不勝愁，庭風那更起。

江花落

元稹

日暮嘉陵江水東，梨花萬片逐江風。  
江花何處最腸斷，半落江流半在空。

厭花落

韓偓

厭花落人寂寞，果樹陰成燕翅齊。  
西園水日閒高閣，後堂夾簾愁不卷。  
低頭悶把衣襟撚，忽然事到心中來。  
四肢嬌入茸茸眼，也曾同在華堂宴。  
佯佯攏鬢偷迴首，半醉狂心忍不禁。  
分明一任傍人見，書中却說平生事。  
猶疑未滿情郎意，錦囊封了又重開。  
夜深窻下燒紅紙，紅紙千張言不盡。  
至誠無語傳心印，但得鴛衾枕臂眠也任時光都一瞬。

唐詩類苑卷之二百九十

惜花

李建勳

淡淡西園日又垂，一樽何忍負芳枝。  
莫言風雨長相促，直是清明得幾時。  
心破只愁鶯踐落，眼穿惟怕客來遲。  
年年使我成狂叟，腸斷紅牋幾首詩。

醉中惜花更書與諸從事

李建勳

公退羣芳已是遲，莫因他事更來稀。  
未經旬日唯憂落，算有閒時不合歸。  
春深寒食天恩惠，憂裏裊裊開園吟散雨。  
霏霏高樓鼓絕重門閉，長空迢迢恨解衣。

霏霏高樓鼓絕重門閉，長空迢迢恨解衣。

霏霏高樓鼓絕重門閉，長空迢迢恨解衣。



惜花寄員外

李建勳

朝始一枝開暮復一枝落只恐雨淋漓又見春  
侵晨結駟攜酒徒尋芳踏盡長安衢思量少壯不自  
樂他日白首空歎吁

惜花

張籍

山中春已晚處處見花稀明日來應盡林間宿不歸

惜花

施肩吾

落盡萬株紅無人解繫風今朝芳徑裏惆悵錦機空

和舍弟惜花絕句

時蕃中使回

呂溫

去年無花看今年未看花更聞飄落盡走馬向誰家

唐詩類苑

卷之二百九十

四十一

惜花

任蕃

無語與花別淚看枝上紅明年又相見還恐是愁中

山中惜花

王建

怨看花漸稀罪過酒醒時尋覓風來處驚張夜落時  
遊絲纏故藥宿葉守空枝開取當軒地年年樹底期

惜花

李建勳

白髮今如此紅芳莫更催預愁多日謝翻怕十分開  
點滴無時雨荒涼滿地苔開塔一盃酒惟待故人來

惜花

李山甫

未會春風意開君又落君一年今爛熳幾日便續紛

別豔那堪賞餘香不忍聞鐫前恨無語應得作朝雲

惜花

于鵠

夜來花欲盡始惜兩三枝早起尋稀處開眠記落時  
藥焦蜂自散帶折蝶還移攀着殷勤別明年更有期

惜小園花

白居易

曉來紅萼凋零盡但見空枝四五株前日狂風昨夜  
雨殘芳更合得存無

惜花

方干

可憐妍艷正當時剛被征風一夜吹今日流鶯來舊  
處百般言語帶空枝

唐詩類苑

卷之二百九十

四十二

百花行

劉禹錫

長安百花時風景宜輕薄無人不沽酒何處不聞樂  
長客連夜動微雨凌晨濯紅燄出牆頭雪光映樓角  
繁紫映松竹遠黃繞離落臨路不勝悲輕飛去何託  
滿庭蕩魂魄照廡成丹渥爛熳簇顛狂飄零勸行樂  
時節易晚晚清陰覆池閣唯有安石榴當軒慰寂寞

高花

李商隱

花將人共笑籬外露繁枝宋玉臨江宅墻低不礙窺

除蘇州刺史別洛陽城東花

白居易

亂雪千花落新絲兩鬢生老除吳郡守春別洛陽城  
江上今重去城東更一行別花何用伴勸酒有殘鶯

劉家花

白居易

劉家牆上花還發李十門前草又春處處傷心心始  
悟多情不及少情人

和樂天劉家花

元稹

閒坊靜曲同消日淚草傷花不爲春遍問舊交零落  
盡十人纔有兩三人

元家花

白居易

今日元家宅櫻桃發幾枝稀稠與顏色一似去年時  
唐詩類苑卷之二百九十

失却東園主春風可得知

僧院花

白居易

欲悟色空爲佛事故栽芳樹在僧家細看便是華嚴  
偈方便風開智慧花

月臨花

元稹

凌風颯颯花透影朧朧月巫峽隔波雲姑峰漏霞雪  
鏡勻嬌面粉燈泛高籠纈夜久清露多啼珠墜還結

賦得雨後花

元稹

紅芳憐靜色潯水雨相宜餘滴下纖縈殘珠墜細枝  
浣花江上思啼粉鏡中

和雨中花

白居易

眞宰倒持生殺柄閒物命長人短命松枝上鶴蒼  
龜千年不死仍無病人生不得似龜鶴少去老來同  
旦暝何異花開旦暝間未落仍遭風雨橫草得經年  
榮連月唯花不與多時節一年三百六十日花能供  
得幾攀折桃李無言難自訴黃鶯解語憑君說鶯雖  
爲說不分明葉底枝頭謾饒舌

風折花枝

韓愈

浮艷侵天難就看清香撲地只遙聞春風也是多情  
思故揀繁枝折贈君

唐詩類苑卷之二百九十

晚春花

項斯

陰洞日光薄花開不及時當春無半樹經燒足空枝  
踈與香風會細將泉影移此中人到少開盡幾人知

村花晚

元稹

三春已暮桃李傷棠梨花白蔓菁黃村中女兒爭摘  
將挿刺頭鬢相誇張田翁蠶老迷臭香曬暴敵敵熏  
衣裳非無後秀與孤芳奈爾千株萬頃之茫茫天公  
此意何可量長教爾輩時節長

買花語

劉言史

杜陵村人不田塲入谷經谿復綠壁每至南山草木

春卽向侯家取金碧幽豔凝花春景曙採夫移得將  
何處蝶惜芳叢送下山尋斷孤香始回去豪少居連  
鵲鵲東千金使買一株紅院多花少栽未得零落綠  
娥纖指中咸陽親戚長安里無限將金買花子澆紅  
濕綠千萬家青絲玉轡聲啞啞

廢宅花

朱慶餘

數樹荒庭上芬芳映綠苔自緣逢暖發不是爲人開  
色艷鶯猶在香銷蝶已回相從無勝事誰向此傾盃

岸花

張籍

可憐岸邊樹紅藥發青條東風吹渡水衝着木蘭桡

唐詩類苑

卷之二百九十

四四

亞枝紅

白居易

山郵花木似平陽愁殺多情驄馬郎還是昇平池畔  
坐低頭向水自看粧

花前數

白居易

前歲花前五十二今年花前五十五歲課年功頭髮  
知從霜成雪君看取幾人得老莫自嫌樊李吳韋盡  
成土南州桃李北州梅且喜年年作花主花前置酒  
誰相勸容坐唱歌滿起舞容滿皆妓名欲散重拈花細看  
爭知明日無風雨

歎花

杜牧

自恨尋芳到已遲往年曾見未開時如今風擺花狼  
籍綠葉成陰子滿枝

哭花

韓偓

曾愁香結破顏遲今見妖紅委地時若是有情爭不  
哭夜來風雨葬西施

夏花明

韋應物

夏條綠已密朱萼綴明鮮炎炎日正午灼灼火俱然  
翻風適自亂照水復成妍歸視窻間字熒煌滿眼前

唐詩類苑

卷之二百九十

四五

唐詩類苑卷第一百九十一

明雲間張之象玄超甫纂輯

雲間張嗣功次甫甫編次

雲間王 徹叔朗甫補訂

梁谿曹仁孫伯安甫校正

草部

紅苴

詠紅苴

王維

紅苴生南國秋來發幾枝贈君多採擷此物最相忌

苴

唐詩類苑

卷之二百九十一

種苴苴 并序

杜甫

、既雨已秋堂下理小畦隔種一兩席許苴苴向二  
旬矣而苴不甲坼獨野苴青青傷時君子或晚得  
微祿輒軻不進因作此詩

陰陽一錯亂驕蹇不復理枯旱於其中炎方慘如燬  
植物半蹉跎嘉生將已矣雲雷歛奔命師伯集所使  
指揮赤白日瀕洞清光起雨聲先已風散足盡西靡  
山泉落滄江霹靂猶在耳終朝紆颯沓信宿罷滿灑  
堂下可以畦呼童對經始苴苴之常隨事藝其子  
破塊數席間荷鋤功易止兩旬不甲坼空惜埋泥滓

野苴迷汝來宗生實於此此輩豈無秋亦蒙寒露委  
翻然出地速滋蔓戶庭毀因知邪干正掩抑至沒齒  
賢良雖得祿守道不封已壅塞敗蘭芝衆多盛荆杞  
中園陷蕭艾老圃永爲耻登於白玉盤藉以如霞綺  
苴也無所施胡顏入筐篚

菜

園官送菜 并序

杜甫

、園官送菜把本數目闕矧苦苴馬齒掩平嘉蔬傷  
小人妬害君子菜不足道矣比而作詩

清晨蒙菜把常荷地主恩守者愆實數畧有其名存

唐詩類苑

卷之二百九十一

二

苦苴刺如針馬齒葉亦繁青青嘉蔬色埋沒在中園  
園吏未足怪世事固堪論嗚呼戰伐久荆棘暗長原  
乃知苦苴輩傾奪蕙草根小人塞道路爲態何喧喧  
又如馬齒盛氣擁葵荏昏點染不易虞絲麻雜羅紈  
一經器物內永挂羸刺痕志士採紫芝放譌避戎軒  
畦丁負籠至感動百慮端

同群公題張處士菜園

高適

畊地桑柘間地肥菜常熟爲問葵藿資何如廟堂肉

詠薺菜

高力士

時謫承州山多薺不食因感之作詩寄意

兩京作斤賣五溪無人採夷夏雖有殊氣味都不改

廢畦

杜甫

秋蔬擁霜露豈敢惜凋殘暮景數枝葉天風吹汝寒  
綠沾泥滓盡香與歲時闌生意春如昨悲君白玉盤

薤

秋日阮隱君致薤三十束 杜甫

隱者柴門內畦蔬繞舍秋盈筐承露薤不待致書來  
束比青芻色圓齊玉筍頭衰年關鬲冷味煖併無憂

石芥

藍上採石芥寄前李明府 錢起

唐詩類苑

卷之二百九十一

三

淵明遺愛處山芥綠芳初翫此春陰色猶滋夜雨餘  
隔溪煙葉小覆石雪花舒采采還相贈瑤華信不如

笋

食笋

白居易

此州乃竹鄉春笋滿山谷山夫折盈抱抱來早市鬻  
物以多爲賤雙錢易一束置之炊甑中與飯同時熟  
紫攴拆故錦素肌擘新玉每日遂加食經時不思肉  
久爲京洛客此味常不足且食勿踟躕南風吹作竹

和侯協律詠笋

韓愈

竹亭人不到新笋滿前軒乍出眞堪賞初多未覺煩

成行齊婢僕環立比兒孫驗長常攜尺愁乾屢側立

對吟忘膳飲偶坐變朝昏滯雨膏腴溼驕陽氣候溫

得時方張王去聲挾勢欲騰鶩見角牛羊沒看皮虎豹

存攢生猶有隙散布忽無垠詎可持籌筭誰能以理

言縱橫公占地羅列暗連根狂劇時穿壁群強幾觸

藩深潛如避逐遠去苦追奔始訝妨人路還驚入藥

園萌芽防寢大覆載莫偏恩已復侵危砌非徒出

垣身寧虞瓦礫計擬掄蘭蓀且歎高無數庸知上幾

番短長終不較先後竟誰論外恨苞藏密中仍節目

繁暫須迴步履要取助盤飧穰穰疑翻地森森競塞

唐詩類苑

卷之二百九十一

四

門戈矛頭戢戢虵虺首掀掀婦孺咨料揀兒癡謁盡  
髡侯生來慰我詩句讀驚魂屬和才將竭呻吟至日

嗽

雙笋歌送李回兼呈劉四 李頎

並抽新笋色漸綠迥出空林雙碧玉春風解籜雨潤  
根一枝半葉青露痕爲君當面拂雲日孤生四遠何  
足論再三抱此悵爲別蒿洛故人與之說

昌谷北園新笋四首

李賀

籜落長竿削玉開君看母笋是龍媒一作更容一夜  
抽千尺別却池園數寸泥

斫取青光寫楚辭，膩香春粉黑離離。無情有恨何人見，露壓煙啼千萬枝。

家泉石眼兩三莖，曉看陰根紫陌生。今年水曲春沙上，笛管新篁拔玉青。

古竹老梢惹碧雲，茂陵歸臥歎清貧。風吹千畝迎雨，嘯鳥重一枝入酒樽。

初食笋呈座中

李商隱

嫩箨香苞初出林，於陵論價重如金。皇都陸海應無數，忍剪凌雲一寸心。

聞開元寺開筍園寄章上人

唐詩類苑

卷之一百九十一

五

皮日休

園鎖開聲駭鹿群，滿林鮮箨水犀文。森森競注林梢雨，嚙嚙爭穿石上雲。並出亦如鵝管，合各生還似犬牙。分折煙束露如相遺，何胤明朝不如葷。

奉和皮襲美聞開元寺開筍園寄章上人

陸龜蒙

春龍爭地養檀欒，況是山林雨後看。迸出似毫當垓，塼孤生如恨倚欄杆。凌虛勢欲齊金刹，折贈光宜照玉盤。更待錦苞零落後，粉環高下搗煙寒。

瓜

咏瓜

李嶠

欲識東陵味，青門五色瓜。龍蹄遠珠履，女臂動金花。六子方呈瑞，三仙實可嘉。終朝奉絺綌，謁帝佇非賒。

黃臺瓜辭

章懷太子

武后生四子，長曰孝敬皇帝弘。為太子監國而仁明，孝悌武后方圖臨朝，乃殺孝敬，立雍王賢為太子。賢日懷憂惕，知必不保全，無由敢言，乃作黃臺瓜辭，命樂工歌之。冀武后聞之，感悟後終為武后所逐，死於黔中。

種瓜黃臺下，瓜熟子離離。一摘使瓜好，再摘令瓜稀。

唐詩類苑

卷之一百九十一

六

三摘猶自可，摘絕抱蔓歸。

寄姚司馬

張說

共君春種瓜，本期清夏暑。瓜成人已去，失望將誰語。裊露摘香園，感味懷心許。偶逢西風便，因之寄鄂渚。

園人送瓜

杜甫

江間雖炎瘴，瓜熟亦不早。柏公鎮夔國，滯務茲一掃。食新先戰士，共少及溪老。傾筐蒲鵠青，滿眼顏色好。竹竿接嵌竇，引注來鳥道。沈浮亂水玉，愛惜如芝草。落刃嚼冰霜，開懷慰枯槁。許以秋蒂除，仍看小童抱。東陵跡無絕，楚漢休征討。園人非故侯，種此何草草。

種瓜

韋應物

率性方鹵莽理生尤自疎今年學種瓜園圃多荒蕪  
衆草同雨露新苗獨夥如直以春窘迫過時不得鋤  
田家笑枉費日夕轉空虛信非吾儕事且讀古人書

與老圃期種瓜

孟浩然

樵牧南山近林閭北郭賒先人留素業老圃作隣家  
不種千株橘惟資五色瓜邵平能就我開逕剪蓬麻  
家園瓜熟是故蕭相公所遺瓜種淒然感舊

因賦此詩

劉長卿

車去人亡跡自留黃花綠蒂不勝愁誰能更向青門  
舊詩類苑 卷之二百九十一 七

除架

杜甫

東籬已零落瓠葉轉蕭疎幸結白花了寧辭青蔓除  
秋蟲聲不去暮雀意何如寒事今年落人生亦有初

枸杞

井上枸杞架

孟郊

深鎖銀泉甃高葉架雲空不與凡木並自將仙蓋同  
影疎千點月聲細萬條風迷子鄰溝外飄香客位中  
花盃承此飲椿歲小無窮  
和郭使君題枸杞 白居易

山陽太守政嚴明吏靜人安無犬驚不知靈藥根成  
狗怪得時聞吠夜聲

恒春草

方進士恒春草

梁鐙

東吳有靈草生彼剡谿傍旣亂莓苔色仍連菡萏香  
掇之稱遠士持以奉明王北闕顏彌駐南山壽更長  
金膏徒騁妙石髓莫矜良倘使沾涓滴還遊不死方

菖蒲

嵩山採菖蒲者

李白

神人多古貌雙耳下垂肩嵩嶽逢漢武疑是九疑仙  
舊詩類苑 卷之二百九十一 八

我來採菖蒲服食可延年言終忽不見滅影入雲煙  
喻帝竟莫悟終歸茂陵田

仙靈嘔

種仙靈嘔

柳宗元

窮巷關自養癘氣劇囂煩隆冬乏霜霰日夕南風溫  
杖藜下庭際曳踵不及門門有野田吏慰我飄零魂  
及言有靈藥近在湘西原服之不盈旬雙眸皆騰騫  
笑扑前郎吏爲我摧其根蔚蔚遂充庭英翹忽已繁  
晨起自採曝杵臼通夜喧靈和理內藏攻疾貴自源  
擁覆逃積霧伸舒委餘暄奇功苟可徵寧復資蘭蓀



我聞畸人術一氣中夜存能令深深息呼吸還歸跟  
踈放固難効且以藥餌論痿者不忘起窮者寧復言  
神哉輔吾足幸及兒女奔

蒲

魯東門觀刈蒲

李白

魯國寒事早初霜刈渚蒲揮鎌若轉月拂水生連珠  
此草最可珍何必貴龍鬚織作玉牀席欣承清夜娛  
羅衣能再拂不畏素塵蕪

青青水中蒲三首

韓愈

青青水中蒲下有一雙魚君今上隴去我在與誰居

唐詩類苑

卷之二百九十一

九

二

青青水中蒲長在水中居寄語浮萍草相隨我不如

三

青青水中蒲葉短不出水婦人不下堂行子在萬里

木

種木

柳宗元

守閒事服餌採木東山阿東山幽且阻疲苾煩經過  
戒徒斲靈根封植閼天和違爾澗底石徹我庭中莎  
土膏滋玄液松露墜繁柯南東自成畝繚繞紛相羅  
晨步佳色媚夜眠幽氣多離憂苟可怡孰能知其多

樊竹茹芳葉寧慮療與瘥留連樹蕙辭婉婉采薇歌  
悟拙甘自足激清愧同波單豹且理內高門復如何

白蘘荷

種白蘘荷

柳宗元

血蟲化為癘夷俗多所神銜猜每腊毒謀富不爲仁  
蔬蕖自遠至盃酒盈肆陳言甘中必苦何用知其真  
華潔事外飾尤病中州人錢刀恐賈害饑至益遼巡  
寘伏常戰慄懷故逾悲辛庶民有嘉草攻禱事久泯  
炎帝垂靈編言此殊足珍崎嶇乃有得託以全予身  
紛敷碧樹陰眇眇心所親

唐詩類苑

卷之二百九十一

十

訶梨勒

抱疾謝李吏部贈訶梨勒葉

包佺

一葉生西徼齋來上海查歲時經水府根本別天涯  
方士眞難見商胡輒自誇此香同異域看色勝仙家  
茗飲暫調氣梧丸喜伐邪幸蒙祛老疾深願駐韶華

黃精

餌黃精

韋應物

靈藥出西川服食採其根九蒸換凡骨經著上世言  
候火起中夜馨香滿南軒君感衆靈藥術啓妙門

自懷物外心豈與俗士論終期脫印綬永與天壤

地黃

采地黃者

白居易

麥死春不雨禾損秋早霜歲晏無口食田中采地黃  
采之將何用持以易餼糧凌晨荷鋤去薄暮不盈筐  
攜來朱門家賣與白面郎與君啖肥馬可使照地光  
願易馬殘粟救此苦饑腸

白頭翁

見野草中有曰白頭翁者 李白

醉入田家去行歌荒野中如何青草裏亦有白頭翁

唐詩類苑

卷之二百九十一

十二

明鏡宛將衰鬢同微芳似相銷留恨向東風

蒼耳草

驅豎子摘蒼耳

杜甫

江上秋已分林中瘴猶劇畦丁告勞苦無以供日夕  
蓬莠猶不焦野蔬暗泉石蒼耳况療風童兒且時摘  
侵星驅之去爛熳任遠適放筐亭午際洗剝相蒙熏  
登牀半生熟下筯還小益加點瓜薤間依稀橘奴跡  
亂世誅求急黎民糠粃窄飽食復何心荒我膏粱客  
富家厨肉臭賊地骸骨白寄語惡少年黃金且休擲  
尋范居士失道落蒼耳中 李白

見人部尋訪

車前子

答開州韋使君寄車前子 張籍

開州午日車前子作藥人皆道有神慙愧使君憐病  
眼三千餘里寄閒人

紫參

紫參歌 并序

錢起

紫參幽芳也五葩連萼狀飛禽羽舉俗名之五鳥  
花起故山道人蘭若尤豐此藥校書劉公詠歌之  
俾予繼組

唐詩類苑

卷之二百九十一

十二

遠公林下滿青苔春藥偏宜間石開往往幽人尋水  
見時時仙蝶隔雲來陰陽雕刻花如鳥對鳳連鷄一  
何小春風宛轉虎溪傍紫翼紅翹翻霽光貝葉經前  
無住色蓮花會裏暫留香蓬山才子憐幽性白雪陽  
春動新詠應知仙卉老煙霞莫賞天桃滿蹊徑

人參

以人參遺成式

周繇

人形上品傳方志我得眞英自紫團慙非叔子空持  
藥更請伯言審細看

求人參

段成式

少賦令才猶強作衆醫多失不能呼九莖仙草  
得五葉靈根許惠無

友人以人參見惠因以詩謝之

皮日休

神草延年出道家是誰披露記三桎開時的定涵雲  
液斲後還應帶石花名士寄來消酒渴野人煎處撇  
泉華從今湯劑如相續不用金山焙上茶

奉和皮襲美謝友人惠人參

陸龜蒙

五葉初成假樹陰紫團峰外卽鷄林名參鬼蓋須難

唐詩類苑卷之二百九十一

十二

見和何人形不可尋品第已聞升碧簡攜持應合重  
黃金殷勤潤取相如肺封禪書成動帝心

茱萸

山茱萸

王維

朱實山下開清香寒更發幸有叢桂花牕前向秋月

兔絲

兔絲

元稹

人生莫依倚依倚事不成君看兔絲蔓依倚榛與荆  
荆榛易蒙密百鳥撩亂鳴下有狐兔穴奔走亦縱橫  
樵童破將去柔蔓與之并醫蒼生可耻束縛死無名

桂樹月中出珊瑚石上生俊鶻度海食應龍升天行  
靈物本特達不復相纏縈纏縈竟何者荆棘與飛莖

葛

黃葛篇

李白

黃葛生洛溪黃花自綿羃青煙蔓長條縈繞幾百尺  
閨人費素手採緝作絺綌縫爲絕國衣遠寄日南客  
蒼梧大火落暑服莫輕擲此物雖過時是妾手中跡

和李尹種葛

戎昱

弱質人皆棄唯君手自栽羃含霜後竹香惹臘前梅  
擬托凌雲勢須憑接引材綠陰如可惜黃鳥定飛來

唐詩類苑

卷之二百九十一

古

羅浮山父與葛篇

李賀

依依宜織江雨空中六月蘭臺風博羅老僊時出  
洞千歲石牀啼鬼工虵毒濃凝洞堂濕江魚不食銜  
沙立欲剪箱中一尺天吳娥莫道吳刀澀

蘆

蘆花

羅鄴

如練如霜乾復輕西風處處拂江城長垂釣叟看不  
足暫泊王孫愁亦生好傍翠樓裝月色狂隨紅葉舞  
秋聲最宜群鷺斜陽裏閒捕纖鱗傍爾行

蘆花動

耿漳

連素穗翻秋氣細節踈莖任長吹共作月中聲  
發鄉思

出關宿盤豆館對叢蘆有感

李商隱

蘆葉稍稍夏景深郵亭暫欲灑塵襟昔年曾是江南客  
此日初爲關外心思子臺邊風自急玉娘湖上月應沈  
清聲不遠行人去一世荒城伴夜砧

葦

叢葦

張翥

叢叢寒水邊曾折打魚船忽與亭臺近翻嫌島嶼偏  
唐詩類苑卷之百九十一

花明無月夜聲急正秋天遙憶巴陵渡殘陽一望煙  
樓

枯樓

杜甫

蜀門多樓欄高者十八九其皮剝剝甚雖衆亦易朽  
徒布如雲葉青青歲寒後交橫集斧斤凋喪先蒲柳  
傷時苦軍乏一物官盡取嗟爾江漢人生成復何有  
有同枯樓木使我深歎久死者卽已休生者何自守  
啾啾黃雀啁側見寒蓬走念爾形影乾摧殘沒藜莠

海棕行

杜甫

左綿公館清江濱海棕一株高如雲龍鱗犀甲相錯

落蒼稜白皮十抱文自是衆木亂紛紛海棕焉知身  
出群移栽北辰不可得時有西域胡僧識

茅

咏茅

李嶠

楚甸供王日衡陽入貢年麇包青野外鷗笑綺楹前  
堯舜成災罷殷湯祭雨旋方期大君錫不懼小巫捐  
兼葭

兼葭

杜甫

摧折不自守秋風吹若何暫時花帶雪幾處葉沈波  
體弱春苗早叢長夜露多江湖後搖落亦恐歲蹉跎  
唐詩類苑卷之百九十一

送梁補闕歸朝賦得荻花

朱長文

柳河州孟冬月雲寒水清荻花發一枝持贈朝天  
人願比蓬萊殿前雪

苔

同舍弟信班韋二員外對秋苔成詠

包何

每看苔蘚色如何簿書閒幽思經芳樹高情寄遠山  
雨痕連地日映出林班却要與公賦臨危滑石閑

與僧法振同賦應門照綠苔

李益

宮上何年月應門何歲苔清光一似照白露共徘徊  
珠履久行絕玉房重未開妾心正如此昭陽歌吹來

苔

李咸用

幾年風雨跡疊在石屏顏生處景長靜看來情儘閒  
吟亭侵壞壁藥院掩空關每憶東行徑移筇獨自還

苔錢

鄭谷

春紅秋紫繞池臺箇箇圓如濟世財雨後無端滿窮  
巷買花不得買愁來

唐詩類苑

卷之二百九十一

十七

萍

咏萍

李嶠

二月虹初見三春蟻正浮青蘋含吹轉紫蒂帶波流  
屢逐明神薦常隨旅客遊既能甜似蜜還遠楚王舟

感遇

梁德裕

幽澗生蕙若幽渚老江蘼榮落人不見芳香徒爾爲  
不及綠萍草生君紅蓮池左右美人弄朝夕春風吹  
葉洗玉泉水珠清湛露滋心亦願如此託君君不知

蓼

蓼花

鄭谷

簇簇復悠悠年年拂漫流差池伴黃菊冷澹過清秋

晚帶鳴蟲急寒藏宿鷺愁故溪歸不得憑仗繫漁舟

芭蕉

芭蕉

杜牧

芭蕉爲雨移故向窻前種憐渠點滴聲留得歸鄉夢  
夢遠莫歸鄉覺來一翻動

芭蕉

路德延

一種靈苗異天然體性虛葉如斜界紙心似倒抽書

未展芭蕉

錢翊

冷燭無煙綠臘乾芳心猶卷怯春寒一緘書劄藏何  
事會被東風暗折看

唐詩類苑

卷之二百九十一

十八

紅蕉

柳宗元

晚英值窮節綠潤含朱光以茲正陽色窈窕凌清霜  
遠物世所重旅人心所傷迴暉眺林際戚戚無遺芳

藤

咏藤

李嶠

吐葉依松磴舒苗長石苔神農嘗藥罷質子寄書來  
色映葡萄架花分竹葉杯金堤不見識玉潤幾重開

架簷藤

儲光義

得從軒墀下如勝松柏林生枝逐架遠吐葉向門深

何許蒼君子簷間朝暝陰

和題藤架

獨孤及

尊尊葉成幄  
瓊瓊花落架  
花前離心苦  
愁至無日夜  
人去藤花千里強  
藤花無主爲誰芳  
相思歷亂何由盡  
春日迢迢如線長

紫藤

白居易

藤花紫蒙茸  
藤葉青扶疎  
誰謂好顏色  
而爲害有餘  
下如蛇屈盤  
上若繩索紆  
可憐中間樹  
束縛成枯株  
柔蔓不自勝  
婀娜挂空虛  
豈知纏樹木  
千夫力不如  
先柔後爲害  
有似諛佞徒  
附着君權勢  
君迷不肯誅

唐詩類苑

卷之二百九十一

十九

挂樹藤

曹冠卿

本爲獨立難  
寄彼高樹枝  
蔓衍數條遠  
溟濛千朵垂  
向日助成陰  
當風藉持危  
誰言柔可屈  
坐見蟠蛟螭

紫藤樹

李白

紫藤挂雲木  
花蔓宜限春  
密葉

欲鳥香風留美人

愛敬寺古藤歌

李頎

古藤池水盤  
樹根左攫右拏龍

橫空直上相凌

尖丰茸離纏若無骨  
風雷霹靂連黑枝  
人言其下妖魘空  
庭落葉乍開合  
十月苦寒常倒垂  
憶昨花滿空殿密  
葉吹香飯僧遍  
南階雙桐一百尺  
相與年年老霜霰

石上藤

岑參

石上生孤藤  
弱蔓依石長  
不逢高枝引  
未得凌空上  
何處堪託身  
爲君長萬丈

莎

移莎

唐彥謙

移從杜城曲  
置在小齋東  
正是高秋裏  
仍兼細雨中

唐詩類苑

卷之二百九十一

二十

結根方迸竹  
疎陰說高桐  
冉冉齊芳草  
飄飄笑斷蓬  
片時留靜者  
一夜響鳴蛩  
野露通宵滴  
溪煙盡日蒙  
試才卑庾薤  
求味笑周松  
只此霜裁好  
他時贈伯翁

蓬

建德破後入長安詠秋蓬示辛學士

王績

遇坎聊知止  
逢風忽未歸  
孤根何處斷  
輕葉強能飛

荅王績詠秋蓬見示

辛學士

託根雖異所  
飄葉早相依  
因風若有便  
更共入雲飛

蓼

賦得數賞

元稹

將課司天曆先觀近砌賞一旬開應月五日數從星  
桂滿叢初合蟾虧影漸零辨時長有素數閏或餘青  
墜葉推前事新芽察未形堯年始今歲方欲瑞千齡

瓦松

尚書都堂瓦松

李華

華省秘仙 高堂露瓦松葉因春後長花爲雨來濃  
影混鴛鴦色光含翡翠容天然斯所寄地勢太無從  
接棟臨雙闕連薨近九重寧知深澗底霜雪歲兼封  
垣衣

唐詩類苑

卷之二百九十一

三十一

賦得垣衣

李得

泫泫復霏霏爲君垣上衣昭陽輦下草應笑此生非  
拈謁青春去蒼茫白露稀猶勝萍逐水流浪不相依  
菊

賦得生芻一束

于結

比玉人應重爲芻物自輕向風傾弱葉暮露示纖莖  
蒨練宜春景芊綿對雨情每慙蘋藻用多謝蒞蘭榮  
孺子才雖遜公孫策未行諮詢一作訓如不棄終冀及  
微生

賦得生芻一束

鄭孺華

孫弘期射策長倩贈生芻至潔心將比志憂道不孤  
芝蘭方入室蕭艾莫同途馥馥香猶在青青色更殊  
芳寧九春歇薰豈十年無葑菲如堪采山苗自可逾

雜草

冬日見牧牛人擔青草歸 張說

塞上綿應折江南草可結欲持梅嶺花遠競榆關雪  
日月無他照山川何頓別苟齊兩地心天地將何說  
樹中草

李白

鳥銜野田草誤入枯桑裏客土驚危根逢春猶不死  
草木雖無情因依尚可生如何同枝葉各自有枯榮  
唐詩類苑

卷之二百九十一

三十一

除草

杜甫

草有害於人曾何生阻脩其毒甚蜂蠆其多彌道周  
清晨步前林江色未散憂芒刺在我眼焉能待高秋  
雪霜一沾凝蕙葉亦難留荷鋤先童稚日入仍討求  
轉致水中央豈無雙釣舟頑根易滋蔓敢使依舊丘  
自茲藩籬曠更覺松竹幽芟夷不可闕疾惡信如讐

凡草誠

蘇拯

野草凡不凡亦應生和出鉏夫耘藥欄根不留其一  
良由本無穢着地成棄物人生行不修何門可容膝  
不唯不爾容得無凡草嫉賢愚偃仰間鑒之宜日日



長信草

崔國輔

長信宮中草年年愁處生時侵珠履跡不使玉階行

庭草

曹鄴

庭草根自淺造化無遺功低回一寸心不敢怨春風

春草

曹松

不獨滿池塘夢中佳句香春風有餘力引上古城墻

庭草

杜甫

楚草經寒碧庭春入眼濃舊低收葉舉新掩捲茅重步履宜輕過開筵得屢供看花隨節序不敢強爲容

芳草

僧可朋

唐詩類苑

卷之二百九十一

三

綿綿芳草綠何處動深思金谷人亡後沙場日暖時

龍鱗藏有瑞風雨灑無私欲採蘭兼蕙清香可贈誰

路傍草

于鄴

春至始青青香車碾已平不知山下處來遠路傍生每歲有人在何時無馬行應隨塵與土吹滿洛陽城

賦得池塘生春草

陳陶

謝公遺詠處池水夾通津古往人何在年來草自春色宜波際綠香異雨中新今日青青意空悲行路人

賦得古原草送別

白居易

離離原上草一歲一枯榮野火燒不盡春風吹又生

送芳侵古道晴翠接荒城又送王孫去萋萋滿別情

光化戊午年舉公見示省試春草碧色詩偶

賦是題

鄭谷

萋弘血染新含露滿江濱想得尋花徑應迷拾翠人

窻紗迎擁砌簪玉妬成茵天借新晴色雲饒落日春

賦得御園芳草

陸贄

陰陰御園裏瑤草日光長藿靡含煙霧依稀帶夕陽

雨餘更密風暖蕙初香擁妓綠馳道乘輿入建章

唐詩類苑

卷之二百九十一

三

賦得龍池春草

陳翊

青春光鳳苑細草遍龍池曲渚交蘋葉迴塘惹柳枝

因風初冉冉覆岸欲離離色帶金堤靜陰連玉樹移

賦得龍池春草

宋迪

鳳闕韶光遍龍池草色勻煙波全讓綠堤柳不爭新

翻葉迎紅日飄香借白蘋幽姿偏占暮芳意欲留春

賦得龍池春草

萬侯造

暖積龍池綠晴連御苑春迎風草未偃裏露色猶新

冉冉分階砌離離雜行蘋細叢依遠渚疎影落輕淪  
遲引繁花蝶偏宜拾翠人那憐獻賦者惆悵惜茲辰

禮闈試階前春草生

河畔雖同色南宮淑景先微開曳履處常對講經前  
得地風塵隔依林雨露偏已逢霜候改初寄日華妍  
影與叢蘭雜榮將衆卉連哲人如不難生意在芳年

省試春草碧色

殷文珪

細草含愁碧玉綿南浦瀟瀟如恨別萋萋共傷春  
疎雨煙華潤斜陽細彩勻花黏繁關錦人藉軟勝茵  
淺映宮池水輕遮輦路塵杜回如可結誓作報恩身

唐詩類苑

卷之二百九十一

王

省試春草碧色

王 徽

習習東風扇萋萋草色新淺深千里碧高下一時春  
嫩葉舒煙際微香動水濱金塘明夕照輦路惹芳塵  
造化功何廣陽和力自均今當發生日瀝懇祝良辰

江草歌送盧判官

皇甫冉

江皋芳春早江上芳草雜靡蕪芳杜蘅作叢秀芳  
欲羅生彼遙隱隱芳經長衍雨中深芳煙中淺目渺  
渺兮增愁步遲遲兮堪牽漚之浦湘之濱思夫君兮  
送美人吳洲曲芳楚鄉路遠孤城芳依獨戍新月能  
分裛露時夕陽照見連天處問君行邁將何之淹泊

汾洞風日遲處處汀洲有芳草王孫詎肯念歸

瑶草春 并序

顧 况

隴西李迅者納別宅監奴出迅不喜欲訪故人  
刺史強而配焉既歸而不合監奴投井而死因作  
瑶草歌以悲之

瑶草春春容與江南艷歌京西舞執心輕子都信節  
冠秋胡議以腰支嫁時論自有夫蟬聲蛾眉明井底  
燕裾趙袂紫輓轆李生聞之淚如綆不忍回頭看此  
井月中桂樹落一枝地上鷄鵲喚孤影露桃穠李自  
成蹊流水終天不向西翠帳綠窻寒寂寂錦茵羅薦

唐詩類苑

卷之二百九十一

王

春草 并序

顧 况

春草不解行隨人上東城正月二月色綿綿千里萬  
里傷人情

江邊草

白居易

聞君澤畔傷春草憶在天門街裏時漠漠淒淒愁滿  
眼就中惆悵是江離

曲江春草

鄭 谷

花落江堤簇曉煙雨餘草色遠相連香輪莫輾青  
破留與遊人一醉眠

芳草

羅 鄴

曲江岸上天街裏雨地縱生車馬多不似萋萋南浦  
見晚來煙雨半相和

芳草

羅 鄴

廢苑牆南殘雨中似袍顏色正蒙茸微香暗惹遊人  
步遠綠纔分闕雉蹤三楚渡頭長恨見五侯門外却  
難逢年年縱有春風便馬跡車輪一萬重

芳草

黃 滔

澤國多芳草年年長自春應從屈平後更苦不歸人

雜藥

唐詩類苑

卷之一百九十一

三七

藥草

蘇 拯

天子卹疲瘵坤靈奉其職年年濟世功貴賤相兼植  
因產衆草中所希採者識一枝當若神千金亦何直  
生草不生藥無以彰土德生藥不生草無以彰奇特  
國中在臣賢民患憑藥力靈草猶如此賢人豈多得

藥名聯句

陸龜蒙

爲待防風餅須添意苴杯張香燃柏子後蹲泛菊花  
來日石耳泉能洗垣衣雨爲栽葉從容犀局靜斷續  
玉琴哀貞白芷寒猶採青柏醉尚開休馬銜衰草臥  
鳥啄蠹根迴葉雨過蘭芳好霜多桂末摧貴朱兒應

作粉雲母詎成灰日藝可屠龍膽家曾近鷺胎葉牆  
高牽薜荔障軟撼玫瑰貴鷗鼠帝書戶蝸牛上硯臺  
休誰能將藥本封與玉泉水葉

唐詩類苑

卷之一百九十一

三八

唐詩類苑卷第一百九十二

明雲間張之象玄超甫纂輯

雲間張嗣功次甫甫編次

雲間王徽叔朗甫補訂

梁谿曹仁孫伯安甫校正

果部

梅

詠早梅

孟浩然

園中有早梅年例犯寒開少婦曾攀折將歸掃鏡臺  
猶言看不足更欲剪刀裁

唐詩類苑

卷之百九十二

早梅

柳宗元

早梅發高樹迥映楚天碧朔吹飄夜香繁霜滋曉白  
欲爲萬里贈香杳山水隔寒英坐銷落何用慰遠客

寄早梅

陸開

折花逢驛使寄與隴頭人江南無所有聊贈一枝春

寒舍早梅

張謂

堦下雙梅樹春來不成時晚花未落陰處葉

難生摘子妨人到攀枝畏鳥驚風光先占得桃李笑

相輕

早梅

朱慶餘

天然根性異萬物盡難陪自古承春早嚴冬闕雪  
豔寒宜雨露香冷隔塵埃堪把依松竹良塗一處栽

早梅

僧齊己

萬木凍欲折孤根暖獨回前村深雪裏昨夜一枝開  
風送幽香出禽窺素艷來明年如應律先發映春臺

東渡早梅一樹歲華如雪酬賞成詠

羊士諤

暇日留事

期雲亦

開鄉心持歲酒津下賞山梅

晚實和商鼎濃香拂壽杯唯應招北客日日踏青來

聞薛先輩陪大夫看早梅因寄

唐詩類苑

卷之百九十二

許渾

澗梅寒正發莫信笛中吹素艷雪凝樹清香風滿枝  
折驚山鳥散攜任野蜂隨今日從公醉何人倒接離

華林園早梅

鄭述誠

曉日東樓路林端見早梅獨凌寒氣發不逐衆花開  
素彩風前艷韶光雪後催藥香露繁一作紫陌枝亞拂

青苔止渴曾爲用和羹舊有才含情欲攀折瞻望幾

徘徊

春雪間映一作早梅

韓愈

梅將雪共春彩艷不相因逐吹能爭密排技巧妬新

誰令香滿座獨使淨無塵芳意饒呈瑞寒光助照人

玲瓏開已偏點綴坐來頻那是俱疑似須知兩逼真

熒煌初亂眼浩蕩忽迷神未許瓊華比從將玉樹親

先期迎獻歲更伴占茲辰願得長輝映輕微敢自珍

早梅

戎昱

一樹寒梅白玉條迥臨村路傍溪橋應緣近水花先

發疑是經春雪未銷

早梅

羅鄴

綴雪枝條似有情凌寒澹注笑粧成凍香飄處宜春

早素艷開時混月明遷客嶺頭悲裏裏美人簾下妬

唐詩類苑 卷之二百九十一

三

盈盈滿園桃李雖堪賞要且東風晚始生

胡中丞早梅

方干

不獨開花不共時一枝寒艷向參差凌晨未噴含霜

朵應候先開亞水枝芬郁合將蘭並茂疑明應與雪

相欺謝公吟賞愁飄落可得更拈長笛吹

酬崔八早梅有贈兼示之作

李商隱

知訪寒梅過野塘又留金勒為迴腸謝郎衣袖初翻

雪荀令薰爐更換香何處拂曾資蝶粉幾時塗額藉

蜂黃維摩一室雖多病亦要天花作道場

裴迪登蜀州東亭送客逢早梅相憶見寄

杜甫

東閣觀梅動詩興還如何遜在揚州此時對雪遙相

憶送客逢春可自由幸不折來傷歲暮若爲看去亂

鄉愁江邊一樹垂垂發朝夕催人自白頭

詠梅

李嶠

大庾欽寒光南枝獨早芳雪含朝暝一作花色風引去

來一作香粧面迴青鏡歌塵起畫梁若能遙止渴何

假汎瓊漿

梅

杜牧

唐詩類苑 卷之二百九十一

四

輕盈照溪水掩斂下瑤臺妬雪聊相比欺春不逐來

偶同佳客見似爲凍醪開若在秦樓畔堪爲弄玉媒

梅

韋蟾

高樹臨溪艷低枝隔竹繁何須是桃李然後欲忘言

擬折覓先斷須看眼更昏誰知南陌草却解望王孫

梅

溫庭皓

一樹寒林外何人此地栽春光先自暖陽艷暗相催

曉覺添霜白寒梅月借開餘香低惹袖墮藥逐流杯

零落移新暖飄揚上故臺雪繁驚不識風裏蝶空迴

羌吹應愁起征徒異渴來莫貪題詠興商鼎待鹽梅

梅花

羅鄩

繁如瑞雪壓枝開，越嶺吳溪免用栽。却是五侯家未識，春風不放過江來。

梅

羅隱

天賜煙脂一抹腮，盤中磊落箇中哀。雖然未得和羹便，曾與將軍止渴來。

梅花寄所親

李建勳

一氣才新物未知，梅慙青律與先吹。雪霜迷素猶嫌早，桃杏雖紅且後時。雲鬢自粘飄處粉，玉鞭誰指出墻枝。老夫多病無風味，只向樽前詠舊詩。

唐詩類苑

卷之一百九十二

五

梅花

羅隱

吳王醉處十餘里，照夜拂衣金正煩。經雨不隨山鳥散，倚風疑共路人言。愁憐粉艷飄歌席，靜愛寒香撲酒樽。欲寄所思無好信，爲君惆悵又黃昏。

醉中詠梅花

李商隱

十月清霜尚未寒，雪英重疊已如搏。還悲獨詠東園裏，老作南州刺史看。北客見皆驚節氣，郡僚癡欲望杯盤。交親罕至長安遠，一醉如泥豈自歡。

十月梅花書贈

盧僊

君不見巴鄉冬候與華別，年年十月梅花發。上苑今

應雪作花寧，知此地花爲雪。自從遷播落黔巴，三見

江上開新花。故園風光虛洛汭，窮峽凝雲度歲華。花

情縱似河陽好，客心倍傷邊。候早春候颯，驚樓上梅

霜威未落江潭草。江水侵天去不還，樓花覆簾空坐

攀。一向花前看白髮，幾回夢裏憶紅顏。紅顏白髮雲

泥改，何異桑田移碧海。却想年華故國時，唯有一片

空心在空心。弔影向誰陳雲臺，仙閣舊遊人。倘知巴

樹連冬發，應憐南國氣長春。

十一月中旬至扶風界見梅花

李商隱

唐詩類苑

卷之一百九十三

六

匝路亭亭艷非時，裏裏香素娥。唯與月青女不饒霜

贈，遠虛攜手傷離適。斷腸爲誰成，早秀不待作年芳。

正朝摘梅

張說

見歲時部元日

弔江南老家入春梅

孟郊

念爾筋力盡，違我衣食恩。奈何羸癯兒，生鞭見死痕。

舊使常以禮，新怨將誰吞。胡爲乎泥中，消歇教義源。

和薛秀才尋梅花同飲見贈

白居易

心驚林下發寒梅，便試花前飲。冷杯白馬走迎詩客

去紅筵鋪待舞人來歌聲怨處處微落酒氣熏時旋  
旋開若到歲寒無雨雪猶應醉得兩三迴

與諸客攜酒尋去年梅花有感

白居易

馬上同攜今日杯湖邊共覓去春梅年年只見人空  
老歲歲何曾花不開詩思又牽吟詠發酒酣閒喚管  
絃來樽前百事皆依舊點檢唯無薛秀才

憶梅

李商隱

定定住天涯依依向物華寒梅最堪恨長作去年花

憶杭州梅花因叙舊遊寄蕭協律

唐詩類苑

卷之一百九十一

七

白居易

三年閒悶在餘杭曾爲梅花醉幾場伍相廟前繁似  
雪孤山園裏麗如粧踏隨遊騎心長惜折贈佳人手  
亦香賞自初開直至落歡因小飲便成狂薛劉相次  
埋新隴沈謝雙飛出故鄉歌伴酒徒零散盡唯殘頭  
白老蕭郎

詠江濱梅

王適

忽見寒梅樹開花漢水濱不知春色早疑是弄珠人

江梅

杜甫

梅蘂臘前破梅花年後多絕知春意早最奈客愁何

雪樹元同色江風亦自涼故園不可見巫岫鬱嵯峨

江梅

鄭谷

江梅且緩飛前輩有歌詞莫惜黃金纒難忘白雪枝  
吟看歸不得醉嗅立如癡和雨和煙折含情寄所思

山路見梅感而有作

錢起

莫言山路僻還被好風催行客淒涼過村籬冷落開  
晚溪寒水照晴日數峰來重憶江南酒何因把一杯

和王司馬折梅寄京邑昆弟

張九齡

離別念同嬉方榮欲共持獨攀南國樹遙寄北風時

唐詩類苑

卷之一百九十一

八

林倩迎春早花愁去日遲還聞折梅處更有棣華詩

庭梅詠

張九齡

芳意何能早孤榮亦自危更憐花底弱不受歲寒移  
朝雪那相妬陰風已屢吹馨香雖尚爾飄蕩復誰知

詠庭梅寄友人

劉禹錫

早花常犯寒繁實常苦酸何事上春日坐令芳意闌  
衆桃定相笑遊妓肯回看君問調金鼎方知正味難

和常州崔使君詠後庭梅二首

孫逖

聞唱梅花落江南春意深更傳千里外來入越人吟



弱翰紅粧倚繁香翠羽羣庭中自公日歌舞向芳陰

二

梅院重門掩遙遙歌吹邊庭深人不見春至曲能傳  
花落彈碁處香來薦枕前使君停五馬行樂此中偏

新栽梅

白居易

池邊新種七株梅欲到花時點檢來莫怕長洲桃李  
妬今年好爲使君開

塞上梅

王建

天山路傍一株梅年年花發黃雲下昭君已歿漢使  
迴前後征人惟繫馬日夜風吹滿隴頭還隨隴水東

唐詩類苑

卷之二百九十二

九

西流此花若近長安路九衢年少無攀處

竹裏梅

劉言史

竹裏梅花相並枝梅花正發竹枝垂風吹總向竹枝  
上直似黃家雪下時

岸上梅

崔櫓

含情含怨一枝枝斜壓漁家短短籬惹袖尚餘香半  
日向人如訴雨多時初開偏稱雕梁畫未落先愁玉

笛吹行客見來無去意解帆煙浦爲題詩

行次野梅

皮日休

沸蘿梢一樹梅玉妃無侶獨徘徊好臨王母瑤池

發合傍蕭家粉水開共月已爲迷眼伴與春先作斷  
腸媒不堪便向多情道萬片霜華雨損來

奉和行次野梅次韻

陸龜蒙

飛棹參差拂早梅強欺寒色尚低徊風憐薄媚留香  
與月會深情惜艷開梁殿得非蕭帝瑞齊宮應是玉  
兒媒不知謝客離腸醒臨水剛添萬恨來

梅花落

盧照隣

梅嶺花初發天山雪未開雪處疑花滿花邊似雪迴  
因風入舞袖雜粉向粧臺匈奴幾萬里春至不知來

梅花落

楊炯

唐詩類苑

卷之二百九十二

十一

窻外一株梅寒花五色開影隨朝日遠香逐便風來  
泣對銅鈎障愁看玉鏡臺行人斷消息春恨幾徘徊

梅花落

宋之問

鐵騎幾時迴金閨怨早梅雪寒花已落風暖葉還開  
夕逐新春管香迎小歲杯盛時何足貴書裏報輪臺

梅花落

劉方平

新歲芳梅樹繁華四面同春風吹漸落一夜幾枝空  
少婦今如此長城恨不窮莫將遼海雪來比後庭中

寄情

白居易

灼灼早春梅東南林最早持來翫未足花向手中老

芳香銷掌握，張望生懷抱。豈無後開花，念此先開好。

桃

詠桃

太宗一作董思恭

禁苑春暉麗，花蹊綺樹粧。綴條深淺色，點露參差光。向日分千笑，迎風共一香。如何仙嶺側，獨秀隱遯芳。

詠桃

李嶠

獨有成蹊處，穠華發井旁。山風疑笑臉，朝露泣啼粧。隱士顏應改，仙人路漸長。還欣上林苑，千歲奉君王。

種桃歌

白居易

食桃種其核，一年核生芽。二年長枝葉，三年桃有花。

唐詩類苑

卷之一百九十二

十二

憶昨五六歲，灼灼盛芬華。迨茲八九載，有減而無加。

去春已稀少，今春漸無多。明年後年後，芳意當如何。命酒樹下飲，停盃拾餘葩。因桃忽自感，悲叱成狂歌。

應詔詠天桃

孔紹安

結葉還臨影，飛香欲遍空。不意餘花落，翻沈露井中。

入百丈澗見桃花晚開

劉長卿

百丈深澗裏，過時花欲妍。應緣地勢下，遂使春風偏。

敷水小桃

溫庭筠

敷水小橋東，娟娟照露叢。所嗟非勝地，堪恨是春風。

嘲桃

李商隱

無賴天桃面，面平明露井。東春風爲開了，却擬笑春風。

小桃園

李商隱

竟日小桃園，休寒亦未暄。坐鸞當酒重，送客出牆繁。啼久艷粉薄，舞多香雪翻。猶憐未圓月，先出照黃昏。

晚桃

劉長卿

四月深澗底，桃花方欲然。寧知地勢下，遂使春風偏。此意頗堪惜，無言誰爲傳。過時君未賞，空媚幽林前。

緋桃花歌

李咸用

上帝春官思麗絕，天桃變態未新悅。便是花中傾國容，牡丹露泣長門月。野樹滴殘龍戰血，曦車碾下朝霞屑。惆悵東風未解狂，爭教此物芳華歇。

唐詩類苑

卷之一百九十二

十二

侍宴桃花園詠桃花應制

李嶠

歲去無言忽顚顚，時來含笑吐氛氲。不能擁棹迷仙客，故欲開蹊待聖君。

侍宴桃花園詠桃花應制

蘇頌

桃夭灼灼有光輝，無數成蹊點更飛。爲見芳林含笑待，遂同溫樹不言歸。

侍宴桃花園詠桃花應制

趙彥昭

紅萼競然春苑曉，丰茸新吐御筵開。長年願奉西王宴，近侍慚無東朔才。

侍宴桃花園詠桃花應制 李 乂

綺萼成蹊遍籩芳紅英撲地滿筵香莫將秋蕊寄王母來比春華壽聖皇

侍宴桃花園詠桃花應制

源水叢花無數開丹跗紅萼間青梅從今結子三千歲預喜仙遊復摘來

桃花園馬上應制 張 說

林間艷色嬌天馬花裏穠粧伴麗人願逐南風飛帝席年年含笑無青春

蕭八明府宴處覓桃栽 杜 甫

唐詩類苑 卷之一百九十二

十三

奉乞栽桃一百根春前爲送浣花村河陽縣裏雖無數濯錦江邊未滿園

下邳莊南桃花 白居易

村南無限桃花發唯我多情獨自來日暮風吹紅滿地無人解惜爲誰開

華陽觀桃花時招李六拾遺飲

白居易

華陽觀裏仙桃發把酒看花心自知爭如別時不同醉明朝後日卽空枝

小桃 鄭 谷

和煙和雨遮數水映竹映林連灞橋掩亂春風耐寒冷到頭贏得杏花嬌

桃花曲 顧 況

魏帝宮人舞鳳樓隋家天子汎龍舟君王夜醉春眠晏不覺桃花逐水流

大林寺桃花 白居易

人間四月芳菲盡山寺桃花始盛開長恨春歸無覓處不知轉入此中來

春日憚中丞山桃花初有他客不通晚方得入因有戲贈 呂 溫

唐詩類苑 卷之一百九十二

十四

朝來駐馬香街裏風度遙聞笑語聲無事閉門教日晚山桃落盡不勝情

題百葉桃花 韓 愈

百葉雙桃晚更紅窺窻映竹見玲瓏應知侍史歸天上故伴仙郎宿禁中

寄題忠州小樓桃花 白居易

再遊巫峽知何日總是秦人說向誰長憶小樓明月夜紅闌干外兩三枝

夜惜禁中桃花因懷錢員外 白居易

前日歸時花正紅今夜宿時枝半空坐惜殘芳君不見風吹狼籍月明中

亞枝紅

元稹

往歲與樂天曾於郭家亭子竹林中見亞枝紅桃花半在池水自後數年不復記得忽於裏城驛池岸竹間見之宛如舊物深所愴然

平陽池上亞枝紅悵望山郵是事同還向萬竿深竹裏一枝渾臥碧流中

元和十一年自朗州承召至京戲贈看花諸

君子

劉禹錫

唐詩類苑

卷之百九十五

十五

紫陌紅塵拂面來無人不道看花回玄都觀裏桃千樹盡是劉郎去後栽

再遊玄都觀

并引

劉禹錫

余貞元二十一年爲屯田員外郎時此觀未有花是歲出牧連州尋貶朗州司馬居十年召至京師人人皆言有道士手植仙桃滿觀如紅霞遂有前篇以志一時之事旋又出牧今十有四年復爲主客郎中重遊玄都觀蕩然無復一樹唯兔葵燕麥動搖於春風耳因再題二十八字以俟後遊時大和二年三月某日

百畝庭中半是苔桃花淨盡菜花開種桃道士歸來處前度劉郎今又來

題桃樹

杜甫

小逕升堂舊不斜五株桃樹亦重遮高秋總餽貧人食來歲還舒滿眼花簾戶每宜通乳燕兒童莫信打慈鴉寡妻群盜非今日天下車書正一家

解中見桃花南枝已開北枝未發因寄杜副端

何處同根本開花每後時應緣去日遠獨自發春遲

結實應難忘

一作難忘

無言恨豈知年光不可待空

唐詩類苑

卷之百九十二

十六

美向南枝

金谷桃花

許渾

花在舞樓空年年依舊紅淚光停曉露愁態倚春風開處妾先死落時君不終東流三兩片應在一夜泉中

晚桃花

白居易

一樹紅桃亞拂池竹遮松蔭晚開時非因斜日無由見不是閒人豈得知寒地生材遺校易貧家養女嫁常遲春深欲落誰憐惜白侍郎家折一枝

庭前桃

韋莊

曾向桃源開爛熳也同漁父汎仙舟皆言洞裏千  
好未勝庭前一樹幽帶露似垂湘女淚無言如伴  
嬌愁五陵公子饒春恨莫引香風上酒樓

桃花

羅隱

暖觸衣襟漠漠香間梅遮柳不勝芳數枝艷拂文君  
酒半里紅欹宋玉墻盡日無人凝惆悵有時經雨乍  
淒涼舊山山下還如此迴首東風一斷腸

南家桃

元稹

南家桃樹深紅色日照露光看不得樹小花狂風易  
吹一夜風吹滿墻北離人自有經時別眼前落花心

唐詩類苑

卷之二百九十二

十七

歎息更待明年花滿枝一年迢遞空相憶

賦得桃李無言

李商隱

天桃花正發穠李藥方繁應候非爭艷成蹊不在言  
靜中霞暗吐香處雪潛翻得意搖風態含情泣露痕  
芬芳光上苑寂默委中園赤白徒自許幽芳誰與論

種桃杏

白居易

無論海角與天涯大抵心安即是家路遠誰能念鄉  
曲年深兼欲忘京華忠州且住三年計種杏栽桃擬  
待花

杏

古苑杏花

張籍

廢苑杏花在行人愁到時獨開新塹底半露舊燒枝  
晚色連荒輶低陰覆折碑茫茫古陵下春盡又誰知

杏花

溫憲

園雪止晴梢江明映碧家店香風起夜村白雨休朝  
靜落頻沾帶繁開正蔽條澹然閒賞翫無以破妖韶

杏花

鄭谷

不學梅欺雪輕紅照碧池小桃新謝後雙鸞却來時  
香屬登龍客煙籠宿蝶枝臨軒須貌取風雨易離披

訓長孫繹藍溪寄杏

錢起

唐詩類苑

卷之二百九十二

十八

愛君藍水上種杏近成田拂徑清陰合臨流綵實懸  
清香和宿雨佳色出晴煙懿此傾筐贈相知懷橘年  
芳聲來滿袖瓊玖願訓篇把玩情何極雲林若眼前

杏花

李商隱

上國昔相值亭亭如欲言異鄉今暫賞脉脉豈無恩  
援少風多力墻高月有痕爲含無限意遂對不勝繁  
仙子玉京路主人金谷園幾時醉碧落誰伴過黃昏  
鏡拂鉛華膩爐藏桂燼溫終應催竹葉先擬詠桃根  
莫學啼成血從教夢寄魂吳王採香逕失路入煙村

杏花

韓愈

居憐北郭古寺空杏花兩株能白紅曲江滿園不可  
到看此寧避雨與風二年流竄出嶺外所見草木多  
異同冬寒不嚴地恒泄陽氣發亂無全功浮花浪藥  
鎮長有纔開還落瘴霧中山榴躑躅少意思照耀黃  
紫徒爲叢鷓鴣鉤輈猿叫歇杳杳深谷攢清楓豈如  
此樹一來翫若在京國情何窮今旦胡爲忽惆悵萬  
片飄泊隨西東明年更發應更好道人莫忘隣家翁

杏花

元稹

常年出入右銀臺每怪春光例早迴慙愧杏園行在  
景同州園裏也先開

唐詩類苑

卷之二百九十二

十九

遊趙村杏花

白居易

遊村紅杏每年開十五年來看幾迴七十三人難再  
到今春來是別花來

杏園花落時招錢員外同醉

白居易

花園欲去去應遲正是風吹狼籍時近數樹猶堪  
醉半落春風半在枝

州民有獻杏者瑰麗溢目因感花未幾聊以

成詠

羊士諤

南郭東風賞杏壇幾株芳樹昨留歡却憶落花飄綺

席忽驚如寶滿雕盤蛾眉半斂千金薄鷓鴣初鳴百  
草閒志士古來悲節換美人啼鳥亦長歎

東

杏園中東樹

白居易

人言百果中惟棗凡且鄙皮皴似龜手葉小如鼠耳  
胡爲不自知生花此園裏豈宜遇攀翫幸免遭傷毀  
二月曲江頭雜英紅旖旎棗亦在其間如嫖對西子  
東風不擇木吹花長不已眼看欲合抱得盡生生理  
寄言遊春客乞君一延視君愛繞指柔從君怜柳杞  
君求悅目豔不敢爭桃李君若作大車輪軸材須此

唐詩類苑

卷之二百九十二

二十

李

探得李

太宗

盤根直盈渚交幹橫倚天舒華光四海卷葉陰三川

賦得李

太宗

玉衡流桂圓成蹊正可尋鶯啼密葉外蝶戲脆花心  
麗景光朝彩輕霞散夕陰暫顧暉一作章側遠眺靈

山林

詠李

李嶠

潘岳閒居日王戎戲陌辰蝶遊芳徑馥鶯囀弱枝新  
葉暗青房晚花明玉井春方知有靈翰時一作用表

真人

道中城北樓觀李花

呂溫

夜疑關山月曉似沙場雪曾使西域來幽情望超越  
將念皓無際欲言忘所說豈是花感人自憐抱孤節

過蕭尚書故居見李花感而成詠

劉長卿

手植已芳菲心傷故徑微往年啼鳥至今日主人非  
滿地誰當掃隨風起復歸空憐舊陰在門客共沾衣

子直晉昌李花

李商隱

吳館何時慰秦臺幾夜薰綃輕誰解卷香異自先聞

唐詩類苑

卷之一百九十二

二

月裏誰無姊雲中亦有君罇前見飄蕩愁極客襟分

李花

李商隱

李逕獨來數愁情相與懸自明無月夜強笑欲風天  
減粉與園穉分香沾渚蓮徐妃久已嫁猶自玉爲鉤

望人家桃李花

賀知章

山源夜雨度仙家朝發東園桃李花桃花紅兮李花  
白照灼城隅復南陌南陌青樓十二重春風桃李爲  
誰容穠置千金輕不顧踟躕五馬謝相逢徒言南國  
容華晚遂歎西家飄落遠的樂長奉明光殿氛氲半  
入披香苑苑中珍木元自奇黃金作葉白銀枝千年

萬歲不凋落還將桃李更相宜桃李從來露井傍成

蹊結影矜艷陽莫道春光不可樹會持仙實薦君王

李花二首

韓愈

平旦入西園梨花數株若矜誇旁有一株李顏色慘  
慘似含嗟問之不肯道所以獨繞百匝至日斜忽憶  
前時經此樹正見芳意初萌芽奈何越酒不省錄不  
見玉枝攢霜葩泫然爲汝下雨淚無由及旆曉和車  
東風來吹不解顏蒼茫夜氣生相遮冰盤夏薦碧實  
脆斤去不御慚其花

當春天地爭奢華洛陽園苑猶紛拏誰將平地萬堆

唐詩類苑

卷之一百九十二

二

雪剪刻作此連天花日光赤色照未好明月暫入都  
交加夜領張徹投盧仝乘雲共至玉皇家長姬香御  
四羅列綈裙練帳無等差靜濯明粧有所奉願我未  
肯置齒牙清寒瑩骨肝膽醒一生思慮無由邪

李花贈張十一署

韓愈

江陵城西二月尾花不見桃惟見李風揉雨練雪羞  
比波濤翻空杳無淚君知此處花何似白花倒燭天  
夜明群鷄驚鳴官吏起金烏海底初飛來朱輝散射  
青霞開迷覓亂眼看不得照耀萬樹繁如堆念昔少  
年著遊燕對花豈省曾辭杯自從流落憂感集欲去



未到先思迴，祇今四十已如此。後日更老誰論哉？  
攜一尊獨就醉，不忍虛擲委黃埃。

嘉慶李

白居易

東都綠李萬州栽，君手封題我手開。把得欲嘗先悵望，與渠同別故鄉來。

郁李

惜梅李花

花細而繁，色艷而點，亦花中之有思者，速衰易落，故惜之耳。

白居易

樹小花鮮妍，香繁條軟弱。高低二三尺，重疊千萬萼。朝艷霏霏夕，周紛漠漠辭枝朱。粉細覆地紅銷薄。

唐詩類苑

卷之一百九十二

三十三

由來好顏色，常苦易銷鑠。不見蕤蕤花，狂風吹不落。

梨

左掖梨花

王維

閒灑堦邊草，輕隨箔外風。黃鸝弄不足，銜入未央宮。

左掖梨花

丘為

冷豔全欺雪，餘香乍入衣。春風且莫定，吹向玉階飛。

左掖梨花

皇甫冉

巧解迎人笑，偏能亂蝶飛。春風時入戶，幾片落朝衣。

梨花

錢起

艷靜如籠月，香寒未逐風。桃花徒照地，終被笑妖紅。

詠梨

李嶠

擅美玄光側，傳芳瀚海中。鳳文疎象郡，花影麗新豐。色對瑤池紫，茸衣大谷紅。若今逢漢主，還冀識張公。

和李相國

并序

許渾

蒙賓客李相國見示和宣武盧僕射以吏部高尚書自江南赴闕寄大梨白鵬，因贈五言六韻，攀和。

三實珍吳果，馴雛重越禽。摘來漁浦上，攜在兔園陰。霜合凝丹頰，風振斂素襟。刀分瓊液散，籠蔽雪華深。虎帳齋中設，龍樓洛下吟。含消兼受彩，應貴象卿心。

江岸梨

白居易

唐詩類苑

卷之一百九十二

三十四

梨花有意緣和葉，一樹江頭惱殺君。最似嬌閨少年婦，白粧素袖碧紗裙。

聞梨花發贈劉師命

韓愈

桃溪惆悵不能過，紅艷紛紛落地多。聞道郭西千樹雪，欲將君去醉如何。

梨花下贈劉師命

韓愈

洛陽城外清明節，百花零落梨花發。今日相逢瘴海頭，共驚爛熳開正月。

對梨花贈皇甫秀才

韋莊

林上梨花雪壓枝，獨攀瓊艷不勝悲。依前此地逢君

處還是去年今日時且戀殘陽留綺席莫推却  
金厄騰騰戰鼓正多事須信明朝難重持

都城從事蕭員外寄海梨花詩盡綺麗至京

然遠及  
羊士諤

珠履行臺擁附蟬外郎高步似神仙陳詞今見唐風  
盛從事遙瞻衛國賢擲地好詞凌綵筆浣花春水膩  
魚箋東山芳意須同賞子着囊盛幾日傳

櫻桃

百果朝櫻桃  
李商隱

珠實雖先熟瓊李縱早開流鶯猶故在爭得諱含來

卷之二百九十二  
三五

櫻桃蒼百果  
李商隱

衆果莫相諂天生名品高何因古樂府唯有鄭櫻桃

嘲櫻桃  
李商隱

朱實鳥銜盡青樓人未歸南園無限樹獨自棄如幃

賦得櫻桃春字韻  
太宗

華林滿芳景洛陽遍陽春朱顏含遠日翠色影長津

喬柯轉嬌鳥低枝映美人昔作園中實今爲一作唐

上珍

深樹見一顆櫻桃尚在  
李商隱

高桃留晚實尋得小庭南矮墮綠雲髻歎危紅玉簪

惜堪克鳳實痛已被鴛含越鳥誇香荔齊名亦未

同諸客攜酒早看櫻桃花  
白居易

曉報櫻桃發春攜酒客過綠楊粘盞杓紅雪壓枝柯  
天色晴明少人生事故多停盃替花語不醉擬如何

和詠解署有櫻桃  
孫逖

上林天禁裏芳樹有櫻桃江國今來見君門春意生  
香從花綬轉色繞佩珠明海鳥銜初實吳姬掃落英  
切將稀取貴羞與衆同榮爲此堪攀折芳蹊處處成

訓裴傑秀才新櫻  
權德輿

新果眞瓊液來應宴紫蘭圓疑竊龍顏色已奪鷄冠

唐詩類苑  
卷之二百九十二  
二十六

遠火微微辨殘星隱隱看茂先知味易曼倩恨偷難

忍用烹騂駱從將翫玉盤流年如可駐何必九華丹

與沈楊二舍人閣老同食敕賜櫻桃翫物感

恩因成十四韻  
白居易

清曉趨丹禁紅櫻降紫宸驅禽養得熟和葉摘來新

圓轉盤傾玉鮮明籠透銀內園題兩字西掖賜三臣

焚惑晶華赤醍醐氣味眞如珠未穿孔似火不燒人

杏俗難爲對桃頑詎可倫肉嫌盧橘厚皮笑荔枝皺

瓊液酸甜足金丸大小勻偷須防曼倩惜莫擲安仁

手擘纔離核匙抄半是津津爲舌上露煖作腹中春

已懼長尸祿仍驚數食珍最慙恩未報飽餒不才身

櫻桃花下有感而作

白居易

藹藹美周宅櫻繁春日斜一爲洛下客十見池上花  
爛熳豈無意爲君占年華風光饒此樹歌舞勝諸家  
失盡白頭伴長成紅粉娃停杯兩相顧堪喜且堪嗟

櫻桃花下

李商隱

流鶯舞蝶兩相欺不取花芳正結時他日未開今日  
謝嘉辰長短是參差

和裴僕射看櫻桃花

張籍

昨日南園新雨後櫻桃花發舊枝柯天明不待人同

唐詩類苑

卷之百九十二

二十七

看遶樹重重履跡多

移山櫻桃

白居易

亦知官舍非吾宅且斲山櫻滿院栽上佐近來多五  
考少應四度見花開

題東樓前李使君所種櫻桃花

白居易

身入青雲無見日手栽紅樹又逢春唯留花向樓前  
看故故拋愁與後人

春夕陪崔諫議櫻桃園宴

皮日休

萬樹香飄水麝風蠟燭花雪盡成紅夜深懽態狀不

得醉客圖開明月中

奉和櫻桃園宴

陸龜蒙

佳人芳樹雜春蹊花外煙濛月漸低幾度艷歌春欲  
轉流鶯驚起不成棲

白櫻桃

章莊

王母堦前種幾株水精簾外看如無只因漢武金盤  
上瀉得珊瑚白露珠

摘櫻桃贈元居士時在望僊亭南樓與朱道

士同處

柳宗元

海上朱櫻贈所思樓居况是望僊時蓬萊羽客如相

唐詩類苑

卷之百九十二

二十八

訪不是偷桃一小兒

漳亭驛小櫻桃

章莊

當年此樹正花開五馬僊郎載酒來李白已亡工部  
死何人堪伴玉山頽

櫻桃樹

章莊

記得初開雪滿枝和蜂和蝶帶花移如今花落遊蜂  
去空作主人惆悵詩

感櫻桃花因招飲客

白居易

櫻桃昨夜開如雪鬢髮今年白似霜漸覺花前成老  
醜何曾酒後更顛狂誰能聞此來相勸共泥春風醉

一場

野人送櫻桃

杜甫

西蜀櫻桃也自紅  
野人相贈滿筠籠  
數回細寫愁仍破  
萬顆勻圓訝許同  
憶昨賜露門下省  
退朝擎出大明宮  
金盤玉筋無消息  
此日嘗新任轉蓬

敕賜百官櫻桃共二首

王維

崔興宗

見治政部寵錫

朝日敕賜百官櫻桃

張籍

仙果人間都未有  
今朝忽見下天門  
捧盤小吏初宣

唐詩類苑

卷之二百九十二

王九

敕當殿群官共拜恩  
日色遙分廊下座  
露香纔出禁

中園每年從此偏  
先熟願得千春奉  
至尊

東吳櫻桃

白居易

含桃最說出東吳  
香色鮮穠氣味殊  
洽恰舉頭千萬

顆婆娑拂面兩三  
株鳥偷飛處銜將  
火人摘爭時踴

破珠可惜風吹兼  
雨打明朝後日即  
應無

和張員外敕賜百官櫻桃

韓愈

漢家舊種明光殿  
炎帝還書本草經  
豈似滿朝承雨露  
共看傳賜出青冥  
香隨翠籠擎初到  
色映銀盤寫未停  
食罷自知無所報  
空然慙三皇局

樟亭雙櫻樹絕句

白居易

南館西軒兩樹櫻  
春條長足夏陰成  
素華朱實今雖盡  
碧葉風來別有情

榴

侍宴詠石榴

孔紹安

可惜庭中樹移根  
逐漢臣只爲時來  
晚開花不及春

詠隣女東窻海石榴

李白

魯女東窻下海榴  
世所稀珊瑚映綠  
水未足比光輝清  
香隨風發落日好  
鳥歸願爲東西枝  
低舉拂羅衣無由  
共攀折引領望金  
扉

唐詩類苑

卷之二百九十二

三十

詠樓前海石榴

孫逖

客自新亭郡朝來  
數物華傳居妓樓  
好初落海榴花露  
色珠簾映香風粉  
壁遮更宜林下雨  
日晚逐行車

翫郡齋海榴

宋之問

澤國韶氣早開簾  
延霽天野禽宵未  
嚙山蜚晝仍眠目  
茲海榴發列映巖  
楹前熠燿禦風靜  
葳蕤含景鮮清晨  
綠堪佩亭午丹欲  
燃昔忝金閨籍嘗  
見玉池蓮未若宗  
族地更逢榮耀全  
南金雖自貴賈詎  
能還撫躬萬里絕  
豈染一朝妍徒緣  
滯郡常是惜流年  
越俗鄙章甫捫心  
空自憐

同張侍御詠興寧寺經藏院海石榴花

皇甫冉

嫩葉生初茂殘花少更鮮結根龍藏側故欲竟青蓮

移海榴

元稹

應物

窠有苦寒山色中霜霰多雖此蒙陽景移根意如何

海榴

溫庭筠

海榴開似火先解報春風葉亂裁殘綠花宜插鬢紅  
蠟珠攢作帶細絲剪成叢鄭驛多歸思相期一笑同

新植海石榴

柳宗元

弱植不盈尺遠意駐蓬瀛月寒空堦曙幽夢綠雲生

唐詩類苑

卷之二百九十二

三十一

糞壤擢珠樹莓苔挿瓊英芳根閼顏色徂歲爲誰榮

山石榴花十二韻

白居易

曄曄復煌煌花中無比方艷天宜小院條短稱低廊  
本是山頭物今爲砌下芳千叢相向背萬朵互低昂  
照灼連朱檻玲瓏應粉牆風來添意態日出助晶光  
漸綻臙脂萼猶含琴軫房離披亂剪綵斑駁未勻粧  
絳焰燈千炷紅裙妓一行此時逢國色何處覓天香  
恐合栽金闕思將獻玉皇好差青鳥使封作百花王

感石榴二十韻

元稹

何年安石國萬里貢榴花迢遞河源道因依漢使槎

酸辛犯蔥嶺憔悴涉龍沙初到標珍木多來比亂麻

深拋故園裏少種貴人家唯我荊州見憐君胡地賒

從教當路長兼恣入簷斜綠葉栽煙翠紅英動日華

新簾裙透影疎牖燭籠紗委作金爐焰飄成玉砌瑕

乍驚珠綴密終誤綉幃奢琥珀烘梳碎燕支嬾頰塗

風飈一樹火電轉五雲車絳帳迎宵日芙蓉綻早牙

淺深俱隱映前後各分葩宿露低蓮臉朝光借綺霞

暗虹徒繳繞濯錦莫周遮俗態能嫌舊芳姿尚可嘉

非專愛顏色同恨阻幽遐滿眼思鄉淚相嗟亦自嗟

山石榴寄元九

白居易

唐詩類苑

卷之二百九十二

三十二

山石榴一名山躑躅一名杜鵑花杜鵑啼時花撲撲

九江三月杜鵑來一聲催得一枝開江城上佐閒無

事山下斲得廳前栽爛熳一欄十八樹根株有數花

無數千房萬葉一時新嫩紫殷紅鮮麴塵痕痕裏損

臙脂臉剪刀裁破紅綃巾謫仙初墮愁在世姹女新

嫁嬌泥去聲春日射血珠將滴地風翻火燄欲燒人閒

折兩枝持在手細看不似人間有花中此物似西施

芙蓉芍藥皆嫫母奇芳絕艷別者誰通州遷客元拾

遺拾遺初貶江陵去去時正值青春暮南山秦嶺愁

殺人山石榴花紅夾道題詩報我何所云苦云色似

石榴裙當時叢畔唯思我今日欄前只憶君憶君不見坐銷落日西風起花紛紛

喜山石榴花開

白居易

忠州州裏今日花廬山山頭去年樹已憐根損斬新栽還喜花開依舊數赤玉何人少琴軫紅纈誰家合羅袴但知爛熳恣情開莫怕南賓桃李妬

題韋潤州後亭海榴

李嘉祐

江上年年小雪遲年光猶報海榴知寂寂山城風日暖謝宮含笑向南枝

韋使君亭海榴詠

權德輿

唐詩類苑

卷之二百九十二

三十三

淮陽臥理有清風臘月榴花帶雪紅閑閣寂寥常對此江湖心在數枝中

武關南見元九題山石榴花見寄

白居易

往來同路不同時前後相思兩不知行過關門三四里榴花不見見君詩

石榴

李商隱

榴枝婀娜榴實繁榴膜輕明榴子鮮可美瑤池碧桃樹碧桃紅頰一千年

戲問山石榴

白居易

小樹山榴近砌栽半含紅萼帶花來爭知司馬夫人妬移到庭前便不開

山石榴

杜牧

似火山榴映小山繁中能薄艷中閒一朵佳人玉釵上祇疑燒却翠雲鬟

始見白髮題所植海石榴

柳宗元

幾年封植愛芳叢韶艷朱顏竟不同從此休論上春事看成古木對衰翁

題孤山寺山石榴花示諸僧衆

白居易

唐詩類苑

卷之二百九十二

三十四

山榴花似結紅巾容艷折妍占斷春色相故關行道地香塵擬觸坐禪人瞿曇弟子君知否恐是天魔女化身

詠樓前海石榴

孫逖

苦竹園南椒塢邊微香冉冉淚涓涓已悲節物同寒鴈忍委芳心與暮蟬細路獨來當此夕清罇相伴省他年紫雲新苑移花處不取霜栽近御筵

題山石榴花

白居易

一叢千朵壓闌干剪碎紅綃却作團風嫋舞腰香不盡露銷粧臉淚新乾薔薇帶刺攀應懶茜生泥翫

亦難爭及此花簷戶下任人採美盡人看

見穆三十宅中庭海榴花謝風雨

杜牧

矜紅掩素似多才不待櫻桃不逐梅春到未曾逢宴  
賞雨餘爭解免低徊巧窮南國千般艷趁得東風二  
月開堪恨王孫浪遊去落英狼籍始歸來

海石榴

方干

亭際天妍日日看每朝顏色一般般滿枝猶待春風  
力數朶先欺臘雪寒舞蝶似隨歌拍轉遊人只怕酒  
難乾久長年少應難得忍不叢邊到夜觀

唐詩類苑

卷之二百九十二

三五

病中庭際海石榴花盛發而有寄

皮日休

一夜春工綻絳囊碧油枝上晝煌煌風勻祇似調紅  
露日暖唯憂化赤霜火齊滿枝燒夜月金津含藥滴  
朝陽不知桂樹知情否無限同遊阻陸郎

奉和海石榴花發次韻

陸龜蒙

紫府真人餉露囊倚蘭燈燭未熒煌丹華乞曙先凌  
日金焰欺寒却照霜誰與佳名從海曲祇應芳裔出  
河陽那堪謝氏庭前見一段清香染郢郎

詠張十一旅舍榴花

韓愈

五月榴花照眼明枝間時見子初成可憐此地無  
馬顛倒青苔落絳英

奉和文堯對庭前千葉石榴

月

黃滔

一朵千英綻曉枝綵霞堪與別爲期移根若在芙蓉  
苑豈向當年有醒時

荔枝

題郡中荔枝詩十八韻兼寄萬州楊八使君

白居易

奇果標南土芳林對北堂素華春漠漠丹實夏煌煌

唐詩類苑

卷之二百九十二

三六

葉捧低垂戶枝擎重壓牆始因風美色漸與日爭光  
夕訝條懸火朝驚樹點粧深於紅躑躅大校白檳榔  
星綴連心朶珠排耀眼房紫羅裁襯殼白玉累填瓢  
早歲曾聞說今朝始摘嘗嚼疑天上味嗅異世間香  
潤勝蓮生水鮮逾橘得霜臙脂掌中顆甘露舌頭漿  
物少尤珍重天高苦渺茫已教生暑月又使阻遐方  
粹液靈難駐妍姿嫩易傷近南光景熱向北道塗長  
不得充王賦無由寄帝鄉唯君堪擲贈面白似潘郎

荔枝

白居易

紅顆珍珠誠可愛白髮太守亦何癡十年結子知誰



在自向中庭種荔枝

荔枝樓對酒

白居易

荔枝新熟雞冠色燒酒初開琥珀香欲摘一枝傾一  
盞西樓無客共誰嘗

荔枝三首

韓偓

遐方不許貢珍奇密詔唯教進荔枝漢武碧桃爭比  
得枉令方朔號偷兒

封開玉籠雞冠澀葉襯金盤鶴頂鮮想得佳人微露

齒翠釵先取一枝懸

巧裁絳片異神漿崖密天然有異香應是仙人金掌

唐詩類苑

卷之二九十二

三七

露結成冰入茜羅囊

荔枝樹

鄭谷

二京曾見畫圖中數本芳菲色不同孤棹今來巴徼  
外一枝煙雨思無窮夜郎城近含香瘴杜宇巢低起  
暝風腸斷渝瀘霜霰薄不教葉似灞陵紅

重寄荔枝與楊使君時聞楊使君欲種植故

有落句戲之

白居易

摘來正帶凌晨露寄去須憑下水船映我緋衫渾不  
見對公銀印最相鮮香連翠葉真堪畫紅透青籠實  
可憐聞道萬州方欲種愁君得喫是何年

橙

照公院雙橙

李頎

種橙夾階生得地細葉隔簾見雙翠抽條向長未及  
肩泉水遶根日三四青青何必楚人家帶雨凝煙新  
著花永願香爐灑甘露夕陽時映東枝斜南庭黃竹  
爾不敵借問何時堪挂錫

橘

咏橘

李嶠

萬里盤根植千株布葉繁既榮潘子賦方重陸生言  
玉蕊含霜動金衣逐吹翻願辭湘水曲長茂上林園

唐詩類苑

卷之二九十二

三八

庭橘

孟浩然

明發覽羣物萬木何陰森凝霜漸水庭橘似懸金  
女伴爭攀摘窺礙葉深並生憐共帶相示感同心  
骨刺紅羅被香粘翠羽簪攀來玉盤裏全勝在幽林

病橘

杜甫

伊一作橘少生意雖多亦奚為惜哉結實小酸澀如  
棠梨剖之盡蠹蝕采掇爽所宜紛然不適口豈止存  
其皮蕭蕭半死葉未忍別故枝玄冬霜雪積况乃迴  
風吹嘗聞蓬萊殿羅列瀟湘姿此物歲不稔王食失  
光輝寇盜尚憑陵當君減膳時汝病是天意吾意罪

有司憶昔南海使奔騰獻荔枝百馬死山谷到今有舊悲

荅鄭騎曹青橘絕句

一作故人重九日求橘書中戲贈

韋應物

憐君臥病思新橘試摘猶酸亦未黃書後欲題三百顆洞庭須待滿林霜

揀貢橘書情

白居易

洞庭貢橘揀宜精太守勤王請自行珠顆形容隨日長瓊漿氣味得霜成登山敢惜驚駘力望闕難伸蠓蟻情踈賤無由親跪獻願憑朱實表丹誠

唐詩類苑

卷之二九十三

三九

奉和揀貢橘

張彤

凌霜遠涉太湖深雙卷朱旗望橘林樹樹籠煙疑帶火山山照日似懸金行看採掇方盈手暗覺馨香已滿襟揀選封題皆盡力無人不感近臣心

奉和揀貢橘

周元範

離離朱實綠叢中似火燒山處處紅影下寒林沈綠水光搖高樹照晴空銀章自竭人臣力

一作王掖誰

知造化功看取明朝般發後餘香猶尚逐仁風

皮日休

箇箇和枝葉捧鮮彩疑猶帶洞庭煙不爲韓嫣金丸

重直是周王玉果圓剖似日魂初破後美如星隨未銷前知君多病仍中聖盡送寒苞向枕邊

龔美以春橘見惠兼之雅篇因次韻酬謝

陸龜蒙

到春猶作九秋鮮應是親封白帝煙良玉有漿須讓味明珠無類亦羞圓堪居漢苑霜梨上合在仙家火棗前珍重更過三十子不堪分付野人邊

王僧暕嘗以獻梁元帝

南中榮橘柚

柳宗元

橘柚懷貞質受命此炎方密林耀朱綠晚歲有餘芳殊風限清漢飛雪滯故鄉攀條何所歎北望熊與湘

唐詩類苑

卷之二九十三

四十

枇杷

題枇杷樹

羊士諤

珍樹寒始花氛氲九秋月佳期若有待芳意常無絕嫋嫋碧海風濛濛綠枝雪急景自餘妍春禽幸流悅

衛明府寄枇杷葉以詩荅之

司空曙

傾筐呈綠葉重疊色何鮮詎是秋風裏猶如曉露傳仙方當見重消疾本應便全勝甘蕉贈空投謝氏篇

山枇杷

元稹

山枇杷花似牡丹殷，潑血往年乘傳過青山。正值山  
花好時節，壓枝疑艷已全開。映葉香苞纔半裂，緊搏  
紅袖欲支頤。慢解絳囊初破結，金線叢飄繁葉亂。珊  
瑚朵重纖莖折，因風旋落裙片飛。帶日斜看目情熱，  
亞水依巖半傾側。籠雲隱霧多愁絕，綠珠語盡身欲  
投。漢武眼穿神漸滅，穠姿秀色人皆愛。怨媚羞容我  
偏別，說向閒人人不聽。曾向樂天時一說，昨來谷口  
先相問。及到山前已消歇，左降通州十日遲。又與幽  
在一年別。山枇杷爾托深山何太拙，天高萬里看不  
徹。帝在九重聲不徹，園中杏樹良人醉。陌上柳枝年

則范

卷之一百九十二

四十二

因爾幽芳喻昔賢，磻溪冷坐權門咽。

山枇杷花二首

白居易

萬重青嶂蜀門口，一樹紅花山頂頭。春盡憶家歸未  
得，低紅如解替君愁。

葉如裙色碧紗淺，花似芙蓉紅粉輕。若使此花兼解  
語，推囚御史定違程。

山枇杷

白居易

深山老去惜年华，况對東谿野枇杷。火樹風來翻絳  
艷，瓊林日出曬紅紗。迴看桃李都無色，映得芙蓉不  
比爭。奈結根深石底，無因移得到人家。

林擒

水林檎花

鄭谷

一露一朝新，簾籠曉景分。艷和蜂蝶動，香帶管絃聞。  
笑擬春無力，粧濃酒漸醺。直疑風起夜，飛去替行雲。

胡桃

胡桃

李白

紅羅袖內分明見，白玉盤中看却無。疑是老僧休念  
誦，腕前推下水晶珠。

葡萄

詠張十一旅舍葡萄

韓愈

唐詩類苑

卷之一百九十二

四十三

新莖未偏半猶枯，高架支離倒復扶。若欲滿盤堆馬  
乳，莫辭添竹引龍鬚。

葡萄歌

劉禹錫

田野生葡萄，纏繞一枝高。移來碧墀下，張王日高高。  
分岐浩繁縟，脩蔓蟠詰曲。揚翹向庭柯，意思如有屬。  
爲之立長檠，布濩當軒綠。朱液漑其根，理疎看滲漉。  
繁葩組綬結，懸實珠璣感。馬乳帶輕霜，龍鱗曜初旭。  
有客汾陰至，臨堂瞪雙目。自言我晉人，種此如種玉。  
釀之成美酒，令人飲不足。爲君持一斗，往取涼州牧。

雜果

園果

王建

月中梨果每樹無數箇小兒出入看一半鳥啄破

豎子至

杜甫

植梨且綴碧梅杏半傳黃小子幽園至輕籠熟奈香

山風猶滿把野露及新嘗欹枕江湖客提攜日月長

詣徐卿覓果子栽

杜甫

草堂少花今欲栽不問綠李與黃梅石笋街中却歸去果園坊裏爲求來

呈吳郎

杜甫

堂前撲棗任西隣無食無兒一婦人不爲困窮寧有

唐詩類苑

卷一百九十三

四三

此祇緣恐懼轉須親卽防遠客雖多事使挿疏籬却

認真已訴徵求貧到骨正思戎馬淚盈巾

唐詩類苑卷第一百九十三

明雲間張之象玄超甫纂輯

雲間張嗣功次甫甫編次

雲間王微叔朗甫補訂

梁谿曹仁孫伯安甫校正

木部

槐

詠槐

李嶠

暮律移寒火春宮長舊栽葉生馳道側花落鳳庭隈烈士懷忠觸鴻儒訪業來何當赤墀下踈幹擬三台

唐詩類苑

卷一百九十三

一

槐花

鄭谷

毵毵金蕊撲晴空舉子魂驚落照中今日老郎猶有

恨昔年相虐十秋風

槐花

羅鄴

行宮門外陌銅駝兩畔分栽此最多欲到清秋近時

節爭開金蕊向關河層樓寄恨飄珠箔駿馬憐香撼

玉珂愁殺江河隨計者年年爲爾剩奔波

庭槐

白居易

南方饒竹樹惟有青槐稀十種七八死縱活亦支離何此郡庭下一株獨華滋蒙蒙碧煙葉嫋嫋黃花枝

我家渭水上此樹蔭前塢忽向天涯見憶在故園時  
人生有情感遇物牽所思樹木猶復爾况對舊親知

楸

楸樹三首

韓愈

青幢紫蓋立童童細雨浮煙作綵籠不得畫師來貌  
取定知難見一生中

幾歲生成爲大樹一朝纏繞困長藤誰人與脫青羅  
帔看吐高花萬萬層

幸自枝條能樹立可煩羅蔓作交加傍人不解尋根  
本却道新花勝舊花

唐詩類苑

卷之二百九十三

庭楸

韓愈

庭楸止五株共生十步間各有藤繞之上各相鉤連  
下葉各垂地樹顛各雲連朝日出其東我常坐西偏  
夕日在其西我常坐東邊當晝日在上我在中央間  
仰視何青青上不見纖穿朝暮無日時我且八九旋  
濯濯晨露香明珠何聯聯夜月來照之清舊自生煙  
我已自頽鈍重遭五楸牽客來尚不見肯到權門前  
權門衆所趨有客動百千九牛亡一毛未在多少間  
往既無可顧不往自可憐

靈壽木

植靈壽木

柳宗元

白華鑒寒水怡我適野情前趨問長老重復欣嘉名  
蹇連易衰朽方剛謝經營敢期齒杖賜聊且移孤莖  
叢蓐中競秀分房外舒英柔條乍反植勁節常對生  
循翫足忘疲稍覺步武輕安能事剪伐持用資徒行  
柳

詠柳

李嶠

楊柳鬱氤氲金堤總翠氛庭前花類雪樓際葉如雲  
列宿分龍影芳池寫鳳文短簫何以奏攀折爲思君

詠柳

許景先

唐詩類苑

卷之二百九十三

三

春色東來渡渭橋青門垂柳百千條長楊西連建章  
路漢家林苑紛無數繁花始遍合懽宮遊絲半冒相  
思樹春樓初日照南隅柔條垂綠掃金鋪寶釵新梳  
倭墮髻錦帶交垂連理襦自憐柳塞淹戎幕銀燭長  
啼愁夢著芳樹朝催玉管新春風夜染羅衣薄城頭  
柳已如絲今年花落去年時折芳遠寄相思曲爲  
惜容華難再持

詠柳

賀知章

碧玉粧成一樹高萬條垂下綠絲絛不知細葉誰裁  
出二月春風似剪刀

詠柳

唐彥謙

惹絆風光別有情世間誰敢闕輕盈楚王江畔無端種餓損宮腰學不成

詠柳

韓渥

裊雨拖風不自持全身無力向人垂玉纖折得遙相贈便是觀音手裏時

詠柳

李咸用

日近煙饒還有意東垣西掖幾千株牽仍別恨知難盡誇街春光恐更無解引人情長婉約巧隨風勢強盤紆天應繡出繁華景處處茸絲惹路衢

唐詩類苑

卷之二百九十三

四

詠柳

滕邁

三條陌上拂金羈萬里橋西映酒旗此日令人腸欲斷不堪將入笛中吹

詠柳

顧雲

閒花野草總爭新眉皺絃乾獨不勻乞與東風殘氣力莫教虛度一年春

詠柳

杜牧

日落水流西復東春光不盡柳何窮巫娥廟裏低含雨宋玉宅前斜帶風莫將榆莢共爭翠深感杏花相映紅灞上漢南千萬樹幾人遊宦別離中

題柳

韓琮

折柳歌中得翠條遠移金殿種青霄上陽宮女不送不忿先歸學舞腰

詠柳

薛逢

弱植驚風急自傷暮來翻遣思悠揚曾飄綺陌隨高下敢拂朱欄競短長縈砌乍飛還乍舞撲池如雪又如霜莫令岐路頻攀折漸擬垂陰到畫堂

柳

李商隱

動春何限葉撼曉幾多枝解有相思否應無不舞時絮飛藏皓蝶帶弱露黃鸝傾國宜通體誰來獨賞眉

唐詩類苑

卷之二百九十三

五

柳

方干

搖曳惹風吹臨堤軟勝絲態濃誰爲識力弱自難持學舞枝翻袖呈妝葉展眉如何一攀折懷友又題詩

贈柳

李商隱

章臺從掩映郢路更參差見說風流極來當婀娜時橋迴行欲斷堤遠相隨忍放花如雪青樓撲酒旗

柳二首

李商隱

爲有橋邊拂面香何曾自敢占流光後庭玉樹承恩澤不信年華有斷腸曾逐東風拂舞筵樂游春苑斷腸天如何肯到清秋

日已帶斜陽又帶蟬

柳

杜牧

數樹新開翠影齊，倚風情態被春迷。  
依依故國樊川恨，半掩村橋半拂溪。

柳十首

李山甫

灞岸江頭臘雪消，東風偷軟入纖條。  
春來不忍登樓望，萬絮金絲着地嬌。  
受盡風霜得到春，一條條是逐年新。  
尋常送別無餘事，爭忍攀將過與人。

長恨陽和也世情，把香和艷與紅英。  
家家只是栽桃李，獨自無根到處生。

唐詩類苑 卷之百九十三

六

只爲遮樓又拂橋，被人摧折好枝條。  
假饒張緒如今在，須把風流暗裏銷。

弱帶低垂可自由，傍他門戶倚他樓。  
金風不解相擡舉，露壓煙欺直到秋。

終日堂前學畫眉，幾人曾道勝花枝。  
試看三月春殘後，門外清陰是阿誰。

也曾飛絮謝家庭，從此風流別有名。  
不是向人無用處，一枝愁殺別離情。

從來只是愛花人，楊柳何曾占得春。  
名向客亭門外

三與他迎送往來塵

強扶柔態酒難醒，漠漠春風別有情。  
公子王孫且相伴，與君俱得幾時榮。

無賴秋風斗柄寒，萬條煙罩一時乾。  
遊人若要春消息，直向江頭臘後看。

柳

鄭谷

半煙半雨江橋畔，映杏映桃山路中。  
會得離人無限意，千絲萬絮惹春風。

柳

李商隱

柳映江潭底，有情望中頻遣客。  
心驚巴雷隱隱千山外，更作章臺走馬聲。

唐詩類苑

卷之百九十三

七

外更作章臺走馬聲

柳

羅隱

一簇青煙鎖玉樓，半垂欄畔半垂溝。  
明年更有新條在，繞亂春風卒未休。

柳

羅隱

灞岸晴來送別頻，相隈相倚不勝春。  
自家飛絮猶無定，爭解垂絲絆路人。

柳

羅隱

粧點青春更有誰，青春常許占先知。  
亞夫營畔風輕處，元亮門前日暖遲。  
花密宛如飄六出，葉繁何惜



雙眉交情別緒論多少好向仁人贈一枝

柳

李商隱

江南江北雪初消漠漠輕黃惹嫩條  
灞岸已攀行客手楚宮先騁舞姬腰  
清明帶雨臨官道晚日含風拂野橋  
如絲正牽恨王孫歸路一何遙

柳

僧慕幽

今古憑君一贈行幾回折盡復重生  
五株斜傍淵明宅千樹低垂太尉營  
臨水帶煙藏翡翠倚風兼雨宿流鶯  
隋皇堤上依依在曾惹當時歌吹聲

柳

韓喜

唐詩類苑

卷之百九十三

八

雪盡青門弄影微暖風遲日早鶯歸  
如憑細葉留春色須把長條繫落暉  
彭澤有情還鬱鬱隋堤無主自依依  
世間惹恨偏饒此可是行人折贈稀

柳

溫庭筠

楊柳千條拂面綠綠煙金穗不勝吹  
香隨靜婉歌塵起影伴嬌嬈舞袖垂  
羌管一聲何處曲流鶯百轉最高枝  
千門九陌花如雪飛過宮牆兩自知

柳二首

李紳

千條垂柳拂金絲日暖牽風葉學眉  
愁見花狂飛不定還同輕薄五陵兒

陶令門前習接羅亞夫營裏拂朱旗  
人事推移無物年年春至綠垂絲

新柳

司空曙

全欺芳蕙晚似妬寒梅疾撩亂發青條  
春風來幾日御苑陽和早章溝柳色新  
託根偏近日布葉乍迎春

御溝新柳

賈稜

秀質方含翠清陰欲庇人輕雲度斜景  
多露滴行塵裊裊堪離贈依依獨望頻  
王孫如可賞攀折在芳辰

御溝新柳

陳羽

宛宛如絲柳含黃一望新未成溝上暗  
且向日邊春

唐詩類苑

卷之百九十三

九

嫋娜方遮水低迷欲醉人託空方鬱鬱  
逐溜影翩翩美色滋宵露垂枝染夕塵  
夾堤連太液還似映天津

御溝新柳

歐陽詹

東風韶景至垂柳御溝新媚作千門秀  
連爲一道春柔荑生女指嫩葉長龍鱗  
舞絮迴青岸輕煙拂綠蘋

御溝新柳

馮宿

夾道天渠遠垂絲御柳新千條宜向日  
萬戶共迎春輕翠含煙發微音逐吹頻  
靜看思渡口迴望憶江濱

裏裏分遊騎依依駐旅人陽和如可及  
攀折在茲辰

御溝新柳

李觀

御溝迴廣陌芳柳對行人翠色枝枝滿年光樹樹新  
畏逢攀折客愁見別離辰近映章臺騎遙分禁苑春  
嫩陰初覆水高影漸離塵莫入胡兒笛還令淚濕巾

御溝新柳

劉遵古

韶光先禁柳幾處覆溝新映水疑分翠含煙欲占春  
悠悠遲日晚裏裏好風頻吐節茸猶嫩通條澤稍均  
遠和瑤草色暗拂玉樓塵願假騫飛便歸棲及此辰

御溝新柳

杜荀鶴

律到九重春溝運柳色新細籠穿禁水輕拂入朝人

唐詩類苑

卷之一百九十三

十

日近韶光早天低聖澤勻谷鶯棲未穩宮女畫難真  
楚國空搖浪隋堤暗惹塵何如帝城裏先得覆龍津

新柳

薛能

輕輕須重不須輕重木難成獨早成柔性定勝剛性  
立一枝還引萬枝生天鍾和氣元無力時遇風光別  
有情誰道少逢知已用將軍因此建雄名

新柳

顧雲

帶露含煙處處垂綻黃搖綠嫩參差長堤未見風飄  
絮廣陌初憐日映絲斜倚畫筵偷舞態低臨粧閣學  
愁眉離亭不放別

西澗種柳

韋應物

宰邑乖所願黽俛愧昔人聊將休暇日種柳西澗濱  
置鋪息微倦臨流睇歸雲封壤自人力生條在陽春  
成陰豈自取爲茂屬他辰延詠留佳賞山水變夕暉

東澗種柳

白居易

野性愛栽植植柳水中坻乘春持斧斫截而樹之  
長短既不一高下隨所宜倚岸埋大幹臨流插小枝  
松柏不可待梗楠固難移不如種此樹此樹易榮滋  
無根亦可活成陰况非遲三年未離郡可以見依依  
種罷水邊憩仰頭間自思富貴本非望功名須待時

唐詩類苑

卷之一百九十三

十二

不種東溪柳端坐欲何爲

種柳戲題

柳宗元

柳州柳刺史種柳柳江邊談笑爲故事推移成昔年  
垂陰當覆地聳幹會參天好作思人樹慚無惠化傳

種柳三詠

白居易

白頭種松桂早晚見成林不及栽楊柳明年便有陰  
春風爲催促副取老人心  
從君種楊柳夾水意如何准擬三年後青絲拂綠波  
仍教小樓上對唱柳枝歌  
更想五年後千條如壓路傍深映月樓上暗藏春

愁殺閒遊客聞歌不見人

歎楊花

韋應物

空蒙不自定况值暄風度舊賞逐流年新愁忽盈素  
纔繁下苑曲稍滿東城路人意有悲歡時芳獨如故

柳花詞三首

劉禹錫

開從綠條上散逐香風遠故取花落時悠揚占春晚

二

輕飛不假風輕落不委地繚亂舞晴空發人無限思

三

晴天闇闇雪來送青春暮無意似多情千家萬家去

唐詩類苑

卷之百九十三

十三

柳花寄人

李建勳

每愛江城裏青春尚盡時一迴新雨歇是處好風吹  
破石粘蟲領高樓撲酒旗遙知陶令宅五樹正離披

楊白花

柳宗元

楊白花風吹度江水坐令宮樹無顏色搖蕩春光千  
萬里茫茫曉日下長秋哀歌未斷城頭起

柳花歌送客往桂陽

戴叔倫

滄浪渡頭柳花發斷續因風飛不絕搖煙拂水積翠  
間綴雪含霜誰忍攀夾岸紛紛送君去鳴榔孤尋到  
何處移家深入桂水源種柳新成花更繁定知別後

消散盡却憶今朝傷旅魂

楊花落

楊巨源

北斗南迴春物老紅英落盡綠尚早韶風澹蕩無所  
依偏惜垂楊作春好此時可憐楊柳花榮盛艷曳清  
人家人家女兒出羅幙靜掃玉庭待花落寶環纖手  
捧更飛翠羽輕衫承不着歷歷瑤琴舞金陳非紅拂  
黛憐玉人東園桃李芳已歇獨有楊花嬌暮春

詠柳花

薛能

浮生失意頻起絮又飄淪發自誰家樹飛來獨院春  
朝容繁斷砌晴影過諸鄰亂掩空中蝶還衝陌上人

唐詩類苑

卷之百九十三

十三

隨波應到海霑雨或依塵會向慈恩日輕輕對此身

柳絮

楊凝

河畔多楊柳追遊盡狹斜春風一回送亂入莫愁家

柳絮

吉中孚妻張氏

鶻鶻芳春朝雪絮起青條或值花同舞不因風自飄  
過罇浮綠醕拂幌綴紅綃那用持盃翫春懷不自聊

柳絮

白居易

三月盡時頭白日與春老別更依依憑鶻爲向楊花  
道絆惹春風莫放歸

池上絮

韓愈

池上無風有落暉  
楊花暗後自飛飛  
爲將纖質鏡濕却無窮  
不得歸

柳絮

薛濤

二月楊花輕復微  
春風飄蕩一作蕩漾惹人衣  
他家本是無情物  
一向南飛又北飛

柳絮

羅鄴

處處東風撲晚陽  
輕輕醉粉落無香  
就中堪恨隋堤上  
曾惹龍舟舞鳳凰

望漢陽柳色寄王宰

李白

漢陽江上柳望客引東枝  
樹樹花如雪紛紛亂若絲

唐詩類苑

卷之百九十三

十四

春風傳我意草木發前輝  
寄謝絃歌宰西來定未遲

小苑春望宮池柳色

張昔

小苑春初至皇衢日更清  
遙分萬條柳迥出九重城  
隱映龍池潤參差鳳闕明  
影宜宮雪曙色帶禁煙晴  
深淺殘陽變高低曉吹輕  
年光正堪折欲寄一枝榮

小苑春望宮池柳色

黎逢

上宮新柳變小苑暮天清  
始見和煙密遙憐拂水輕  
色乘陽氣重陰助御樓深  
不覺隨風嫋仍宜向月明  
客中愁美景池上仰光榮  
一作重經通開旌漸到依依處思聞出谷鶯

小苑春望宮池柳色 丁位

小苑宜春望宮池柳色輕  
低昂含曉景繁轉帶新晴  
似蓋芳初合如絲蔭漸成  
依依連水暗嫋嫋出牆明  
雖以陽和發能令旅思生  
他時花滿路從此接還鶯

小苑春望宮池柳色

元友直

柳色新池遍春光御苑晴  
葉依青閣密條向碧流傾  
路暗陰初重波搖影轉清  
風從垂處度煙就望中生  
斷續遊蜂聚飄飄戲蝶輕  
怡然變芳節願及一枝榮

小苑春望宮池柳色

楊系

勝遊從小苑宮柳望春晴  
拂地青絲嫩紫風綠帶輕

唐詩類苑

卷之百九十三

十五

光含煙色遠影透水文清  
玉笛吟何得金閨盡豈成  
皇風吹欲斷聖日映逾明  
願駐高枝上還同出谷鶯

小苑春望宮池柳色

楊凌

上苑閒遊早東風柳色輕  
儲胥遙掩映池水隔微明  
春至條偏弱寒餘葉未成  
和煙變濃澹轉日異陰晴  
不獨芳菲好還因雨露榮  
行人望攀折遠翠暮愁生

小苑春望宮池柳色

崔績

帝京春氣早御柳已先榮  
嫩葉隨風散浮光向日明  
悠揚生別意斷續引芳聲  
積翠連馳道飄花出禁城  
柔條依水弱遠色帶煙輕  
南望龍池畔斜光照晚晴

小苑春望宮池柳色

裴達

勝遊經小苑閒望上春城御路韶光發宮池柳色輕  
乍濃含雨潤微澹帶雲煙一作晴暮歷殘煙斂搖揚落  
照明幾條垂廣殿數樹影高旌獨有風塵客思同雨  
露榮

小苑春望宮池柳色

張季畧

韶光歸漢苑柳色發秦城半見離宮出纔分遠水明  
青蔥當淑景隱映媚新晴積翠煙初合微黃葉未生  
迎春看尚嫩照日見光榮倘得辭幽谷高枝寄一鳴

小苑春望宮池柳色

沈廻

唐詩類苑 卷之一百九十三 十六  
今來遊上苑春染柳條輕濯濯方含色依依若有情  
分行臨曲沼先發媚重城拂水枝偏弱搖風絲已生  
變黃隨淑景吐翠逐新晴佇立徒延首徘徊欲寄誠  
送張成季往江上賦得垂楊

盧綸

垂楊真可憐地勝覺春偏一穗雨聲裏千條池色前  
露繁花的皪日麗影團圓若到隋堤望應逢花滿船

垂柳

李商隱

娉婷小苑中婀娜曲池東朝佩皆垂地仙衣盡帶風  
七賢寧占竹三品且饒松腸斷靈和殿先皇玉座空

垂柳

李商隱

垂柳碧茸茸樓昏雨帶容思量成夜夢未久發  
梳洗憑張敞乘騎笑稚恭碧空隨轉笠紅燭近  
怨目明秋水愁眉淡遠峰小欄花盡蝶靜院醉醒  
舊作琴臺鳳今爲藥杏龍寶奩拋擲久一任景陽鐘

永豐坊園中垂柳二首

白居易

一樹春風千萬枝嫩如金色軟於絲永豐西角荒園  
裏盡日無人屬阿誰

一樹衰殘委泥土雙枝榮耀植天庭定知玄象今春  
後柳宿光中添兩星

唐詩類苑

卷之一百九十三

十七

詔取永豐坊柳植禁苑

盧貞

一樹依依在永豐兩枝飛去杳無蹤玉皇採取人間  
曲應逐歌聲入九重

崔十四宅各賦一物得簷柳

皇甫冉

官渡老風煙潯陽媚雲日漢將營前見胡笳曲中出  
復在此簷端垂陰仲長室

五月水邊柳

崔護

結根挺涯浹垂影覆清淺睡臉寒未開嬾腰晴更軟  
搖空條已重拂水帶方展似醉煙景凝如愁月露泣

絲長魚候恐枝弱禽驚踐長別幾多情含春任攀

宇文秀才齋中海柳詠 孟郊

玉樓青葢凝結爲芳樹姿忽驚明月鈎鈎出珊瑚枝  
灼灼不死花蒙蒙長生絲飲柏况仙味詠蘭擬古詞  
霜風清颼颼與君長相思

賦得臨池柳 太宗

岸曲絲陰聚波搖帶影疎還將眉裏翠來就鏡中舒  
題平陽郡汾橋邊柳樹 岑參

此地曾居住今來宛似歸可憐汾上柳相見也依依  
柳下暗記 李商隱

唐詩類苑 卷之二百九十五 大

無奈巴南柳千條傍吹臺更將黃映白擬作杏花媒  
賦得路傍一株柳送邢校書赴延州使府 李益

路傍一株柳此路向延州延州在何處此路起悠悠  
隄上柳 戴叔倫

垂柳萬條絲春來識別離行人攀折處閨妾斷腸時  
巴江柳 李商隱

巴江可惜柳柳色綠侵江好向金鑾殿移陰入綺窻  
勤政樓西老柳 白居易

半朽臨風樹多情立馬人開元一株柳長慶二年春

問柳 皇甫冉

接影武昌城分行漢南道何事開門外空對青山老  
獨柳 杜牧

含煙一株柳拂地搖花久佳人不忍折悵望爲纖手  
春池柳 太宗

年柳變池臺隋堤曲直迴逐浪絲陰去迎風帶影來  
疎黃一鳥啖半翠幾眉開繁雪臨春岸參差開早梅  
有感 杜牧

宛溪垂柳最長枝曾被春風盡日吹不堪攀折猶堪  
看陌上少年來自遲

唐詩類苑 卷之二百九十五 十九

只道梅花發那知柳亦新枝枝總到地葉葉自開春  
紫燕時翻翼黃鸝不露身漢南應老盡霸上遠愁人  
賦得江上柳送人 戎昱

江柳斷腸色黃絲垂未齊人看幾重恨鳥入一枝低  
鄉淚正堪落與君又解攜相思萬里道春夕陽西

隋堤柳 杜牧

夾岸垂楊三百里祗應圖畫最相宜自嫌流落西歸  
疾不見東風二月時

隋堤柳 李山甫

曾傍龍舟拂翠華至今凝恨倚天涯但經春色還秋  
色不覺楊家是李家背日古陰從北朽逐波疎影向  
南斜年年只有晴風便遙爲雷塘送雪花

隋堤柳

羅隱

夾岸依依千里遙路人迴首認隋朝春風未惜宣華  
意猶費功夫長綠條

庭柳

姚係

裊裊楊柳枝當軒雜佩垂交陰總共密分條各自宜  
因依似永久一作攬結自傷離愛此陽春色秋風莫  
遽吹

唐詩類苑

卷之二百九十三

二十一

謠柳

李商隱

已帶黃金縷仍飛白玉花長時須拂馬密處少藏鴉  
眉細從他斂腰輕莫自斜玳梁誰道好偏擬映盧家

題王家莊臨水柳亭

白居易

弱柳綠堤種虛亭壓水開條疑逐風去波欲上堦來  
翠羽偷魚入紅腰學舞迴春愁正無緒爭不盡殘杯

原隰黃綠柳

溫庭筠

迥野韶光早晴川柳滿一作堤拂塵生嫩綠披雪見  
柔黃碧玉牙猶短黃金縷未齊腰支美寒吹眉意入  
春閨預恐狂夫折迎牽逸客迷新鷺將出谷應借一

枝棲

官渡柳歌送李員外承恩往揚州觀省

獨孤及

君不見官渡河兩岸三月楊柳枝千條萬條色色色  
勝綠絳花作鉛粉絮葉成翠羽帳此時送遠人悵望  
春水上遠客折楊柳依依兩含情夾郎木蘭舟送郎  
千里行郎把紫泥書東征近庭闈脫却貉襜褕新着  
五綵衣雙鳳并兩翅將雛東南飛五兩得便風幾日  
到揚州莫貪揚州好客行刺淹留郎到官渡頭春蘭  
已應久殷勤道遠別爲謝大堤柳攀條倘相憶五里

唐詩類苑

卷之二百九十三

二十一

一迴首明年柳枝黃問郎還家否

青門柳

白居易

青青一樹傷心色曾入幾人離恨中爲近都門多送  
別長條折盡減春風

今公南莊花柳正盛欲偷一賞先寄二首

白居易

最憶樓花千萬朵偏憐堤柳兩三株擬提社酒攜村  
妓擅入朱門莫怪無  
可惜亭臺閒度日欲偷風景暫遊春只愁花裏鶯餓  
舌飛入宮城報主人



小橋柳

白居易

細水涓涓似淚流日西惆悵小橋頭  
衰楊葉落猶在猶被霜風吹不休

賦得江邊柳

魚玄機

翠色連荒岸煙姿入遠樓  
影鋪秋水面花落釣人頭  
根老藏魚窟枝低繫客舟  
瀟瀟風雨夜驚夢復添愁

賦得長亭柳

戴叔倫

濯濯長亭柳陰連灞水流  
雨搓金縷細煙裊翠絲柔  
送客添新恨聽鶯憶舊遊  
贈行多折取那得到深秋

謝韋大夫栽柳

皇甫冉

唐詩類苑

卷之二百九十三

二十三

本在胡笳曲今從漢將營  
濃陰方待庇弱植豈無情  
比雪花應吐藏鳥葉未成  
五株蒙遠賜應使號先生

蘇州柳

白居易

金谷園中黃嬋娜曲江亭畔碧婆娑  
老來處處遊行徧不似蘇州柳最多  
絮撲白頭條拂面使君無計奈春何

春何

賦得灞岸柳留辭鄭員外

楊巨源

楊柳含煙灞岸春年年攀折爲行人  
好風倘借低枝便莫遣青絲掃路塵

華清宮前柳

王建

楊柳宮前忽地春在先驚動探春人  
曉來唯欠曉雨洗却枝頭綠上塵

憶江柳

白居易

曾栽楊柳江南岸一別江南兩度春  
遙憶青青江岸上不知攀折是何人

第三歲日詠春風憑楊員外寄長安柳

元稹

二月春風已有情拂人頭面稍憐輕  
殷勤爲報長安柳莫惜枝條動軟聲

搖柳

一作柳

孟郊

唐詩類苑

卷之二百九十三

三十三

弱弱本易驚看看勢難定因風似醉舞  
盡日不能正時邀詠花女笑輟春粧鏡

關門柳

李商隱

永定河邊一行柳依依長發故年春  
東來西去人情薄不爲清陰減路塵

楊柳送客

張籍

青風江畔白蘋洲楚客傷離不待秋  
君見隋朝更何事綠楊南渡水悠悠

喜小樓西楊柳抽條

白居易

一行弱柳前年種數尺柔條今日新  
漸欲拂他騎馬

客未多遮得上樓人須教碧玉羞眉黛莫與紅桃作  
麴塵爲報金堤千萬樹饒伊未敢苦爭春

題州北路傍老柳樹 白居易

皮枯緣受風霜久條短爲經攀折頻但見半衰當此  
路不知初種是何人雪花零碎逐年減煙葉稀疏隨  
分新莫道老株芳意少逢春猶勝不逢春

柳條詞送別

南陌傷心別東風滿把春莫欺楊柳弱勸酒勝與人

楊柳枝二十韻 白居易

楊柳枝洛下新聲也洛之小妓有善歌之者詞章

唐詩類苑 卷之二百九十三

二十四

音韻聽可動人故賦之

小妓攜桃葉新歌蹋柳枝粧成翦燭後醉起拂衫時  
繡履嬌行緩花筵笑上遲身輕委迥雪羅薄透凝脂  
笙引簧頻暖筆催柱數移樂童翻怨調才子與妍詞  
便想人如樹先將髮比絲風條搖兩帶煙葉帖雙眉  
日動櫻桃破鬟低翡翠垂枝柔腰嫋娜更嫩手歲寒  
候鶴晴呼侶哀猿夜叫兒玉敲首歷歷珠貫字累累  
袖爲收聲點釵因赴節遺重重過頭別一一拍心知  
塞北愁攀折江南苦別離黃遮金谷岸綠映杏園池  
春惜芳華好秋憐顏色衰取來歌裏唱勝向笛中吹

唱罷那能別情多不自持纏頭無別物一首斷腸

楊柳枝詞八首 白居易

六么水調家家唱白雪梅花處處吹古歌舊曲君休  
聽聽取新翻楊柳枝

陶令門前四五樹亞夫營裏百千條何似東都正二  
月黃金枝映洛陽橋

依依嫋嫋復青青勾引春風無限情白雪花繁空撲  
地綠絲柔弱不勝鶯

紅板江橋青酒旗館娃宮暖日斜時可憐雨歇東風  
定萬樹千條各自垂

唐詩類苑 卷之二百九十三

二十五

蘇州楊柳任君誇更有錢塘勝館娃若解多情尋小

小綠楊深處是蘇家

蘇家小女舊知名楊柳風前別有情剝條盤作銀環  
樣卷葉吹爲玉笛聲

葉含濃露如啼眼枝嫋輕風似舞腰小樹不宜攀折  
苦乞君留取兩三條

人言柳葉似愁眉更有愁腸似柳絲柳絲挽斷腸牽  
斷彼此應無續得期

楊柳枝詞九首 劉禹錫

塞北梅花羌笛吹淮南桂樹小山詞請君莫奏前朝

聽唱新翻楊柳枝

南陌東城春早時相逢何處不依依桃紅李白皆  
好須得垂楊相發揮

鳳闕輕遮翡翠閣龍池遙望麴塵絲御溝春水相輝  
映狂殺長安年少兒

金谷園中鶯亂飛銅駝陌上好風吹城中桃李須臾  
盡爭似垂楊無限時

花萼樓前初動時美人樓上鬪腰肢如今拋擲長街  
裏露葉如啼欲恨誰

煬帝行宮汴水濱數枝楊柳不勝春晚來風起花如  
雪飛入宮牆不見人

御陌青門拂地垂千條金縷萬條絲如今綰作同心  
結將贈行人知不知

城外春風吹酒旗行人揮袂日西時長安陌上無窮  
樹唯有垂楊管別離

輕盈嫋娜占年華舞榭粧樓處處遮春盡絮飛留不  
得隨風好去落誰家

楊柳枝詞二首

劉禹錫

迎得春光先到來淺黃輕綠映樓臺只緣嫋娜多情  
思更被春風長倩猜

巫峽巫山楊柳多朝雲暮雨遠相和因想陽臺無阻  
事爲君回唱柳枝歌

折楊柳

徐延壽

天道連國門東西種楊柳葳蕤君不見嫋娜垂來久  
綠枝栖暝禽雄去雌獨吟餘花怨春盡微月起秋陰

坐望牕中蝶起攀枝上葉好風吹長條婀娜何如妾  
妾見柳園新高樓四五春莫吹胡塞曲愁殺隴頭人

東城攀柳葉柳葉低着草少壯莫輕年輕年有衰老  
柳發通川國登高堪斷腸雨煙遙漠漠河樹近君鄉

贈君折楊柳顏色豈能久上客莫沾巾佳人正迴首

折楊柳

李端

新柳送君行古柳傷君情突兀臨荒渡婆娑出舊營  
隋家兩岸盡陶宅五株平日暮偏愁望春山有鳥聲

楊柳多短枝短枝多別離贈遠累攀折柔條安得垂  
青春有定節別離無定時但恐人別促不怨來遲遲

莫言短枝條中有長相思朱顏與綠楊併在別離期

樓上春風過風前楊柳歌枝疎綠別苦曲怨爲年多

花驚燕地雪葉映楚池波誰堪別離此征戍在交河

折楊柳

喬知之

可憐濯濯春楊柳攀折將來就纖手妾容與此同盛  
衰何必君恩能獨久

離亭賦得折楊柳二首

李商隱

暫憑樽酒送無憀莫損愁眉與細腰人世死前誰有  
別春風爭擬惜長條

含煙惹霧每依依萬緒千條拂落暉爲報行人休盡

折半留相送半迎歸

折楊柳

韋承慶

唐詩類苑

卷之百九十三

二九

萬里邊城地三春楊柳節葉似鏡中眉花如關外雪  
征人遠鄉思倡婦高樓別不忍擲年華含情寄攀折

折楊柳

李白

垂楊拂綠水搖艷東風年花明玉關雪葉暖金隄煙  
美人結長想對此心悽然攀條折春柳遠寄龍庭前

折楊柳

楊炯

邊地迷無極征人去不還愁容凋翠羽別淚損紅顏  
望斷流星驛心馳明月關葉砧何處在楊柳自堪攀

折楊柳

盧照隣

倡樓啓曙扉楊柳正依依鶯啼知歲隔條變識春歸

葉凝愁黛風花落舞衣攀折將安寄軍中音信

折楊柳

沈佺期

玉窗朝日映羅帳春風吹拭淚攀楊柳長條踈地垂  
白花飛歷亂黃鳥思參差妾自肝腸斷傍人那得知

折楊柳

劉憲

沙塞三河道金闕二月春碧煙楊柳色紅粉綺羅人  
露葉憐啼臉風花思舞巾攀持君不見爲聽曲中新

折楊柳

崔湜

二月風光半三邊戍不還年華妾自惜楊柳爲君攀  
落絮繁衫袖垂條拂髻鬟那堪信音斷流涕望陽關

唐詩類苑

卷之百九十三

二九

折楊柳

歐陽瑾

垂柳拂粧臺歲製葉半開年華枝上見邊思曲中來  
綠色宜新雨輕花伴落梅朝朝倦攀折征戍幾時回

折楊柳

鄭愔

青柳映紅顏黃雲蔽紫關傳聞邊信出枝葉爲君攀  
舞態愁將斷春心望不還風花亂成雲羅綺淚斑斑

折楊柳

張九齡

纖纖折楊柳持此寄情人一枝何足貴憐是故園春  
遲景那能久流芳不及新更愁征戍客容顏老邊塵

雨中題衰柳

白居易

屈青條折寒飄黃葉多不知秋雨意更遣欲如何

題河邊枯柳

王冷然

隋家天子憶楊州厭坐深宮傍海遊穿地鑿山開御路鳴笳疊鼓汎春流流從北河汾口直到淮南種官柳功成力盡人旋亡運謝年移樹空有當時彩女侍君王帳殿旌門對柳行青葉交垂連慢色白花飛散染衣香今日摧殘何用道數里曾無一株好驛騎江帆損更多山精野魅藏應老涼秋九月露爲霜日夜孤舟入帝鄉河畔時時聞落木客中無箇不沾裳

別柳枝

白居易

唐詩類苑

卷之百九十三

三十

兩枝楊柳小樓中嫋娜多年伴醉翁明日放歸歸去後世間應不要春風

前有別楊柳枝絕句夢得繼和云春盡絮飛留不得隨風好去落誰家又復戲答

白居易

柳老春深日又斜任他飛向別人家誰能更學孩童戲尋逐春風捉柳花

唐詩類苑卷第一百九十三終

唐詩類苑卷第一百九十四

明雲間張之象玄超甫纂輯

雲間張嗣功次甫甫編次

雲間王徹叔朗甫補訂

梁谿曹仁孫伯安甫校正

木部

竹

咏竹

李嶠

高幹楚江濱嬋娟含曙氛白花搖鳳影青節動龍文葉掃東南日枝捎西北雲誰知湘水上流淚獨思君

唐詩類苑

卷之百九十四

和黃門盧侍郎詠竹

張九齡

清切紫庭垂葳蕤防露枝色無玄月變聲有惠風吹高節人相重貞心世所知鳳凰佳可食一去一來儀

嚴鄭公宅同詠竹

杜甫

綠竹半含籊新梢纔出牆色侵書帙晚陰過酒罇涼雨洗娟娟淨風吹細細香但令無剪伐會見拂雲長

題竹

秦韜玉

削玉森森幽思清阮家高興尚分明捲簾陰薄漏山色欹枕韻寒宜雨聲斜對酒缸偏覺好靜籠蒼局最多情却驚九陌輪蹄外獨有溪煙數十莖

竹

李賀

入水文光動，抽空綠影春。露華生筍筴，苔色拂霜根。  
織可承香汗，裁堪釣錦鱗。三梁曾入用，一節奉王孫。

竹

李建勳

瓊節高吹宿鳳枝，風流交我立忘歸。最憐瑟瑟斜陽下，  
花影相和滿客衣。

竹

羅隱

籬外清陰接藥欄，晚風交戛碧琅玕。子猷歿後知音少，  
粉節霜勻謾歲寒。

竹

崔涯

唐詩類苑

卷之二百九十四

二

領得溪風不放迴，傍窻綠砌遍庭栽。行招野客爲鄰住，  
看引山禽入郭來。幽院獨驚秋氣早，小門深向綠陰開。  
誰憐翠色兼寒影，靜落茶甌與酒杯。

竹

鄭谷

宜煙宜雨又宜風，拂水藏村復間松。移得蕭騷從遠市，  
洗來疎淨見前峰。侵階蘚折春芽迸，繞徑莎微夏蔭濃。  
無賴杏花多意緒，數枝穿翠好相容。

竹十首

陳陶

不厭東溪綠玉君，天壇雙鳳有時聞。一峰曉似朝仙處，  
青節森森倚絳雲。

萬枝朝露學瀟湘，杳靄孤亭白石涼。誰道乖龍不待雨，  
春雷入地馬鞭狂。

須題內史琅玕塢，幾醉山陽瑟瑟村。刺養萬莖將掃俗，  
莫教凡鳥鬧雲門。

一溪雲母間靈花，似到封侯逸士家。誰識雌雄九成律，  
子喬丹井在天涯。

甯入新篁一里行，萬竿如響鎖龍泓。驚巢翡翠無尋處，  
閒倚雲根刻姓名。

燕燕雛時紫米香，野溪羞色過東牆。諸兒莫杓成蹊筍，  
從結高籠養鳳凰。

唐詩類苑

卷之二百九十四

三

迸玉閒抽上釣磯，翠苗番次脫霞衣。山童泥乞青鸞馬，  
騎過春泉掣手飛。

一節呼龍萬里秋，數莖垂海六鼇愁。更須瀑布峰前種，  
雲裏關干過子猷。

丘壑誰堪話碧鮮，靜尋春譜認神仙。娟會當小殺青瑤簡，  
圖寫龜魚把上天。

玄圃千春閉玉叢，湛陽一祖碧雲空。不須騷屑愁江島，  
今日南枝在國風。

竹

韓偓

綠色連雲萬葉開，王孫不厭滿庭栽。凌霜盡節無人愛，  
綠色連雲萬葉開。

見終日虛心待鳳來誰許風流添興詠自憐瀟灑出塵埃朱門處處多閒地正好移陰拂翠苔

竹

羅鄴

翠葉纔分細細枝清陰猶未上堦墀蕙蘭雖許相依日桃李還應笑後時抱節不爲霜霰一作雪改成林終與鳳凰期渭濱若更徵賢相好作漁竿繫釣絲

庭竹

劉禹錫

露滌鉛粉節風搖青玉枝依依似君子無地不相宜

庭竹

李咸用

嫩綠與老碧森然庭砌中坐銷三伏景吟起數竿風

唐詩類苑

卷之一百九十四

四

葉影重還密梢聲遠或通更期春共看桃映小花紅

詠友人庭竹

施肩吾

曾去玄洲看種玉那似君家滿庭竹客來不用呼清

風此處挂冠涼自足

題褚遂良孫庭竹

盧仝

負霜停雪舊根枝龍笙鳳管君莫截春風一番琴上

來搖碎金鐫碧天月

題友人庭竹

殷文珪

叢篁蕭瑟拂清陰貴地栽成碧玉林盡待花開添鳳食可憐風聲伏龍吟鋼竿誰立文靜錦箨飄零紛

節深何事子猷偏寄賞此君心似主人心

郵竹

元稹

庭有蕭蕭竹門有闌闌騎鶴靜本殊途因依偶同寄亭亭乍干雲嫋嫋亦垂地人有異我心我無異人意

賦得臨階竹

盧照鄰

封霜連錦砌防露拂瑤階聊將儀鳳質暫與俗人諧

賦得臨池竹

太宗

貞條障曲砌翠葉貫一作負寒霜拂牖分龍影臨池待

鳳翔

賦得臨池竹應制

虞世南

唐詩類苑

卷之一百九十四

五

蔥翠梢雲質垂彩映清池波汎含風影流搖防露枝

龍鱗漾嶰谷鳳翅拂漣漪欲識凌冬性惟有歲寒知

詠人雨後翫竹

薛濤

南天春雨時那鑒雪霜姿衆類亦云茂虛心寧自持

多留晉賢醉早伴舜妃悲歲後君能賞蒼蒼勁節奇

洗竹

白居易

布裘寒擁頸毳履溫承足獨立水池邊久看洗霜竹

先除光且病次去纖而曲剪棄猶可憐琅玕十餘束

青青復簞簞頗異凡草木依然若有情迴頭語童僕

小者截魚竿大者編茅屋勿作筓與箕而令糞土辱



同郭參謀詠崔僕射淮南節度使廳前竹

劉長卿

昔種梁王苑今移漢將壇一作不學媚清蒙籠低冕

過青翠卷簾看得地移根遠經霜抱節難開花成鳳

實嫩笋長魚竿藹藹軍容靜蕭蕭郡宇寬細音和角

暮疎影上門寒湘浦何年變山陽幾處殘一作阮卷

處幾不知軒屏側歲晚對袁安

題李次雲窻竹

白居易

不用裁爲鳴鳳管不須截作釣魚竿千花百草凋零

盡留向紛紛雪裏看

唐詩類苑

卷之一百九十四

六

越州使院竹

方干

莫見凌風飄粉籜須知礙石作盤根細看枝上吟蟬

處猶是筍時蟲食痕月送綠陰斜上砌露含寒色濕

遮門列仙終日逍遙地鳥雀前來不敢喧

別橋上竹

白居易

穿橋迸竹不依行恐礙行人被損傷我去自慙遺愛

少不教君得似甘棠

東樓竹

白居易

瀟灑城東樓遶樓多脩竹森然一萬竿白粉封青玉

卷簾睡初覺欹枕看未足影轉色入樓牀席生浮綠

空城絕賓客向夕彌幽獨樓上夜不歸此君留我

池上竹下作

白居易

穿籬遶舍碧透迤十畝閒居半是池食飽寬閒新睡

後脚輕林下獨行時水能性淡爲吾友竹解心虛卽

我師何必悠悠人世上勞心費日覓親知

酬元九對新栽竹有懷見寄

白居易

昔我十年前與君始相識曾將秋竹竿比君孤且直

中心一以合外事紛無極共保秋竹心風霜侵不得

始嫌梧桐樹秋至先改色

唐詩類苑

七

不愛楊柳枝春來軟無力

憐君別我後見竹長相憶長欲在眼前故栽庭戶側

新栽竹

白居易

分首今何處君南我在北吟我贈君詩對之心惻惻

佐邑意不適閉門秋草生何以娛野性種竹百餘莖

見此溪上色憶得山中情有時公事暇盡日繞欄行

勿言根未固勿言陰未成已覺庭宇內稍稍有餘清

最愛近窻臥秋風枝有聲

題盧秘書夏日新栽竹二十韻

白居易

湘竹初封植盧生此考槃久持霜節苦新託露根難

等度須當砌疎稠要滿欄買憐分薄俸裁稱作閒官  
葉剪藍羅碎莖抽玉瑄端幾聲清浙瀝一簇綠檀欒  
未夜青嵐入先秋白露團拂肩搖翠翳慰手美琅玕  
韻透窻風起陰鋪砌月殘炎天聞覺冷窄地見宜寬  
稍動勝搖扇枝低好挂冠龍煙羃羃珠灑雨珊珊  
晚籜晴雲展陰牙蟄虺蟠愛從抽馬策惜不截魚竿  
松韻徒煩聽桃夭不足觀梁慙當家杏臺陋本司蘭  
撐撥詩人興勾牽酒客歡靜連蘆簾滑涼拂葛衣單  
豈止消時暑應能保歲寒莫同凡草木一種夏中看

新栽竹

韋莊

唐詩類苑

卷之二百九十四

八

寂寞堦前見此君遶欄吟罷却沾巾異鄉流落誰相  
識唯有叢篁似主人

茆簷下始栽竹

柳宗元

瘴茆葺爲宇溽暑恒侵肌適有重膇疾蒸鬱寧所宜  
東鄰幸導我樹竹邀涼颼欣然愜吾志荷鍾西巖垂  
楚壤多怪石墜鑿力已疲江風忽云暮輿曳還相追  
蕭瑟過極浦旖旎附幽墀貞根期永固貽爾寒泉滋  
夜窻遂不掩羽扇寧復持清冷集濃露枕簟淒已知  
網蟲依密葉曉禽棲迥枝豈伊紛繁間重以心慮怡  
嘉爾亭亭質自遠棄幽期不見野蔓草蔚蔚有華安

諒無凌寒色豈與青山辭

和令狐相公新於郡內栽竹百竿拆壁開軒

旦夕對翫偶題七言五韻

白居易

梁園脩竹舊傳名久廢年深竹不生千畝荒涼尋未  
得百竿青翠種新成墻開乍見重添興窻靜時聞別  
有情煙葉蒙籠侵夜色風枝蕭颯欲秋聲更登樓望  
光堪重千萬人家無一莖

栽竹

杜牧

本因遮日種却似爲溪移歷歷羽林影疎疎煙露姿

唐詩類苑

卷之二百九十四

九

蕭騷寒雨夜敲劔客入晚風時故國何年到塵冠挂  
一枝

種竹并序

元稹

昔樂天贈予詩云無波古井水有節秋竹竿予秋  
來種竹廳下因而有懷聊書十韻  
昔公憐有直比之秋竹竿秋來苦相憶種竹廳前看  
失地顏色改傷根枝葉殘清風猶淅淅高節空團團  
鳴蟬聒暮景跳蛙集幽欄塵土復晝夜稍雲良獨難  
丹丘信云遠安得臨仙壇瘴江冬草綠何人驚歲寒  
可憐亭亭幹一一青琅玕孤鳳竟不至坐傷時節闌

社中丞書院新移小竹 王建

此地本無竹遠從山寺移經年求養法隔日記澆時  
嫩綠卷新葉殘黃收故枝色驚寒不動聲與靜相宜  
愛護出常數稀稠看自知貧家緣未有客散獨行遲

隣人自金仙觀移竹 李遠

移居新竹已堪看斷破莓苔得幾竿圓節不教傷粉  
籜低枝猶擬拂霜壇墻頭枝出如煙綠枕上風來送  
夜寒第一莫交漁父見且從蕭颯滿朱欄

高司馬移竹 馬戴

叢居堂下幸君移翠掩燈窗露葉垂莫羨孤生在山  
唐詩類苑 卷之二百九十四 十一

者無人看着拂雲枝

問移竹 白居易

問君移竹意如何慎勿排行但間窠多種少栽皆有  
意大都少校不如多

新竹 韓愈

荀添南嶠竹日日成竹闕縹節已儲霜黃苞猶揜翠  
出欄抽五六當戶羅三四高標凌秋嚴貞色奪春媚  
稀生巧補林併出疑爭地縱橫乍依行爛熳忽無次  
風枝未飄吹露粉先油淚何人可移翫清景空瞪視

新竹 陸龜蒙

別塢破苔薛嚴城樹軒楹恭聞稟璇璣化質離青  
竹旋璣玉精受色可定鷄脰實堪招鳳翎立窺五嶺  
秀坐對三都屏晴月窈窕入曙煙霏微生昔者尚借  
宅况來處賓庭金尊縱傾倒碧露還鮮醒若非抱苦  
節何以偶性聲徐觀穉龍出更賦錦苞零

新竹 皮日休

笠澤多異竹移之植後楹一架三百本綠沈森冥冥  
圓緊珊瑚節釵利翡翠翎儼若青帝仗蠹如紫姑屏  
械械微風度漠漠輕靄生如神語鈞天似樂奏洞庭  
一甌九藏冷再聞百骸醒有根可以執有復音福竹

唐詩類苑 卷之二百九十四 十二

也貴可以馨願稟君子操不敢先凋零

寺院新竹 元稹

寶地琉璃坼紫苞琅玕踴亭亭巧於削一一大如拱  
水碧林外寒峰巒眼前聳槎枒矛戟合屹屹龍蛇動  
煙汎翠光流歲餘霜彩重風朝竿籟過雨夜鬼神恐  
佳色有鮮妍修莖無擁腫節高迷玉簇綠綴疑花捧  
詎必泰山根本自仙壇種誰令植幽壤復此依閒冗  
居然霄漢姿坐受籓籬壅集鵲鳴烏炎昏繁蟻蟻  
未遭伶倫聽非安子猷寵威鳳來有時虛心豈奉

題小橋前新竹招客 白居易

鴈齒小紅橋垂簷低白屋橋前何所有再弄新  
皮開拆褐錦節露抽青玉筠翠如可食粉霜不忍觸  
閒吟聲未已幽翫心難足管領好風煙輕欺凡草木  
誰能有月夜伴我林中宿爲君傾一盃狂歌竹枝曲

新竹

元稹

新篁纔解籜寒色已青蔥冉冉偏疑粉蕭蕭漸引風  
扶疎多透日寥落未成叢唯有團團節堅貞大小同

新竹

張翥

新鞭暗入庭初長兩三莖不是他山少無如此地生  
垂梢叢上出柔葉穉間成何用高唐峽風枝掃月明

唐詩類苑

卷之二百九十四

十一

題劉秀才新竹

杜牧

數莖幽玉色曉夕翠煙分聲破寒窻夢根穿綠蘇紋  
漸籠當檻日欲礙入簾雲不是山陰客何人愛此君

沈十四拾遺新竹生讀經處同諸公之作

王維

閒居日清淨修竹自檀樂嫩節留餘籜新叢出舊闌  
細枝風響亂疎影月光寒樂府裁龍笛漁家伐釣竿  
何如道門裏青翠拂仙壇

新竹

李建勳

裊裊薰風軟娟娟湛露光參差仙子  
林檎

迥去侵花地斜來破蘚牆籜乾猶抱翠粉膩若塗  
逕曲莖難數陰疎葉未長嬾嫌吟客倚甘畏夏蟲傷  
映水如爭立當軒自着行北亭罇酒興還爲此君狂  
將往滁城戀新竹簡崔都水示端

韋應物

停車欲去繞叢竹偏愛新筠十數竿莫道兒童觸瓊  
粉留待幽人迴日看

新竹

劉兼

近聽臥砌兩三叢佐靜添幽別有功影鏤碎金初透  
月聲敲寒玉乍搖風無憑費叟煙波碧莫信湘妃淚

唐詩類苑

卷之二百九十四

十三

點紅自是子猷偏愛爾虛心高節雪霜中

對新篁

韋應物

新綠苞初解嫩氣筍猶香含露漸舒葉抽叢梢自長  
清晨止亭下獨愛此幽篁

和王相公題中書叢竹寄上元相公

郎士元

多時仙擁裏色並翠琅玕幽意含煙月清陰庇蕙蘭  
枝繁宜露重葉老愛天寒竟日雙鸞止孤吟爲一看

題友生叢竹

李咸用

羽華寒露濕  
不長生蒲楚今無種

安知植叢篁他年待棲鳳大則化龍騎小可釣璣用  
留煙伴獨醒迴陰冷閒夢何妨積雪凌但爲清風動  
乃知子猷心不與常人共

顏侍御廳叢篁詠 送薛存誠 盧綸

玉幹百餘莖生君此堂側拂簾寒雨響擁砌深溪色  
何事鳳凰鷄茲焉理歸翼

和徐侍郎中書叢篁韻 蔣渙

中禁夕沈沈幽篁別作林色連鷄樹近影落鳳池深  
爲重凌霜節能虛應物心年年承雨露長對紫庭陰

清水驛叢竹天水趙云予手種一十二莖

唐詩類苑 卷之百九十四

十四 柳宗元

簷下疎篁十二莖襄陽從事寄幽情祗應更使伶倫  
見寫盡雌雄雙鳳鳴

范公叢竹歌 并序 岑參

職方郎中兼侍御史范公乃於陝西使院內種竹  
新製叢竹詩以見示美范公之清致雅操遂爲歌  
以和之

世人見竹不解愛知君種竹府庭內此君託根幸得  
地種來幾時聞已大盛暑脩脩叢色寒閒宵檄檄葉  
聲乾能清素簾下見宜對琴書窻外看爲君成陰

將蔽日迸笋穿堦踏還出守節偏凌御史霜虛心願  
比郎官筆君莫愛南山松樹枝竹色四時也不移寒  
天草木黃落盡猶自青青君始知

從韋二明府續處覓錦竹三數叢

杜甫

華軒藹藹他年到錦竹亭亭出縣高江上舍前無此  
物幸分蒼翠拂波濤

合江亭檻前多高竹不見遠岸花客命翦之  
感而成詠 呂溫

吉凶豈前卜人事何翻覆緣看數日花却翦凌霜竹

唐詩類苑 卷之百九十四 十五

常言契君標今乃妨衆目自古病當門誰言出幽獨

脩竹篇 并序 陳子昂

東方公足下文章道獎五百年矣漢魏風骨晉宋  
莫傳然而文獻有可徵者僕嘗暇時觀齊梁間詩  
彩麗競繁而興寄都絕每以永歎思古人常恐透  
迤頽靡風雅不作以耿耿也一昨於解三處見明  
公詠孤桐篇骨氣端翔音情頓挫光英朗練有金  
石聲遂用洗心飾視發揮幽鬱不圖正始之音復  
覩於茲可使建安作者相視而笑解君云張茂先  
何敬祖東方生與其比肩僕亦以爲知言也故感

歎雅製作修竹詩一篇當有知音者以傳示之

龍種生南嶽孤翠鬱亭亭峯嶺上崇翠煙雨下微雲  
夜聞鼉鼠叫晝聽泉壑聲春風正淡蕩白露已清冷  
哀響激金奏密色滋玉英歲寒霜雪苦含彩獨音聲  
豈不厭凝冽羞比春木榮春木有榮歇此節無凋零  
始願與金石終古保堅貞不意伶倫子吹之學鳳鳴  
遂偶雲和瑟張樂奏天庭妙曲方千變蕭韶亦九成  
信蒙雕斲美常願事仙靈驅馳翠虬駕伊鬱紫鸞笙  
結交羸臺女吟弄升天行攜手登白日遠遊戲赤城  
低昂玄鶴舞斷續絳雲生永隨衆仙去三山遊玉京

唐詩類苑

卷之二百九十四

七

綠竹引

宋之問

青溪綠潭潭水側修竹嬋娟同一色徒生仙實鳳不  
遊老死空山人詎識妙年秉願逃俗紛歸臥松丘弄  
白雲含情傲睨慰心目何可一日無此君

竹溪

李益

訪竹越雲崖卽林若溪絕寧知修幹下漠漠秋苔潔  
清光溢空曲茂色臨幽澈採摘愧芳鮮奉君歲暮節

和東川李相公慈竹十二韻

元稹

慈竹不外長密比青瑤華子攢有森東玉立無蹉跎

纖粉妍膩質細瓊交翠柯亭亭霄漢近靄靄

水碧寒夜聳蕭韶風晝羅煙含朧朧影月汎鮮鮮波  
鸞鳳一以顧燕雀永不過幽姿媚庭實顚氣爽天涯  
峻節高轉露貞筠寒更佳託身仙壇上靈物神所何  
時與天籟合日聞陽春歌應憐孤生者摧折成病痾

斑竹

劉長卿

蒼梧千載後斑竹對湘沅欲識湘妃怨枝枝滿淚痕

苦竹

杜甫

青冥亦自守軟弱強扶持味苦夏蟲避叢卑春鳥疑  
軒墀曾不重剪伐欲無辭幸近幽人屋霜根結在茲

唐詩類苑

卷之二百九十四

十七

研竹

杜牧

寺廢竹色死宦家寧爾留霜根漸隨斧風玉尚敲秋  
江南苦吟客何處送悠悠

賦得竹箭有筠

李呈

常愛凌寒竹堅貞可喻人能將先進禮義與後凋隣  
冉冉猶全節青青尚有筠陶鈞二儀內柯葉四時春  
待鳳花仍吐停霜色更新方持不易操對此欲觀身

賦得竹箭有筠

席夔

共愛東南美青青歎有筠貞姿衆大與秀色四時均  
枝葉當無改風霜豈憚頻虛心如待物勁節自留春

鮮潤期淒鳳嬋娟可並人可憐初籜卷粉澤更宜新

賦得竹箭有筠

張仲方

東南生綠竹獨美有筠箭枝葉詎曾凋風霜孰云變  
偏宜林表秀多向歲寒見碧色乍蔥蘢青光常倩練  
皮開鳳彩出節勁龍文現愛此守堅貞含歌屬時彥

賦得震爲蒼筤竹

朱慶餘

爲擢東方秀蕭然異衆筠青蔥纔映粉蒙密正含春  
嫩籜霑微雨幽根絕細塵乍憐分徑小偏覺帶煙新  
結實皆留鳳垂陰似庇人願爲竿在手深水釣蘋鱗  
訓馬八效古見贈 高適

唐詩類苑

卷之二百九十四

十八

深崖生綠竹秀色徒氛氲時代種桃李無人顧此君  
奈何冰雪操尚與蒿萊群願託靈仙子一吹聲入雲

乞竹

王建

乞取池西三兩竿房前栽着病時看亦知自惜難判  
割猶勝橫根引出闌

竹部

石首縣界

元稹

竹部竹山近歲伐竹山竹伐竹歲亦深深林隔深谷  
朝朝冰雪行夜夜豺狼宿科首霜斷蓬枯形燒餘木  
一束十餘莖千錢百餘束得錢盈千百得粟盈斗斛  
歸來不買食父子分半菽持此欲何爲官家歲輸促

我來荆門據寓食公堂肉豈唯遍妻孥亦以及僕僕  
分爾有限資飽我無端腹媿爾不復言爾生何太戚

山竹枝

元稹

深院虎溪竹遠公身自栽多慚折君節扶我出山來  
貴宅安危步難將混俗材還投輞川水從作老龍回

石竹

魏倉曹宅各賦一物得當軒石竹

李頎

羅生殊衆色獨爲華表滋雖雜蘭蕙處無爭桃李時  
同人趨府暇落日後庭期密葉散紅點靈條驚紫裝

唐詩類苑

卷之二百九十四

十九

芳菲看不厭採摘願來茲

病中對石竹花

皇甫冉

散點空堦下閒凝細雨中那能久相伴嗟爾滯秋風

答李滁州題庭前石竹花見寄

獨孤及

殷烏關疑曙霞染巧類匣刀裁不怕南風熱能迎小  
暑開遊蜂憐色好思婦感年催覽贈添離恨愁腸日  
幾迴

雲陽寺石竹花

司空曙

一自幽山別相逢此寺中高低俱出葉深淺不分叢



野嶸難爭白庭榴暗讓紅誰憐芳最久春露到秋風

桐

詠桐

李嶠

孤秀嶸陽岑萋萋出衆林春光雜鳳影秋月弄圭陰  
高映龍門迴雙依玉井深不因將入爨誰爲作鳴琴

桐花

白居易

春令有常候清明桐始發何此巴峽中桐花開十月  
豈伊物理變信是土宜別地氣反寒暄天時倒生殺  
草木堅強物所稟固難奪風候一參差榮枯遂乖刺  
况吾北人性不耐南方熱強羸壽夭間安得依時節

唐詩類苑

卷之二百九十四

二十

桐花

元稹

隴月上山館紫桐垂好陰可憐暗澹色無人知此心  
舜沒蒼梧野鳳歸丹穴岑遺落在人世光華那復深  
年年怨春意不競桃杏林唯占清明後牡丹還復侵  
况此空館閉云誰恣幽尋徒煩鳥噪集不語山嶽岑  
滿院青苔地一樹蓮花簪自開還自落暗芳終暗沈  
爾生不得所我願裁爲琴安置君王側調和元首音  
安問宮徵角先辨雅鄭淫宮絃春以君君若春日臨  
商絃廉以臣臣作旱天霖人安角聲暢人困闕不任  
羽以類萬物祇物神不歆徵以節百事奉事固不欽

五者苟不亂天命乃可悅君若問孝理彈作梁山吟

君若事宗廟拊以和球琳君若不好諫願獻觸流箴

君若不罷獵請聽荒於禽君若侈臺殿雍門可露襟

君若傲賢雋鹿鳴有食苓君聞祈招什車馬勿駸駸

君若欲敗度中有式如金君聞薰風操志氣在惜惜

中有阜財語勿受來獻縣北里當絕聽禍莫大於姪

南風苟不競無往遺之擒姦聲不入耳巧言寧孔壬

梟音亦云革安得診與稷天子既穆穆群材亦森森

劍士還農野絲人歸織絳丹鳳巢阿閣文魚游碧潯

和氣浹寰海易若漑蹄涔改張乃可鼓此語無古今

唐詩類苑

卷之二百九十四

二十二

非琴獨能爾事有諭因針感爾桐花意閑怨春難禁

待我持斤斧置君爲大琛

三月二十四日宿層峰館夜對桐花寄樂天

元稹

微月照桐花月微花漠漠怨澹不勝情低徊拂簾幕

葉新陰影細露重枝條弱夜久春恨多風清暗香薄

是夕遠思君思君瘦如削但感事睽違非言官好惡

奏書金鑾殿步履青龍閣我在山館中滿地桐花落

桐花詩并序

元稹

元和五年予貶掾江陵三月二十四日宿層峰館

山月曉時見桐花滿地因有八韻寄白幹林詩  
時草蹙未暇紀題及今六年詔許西歸去時桐樹  
上孫枝已拱矣予亦白鬚兩莖而蒼然斑駁感念  
前事因題舊詩仍賦桐孫詩一絕又不知幾何年  
復來商山道中元和十年正月題

去日桐花半桐葉別來桐樹老桐孫城中過盡無窮  
事白髮滿頭歸故園

雲居寺孤桐

白居易

一株青玉立千葉綠雲委亭亭五丈餘高意猶未已  
山僧年九十清淨老不死自云手種時一顆青桐子

唐詩類苑

卷之二百九十四

二十三

直從萌芽拔高自毫末始四面無附枝中心有通理  
寄言立身者孤直當如此

段有廳孤桐

王昌齡

鳳凰所宿處月映孤桐寒槁葉零落盡空柯蒼翠殘  
虛心誰能見直影非無端響發調尚苦清商勞一彈

孤桐

雍陶

疎桐餘一幹風雨日蕭條歲晚琴材老天寒桂葉凋  
已悲根半死復恐尾全焦幸在龍門下知音肯寂寥

景陽宮井雙桐

李商隱

秋落菱花乾玉盤明月蝕血滲兩枯心情多去未得

徒經白門伴不見丹山客未待刻作人愁多有魂魄  
誰將玉盤與不死翻相誤天更濶於江孫枝竟郎主  
昔妬隣宮槐道類雙眉斂今日繁紅櫻拋人占長簾  
翠繡不禁綻留淚啼天眼寒灰却盡問方知石羊不  
去誰相絆

題僧房雙桐

李頎

青桐雙拂日傍帶凌霄花綠葉傳僧磬清陰潤井華  
誰能事音律焦尾蔡邕家

題桐葉

韋應物

參差剪綠綺蕭灑覆瓊柯憶在灋東寺偏書此葉多

唐詩類苑

卷之二百九十四

二十三

題桐葉

杜牧

去年桐落故溪上把葉因題歸燕詩江樓今日送歸  
燕正是去年題葉時葉落燕歸真可惜東流玄髮且  
無期笑筵歌席反惆悵朗月清風見別離莊叟彭殤  
同在夢陶潛身世兩相遺一九五色成虛語石爛松  
薪更莫疑哆人也侈不勞文似錦進趨何必利如錐  
錢神任爾知無敵酒量於吾亦庶幾江畔秋光蟾閣  
鏡檻前山翠茂陵眉顰香輕汎數枝菊簷影斜侵局  
半基休指宦遊論巧拙祇將愚直禱神祇三吳煙水  
平生念寧向閒人道所之

蜀桐

李商隱

玉壘高桐拂玉繩上含非霧下含氷枉教紫鳳無棲處斷作秋琴彈壞一作陵

桐竹

李伯魚

北竹青桐比南家綠竹南林君早愛桐竹樹我初貪鳳樓桐不愧鳳食竹何慙棲食更如此予非鳳所堪

答李伯魚桐竹

張說

結廬桐竹下室邇人相深接垣分竹逕隔戶共桐陰落花朝滿岸明月夜披林竹有龍鳴管桐留鳳舞琴奇聲與高節非君誰賞心

唐詩類苑

卷之二百九十四

二十四

琪樹

石橋琪樹

僧隱丘

山上天將近人間路漸遙誰當雲裏見知欲度仙橋

初移琪樹

羊士諤

愛此中物煙霜盡日看無窮碧雲意更助綠窻寒

端正樹

題端正樹

溫庭筠

路傍佳樹碧雲愁曾侍金輿幸驛樓草木榮枯似人事綠陰寂寞漢陵秋

松

咏松

李嶠

鬱鬱高巖表森森幽澗陲鶴棲君子樹風拂大夫枝百尺條陰合千年蓋影披歲寒終不改勁節幸君知

品松

孟郊

追悲謝靈運不得殊常封縱然孔與顏亦莫及此松此松天格高聳異千萬重孤擎拒古手劈裂少室峰劈裂風雨擗孤擎指爪臚道入難抱心學生易墮蹤時時數點仙嫋嫋一線龍霏微嵐浪際遊戲顯興濃品松徒高高雌鳴詎唯唯賞異尚可貴賞潛誰能容名華非典實剪棄徒纖茸刻削大雅文所以不敢慵

唐詩類苑

卷之二百九十四

二十五

題張老松樹

宋之問

歲晚東巖下周顧何悽惻日落西山陰衆草起寒色中有喬松樹使我長歎息百尺無寸枝一生自孤直

松

陸肱

霜雪知勁質今古占嘉名斷砌盤根遠疎林偃蓋清鶴棲何代色僧老四時聲鬱鬱心彌久煙高萬井生

松

李山甫

地聳蒼龍勢抱雲天教青共衆材分孤標百尺雪中見長嘯一聲風裏聞桃李傍他真是佞藤蘿攀爾亦非群平生相愛應無誤誰道俗篁勝此君

松樹

白居易

白金換得青松樹君既先栽我不栽幸有西風易憑  
仗夜深偷送好聲來

新秦郡松樹歌

王維

青青山上松數里不見今更逢不見君心相憶此心  
向君君應識爲君顏色高且閒亭亭迥出浮雲間

咏松

韓喜

倚空高檻冷無塵往事閒徵夢欲分翠色本宜霜後  
見寒聲偏向月中聞啼猿想帶蒼山雨歸鶴遙應一作  
知紫府雲莫向東園競桃李春光還是不容君

唐詩類苑

卷之二百九十四

王士

松

炙轂子

寒松聳拔倚蒼岑綠葉扶疎自結陰丁固夢時還有  
意秦皇封日豈無心常將正節棲孤鶴不遣高枝宿  
衆禽好是特凋群木後護霜凌雪翠踰深

松樹

元稹

華山高憶憶上有高高松林林遙各各葉葉相重重  
槐樹夾道植枝葉俱冥蒙既無貞直幹復有胃挂蟲  
何不種松樹種之搖清風秦時已曾種顛顛種不供  
可憐孤松意不與槐樹同閒在高山頂樛盤虬與龍  
屈爲六殿棟庇陰侯與公不肯作行伍俱在塵土中

松

僧無可

枝幹怪鱗皴煙梢出澗新屈盤高極目蒼翠遠驚人  
待鶴移陰過聽風落子頻青青寒木外自與九霄隣

高松

李商隱

高松出衆木伴我向天涯客散初晴後僧來不語時  
有風傳雅韻無雪試幽姿上藥終相待伏年訪伏龜

鄭穀補闕山松

張翥

心將積雪欺根與白雲離遠寄僧猶憶高看鶴未知  
影交新長葉皴匝舊生枝多少同時種深山不得移

文宣王廟古松

李胄

唐詩類苑

卷之二百九十四

王士

列植成均裏分行古廟前陰森非一日蒼翠自何年  
寒影煙霜暗晨光枝葉妍近簷陰更靜臨砌色相鮮  
每愧聞鐘磬多慙接豆蓬更宜教胄子於此學貞堅

題流溝寺古松

白居易

煙葉蔥龍蒼鹿尾霜皮剝落紫龍鱗欲知松老看塵  
壁死却題詩幾許人

題淨衆寺古松

崔塗

百尺森疎倚梵臺昔人誰見此初栽故園未有偏堪  
戀浮世如閒卽合來天暝豈分蒼翠色歲寒應識棟  
梁材清陰可惜不駐得一作可老歸去暮城空首回

古松感興

皇甫松

皇天后地力使我向此生貴賤不我均若爲天地情  
我家世道德旨意匡文明家集四百家獨立天地經  
寄言青松姿豈美朱槿榮昭昭大化光共此遺芳馨

和薛監察題興善寺古松 張 喬

種種近王城前朝古寺名瘦根盤地遠香吹入雲清  
鶴動池臺影僧禪雨雪聲看來人旋老因此歎浮生

衰松

孟 郊

近世交道衰青松落顏色人心忌孤直木性隨改易  
既摧樓日幹未展擎天力終是君子材遠思君子識

唐詩類苑

卷之二百九十四

二十八

奇松

杉松何相疎榆柳方迴屑無人擅談柄一枝不敢折  
中庭苔蘚深吹余鳴佛禽至于摧折枝凡草猶避陰  
僻徑根從露閒房枝任侵一株風正好來助碧雲吟  
時時掃窻聲重露滴寒砌風颭一枝閒窺別生勢  
偃蓋入樓妨盤根侵井高僧獨惆悵爲與隔

罪松

孟 郊

雖爲青松姿霜風何所宜二月天下樹綠於青松枝  
勿謂賢者諷勿謂愚者規伊呂代封爵夷齊終身饑  
彼曲既在斯我正實在茲涇流合渭流清濁各自持

天令設四時榮衰有常期榮合隨時榮衰合隨時衰  
天令既不從甚不敬天時松乃不臣木青青獨何爲

庭松

白居易

堂下何所有十松當我階亂立無行次高下亦不齊  
高者三丈長下者十尺低有如野生物不知何人栽  
接以青瓦屋承之白沙臺朝昏有風月燥濕無塵泥  
疎韻秋撼撼涼陰夏凄凄春深微雨夕滿葉珠蓂蓂  
歲暮大雪天壓枝玉皚皚四時各有趣萬物非其儕  
去年買此宅宅多爲人所哈一家二十口移轉就松來  
移來有何得但得煩襟開卽此是益友豈必交賢才

唐詩類苑

卷之二百九十四

二十九

顧我猶俗士冠帶走塵埃未稱爲松主時時一媿懷

題遺愛寺前溪松

白居易

偃亞長松樹侵臨小石溪靜將流水對高共遠峰齊  
翠蓋煙籠密花幢雪壓低與僧清影坐借鶴穩枝棲  
筆寫形難似琴偷韻易迷暑天風撼撼晴夜露淒淒  
獨憩依爲舍閒行繞作蹊棟梁君莫採留着伴幽棲

僧院松

曹 松

此木韻彌全秋宵學瑟絃空知百餘尺未定幾多年  
去歲霜凋後孤根挺地堅何當拋一幹作蓋道場前

曹 松

空山澗伴枯松樹禪老堂頭甲乙身一作老對禪傳  
是昔朝僧種着下頭應有茯苓神

澗松

崔塗

寸寸凌霜長勁條路人猶笑未干霄南園桃李雖堪  
美爭奈春殘又寂寥

南軒松

李白

南軒有孤松柯葉自綿幕清風無閒時瀟灑終日夕  
陰生古苔綠色染秋煙碧何當凌雲直上數千尺

孤松篇

劉希夷

蠶月桑葉青鶯時柳花白澹豔煙雨姿敷芳陽春陌  
唐詩類苑 卷之二百九十四 三

如何秋風起零落從此始獨有南澗松不歎東流水

玄陰天地冥皓雪朝夜零豈不罹寒暑爲君留青青  
青青好顏色落落任孤直群樹遙相望衆草不敢逼

靈龜卜真隱仙鳥宜棲息耻受秦帝封願言唐侯食

寒山夜月明山冷氣清淒淒兮歸鳳集吹之作琴聲  
松子臥仙岑寂聽疑野心清冷有真曲樵採無知音

美人何時來幽徑委綠苔吁嗟深澗底棄捐廣厦材

孤松吟謝渾贊善

盧綸

深山荒松枝雪壓半離披朱門青松樹萬葉乘清露  
露重色逾鮮吟風似遠泉天寒香自發日麗影長圓

陰郊一夜雪榆柳皆枯折廻首望君家翠蓋滿芳花  
捧君青松曲自顧同衰木曲罷不相親深山頭白人  
商山臨路有孤松往來所以爲明好事者憐  
之編竹成援遂其生垣感而賦詩

柳宗元

孤松停翠蓋托根臨廣路不以險自防遂爲明所誤  
幸逢仁恩意重此藩籬護猶有半心存時將承雨露

華山孤松

張翥

石罅引根非土力冒寒猶助岳蓮光綠槐生在膏腴  
地何得無心拒雪霜

唐詩類苑

卷之二百九十四

三

寄題塾屋廳前雙松

所松自仙遊  
山移植縣廳

白居易

憶昨爲吏日折腰多苦辛歸家不自適無計慰心神

手栽兩樹松聊以當嘉賓乘春日一往生意漸欣欣

清韻度秋在綠茸隨日新始憐澗底色不憶城中春

有時晝掩關雙影對一身盡日不寂寞意中如三人

忽奉宣室詔徵爲文苑臣聞來一惆悵長似別交親

早知煙翠前攀翫不遑巡悔從白雲裏移爾落黃塵

題于姪書院雙松

曹唐

自種雙松樹  
今院落似秋天能藏此地新晴

雨却惹空山舊燒煙枝壓細風過枕上影籠殘月到  
應前莫教取次成閒夢使汝悠悠十八年

橫水館雙松

趙嘏

故園溪上雪中別野館枕前雲畔逢白髮漸多何自  
苦清陰長在好相客迎風幾拂朝天蓋帶月猶含度  
嶺鐘更憶葛洪丹井側數株臨水欲成龍

四松

杜甫

四松初移時大抵三尺強別來忽三載離立如人長  
會看根不拔莫計枝凋傷幽色幸秀發疎柯亦昂藏  
所插小藩籬本亦有是方冬寒長撥損得愧千葉黃

唐詩類苑

卷之二百九十四

三十三

敢爲故林主黎庶猶未康避賊今始歸春草滿空堂  
覽物歎衰謝及茲慰淒涼清風爲我起灑面若微霜  
足以送老姿聊待偃蓋張我生無根蒂配爾亦茫茫  
有情且賦詩事迹兩可忘勿矜千載後慘澹蟠穹蒼

中書相公任兵部侍郎日後閣植四松逾數

年漸忝此官因獻拙什 鄭 澣

丞相當時植幽襟對此開人知舟楫器天假棟梁材  
錯落龍鱗出離從鶴翅迴重陰羅武庫細響靜山臺  
得地公堂裏移根澗水隈吳臣夢寐遠秦嶽歲年摧  
轉覺縈纒何因繼組來幾尋珠履迹願比角弓培

松悅猶依社星高久照台後凋應共操無復問良媒

奉和四松

唐 扶

幽抱應無語貞松遂自栽寄懷丞相業因擢大夫材  
日射蒼鱗動塵迎翠帚迴嫩茸含細粉初葉汎新杯  
偶聖爲舟去逢時與鶴來寒聲連曉竹靜氣結陰苔  
赫奕鳴騶至熒煌洞戶開良辰一臨眺憩樹幾徘徊  
恨發風期阻詩從綺思裁還聞舊凋契凡在一作此  
中培

奉和四松

劉禹錫

右相歷中台移松武庫栽紫茸抽組綬青實長玫瑰

唐詩類苑

卷之二百九十四

三十三

便有千霄勢看成構厦材數分天柱半影逐日輪迴  
舊賞台階去新知谷口來息陰長仰望翫意幾徘徊  
翠粒晴懸露蒼鱗雨起苔凝音助瑤瑟飄藥汎金壘  
月桂光搖一作燭星榆葉對開終須似鷄樹榮茂近  
昭回

奉和四松

姚 合

四松相對植蒼翠映中臺擢幹凌空去移根斷石開  
陰陽氣潛照造化手親栽日月滋佳色煙霄長異林  
清音勝在澗寒影偏生苔靜遶霜霑履閒看酒滿杯  
何殊朱戶際永日白雲隈密葉聞風度高枝見鶴來



賞心難可盡麗什妙難裁此地無因到循環幾百回

奉和四松

陶雍

右相歷兵署四松皆手栽  
斷時驚鶴去移處帶雲來  
根倍雙桐植花分八桂開  
生成造化力長作棟梁材  
豈美蘭依省猶嫌柏占臺  
出樓終百尺入夢已三台  
幽韻和宮漏餘香度酒盃  
拂冠枝上雪染履影中苔  
高位相承地新詩寡和才  
何由比蘿蔓攀附在條梅

禁中春松

陸贄

陰陰清禁裏蒼翠滿春松  
雨露恩偏近陽和色更濃  
高枝分曉日靈韻一作虛吹雜宵鐘  
嵐一作香助爐煙遠形唐詩類苑卷之二百九十四  
疑蓋影重一作顧符千載壽不羨五株封  
倘得迴天春全勝老碧峰

禁中春松

周存

幾歲含真節青青禁中日  
華留偃蓋雉尾轉春風  
不爲繁霜改那將衆木同  
千條攢翠色百尺澹晴空  
影密金莖近花明鳳沼通  
安知幽澗側獨與散樗叢

禁中春松

賈南溟

貞松樹陰陰在紫宸  
蔥籠偏近日青翠更宜春  
雅韻風來起輕煙霽後新  
葉深棲鶴枝亞拂朝臣  
全節長依地凌雲欲致身  
山苗陰不得生植荷陶鈞

禁中春松

常沂

映殿松偏好森森列禁中  
攢柯沾聖澤疎蓋引皇風  
晚色連秦苑春香滿漢宮  
操將眞石固材與直臣同  
翠影宜青瑣蒼枝秀碧空  
還知沐天眷千載更蔥龍

小松

陸龜蒙

擢秀通客巖遺根飛鳥徑  
因求飾清闕遂得辭危夏  
貞同柏有心立若珠無脛  
枝形短未怪蠹數差難定  
名山記云松有兩鬚二鬚七鬚者言如馬鬣形也言位者非况密三天風方遶四  
時柄那與培塿歎免答鄰里病微霜靜可分片月疎  
堪映奇當虎頭筆韻叶通明性會拂陽烏曾掄材膺唐詩類苑卷之二百九十四

小松

皮日休

婆娑只三尺移來白雲徑  
亭亭向空意已解凌遼夏  
葉健似虬鬚枝脆如鶴脛  
清音猶未成絳彩空不定  
陰圓小芝蓋鱗澀修荷柄  
先愁被鷄搶預恐遭蝸病  
結根幸得地且免離離歎  
硯礪不難遇在保晚成性  
一日造明堂爲君當畢命

西齋小松二首

元稹

松樹短於我清風亦已多  
况乃枝上雪動搖微月波  
幽姿得閒地詎感歲蹉跎  
但恐屢終擗藉君當奈何

二

簇簇枝新黃纖纖攢素指柔苔漸依條短莎還半委  
清風日夜高凌雲竟何已千歲盤老龍修鱗自茲始

臺頭寺願上人院古松下有小松栽毫末新

生與纖草不辨重其有凌雲干霄之志與  
趙八員外裴十補闕同賦之

皇甫冉

細草亦全高秋毫乍堪比及至干霄日何人復居此

題翰林東閣前小松

元稹

簷礙脩鱗亞霜侵簇翠黃唯餘入琴韻終待舜絃張

唐詩類苑

卷之二百九十四

三六

和李用夫栽小松

項斯

移來未換葉已勝在空一作山靜對心標直遙吟境

助閒影侵殘雪際聲透小牕間即聳凌空幹脩脩豈

易攀

唐興寺小松

杜荀鶴

雖小天然一作別難將衆木同侵僧半牕月向客一

客一作別襟風枝拂行苔鶴聲分叫砌蟲如今未堪看

須是一作雪霜中

小松

杜荀鶴

自小刺頭深草裏而今漸覺出蓬蒿時人不識凌雲

木知待凌雲始道高

小松

羅隱

已有清陰逼座隅愛聲仙客肯過無陵遷谷變須高  
節莫向人間作大夫

伍粒小松歌

并序

李賀

前謝秀才杜雲卿命予作伍粒小松歌予以選書  
多事不治曲辭經十日聊道八句以當命意

蛇子蛇孫鱗蜿蜒新香幾粒洪崖飯綠波浸葉滿濃

光細束龍髯鉸刀剪主人壁上鋪州圖主人堂前多

俗儒月明白露秋淚滴石筍溪雲肯寄書

唐詩類苑

卷之二百九十四

三七

小松歌

李咸用

幽人不喜凡草生秋鋤斷得寒青青庭閒土瘦根脚

瘁風搖雨拂精神醒短影月斜不滿尺清聲細入鳴

蛩翼天人戲剪蒼龍髯參差簇在瑤堦側金精水鬼

欺不得長與東皇逞顏色勁節暫因君子移貞心不

爲麻中直

貢院樓北新栽小松

李正封

青蒼初得地華省植來新尚帶山中色猶含洞裏春

近樓依北戶隱砌淨遊塵鶴壽應成蓋龍形未有鱗

爲梁資大廈封爵耻羸秦幸此觀光日清風屢得親

貢院樓北新栽小松

白行簡

華省春霜曙樓陰植小松移根依厚地委質別危巖  
北戶知猶遠東堂幸見容心堅終待鶴枝嫩未成龍  
夜影看仍薄朝嵐色漸濃山苗不可蔭孤直俟秦封

貢院樓北新栽小松

錢衆仲

愛此凌霜操移來獨占春貞心初得地勁節始依人  
晚月煙猶薄當軒色轉新枝低無宿羽葉靜不留塵  
每與芝蘭近常慙雨露均幸因逢顧盼生植及茲辰

貢院樓北新栽小松

吳武陵

拂檻愛貞容移根自遠峰曾經芳草沒終不住苔封

唐詩類苑

卷之二百九十四

三九

葉少初凌雪鱗生欲化龍乘春濯雨露得地近垣墉  
逐吹香微動含煙色漸濃時迴日月照爲謝小山松  
訓賈鵬山人郡內新栽松寓興見贈二首

柳宗元

芳朽自爲別無心乃玄功天天日放花榮耀將安窮  
青松遺澗底擢時茲庭中積雪表明秀寒花助蔥蘢  
幽貞風有慕持以延清風

二

無能常閉閣偶以靜見名奇姿來遠山忽似人家生  
勁色不改舊芳心與誰榮喧喧豈所安任物非無情

清韻動竿瑟諧此風中聲

栽松二首

白居易

小松未盈尺心愛手自移蒼然澗底色雲濕煙霏霏  
栽植我年晚長成君性遲如何過四十種此數寸枝  
得見成陰否人生七十稀

愛君抱晚節憐君含直文欲得朝朝見堦前故種君  
知君死則已不死會凌雲

嚴鄭公堦下新松

杜甫

弱質豈自負移根方爾瞻細聲聞玉帳疎翠近珠簾  
未見紫煙集虛蒙清露霑何當一百丈歛蓋擁高簷

唐詩類苑

卷之二百九十四

三九

憑韋少府班覓松樹栽

杜甫

落落出羣非樛柳青青不朽豈楊梅欲存老蓋千年  
意爲覓霜根數寸栽

龔美庭中初植松桂偶題

陸龜蒙

軒陰冉冉移斜日寒韻泠泠入晚風煙格月姿曾不  
改至今猶似在山中

奉和魯望題松桂次韻

皮日休

綈綈綠髮垂輕露獵獵丹華動細風恰似青童君欲  
會儼然相向立庭中

石子松

儲光義

盤石青巖下松生盤石中冬春無異色朝暮有春風  
五獵何人采西山舊兩童

與楊十二巨源盧十九經濟同遊大安亭各  
賦二物合爲五韻探得石竹

元稹

片石與孤松曾經物外逢月臨棲鶴影雲抱老人峰  
蜀客吾當問秦官我舊封積膏當琥珀新刼長芙蓉  
待補蒼蒼去根柯早變龍

偃松詩

劉禹錫

侍中後閣前有小松不特立而偃丞相晉公爲賦

唐詩類苑

卷之二百九十四

四十一

詩美其猶龍蛇然植於高檐喬木間上狀旁軋盤  
蹙傾亞自不得天和者公以遂物性爲意乃加怜  
焉命蕃土以壯其趾使無歎索綯以牽其餘使不  
仆盥漱之飲以潤之顧盼之輝以照之發於人心  
感召和氣無復天悶坐能敷舒掃之踰感化爲奇  
古故雖衰丈而有偃號焉予嘗請閣白事公爲道  
所以且示以詩竊感嘉木之逢時斐然成詠

勢軋枝偏根已危高情一見與扶持忽從憔悴有生  
意卻爲離披無俗姿影入巖廊行樂處韻含天籟宿  
時謝公莫道東山去取待成陰滿鳳池

遙同蔡起居偃松篇

張說

清都衆木總榮紛傳道孤松最出群名接天庭長光  
景氣連宮闕借氛氲懸池滴滴停華露偃蓋重重拂  
瑞雲不借流膏助仙舄願將楨幹捧明君莫比宣靈  
楚南樹朽老江間代不聞

贈賣松者

白居易

一束蒼蒼色如從澗底來斲掘經幾日枝葉滿塵埃  
不買非他意城中無地栽

賣松者

僧修睦

求利有何限將松入市來直饒人買去也向柳邊栽

唐詩類苑

卷之二百九十四

四十二

贈賣松人

于武陵

入市雖求利憐君意獨真斷將寒澗樹賣與翠樓人  
瘦葉幾經雪淡花應少春長安重桃李徒染六街塵

松聲

白居易

月好好獨坐雙松在前軒西南微風來潛入枝葉間  
蕭瑟發爲聲半夜明月前寒山颯颯雨秋琴泠泠絃  
一聞滌炎暑再聽破昏煩竟夕遂不寐心體俱條然  
南陌車馬動西隣歌吹繁誰知茲簷下清耳不爲喧

聽松聲

劉得仁

庭際微風動高松韻自生聽時無物亂盡日覺神清  
強與幽泉並翻嫌細雨并拂空增鶴唳過牖合琴聲  
沉復當秋暮偏宜在月明不知幽澗底蕭瑟有誰聽

松英

紫閣東林居士叔緘賜松英九捧對欣喜蓋  
非塵侶之所當服輒獻詩代啓

韋應物

碧澗蒼松五粒稀侵雲采去露霑衣夜啓群仙合靈  
藥朝思俗侶寄將歸道場齋戒今初服人事輦羶已  
覺昨一望嵐峯拜還使腰間銅印與心違

唐詩類苑

卷一百九十四

四三

唐詩類苑卷第一百九十五

明雲間張之象玄超甫纂

雲間張嗣功次甫甫編次

雲間王微叔朗甫補訂

梁谿曹仁孫伯安甫校正

木部

柏

使院中新栽柏樹子呈李十五栖筠

岑參

愛爾青青色移根此地來不曾臺上種留向磧中栽

唐詩類苑

卷一百九十五

一

脆葉欺門柳狂花笑院梅不須愁歲晚霜露豈能摧

題小柏

李商隱

憐君孤秀植庭中細葉輕陰滿座風桃李盛時雖寂

寞雪霜多後始青蔥一年幾變度一作枯榮事百尺方

資柱石功爲謝西園車馬客定悲搖落盡成空

古柏

李洞

手植知何代年齊偃蓋松結根生別樹吹子落鄰峰

古榦經龍嗅高煙過鴈衝可佳繁葉盡聲不礙秋鐘

古柏行

杜甫

孔明殿前有老柏柯如青銅根如石霜皮溜雨四十

圓黛色參天二千尺君臣已與時際會樹木猶爲八  
愛惜雲來氣接巫峽長月出寒通靈山白憶昨路過  
錦亭東先主武侯同閭宮崔嵬枝幹郊原古窈窕丹  
青戶牖空落落盤踞雖得地冥冥孤高多烈風扶持  
自是神明力正直元因造化功大厦如傾要梁棟萬  
牛回首丘山重不露文章世已驚未辭剪伐誰能送  
苦心豈免容螻蟻香葉終經宿鸞鳳志士幽人莫怨  
嗟古來材大難爲用

武侯廟古柏

李商隱

蜀柏階前相龍蛇捧闕宮陰成外江畔老向惠陵東  
唐詩類苑 卷之一百九十五 二

大樹思馮異甘棠憶召公葉凋相燕雨枝折海鵬風  
玉壘經綸遠金刀歷數終誰將出師表一爲問昭融

穗柏聯句

一院暑難侵莓苔何影深枝標爭息鳥余吹正開襟  
宿雨香添色殘陽石在陰乘閒動意助靜入禪心

廳前柏

元稹

廳前柏知君曾對羅希與我本顛狂耽酒人何事與  
君爲對敵爲對敵洛陽城中花赤白花赤白囚漸多  
花之赤白柰爾何

病柏

杜甫

有柏生崇岡童童狀車蓋偃蹇龍虎姿主當風雲  
神明依正直故老多再拜豈知千年根中路顏色壞  
出非不得地蟠據亦高大歲寒忽無憑日夜柯葉改  
丹鳳領九雛哀鳴翔其外鷗鵲志意滿養子穿穴內  
客從何鄉來竚立久吁怪靜求元精理浩蕩難倚賴

文柏牀

白居易

陵上有老柏柯葉寒蒼蒼朝爲風煙樹暮爲宴寢牀  
以其多奇文宜升君子堂刮削露節目拂拭生輝光  
玄斑狀狸首素質如截肪雖充悅目玩終乏周身防  
華彩誠可愛生理苦已傷方知自殘者爲有好文章

唐詩類苑 卷之一百九十五 三

栽杉

白居易

勁葉森利劍孤莖挺端標纔高四五尺勢若干青霄  
移栽東窻前愛爾寒不凋病夫臥相對日夕聞蕭蕭  
昨爲山中樹今爲簷下條雖然遇賞玩無乃近塵囂  
猶勝澗谷底埋沒隨衆樵不見鬱鬱松委質山上苗

郡齋移杉

韋應物

檣幹方數尺幽姿已蒼然結根西山寺來植郡齋前  
新合野露氣利靜高窻眠雖爲賞心適豈有品中緣

詠古杉

史休

武丘寺殿前有古杉一本形狀醜怪圖之不盡况  
百卉競媚若妬若媚唯此杉死抱奇節饒然闕然  
不知雨露之可生也風霜之可瘁也乃造化者方  
外之材乎遂賦三百言以見志

種日應逢晉枯來必自隋鱗狂將立處螭闕未開時  
卓犖擲槍幹必牙束戟枝初驚蟻篆活復訝獮狂癡  
勁質如堯瘦貞容學舜微勢能擒土伯醜可駭山祇  
虎爪擎巖穩虬身脫浪欹槎頭秃似刷枿背利於錐  
突兀方相脰鱗皺夏氏胝根應藏鬼血柯欲漏龍漿  
拘似神荼怒呀如狹猢猻朽癰難可吮枯廔不堪治

唐詩類苑

卷之二百九十五

四

三尋黑稍奇狼頭敦宰豎蠶尾掘掌垂  
目凝明達燿心開豈中鉞任苦爲疥癬從蠹作瘡痍  
品格齊遼鶴年齡等寶龜將懷縮地力欲負拔山姿  
未倒防風骨初僵負貳屍漆書明古本鐵室抗全師  
礪礪還無極伶俜又莫持堅應敵駿骨文定寫魃皮  
蟠屈愁凌利騰驤恐攫池搶煙寒噉嚼披蒿靜離襪  
威仰誠難識勾芒恐不知好燒胡律看堪共達多期  
寡色諸芳笑無聲衆竊疑終添八柱位未要一繩維  
盡日來唯我當春玩更誰他年如入用直構太平基

奉和古杉三十韻

陸龜蒙

象木盡相遺孤芳獨任奇揅天形碑兀當殿勢砲危  
恐是夸娥怒教臨截薛衰節穿開耳目根癭坐熊羆  
世只論榮落人誰問等衰有巔從日上無葉與秋欺  
虎搏應難動雕蹲不敢遲戰鋒新缺齧燒岸黑黢鷲  
關死龍骸雜爭奔鹿角差肢銷洪水腦稜聳梵天眉  
磔索珊瑚湧森嚴獬豸窺向空分犖指衝浪出鯨鬚  
楊僕船撞在蚩尤陣燾隳下連金粟固高用鐵淺披  
挺若符堅樺浮於祖納椎崢嶸驚露鶴趯速閤雲螭  
傍宇將支壓撐霄欲抵戲背交蟲臂揭相向鶻拳追  
格筆差猶立階干卓未麾鬼神應暗畫風雨恐潛移

唐詩類苑

卷之二百九十五

五

檜

檜樹

秦韜玉

翠雲交幹瘦輪囷嘯雨吟風幾百春深蓋屈盤青塵  
尾老皮張展黑龍鱗唯堆寒色資琴興不放秋聲染  
俗塵歲月如波事如夢竟留蒼翠待何人



重玄寺雙矮檜

皮日休

撲地攸徊是翠鈿，  
碧絲籠細不成煙。  
應如天竺難陀寺，  
一對狻猊相枕眠。

奉和雙檜

陸龜蒙

可憐煙刺是青螺，  
如到雙林誤禮多。  
更憶早秋登北固，  
海門蒼翠出晴波。

謝寺雙檜

劉禹錫

雙檜蒼然古貌奇，  
含煙吐霧鬱參差。  
晚依禪客當金殿，  
初耐將軍映畫旗。  
龍象界中成寶蓋，  
鴛鴦尾上出高枝。  
長明燈是前朝焰，  
曾照青青年少時。

唐詩類苑

卷一百九十五

六

法雲雙檜

溫庭筠

晉朝名輩此離群，  
想對濃陰去住分。  
題處尚尋王內史，  
畫時應是顧將軍。  
長廊夜靜聲疑雨，  
古殿秋深影勝雲。  
一下南臺到人世，  
晚泉清潄更難聞。

楠

枯楠

杜甫

梗楠枯嶢嶢，  
鄉黨皆莫記。  
不知幾百歲，  
慘慘無生意。  
上枝摩皇天，  
下根蟠厚地。  
巨圍雷霆折，  
萬孔蟲蟻萃。  
凍雨落流膠，  
衝風奪佳氣。  
白鵠遂不來，  
天鷄爲愁思。  
猶含棟梁具，  
無復霄漢志。  
良工苦昔少，  
識者出涕淚。

種榆水中央，  
長成何容易。  
截承金露盤，  
裊裊不自異。

題巴州光福寺楠木

嚴武

楚江長流對楚寺，  
楠木幽生赤崖背。  
臨溪挿石盤老根，  
苔色蒼山雨痕高。  
枝開葉鳥不度，  
半掩白雲朝與暮。  
香殿蕭條轉密陰，  
花龕滴瀝垂清露。  
聞道偏多越水頭，  
煙生霽斂使人愁。  
月明忽憶湘川夜，  
猿叫還思鄂渚秋。  
看君幽靄幾千丈，  
寂寞窮山今遇賞。  
亦知鍾梵報黃昏，  
猶臥禪林戀奇響。

題巴州光福寺楠木

史俊

近郭城南山寺深，  
亭亭奇樹出禪林。  
結根幽壑不知歲，  
聳幹摩天凡幾尋。  
翠色晚將嵐氣合，  
月光時有夜猿吟。  
經行綠葉望成蓋，  
宴坐黃花長滿襟。  
此木嘗聞生豫章，  
今朝獨秀在巴鄉。  
凌霜不肯讓松柏，  
作宇由来稱棟梁。  
會待良工時一吟，  
應歸法水作慈航。

高楠

杜甫

楠樹色冥冥，  
江邊一蓋青。  
近根開藥圃，  
接葉製茅亭。  
落景陰猶合，  
微風韻可聽。  
尋常絕醉臥，  
臥此片時醒。

楠樹爲風雨所拔歎

杜甫

倚江楠樹草堂前，  
故老相傳二百年。  
誅茅卜居總爲此，  
五月髣髴聞寒蟬。  
東南飄風動地至，  
江翻石走流。

雲氣幹排雷雨猶力爭根斷泉源豈天意滄波老樹  
性所愛浦上童童一青蓋野老頻留懼雪霜行人不  
過聽竿籟虎倒龍顛委棒棘淚痕血點垂胸臆我有  
新詩何處吟草堂自此無顏色

石楠

和錢判官使院廳前石楠 孟郊

大朴既一剖衆林爭萬殊懿茲南海華來與北壤俱  
生長如自惜雪霜無凋渝籠籠抱靈秀簇簇抽芳膚  
寒日吐再艷頰子流細珠鴛鴦花數重翡翠葉四鋪  
雨洗新粧色一枝如一姝聳異敷庭際傾妍來坐隅

唐詩類苑

卷之一百九十五

八

散彩飾几案餘輝盈鑑孟高意因造化常情逐榮枯  
主公方寸中陶植在須臾養此奉君子賞觀日爲娛  
始覺石楠詠價傾賦西都棠頌庶可比桂詞難以踰  
因謝丘墟木空採落泥塗時來開佳姿道去臥枯株  
爭芳無由緣受氣如蠶紆抽肝在郢匠歎息何踟躕

石楠樹

白居易

可憐顏色好陰涼葉剪紅綫花撲霜傘蓋低垂金翡翠  
翠葉籠亂搭繡衣裳春芽細炷千燈焰夏葉濃焚百  
和香見說上林無此樹只教桃柳占年芳

橙

憑何十一少府邕覓橙木數百栽

杜甫

草堂暫西無樹林非子誰復見幽心飽聞橙木三年  
大與致溪邊十畝陰

榆

寓興

僧皎然

天下生白榆白榆直上連天根高枝不知幾萬丈世  
人仰望徒攀援誰能上天採其子種向人間笑桃李  
因問老仙求種法老仙哈我愚不答始知此道終無  
成還如瞽夫學長生

唐詩類苑

卷之一百九十五

九

桑

陌上桑

常建

翳翳陌上桑南枝交北堂美人金梯出素手自提筐  
非但畏蠶饑盈盈嬌路傍

陌上桑

李白

美人渭橋東春還事蠶作五馬如飛龍青絲結金絡  
不知誰家子調笑來相謔妾本秦羅敷玉顏豔名都  
綠條映素手採桑向城隅使君且不顧况復論秋胡  
寒蟬愛碧草鳴鳳棲青梧託心自有處但怪傍人愚  
徒令白日暮高駕空踟躕

採桑

劉希夷

楊柳送人行青青西入秦誰家採桑女樓上不勝春  
盈盈灞水曲步步春芳綠紅臉耀明珠絳唇含白玉  
回首渭橋東遙憐春色同青絲嬌落日細綺美春風  
攜籠長歎息逶迤戀春色看花若有情倚樹疑無力  
薄暮思悠悠使君南陌頭相逢不相識歸去夢青樓

採桑

李彥遠

採桑畏日高不待春眠足攀條有餘愁那矜貌如玉  
千金豈不贈五馬空躑躅何以變貞性幽篁雪中綠

採桑

鄭谷

唐詩類苑

卷之一百九十五

十一

曉陌攜籠去桑村路隔淮何如鬪百草賭取鳳凰釵

採桑

王建

鳥鳴桑葉間綠條復柔柔攀看去手近散下長長鈎  
黃花蓋野田白馬少年遊所念豈迴顧良人在高樓

楊下採桑

飛絲若綠塵軟葉對孤輪今朝入園去物色疆看人

枯桑

白居易

道傍老枯樹枯來非一朝皮黃外尚活心黑中先焦  
似有多憂者非因外火燒

田翁歎桑

于濶

桑婦

劉駕

墻下桑葉盡春蠶半未老城南路迢迢今日起更早  
四隣無去伴醉臥青樓曉妾顏不如誰所貴守婦道  
一春常在樹自覺身如鳥歸來見小姑新妝弄百草

秦娥

劉駕

秦娥十四五面白於指爪羞人夜採桑驚起戴勝鳥

情深樹

唐詩類苑

卷之一百九十五

十一

題情深樹寄象公

李白

腸斷枝上猿淚添山下樽白虎見我去亦爲我飛翻

冬青

洞靈觀冬青

許渾

雪霰不凋色兩株交石壇未秋紅實淺經終一作夏綠  
陰寒露重蟬鳴急風多鳥宿難何如西禁柳晴舞玉

關干

桤

魏倉曹東堂桤樹

李頎

愛君雙桤一樹奇千葉齊生萬葉垂長頭拂石帶煙

雨獨立空山人莫知攢青蓋翠陰滿屋紫穗紅英曾  
斷目洛陽墨客遊雲間若到麻源第三谷

木蓮樹

題木蓮樹

白居易

木蓮樹生巴峽山谷間巴民亦呼爲黃心樹大者  
高五丈涉冬不凋身如青楊有白文葉如桂厚大  
無脊花如蓮香色豔膩皆同獨房藥有異四月初  
始開目開迨謝僅二十日忠州西北十里有鳴玉  
谿生者穠茂尤異元和十四年夏命道士毋丘元  
志寫惜其遐僻因題三絕句云

唐詩類苑

卷之二百九十五

十二

如折芙蓉栽旱地似拋芍藥挂高枝雲埋水隔無人  
識唯有南賓太守知

紅似臙脂膩如粉傷心好物不須更山中風起無時  
節明日重來得在無

已愁花落荒巖底復恨根生亂石間幾度欲移移不  
得天教拋擲在深山

柳

題柳子樹

沈佺期

日南柳子樹香裏出風塵叢生凋木首圓實檳榔身  
玉房九霄雲霧裏四時春不及

甘樹

柳州城西北隅種甘樹 柳宗元

手種黃甘二百株春來新葉徧城隅方同楚客憐皇  
樹不學荊州利木奴幾歲開花聞噴雪何人摘實見  
垂珠若教坐待成林日滋味還堪養老夫

櫻樹

樟亭雙櫻樹

白居易

南館西軒兩樹櫻春條長足夏陰成素華未實今雖  
盡碧葉風來別有情

槿

唐詩類苑

卷之二百九十五

十三

詠槿二首

李白

園花笑芳年池草豔春色猶不如槿花嬋娟玉階側  
芬榮何天促零落在瞬息豈若瓊樹枝終歲長翕赭

二

世人種桃李皆在金張門攀折爭捷徑及此春風喧  
一朝天霜下榮耀難久存安知南山槿綠葉垂芳根  
清陰亦可託何惜樹君園

詠木槿樹題武進文明府廳

劉庭琦

物情良可見人事不勝悲莫恃朝榮好君看暮落時

題槿花

戎昱

自用金錢買槿栽二年方始得花開  
鮮紅未許佳人見蝴蝶爭知早到來

槿花二首

李商隱

鸞體傷風力鷄香積露文殷鮮  
一相雜啼笑兩難分月裏寧無娣  
雲中亦有君三清與仙島何事亦離群

二

珠館薰燃久玉房梳掃餘燒蘭才作燭  
殘錦不成書本以亭亭遠翻嬌脉脉疎  
迴頭問殘照殘照更空虛

槿花

李商隱

唐詩類苑

卷之二百九十五

十四

風露淒淒秋景繁可憐榮落在朝昏  
未央宮裏三千女但保紅顏莫保恩

秋槿

白居易

風露颯已冷天色亦黃昏中庭有槿花  
榮落同一晨秋開已寂寞夕殞何紛紛  
正憐少顏色後歎不遄巡感此因念彼  
懷哉聊一陳男兒老富貴女子晚婚姻  
頭白始得志色衰方事人後時不獲已  
安得如青春

玩槿花

羊士諤

何乃詩人興妍詞屬薜華風流感異代  
窮窳比同車疑艷垂清露驚秋隔絳紗  
蟬鳴復蟲思惆悵竹陰斜

朱槿花二首

李商隱

蓮後紅何患梅花白莫誇纔飛建章火  
又落赤城霞不卷錦步障未登油壁車  
日西相對罷休澣向天涯

二

西北朝天路登臨思上才城閒煙草遍  
村暗雨雲回人豈無端別後聲有意衰  
征南子更遠吟斷望鄉臺

紅槿花

戎昱

花自深紅葉麴塵不將桃李共爭春  
今日驚秋自憐客折來持贈少年人

白槿花

白居易

唐詩類苑

卷之二百九十五

十五

秋蕊晚英無艷色何因栽種在人家  
使君只別羅敷面爭解迴頭愛白花

和微之嘆槿花

白居易

朝容殊可惜暮落實堪嗟若向花中比  
猶應勝眼花

梔子樹

同李郎中淨律院梔子樹 包何

木梔稀難識沙門種則生葉殊經寫字  
子爲佛稱名瀟水澆新長燃燈暖更榮  
亭亭無別意只是勸修行

雜木

課伐木 并序

杜甫

課隸人伯夷辛秀信行等入谷斬陰木人肩四  
止維條伊枚正直挺然晨征暮返委積庭內我  
藩籬是缺是補載伐篠蕩伊仗支持則旅次於小  
安山有虎知禁若恃爪牙之利昏黑搪突襲人屋  
壁列樹白菊鏝爲牆實以竹示式遇爲與虎近混  
淪乎無良賓客憂害馬之徒苟活爲幸可嘿息已  
作詩付宗武誦

長夏無所爲客居課奴僕清晨飯其腹持斧入白谷  
青冥層嶺後十里斬陰木人肩四根已亭午下山麓  
尚聞丁丁聲功課日各足蒼皮成委積素節相照燭

唐詩類苑

卷之二百九十五

十七

藉汝跨小籬當仗若虛竹空荒咆能熊乳獸待人肉  
不示知禁情豈唯干戈哭城中賢府主處貴如白屋  
蕭蕭理體淨蜂蠆不敢毒虎穴連里閭隄防舊風俗  
泊舟滄江岸久客愼所觸舍西崖嶠壯雷雨蔚含蓄  
墻宇資屢修衰年怯幽獨爾曹輕執熱爲我忍煩促  
秋光近青岑季月當汎菊報之以微寒共給酒一斛

有木詩八首

并序

白居易

余嘗讀漢書列傳見佞順嬖媚圖身忘國如張禹  
輩者見惑上蠱下交亂君親如江充輩者見暴狠  
跋扈壅君樹黨如梁冀輩者見色亡行違先德後

賊如王莽輩者又見外狀恢弘中無實用者又見  
附離權勢隨之覆亡者其初皆有動人之才足以  
惑衆媚主莫不合於始而敗於終也因引風人騷  
人之興賦有木八章不獨諷前人欲儆後代爾  
有木名弱柳結根近清池風煙借顏色雨露助華滋  
我我白雪花嫋嫋青絲枝漸密陰自庇轉高稍四垂  
截枝扶爲杖軟弱不自持折條用樊圃柔脆非其宜  
爲樹信可玩論才何所施可惜金堤地栽之徒爾爲

二

有木名櫻桃得地早滋茂葉密獨承日花繁偏受露

唐詩類苑

卷之二百九十五

十七

迎風暗搖動引鳥潛來去鳥啄子難成風來枝莫住  
低軟易攀玩佳人屢迴顧色求桃李饒心向松筠妬  
好是映墻花本非當軒樹所以姓蕭人曾爲伐櫻樹

三

有木秋不凋青青在江北謂爲洞庭橘美人自移植  
上受顧盼恩下勤澆溉力實成乃是枳臭苦不堪食  
物有似是者真偽何由識美人默無言對之長歎息  
中含害物意外矯凌霜色仍向枝葉間潛生刺如棘

四

有木名杜梨陰森覆丘壑心蠹已空朽根深尚盤薄

狐媚言語巧妖鳥聲音惡憑此爲巢穴往來互棲託  
四傍五六木枝葉相交錯借問因何生秋風吹子落  
爲長社壇下無人敢斲斫幾度野火來風迴燒不著

五

有木香冉冉山頭生一發主人不知名移種近軒闥  
愛其有芳味因以調麴蘖前後曾飲者十人無一活  
豈徒悔封植兼亦誤采掇試問識藥人始知名野葛  
年深已滋蔓刀斧不可伐何時猛風來爲我連根拔

六

有木名水榧遠望青童童根株非勁挺柯葉多蒙籠  
彩翠色如柏鱗皴皮似松爲同松柏類得列嘉樹中

唐詩類苑 卷之二百九十五

九

枝弱不勝雪勢高常懼風雪壓低還舉風吹西復東  
柔芳甚楊柳早落先梧桐唯有一堪賞中心無蠹蟲

七

有木名凌霄擢秀非孤標偶依一株樹遂抽百尺條  
託根附樹身開花寄樹梢自謂得其勢無因有動搖  
一旦樹摧倒獨立暫飄飄疾風從東起吹折不終朝  
朝爲拂雲花暮爲委地樵寄言立身者勿學柔弱苗

八

有木名丹桂四時香馥馥花團夜雪明葉剪春雲綠

風影清似水霜枝冷如玉獨占小山幽不容凡鳥宿  
匠人愛芳直裁截爲屢屋榦細力未成用之君自速  
重任雖大過直心終不曲縱非梁棟材猶勝尋常木

賦得古木臥平沙

王泠然

古木臥平沙摧殘歲月賒有根橫水石無葉拂煙霞  
春至苔爲葉冬來雪作花不逢星漢使誰辨是靈槎

山中詠古木

盧綸

高木已蕭索夜雨復秋風墜葉鳴藁竹斜根擁斷蓬  
半侵山影裏長在水聲中此地何人到雲門去亦通

府試木向榮

鄭谷

唐詩類苑

卷之二百九十五

九

園林青氣動衆木散寒聲敗葉墻陰在滋條雪後榮  
忻忻春令早藹藹日華輕更嶺梅先覺隋堤柳暗驚  
山川應物候臯壤起農情祗待開花日連樓出谷鶯  
永樂縣所居一草一木無非自栽今春悉已

芳茂因書卽事一章 李商隱

手種悲陳事心期玩物華柳飛彭澤雪桃散武陵霞  
枳嫩棲鸞葉桐香待鳳花綬藤繁弱蔓袍草展新芽  
學植功雖倍成溪跡尚賒芳年誰共玩終老邵平瓜

雜樹

芳樹

宋之問



何地早芳菲宛在長門殿天桃色若綬穠李光如練  
啼鳥美花疎遊蜂飲香遍歎息春風起飄零君不見

芳樹

盧照鄰

芳樹本多奇年華復在斯結翠成新幄開園滿故枝  
風歸花歷亂日度影參差客色朝朝落思君君不知

芳樹

徐彥伯

玉花珍簾上金縷畫屏開曉月憐筆柱春風憶鏡臺  
筆柱春風吹曉月芳樹落花朝暝歇藥砧刀頭未有  
時攀條拭淚坐相思

芳樹

元稹

唐詩類苑

卷之一百九十五

二十

芳樹已寥落孤英尤可嘉可憐團團葉蓋覆深深花  
遊蜂競鑽刺闢雀亦紛拏天生細碎物不受好光華  
非無殲殄法念爾有生涯春雷一聲發驚燕亦驚蛇  
清池養神蔡已復長蝦蟆雨露貴平施吾其春草芽

對芳樹

韋應物

迢迢芳園樹列映清池曲對此傷人心還如故時綠  
風條灑餘露露葉承新旭佳人不復攀下有往來躡

南山有高樹行贈李宗閔

韓愈

南山有高樹花葉何蓂蓂上有鳳凰巢鳳凰乳且棲  
四旁多長枝群鳥所托依黃鵠據其高衆鳥接其卑

不知何山鳥羽毛有光輝飛飛擇所處正得衆所希

上承鳳凰恩自期永不衰中與黃鵠群不自隱其私

下視衆鳥群汝徒竟何爲不知挾丸子心默有所規

彈汝枝葉間汝翅不覺摧或言由黃鵠黃鵠豈有之

慎勿猜衆鳥衆鳥不足猜無人語鳳凰汝屈安得知

黃鵠得汝去婆娑弄毛衣前汝下視鳥各議汝瑕疵

汝豈無朋匹有口莫肯開汝落蒿艾間幾時復能飛

哀哀故山友中夜思汝悲路遠翅翎短不得持汝歸

古樹

張籍

古樹枝柯少枯來復幾春露根堪繫馬空腹定藏人

唐詩類苑

卷之一百九十五

二十一

枯樹

韓愈

老樹無枝葉風霜不復侵腹穿人可過皮剝蟻還尋  
寄託惟朝菌依投絕暮禽猶堪持改火未肯但空心

擬古詠河邊枯樹

長孫佐輔

野人燒枝水洗根數圍孤樹半心存應是無機承雨

露却將春色寄苔痕

河邊枯樹

劉臻

奇樹臨芳渚半死若門疾風摧勁葉沙岸毀盤根  
將軍猶未匠石不曾倫無復凌雲契空餘激浪痕

可嗟推折盡詎得上河源

送劉散賦得山樹鬱蒼蒼 許敬宗

喬木託危岫積翠繞連岡  
葉疎猶漏影花少未流芳  
風來聞肅肅霧罷見蒼蒼  
此中餞行邁不異上河梁

惡樹

杜甫

獨遶虛齋徑常持小斧柯  
幽陰成頗雜惡木剪還多  
枸杞固吾有鷄棲奈汝何  
方知不才木生長謾婆娑

玩新庭樹因詠所懷

白居易

霽靄四月初新樹葉成  
陰動搖風景麗蓋覆庭院深  
下有無事人竟日此幽尋  
豈惟玩時物亦可開煩襟

唐詩類苑

卷之一百九十五

十三

時與道人語或聽詩客吟  
度春足芳色入夜多鳴禽  
偶得幽閒境遂忘塵俗心  
始知真隱者不必在山林

庭樹

白居易

南方饒竹樹唯有青槐稀  
十種七八死縱活亦支離  
何此郡庭下一株獨華滋  
蒙蒙碧煙葉嫋嫋黃花枝  
我家渭水上此樹陰前墀  
忽向天涯見憶在故園時  
人生有情感遇物牽所思  
樹木猶復爾况見舊親知

長信宮中樹

喬知之

婀娜當軒樹丰茸倚蘭殿  
色艷九春時風搖五湖扇  
餘香爲嘆盡新葉蟲蠹遍  
零落心自知芳菲君不見

平秋望華清宮中樹因以成詠

盧綸

可憐雲木葉滿禁碧濛濛  
色潤靈泉近陰清輦路通  
玉壇標八柱金井識雙桐  
交映凝寒露相知起夜風  
數枝盤石上幾葉落雲中  
燕拂宜秋霽蟬鳴覺晝空  
翠屏更隱見珠綴共玲瓏  
雷雨成生草樵蘇禁令雄  
野藤高助綠仙果迥呈紅  
惆悵繚垣暮茲山聞暗蛩

望宅中樹有所思

盧照隣

我家有庭樹秋葉正離離  
上舞雙棲鳥中秀合歡枝  
勞思復勞望相見不相知  
何當共攀折歌笑此堂垂

唐詩類苑

卷之一百九十五

十三

送竇校書見餞得雲中辨江樹

張九齡

江水連天色天涯淨野氛  
微明岸傍樹凌亂渚前雲  
舉棹形隨轉登臚意漸分  
渺茫從此去空復惜離羣

賦得海邊樹

皇甫冉

歷歷緣荒岸冥冥入遠天  
每同沙草發長共水雲眠  
搖落潮風早離披海雨偏  
故傷遊子意多在客舟前

暑日題道傍樹

王穀

火輪迸焰燒長空浮埃撲面愁  
朦朧羸重走馬喘不進  
忽逢碧樹含清風清風留我移時住  
滿地濃陰懶

前去却歎人無及物功不似團團道傍樹

神樹詞

王建

我家家西老棠樹須晴即晴雨即雨四時八節上杯盤願神莫離神處所男不着丁女在舍事官上下無言語老身長健樹婆娑萬歲千年作神主

山上樹

于鄴

日暖山上路鳥啼知已春忽逢幽隱處如見獨醒人石冷開常晚風多落亦頻樵夫應不識歲久伐爲薪

戲題草樹

張說

忽驚石榴樹遠出渡江來戲問芭蕉葉何愁心不開

唐詩類苑

卷之二百九十五

二十四

微霜拂宮桂淒吹掃庭槐榮盛更如此慙君獨見哀

樹間

杜甫

岑寂雙井樹婆娑一院香交柯低几杖垂實礙衣裳滿歲如松碧同時待菊黃幾迴露葉露乘月上胡牀

別自栽小樹

王建

去年今日栽臨去見花開好住守空院夜間人不來

觀種樹

孟郊

種樹皆待春春至難久留君看朝夕花誰免別離愁心意已零落種之仍未休胡爲好奇者無事自買憂

種樹

于鵠

一樹新栽益四隣野夫如到舊山春樹成多是人先老垂白看他攀折人

郡廳有樹晚榮早凋人不識名因題其上

白居易

潯陽郡廳後有樹不知名秋先梧桐落春後桃李榮五月始萌動八月已凋零左右皆松桂四時鬱青青豈量雨露恩霑濡不均平榮枯各有分天地本無情顧我亦相類早衰向晚成形骸少多病三十不豐盈毛髮早變改四十白髭生誰教兩蕭索相對此江城

路傍樹

馬戴

唐詩類苑

卷之二百九十五

二十五

古樹何人種清陰減昔時莓苔根半露風雨一作節

偏危蟲蠹心將穴蠅催葉向衰樵童不須剪聊起邵公思

栽樹

白居易

種樹當前軒樹高柯葉繁惜哉遠山色隱此朦朧間一朝持斧斤手自截其端萬葉落頭上千峰來面前忽似決雲霧豁達觀青天又如所念人久別一欸顏始有清風至稍見飛鳥還開懷東南望日遠心遽然人各有偏好物莫能兩全豈不愛柔條不如見青山

莫種樹

李賀

中莫種樹種樹四時愁獨睡南牀月今秋似去年

答道士寄樹鷄

韓愈

軟濕青黃狀可猜欲烹還喚木盤迴煩君自入華陽洞直割乖龍左耳來

葉

一葉落

白居易

煩暑鬱未退涼颼潛已起寒溫與盛衰遞相爲表裏蕭蕭秋林下一葉忽先委勿言微搖落搖落從此始

落葉

孔紹安

早秋驚落葉飄零似客心翻飛未肯下猶言惜故林

落葉

王建

陳綠向參差初紅已重疊中庭初掃地繞樹三兩葉

聞落葉

僧齊己

楚樹霜晴後蕭蕭落晚風因思故國夜臨水幾株空煮茗燒乾脆行苔踏爛紅來年未離此還見碧叢叢

落葉送陳羽

韓愈

落葉不更息斷蓬無復歸飄飄終自異邂逅暫相依悄悄深夜語悠悠寒月輝誰云少年別流淚各沾衣

落葉

僧修睦

雨過閒田地重重落盡紅翻思向春日肯信有秋風

處處隨流水何邊亂暮空祗應松自立而不衰

柳州二月榕葉落盡偶題 柳宗元

宦情羈思共悽悽春半如秋意轉迷山城過雨百花盡榕葉滿庭鴛鴦亂啼

隕葉

僧無可

遶巷夾溪紅蕭條逐逐北風別林遺宿鳥浮水載鳴蟲石小埋初盡枝長落未終帶霜書麗什閒讀白雲中

看黃葉

張說

白首看黃葉徂顏復幾何空漸棠樹下不見政成歌

題洛苑梧葉二首

明皇宮人

唐詩類苑 卷之二百九十五 一入深宮裏年年不見春聊題一片葉寄與有情人

二

舊寵悲秋扇新恩寄早春聊題一片葉將寄接流人

題紅葉

宣宗宮人

水流何太急深宮盡日閒殷勤謝紅葉好去到人間

和宮女題紅葉

顧况

愁見鶯啼柳絮飛上宮宮女腸時君恩不棄東流水葉上題詩寄與誰

紅葉

羅隱

不奈荒城畔那堪晚照中野霜衰綠山冷雨催紅

遊子霸陵道美人長信宮等閒居歲暮搖落意無窮

醉中對紅葉

白居易

臨風杪秋樹對酒長年人醉貌如霜葉雖紅不是春

和杜錄事題紅葉

白居易

寒山十月旦霜葉一時新似燒非因火如花不待春  
連行排絳帳亂落剪紅巾解駐籃輿看風前惟兩人

王起居獨遊青龍寺玩紅葉因寄

羊士諤

十畝蒼苔遶畫廊幾株紅樹過清霜高情還似看花  
去閒對南山步夕陽

唐詩類苑

卷之二百九十五

二十八

雜植

潯陽三題并序

白居易

廬山多桂樹湓浦多修竹東林寺有白蓮華皆植  
物之貞勁秀異者雖宮園省寺中未必能盡有夫  
物以多爲賤故南方不貴重之至有蒸爇其桂剪  
棄其竹白眼於蓮花者予惜其不生於北土也因  
賦三題以唁之

廬山桂

偃蹇月中桂結根依青天天風繞月起吹子下人間  
飄零委何處乃落匡廬山生爲石上桂葉如剪碧鮮

枝幹日長大根荄日牢堅不歸天上月空老山中年  
廬山去咸陽道里三四千無人爲移植得入上林園  
不及紅花樹長栽溫室前

湓浦竹

潯陽十月天天氣仍溫煥有霜不殺草有風不落木  
玄冥氣力薄草木冬猶綠誰肯湓浦頭迴眼看修竹  
其有顧盼者持刀斬且束剖劈青琅玕家家蓋墻屋  
吾聞汾晉間竹少重如玉胡爲取輕賤生此西江曲

東林寺白蓮

東林北塘水湛湛見底清中生白芙蓉苗苗三百莖

唐詩類苑

卷之二百九十五

三九

白日發光彩清飆散芳馨洩香銀囊破瀉露玉盤傾  
我慙塵埃眼見此瓊瑤英乃知紅蓮花虛得清淨名  
夏萼敷未歇秋芳結纔成夜深衆僧寢獨起繞池行  
欲收一顆子寄向長安城但恐出山去人間種不生

翫松竹二首

白居易

龍蛇隱大澤麋鹿遊豐草棲鳳安於梧潛魚樂於藻  
吾亦愛吾廬廬中樂吾道前松後脩竹偃臥可終老  
各附其所安不知他物好

坐愛前簷前臥愛北窻北窻竹多好風簷松有嘉色  
幽懷一以合俗念隨緣息在爾雖無情於子卽有得

乃知性相近不必動與植

語松竹

韋莊

庭前芳色綠於袍  
堂上詩人欲二毛  
多病不禁秋寂  
寞雨松風竹莫騷騷

唐詩類苑卷第一百九十六

明雲間張之象玄超甫纂輯

雲間張嗣功次甫甫編次

雲間王徹叔朗甫補訂

梁谿曹仁孫伯安甫校正

鳥部

鳳

詠鳳

李嶠

有鳥居丹穴其名曰鳳凰  
九苞應靈瑞五色成文章  
爰因秦樓側頻過洛水陽  
鳴岐今日見阿閣佇來翔

鸞鳳

李商隱

舊鏡鸞何處衰桐鳳不棲  
金錢饒孔雀錦段落山鷄  
王子調清管天人降紫泥  
豈無雲露分相望不應迷

儀鳳

楊嗣復

八方該帝澤威鳳忽來賓  
向日朱光動迎風翠羽新  
低昂多異趣飲啄迥無鄰  
郊藪今翔集河圖意等倫  
聞韶知鼓舞偶聖願逡巡  
比屋初同俗垂恩擊壤人

鳳

李商隱

萬里峰巒歸路迷未判容彩借山鷄  
新春定有將雛樂阿閣華池兩處棲

朱鳳行

杜甫

君不見瀟湘之山衡山高山巔朱鳳聲嗷嗷側身長  
顧求其群翅垂口噤心甚勞下懸百鳥在羅網黃雀  
最小猶難逃願分竹食及螻蟻盡使鴟梟相怒號

鳳凰曲

李白

羸女吹玉簫吟弄天上春青鸞不獨去更有攜手人  
影滅彩雲斷遺聲落西秦

鶴

詠鶴

李嶠

黃鶴遠聯翩從鸞下紫烟翱翔一萬里來去幾千年

虞詩類苑

卷之一百九十六

二

已甜青田側時遊丹禁前莫言空警露猶異一聞天

松鶴

元稹

清宮本切下佛廟有臺閣臺下三四松低昂勢前却  
是時晴景麗松梢殘雪薄日色相玲瓏纖雲映羅幕  
逡巡九霄外似振風中鐸漸見尺帛光孤飛喚空鶴  
徘徊耀霜雪顧慕下寥廓踏動樛盤枝龍蛇互跳躍  
俯瞰九江水旁瞻萬里壑無心盼鳥鳶有字悲城郭  
清角已沉絕虞韶亦冥寞騫翻勿重留幸及鈞天作

和樂天感鶴

元稹

我有所愛鶴毛羽霜雪妍秋望一滴露聲洞林外天

自隨衛侯去遂入大夫軒雲貌已久隔玉音無復傳  
吟君感鶴操不覺心惕然無乃予所愛誤為微物遷  
因茲論直質未免柔細牽君看孤松樹左右蘿葛纏  
既可習為飽亦可薰為筌期君常善救勿令終棄捐

感鶴

白居易

鶴有不群者飛飛在野田饑不啄腐鼠渴不飲盜泉  
貞姿自耿介雜鳥何翩翩同遊不同志如此十餘年  
一興嗜慾念遂為縉繳牽委質小池內爭食群鷄前  
不惟懷稻梁兼亦競腥羶不惟戀主人兼亦狎鳥鳶  
物心不可知天性有時遷一飽尚如此况乘大夫軒

虞詩類苑

卷之一百九十六

三

代鶴

白居易

我本海上鶴偶逢江南客感君一顧恩同來洛陽陌  
洛陽寡族類皎皎唯兩翼貌是天與高色非日浴白  
主人誠可戀其奈軒庭窄飲啄雜鷄群年深損標格  
故鄉渺何處雲水重重隔誰念深籠中七換摩天翻

謝王郎中見贈琴鶴

顧况

此琴等焦尾此鶴方胎生赴節何徘徊理感物自并  
獨立江海上彈天地清朱絃動瑤華白羽飄玉京  
因想美門軍眇然四體輕子喬羽鄒林王母遊層城  
忽如啓靈署鸞鳳相呼鳴何由玉琴食琅玕英



鶴

白居易

人各有所好物固無常宜誰謂爾能舞不如閒立時

松鶴

戴叔倫

雨濕松陰涼風落松花細獨鶴愛清幽飛來不飛去

田鶴

司空曙

散下渚田中隱見菰蒲裏哀鳴自相應欲作凌風起

賦得華亭鶴

孔德紹

華亭失侶鶴乘軒寵遂終三山凌苦霧千里激悲風

心危白露下聲斷絃中何言斯物變翻復似遼東

黃鶴

沈佺期

唐詩類苑

卷之二百九十六

四

黃鶴佐丹鳳不能群白鵬拂雲遊四海弄影到三山

遙憶君軒上來下天池間明珠世不重知有報恩環

鶴

杜牧

清音迎晚月愁思立寒蒲丹頂西施頰霜毛四皓鬚

碧雲行止躁白露性靈羸終日無群伴溪邊吊影孤

聞雲中唳鶴

章孝標

久在青田唳天高忽暫聞翩翩紫碧落嘹唳入重雲

出谷鶯何待鳴岐鳳欲群九臯寧足道此去透網罟

送人庭鶴

曹松

度歲休籠閉身輕好羽儀白雲是伴滄海得因誰

喚起遺殘食盤餘在迥枝條風頻雨去只恐更相隨

別鶴

張籍

雙鶴出雲谿分飛各自迷空巢在松樹折羽落江泥

尋水終不飲逢林亦未棲別離應易老萬里草凄凄

和裴司空以詩請刑部白侍郎雙鶴

張籍

皎皎僊家鶴遠留閒宅中徘徊幽樹月嘹唳小亭風

丞相西園好池塘夜水通欲將來放此賞望與賓同

答裴相公乞鶴

白居易

警露聲音好冲天相貌殊終宜向遼廓不稱在泥塗

唐詩類苑

卷之二百九十六

五

白首勞爲伴朱門幸見呼不知疎野性解愛鳳池無

題龍鶴

白居易

經旬不飲酒踰月未聞歌豈是風情少其如塵事多

虎丘慙客問娃館妬人過莫笑籠中鶴相看去幾何

寄興國池鶴上劉相公

張衆甫

馴狎經時久襍褻短翮存不隨淮海變空媿稻梁恩

獨立秋天淨單棲夕露繁欲飛還欲翼誰敢望乘軒

失鶴

白居易

失爲庭前雪飛因海上風九霄應得侶三夜不歸籠

聲斷碧雲外影沈明月中郡齋從此後誰伴白頭翁

劉蘇州以華亭一鶴遠寄以詩謝之

白居易

老鶴風姿異衰翁詩思深素毛如我鬢丹頂似君心  
松際雪相映鷄群塵不侵殷勤遠來意一隻重千金  
賦得白鶴翔翠微送陳偃下第

朱灣

不知鷗與鶴天伴弄晴暉背日分明見臨川相映微  
淨中雲一點迴去雪孤飛正好南枝住翻翻何所依

憶鶴

劉得仁

自爾歸隱後經秋又過春白雲尋不得紫府去無因  
唐詩類苑卷之二百九十六六一

別鶴

杜牧

分飛共所從六翮勢催風聲斷碧雲外影孤明月中  
青田歸遠路丹桂舊巢空矯翼知何處天涯不可窮

飛不雙白鶴

虞世南

飛來雙白鶴奮翼遠凌烟雙棲集紫蓋一舉背青田  
颺影過伊洛流聲入管絃鳴呼倒景外刷羽閭風前  
耿海疑浮雪拂澗瀉飛泉燕雀寧知去蟬蛸不識還  
何言別儔侶從此間山川顧步已相失徘徊各自憐  
危心猶警露哀響詎聞天無因振六翮輕舉復隨仙

見群鶴東飛并序

張九齡

郡府中每晨輒見群鶴東飛至暮又行列而返  
呀喉雲路甚和樂焉予愧獨處江城常目送此鳥  
意有所美遂賦以詩

雲間有數鶴撫翼意無違曉日東田去霄烟北渚歸  
謹呼良自適羅列好相依遠集長江靜高翔衆鳥稀  
豈煩僊子馭何畏野人機却念乘軒者拘留不得飛

緱山鶴

張仲素

羽客驂僊鶴將飛駐碧山映松殘雪在度嶺片雲還  
清唳因風遠高姿對水閒笙歌憶天上城郭嘆人間  
唐詩類苑卷之二百九十六七

幾變霜毛潔方殊藻質斑蓬瀛如可到逸翮詎能攀  
一作逸翮詎能攀

曉鶴

孟郊

曉鶴彈古舌婆羅門叫音應吹天上律不使塵中尋  
虛空夢皆斷歎唏安能噤如開孤月口似說明星心  
既非人間韻枉作人間禽不如相將去碧落窠巢深

遇旅鶴

孫昌胤

靈鶴產絕境昂昂無與儔群飛滄溟曙一叫雲山秋  
野性方自得人寰何所求時因戲祥風偶爾來中州  
中州帝王宅園沼深且幽希君惠稻粱欲拜離丹丘

不然奮飛去將適汗漫遊肯作池上鷺年年空沈浮

鶴警露

陳季

南國商飈動風臯野鶴鳴溪松寒暫宿露草滴還驚  
欲有高飛意空聞召侶情風間傳藻質月下引清聲  
未假搏扶勢焉知羽翼輕吾君開太液願得應皇明

鶴鳴九臯

胎化呈僊質長鳴在九臯排空散清唳映日委霜毛  
萬里思寥廓千山望鬱陶香凝光不見風積韻彌高  
鳳侶攀何及鷄群思忽勞昇天如有應飛舞出蓬蒿

僊鶴篇

武三思

唐詩類苑卷之二百九十六

八

白鶴乘空何處飛青田紫蓋本相依縵山七月雖長  
去遼水千年更不歸縵山杳杳翔寥廓遼水疊疊嘆  
城郭徑隨羽客步丹丘曾逐僊人遊碧落迢迢碧落  
斷氛埃霞堂雲閣幾重開欲尋東海黃金竈仍向西  
山白玉臺九臯獨嘆方清切五里驚群俄斷絕月下  
分行似度雲風前颺影疑迴雪風前月下路漫漫水  
宿雲翔去幾般宛轉能傾吳國市徘徊巧拂漢皇壇  
琴中作曲從來易鼓裏傳聲有甚難夜夜恒飛銀漢  
曲朝朝常飲玉池潤別有丹竈出紫烟還如化覆上  
青天霜毛忽控三神下玉羽

橫海志蟬蛸豈識在陰年莫言一舉須千里爲與三

山送九仙

別鶴曲

王建

主人一去池水絕池鶴散飛不相別青天漫漫碧海  
重知向何山風雪中萬里雖然音影在兩心終是死  
生同池邊巢破松樹死樹頭年年鳥生子

病鶴篇

錢起

獨鶴聲哀羽摧折沙頭一點留殘雪三山侶伴能遠  
翔五里徘徊忍爲別驚羣各畏野人機誰肯相將霞  
水飛不及川鳬長比翼隨波雙泛復雙歸碧海滄江

唐詩類苑卷之二百九十六

九

深且廣目盡安倪安得往雲山隔路不隔心宛頸和  
鳴長在想何時白霧捲青天接影追飛太液前

鶴

儲嗣宗

千里雲間丁令威殷勤仙骨莫飛若逢茅氏傳消

息貞白先生不久歸

崔卿池上鶴

賈島

月中時叫葉紛紛不異洞庭霜夜聞翎羽如今從放  
長猶能飛起向孤雲

崔駙馬養鶴

張籍

身閒無事稱高情已有人間章句名求得鶴來翦翅

望仙臺下亦將行

問鶴

白居易

鳥鶯爭食雀爭蹴獨立池邊風雪多盡日踏冰翹一足不鳴不食意如何

代鶴答

白居易

鷹爪攫鷄鷄肋折鵲拳窠鴈鴈頭垂何如飲翅水邊立飛上雲松棲穩枝

池鶴八絕句

池上有鶴介然不羣鳥鶯鷄鵲次第嘲噪諸禽似有所謂鶴亦時復一鳴予非治長不通其意因戲

唐詩類苑

卷之百九十六

十

與贈答以意斟酌之聊亦自取笑耳

鷄贈鶴

白居易

一聲警露君能薄五德司晨我用多不會悠悠時俗士重君輕我意如何

鶴答鷄

爾爭伉儷泥中闕吾整羽儀松上棲不可遣他天下眼却輕野鶴重家鷄

鳥贈鶴

與君黑白太分明縱不相親莫見輕我每夜啼  
別玉徽琴裏忝同聲

鶴答鳥

吾愛棲雲上華表汝多攫肉下田中吾音中羽汝聲角琴曲雖同調不同

鷄贈鶴

君誇名鶴我名鷄君叫聞天我戾天更有與君相似處饑來一種啄腥羶

鶴答鷄

無妨自是莫相非清濁高低各有歸鸞鶴群中彩雲裏幾時曾見喘鷄飛

鵝贈鶴

唐詩類苑

卷之百九十六

十一

君因風起入青雲我被人驅向鴨群雪頸霜毛紅網掌請看何處不如君

鶴答鵝

右軍歿後欲何依只合隨鷄逐鴨飛未必犧牲及吾輩大都我瘦勝君肥

獨鶴

常莊

夕陽灘上立徘徊紅蓼風前雪翅開應爲不知棲宿處幾迴飛去又飛來

池邊鶴

儲光羲

舞鶴傍池邊水清毛羽鮮立如依岸雪飛似向池泉

江梅雖言曠無如君子前

嘆病鶴

白居易

右翅低垂左脰傷可憐風貌甚昂藏亦知白日青天  
好未要高飛且養瘡

台州鄭員外郡齋雙鶴

朱慶餘

丹頂分明音響別况聞來處隔雲濤情懸碧落飛何  
晚立近清池意欲高向夜雙棲驚玉漏臨軒對舞拂  
朱袍仙郎爲爾開籠早莫慮回翔損羽毛

月夜聞鶴唳

劉滄

碧落風微月正明霜毛似怨有離情舞苔石冷想孤

唐詩類苑

卷之百九十六

十一

立楊柳葉疎聞轉清空夜露殘驚墮羽遼天秋晚憶  
歸程鳳凰樓閣知猶戀終逐烟霞上玉京

病鶴

項斯

青雲有意力猶微豈料低回得所依幸念翅因風雨  
困豈教身陷稻梁肥曾遊碧落寧無侶見有清池不  
忍飛縱使他年引仙駕主人恩在亦應歸

失鶴

李遠

風吹却却九皋禽一片閒雲萬里心碧海一作有情  
應悵望青天一作無路可追尋初來一作白雲翎猶  
短欲去一作丹砂頂漸深華表柱頭留語後更無消

思到如今

過舊遊見雙鶴愴然有懷

李遠

謝公何歲掩松楸雙鶴依然傍玉樓朱頂噴吭荒草  
上雪毛零落小池頭蓬瀛路斷君何在雲水清深我  
尚留他日若來華表上更添多少令威愁

鄭侍御廳玩鶴

許渾

碧天飛舞下晴莎金閣瑤池絕網羅晶響數聲風浦  
樹岸移孤影雪凌波緱山去遠雲霄迴遼海歸遲歲  
月多雙翅亦開千萬里祇應棲隱戀喬柯

有雙鶴留在洛中忽見劉郎中依然鳴顧劉

唐詩類苑

卷之百九十六

十三

因爲鶴嘆二篇寄子予以二絕句答之

白居易

許鄉遠隔華亭水逐我來棲緱嶺雲慙愧稻梁長不  
飽未曾迴眼向鷄群

荒草院中池水畔銜恩不去又經春見君驚喜雙迴  
顧應爲吟聲似主人

送鶴與裴相臨別贈詩

白居易

司空愛爾爾須知不信聽吟送鶴詩羽翮勢高寧惜  
別稻梁恩厚莫愁饑夜棲少共鷄爭樹曉浴先饒鳳  
占池穩上青雲勿迴顧的應勝在白家時

池鶴二首

白居易

高竹籠前無伴侶，亂鴉群裏有風標。  
低頭乍恐丹砂落，曬翅常疑白雪消。  
轉覺鸛鷀毛色下，苦嫌鸚鵡語聲嬌。  
臨風一嘆思何事，悵望青田雲水遙。

池中此鶴鶴中稀，恐是遼東老令威。  
帶雪松枝剉膝放，花菱片綴毛衣低。  
徊且向籠間宿，奮迅終須天外飛。  
若問故巢知處在，主人相戀未能歸。

華亭鶴聞之舊矣，及來吳中以錢半千得一

隻，養之殆經歲，不幸爲飲啄所誤，經夕而卒，悼之不已，遂繼以詩。南陽潤卿博士浙

唐詩類苑

卷之一百九十六

十四

東德師侍御毘陵魏不琢處士東吳陸魯望秀才及厚于予者，悉寄之請垂見和。

皮日休

池上低摧病不行，誰教仙魄反層城。  
陰苔尚有前朝跡，皎月新無昨夜聲。  
菰米正殘三日料，筠籠休礙九霄程。  
不知此恨何時盡，遇著雲泉卽愴情。

莫怪朝來淚滿衣，墮毛猶傍水花飛。  
遼東舊事今千古，却向人間塋令威。

奉和襲美悼鶴二首

李穀

才子襟期本上清，陸雲家鶴伴閒情。  
猶憐反顧五六

里何意忽歸十二城，露滴誰聞高葉墜。  
月沈休籍三堦明，人間華表堪留語。  
刺向秋風寄一聲。

道林曾放雪翎飛，應悔庭除閉羽衣。  
料得王恭披鶴氅，倚吟猶待月中歸。

奉和襲美悼鶴二首

張賁

池塘蕭索掩雲籠，玉樹同嗟一土中。  
沙徑罷鳴唯泣露，松軒休舞但悲風。  
丹臺舊壑難重緝，紫府新書豈更通。  
雲滅霧消無處問，只留華髮與衰翁。

渥頂鮮毛品格馴，莎庭閒暇重難群。  
無端日暮東風起，飄散春空一片雲。

唐詩類苑

卷之一百九十六

十五

奉和襲美悼鶴二首

陸龜蒙

一夜圓吭絕不鳴，八公虛道得千齡。  
方添上客雲眠思，忽伴中仙劍解形。  
但掩重毛穿古堞，永留寒影在空屏。  
君才幸得清如水，更向芝田爲刻銘。

鄴都香稻字重思，遙想飛魂去未饑。  
爭奈野鴉無數健，黃昏來占舊枝棲。

奉和襲美悼鶴二首

魏朴

直欲裁詩問杳冥，豈教靈化亦浮生。  
風林月動疑留魄，沙島烟愁似蘊情。  
雪骨夜封蒼蘚冷，練衣寒在碧

塘。輕人間飛去猶堪恨，况是泉臺遠玉京。

經秋宋玉已悲傷况報胎禽昨夜亡霜曉起來無問處伴僧彈指繞荷塘

鵲

齊使開籠飛去所獻楚王鵲

崔樞

受命籠齊鵲交歡獻楚王惠心先巧辯戢羽見迴翔意適清風遠憂除白日長度雲遙舊影過樹閱新芳直取名翻重寧唯好不傷誰言滑稽理千載戒禽荒

黃鵠下太液池

賈島

高飛空外鵠下向禁中池岸印行蹤淺波搖立影危

唐詩類苑

卷之百九十六

十六

來從千里鳥舞拂萬年枝踉蹌孤風起徘徊水沫移幽音清露滴野性白雲隨太液無彈射靈禽翅不垂

雙黃鵠歌送別

王維

天路來兮雙黃鵠雲上飛今水上宿撫翼和鳴整羽族不得已忽分飛家在玉京朝紫微主人臨水送將歸悲笳嘹唳垂舞衣賓欲散今復相依幾往還今極浦尚徘徊今落暉塞上火今相迎將夜入今邊城鞍馬歸今佳人散悵離憂今獨含情

獨鵲吟

李咸用

碧玉喙長丹頂圓亭亭危立風松間啄萍吞麟意已

鬪舉頭咫尺輕重天黑翎白本排雲烟離群脫侶孤如仙披霜唳月驚嬋娟道遙忘却還青田爲寒鴉晚空相喧時時側耳清冷泉

孔雀

和武門下傷常令孔雀

王建

孤號秋閣陰常今在時禽覓伴海山黑思鄉橘柚深舉頭聞舊曲顧尾惜殘金顚顚不飛去重君池上心

赤霄行

杜甫

孔雀未知牛有角渴飲寒泉逢舐觸赤霄玄圃須往來翠尾金花不辭辱江中淘河嚇飛燕銜泥却落蓬

唐詩類苑

卷之百九十六

十七

華屋皇孫猶曾蓮勺困衛莊見貶傷其足老翁慎莫怪少年葛亮貴和書有篇丈夫垂名動萬年記憶細故非高賢

和武相公感常令公舊池孔雀

白居易

索寞少顏色池邊無主禽難收帶泥翅易結著人心頂毳落殘碧尾花銷闌金放歸飛不得雲海故巢深

奉和武相公鎮蜀時詠使宅常太尉所養孔雀

韓愈

穆穆鸞鳳友何年來止茲飄零失故態隔絕抱長思



翠角高獨聳金華煥相差坐蒙恩顧重畢命守塔

和孫朴常瞻孔雀詠

李商隱

此去三梁遠今來萬里攜西施因網得秦客被花迷  
可在青鸚鵡非關碧野鷄約眉憐翠羽刮膜想金篦  
瘴氣籠飛遠蠻花向坐低輕於趙皇后貴極楚惡黎  
都護矜羅幕佳人炷繡衽屏風臨燭鈿揮撥倚香臍  
舊思牽雲葉新愁待雪泥愛堪通夢寐盡得不端倪  
地錦排蒼鴈簾釘鏤白犀曙霞星斗外涼月露盤西  
妬好休誇舞經寒且少啼紅樓三十級穩穩上丹梯

傷常令孔雀詞

王建

唐詩類苑

卷之二百九十六

太

可憐孔雀初得時美人為爾別開池池邊鳳凰作伴  
侶羞聲鸚鵡無言語一作尋雕籠玉架嫌不栖夜夜  
思歸向南舞一作南如今憔悴人見惡萬里更求新  
孔雀熱眠雨水饑拾蟲翠尾盤泥金彩落多時人養  
不解飛海山風黑何處歸

病中孔雀

皮日休

烟花雖媚思沈冥猶自擡頭護翠翎強聽紫簫如欲  
舞困眠紅樹似依屏因思桂蠹傷肌骨為憶松鵝損  
性靈盡日春風吹不起鈿毫金鏤一星星

奉和襲美病中孔雀

陸龜蒙

願移金翠傍簷楹斜倚芳叢舊態生唯柰瘴烟籠飲  
啄可堪春雨滯飛鳴鴛鴦水畔迴頭羨荳蔻圖前舉  
眼驚爭得鷓鴣來伴著不妨還校有心情

鶯

詠黃鶯兒

鄭 惲

欲轉聲猶澀將飛羽未調高風不借便何處得遷喬

詠鶯

李 嶠

芳樹雜花紅群鶯亂曉空聲分折楊吹嬌韻落梅風  
寫轉清絃裏遷喬暗木中友生若可冀幽谷響還通

詠黃鶯

孫 處

唐詩類苑

卷之二百九十六

十九

曉脫度花紅間關亂曉空乍離幽谷日先轉上林風  
翔集春臺側低昂錦帳中聲詩辯博黍比興思無窮  
春雲薄薄日輝輝宮樹烟深隔水飛應為能歌繫仙  
籍麻姑乞與女真衣

黃鶯

鄭 谷

白田馬上聞鶯

李 白

黃鸝啄紫椹五月鳴桑枝我行不記日誤作陽春時  
蠶老客未歸白田已搔絲驅馬又前去捫心空自悲

聞早鶯

白居易

日出眠未起屋頭聞早鶯忽如上林曉萬年枝上鳴

爲近臣時秉筆直承明春深視草暇旦暮聞此聲  
今聞在何處寂寞潯陽城鳥聲信如一分別在人情  
不作天涯意豈殊禁中聽

殘鷺百囀歌同王員外耿拾遺吉中孚李端

遊慈恩各賦一物

司空曙

殘鷺一何怨百囀相尋續始辨下將高稍分長復促  
綿蠻巧狀語機節終如曲野客賞應遲幽僧聞記足  
禪齋深樹夏陰清零落空餘三兩聲金谷箏中傳不  
似山陽笛裏寫難成憶昨亂啼無遠近晴宮曉色偏  
相引送暖初隨柳色來辭芳暗逐花枝盡歌殘鷺歌  
唐詩類苑卷之二百九十六 王

居延海樹聞鷺同作

陳子昂

邊地無芳樹鶯聲忽聽新間關如有意愁絕若懷人  
明妃失漢寵蔡女沒胡塵坐聞應落淚况憶故園春

聽宮鶯

王維

春樹遶宮牆春鶯轉曙光忽驚啼暫斷移處弄還長  
隱葉棲承露攀花出未央遊人未應返爲此思故鄉

鷺聲

羅隱

井上梧桐暗花間霧露稀一枝晴復暖百囀是兼非  
金屋夢初覺玉關人未歸不堪閒日聽因爾又沾衣

賦得聞曉鷺啼

僧惟審

捲簾清夢後芳樹引流鶯隔葉傳春意穿花送曉聲  
未調雲露翼空負桂林情莫盡關西興羈愁正厭生

柳陌聽早鶯

陶翰

忽來枝上囀還似谷中聲乍使香閨靜偏傷遠客情  
間關難辨處斷續若頻驚玉勒留將久青樓夢不成  
千門候曉發萬井報春生徒有知音賞慚非臯鶴鳴

唐詩類苑

卷之二百九十六

王

早春雪中聞鶯

韓愈

朝鷺雪裏新雪樹眼前春帶澀先迎氣侵寒已報人  
共矜初聽早誰貴後聞頻暫囀那成曲孤鳴豈及辰  
風霜徒自保桃李詎相親寄謝幽棲友辛勤不爲身

禁林聞曉鶯

陸晨

曙色分層漢鶯聲繞上林報花開瑞錦催柳綻黃金  
斷續隨風遠間關送月沈語當溫樹近飛覺禁林深  
繡戶驚殘夢瑤池轉好音願將棲息意從此沃天心

鷺出谷

錢可復

玉律陽和變時禽羽翮新載飛初出谷一鳴已爲人

柳柳宜烟暖衝花覺路春搏風翻翰疾向日弄吭頻  
求友心何切遷喬幸有因華林高玉樹棲託及芳晨

鶯出谷

張鷟

弱質隨儔匹遷鶯正及春乘風音響遠映日羽毛新  
已得辭幽谷還將脫俗塵鶯鸞方可慕燕雀過無隣  
遊止知難屈翻飛在此伸一枝如借便終與託深仁

鶯出谷

劉莊物

幸因辭舊谷從此及芳晨欲語如調舌初飛似畏人  
風調歸影便日暖吐聲頻翔集知無阻聯綿貴有因  
喜遷喬木近章厭對花新堪念微禽意開關也愛春

鶯出谷

劉得仁

東風潛啓物動息意皆新此鳥從幽谷依林報早春  
出寒雖未久振羽漸能頻稍類冲天鶴多隨折桂人  
罇前喧有語花裏晝藏身若向一作在穠華處餘禽不  
見親

侍從宜春苑奉詔賦龍池柳色初青聽新鶯

百囀歌

李白

東風已綠瀛洲草紫殿紅樓覺春好池南柳色半青  
青紫烟嫋娜拂綺城垂絲百尺挂離檻上有好鳥相  
和鳴間關早得春風情春風卷入碧雲去十門

皆春聲是時君王在錦京五雲垂輝耀紫清仗出  
宮隨日轉天回玉輦繞花行始向蓬萊看鶴舞還過  
落石聽新鶯新鶯飛繞上林苑願入蕭韶雜鳳笙

聽鶯曲

韋應物

東方欲曙花冥冥啼鶯相喚亦可聽乍去乍來時近  
遠纔聞南陌又東城忽似上林翻下苑綿綿鶯聲如  
有情欲轉不轉意自嬌羌兒弄笛曲未調前聲後聲  
不相及秦女學箏指猶溫須臾風暖朝日暎流鶯變  
作白鳥喧誰家懶婦驚於夢何處愁人憶故園伯勞  
飛過聲蹄促戴勝下時桑田綠不及流鶯日日啼花

唐詩類苑

卷之百九十六

王

間能使萬家春意閒有時斷續聽不了飛去花枝猶  
裊裊還栖碧樹鏤千門春漏方殘一聲曉

和武相公早春聞鶯

韓愈

早晚飛來入錦城誰人教解百般鳴春風紅樹驚眠  
處似如歌童作豔聲

和門下武相公春曉聞鶯

王建

侵黑行飛一兩聲春寒囀小未分明若教更解諸餘  
語應向宮花不惜情

奉賀成相公春晚聞鶯

李益

蜀道山川心易驚綠牕殘夢曉聞鶯分明似雪文君

恨萬怨千愁絃上聲

流鶯

李商隱

流鶯漂蕩復參差度陌臨流不自持巧轉豈能無本意良辰未必有佳期風朝露夜陰晴裏萬戶千門開閉時曾若傷春不思聽鳳城何處有花枝

鶯

羅鄴

暖辭雲谷背殘陽飛下東風翅漸長却笑金籠是羈絆豈知理草正芬芳曉逢溪雨投紅樹晚轉宮樓泣舊粧何處離人不堪聽灞橋斜日裏垂楊

早鶯

僧貫休

唐詩類苑

卷之二百九十六

五

何處經年絕好音暖風催出轉喬林羽毛新刷陶潛菊喉舌初調叔夜琴藏雨竝棲紅杏密避人雙入綠楊深曉來枝上千般語應共桃花說舊心

聞黃鸝

柳宗元

倦聞子規朝暮聲不意忽有黃鸝鳴一聲夢斷楚江曲滿眼故園春意生目極千里無山河麥芒際天搖青波王畿優本少賦役務閒酒熟饒經過此時晴烟最深處舍南巷北遙相語翻日迴度昆明飛凌風邪看細柳翥我今誤落千萬山身同俗人不思還鄉禽何事亦來此令我心憶秦

林紫樞行當熟

鸚鵡

初出金門尋王侍御不遇詠壁上鸚鵡

李白

落羽辭金殿孤鳴託一作繡衣能言終見棄還向隴西飛

同蔡孚起居詠鸚鵡

胡皓

鸚鵡殊姿致鸞鳳得比肩常循金殿裏每話玉墀前賈誼才方達楊雄老未遷能言既有地何惜爲聞天

詠鸚鵡

李義府

唐詩類苑

卷之二百九十六

五

牽弋辭重海觸網去層巒戢翼雕籠際延思彩霧端慕侶朝聲切離群夜影寒能言殊可賞相助憶長安

鸚鵡

杜甫

鸚鵡含愁思聰明憶別離翠衿渾短盡紅觜謾多知未有開籠日空殘宿舊枝世人憐復損何用羽毛奇

再吟鸚鵡

張祜

萬里去心遠奇毛覺自非美人憐解語凡鳥畏多機未勝無丹背何勞事綠衣雕籠終不戀會向故山歸

鸚鵡

白居易

竟日語還默中宵栖復驚身囚綠綵翠心苦爲分明

暮起歸巢思春多憶侶聲誰能拆籠破從放快飛鳴

鸚鵡

杜牧

華堂日漸高雕檻繫紅紵故國隴山樹美人金剪刀  
避籠交翠尾罽黃靜新毛不念三緘事世途皆爾曹

鸚鵡

張祜

棲棲南越鳥色麗思沈淫暮隔碧雲海春依紅樹林  
雕籠悲歛翅畫閣豈關心無事能言語人聞怨恨深

傷隣家鸚鵡詞

王建

東家小女不惜錢買得鸚鵡獨自憐自從死却家中  
女無人更共鸚鵡語十日不飲一滴漿淚漬綠毛頭

唐詩類苑

卷之二百九十六

三六

似鼠古關啞咽畜哀怨開籠放飛離人眼短聲亦絕  
翠臆翻新墓崔嵬舊巢遠此禽有志女有靈定爲連  
理相並生

紅鸚鵡

白居易

安南遠進紅鸚鵡色似桃花語似人文章辨慧皆如  
此籠檻何年出得身

鸚鵡

羅隱

莫恨雕籠翠羽殘江南地暖隴西寒勸君不用分明  
語語得分明出轉難

鸚鵡詞

蘇郁

莫把金籠閉鸚鵡箇箇分明解人語忽然更向君前  
語三十六宮愁幾許

雙鸚鵡

白居易

綠衣整頸雙棲起紅背分明對語時始覺琵琶絃  
幽方知吉了舌參差鄭牛譙字吾常嘆丁鶴能言亦  
知若稱白家鸚鵡鳥籠中兼合解吟詩

鸚鵡

白居易

隴西鸚鵡到江東養得經年背漸紅常恐思歸先剪  
翅每因餒食暫開籠人憐巧語情雖重鳥憶高飛意  
不同應似朱門歌舞妓深藏牢閉後房中

唐詩類苑

卷之二百九十六

三六

鸚鵡

秦韜玉

每聞別鴈競悲鳴却嘆金籠寄此生早是翠襟爭愛  
惜可堪丹背疆分明雲漫隴樹魂應斷歌按秦樓夢  
不成幸自稱衡人未識賺他作賦被時輕

鸚鵡

殷大珪

丹背如簪翠羽輕隨人呼物旋知名金籠夜黯山西  
夢玉枕曉憎簾外聲才子愛奇吟不足美人憐爾織  
初成應緣是我邯鄲客相顧咬咬別有情

鸚鵡詠

羅鄴

玉檻瑤軒任所依東風休憶嶺頭歸金籠共惜好毛

羽紅紫其故多是非便向邽堂誇飲咏還應補筆發  
光輝乘時得路何須貴燕雀鸞鳳各有機

伯勞

擬古東飛伯勞西飛燕 李嶠

傳書青鳥迎簫鳳巫嶺荆臺數通夢誰家窈窕住園  
樓五馬千金照陌頭羅裙玉佩當軒出點翠施紅腕  
春日佳人二八盛舞歌羞將百萬呈雙蛾庭前芳樹  
朝夕改空駐妍華欲誰待

擬古東飛伯勞西飛燕 張柬之

青田白鶴丹山鳳娉女嫦娥兩相送誰家絕世綺帳  
唐詩類苑 卷之一百九十六 天

前艷粉紅脂映寶鈿窈窕玉堂褰翠幙參差繡戶懸  
珠箔絕世三五愛紅粧冶袖長裾蘭麝香春去花枝  
俄易改可嘆年光不相待

鸚鵡

山鸚鵡歌 劉長卿

山鸚鵡長在此山吟古木嘲嘶相呼響空谷哀鳴萬  
變如成曲江南逐臣悲放逐倚樹聽之心斷續巴人  
峽裏自聞猿燕客水頭空擊筑山鸚鵡一生不及雙  
黃鵠朝去秋田啄殘粟暮入寒林嘯群族鳴相逐啄  
殘粟食不足青雲杳杳無力飛白露蒼蒼抱枝宿下

知何事守空山萬壑千峰自愁獨

寶觀主白鸚鵡歌 韋應物

鸚鵡鸚鵡衆皆如漆爾獨如玉鵠之鵠之衆皆蓬蒿  
下爾自三山來三山處子下人間綽約不粧冰雪顏  
仙鳥隨飛來掌上來掌上時拂拭人心鳥意自無猜  
玉詰霜毛之同色有時一去凌蒼蒼朝遊汗漫暮玉  
堂巫峽雨中飛暫濕杏花林裏過來香日夕夜仁全  
羽翼立欲銜環非報德豈不及阿母之家青鳥兒漢  
宮來往傳消息

百舌

唐詩類苑 卷之一百九十六 元

百舌 杜甫

百舌來何處重重祗報春知音兼衆語整翮豈多身  
花密藏難見枝高聽轉新過時如發口君側有讒人  
聽百舌鳥 李元操

烟銷上路靜漏盡禁門通好鳥從西苑流響入南宮  
間關既多緒變轉復無窮調驚時斷絕音繁有異同  
飲啄歸承露飛鳴上別風未避王孫彈寧畏虎賁弓  
石渠皆學府麒麟閣悉文雄不怪青泥印時尋白社中  
汝濱秋事同仙州王長史翰聞百舌鳥

祖咏

秋天聞好鳥驚起出簾帷却念殊方月能鳴已後時  
遷喬誠可早出谷此何遲顧影慙無對懷群空所思  
淒涼歲欲晚蕭索路將辭留聽未終曲彌令心獨悲  
高飛憑力致巧囀任天姿反覆知而靜間關斷若遺  
花繁上林路霜落汝川湄且長凌風翻乘春自有時

百舌吟

劉禹錫

曉星寥落春雲低初聞百舌間關啼花樹滿空迷處  
所搖動繁英墜紅雨笙簧百囀音韻多黃鸝吞聲燕  
無語東方朝日遲遲升迎風弄景如自矜數聲不盡  
又飛去何許相逢綠楊路綿蠻宛轉似娛人一心百  
舌何紛紛醜類俠少停歌聽墜珥妖姬和睡聞可憐  
光景何時盡誰能低回避鷹隼廷尉張羅自不關潘  
郎挾彈無情損天生羽翼爾何微舌端萬變乘春暉  
南方朱鳥一朝見索漠無言蒿下飛

聽百舌鳥

王維

上蘭門外草萋萋未央宮中花裏棲亦有相隨過御  
苑不知若箇向金堤入春解作千般語拂曙能先百  
鳥啼萬戶千門應覺曉建章何必聽鳴鷄

賦百舌鳥

嚴郭

此禽輕巧少同倫我聽長疑舌滿身星未沒河先報

曉柳猶粘雪便迎春頻嫌海燕巢難定却訝林鶯語  
不真莫倚春風便多事玉樓還有晏眠人

反舌

反舌無聲

張籍

夏木多好鳥偏知反舌名林幽仍共宿時過即分聲  
竹外天空曉谿頭雨自晴居人宜寂寞深院益凄清  
入霧暗相失當風閒易驚來年上林苑知爾最先鳴

唐詩類苑

卷之二百九十六

三



唐詩類苑卷第一百九十七

明雲間張之象玄超甫纂輯

雲間張嗣功次甫甫編次

雲間王 徹叔朗甫補訂

梁谿曹仁孫伯安甫校正

鳥部

戴勝

戴勝詞

王建

戴勝誰與爾為名木中作窠牆上鳴聲聲催我急種

穀人家向田不歸宿紫冠綵綵一作深褐羽斑銜得蜻

唐詩類苑

卷之百九十七

一

蜓飛過屋可憐白鷺滿綠池不如戴勝知天時

題戴勝

賈島

星點花冠道士衣紫陽宮女化身飛能傳上界春消

息若到蓬山莫放歸

鳥

詠鳥

李義府

義府年八歲李大亮劉洎之以神童薦至京師太

宗時在上林苑便對有得鳥者令義府詠鳥云云

帝曰與卿全樹何止一枝

日裏麗朝彩琴中伴夜啼上林多少樹不借一枝棲

詠鳥代陳師道

太宗

凌晨麗城去薄暮上林棲辭枝暫起停樹樹還低

向日終難託迎風詎肯迷只待纖纖手曲裏作宵啼

詠鳥

李嶠

日落朝飛急霜臺夕影寒聯翩依月樹迢遞遶風竿

白首何年改青琴此夜彈靈臺如可託千里向長安

答元郎中楊員外喜鳥見寄

白居易

南宮鴛鴦地何忽鳥來止故人錦帳郎聞鳥笑相視

疑鳥報消息望我歸鄉里我歸應待鳥頭白慙愧元

唐詩類苑

卷之百九十七

二

郎誤歡喜

和大黃鳥

白居易

鳥者種有二名同性不同黃小者慈孝黃大者貪庸

背大命又長生來十餘冬物老顏色變頭毛白茸茸

飛來庭樹上初但驚兒童老巫生奸計與鳥意潛通

云此非凡鳥遙見起敬恭千歲乃一出喜賀主人翁

祥瑞來白日神聖占知風陰作北斗使能為人吉凶

此鳥所止家家產日夜豐上以致壽考下可宜田農

主人富家子身老心童蒙隨巫拜復祝婦姑亦相從

殺鷄薦其肉敬若裡六宗鳥喜張大黃飛接在虛空

鳥既飽臚腥巫亦饗甘濃鳥巫互相利不復兩西東  
日日營巢窟稍稍近柳樅雖生八九子誰辨其雌雄  
群雛又成長衆背騁殘兇探巢吞燕卵入簇啄蠶蟲  
豈無乘秋隼羈絆委高墉但食鳥殘肉無施搏擊功  
亦有能言鸚翅碧背距紅暫曾說鳥罪囚閉在深籠  
青青窻前柳鬱鬱井上桐貪鳥占栖息慈鳥獨不容  
慈鳥爾奚爲來往何憧憧曉去先晨鼓暮歸後昏鐘  
辛苦塵土間飛啄禾黍叢得食將哺母饑腸不自克  
主人憎慈鳥命子削彈弓絃續會稽竹丸鑄金山銅  
慈鳥求母食飛不爾庭中數粒殊入口一九已中胸

唐詩類苑

卷之二百九十七

三

大背鳥

元稹

陽鳥有二類背白者名慈求食哺慈母因此名之  
飲啄頗廉儉音響亦柔雌百巢同一樹栖宿不復疑  
得食先返哺一身長苦羸緣知五常性翻被衆禽欺  
其一背大者攫搏性貪癡有力強如鶻有爪利如錐  
音聲甚呖喙潛通妖怪詞受日餘光庇終天無死期  
翱翔富人屋栖息屋前枝巫言此鳥至財產日豐宜  
主人一心惑誘引不知疲轉見鳥來集自言家傳

白鶴門外養花鷹架上維專聽鳥喜怒信受若神龜  
舉家同此意彈射不復施往往清池側却令鵝鷺隨  
群鳥飽梁肉毛羽色澤滋遠近恣所往貪殘無不爲  
巢禽攫雛卵瘕馬啄瘡痕滲瀝脂膏盡鳳凰那得知  
主人一朝病爭向屋簷窺呦囀呼群鵬翻翻集怪鴟  
主人偏養者嘯聚最奔馳夜半仍驚噪鵝鷺逐老狸  
主人病心怯燈火夜深移左右雖無語奄然皆淚垂  
平明天出日陰魅走參差鳥來屋簷上又惑主人兒  
兒卽富家業玩好方愛奇占募能言鳥置者許高貲  
隴樹巢鸚鵡言語好光儀美人傾心獻雕籠身自持

唐詩類苑

卷之二百九十七

四

鳥引雛

韋應物

日出照東城春鳥鳴雛和鳴雛和鳴羽猶短巢在  
深林春正寒引飛欲集東城暖群雛離雛睥睨高舉  
翅不及墜蓬蒿雄雌來去飛又引音聲上下懼鷹隼  
引雛鳥爾心急急將何如何得比日搜索雀卵噉爾

雛

樹上烏

元稹

樹上烏洲中有樹巢若鋪百巢一樹知幾烏一鳥不下三四雛雛又生雛知幾雛老烏未死雛已鳥散向人間何處無攫鷹啄卵方可食男女群強最多力靈蛇萬古唯一珠豈可抨彈千萬億吾不會天教爾輩多子孫告訴天公天不言

應詔詠巢烏

楊師道

桂樹春暉滿巢烏刷羽儀朝飛麗城上夜宿碧林陞背風藏密葉向日逐疎枝仰德還能哺依仁遂可窺

唐詩類苑 卷之一百九十七

五

驚鳴雕輦側王吉自相知

歧烏詞

柳宗元

城上日出群烏飛鴉鴉爭赴朝陽枝刷毛伸翼和且樂爾獨落魄今何為無乃慕高近白日三足妬爾令爾疾無乃饑啼走路傍貪鮮攫肉人所傷翹肖獨足下叢薄口銜低枝始能躍還顧泥塗備螻蟻仰看棟梁防燕雀左右六翻利如刀踣身失勢不得高支離無趾猶自免努力低飛避後患

慈烏夜啼

白居易

慈烏失其母啞啞吐哀音晝夜不飛去經年守故林

夜夜夜半啼聞者為沾襟聲中如告訴未盡反哺心百鳥豈無母爾獨哀怨深應是母慈重使爾悲不任昔有吳起者母歿喪不臨嗟哉斯徒輩其心不如禽慈烏復慈烏鳥中之曾參

烏夜啼

聶夷中

衆鳥各歸枝烏鳥爾不棲還應知妾恨故向綠牕啼

夜聞獨烏啼 韋應物

賦得烏夜啼

白居易

失侶度山覓投林舍北啼今將獨夜意偏知對影栖城上歸時晚庭前宿處危月明無葉樹霜滑有風枝

唐詩類苑 卷之一百九十七

六

啼澀饑喉咽飛低凍翅垂盡堂鸚鵡鳥冷暖不相知

烏夜啼

李白

黃雲城邊烏欲棲歸飛啞啞枝上啼機中織錦秦川女碧紗如烟隔牕語停梭悵然憶遠人獨宿孤房泪如雨

烏啼引

張籍

秦烏啼啞啞夜啼長安吏人家吏人得罪囚在獄傾家賣產將自贖少婦起聽夜啼烏知是官家有赦書下牀心喜不重寐未明上堂賀舅姑少婦語啼烏汝啼慎勿去借汝庭樹作高巢年年不令傷爾雛

烏夜啼

王建

庭樹烏爾何不向別處棲夜夜半當戶啼家人把  
燭出洞戶驚棲失群飛落樹一飛直欲飛上天迴迴  
不離舊棲樹未明重繞主人屋欲下空中黑相觸風  
飄雨濕亦不移君家樹頭多好枝

聽庾及之彈烏夜啼引

元稹

君彈烏夜啼我傳樂府解去聲古題良人在獄妻在閨  
官家欲赦烏報妻烏前再拜淚如雨烏作哀聲妻暗  
語後人寫出烏啼引吳調哀絃聲楚楚四五年前作  
拾遺諫書不密丞相知謫官詔下吏驅遣身作囚居  
唐詩類苑 卷之一百九十七 七  
妻在遠歸來相見淚如珠唯說閒宵長拜烏君來到  
舍是烏力粧點烏盤邀女巫今君爲我千萬彈烏啼  
啄啄淚瀾瀾感君此曲有深意昨日烏啼桐葉墮當  
時爲我賽烏人死葬咸陽原上地

烏栖曲

李白

賀知章見太白烏栖曲嘆賞曰此詩可以泣鬼神  
矣

姑蘇臺上烏棲時吳王宮裏醉西施吳歌楚舞歡未  
畢青山欲銜半邊日銀箭金壺漏水多起看秋月墜  
江波東方漸高柰樂何

烏棲曲

王建

章華宮人夜上樓君王望月西山頭夜深宮殿門不  
鎖白露滿山山葉墮

烏棲曲

李端

白馬逐朱車黃昏入狹斜斜斜柳樹烏爭宿爭枝未  
得飛上屋東房少婦嬌從軍每聽烏啼知夜分

鴉

群鴉詠

儲光義

新宮驪山陰龍衮時出豫朝陽照羽儀清吹肅遠路  
群鴉隨太車夜滿新豐樹所思在腐餘不復憂霜露  
唐詩類苑 卷之一百九十七 八  
河低宮閣深燈隱鼓鐘曙續紛集寒枝矯翼時相顧  
家宰收琳琅侍臣進鴛鴦高舉摩太清永絕憎繳懼  
茲禽亦翺翔不以微小故

鴉

杜牧

擾擾復翻翻黃昏颺冷煙毛欺皇后髮聲感楚姬絃  
蔓壘盤風下霜林接翅眠祗如西旅樣頭白豈無緣

鵲

詠禮部尚書廳後鵲

懷印喜將歸窺巢戀且依自知棲不定還欲向南飛  
詠鵲 李嶠

不分荆山抵甘從石印飛危巢畏風急繞樹覺星  
喜逐行人至愁隨織女歸倘遊明鑑裏朝夕動光輝

夜飛鵲

蔣 列

北林夜方久南月影頻移何啻飛三匝猶言未得枝

和恭聽時籠中山鵲

呂 溫

掩抑中天意悽愴觸籠音驚曉一聞處傷春千里心

山行見鵲巢

蔣 列

鵲巢性本高更在西山木朝下清泉戲夜近明月宿  
非直避網羅兼能免傾覆豈復一作憂五陵子挾彈來  
相逐

唐詩類苑

卷之二百九十七

九

祝鵲

王 建

神鵲神鵲好言語行人早迴多利賂我今庭中栽好  
樹與汝作巢當報汝

壬申閏秋題贈烏鵲

李商隱

繞樹無依月正高鄴城新淚濺雲袍幾年始得逢秋  
閏兩度填河莫告勞

鳩

春鳩

元 稹

春鳩與百舌音響詎同年如何一時語俱得春風  
猶知造物意當春不生蟬免教爭叫噪涕渭桃

夷則格上白鳩拂舞詞 李 白

鏗鳴鐘考朗鼓歌白鳩引拂舞白鳩之白誰與鄰霜  
衣雪襟誠可珍含哺子能平均食不噎性安馴首農  
政鳴陽春天子刻玉杖鏤形賜耆人白鷺亦白非純  
真外潔其色心匪仁闕五德無司晨胡為琢我段下  
之紫鱗鷹鷂鷗鵲貪而好殺鳳凰雖大聖不願以為  
臣

鷓鴣

放鷓鴣詞

柳宗元

楚越有鳥甘且腴嘲嘲自名為鷓鴣狗謀得食不復

唐詩類苑

卷之二百九十七

十

慮機械潛發罹且厚羽毛摧折觸籠禦煙火煽赫驚  
庖厨鼎前芍藥調五味膳夫攘腕左右視齊王不忍  
殺鰥牛簡子亦放邯鄲鳩二子得意猶念此况我萬  
里為孤囚破籠展翅當遠去同類相呼莫相顧

山鷓鴣

白居易

山鷓鴣朝朝暮暮啼復啼啼時露白風淒淒黃茅岡  
頭秋日晚苦竹嶺下寒月低畝田有粟饑不啄石楠  
有枝何不栖迢迢不緩復不急樓上舟中聲聞入夢  
鄉遷客展轉臥抱兒寡婦彷徨立山鷓鴣爾本北鄉  
鳥生不辭巢不別群何苦聲聲啼到曉啼到曉唯

愁北人南人慣聞如不聞

放鷓鴣

羅鄴

好倚青山與碧溪刺桐毛竹待雙栖花時遷客傷離別莫向相思樹上啼

放鷓鴣

崔塗

秋入池塘風露微曉開籠檻看初飛滿身金翠盡不得無限煙波何處歸

鷓鴣

鄭谷

暖戲煙蕪錦翼齊品流應得近山鷄雨昏青草湖邊過花落黃陵廟裏啼遊子乍聞征袖濕佳人纔唱翠

唐詩類苑

卷之百九十七

十一

眉低相呼相喚湘江濶苦竹叢深春日西

侯家鷓鴣

鄭谷

江天梅雨濕江籬此處煙香是此時苦竹嶺無歸去日海棠花落舊樓枝春宵思極蘭燈暗曉月啼多錦幕垂唯有佳人憶南國殷勤為爾唱愁辭

鷓鴣

韋莊

南禽無侶似相依錦翅雙雙傍馬飛孤竹廟前啼暮雨汨羅祠畔弔殘暉秦人只解歌為曲越女空能畫作衣懊惱澤家非有恨年年長憶鳳城歸

杜鵑

華陽曰杜鵑正令曰子規

杜鵑

杜甫

西川有杜鵑東川無杜鵑涪南一作萬無杜鵑雲南有

杜鵑我昔遊錦城結廬錦水邊有竹一頃餘喬木上

參天杜鵑暮春至哀哀叫其間我見常再拜重是古

帝魂生子百鳥巢百鳥不敢噉仍為餒其子禮若奉

至尊鴻鴈及羔羊有禮太古前行飛與晚乳識序又

知恩聖賢吾法則付之後世傳君看禽鳥情猶解事

杜鵑今忽暮春間值我病經年身病不能拜淚下如

迸泉

杜鵑

杜牧

唐詩類苑

卷之百九十七

十二

杜宇竟何冤年年叫蜀門至今銜積恨終古吊殘魂

芳草迷腸結紅花染血痕山川盡春色鳴咽復誰論

杜鵑

杜甫

古時杜宇稱望帝魂作杜鵑何微細跳枝竄葉樹木

中搶伴瞥淚雌隨雄毛衣慘黑貌憔悴衆鳥安肯相

尊崇墮形不敢栖華屋短翮唯願巢深叢穿皮啄朽

臂欲禿苦饑始得食一蟲誰言養雛不自哺此語亦

足爲愚蒙聲音咽咽如有謂號啼畧與嬰兒同口乾

垂血轉迫促似欲上訴于蒼穹蜀人聞之皆起立至

今敦學傳遺風迺知變化不可窮豈思昔日居深宮

嬪嬙左右如花紅

杜鵑行

杜甫

君不見昔日蜀天子化為杜鵑似老鳥寄巢生子不自啄群鳥至今與哺雛雖同君臣有舊禮骨肉滿眼身羈孤業工竄伏深樹裏四月五月偏號呼其聲哀痛口流血所訴何事常區區爾豈摧殘始發憤羞帶羽翮傷形愚蒼天變化誰料得萬事反覆何所無豈憶當殿群臣趨

聞杜鵑

李洞

萬古瀟湘波上雲化為流血杜鵑身長疑啄破青山

唐詩類苑

卷之一百九十七

十三

色抵恐啼穿白月輪花落玄宗迴蜀道雨收一作工部宿江津聲聲猶得到君耳不見千秋一作家一甌塵

聞杜鵑

羅鄴

花時一宿碧山前明月東風叫杜鵑孤館覺來聽半夜羸僮相對亦無眠汝身哀怨猶如此我淚縱橫豈偶然爭得蒼蒼知有恨汝身成鶴我成仙

子規

杜甫

峽裏雲安縣江樓翼瓦齊兩邊山木合終日子規啼

聞子規

李山甫

冤禽名杜宇此事更難知昔帝一時恨後人千古悲斷腸思故國啼血濺芳枝況是天涯客那堪眉

子規

賈島

遊魂自相叫寧復記前身飛過隣家月聲連野路春夢邊催曉急愁處送風頻自有落花血相和雨滴和同贊善聞子規

和同贊善聞子規

張籍

秦城啼楚鳥遠思更紛紛況是街西夜偏當雨裏聞應投最高樹似隔數重雲此處誰能聽遙知獨有君

子規啼

韋應物

高林滴露夏夜清南山子規啼一聲鄰家嬌婦抱兒

唐詩類苑

卷之一百九十七

十四

泣我獨展轉何時明一作何

聽子規

顧况

棲霞山中子規鳥口中血出啼不了山僧後夜初入定聞似不聞山月曉

子規

杜牧

蜀地曾聞子規鳥宣城又見杜鵑花一叫一回腸一斷三春三月憶三巴

聞子規

羅鄴

蜀魄千年尚怨誰聲聲啼血向花枝滿山明月東風夜正是愁人不寐時



子規

羅隱

銅梁路遠草青青此恨那堪枕上聽一種有冤由可報不如銜石疊滄溟

山中聽子規

顧况

幽人自愛山中宿又近葛洪丹井西牕中有箇長松樹半夜子規來上啼

詠子規

蔡京

千年冤魂化為禽永逐悲風叫遠林愁血滴花春艷死月明飄浪冷光沈凝成紫塞風前淚驚破紅樓夢裏心腸斷楚詞歸不得劍門迢遞蜀江深

唐詩類苑

卷之一百九十七

十五

燕

詠燕

李嶠

天女伺辰至玄衣澹碧空差池沐時雨頡頏舞春風  
樹質雕欄側雙飛翠幕中忽驚留爪去猶冀識吳宮

詠燕貽李林甫

張九齡

九齡在相位有謬謬匪躬之誠林甫時方同列陰欲中之將嘉朔方節度使牛仙客實封九齡稱其不可甚不叶帝旨他日林甫請見屢陳九齡頗懷誹謗于時方秋帝命高力士持白羽扇以賜將寄意焉九齡惶恐因作賦以獻之又為燕詩以貽

甫林甫知其必退恚怒少解

海燕何微眇逢春亦暫來豈知泥滓賤只見玉堂開繡戶時雙入華軒日幾回無心與物競鷹隼莫相猜

詠燕

張鷟

變石身猶重銜泥力尚微從來赴甲第兩起一雙飛  
賦得早燕送別

李益

碧草縵如綫去來雙飛燕長門未有春先入班姬殿梁空繞復息簷寒窺欲遍今至隨紅萼昔還悲素扇一別無秋鴻差池詎相見

賦得簷燕

皇甫冉

唐詩類苑

卷之一百九十七

十六

拂水競何忙傍簷如有意翻風去每遠帶雨歸偏駛今君裁杏梁更欲年年去

燕詩示劉叟

叟有雙燕子昔叟逃去叟甚悲念之叟少年亦嘗如是故作燕詩以諭

以諭

白居易

梁上有雙燕翩翩雄雌銜泥兩椽間一巢生四兒四兒日夜長索食聲孜孜青蟲不易捕黃口無飽期  
鬻爪雖欲斃心力不知疲須臾千來往猶恐巢中饑辛勤三十日母瘦雛漸肥喃喃教言語一一刷毛衣  
一旦羽翼成引上庭樹枝舉翅不回顧隨風四散飛雌雄空中鳴聲盡呼不歸却入巢裏啾啾終夜悲

燕燕爾勿悲爾當返自思思爾為雛日高飛背母時  
當時父母念今日爾應知

燕巢軍幕

宋之問

非關憐翠幕不是厭朱樓故來呈燕領報道欲封侯

春燕

徐壁

雙燕今朝至何時發海濱窺人向簷語一作窺人語如

道故鄉春

賦得巢燕送客

錢起

能棲杏梁際不與黃雀群夜影寄紅燭朝飛高碧雲

合情別故侶花月一作惜春分

唐詩類苑

卷之二百九十七

十七

雙燕

杜甫

旅食驚雙燕銜泥入此堂應同避燥濕且復過炎涼

養子風塵際來時道路長今秋天地在吾亦離殊方

歸燕

杜甫

不獨避霜雪其如儔侶稀四時無失序八月自知歸

春色豈相訪衆雛還識機故巢倘未毀會傍主人飛

洞房燕

張祐

清曉洞房開佳人喜燕來乍疑釵上動輕似掌中迴

暗語臨通一作牕戶深窺傍鏡臺粧成正含思莫拂盡

梁埃

獄中燕

沈佺期

見政治部囚獄

燕

李山甫

每歲同辛苦看人似有情亂飛春得意幽語夜聞聲

整羽莊姜恨迴身漢后輕豪家足金彈不用汚雕楹

越燕二首

李商隱

上國社方見此鄉秋不歸為矜皇后舞猶着羽人衣

拂水斜文亂銜花片影微盧家文杏好試近莫愁飛

二

將泥紅蓼岸得草綠楊村命侶添新意安巢復舊痕

唐詩類苑

卷之二百九十七

十八

去應逢阿母來莫害皇孫記取丹山鳳今為百鳥尊

晚燕

白居易

百鳥乳雛畢秋燕獨蹉跎去社日已近銜泥意如何

不悟時節晚徒施工用多人間事亦爾不獨燕營巢

燕

羅隱

不必嫌漂露何捐養羽毛漢妃金屋遠盧女杏梁高

野迴雙飛急煙晴對語勞猶勝黃雀在棲息是蓬蒿

空梁落燕泥

顧況

卷幕差池燕常銜濁水泥為黏珠履跡未等盡梁膏

舊點痕猶淺新巢緝尚低下梁頭上落那得此

歸燕詞

李建勳

羽翼勢雖微雲霄亦可期飛翻自有路鴻鵠莫相嗤  
待侶臨書幌尋泥傍藻池衝人穿柳徑捕蝶遶花枝  
廣厦來應遍深宮去不疑雕梁聲上下煙浦影參差  
舊地人潛換新巢雀謾窺雙雙暮歸處疎雨滿江湄

雙燕離

李白

雙燕復雙燕雙飛令人羨玉樓朱閣不獨棲金牕繡  
戶長相見栢梁失火去因入吳王宮吳宮又焚蕩離  
盡巢亦空憔悴一身在孀雌憶故雄雙飛難再得傷  
我寸心中

唐詩類苑

卷之二百九十七

十九

燕銜泥

韋應物

銜泥燕聲嘍嘍尾涎涎秋去何所歸春來復相見豈  
不解決絕高飛碧雲裏何爲地上銜泥滓銜泥雖賤  
意有營否梁朝日巢欲成不見百鳥畏人林野宿翻  
遭網羅俎其肉未若銜泥入華屋燕銜泥百鳥之智  
莫與齊

春燕詞

王建

新燕新燕何不定東家綠池西家井飛鳴當戶影悠  
揚一遶簷頭一遶梁黃姑說向新婦女去年墮子汗  
衣箱已能辭山復過海幸我堂前故巢在求食

愛高飛空中饑爲爾害辛勤作窠在盡梁願得年  
年主人富

歸燕詞辭工部侍郎

章孝標

舊壘泥巢泥已落今年固向社前歸連雲大厦無棲  
處更繞誰家門戶飛

燕子

秦韜玉

不知大厦許栖無頻已銜泥到座隅曾與佳人竝頭  
語幾回拋却繡功夫

隋宮燕

李益

燕語如傷舊國春宮花一落旋成塵自從一閉風光  
唐詩類苑 卷之二百九十七 二十

後幾度飛來不見人

燕來

韋莊

去歲辭巢別近隣今來空訝草堂新華開對語應相  
問不是村中舊主人

歸燕

杜牧

盡堂歌舞喧喧地社去社來人不看長是江樓使君  
伴黃昏猶待倚欄杆

村舍燕

杜牧

漢宮一百四十五多下珠簾閉瑣牕何處尋  
半茅簷煙裏語雙雙

燕詩獻主司鄭愚

歐陽修

翩翩雙燕盡堂開送古迎今幾萬迴長向春林社前後爲誰歸去爲誰來

燕子來丹中作

杜甫

湖南爲客動經春燕子銜泥兩度新舊入故園嘗識主如今社日遠看人可憐處處巢居室何異飄飄託此身曹詩解解過走ニタリイニタリイニタリイ

春燕

劉兼

多時牕外語呢喃只要佳人捲繡簾大厦已成須慶賀高門頻入莫增嫌花間舞蝶和香起江畔春泥帶

唐詩類苑

卷之二百九十七

三

雨銜栖息數年情已厚營巢爭肯傍他簷

燕

鄭谷

年去年來來去忙春寒煙暝渡瀟湘低飛綠岸和梅雨亂入紅樓棟杏梁閒几硯中闌水淺落花徑裏得泥香千言萬語無人會又逐流鶯過短牆

雉

詠雉

李嶠

白雉振朝聲飛來表太平八郊疑鳳出陳寶若鷄鳴童子懷仁至中郎作賦成冀君看飲啄耿介獨含情

射雉詞

儲光義

曝暄理新驛迎春射鳴雉原田遙一色羣陰噴十里

遙聞伊喔聲時見雙飛起羣聲疎高下羣聲深

顧敵已忘生爭雄方決死仁心貴勇義豈能復

超遙下故墟迢遞回高時大夫昔何苦取笑歡事

射雉

韋應物

走馬上東岡朝日照野田野田雙雉起翻射斗迴輟雖無百發中聊取一笑妍羽分繡臆碎頭一作迴輟輟懸方將悅羈旅非關學少年發弓一長嘯憶在潮城吁

山雉

白居易

唐詩類苑

卷之二百九十七

三

五步一啄草十步一飲水適性遂其生時哉山梁雉梁上無曾繳梁下無鷹鷂雌雄與群雛皆得終天年嗟嗟籠下鷄及彼池中鴈既有稻粱恩必有犧牲患

和雉媒

白居易

吟君雉媒什一哂復一嘆知之一何晚今日乃成篇豈唯鳥有之抑亦人復然張陳刎頸交竟以勢不完至今不平氣繁絕泚水源趙襄骨肉親亦以利相殘至今不善名高于磨笄山况此籠中雉志在飲啄間稻粱暫入口性已隨人遷身若亦自忘同放何足言但恨爲媒拙不足以自全勸君今日後養鳥養青鸞

青鸞一失侶至死守孤單勸君今日後結客結任安  
主人賓客去獨住在門闌

雉媒

元稹

雙雉在野時可憐同嗜欲毛衣前後成一種文章足  
一雉獨先飛衝開芳草綠網羅幽草中暗波潛影  
剪刀摧六翮絲線縫雙日啖養能幾時依然已馴  
都無舊性靈返與他心腹置在芳草中翻今又  
前時相失者思君意彌篤朝朝舊處飛往往  
今朝樹上啼哀音斷還續遠見爾文章知君草中  
和鳴忽相召鼓翅遙相鳴畏我未肯來又啄野  
唐詩類苑 卷之二百九十七 三

飲翮遠投君飛馳勢奔蹙臂挂在君前向君聲促促  
信君決無疑不道君覆自恨飛太高疎羅偶然觸  
看看架上鷹擬食無罪肉君意定何如依舊雕籠宿

雉朝飛

李白

麥隴青青三月時白雉朝飛挾兩雌錦衣綺翼何離  
襪犢牧採薪感之悲春天和白日暖啄食飲泉勇氣  
滿爭雄鬪死繡頸斷雉子班奏急管絃傾心酒美盡  
玉碗枯楊枯楊爾生莢我獨七十而孤棲彈絃哀悵  
意不盡瞑目歸黃泥

設辟邪伎鼓吹雉子班曲詞

李白

辟邪妓作鼓吹驚雉子班之奏曲成喔咿振迅欲飛  
鳴扇錦翼雄風生雙雌同飲啄趨悍誰能寧向草  
中耿介死不求黃金籠下生天地至廣大何惜逐物  
情善卷讓天子務光亦逃名所貴曠士懷朗然合太  
清

雉將雛

王建

雉咿喔雛出谷毛斑斑背啄啄學飛未得一尺高還  
逐母行旋母脚麥隴淺淺難蔽身遠去戀雛低怕人  
時時土中鼓兩翅引雛拾蟲不相離

唐詩類苑

卷之二百九十七

三

雉場歌

溫庭筠

萎葉萋萋接煙曙鷄鳴埭上梨花露彩仗鏘鏘已合  
團繡翎白頸遙相妬雕尾扇張金縷高碎鈴素拂驪  
駒豪綠場紅跡來相接箭發銅牙傷彩毛麥隴桑陰  
小山晚六虬歸去凝笳遠城頭却望幾含情青畝春  
蕪蓮石苑

雉帶箭

韓愈

原頭火燒靜兀兀野雉畏鷹出復沒將軍欲以巧伏  
人盤馬彎弓惜不發地形漸窄觀者多雉驚弓滿勁  
箭加衝人決起百餘尺紅翎白鏃相傾斜將軍仰笑

軍吏賀五色離披馬前墮

雀

詠雀

李嶠

大厦初成日嘉賓集杏梁銜書表周瑞入幕應王祥  
暮宿江城裏朝遊連水傍願齊鴻鵠志希逐鳳凰翔

青雀歌

王維

青雀翅羽短未能遠食王山禾猶勝黃雀爭上下唧  
唧空蒼復若何

青雀歌

盧象

啾啾青雀兒飛來飛去仰天池逍遙飲啄安涯分何

唐詩類苑

卷之二九十七

圭

假扶搖九萬爲

青雀歌

王縉

林間青雀兒來往翩翩繞一枝莫言不解銜環報但  
問君恩今若爲

青雀歌

崔興宗

青扈繞青林翩翩陋體一微禽不應長在藩籬下他  
日凌雲誰見心

青雀歌

裴迪

動息自適性不曾妄與燕雀群幸忝鴛鴦早相識何  
時提攜致青雲

野田黃雀行

儲光羲

嘖嘖野田雀不知軀體微閑穿深叢裏爭食復爭飛  
窮老一類舍棗多桑葉稀無棗猶可食無桑何以依  
蕭條空蒼暮相引時來歸斜路豈不捷渚田豈不肥  
水長路且壞惻惻與心違

黃雀吟

孟郊

黃雀舞承塵倚恃主人仁主人忽不仁買彈彈爾身  
何不遠飛去蓬蒿止繁新高粒無人爭食之足爲珍  
莫覩翻車粟覩翻罪有因黃雀不知言贈之徒慙慙

黃雀癡

王維

唐詩類苑

卷之二九十七

圭

黃雀癡黃雀癡謂言青鵲是我兒一一口銜食養得  
成毛衣到大啁啾解游颺各自東西南北飛薄暮空  
巢上羈雌獨自歸鳳凰九雛亦如此慎莫愁思顛顛  
損容輝

野田黃雀行

李白

遊莫逐炎州翠樓莫近吳宮燕吳宮火起焚巢窠炎  
州逐翠遭網羅蕭條兩翅蓬蒿下縱有鷹鷂奈若何

空城雀

李白

嗷嗷空城雀身計何戚促本與鷦鷯群不隨鳳凰族  
提攜四黃口飲乳未嘗足食君糠粃餘常恐烏鸛逐

耻陟太行險羞管覆車粟天命有定端守分絕所欲

空城雀

孟郊

一雀入官倉所食寧損幾祗慮往復頻官倉終害爾  
魚網不在天鳥羅不張水飲啄要自然可以空城裏

空城雀

李咸用

啾啾空城雀一啄數跳躍寧尋覆轍餘豈比巢危幕  
茫茫九萬鵬百雉且爲樂

空城雀

劉駕

饑啄空城土莫近太倉粟一粒不克腸却入小人腹  
且吊城下客豈曾空爾族不聞莊辛語今日寒無綠

唐詩類苑

卷之二百九十七

五

空城雀

王建

空城雀何不飛來人家住空城無人種禾黍土間生  
子草間長滿地蓬蒿幸無主近村雖有高樹枝雨中  
無食長苦饑八月小兒挾弓箭家家畏向田頭飛但  
能不出空城裏秋時百草皆有子報言黃口莫啾啾  
長爾得成無橫死

義雀行和朱評事

賈島

玄鳥雄雌俱春雷驚蟄餘口銜黃河泥空卽翔天隅  
一夕皆莫歸曉曉遺衆雛雙雀抱仁義哺食忘勞劬  
雛既遷迤飛雲間聲相呼燕雀雖微類感愧誠不殊

禽賢難自彰幸得主人書

雀飛多

張籍

雀飛多觸網羅網羅高樹顛汝飛蓬蒿下勿復投身  
網羅間粟積倉禾在田巢之雛望其母來還

下第不勝其忿題路左佛廟

于武陵

雀兒來逐鴈風高下視鷹鷂意氣豪自謂能生千里  
翼黃昏依舊委蓬蒿

鷹

養鷹詞

劉禹錫

唐詩類苑

卷之二百九十七

五

途逢少年志在逐獸方呼鷹隼以襲飛走因縱觀  
之卒無所獲行人有常從事于斯者曰夫鷹禽饑  
則爲用今哺之過篤故也予感之作養鷹詞  
養鷹非玩形所資擊鮮力少年昧其理日月哺不息  
探雛網黃口旦暮有餘食寧知下韉時翅重飛不得  
毳毳上林表使免自南北飲啄既已盈安能勞羽翼

放鷹

白居易

十月鷹出籠草枯雉兔肥下韉隨指顧百獮無一遺  
鷹翅疾如風鷹爪利如錐本爲鳥所設今爲人所資  
孰能使之然有術甚易知取其向背性制在饑飽



不可使長飽不可使長饑饑則力不足飽則背人飛  
乘饑縱搏擊未飽須繫維所以爪翅功而人坐收之  
聖明馭英雄其術亦如斯鄙語不可棄吾聞諸獵師

觀放白鷹

李白

八月邊風高胡鷹白錦毛孤飛一片雪萬里見秋毫

失白鷹

鄭繇

白錦文章亂丹霄羽翮齊雲中呼暫下雪裏放還迷  
梁苑驚池鶩陳倉拂野鷄不知寥廓外何處獨依棲

鷹

羅隱

越海霜天暮辭翰野苒乾俊通司隸職嚴奉武夫官

唐詩類苑

卷之二百九十七

三九

眼惡藏蜂在心麤逐物殫近來脂膩足驅遣不妨難

和舍弟讓籠中鷹

呂溫

未用且求安無猜也不殘九天飛勢在六月目睛寒  
動觸樊籠倦閑消肉食難主人憎惡鳥試待一呼看

觀放白鷹

李白

寒冬十二月蒼鷹八九毛寄言燕雀莫相啖自有雲

霄萬里高

王兵馬使二角鷹

杜甫

悲臺蕭瑟石龍從哀壑杈枒浩呼洶中有萬里之長  
江迴風陷日孤光動角鷹翻倒壯士臂將軍玉帳軒

勇氣二鷹猛腦條徐墜目如愁胡視天地杉鷄竹鬼  
不自惜孩虎野羊俱辟易韞上鋒稜十二翻將軍勇  
銳與之敵將軍樹助起安西崑崙虞泉入馬蹄白羽  
曾肉三後猊敢決豈不與之齊荆南芮公得將軍亦  
如角鷹下翔雲惡鳥飛飛啄金屋安得爾輩開其群  
驅出六合梟鸞分

籠鷹詞

柳宗元

凄風淅瀝飛嚴霜蒼鷹上繫翻曙光雲披霧裂虹蜺  
斷霹靂掣電捎平岡晝然勁翮剪荆棘下搜孤兔騰  
蒼茫爪毛吻血百鳥逝獨立四顧時激昂炎風溽暑

唐詩類苑

卷之二百九十七

三十

忽然至羽翼脫落自摧藏草中狸鼠足爲患一夕十  
顧驚且傷但願清商復爲假拔去萬累雲間翔

越燕人舉進士文章藹然鄂帥李簡賢之待

以殊禮將妻以女越竊論其意賦詩一絕

書于壁不告而去

高越

雪爪星眸衆所歸摩天專待振毛衣虞人莫謾張羅  
網未肯平原淺草飛

詠架上鷹

崔鉉

天邊心膽架頭身欲擬飛騰未有因萬里碧霄終  
去不知誰是解條人

餓鷹詞

章孝標

遙想平原兔正肥，千迴礪吻振毛衣。  
縱令啄解絲條結，未得人呼不散飛。

白黑二鷹

杜甫

見王監兵馬使說近山有白黑二鷹，羅者久取，竟未能得。王以爲毛骨有異，他鷹恐臘後春生，奮飛避暖，勁翮思秋之甚，耿不可見。請予爲賦二詩。

雲飛二粒盡清秋，不惜奇毛恣遠遊。  
在野只教心力破，千人何事網羅求。  
一生自獵知無敵，百中爭能耻下鞲。  
鵬礙九天須却避，免經三窟莫深憂。

唐詩類苑

卷之二百九十七

壬

黑鷹不省人間有，渡海疑從北極來。  
正翮搏風超紫塞，玄冬幾夜宿陽臺。  
虞羅自覺虛施巧，春鴈同歸必見猜。  
萬里寒空祇一日，金眸玉爪不凡材。

題鷹

章孝標

星眸未放管秋毫，頻掣金鈴試雪毛。  
會使老拳供口腹，莫辭親手啖腥臊。  
穿雲自怪身如電，煞兔誰知吻勝刀。  
可惜忍饑寒日暮，向人啗斷碧絲條。

隼

進款隼

耿緯

豈悟因羅者，迎霜獻紫微。  
夕陽分素臆，秋色上

舉翅雲天近，回眸燕雀稀。  
應隨明主意，百中有光輝。

霜隼下晴臯

九臯霜氣勁，翔隼下初晴。  
風動閑雲卷，星池白草平。  
稜稜方厲疾，肅肅自縱橫。  
掠地秋毫迴，投身逸翮輕。  
高墉全失影，逐雀乍飛聲。  
薄暮寒郊外，悠悠萬里情。

鵲

義鵲行

杜甫

陰崖有蒼鷹，養子黑柏顛。  
白蛇登其巢，吞吐朝餐雄飛遠。  
求食雌者鳴，辛酸力強不可制。  
黃口無半存，其父從西歸。  
翻身入長煙，斯須領健鵲，痛憤寄所宣。

唐詩類苑

卷之二百九十七

壬

斗上振孤影，嚙哮來九天。  
修鱗脫遠枝，巨額折老拳。  
高空得蹭蹬，短草辭蜿蜒。  
折尾能一掉，飽腸已皆穿。  
生雖滅衆雛，死亦垂千年。  
物情有報復，快意貴目前。  
茲實驚鳥最急難，心惘然。  
功成失所往，用捨何其賢。  
近經滴水涓，此事樵夫傳。  
飄蕭覺素髮，凜欲衝儒冠。  
人生許與分，亦在顧盼間。  
聊爲義鵲行，永激壯士肝。

出籠鵲

濮陽權

玉銕分花袖，金鈴出彩籠。  
搖心長捧日，逸翰鎮生風。  
一點青霄裏，千聲碧落中。  
星眸隨狡兔，霜爪落飛鴻。  
每念提攜力，常懷搏擊功。  
以君能惠好，不敢沒遙空。

呀鵲行

杜甫

病鵲卑飛俗眼醜，每夜江邊宿。衰柳清秋落日已側，身過鴈歸鴉錯迴。首繁腦雄姿迷所向，疎翻稀毛不可狀。強神迷復皂鵲前，俊材早在蒼鷹上。風濤颯颯寒山陰，熊羆欲螫龍蛇深。念爾此時有一擲，失聲濺血非其心。

病鵲吟

賈島

俊鳥還投高處栖，騰身戛戛下雲梯。有時透霧凌空去，無事隨風入草迷。迅疾月邊捎玉兔，遲迴日裏拂金鷄。不緣毛羽遭零落，焉肯雄心向爾低。

唐詩類苑

卷之百九十七

三

鴛鴦

鴛鴦篇

陳子昂

飛飛鴛鴦鳥，舉翼相蔽虧。俱求淥潭裏，共向白雲涯。音容相眷戀，羽翮兩逶迤。蘋萍戲春渚，霜霰遶寒池。浦沙連岸淨，汀樹拂潭垂。年年此遊玩，歲歲來追隨。鳳凰起丹穴，獨向梧桐枝。鴻鴈來紫塞，空憶稻粱肥。烏啼倦永夕，鶴鳴傷別離。豈若此雙禽，飛翻不異林。刷尾青江浦，交頸紫山岑。文章負奇色，和鳴多好音。聞有鴛鴦綺，復有鴛鴦衾。持爲美人贈，勸此故交心。

鴛鴦

李商隱

雌去雄飛萬里天，雲羅滿眼淚潸潸。不須長結風波恨，願鎖向金籠始兩全。

鴛鴦

羅鄴

紅閉碧窗瑞煙開，錦翅雙飛去又迴。一種鳥憐名字好，蓋緣人恨別離來。暖依牛渚汀莎媚，夕宿龍池禁漏催。相對若教春女見，便須攜向鳳凰臺。

和友人鴛鴦之什三首

崔珣

翠輦紅毛舞落暉，水禽情似此禽稀。暫分煙島猶迴首，祇過寒塘亦並飛。映霧乍迷金殿瓦，逐梭齊上玉人機。採蓮無恨蘭橈笑，指中流羨爾歸。

唐詩類苑

卷之百九十七

三

寂寂春塘煙晚時，兩心如影共依依。溪頭日暖眠沙穩，渡口風寒浴浪稀。翡翠真誇饒彩飾，鵲鴉須羨好毛衣。蘭深芷密無人見，相逐相呼何處歸。舞鶴翔鸞俱別離，可憐生死兩相隨。紅絲毳落眠沙處，白雪花成蹙浪時。琴上只聞交頸語，牕前空展共飛時。如何相見長相對，肯羨人間多所思。

白鵲

贈黃山胡公求白鵲并序 李白

聞黃山胡公有雙白鵲，蓋自家鷄所伏，自小馴狎，了無驚猜。以其名呼之，皆就掌取食。然此鳥耿介，

尤難畜之余平生酷好竟莫能致而胡公輒贈于我惟求一詩聞之欣然適會宿意因援筆三吟文不加點以贈之

請以雙白壁買君雙白鵝白鵝如白綿白雪耻容顏  
照影玉潭裏刷毛琪樹間夜棲寒月靜朝步落花閑  
我願得此鳥玩之坐碧山胡公能輒贈籠寄野人還

放白鵝篇

宋之問

故人贈我綠綺琴兼致白鵝鳥琴是嶧山桐鳥出吳  
溪中我心松石清霞裏弄此幽弦不能已我心河海  
白雲垂憐此珍禽空自知著書晚下麒麟閣幼稚驕

唐詩類苑

卷之二百九十七

五

癡候門樂乃言物性不可違白鵝愁慕刷毛衣玉徽  
閉匣留爲念六翮開籠任爾飛

鵝

鵝

杜甫

江浦寒鵝戲無他亦自饒却思翻玉羽隨意點春苗  
雪暗還須落風生一任飄幾群滄海上清影日蕭蕭

贈沙鵝

白居易

老逼教垂白官科遺著緋形骸雖有累方寸却無機  
遇酒多先醉逢山愛晚歸沙鵝不知我猶避隼旗飛

弄白鵝歌

劉長卿

泛泛江上鷗毛衣皓如雪朝飛瀟湘水夜宿洞庭月  
歸客正夷猶愛此滄江閑白鷗

賦得白鷗歌送李伯康歸使

盧綸

積水深源白鷗翩翩倒影光素于潭之間銜魚魚落  
亂驚鳴爭撲蓮葉蓮葉傾爾不見波中鷗鳴閑無營  
何必汲汲勞其生柳花冥濛大堤口悠揚相和乍無  
有輕隨去浪杳不分細舞清風亦何有似君換得白  
鷗時獨凭欄干雪滿池今日還同看鷗鳥如何羽翮  
復參差復參差海濤瀾漫何由期

唐詩類苑

卷之二百九十七

五

白鷗詩并序

陸龜蒙

樂安任君嘗爲涇尉居吳城中地纔數畝而不俗  
物有池池中有島嶼池之南西北邊合三亭修篁  
嘉木掩隱隈奧處其一不見其二也君好奇樂異  
喜文學名理之士所得皆清散凝瑩襲美知而借  
詣既坐有白鷗翩然馴于砌下因請浮而玩之主  
人曰池中之族老矣每以毫健據有鷗之始浮輒  
逐而害之今畏不敢入吁昔人之心蓋機事猶或  
舞而不下况害之哉且羽族豈二水者多矣獨鷗  
爲閒暇其致不高耶一旦水有鯨鯢之患陸有狐

狸之憂儔侶不得命嘯塵埃不得凜刷雖蒙人之  
流賞亦天地之窮鳥也感而為詩邀襲美同作

慣向溪頭漾淺沙薄煙微雨是生涯時時失伴沈  
影往往爭飛雜浪花晚樹清涼還鵬鴒舊巢零落  
蕪葭池塘信美應難戀針在魚脣劍在鰕

奉和陸魯望白鷗

皮日休

雪羽離離半惹泥海雲深處舊巢迷池無飛浪爭教  
舞洲少輕沙若遣樓煙外失群慙鴈驚波中得志美  
鳬驚主人恩重真難遇莫為心孤憶舊溪

鳬

唐詩類苑

卷之二百九十七

七

詠鳬

李嶠

颯沓睢陽渙浮遊漢水喂錢飛出井見鶴引入琴哀  
李陵賦一作降詩罷王喬曳鳥來何當歸太液翔集  
動成雷

白鳬行

杜甫

君不見黃鵠高于五尺童化為白鳬似老翁故畦遺  
穗已蕩盡天寒歲暮波濤中鱗介腥膻素不食終日  
忍饑西復東魯門鷄鵠亦蹭蹬聞道如今猶避風

唐詩類苑卷第一百九十七終

唐詩類苑卷第一百九十八

明雲間張之象玄超甫纂輯

雲間張嗣功次甫甫編次

雲間王徹叔朗甫補訂

梁谿曹仁孫伯安甫校正

鳥部

鴈

南中詠鴈

韋承慶

萬里人南去三春鴈北飛不知何歲月得與爾同歸

詠鴈

駱賓王

唐詩類苑

卷之二百九十八

七

咬藻滄江遠銜蘆葉寒長霧深迷晚景風急斷秋行

詠鴈

李嶠

春輝滿朔方候鴈發衡陽望月驚弦影排雲結陣行  
往還倦南北朝夕苦風霜寄語能鳴侶相隨入故鄉

詠鴈

李遠

早晚辭沙漠南來處處飛關山多雨雪風水損毛衣  
碧海魂應斷紅樓信自稀不知矧繳外留得幾行歸

題鴈

鄭谷

八月悲風九月霜蓼花紅澹羣條黃石頭城下渡旌

影星子灣西雲間行驚散漁家吹短笛失群征戍銷  
殘陽故鄉聞爾亦惆悵何況扁舟非故鄉

鴈

黃滔

楚岸花晴塞柳衰年年南北去來期江城日暮見飛  
處旅館月明聞過時萬里風霜休更恨滿川煙草且  
須疑洞庭雲水瀟湘雨好把寒更一一知

二弟宰邑南海見群鴈南飛因成詠以寄

張九齡

鴻鴈自北來嗷嗷度煙景嘗懷稻梁惠豈憚江山永  
大小每相從羽毛當自整雙鳬侶晨泛獨鶴參宵警

唐詩類苑 卷之百九十八

二

爲我更南飛因書至梅嶺

白鴈

李建勳

東溪一白鴈毛羽何皎潔薄暮浴清波斜陽共明滅  
差池失群久幽獨依人旅食賴菰蒲單栖怯霜雪  
邊風昨夜起顧影空哀咽不及牆上烏相將繞雙闕

放旅鴈

白居易

九江十年冬大雪江水生水樹枝折百鳥無食東西  
飛中有旅鴈聲最饑雪中啄草水上宿翅冷騰空飛  
動遲江童持網捕將去手攜入市生賣之我本北人  
今譴謫人鳥雖殊同是客見此客鳥傷客人贖汝放

汝飛入雲鴈鴈汝飛向何處第一莫飛西北去

有賊討未平百萬甲兵久屯聚官軍賊軍相守老  
盡兵窮將及汝健兒饑餓射汝喫拔汝翅翎爲箭羽

秋鴈

褚亮一作虞世南

日暮霜風急羽翩轉難任爲有傳書意翩翩入上林  
賦得早鴈出雲鳴

太宗

初秋玉露清早鴈出空鳴隔雲時亂影因風乍含聲

歸鴈

杜甫

春來萬里客亂定幾年歸腸斷江城鴈高高向北飛

唐詩類苑 卷之百九十八

三一

聞鴈

韋應物

故園眇何處歸思方悠哉淮南秋雨夜高齋聞鴈來

秋鴈

駱賓王

聯翩辭海曲搖曳指江干陣去金河冷書歸玉塞寒  
帶月凌空易迷煙逗浦難何當同顧影刷羽泛清瀾

侍宴歸鴈堂

虞世南

見居處部堂

歸鴈三首

杜甫

萬里衡陽鴈今年又北歸雙雙瞻客上一一背人飛  
雲裏相呼疾沙邊自宿稀寄書無浪語愁殺故山薇

二

欲雪違胡地先花別楚雲  
清渭影高起洞庭  
塞北春陰暮江南日色曛  
流落羽行斷不堪聞

三

聞道今春鴈南歸自廣州見花醉漲海避雪到羅浮  
是物關兵氣何時免客愁年年霜露隔不過五湖秋  
見上林春鴈翔青雲寄楊起居李員外

錢起

上林春更好賓鴈不知歸  
顧影憐青蘂傳聲入紫微  
夜陪池露宿朝出苑花飛  
寧憶寒鄉侶鸞鳳一見稀

唐詩類苑

卷之百九十八

四

送征鴈

錢起

秋空萬里淨嘹唳獨南征  
風急翻霜冷雲開見月驚  
塞長怯去翼影滅有餘聲  
悵望遙天外鄉愁滿目生

秋夕聞鴈

于鄴

星漢迢迢近  
多砧未停  
忽聞涼鴈至如報杜陵秋  
千樹又黃葉幾人新白頭  
洞庭今夜客一半却登舟

河南府試秋夕聞新鴈

黃滔

湘南飛去日薊北又驚秋  
叫出隴雲夜聞爲客子愁  
一聲初觸夢半白已侵頭  
旅館移欹枕江城起倚樓  
餘燈依古壁片月下滄洲  
寂聽良宵徹躊躇感歲流

泊鴈

戴叔倫

泊鴈鳴深渚收霞落晚川  
柝隨風飲陣樓映月低弦  
漠漠沙帆轉幽幽岸火燃  
危通細路溝曲繞平田

賦得失群鴈

呂溫

杳杳中天鶴風排勢暫違  
有心長自負無伴可相依  
萬里寧辭遠三山詎憶歸  
但令毛羽在何處不翻飛

孤鴈二首

崔塗

湘浦離應晚邊城去已孤  
如何萬里計只在一枝蘆  
迥起波搖楚寒樓月映滿  
不知天畔侶何處下平蕪

二

唐詩類苑

卷之百九十八

五

幾行歸去盡片影獨何之  
暮雨相呼失寒塘獨下遲  
渚雲低暗度關月冷遙隨  
未必逢緡繳孤飛自可疑

賦得沙上鴈

耿緯

衡陽多道里弱羽復哀音  
還塞知何日驚絃亂此心  
夜陰前侶遠秋冷後湖深  
獨立汀洲意寧知霜霰侵

夜聞回鴈

司空曙

鴈響天邊過高高望不分  
颼颼傳細雨嘹唳隔長雲  
散向誰家盡歸來幾客聞  
還將今夜意西海話蘇君

孤鴈

杜甫

孤鴈不飲啄飛鳴聲念群  
誰憐一片影相失萬重雲



望盡似猶見哀多如更聞野鷗無意緒鳴噪自紛紛

同臨津紀明府孤鴈

盧照鄰

三秋遠北鴈萬里向南翔  
河洲花稍白關塞葉初黃  
避繳風霜勁懷書道路長  
水流疑箭動月照似弓傷  
橫天無有陣度海不成行  
會刷能鳴羽還赴上林鄉

孤鴈

儲嗣宗

孤鴈暮飛急蕭蕭天地秋  
關河正黃葉消息斷青樓  
湘渚煙波遠驪山風雨愁  
此時萬里道魂夢遶滄洲

孤鴈

李建勳

欲食不敢食合栖猶未栖  
聞風亦驚過避繳恨飛低

唐詩類苑

卷之二百九十八

七

水濶緣湘困雲寒過磧迷  
悲鳴感人意不見夜鳥啼

同綦母學士月夜聞鴈

張九齡

棲宿豈無意飛飛更遠尋  
長途未及伴中夜有遺音

月思關山路風號流水琴  
空聲兩相應幽感一何深

避繳歸南浦離群叫北林  
聯翩俱不定憐爾越鄉心

失群鴈

并序

盧照鄰

溫縣明府以鴈詩垂示余以爲古之郎官出宰百

里今之墨綬入應千官事止鴈行未宜傷嘆至如

羸臥空巖者乃可爲失群慟耳聊因伏枕多暇以

斯文應之

三秋北地雪皚皚萬里南翔渡海來欲求石燕沈湘

水試逐銅鳥繞帝臺帝臺銀闕距金塘中間鷗鷺已

成行先過上苑傳書信暫下中州戲稻梁虞人負繳

求相及齊客虛弓忽見傷毛翎顛顛飛無力羽翮摧

頽君不識唯有莊周解愛鳴復道郊歌重奇色惆悵

驚思悲未已徘徊自憐中罔極傳有鳥集朝陽詎勝

仙鳧邇帝鄉雲間海上應鳴舞遠得鵲結猶獨撫金

龜全寫中牟印玉鵠當變萊蕪金願君弄影鳳凰池

時憶籠中摧折羽

鳴鴈行

李白

唐詩類苑

卷之二百九十八

七

胡鴈鳴辭燕山昨發委羽朝度關一一銜蘆枝南飛

散落天地間連行接羽往復還客居煙波寄湘吳凌

霜觸雪毛體枯畏逢繒繳驚相呼聞弦虛墜良可吁

君爭彈射何爲乎

鳴鴈

韓愈

嗷嗷鳴鴈鳴且飛窮秋南去春北歸去寒就暖識所

依天長地濶棲息稀風霜酸苦稻粱微毛羽摧落身

不肥徘徊反顧群侶違哀鳴欲下洲渚飛江南水濶

朝雲多草長沙軟無網羅閒飛靜集鳴相和違憂懷

惠性匪他凌風一舉君謂何

官池春鴈二首

杜甫

自古稻梁多不足至今鷓鴣亂爲群且休悵望着池  
水更恐歸飛隔嶺雲

青春欲盡急還鄉紫塞爭論上有霜翅在雲天終不  
遠力微繒繳絕須防

聞鴈

林寬

接影橫空背雪飛聲聲寒出玉關遲上陽宮裏三千  
夢清聞過時

鴈二首

羅鄴

暮天新鴈起汀洲紅蓼花開水國愁想得故園今夜

唐詩類苑

卷之百九十八

人

月幾人相憶在江樓

早背胡霜過戍樓又隨寒日下汀洲江南江北多離  
別忍報年年兩地愁

歸鴈

錢起

瀟湘何事等閒回水碧沙明兩岸苔二十五絃彈夜  
月不勝清怨却飛來

和進士張曙聞鴈見寄

崔塗

斷行哀響遞相催爭趲高秋作恨媒雲外關山聞獨  
去渡頭風雨見初來也知榆塞寒須別莫戀蘋汀暖  
不迴試向富春江畔過故園猶合有池臺

秋夜聞鴈寄南十五兼和空上人

張南史

晚節聞君趣道深結茅栽樹近東林禪一作師幾度

曾摩頂高士何年更發心北渚三更聞過鴈西城萬  
木動寒砧不見支公與玄度相思擁膝坐長吟

早鴈

杜牧

金河秋半虜絃開雲外驚飛四散哀仙掌月明孤影  
過長門燈暗數聲來須知胡騎紛紛在豈逐春風一  
迴莫厭瀟湘少人處水多菰米岸莓苔

孤鴻篇

戴叔倫

唐詩類苑

卷之百九十八

九

江上雙飛鴻飲啄行相隨翔風一何厲中道傷其雌  
顧影明月下哀鳴聲正悲已無繒繳患豈乏稻粱資  
噉噉慕儔匹遠集清江湄中有孤文鵠翩翩好容儀

共欣相知遇畢忘同棲遲野田鳴鴈目妬復相疑  
鴻志不汝較奮志起高飛焉隨腐鼠欲歎

飛鴻響遠音

李益

漠漠微霜夕翩翩出渚鴻清聲流迴野高韻入寥空  
舊質經寒塞殘音響遠風縈雲猶類網避月尚疑弓  
弱羽雖能振丹青竟未通欲知多怨思聽取暮煙中

欲得聽邊鴻

白居易

驚風吹起塞鴻君半拂平沙半入雲爲問昭君月下  
聽何如蘇武雪中聞

鷺

犬鷺

白居易

晚來天氣好散步中門前門前何所有偶覩犬與鷺  
鷺飽凌風飛犬暖向日眠腹舒眠穩帖翅凝高摩天  
上無羅弋憂下無羈鎖牽見彼物遂性我亦心適然  
心適復何爲一詠逍遙篇此仍着于適尚未能忘言

鷺奪巢

韋應物

野鵲野鵲巢林梢鵲恃力奪鵲巢吞鵲之肝啄鵲

唐詩類苑

卷之三百九十八

十一

腦竊食偷居還自保鳳凰五色百鳥尊知鷺爲害何  
不言霜鷺野鷺得殘肉同啄羶羶不肯逐可憐百鳥  
紛縱橫雖有深林何處宿

飛鷺操

劉禹錫

鷺飛杳杳青雲裏鷺鳴蕭蕭風四起旗尾飄揚勢漸  
高箭頭善劃聲相似長空悠悠霽日懸六翮不動凝  
風煙遊鵲翔鴈出其下慶雲清景相回旋忽聞鷺鳥  
一噪聚簷下雲中爭腐鼠騰音礪吻相喧呼仰天大  
嚇疑鷺鵠畏人避犬投高處俛吻無聲猶屢顧青鳥  
自愛玉山禾仙禽徒貴華山露撲棘危巢向暮時

穗飽暖蹲枯枝遊童挾彈一麾附臆碎羽分人不  
天生衆禽各有類威鳳文章在仁義鷺隼儀形

鷺鷥

鷺鷥

李白

白鷺下秋水孤飛如墮霜心閑且未去獨去沙洲傍

鷺鷥

賈島

求魚未得食沙岸往來行島月獨棲影暮天寒過聲  
墮巢因木折失侶遇弦驚頻向煙霄望吾知爾去程

鷺鷥

鄭谷

唐詩類苑

卷之三百九十八

十一

閑立春塘煙澹澹靜眠寒葦雨颭颭漁翁歸後沙汀  
晚飛下灘頭更自由

鷺鷥

羅隱

斜陽澹澹柳陰陰風裊寒絲映水深不要向人誇潔  
白也知常有羨魚心

鷺鷥

杜牧

雪衣雪髮青玉臂群捕魚兒溪影中鷺飛遠映碧山  
丟一樹梨花落晚風

鷺鷥

許渾

西風淡淡水悠悠雪照絲絲帶雨愁何事歸心倚前

閨綠蒲紅蓼練塘秋

鷺鷥

劉象

潔白孤高生不同頂絲清軟冷搖風窺魚翹立荷香  
裏暮侶低翻柳影中幾日下巢辭紫閣多時凝目向  
晴空摩霄志在潛修羽會接鸞鳳到葦叢

鷺鷥

張祐

深窺思不窮揭趾淺沙中一點山光淨孤飛潭影空  
暗棲松葉露雙一作下蓼花風好是滄波侶垂絲趣  
亦同

白鷺

劉長卿

唐詩類苑

卷之三百九十八

十三

亭亭嘗獨立川上時延頸秋水寒白毛夕陽弔孤影  
幽姿閑自媚逸翮思一騁如有長風吹青雲在俄頃

白鷺

李嘉祐

江南綠水多顧影逗輕波終日尋雲裏山高柰若何

白鷺詠

李端

迥起來應近高飛去自逢映林同落雪拂水狀翻朝  
猶有幽人與相逢到碧霄

白鷺鷥

盧仝

刻成片玉白鷺鷥欲捉纖鱗心自急翹足沙頭不得  
時傍人不知謂閑立

白鷺

白居易

人生四十未全衰我爲愁多白髮垂何故水邊雙  
鷺無愁頭上亦垂絲

詠雙白鷺

雍陶

雙鷺應憐水滿池風飄不動頂絲垂立當青草人先  
見行傍白蓮魚未知一足獨拳寒雨裏數聲相叫早  
秋時池塘得爾須增價況是詩家物色宜

詠崔卿池上雙白鷺

賈島

鷺雛相逐出深籠頂各有絲莖數同灑石多霜移足  
冷隔城遠樹挂巢空其如盡在灘聲外何似雙飛浦  
色中見此池潭卿自鑿清泠太液底潛通

白鷺兒

劉禹錫

白鷺兒最高格毛衣新成雪不敵衆禽喧呼獨凝寂  
孤眠芊芊草久立潺潺石前山正無雲飛去入遙碧  
賦得白鷺鷥送宋少府入三峽

李白

白鷺拳一足月明秋水寒人驚遠飛去直向使君灘

朱鷺曲

張籍

翩翩兮朱鷺來泛春塘栖綠樹毛如剪色如染遠飛  
欲下雙翅欲避人引子入深澗動處水波搖地絕誰

知豪家網爾軀不如飲啄江海隅

沙上鷺

女郎張文姬

沙頭一水禽鼓翼揚清音只待高風便非無雲漢心

振振鷺

李頻

有鳥生江浦霜華作羽翰君臣將比潔朝野用爲歡  
月影林梢水光水際殘飛翻時共樂飲啄道皆安  
迴翥宜高詠群棲入靜看由來鷺侶濟濟列千官

和裴校書鷺鷥飛

元稹

鷺鷥鷺鷥何遽飛鷺鷥雀噪難久依清江見底草堂  
在一點白光終不歸

唐詩類苑

卷之百九十八

一四

失鷺鷥

鄭谷

野格由來倦小池驚飛却下碧江涯月昏風急何處  
宿秋岸蕭蕭黃葦枝

鷓鴣

鷓鴣

杜甫

故使籠寬織須知動損毛看雲莫悵望失水任呼號  
六翮曾經剪孤飛只未高且無鷹隼慮留滯莫辭勞

鷓鴣

許渾

池寒柳復凋獨宿夜迢迢雨頂冠應冷風毛劍欲飄  
故巢迷碧水舊侶越丹霄不是無歸處心高多寂寥

玩金鵝鵲戲贈襲美

陸龜蒙

曾向溪邊泊暮雲至今猶憶浪花群不知鏤羽鏤  
霧堪與鴛鴦覺後聞

奉和陸魯望玩金鵝鵲戲

皮日休

鏤羽彫毛迥出群溫馨飄出麝臍薰夜來曾吐紅茵  
畔猶似溪邊睡不聞

奉和雙鵝鵲

張賁

翠羽紅襟鏤彩雲雙飛常笑白鷗群誰憐化作彫金  
質從倩沈檀十里聞

鵲鵲

唐詩類苑

卷之百九十八

一五

鵲鵲

杜牧

芝莖抽紺趾清喉擲金梭日翅閑張錦風池去骨羅  
靜眠依翠荇暖戲折高荷山陰豈無爾爾宇換群鵲

題鵲

題鵲吟

劉禹錫

朝陽有鳴鳳不聞千萬祀題鵲催衆芳晨間先入耳  
秋風白露稀從是爾啼時如何上春日唧唧滿庭飛

提壺

早春聞提壺鳥因題鄰家

白居易

厭聽秋猿催下淚喜聞春鳥勸提壺誰家紅樹先飛

發何處青樓有酒沽進士龕豪尋靜盡拾遺風彩近  
都無欲期明日東鄰醉變作騰騰一俗夫

啄木

啄木曲

白居易

莫買寶剪刀磨盡千金直我有心中愁知君剪不得  
莫磨解結鉗磨勞人氣力我有腸中結知君解不得  
莫染紅絲線徒誇好顏色我有雙淚珠知君穿不得  
莫近紅爐火炎氣徒相逼我有兩鬢霜知君銷不得  
刀不能剪心愁鉗不能解腸結線不能穿淚珠火不  
能銷鬢雪不如飲此神聖杯萬念千憂一時歇

唐詩類苑

卷之三百九十八

一六

啄木謠

陳標

丁丁向晚急還稀啄徧庭槐未肯歸終日與君除蠹  
害莫嫌無事不頻飛

浴浪鳥

浴浪鳥

盧照隣

獨舞依盤石群飛動輕浪奮迅碧沙前長懷白雲上

精衛

精衛

岑參

負劍出北門乘桴適東溟一鳥海上飛云是帝女靈  
玉顏溺水死精衛空爲名怨積徒有志力微竟不成

西山水石盡巨壑何時平

學諸進士作精衛銜石填海

韓愈

鳥有償冤者終年抱寸誠口銜山石細心望海波平  
渺渺功難見區區命已輕人皆譏造次我獨賞專精  
豈計休無日惟應盡此生何慙刺客傳不著報讐名

精衛詞

王建

精衛誰教爾填海海邊石子青磊磊但得海水作枯  
池海中魚龍何所爲口穿豈爲空銜石山中草  
木無全枝朝在樹頭暮海裏飛多羽折時墮水高山

唐詩類苑

卷之三百九十八

十七

未盡海未平願我身死子還生

鷓鴣

病鷓

韓愈

屋東惡水溝有鷓鴣鳴悲青泥掄兩翅拍拍不得離  
群童叫相召瓦礫爭先之計較生平事殺却理亦宜  
奪攘不愧耻飽滿盤天嬉晴日占光景高風送追隨  
遂凌紫鳳群肯顧鴻鵠志今者運命窮遭逢巧丸兒  
中汝要害處汝能不得施于吾乃何有不忍棄其危  
丐汝將死命浴以清水池朝餐輟魚肉瞑宿防狐狸  
自知無以致蒙德久猶疑飽食深竹叢饑來傍階基

亮無責報心固以聽所爲昨日有氣力飛跳弄藩籬  
今晨忽徑去曾不報我知僥倖非汝福天衢汝休窺  
京城事彈射豎子豈易欺勿諱泥玩辱泥坑乃良規

鷓鴣

蘇拯

爲害未爲害其如汚物類斯言之一玷流傳極天地  
良木不得棲清波不得戲曾戲水堪疑曾棲樹終棄  
天不殲爾族與夫惡相濟地若默爾聲與夫妖爲諱  
一時懷害心千古不能替傷哉醜行人茲禽亦爲警

訓狐

射訓狐

韓愈

唐詩類苑

卷三百九十八

十八

有鳥夜飛名訓狐矜齒挾狡誇自呼乘時陰黑止我  
屋聲勢慷慨非常羆安然大喚誰畏忌造作百怪非  
無須聚鬼徵妖自朋扇擺掉棋類墜塗慈母抱兒  
怕入席那暇更護雞窠雖我念乾坤德泰大邪此惡  
物常勤劬縱之豈卽遽有害斗柄行拄西南隅誰謂  
停奸計尤劇意欲唐突幾和鳴侵更歷漏氣彌厲何  
由僥倖休須臾咨余往射豈得已候女兩眼張睚眦  
髮驚墮泉蛇走竇一夫斬頸群雛枯

雜禽鳥

北禽

李商隱

爲戀巴江暖無辭瘴霧蒸縱能朝杜宇可得值蒼  
石小虛填海蘆銛未破繒知來有乾鷁何不向彫陵

山禽

張翥

山禽毛如白練帶懷我庭前栗樹枝彌綴半夜來取  
栗一雙中林向月飛

宿晉昌亭聞鶯禽

李商隱

羈緒鰥鰥夜景侵高牕不掩見鶯禽來曲窗雙方  
合過盡南塘樹更深胡馬嘶和榆塞笛楚猿吟雜橘  
村砧失群掛木知何限遠隔天涯共此心

雙鳥詩

韓愈

唐詩類苑

卷三百九十八

十九

雙鳥海外來飛飛到中州一鳥落城市一鳥集巖幽  
不得相伴鳴爾來三千秋兩鳥各閉口萬衆銜口頭  
春風捲地起百鳥皆飄浮兩鳥忽相逢百鳥鳴不休  
有耳聒皆聾有口反自羞百舌舊饒聲從此恒低頭  
得病不呻喚泯默至死休雷公告天公百物須膏油  
自從兩鳥鳴聒亂雷聲收鬼神怕嘲詠造物皆停留  
草木有微情挑挾示九州蟲鼠誠微物不堪苦誅求  
不停兩鳥鳴百物皆生愁不停兩鳥鳴自此無春秋  
不停兩鳥鳴日月難旋轉不停兩鳥鳴大法失九疇  
屬公不爲公孔丘不爲丘天公怪兩鳥各捉一處囚



百蟲與百鳥然後鳴啾啾兩鳥既別處閉聲省愆  
朝食千頭龍暮食千頭牛朝飲河生塵暮飲海絕流  
還當二千秋更起鳴相酬

登白樓見白鳥席上命鷓鴣辭

李益

一鳥如霜雪飛向白樓前問君何以至天子太平年

賦得好鳥鳴南枝

送劉員外

劉斌

春林已自好時鳥復和鳴枝交難奮翼谷靜易沈聲  
澗門纔得性繒繳遽相驚安知背飛遠拂霧獨晨征

賦得好鳥鳴南枝

鄭衣

唐詩類苑

卷之三百九十八

五

養翮非無待遷高信自卑影高遲日度聲遠好風隨  
雲拂千尋直花催百轉奇驚人時向晚求友聽應知  
委質經三歲先鳴在一枝上林如可託弱羽願差池

送陳偃賦得白鳥翔翠微

朱灣

不知鷗與鶴天畔弄晴暉昔日分明見臨川相秩微  
淨中雲一點迴處雪孤飛正好高枝立翩翩何處歸

鳥散餘花落

趙存約

春曉遊禽集幽庭幾樹花坐來驚艷色飛去墮晴霞  
翅拂繁枝落風添舞影斜彩雲飄玉砌絳雪下仙家  
分韻音初靜別雲葉帶空階瞻玩久應共惜年華

鳥散餘花落

竇洵直

晚樹春歸後花飛鳥下初參差分羽翼零落滿空虛  
風外清香轉林邊艷影疎輕盈疑雪舞髣髴似霞舒  
萬片情難極遷喬思有餘微臣一何幸吟賞對宸居

鳥散餘花落

孔溫業

美景春堪賞芳園白日斜共看飛好鳥復見落餘花  
來往驚翻電經過想散霞雨餘飄處處風送滿家家  
友聲初去離枝色可咨嗟從茲時節換誰謂惜年華

織鳥

張何

季春三月裏戴勝下桑來映日華冠動迎風繡羽開

唐詩類苑

卷之三百九十八

五

候驚蟄事晚織向女工裁旅宿依花定輕飛遶樹迴  
欲過高閣柳更拂小庭梅所寄一枝分寧憂弋者猜

小鳥篇上裴尹

劉長卿

藩籬小鳥何甚微翩翩日夕空此飛只緣六翮不自  
致長似孤雲無所依西城黯黯斜暉落衆鳥紛紛皆  
有託獨立雖輕燕雀群孤飛還懼鷹鷂搏自憐天上  
青雲路弔影徘徊獨愁暮銜花縱有報恩時擇木誰  
容托身處歲月蹉跎飛不進羽毛顛顚何人問遶樹  
空隨鳥鵲驚巢林只有鷓鴣分主人庭中蔭喬木愛  
此清陰欲棲宿少年挾彈遙相猜遂使驚飛往復迴

不辭奮翼向君去唯怕金丸隨後來

聞春鳥

韋莊

雲晴春鳥滿江村還似長安舊日聞紅杏花前應笑我我今憔悴亦羞君

越鳥

鄭谷

昔霜南鴈不到處倚棹北人初聽時梅雨滿江春草歇一聲聲在荔枝枝

蠅蝶鷄麝鸞鳳等成篇

李商隱

韓蝶翻羅幕曹蠅拂綺牕鷄迴玉勒融麝暖金缸玳瑁明書閣瑠璃水酒缸畫樓多有主鸞鳳各雙雙

唐詩類苑

卷之二十九

三

覆巢行

孟郊

荒城古木枝多枯飛禽嗷嗷朝哺雛枝傾巢覆雛墜地鳥驚下啄更相呼陽和發生均孕育鳥獸有情知

不足枝危巢小風雨多未容長成已先覆靈枝珍木

滿上林鳳巢阿閣重且深爾今所託非本地鳥驚何

得同一作爾心

山鷄

詠山鷄

溫庭筠

萬壑動晴景山禽凌翠微繡翎翻草去紅嘴啄花歸巢暖碧雲色影孤清鏡輝不知春樹畔何處又分飛

賦得山鷄舞石鏡

崔護

盧峰開石鏡人說舞山鷄物象纖無隱禽情目自迷景當煙霧歇心喜錦翎齊宛轉鳥呈彩婆娑鳳欲栖何言資羽族在地得天倪應笑翰名者終朝飲敗醯

鷄

詠鷄

李商隱

紀德名標五初鳴度必三殊方聽有異失次曉無慙問俗人情似克庖爾輩堪氣交亭育際巫峽漏司南

賦得鷄

李商隱

稻梁猶足活諸雛妬敵專場好自娛可要五更驚鶴

唐詩類苑

卷之二十九

三

夢不辭風雪為陽鳥

寒食鬪鷄應秦王教

杜淹

見歲時部寒食

鬪鷄聯句

韓愈

大鷄昂然來小鷄竦而待愈嶢嶢顛盛氣洗刷凝鮮

彩郊高行若矜豪側睨如伺殆愈精光目相射劍戟

心獨在郊既取冠為胃復以距為斂天時得清寒地

利挾爽塏愈磔毛各噤痒怒癭爭礮磊俄僂忽爾低

道立瞥而攻郊脰脰膊脰戰聲喧續翻落羽曜中休

事未決小挫勢益倍愈妬腸紛生致我生專相醢裂

並失鴻聲啄殷<sup>鳥</sup>甚饑餒<sup>郊</sup>對起何急驚隨旋說  
巧給毒手飽李陽神槌困朱亥<sup>愈</sup>惻心我以行碎首  
爾何罪獨勝事有然傍驚汗流浹<sup>郊</sup>知雄欣動顏怯  
負愁看賄爭觀雲填道助叫波翻海<sup>愈</sup>事爪深難解  
頃晴時未怠一噴一醒然再接再礪乃<sup>郊</sup>頭垂碎丹  
砂翼揭拖錦綵連軒尚賈餘清厲比歸凱<sup>愈</sup>退後感  
收毛受恩漸始隄英心甘關死義肉<sup>郊</sup>宰君看關  
鷄篇短韻有可採<sup>郊</sup>

贖鷄

白居易

清晨臨江望水禽正喧繁鳬鴈與鷗鷺游颺戲朝瞰  
適有鷺鷥者挈之來遠村飛鳴彼何樂窘束此何冤  
喔喔十四雛羣縛同一樊足傷金距縮頭槍花冠翻  
經宿廢飲啄日高詣屠門遲迴未死間饑渴欲相吞  
常慕古人道仁信及魚豚見茲生惻隱贖放雙林泉  
開籠解索時鷄鷄聽我言與爾鎡三百小惠何足論  
莫學銜環雀崎嶇謾報恩

聞鷄贈主人

李益

嘒嘒司晨鳴報爾東方旭無事戀君軒今君重<sup>鳥</sup>鵠  
縛鷄行

杜甫

小奴縛鷄向市賣鷄被縛急相喧爭家中厭鷄食<sup>鳥</sup>

蝦不知鷄賣還遭烹蟲鷄于人何厚薄吾叱奴人解  
其縛鷄蟲得失無了時注目寒江倚山閣

晚鷄

崔護

黯黯嚴城罷鼓聲數聲相續出寒樓不嫌驚破紗牕  
夢却恐為奴半夜啼

晨鷄

劉兼

朱冠金距綵毛身昧爽高聲已報晨<sup>鳥</sup>瑞莫慚先貢  
楚擅場須信獨推秦淮南也伴升仙犬<sup>鳥</sup>谷曾容借  
曉人此日卑棲隨飲啄宰君驅我亦相馴

賦鷄鳴篇

劉元淑

唐詩類苑  
自從離別守空閨<sup>鳥</sup>征戰  
遼海北年年拋妾渭橋西陽奉<sup>鳥</sup>昭空暖紫燕紅  
一作花向庭滿彩鸞琴裏怨聲多<sup>鳥</sup>飛鵲鏡前粧梳斷  
誰家夫壻久<sup>鳥</sup>從征應是漁場<sup>鳥</sup>有情莫道紅顏  
燕地少家家還似洛陽城且逐新人殊未歸還今秋  
至夜霜飛北斗星前橫旅<sup>鳥</sup>鴈南樓月下擣寒衣  
更<sup>鳥</sup>深聞鴈腸欲絕獨處挑燈燈復滅暗啼羅帳  
空自憐夢度陽關向誰說每吟<sup>鳥</sup>容貌宛如神何  
其薄命不如人待君朝夕燕山至好作<sup>鳥</sup>明年<sup>鳥</sup>

鷄鳴曲

李益

海樹相扶鳥影翹戴紅拍翠聲膠膠鴛瓦東危金  
趨誇雄鬬氣爭相高漏殘雨急風蕭蕭患亂忠臣欺  
寶刀霜濃月薄星昭昭太平才子能歌謠山翁夢斷  
出衡茅谷口霧中饑虎號離人枕上心忉忉

鷄鳴曲

李郭

星稀月沒入五更膠膠角角  
立辭妾欲向安西行再鳴引頸聲  
上馬纔分地色第二鳴旌旆紅塵已出城婦人上城  
亂招手夫婿不聞還哭聲長恨鷄鳴別時苦不遺鷄  
栖近牕戶

鷄鳴曲

溫及筠

南朝天子射雉時銀河臥  
覺寶馬塵高人未知魚  
栖鳥紅粧萬戶鏡中春  
三百年朱方殺氣成愁

左銅壺漏斷夢初  
召沼濛濛御柳懸  
八下曉盤踞勢窮  
浪連海戰鼓渡

江塵漲天繡龍畫雉填宮其勢火風驅燒九鼎殿巢  
江燕砌生蒿十二金人霜爛爛芊緇平綠臺城基暖  
色春容荒古陂寧知玉樹後庭曲留待野棠如雪枝

鴨

花鴨

杜甫

花鴨無泥滓墻前每  
不覺群心妬休牽泉眼驚  
知獨立黑

鵝

詠鵝

鵝鵝鵝曲項向天歌白

題鵝

眠沙臥水自成群

憐孔翠羈雌

得

房相

舟前小鵝兒

鵝兒黃似酒對酒愛

翅開遭宿雨力小困

翅開遭宿雨力小困

唐詩類苑卷第一

二十九

明雲間張之象玄超甫纂輯

雲間張嗣功次甫甫編次

雲間王 徹叔朗甫補訂

梁谿曹仁孫伯安甫校正

獸部

麟

咏麟

李嶠

漢祀應祥開魯郊西狩迺奇音中鐘呂成角喻英才  
畫像臨僊閣藏書入帝臺若驚能吐哺爲觀鳳凰來

唐詩類苑

十九

象

咏象

李嶠

鬱林開郡畢維揚作貢初萬能方演楚惠子正焚書  
執燧奔吳戰量舟入魏墟六牙行致遠千葉奉高居

豹

咏豹

李嶠

車法肇宗周麗文闢大猷還將君子變來蘊太公籌  
委質超羊羣飛名列虎侯若令逢雨露長隱南山幽

臘日觀成寧王部曲娑勒擒豹歌

盧綸

山頭曠曠日將出山下獵圍照初日前林有獸未識

名將軍促騎無人聲潛形踈伏草不動雙鵬轉旋羣

鴉鳴陰方質子才三十譯語受詞蕃語揖捨鞍解甲

疾如風人忽虎蹲獸人立歛然扼額批其頤爪牙委

也涎淋漓既蘇復吼切於絞仍怒果叶英謀生致之

拖自梁溪如電萬夫矢谷千馬戰得呼賀拜聲相

連殺氣騰凌陰滿川始知縛虎如縛鼠敗虜降羗生

眼前祝爾嘉詞爾無苦辭爾將隨犀象舞臺生流水

禁中山期爾攫搏開顏非熊之兆慶無極願紀雄

名傳百蠻

唐詩類苑

九

二

虎

猛虎詞

儲光義

寒亦不憂雪饑亦不食人人肉豈不甘所惡傷神明  
太室爲我宅孟門爲我隣百獸爲我膳五龍爲我賓

蒙馬一何威浮江亦以仁彩章耀明日爪牙雄武臣

高雲逐氣浮厚地隨聲震聲君能賈餘勇日夕長

相親

猛虎行

李白

見人部感慨

猛虎行

李白

猛虎不怯敵烈士無虛言怯敵辱其班虛言負其恩  
爪牙欺白刃果敢無前陣須知易水歌至死無悔悵

猛虎行

李賀

長戈莫春彊弩莫抨乳孫哺子教得生獐舉頭爲城  
掉尾爲旌東海貢八慈見夜行道逢騶虞牛哀不平  
何用尺刀壁上雷鳴泰山之下婦人哭聲官家有程  
束不敢聽

猛虎行

韓愈

猛虎雖云惡亦皆有匹儕羣行深谷間百獸望風低

唐詩類苑

九

三

身食黃熊黃熊一作黃能下熊字同父子食赤豹麝擇肉於熊豹

肯視兔與狸正晝當谷眠眼有百步威自矜無當對  
氣性縱以乖朝怒殺其子暮還食其妃匹儕四散走

猛虎還孤棲孤鳴門兩旁鳥鵲從噪之出逐猴入居

虎不知所歸誰云猛虎惡中路正悲啼豹來銜其尾

熊來攫其頤猛虎死不辭但慙前所爲虎坐無助死

况如汝細微故當結以信親當結以私親故且不保

人誰信汝爲

猛虎行

張籍

南山北山樹冥冥猛虎白日繞林行向晚一身當道

食山中麋鹿盡無餘年年養子在深谷雌雄相逐谷中近窟有山林長向村家取黃犢五陵年少不敢射空來林下看行迹

白虎行

李賀

火鳥日暗崩騰雲霧皇虎視蒼生羣燒書滅國無暇  
日鏘劔佩決呼將軍玉壇設醮思冲天一世二世當  
萬年燒丹未得不死藥擎舟海上尋神僊鯨魚張鬣  
海波沸耕人半作征人鬼雄豪氣猛如焰烈無人爲  
决天河水誰最苦兮誰最苦報人義士身相許漸離  
擊筑荆卿歌荆卿把酒燕丹語劔如霜今膽如鐵出

唐詩類苑

卷

四

燕城兮望秦月天授秦封祚未終衣龍衣點荆卿血  
朱旗卓地白蛇死漢王知是真天子

熊

咏熊

李嶠

導洛宜陽古乘春別館前昭儀忠漢日太傅翊周年  
列射三侯滿興師七步旋莫言舒紫褥猶異飲清泉

馬

咏馬

李嶠

上馬本來嘶驚御史驄蒼龍還逐日紫燕追追風  
明月來鞍上雲霧中得勝穆天子

咏馬

楊師道

寶馬權奇出未央  
雕鞍照耀紫金粧  
春草初生馳上苑  
秋風欲動戲長楊  
珂屢度章臺側  
細蹀輕向濯龍傍  
徒令漢將年年去  
宛城今已獻名王

詠馬

陳凝

未明龍骨駿  
幸得到神州  
自有千金價  
寧忘伯樂酬  
雖知殊款段  
莫敢比驂騑  
若遇追風便  
當軒一舉頭

詠馬

韓琮

曾經伯樂識  
長鳴不似龍  
行不敢行金埒  
未登嘶若是  
鹽車猶駕瘦  
何驚難逢王  
濟知音癖欲  
就燕昭買

唐詩類苑

卷之五

五

駿名早晚飛黃引  
同早碧雲天上作鸞鳴

入蜀詠馬

韓愈

歲老豈能充上駟  
力微當自慎前程  
不知何故翻驤首  
牽過關門妄一鳴

咏飲馬

太宗

駿骨飲長涇  
奔流灑絡繹  
細文連噴聚  
亂荇遶蹄繁  
水光鞍上側  
馬影澗中橫  
翻似天池裏  
騰波龍種生

詠飲馬應詔

楊師道

清晨控龍馬  
弄景出花林  
蹀躞依春澗  
聯翩度碧潭  
苔流染絳絡  
水結寫彤簷  
一御瑤池駕  
詎憶長城陰

天馬歌

李白

天馬來出月氏窟  
背爲虎文龍翼骨  
嘶青雲振綠鬃  
蘭筋權奇走滅沒  
騰崑崙歷西極  
四足無一蹶  
鷄鳴刷燕隼  
林越神行電邁  
躡恍惚天馬呼  
飛龍超目明  
長庚臆雙鳬  
尾如流星首渴鳥  
口噴紅光汗溝珠  
曾陪時龍躡  
天衢羈金落月  
照皇都逸氣稜稜  
凌九區白壁如山  
誰敢沽回頭笑紫燕  
但覺爾輩愚  
天馬奔戀君軒駉  
躡驚矯浮雲翻萬里  
足踣躑躅瞻閭闔  
門不逢寒風子  
誰採逸景孫  
白雲在青天  
丘陵遠崔嵬  
鹽車上峻坂  
倒行逆施畏  
日晚伯樂剪拂  
中道遺少

唐詩類苑

卷之六

六一

盡其力老棄之  
願逢田子方  
惻然爲我悲  
雖有玉山禾不能療  
苦饑嚴霜五月凋  
桂枝伏櫪銜冤摧兩眉  
請君贖獻穆天子  
猶堪弄影舞瑤池

天馬詩二首

張仲素

天馬初從渥水來  
郊歌曾唱得龍媒  
不知玉塞沙中路  
首首殘花幾處開

蹀躞宛駒齒未齊  
縱金噴玉向風嘶  
來時行盡

道獵獵輕風在碧蹄

白馬篇

李白

龍馬花雪毛  
金鞍五陵豪  
秋霜切玉劒  
落日明珠袍



關鷄事萬乘軒蓋一何高  
弓摧南山虎手接太行  
酒後競風彩三杯弄寶刀  
殺人如剪草劇孟同遊遨  
發憤去函谷從軍向臨洮  
叱咤萬戰場匈奴盡波濤  
歸來使酒氣未肯拜蕭曹  
羞入原憲室荒徑隱蓬蒿

傷白馬

白居易

有小白馬乘馱多時奉使東行至稠桑驛溘然而斃足可驚傷不能忘情題二十韻

能驟復能馳翩翩白馬兒  
毛寒一團雪影薄萬條絲  
皂蓋春行日驪駒曉促時  
雙旌前獨步五馬中偏騎  
芳草承啼葉垂楊拂頂枝  
跨將迎好客惜不換妖姬

唐詩類苑

卷之五

七

慢鞚遊蕭寺閑馳醉習池  
睡來乘作夢興發倚成詩  
鞭爲馴難下鞍綠穩不離北  
歸還共到東使亦相隨  
赭白何曾變玄黃豈得知  
嘶風聲覺急蹋雪恹行遲  
昨夜猶芻秣今朝尚繫維  
卧槽應不起顧主遂長辭  
塵飛駿駟跡霜留皎姿度  
關形未改過隙影難追  
念倍燕求駿情深項別騅  
銀收鈎臆帶金卸絡頭羈  
何處埋奇骨誰家覓弊帷  
稠桑驛門外吟罷涕雙垂

白馬

賈至

白馬紫連乾嘶鳴丹闕前  
聞珂自蹀躞不要下金鞭

白馬

杜甫

杜甫東北來空鞍貫雙箭  
可憐馬上郎意氣今誰  
近時主將戮中夜商於戰  
喪亂死多門嗚呼涕如霰

白馬

翁綬

濕注龍種雪霜同毛骨天生膽氣雄  
金埒乍調光照池玉關初別遠嘶風  
花朝錦轡垂楊下露濕朱纓細  
草中一夜羽書催轉戰紫髯騎出佩  
駢弓

獻繫白馬

白馬披綜練一團今朝被絆欲行難  
雪中放去空留跡月下牽來只見鞍  
向北長鳴天外遠臨風斜控耳  
邊寒自知毛骨還應異更請孫陽子細看

唐詩類苑

卷之五

八

驄馬

楊炯

驄馬鐵連錢長安俠少年帝畿平若水  
官路直如弦夜玉粧車軸秋金鑄馬鞭  
風霜但自保窮達任皇天

驄馬

沈佺期

西北五花驄來時道向東  
四蹄碧玉片雙眼赤金瞳  
鞍上留明月嘶間動朔風  
借君馳沛艾一戰取雲中

高都護驄馬行

杜甫

安西都護胡青驄聲價欵然來向東  
此馬臨陣久無敵與君一心成大功  
功成惠養隨所致飄飄遠自流  
涉至雄姿未受伏櫪恩猛氣猶思戰  
場利腕促蹄高

如踣鐵交河已蹴層水裂五花散作雲滿身萬里  
看汗流血長安壯兒不敢騎走風掣電傾城知青絲  
絡頭爲君老何由却出橫門道

驄馬行

杜甫

鄜公馬癖人共知初得花驄大宛種夙昔傳聞思一  
見牽來左右神皆竦雄姿逸態何嶄嶄顧影嬌嘶自  
矜寵隅目青炎夾鏡懸肉駿礪連錢動朝來少試  
華軒下未覺千金滿高價赤汗微生白雪毛銀鞍却  
覆香羅帕卿家舊物公能取天廐真龍此其亞晝洗  
須騰涇渭深夕趨可刷幽并夜吾聞良驥老始成此  
唐詩類苑 卷之九 九

驄馬

萬楚

金絡青驄白玉鞍長鞭紫陌野遊盤朝驅東道塵恒  
城暮到河源日未闌汗血每隨邊地苦蹄傷不憚隴  
陰寒君能一飲長城窟爲報天山行路難

驄馬

紀唐夫

連錢出塞踏沙蓬豈比當時御史驄逐北自諳深磧  
路連嘶誰念靜邊功登山每與青雲合弄影應知鑿

草同今日虜平將換妾不如羅袖舞春風

紫駟馬

盧照隣

駟馬照金鞍轉戰入臯蘭塞門風稍急長城水正寒  
雪暗鳴珂重山長噴玉難不辭橫絕漠流血幾時乾

紫駟馬

楊炯

俠客重周游金鞍控紫駟蛇弓白羽箭鶴轡赤茸鞦  
發跡來南海長鳴向北州匈奴今未滅盡地取封侯

紫駟馬

沈佺期

清玉紫駟鞍驕多影屢盤荷君能剪拂躑躅噴桑乾  
晚足追奔易長鳴遇賞難從金一萬里霜露不辭寒

唐詩類苑

卷之九 十

紫駟馬

李白

紫駟行且嘶雙翻碧玉蹄臨流不肯渡似惜錦障泥  
白雪關山遠黃雲海戍迷揮鞭萬里去安得念春閨

紫駟馬

秦韜玉

渥洼奇骨本難求况是豪家重紫駟臙大宜懸銀壓  
勝力渾欺著玉銜頭生獐弄影風隨步蹤蹀躞衝塵汗  
滿溝若遇丈夫能控馭任從騎取覓封侯

玉腕驄

杜甫

聞說荆南馬尚書玉腕驄頗驂飄赤汗踟躕顧長秋  
胡虜三年入乾坤一戰收舉鞭如有問欲伴習池遊

君馬黃

李白

君馬黃我馬白馬色雖不同人心本無隔共作遊冶  
盤雙行洛陽陌長劍既照曜高冠何絕赫各有千金  
裘俱爲王侯客猛虎落陷穽壯士時屈厄相知在急  
難獨好亦何益

衛節度赤驃馬歌

岑參

君家赤驃畫不得一團旋風桃花色紅綬紫韁珊瑚  
鞭玉鞍錦韉黃金勒請君鞚出看君騎尾長竿地如  
紅絲自矜諸馬皆不及却憶百金新買時香街紫陌  
鳳城內滿城見者誰不愛楊鞭驟急白汗流弄影行

唐詩類苑

卷之二見元

十二

驕碧蹄碎紫髯胡雛金剪刀平明剪出三駿高穩上  
看時獨意氣衆中牽出偏雄豪騎將列向南山口城  
南狐兔不復有草頭一點疾如飛却使蒼鷹翻向後  
惜昨看君朝未央鳴河擁蓋滿路香始知邊將真富  
貴可憐人馬相輝光男兒稱意得如此駿馬長鳴北  
風起待君東去掃胡塵爲君一日行千里

羽林騎

韓翃

駿馬牽來御柳中鳴鞭欲向渭橋東紅蹄亂踏春城  
雪花領騎嘶上苑風

青調馬

韓翃

駕轡齋白齒新齊晚日花中散碧蹄玉勒斗回初  
沫金鞭欲下不成嘶

飲馬歌

李益

百馬飲一泉一馬爭上游一馬噴成泥百馬飲濁流  
上有滄浪客對之空嘆息自顧纓上塵徘徊終日夕  
爲問泉上翁何時見沙石

走馬引

李賀

我有辭鄉劍玉鋒堪截雲襄陽走馬客意氣自生春  
朝嫌劍花淨暮嫌劍光冷能持劍向人不解持照身  
馬上帝  
白居易

唐詩類苑

卷之二見元

十二

處世非不遇榮身頗有餘勲爲上柱國爵乃朝大夫  
自問有何才兩入承明廬又問有何政再駕朱輪車  
矧子東山人自性朴且疎彈琴復有酒但慕嵇阮徒  
聞被鄉里薦誤上賢能書一列朝士籍遂爲世網拘  
高有晉繳憂下有陷穽虞每覺宇宙窄未嘗心體舒  
蹉跎二十年領下生白鬚何言左遷去尚獲專城居  
杭州五千里往若投淵魚雖未脫簪組且來泛江湖  
吳中多詩人亦不少酒沽高聲詠篇什大笑飛杯盃  
五十未全老尚可且歡娛用茲送日月君以爲何如  
秋風起江上白日落山間知君萬馬去矣勿踟躕

駕驥

韓愈

驚駘誠齷齪市者何其稠力小苦易制價微良易  
渴飲一斗水饑食一束芻嘶鳴當大路志氣若有餘  
騏驎生絕域自矜無匹儔牽驅入市門行者不爲留  
借問價幾何黃金比蒿丘借問行幾何咫尺視九州  
饑食玉山禾渴飲醴泉流問誰能爲御曠世不可求  
惟昔穆天子乘之極遐遊王良執其轡造父挾其輻  
因言天外事茫惚使人愁駘駘謂騏驎餓死余爾羞  
有能必見用有德必見收孰云時與命通塞皆自由  
騏驎不敢言低徊但垂頭人皆劣騏驎共以駘駘優  
唐詩類苑 卷之三九 十三

唐詩類苑

卷之三九

十三

謂余獨興歎才命不同謀寄詩同心子爲我商聲謳

上馬歎

劉駕

羸馬行遲遲頑童去我遠時時一回顧不覺白日晚  
踰傷豪家宅樓上紅粧滿十月庭花開花前吹玉管  
君當未貴日豈不常屯蹇如何見布衣忽若塵入眼  
布衣豈常賤世事車輪轉

驢驢駿

杜牧

瑤池罷游宴良樂委塵沙遭遇不遭遇鹽車與鼓車

舞馬詞六首

張說

萬玉朝宗鳳展千金舞龍媒吟鼓凝驕蹀蹀聽歌

弄影徘徊

天鹿遙徵衛叔日龍上借義和將共兩驂爭舞未隨  
八駿齊歌

綵旄八佾成行時龍五色因方屈膝銜杯赴節傾心  
獻壽無疆

帝早龍駒沛艾星蘭驥子權奇騰倚驤洋應節擊驕  
接迹不移

二帝光天合德羣靈率土可封繫石駘驪紫燕從金  
願步蒼龍

聖君出震應錄神馬存河獻圖足踏天庭鼓舞心將  
唐詩類苑 卷之三九 十四

帝樂踟躕

舞馬篇

薛曜

星精龍種競騰驤雙眼黃金紫豔光一朝逢遇昇平  
代伏阜銜圖事帝王我皇盛德苞六羽俗泰時和虞  
石拊昔聞九代有餘名今日百獸先來舞鈎陳周衛  
儼旌旄鐘鐃陶匏聲殷地承雲嘈囋駭日靈調露鏗  
鉉動天駟奔塵飛箭若麟螭躡景追風忽見知咀銜  
拉鐵並權奇被服雕章何陸離紫玉鳴珂臨寶鐙青  
絲綵絡帶金羈隨歌鼓而電驚逐九劍而颺馳態聚  
唐詩類苑 卷之三九 十五

盤跚殊未已懸空步履紅塵起驚鳥翔鷺不堪儔矯  
鳳迴鸞那足擬衡垂桂裊香氛氤長鳴汗血盡浮雲  
不辭辛苦來東道祇爲簫韶朝夕聞閭閻間玉臺側  
承恩煦今生光色鸞鶴車異異備國客今爲戎飾  
充雲翅今天子庭荷日用今情無極吉良乘今一千  
歲神是得今天地期大易占云南山壽越超共樂聖  
明時

舞馬千秋萬歲樂府詞三首

張說

金天誕聖千秋節玉醴還分萬壽觴試聽紫駟歌樂

唐詩類苑

卷之二百九十九

十五

府何如絳驥舞華塲連騫勢出魚龍變蹀躞矯生鳥

獸行歲歲相傳指樹日翩翩來伴慶雲翔

聖皇至德與天齊天馬來儀自海西脫足徐行拜兩

膝繁驕不進踏千蹄紫鬃奮鬣時躊躇鼓怒驤身忽

上躋更有銜杯終宴曲垂頭掉尾醉如泥

遠聽明君愛逸才玉鞭金翅引龍媒不因茲白人間

有定是飛黃天上來影弄日華相照曜噴含雲色且

徘徊莫言闕下桃花舞別有河中蘭葉開

馬詩二十三首

李賀

龍春貼連錢銀蹄白踏煙無人織錦韉誰爲鑄金鞭

二

臘月草根甜天街雪似鹽未知口硬輒先凝羨黎

三

忽憶周天子驅車上玉山鳴騶辭鳳苑赤驥最承恩

四

此馬非凡馬房星本是星向前敲瘦骨猶自帶銅聲

五

大漠沙如雪燕山月似鉤何當金絡腦萬里踏清秋

六

饑卧骨查牙羸毛刺破花鬣焦朱色落髮斷鋸長麻

唐詩類苑

卷之二百九十九

十六

七

西母酒將闌東王飯已乾君王若燕去誰爲拽車轅

八

赤兔無人用當須呂布騎吾聞果下馬羈策任蠻兒

九

颶叔去匆匆如今不養龍夜來霜壓棧駿骨折西風

十

催榜渡烏江神騅泣向風君王今解劍何處逐英雄

十一

內馬爲宮人銀鞵刺麒麟午時鹽坂上躑躅溘風塵

十二

批竹初攢耳桃花未上身他時須攬陣牽去借將

十三

寶玦誰家子長聞俠骨香堆金買駿骨將送楚襄王

十四

香襟赭羅新盤龍壓鋸鱗迴看南陌上誰道不逢春

十五

不從桓公獵何能伏虎威一朝溝隴出看取拂雲飛

十六

唐劍斬隋公拳毛屬太宗莫嫌金甲重且去捉颼風

唐詩類苑

卷之二九十九

十七

十七

白鏐剉青禾碓間落紵莎世人憐小頸金埒畏長牙

十八

伯樂向前看旋毛在腹間祇今培白草何日驀青山

十九

蕭寺馱經馬元從竺國來空知有善相不解走章臺

二十

重圍如燕尾寶劍似魚腸欲求千里腳先采眼中光

二十一

寶玦誰家子長聞俠骨香堆金買駿骨將送楚襄王

二十二

武帝愛神僊燒金得紫煙殿中皆肉馬不解上青工

二十三

汗血到王家隨驚撼玉珂少君騎海上人見是青驪

浴馬

喻鳧

解控復收鞍長津動細漣空蹄沈綠玉潤臆沒連錢  
沫漩橋聲下嘶盤柳影邊常聞稟龍性固與白波便

塞馬

元稹

塞馬倦江渚今朝神彩生曉風寒獵獵乍得草頭行  
夷狄寢烽候關河無戰聲何由當陣面從爾四蹄輕

唐詩類苑

卷之二九十九

十八

馬上見

韓偓

驕馬錦連乾乘騎是謫僊和裙穿玉鐙隔袖把金鞭  
去帶懽騰醉歸應困頓眠自憐輸廐吏餘暖在香韉

歸馬華山

白行簡

牧野功成後周王戰馬閑驅馳休伏阜飲齧任依山  
逐日朝仍去隨風暮自還水生疑隴坂葉落似榆關  
蹀躞僊峰下騰驤渭水灣幸逢時僊武不復鼓聲間

西戎獻馬

周存

天馬從東道星威被遠戎來參八駿列不假貳師功  
影別流沙路蹄流上苑風星驥足同雲霧爭雄

稟異才難狀標奇志豈同驅馳如見許千里一朝通

天驥成才

徐仁嗣

至德符天道龍媒應聖選追風奇質異噴玉彩毛輕  
蹀躞形難狀連拳勢足驚  
峻絕影表殊名  
岐路寧辭遠關山豈礙行  
雖不駕今日亦長鳴

天驥成才

盧征

異產應堯年龍媒順制牽權奇初得地蹀躞欲行天  
詎假調金埒寧須動玉鞭嘶風深有戀逐日定無前  
周滿誇常馭燕昭恨不傳應知流赭汗來自海西偏

天驥成才

鄭黃

唐詩類苑

卷之百九

十九

毛骨合天經拳奇步驟輕曾邀于闐駕新出貳師城  
噴勒金鈴響追風汗血生酒亭流去跡吳坂認嘶聲  
方可通衢試材堪聖代呈王良如顧盼垂耳欲長鳴

勅賜三相馬

張隨

上苑驂駟出中宮詔命傳九天班錫禮三相代勞年  
顧主聲猶發追風力正全鳴珂龍閣下噴玉鳳池前  
四足疑雲滅雙瞳比鏡懸為因能致遠今日表求賢

騏驎長鳴

陳去疾

騏驎忻知已嘶鳴忽異常積悲摠怨抑一舉徹穹蒼  
迹類三年鳥心跡五達莊何言從蹇蹇今日遂騰驤

牛阜休維繫天衢恣陸梁向非逢伯樂誰足見其長

騏驎長鳴

章孝標

有馬骨堪驚無人眼暫明力窮吳坂峻嘶苦朔風生  
逐逐懷良御蕭蕭顧樂鳴  
璫池期弄影天路擬飛聲  
皎月誰知種浮雲莫問程  
鹽車今願脫千里為君行

望雲驄馬歌

并序

元稹

德宗皇帝以八馬幸蜀七馬道絕唯望雲驄來往  
不頓貞元中老死天廐臣稹作歌以記之

憶昔先皇幸蜀時八馬入谷七馬疲肉綻筋擘四蹄  
脫七馬死盡無馬騎天子蒙塵天雨泣曉暘道路淋

唐詩類苑

卷之百九

二十

海濕崢嶸白草眇難期謫洞黃泉安可入朱泚圍兵  
抽未盡懷光寇騎追行及嬪娥相顧倚樹啼鷓鴣驚無  
聲仰天立圍人初進望雲驄衫色顚額衆馬欺上前  
噴吼如有意耳尖卓立節踈奇君王試造迴胸臆撮  
骨鋸牙駢兩肋蹄懸四距或作知腦顚方胯聳三山尾  
株直圍人畏謂仍相惑此馬無良空有力頻頻嚙掣  
轡難施往往跳起鞍不得色沮聲悲仰天訴天不遣  
言君未職亞身受取白玉羈開口銜將紫金勒君王  
自此方敢騎似遇良臣久悽惻龍騰魚鼈嗥然驚驥  
盼驥驟少顏色七聖心迷運方厄五丁力盡路猶窄



橐它山上斧刃堆望秦嶺下錐頭石五六百里真符  
縣八十四盤青山驛掣開流電有輝光突過浮雲無  
朕跡地平陰盡施黃屋九九屬車十二纛齊映前導  
引驪頭嚴震迎號抱離足路傍垂白天寶民望驪禮  
拜見驪哭皆言玄宗當時無此馬不免騎驪來幸蜀  
雄雄猛將李令公收城殺賊豺狼空天旋地轉日再  
中天子却坐明光宮朝廷無事忘征戰校獵朝迴暮  
愁宴御馬齊登擬用槽君王自試宣徽殿圍人還進  
望雲驪性強步濶無方便分驥擺杖頭太高擎肘迴  
頭項難轉人人共惡難迴跋潛遣飛龍減芻秣銀鞍

唐詩類苑

卷之三百九十九

三十一

繡轡不復施空盡天年御槽活當時鄒諺已有言莫  
倚功高浪開濶登山縱似望雲驪平地須饒紅叱撥  
長安三月花垂草果下翩翩紫駟好千官暖熱李令  
開陌馬生獐望雲老望雲驪爾之鍾類世世奇當時  
項王乘爾祖分配英豪稱霸王爾身今日逢聖人從  
幸巴渝歸入秦功成事遂身退天之道何必隨群逐  
隊到死踏紅塵望雲驪用與不用各有時爾勿悲

馬厭穀

韓愈

馬厭穀兮士不厭糠粃土被文繡兮士無袒褐彼其  
得志兮不我虞一朝失志兮其何如已焉哉嗟嗟乎

鄙夫

徒步歸行贈李時進借馬自鳳翔赴鄜州

杜甫

明公壯年值時危經濟貴藉英雄姿國之社稷今若  
是武定禍亂非公誰鳳翔千官且飽飯衣馬不復能  
輕肥青袍朝士最困者白頭拾遺徒步歸人生交契  
無老少論心何必先同調妻子山中哭向天須公櫪  
上追風驪

還李十一馬

白居易

傳語李君勞寄馬病來唯拄杖扶身縱擬彊騎無出  
處却將牽與赴朝人

唐詩類苑

卷之三百九十九

三十一

賣驪馬

白居易

五年花下醉騎行臨賣迴頭嘶一聲項籍顧驪猶解  
歎樂天別駱豈無情

訓裴令公贈馬相戲裴詩云君若有心求逸  
足我還留意在名妹蓋引妾換馬戲意有

白居易

所屬也  
安石風流無奈何欲將赤驥換青娥不辭便送東山  
去臨老何人與唱歌

往來曾與白馬題詩廳壁今來尚存又

復感懷更題絕句 白居易

路傍埋骨蒿草合壁上題詩塵鮮生馬死七年猶  
望自知無乃太多情

答許五端公馬上口號 李益

晚逐旌旗俱白首少遊京洛共緇塵不堪身外悲前  
事疆向杯中覓舊春

和張十八秘書謝裴相公寄馬

唐詩類苑

卷之二五九

三十三

白居易

齒齊臆足毛頭膩秘閣張郎叱撥駒洗了額花翻假  
錦走時蹄汗踏真珠青衫乍見曾驚否紅粟難賒得  
飽無丞相寄來應有意遣君騎去上雲衢

公垂尚書以白馬見寄光潔穩善以詩謝之

白居易

翩翩白馬稱金羈領綴銀花尾曳綠毛色鮮明人盡  
愛性靈馴善主偏知免將妾換慙來處試使奴牽欲  
上時不驚不驚行步穩最宜山簡醉中騎

馬上晚吟

白居易

人少街荒已寂寥風多塵起重蕭條上陽落葉飄  
樹中渡流漸擁渭橋出早冒寒衣校薄歸遲侵黑酒  
全消如今不是閑行白日短天陰坊曲遙

謝裴司空寄馬 張籍

駉駉新駒駿得名司空遠自寄書生乍離華廐移蹄  
澀初到貧家舉眼驚每被閑人來借問多尋古寺獨  
騎行長思歲旦沙堤上得從鳴珂傍火城

代書寄馬 韋莊

驅馳曾在五侯家見說初生自渥洼鬃白似披梁苑  
雪頸肥如撲杏園華休嫌綠綬嘶貧舍好着紅纓入  
使衙穩上雲衢千萬里年年長踏魏堤沙

賀張十八秘書得裴司空馬

韓愈

司空遠寄養初成毛色桃花眼鏡明落日已曾交轡  
語春風還擬並鞍行長令奴僕知饑渴須着賢良待  
性情旦夕公歸仲拜謝免勞騎去逐雙旌

李鄠縣丈人胡馬行 杜甫

丈人駿馬名胡騶前年避兵過金牛迴鞭却走見天  
子朝飲漢水暮靈州自矜胡騶奇絕代乘出千人萬  
人愛一聞說盡急難材轉益愁向驚雷頭上銳耳

披秋竹脚下高蹄削寒玉始知神龍別有種不比俗  
馬空多肉洛陽大道時再清累日喜得俱東行鳳臆  
龍鬣未易識測身注目長風生

房兵曹胡馬

杜甫

胡馬大宛名鋒稜瘦骨成竹批雙耳峻風入四蹄輕  
所向無空濶真堪託死生驍騰有如此萬里可橫行

沙苑行

杜甫

君不見左輔白沙白如水繚以周墻百餘里龍媒昔  
長渥洼生汗血今稱獻於此苑中驟乳三千疋豐草  
青青寒不死食之豪健西域無每歲攻駒冠邊鄙王

唐詩類苑

卷之百九十九

三五

有虎臣司苑門入門天廐皆雲屯驕驕一骨獨當御  
春秋二時歸至尊至尊內外馬盈億伏櫪在垆空大  
存逸羣絕足信殊傑倜儻權奇難具論疊疊堤阜藏  
奔突往往坡陀縱超越角壯翻同麋鹿遊浮深簸蕩  
鼉鼉窟泉出巨魚長比人丹砂作尾黃金鱗豈知異  
物同精氣雖未成龍亦有神

惜別行送劉僕射判官

杜甫

聞道南行市駿馬不限數匹軍中須襄陽幕府天下  
異主將儉省憂艱虞祗收壯健勝鐵甲豈因格鬪求  
龍駒而今西北自反胡

在帝都子孫未落西南隅

苦越江湖江湖九馬多顛顛衣冠往往乘蹕  
富貴於身疎號令明白人安居俸錢時散士子盡府  
庫不為驕豪虛以茲報主寸心赤氣却西戎迴北狄  
羅網羣馬藉馬多氣在驅除出金帛劉侯奉使先推  
擇滔滔才畧滄溟窄杜陵老翁秋繫船扶病相識長  
沙驛疆梳白髮提胡虜手兼菊花路傍摘九州兵革  
浩茫茫三歎聚散臨重陽當杯對客忍涕淚不覺老  
夫神內傷

秦州雜詩

杜甫

唐詩類苑

卷之百九十九

三五

南使宜天馬由來萬匹疆浮雲連陣沒秋草偏山長  
聞說真龍種仍殘老驕驕哀鳴思戰鬪迥立向蒼蒼  
號州送天平何丞入京市馬

岑參

見治政部市馬

送劉評事充朔方判官賦得征馬嘶

高適

征馬向邊州蕭蕭嘶不休思深應帶別聲斷為兼秋  
峽路風將遠關山月共愁贈君從此去何日大刀頭

馬陸疆出贈同座

白居易

足傷遭馬墜腰重倩人擡祇合窻間卧何因花下來  
坐依桃葉妓行呷地黃杯彊出非他意東風落盡梅

崔少監見示墜馬長句因而和之

劉禹錫

麟臺少諫舊儒郎洛水橋邊墜馬傷塵污腰間青襪  
綬風飄掌上紫遊韁上車著作應來問折臂三公定  
送方猶賴德全如醉者不妨吟詠入篇章

羸駁

白居易

驂驪失其主羸餓無入牧向風嘶一聲莽蒼黃河曲  
踏冰水畔立卧雪塚間宿歲暮田野空寒草不滿腹

唐詩類苑

卷之百九十九

三十一

豈無市駿者盡是凡人目相馬失於瘦遂遺千里足  
村中何擾擾有吏徵芻粟淪彼軍廄中化作駑駘肉

羸駁篇

喬知之

驥王長鳴西北來自言當代是龍媒萬里鐵關行入  
貢九重金闕爲君開蹀躞朝馳過上苑趨趨暝走發  
羸臺玉勒金鞍荷裝飾路傍觀者無窮極小山桂樹  
比權奇上林桃花况顏色忽聞天將出龍沙漢主持  
將駕鼓車去去山川勞日夜遙遙關塞斷烟霞山川  
關塞十年征汗血流離赴行營肌膚銷遠道膂力盡  
長城長城日夕苦風霜中有連年百戰場搃珂嚙勒

金羈盡爭鋒足頓鐵菱傷垂耳罷輕齋棄置在寒溪  
大宛蒲海北滇壑雋崖西沙平留緩步路遠聞嘶嘶  
從來力盡君須棄何必尋途我已迷歲歲年年奔遠  
道朝朝暮暮催疲老扣水晨飲黃河源拂雪夜食天  
山草楚水澶溪戰征事吳塞烏江辛苦地持來報主  
不辭勞宿昔立功非重利丹心素節本無求長鳴向  
君君不留祇應澶漫歸田里萬里低昂任生死君王  
倘若不見遺白骨黃金猶可市

瘦馬行

杜甫

東郊瘦馬使我傷骨骸硤兀如堵墻絆之欲動轉歔

唐詩類苑

卷之百九十九

三十一

側此豈有意仍騰驥細看六印帶官字衆道三軍遺  
路傍皮乾剝落雜泥滓毛暗蕭條連雪霜去歲奔波  
逐餘寇驂駟不慣不得將士卒多騎內廐馬惆悵恐  
是病乘黃當時歷塊誤一蹶委棄非汝能周防是人  
慘澹若哀訴失主錯莫無晶光天寒遠放鴈爲伴日  
暮不收烏啄瘡誰家且養願終惠更試明年春草長

疲馬

劉長卿

玄黃一疲馬筋力盡胡塵驂首北風夕徘徊鳴向人  
誰憐棄置久却與駑駘親猶戀長城外青青寒草春

病馬

杜甫

乘爾亦已久天寒關塞深塵中老盡力歲晚病  
毛骨豈殊衆馴良猶至今物微意不淺感動一沈吟

病馬呈鄭校書五首

曹唐

駉駉何年別渥洼病來顏色半塵沙四蹄不鑿金砧  
裂雙眼慵開玉筯斜墮月免毫乾骸失雲龍骨瘦  
查牙一作牙平原好牧無人放嘶向秋風苜蓿花

隴上沙窻葉正齊騰黃猶自踟躕蹄尾蟠夜雨紅絲  
脆頭掉秋風白練底力憊未思金駱腦影寒空望錦  
障泥堦前莫恠垂雙淚不遇孫陽不敢嘶

不剪焦毛鬣半翻何人別

一作是古龍孫風吹雪侵

唐詩類苑

卷之三百九

三

病骨無驕氣土餒驄花見卧痕未噴斷雲歸漢苑曾

追輕

一作會飛

練過吳門一朝千里心猶在爭一作誰肯

潛忘

一作施

秣飼恩

空被秋風吹病毛無因濯浪刷洪濤卧來總恠龍蹄

踰瘦盡誰驚虎口高追電有心猶欸段逢人相骨彊

嘶號欲將鬚鬣重裁剪乞借新城利鉸刀

病久無人著意看玉華衫色欲凋殘飲驚白露泉花

冷喫怕清風豆葉寒長檐敢辭紅錦重舊韉寧畏紫

絲蟠王良若許相擡策千里追風也不難

傷曾秀才馬

劉威

買得龍媒越水濱輕桃細杏色初分秋蹄未過陽關  
日夜魄忽銷陰塞雲吳練已知隨影沒朔風猶想帶  
嘶聞臨軒振策休惆悵坐致煙霄只在君

奉和劉祭酒傷白馬

嚴維

沛艾如龍馬來從上苑中棣華恩見賜伯舅禮仍崇  
鏡點黃金眼花開白雪驄性柔君子德足逸大王風  
色點鳴珂淨聲連噴玉雄食場恩未盡過隙命旋終  
練影依雲沒銀鞍向月空仍聞樂府唱猶念代勞功

和滕邁先輩傷馬

章孝標

浮雲變化失龍兒始憶嘶風噴沫時蹄想塵中翻碧

唐詩類苑

卷之三百九

三

玉尾休煙裏掉青絲曾同客舍吞饑渴久共名場路

嶮巖今日捱前興一歎不關行李乏金羈

出使在途所騎馬死改乘肩輦將歸長安偶

詠旅懷寄太原李相公

白居易

驛路崎嶇况雪寒欲登藍輦一長歎風光不見桃花

騎塵土空留杏葉鞍喪乘獨歸殊不易脫縣相贈豈

爲難并州好馬應無數不怕旌旄試覓看

哀病驄呈致用

元稹

捩上病驄啼裊裊江邊廢宅路迢迢自經梅雨長垂  
耳乍食菰蔣欲折腰金絡頭銜光未滅玉花衫色瘦

來焦曾聽禁漏驚衙鼓慣踏康衢怕小橋半夜推  
心不死日高饑餓尾還搖龍媒薄地天池遠何事牽  
牛在碧霄

牛

詠牛

李嶠

齊歌初入相燕陣早橫功欲向桃林下先過梓樹中  
在吳頻喘月奔夢屢驚風不用五丁士如何九折通

驢

斃驢

李洞

寒驢秋斃瘞荒田忍把敲吟舊竹鞭三赤焦桐背殘

唐詩類苑

卷之三百九

三

月一條藜杖卓寒煙通吳白浪寬圍國倚蜀青山峭  
入天如畫海門撐肘望一作看阿誰家一作教賣釣魚船

羊

詠羊

李嶠

絕飲懲澆浴行驅夢逸材僊人擁石去童子馭車來  
夜玉含星動晨鵲映雪開莫言鴻漸力長牧上林隈

鹿

詠鹿

李嶠

涿鹿開中冀秦原闢帝畿柰花開舊苑萍葉謁前詩  
道士乘僊日先生折角時方懷丈夫志抗首別心期

虞獲子鹿 并序

韋應物

虞獲子鹿憫園鹿也遭虞之機張見畜於人不得  
遂其天性焉

虞獲子鹿畜之城陬園有美草池有清流但見麋麋  
亦聞呦呦誰知其思巖谷云游一作游

迹園鹿

韋應物

野性本難畜翫習亦逾年麋班始力直麋角已蒼然  
仰首嚙園柳俯身飲清泉見人若閑暇蹙起忽低騫  
茲獸有高貌凡類寧比肩不得遊山澤跼促誠可憐

鹽池院觀鹿

賈島

唐詩類苑

卷之三百九

三

條峰五老勢相連此鹿來從若箇邊別有野麋人不  
見一生長飲白雲泉

省試內出白鹿宣示百官 黃滔

上瑞何曾乏毛羣表色難推於五靈少宣示百寮觀  
形奪場駒潔光交月兔寒已開瑤草別孤立雪花團  
戴豸慙端士抽毫躍史官貴臣歌詠日皆作白麟看

兔

詠兔

李嶠

上蔡應初擊平岡遠不稀目隨槐葉長形逐桂條飛  
漢月澄秋色梁園映雪輝唯當感純孝郭郭引兵威

詠懸兔

蘇頌

紀事云環初未知頌有客詣環候於客次頌擁篲庭廡間客異其詠崑崙奴詩請加禮收舉環稍親之有人獻兔懸於廊廡召令詠之云環覽詩異之

御前連中雙兔

宸遊經上苑羽獵向閑田狡兔初迷窟纖驪詎着鞭三驅仍百步一發遂雙連影謝含霜草魂銷向月弦驪聲動寒木喜氣滿晴天那似陳王意空隨樂府篇

狡兔行

蘇拯

秋來無骨肥鷹犬遍原野草中三穴無處藏何況平田無穴者

麀

詠麀

杜甫

永與清溪別蒙將玉饌俱無才逐僊隱不敢恨庖厨亂世輕全物微聲及禍樞衣冠兼盜賊饗餐用斯須

猿

詠猿

杜甫

裊裊帝虛壁蕭蕭掛冷枝艱難人不免隱見爾如知

猿

曹松

慣習元從衆全生或用奇前林騰每及父子莫相離曾宿三巴路今來不願聽雲根啼片白峰頂擲尖青護果憎禽啄栖霜覩葉零唯應臥嵐客憐爾傷岳局

詠猿

周朴

生在巫山更向西不知何事到巴溪中宵爲憶秋雲伴遙隔朱門向月啼

聞猿

杜牧

月白煙青水暗流孤猿銜恨叫中秋三聲欲斷疑腸斷饒是少年須白頭

唐詩類苑

卷之二百九十九

三

峨眉東脚臨江聽猿懷二室舊蘆

岑參

峨眉煙翠新昨夜秋雨洗分明峯頭樹倒插秋江底久別二室間圖地五斗米哀猿不可聽北客欲流涕

入黃溪聞猿

柳宗元

溪路千里曲哀猿何處鳴孤臣淚已盡虛作斷腸聲

賦得郢路悲猿

皇甫冉

悲猿何處發郢路第三聲遠客知秋暮空山益夜清啾啾深衆木啾啾入孤城坐覺盈心耳倏然適楚情

放猿

許渾



殷勤解金鎖一作別夜雨淒淒山淺憶巫峽水寒思  
建溪遠尋紅樹宿深向白雲啼好覓來時路煙蘿莫  
自迷

送客賦得巴江夜猿

李端

巴水天邊路啼猿傷客情遲遲雲外盡杳杳樹中生  
殘月暗將落空霜寒欲驚楚人皆淹淚聞到第三聲

巴江夜猿

馬戴

日飲巴江水還啼巴岸邊秋聲巫峽斷夜影楚雲連  
露滴青楓樹山空明月天誰知泊船者聽此不能眠

啼猿送客

僧皎然

唐詩類苑

卷之二十九

三五

萬里巴江水三聲月峽深何年有此路幾客共占襟  
斷壁分垂影流泉入苦吟淒涼離別後聞此更傷心

和脩睦上人聽猿

李咸用

禪客聞猶苦是聲應是啼自然無穩夢何必到巴溪  
疎雨灑不歇迴風吹暫低此宵秋欲半山在二林西

秋夜僧舍聞猿

崔塗

哀猿未休禪景夜方幽暫得同僧靜那能免客愁  
影搖雲外樹聲裊月中秋曾向巴江宿當時淚亦流

雪後聽猿吟

顧偉

寒巖飛暮雪絕壁夜猿吟歷歷和羣鴈寥寥思客心

繞枝猶避箭過嶺却投林風冷聲偏苦山寒響更清  
聽時無有定靜裏固難尋一宿扶桑月聊看懷好音

嶺猿

常建

杳杳黃猿清且切鷓鴣飛處又斜陽相思嶺上相思  
淚不到三聲合斷腸

聞猿

蘇拯

秋風颯颯猿聲起客恨猿哀一相似漫向孤危驚客  
心何曾解入笙歌耳

失猿

李商隱

祝融南去萬重雲清肅無因更一聞莫遣碧江通箭  
道不教腸斷憶同羣

唐詩類苑

卷之二十九

三六

傷猿

杜牧

獨折南園一朵梅重尋幽坎已生苔無端晚吹驚高  
樹似裊長枝欲下來

病猿

李洞

瘦纏金鎖惹朱樓一別巫山樹幾秋寒起蜀門清露  
滴暖懷湘岸白雲流罷拋簷果沈僧井休掛崖冰澣  
客舟啼過三聲應有恨畫堂深不徹王侯

三峽聞猿

僧慕幽

誰向茲來不恨生聲聲都是斷腸聲七千里外一家

佳十二峯前獨自行  
嶂雨晚藏神女廟  
蠻煙寒鎖石  
郎城憑君且莫哀  
吟好會待青雲道路平

黃藤山下聞猿

韋莊

黃藤山下駐歸程  
一夜號猿吊旅情  
入耳便能生百恨  
斷腸何必待三聲  
穿雲宿處人難見  
望月啼時兔正明  
好笑五陵年少客  
壯心無事也沾纓

和壽中丞傷猿

李洞

遺掛朱欄鎖半尋  
清聲難買恨黃金  
懸崖接果何人在  
淺井窺星影已沈  
歸宅葉鋪曾睡石  
入朝燈照舊啼林  
小山罷遠隨湘客  
高樹休升對岳禽  
天竺省憐

唐詩類苑

卷之二十九

三七

傷倍切親任寬和  
思難任相門恩重  
無由報竟託僊郎  
日夜吟

從人覓小猢猻許寄

杜甫

入說南州路  
山後樹樹懸  
舉家聞若歎  
爲寄小如拳  
預晒愁胡面  
初調見馬鞭  
許求聰慧者  
童稚捧應癩

謝猿皮

僧貫休

貴何獵家師  
買得携來乞  
與坐禪牀  
不知摘月秋潭  
畔  
曾對何人啼斷腸

太

獵犬行

蘇拯

獵犬未成行  
狐兔無奈何  
獵犬今盈羣  
狐兔依舊多  
自爾初跳躍  
人言多擊蹶  
常指天外狼  
立可口中嚼  
骨長毛不重  
燒殘煙草薄  
狡兔何曾擒  
時把家鷄捉  
食盡者飯翻  
增養者惡壯  
可嗟獵犬壯  
復壯不堪免  
絕良弓喪

獵

有獺吟

劉禹錫

有獺得嘉魚  
自謂天見憐  
先祭不敢食  
捧鱗望青玄  
人立寒沙上  
心專張悄悁  
一作脰  
漁翁以爲妖  
舉塊投其咽  
呼兒買魚歸  
與獺同烹煎  
開關黃金鸚  
大翅

唐詩類苑

卷之百九十九

三八

搖江烟不見  
盈尋魚投身  
擘洪連攫掣  
隱嶙去哺雛  
林岳巔鴟鳥  
欲何從  
噪莫敢前  
長居雲路遠  
彈射無由緣  
何地無江湖  
河水無鮪鱣  
天意不宰割  
非祭從虔虔  
空禮餘知重  
載在淹中篇

狐兔

田野狐兔行

元稹

種豆耘鋤種禾溝  
畦禾苗豆甲孤  
猾兔剪割鵠餒鷹  
烹麟啖犬鷹怕兔  
毫犬被狐引狐兔  
相須鷹犬相盡  
茲引日暗天寒  
禾稀豆損鷹犬  
就烹狐兔俱晒

捉捕歌

元稹

捉捕復捉捕莫捉狐與兔狐兔藏窟穴豺狼妨道路  
道路非不妨最憂螻蟻聚豺狼不陷弄螻蟻潛幽窟  
切切主人窓主人輕細故延緣蝕櫺櫺漸入棟梁柱  
梁棟盡空虛攻穿痕不露主人坦然意晝夜安寢寤  
網羅布參差鷹犬走迴互盡力窮窟穴無心自還顧  
客來歌捉捕歌竟淚如雨豈是惜狐兔畏君先後誤  
願君掃梁棟莫遣螻蟻附次及清道途盡滅豺狼步  
上人堂上坐行客門前度然後巡野田遍張畋獵具  
外無梟鏡援內有熊羆驅狡兔掘荒榛妖狐薰古墓  
用力不足多得禽自無數畏君聽未詳聽客有明喻

唐詩類苑

卷之二百九

曹鄴

鼠

官倉鼠

曹鄴

官倉老鼠大如斗見人開倉亦不走健兒無糧百姓  
饑誰遣朝朝入君口

唐詩類苑卷第一百九十九終

唐詩類苑卷第二百

明雲間張之象玄超甫纂輯

雲間張嗣功次甫甫編次

雲間王徹叔朗甫補訂

梁谿曹仁孫伯安甫校正

鱗介部

龍

詠龍

李嶠

唐詩類苑

卷之二百

假龍吟歌

李賀

吟詠枯瘁蒼鷹一作擺血白鳳一肺桂子

死沙崩惡溪島阿母得僊今不老

延嬰孺臥水埋金爪崖磴蒼苔一作

管折蓮花去國一千年雨後聞

標奇初韞寶表智即稱龍

奮髯雲乍起矯首浪還衝

任何幸比相

飛龍引二首

李白

黃帝鑄鼎於荆山鍊丹砂丹砂成黃金騎龍飛上太清家雲愁海思令人嗟宮中彩女顏如花飄然揮手凌紫霞從風縱體登鑾車登鑾車待軒轅遨遊青天中其樂不可言

鼎湖流水清且閒軒轅去時有弓劍古人傳道留其間後宮嬋娟多花顏乘鸞飛烟亦不還騎龍攀天造天關聞天語長雲河車載玉女載玉女過紫皇紫皇乃賜白兔所搗之藥方後天而老周三光下視瑤池見王母蛾眉蕭颯如秋霜

唐詩類苑

卷之三百

攀龍引

顧況

軒轅黃帝初得僊鼎湖一去三千年周流三十六洞天洞中日月星辰聯騎龍駕景遊八極軒轅弓劍無人識東海青童寄消息

龍夜吟

李賀

鬢髮胡兒眼睛綠高樓夜靜吹橫竹一聲似向天上來月下美人望鄉哭直排七點星藏指暗合清風調宮徵蜀道穩深雲滿林湘江半夜龍驚起玉堂美人邊塞情碧牕皓月愁中聽寒碁能擣百尺練粉淚凝珠滴紅線胡兒莫作隴頭吟隔牕暗結愁人心

龍移

韓愈

天昏地黑蛟龍移雷驚電激雄雌隨清泉百丈化為魚鼈枯死吁可悲

魚

黃魚

杜甫

日見巴東峽黃魚出浪新脂膏兼飼犬長大不容身筒桶相沿久風雷肯為神泥沙卷涎沫回首恠龍鱗

鯉魚

項斯

似龍鱗又足只是欠登門月裏腮猶濕泥中目未昏乞鋤防蟻穴望水寫金盆他日能為雨公田報此恩

唐詩類苑

卷之三百

洞庭魚

李商隱

洞庭魚可拾不假更垂簾開若雨前蟻多於秋後蠅豈思鱗作簞仍計腹為燈浩蕩天池路翱翔欲化鵬

雙魚

時韓愈方書中見

賈島

天河墮雙魴飛我庭中央掌握尺餘雪劈開腸有璜見令饒舌短烹遠隣含香一得古詩字與玉含異藏

白小

杜甫

自小羣分命天然二寸魚細微露水族風俗當園蔬入肆銀花亂傾箱雪片虛生成猶拾卵盡取義何如

賦得巨魚

錢起

巨魚縱大壑遂性似乘時奮躍風生鬣騰凌浪鼓鱗  
龍攄回地軸鯢化想天池方快吞舟意尤殊在藻嬉  
傾危嗟幕燕隱晦諂泥龜喻士逢明主才猷得所施

臨川美魚

張元正

有客百愁侵求魚正在今廣川何渺漫高岸幾登臨  
風水寧相阻煙霞豈憚深不應同逐鹿詎肯比從禽  
結網非無力忘筌自有心永存芳餌在佇立思沈沈

臨川美魚

薛少殷

曾是歸家客今年且未旋遊鱗方有待織網豈能捐  
向水烟波夕吟風歲月遷莓苔生古岸葭莢變清川

唐詩類苑

卷之三百

不逐滄浪叟還宗內外篇良辰難自擲此日願忘筌

河鯉登龍門

年久還求變今來有所從得名當是鯉無點可成龍  
備歷艱難遍因期造化容泥沙寧不阻釣餌莫相逢  
擊浪因成勢纖鱗莫繼蹤若令搖尾去雨露此時濃

賦得魚登龍門

元稹

魚貫終何益龍門在苦登有成當作雨無用耻爲鵬  
激浪誠難泝雄心亦自憑風雷潛會合鬣鬣忽騰陵  
泥滓辭河濁煙霄見海澄迴瞻順流輩誰敢望同升

賦得臨淵美魚

徐牧

清泚濯纓處今來喜一臨慙無下釣處空有美魚心  
退省時頻改謀身歲屢沈鬣成川上媚網就水寧深  
頰尾臨波裏朱鬣破浪潯此時儻不漏江上免行吟

賦得魚上水

王公亮

二詩見天部水

王季則

賦得巨魚縱大壑

姚康

水府乘閑望圓波息躍魚從來暴泥久今日脫泉初  
得志寧相忌無心任宛如龍門應可度鮫室豈常居  
掉尾方窮樂遊鱗每自舒乘流千里去風力藉吹嘘

唐詩類苑

卷之三百

又魚招張功曹

韓愈

又魚春岸濶此興在中宵大炬然如晝長船縛似橋  
深窺沙可數靜榜水無搖刃下那能脫波間或自跳  
中鱗憐錦綉當日訝珠銷迷火逃翻近驚人去暫遙  
競多心轉細得傳語時鬻潭聲知存寡肱平覺獲饒  
交頭疑湊餌駢首類同條濡沫情雖密登門事已遼  
盈車欺故事飼犬驗今朝血浪凝猶沸腥風遠更飄  
蓋江烟幕幕拂棹影寥寥懶去愁無食龍移懼見燒  
如棠名既誤釣渭日徒消文客驚先賦篙工喜盡謠  
膾炙思故友觀樂憶吾僚自可相羨累何須彊問鵝

射魚曲

李商隱

思牢弩箭磨清石，繡額蠻渠三虎力。  
尋潮背日俟涸鱗，貝闕夜移鯨失色。  
纖纖粉簞馨香餌，綠鴨迴塘養龍水。  
含冰漢語遠於天，何由迴作金盤死。

單魚歌

溫庭筠

朝單單城，南暮單單城。西兩漿鳴幽幽，蓮子相高低。  
持單入深水，金鱗大如手。魚尾迸圓波，千珠落網藕。  
風颭颭，雨離離。菱尖刺鷓鴣，飛水連網眼。白如影，浙  
瀝蓬聲寒。點微楚岸有花花，蓋屋金塘柳色前。溪曲  
悠容香，若去無窮五色澄。潭鴨頭綠。

唐詩類苑

卷之二百

七

點額魚

白居易

龍門點額意何如，紅尾青鬐却返初。  
見說在天行雨苦，爲龍未必勝爲魚。

鯉魚

章孝標

點似真珠鱗似金，時時動浪出還沈。  
河中得上龍門去，不歎江湖歲月深。

觀遊魚

白居易

遠池閑步看魚遊，正值兒童弄釣舟。  
一種愛魚心各異，我來施食爾垂鈎。

小魚詠寄涇州楊侍郎

盧綸

蓮花影裏暫相離，纔出浮萍值學師。  
上得龍門還失浪，九江何處是歸期。

訓中都小吏携斗酒雙魚於逆旅見贈

李白

魯酒若琥珀，汶水紫錦鱗。  
山東豪吏有俊氣，手携此物贈遠人。  
意氣相傾兩相顧，斗酒雙魚表情素。  
雙鯉呀呷鬚鬣張，睜刺銀盤欲飛去。  
呼兒拂機霜，斂手揮紅肥。  
花落白雪霏爲君，下筯一餐飽醉著。  
金鞭上馬蹄，承襲美以巨魚之半見分，因以訓謝。

陸龜蒙

唐詩類苑

卷之二百

七

誰與春江上信魚，可憐霜刃截來初。  
鱗隨似撒騷人屋腹斷，疑傷遠客書避網。  
幾跳山影破，逆風曾蹙浪花虛。  
今朝最是家童喜，免泥荒畦掇野蔬。

奉和魯望酬謝分魚

皮日休

鈎公來信自松江，三尺春魚發刺霜。  
腹內舊鈎苔染瘿，腹中新餌藻和香。  
今鱗中斷榆錢破，寒骨平分玉筯光。  
何事貺君偏得所，祗緣同是越航郎。

枯魚過河泣

李白

白龍改常服，偶被豫且制。  
誰使爾爲魚，徒勞訴天帝。  
作書報鯨鯢，勿恃風濤勢。  
濤歸落沙泥，逆地蟻噬。

萬乘慎出入相人以爲識

放魚

白居易

曉日提竹籃家童買春蔬  
言片蘇下疊卧雙白魚  
無聲但呀呀以氣相煦  
濡頰藍寫地上撥刺長尺餘  
豈惟刀机憂坐見螻蟻  
食其雖已久得水猶可蘇  
放之小池中且用救乾枯  
水小池窄狹動尾觸四隅  
一時幸苟活久遠將何如  
濟其不得所移放於南湖  
南湖連西江好去勿踟躕  
施恩卽望報吾非斯人徒  
不須泥沙底辛苦覓明珠

觀放魚歌

盧仝

唐詩補遺

卷之三百

八

常州賢刺史從諫議大夫除天地好生物刺史性與  
天地俱見山客狎魚鳥坐山客北亭湖命舟人駕舫  
子漾漾菰蒲酒興引行處正見漁人魚刺史密會山  
客意復念網羅嬰無辜忽脫身上殷緋袍盡買罟獲  
盡有無鰕鱖鮓鱖鮓鮓最頑愚鱖鮓見幽風質幹  
稍高流時白噴雪鯽鯽鮓此輩肥脆爲絕尤老鯽變  
化頗神異三十六鱗如抹朱水苞弘窟有鮫鼉餌非  
龍餌惟無鱗鱗雜百千頭性命懸須臾天心應刺史  
刺史盡活諸一一拔深泉跳脫不復拾得火燒騰突  
動作詭怪殊或爲臺而出或破浪而奔

或奮鬣愉愉或如

或如蛇銜珠四散漸不見

島嶼徒縈紆鴻鵠鵠鷗鳬喜觀爭叫呼小鰕亦相慶  
遶岸搖其鬚乃知食生不獨頑癡夫可憐百千命幾  
爲中腸菹若養聖賢真大烹龍髓敢惜乎苦痛如今  
人盡是魚食魚族類恣飲噉彊力無親疎明明刺史  
心不欲與物相欺誣岸蟲兩與命無意殺此活彼用  
賊徒亦憶清江使橫遭乎余且聖神七十鑽不及泥  
中鰕哀哉託非賢五臟生冤讐若當刺史時聖物保  
不囚不疑且不下二子安能諛二子儻故諛吾知心  
受誅禮重一草木易卦稱中孚又曰鈞不綱又曰遠

唐詩補遺

卷之三百

九

庖厨故一作仁人用心刺史盡合符昔魯公觀棠距  
箴遂被孔子貶而書今刺史好生德洽民心誰爲刺  
史一褒譽刺史自上來德風如草鋪衣冠興廢禮百  
姓滅暴租豪猾不豪猾鰥孤不鰥孤開古孟賁三十  
里四千頃泥坑爲膏腴刺史視之總若無訟庭雀噪  
坐不得湖上拔芰植芙蕖勝業莊中二桑門時時對  
坐談真如因說十千天子事福力當與刺史俱天雨  
曼陀羅花深沒膝四十千真珠纒絡堆高樓此事怪  
特不可會但慕刺史仁有餘刺史勅左右兼小家一  
字奴慎勿背我沈毒鈞念魚承奉刺史仁深僻處遠



遠遊刺史官職小教化未能敷第一莫近人惡人  
口腴第一莫出境四境多經略重傷刺史心喪而後  
賤軀

放魚

竇鞏

金錢贖得免刀痕聞道禽魚亦感恩好去長江千萬  
里不須辛苦上龍門

龜

龜負圖

丁澤

天意將垂象神龜出負圖五方行有配八卦義寧孤  
作瑞旌君德披文叶帝謨乘流喜得路逢聖幸存軀

唐詩類苑

卷之三百

十一

蓮葉池通泛桃花水自浮還尋九江去安肯曳泥途

蟬

病中有人患海蟬轉寄魯望

皮日休

紺甲青筐染落衣島夷初寄北人時離居定有石帆  
覺失伴唯應海月知族類分明連璫珞形容好箇似  
蟬病中無用雙螯處寄與夫君左手持

酬龔美見寄海蟬

陸龜蒙

榮杯庭前蟬鳴香却乞江邊採捕郎自是楊雄知郭  
索且非何胤敢饒管清狂似令春風吹雨還疑帶

海霜疆作南朝屈雅客夜來偷醉早梅傍

蛤

蛤像連二首

雖因雀變化不遂月虧盈縱有天中匠神工詎可式

二

相好全如梵端倪祇爲隋寧同時頑惡但與鵲相持

蟲牙部

蟬

詠蟬

李百藥

清心自飲露哀響乍吟風來上華冠側先驚翳葉中

唐詩類苑

卷之三百

十一

蟬

虞世南

垂綏飲清露流響出疎桐居高聲自遠非是藉秋風

在獄詠蟬

并序

駱賓王

余禁所禁垣西是法曹聽事也有古槐數株雖生  
意可知同殷仲文之古樹聽松斯在卽周召伯之  
甘棠每至夕照低陰秋蟬疎引發聲幽息有切嘗  
聞豈人心異於曩時將蟲響悲於前聽嗟乎聲以  
動容德以象賢故潔其身也稟君子達人之高行  
蛻其皮也有儼都羽化之靈姿候時而來順陰陽  
之數應節爲樂樂之用之懷有日斯謂不以道昏

而昧其視有翼自薄不以俗厚而易其真吟  
之微風韻資天縱飲高秋之墜露清畏人知僕失  
路艱虞遭時微纏不哀傷而自怨未摧落而先衰  
聞蟬姑之有聲悞平反之已奏見蟬螂之抱影怯  
危機之未安感而綴詩貽諸知己庶情洽物應哀  
弱羽之飄零道寄人知憫餘聲之寂寞非謂文墨  
取代幽憂云爾

西陸蟬聲唱南冠客思侵那堪玄鬢影來對白頭吟  
露重飛難進風多響易沈無人信高潔誰爲表子心

賦得弱柳鳴秋蟬

太宗

唐詩類苑

卷之三百

十二

散影玉階柳含翠隱鳴蟬微形藏葉裏亂響出風前

賦得含風蟬

盧照隣

高情臨爽月急響送秋風獨有危冠意還憐衰鬢同

秋蟬

駱賓王

九秋行已暮一枝聊暫安隱榆非諫楚噪柳異悲潘  
分形妝薄鬢鏤影飾危冠自憐疎影斷荒林夕吹寒

和崔黃門寓直夜聽蟬

張九齡

蟬嘶玉樹枝向夕惠風吹幸入連宵聽應緣飲露知  
思深秋欲近聲靜夜相宜不是鏤金飾清香徒爾悲

早蟬

白居易

月出先照山風生先動水亦如草蟬聲先入閑人耳  
一聞愁意結再聽鄉心起渭上新蟬聲先聽渾相似  
衡門有誰聽日暮槐花裏

春蟬

元稹

我自東歸日厭苦春鳩聲作詩憐化工不遣春蟬生  
及來商山道山深氣不平春秋兩相似蟲豸百種鳴  
風松不成韻蜩蟬沸如羹豈無朝陽鳳羞與微物爭  
安得天上雨奔渾河海傾蕩滌反時氣然後好晴明

畫蟬

戴叔倫

飲露身何潔吟風韻更長斜陽千萬樹無處避螳螂

唐詩類苑

卷之三百

十三

新蟬

盧仝

泉溜潛幽咽琴鳴乍往還長風剪不斷還在樹枝間

聞蟬

薛濤

露滌清音遠風吹故葉齊聲聲似相接各在一枝棲

聞蟬

項斯

勸葉復驚神聲聲斷續勻坐同來聽者俱是未歸人

一棹三湘浪單車二蜀塵傷秋各有日可念因循

新蟬

僧貫休

尋常看不見花落樹多苔忽向高枝發又從何處來  
風清聲更揭月苦思彌哀多少名者年年被爾催

詠蟬

于鄴

江頭一聲起芳歲已難留聽此高林上遙知故國秋  
應催風落葉似勸客廻舟不是新蟬苦年年自有愁

郊園聞蟬寄諸弟

韋應物

去歲郊園別聞蟬在蘭省今歲卧南譙蟬鳴歸路永  
夕響依山郭餘悲散秋景一作餘聲緘書報此時一作

遠此心方耿耿

新蟬

司空曙

今朝蟬忽鳴遷客若爲情便覺一年老能令萬感生  
微風方滿樹落日稍沈城爲問同懷者淒涼聽幾聲

唐詩類苑

卷之三百

十四

聞蟬寄友人

郎士元

昨日始聞鶯今朝蟬又鳴朱顏向華髮定是幾年程  
故國白雲遠閒居青草生因垂數行淚書寄十年兄

早蟬

李咸用

門柳不連野乍聞爲早蟬遊人無定處入耳更應先  
暫默斜陽雨重吟遠岸煙前年湘竹裏風激遠離筵

始聞夏蟬

元稹

徂夏暑未晏蟬鳴景已曛一聽知何處高樹但侵雲  
響悲遇衰齒節謝腸離羣意郊園日獨向澗中聞

聞蟬

白居易

本以高難飽徒勞恨影三夏欲斷一樹蟬

薄宦梗猶泛故園草已平煙君最相警我亦舉家清

答夢得聞蟬見寄

白居易

開緘思浩然獨詠晚風前人貌非前日蟬聲似去年  
槐花新雨後柳影欲秋天聽罷無他計相思又一篇

聽新蟬寄張晝

方干

細聲頻斷續審聽亦難分髣髴應移處從容却不聞  
蘭棧朝咽露樹隱暝吟雲莫遣鄉愁起吾懷祗似君

聞蟬

杜牧

火雲初似滅曉角欲微清故國行千里新蟬忽數聲

唐詩類苑

卷之三百

十五

時行仍髣髴度日更分明不敢頻傾耳唯憂白髮生

聞新蟬贈劉二十八

白居易

蟬發一聲時槐花帶雨枝只應催我老兼遣報君知  
白髮生頭速青雲入手遲無過一杯酒相勸數開眉

病蟬

賈島

病蟬飛不得向我掌中行折翼猶能薄酸吟尚極清  
露華凝在腹塵點誤侵睛黃雀兼爲鳥俱懷害爾情

開成二年夏聞新蟬贈夢得

白居易

十年與君別常感斯蟬鳴今年共君聽同在洛陽城

渠處知林靜聞時覺景清涼風忽嫋嫋秋思先秋生  
殘槿花邊立老槐陰下行雖無索居恨還動長年情  
且喜未聾耳年年聞此聲

寒蟬樹

沈鵬

一葉初飛日寒蟬益易驚入林慙纖細依樹媿身輕  
大幹時容息喬枝或借鳴心由餘露淨響爲逐風清  
忝有翾翾分翼一作應憐嘒嘒聲不知微薄影早晚掛  
綏纓

早蟬

白居易

六月初七日江頭蟬始鳴石楠深葉裏薄暮兩三聲  
唐詩類苑卷之二百

十六

二催衰鬢色再動故園情西風殊未起秋思先秋生  
憶昔在東掖宮槐花下聽今朝無限思雲樹遠溢城

六月三日夜聞蟬

白居易

荷香清露墜柳動好風生微月初三夜新蟬第一聲  
乍聞愁北客靜聽憶東京我有竹林宅別來蟬再鳴  
不知池上月誰撥小船行

溪館聽蟬

耿緯

高樹多涼吹疎蟬足斷聲已催居客感更使別人驚  
曉夏猶早急新秋別有情危湍和不似細管學難成  
當微附金重無貪野火明林四落白髮一重生

向夕音彌勵迎風翼更經單嘶出迴樹餘響思空城  
嘒嘒松間坐蕭寥竹裏行如何長飲露高潔未能名

聽早蟬歌

耿緯

蟬鳴兮夕曛聲和兮夏雲白日今將短秋意今已滿  
乍悲鳴兮欲長猶嘶澀兮多斷風蕭蕭兮轉清韻嘒  
嘒兮初成依婆娑之古樹思遼落之荒城間院支願  
深林倚策猶惆悵而無語鬢星星而已白

聞蟬感懷

賈島

新蟬忽發最高枝不覺立聽無限時正遇友人來告  
別一心分作兩般悲

唐詩類苑

卷之二百

十七

和崔駙馬聞蟬

張籍

鳳凰樓下多歡樂不覺秋風暮雨天應爲昨來身暫  
病蟬聲得到耳傍邊

新蟬

劉兼

齊女幃帟失舊容侍中冠冕有芳蹤翅翻曉鬢尋香  
露聲引秋絲逐遠風旅館聽時髭欲白茂樹聞處葉  
多紅只知迭恨添愁事誰見凌霄羽蛺蝶

早蟬

賈島

早蟬孤抱芳槐葉噪向殘陽意度秋也任一聲催我  
老堪聽兩耳畏吟休得非下第無高韻須是青山隱

白頭若問此心嗟嘆否天人不可怨而尤

夜蟬

唐彥謙

翠竹高梧夾後溪勁風危露雨淒淒那知北牖殘燈  
暗又送西樓片月低清夜更長應未已遠烟尋斷莫  
頻嘶羈人此夕如三歲不整寒衾待曙鷄

蜂

賦得寒蜂採菊榮

耿緯

遊颺下晴空尋芳到菊叢帶聲來藥上連影在香中  
去住霑餘霧高低順過風終慙異蝴蝶不與夢魂通

詠蜂

羅隱

唐詩類苑

卷之二百

十九

不論平地與山尖無限風光盡被占採得百花成蜜  
後不知辛苦爲誰甜

蜂

李商隱

沙苑華池爛漫通後門前檻思無窮宓妃腰細纔勝  
露趙后身輕欲倚風紅壁寂寥崖蜜盡碧簾迢遞霧  
巢空青陵粉蝶休離恨長定相逢二月中

蝶

蝶

李商隱

孤蝶小徘徊翩翩蝶翅開併應傷皎潔頻近雪中來

蝶

李商隱

飛來繡戶陰穿過畫樓深重傳秦臺粉輕塗漢殿金  
相兼唯柳絮所得是花心可要凌孤客邀爲子夜吟

蝶

羅隱

漢王刀筆精寫爾逼天生舞巧何妨急飛高所恨輕  
野田黃雀慮山館主人情此物那堪作莊周夢不成

秋蝶

白居易

秋花紫蒙蒙秋蝶黃茸茸花低蝶新小飛戲叢西東  
日暮涼風來紛紛花落繁夜深白露冷蝶已死叢中  
朝生夕俱死氣類各相從不見千年鶴多棲百丈松

蛺蝶行

盧頻

唐詩類苑

卷之二百

十九

東園宮草綠上下飛相逐君恩不禁春昨夜花中宿

晚蝶

王建

粉翅嫩如水繞砌乍停風日高山露解飛入菊花中

趙林郎中席上賦蝴蝶

鄭谷

尋艷復尋香似閑還似忙暖煙沈蕙徑微雨宿花房  
書幌輕隨夢歌樓悞採粧王孫深屬意繡入舞衣裳

蝶

李商隱

葉葉復翻翻斜橋對側門蘆花唯有白柳絮可能溫  
西子尋遺殿昭君覓故村年年芳物盡來別敗蘭蓀

詠蝶

李商隱

初來小苑中稍與璚闌通遠恐芳塵斷輕憂  
只知防浩露不覺逆尖風廻首雙飛燕乘時入綺

詠蝶二首

李商隱

長眉畫了繡簾開碧玉行收白玉臺爲問翠釵釵上  
鳳不知香頸爲誰廻

壽陽公主嫁時粧八字官眉捧額黃見我伴羞頻照  
影不知身屬冶遊郎

蝴蝶飛

李賀

楊花撲帳春雲熱龜甲屏風醉眼纈東家蝴蝶西家  
飛白騎少年今日歸

唐詩類苑

卷之二十

蝶

李建勳

粉蝶翩翩若有期南園長是到春歸閑依柳帶參差  
起困傍桃花獨自飛被燕驚還散亂偶因人逐入  
簾幃晚來欲雨東風急廻看池塘影漸稀

詠俗

李賀

上林蝴蝶小試伴漢家君飛向南城去誤落石榴裙  
脉脉花滿樹翾翾燕遶雲出門不識路羞問陌頭人

蜘蛛

蜘蛛

孟郊

萬類皆有性各稟天和氣  
萬類皆有性各稟天和氣

蠶身不爲已汝身不爲他蠶絲爲衣裳汝絲爲經  
濟物既無功害物日已多百蟲雖切恨其將奈爾何

蜘蛛論

蘇拯

春蠶吐出絲濟世功不絕蜘蛛吐出絲飛蟲成聚血  
蠶絲何專利爾絲何專孽映日張網羅遮天亦何別  
儻居要地門害物可堪說網成雖福已網敗還禍爾  
小人與君子利害一如此

蠶

野蠶

于瀆

野蠶食青桑吐絲亦成蠶無功及生人何異偷飽煖  
我願均爾絲化爲寒者衣

簇蠶辭

王建

蠶欲老箔頭作繭絲皓皓場寬地高風日多不向中  
庭嚙蒿草神蠶急作莫悠揚年來爲爾祭神桑但得  
青天不下雨上無蒼蠅下無鼠新婦拜簇願繭稠女  
灑桃漿男打鼓三日開箔雪團團先將新繭送縣官  
已聞鄉里催織作去

詠蠶

蔣貽恭

辛勤得絲不盈筐燈下纈絲恨更長芳處不知來處  
苦但食衣上絲

螢

詠螢火示情人

李百藥

牕裏憐燈暗，堦前畏月明。不辭逢露濕，祇爲重宵行。

詠秋螢

虞世南

的歷流光小，飄颻弱翅輕。恐畏人無識，獨自暗中明。

詠螢

僧處默

熠燿與娟娟，池塘竹樹邊。亂飛如拽火，成聚作囊懸。

詠螢

李嘉祐

映水光難定，凌虛體自輕。夜風吹不滅，秋露洗還明。向燭仍藏焰，投書更有情。猶將流亂影，來此傍簷楹。

唐詩類苑

卷之二

五

詠螢

于季子

卉草誠幽賤，枯朽絕因依。忽逢惜羽翼，不覺生光輝。直念恩華重，長嗟報効微。方思助日月，爲許願曾

變

字飛

詠螢

羅隱

空庭夜未央，點滴度西牆。抱影何微細，乘時忽發揚。不思因腐草，便擬倚孤光。若道通文翰，車公業肯長。

詠螢火

韋應物

時節變衰草，物色近新秋。度月影纔斂，繞竹光復流。

夜對流螢作

韋應物

月暗竹亭幽，螢光拂席流。還思故園夜，更度一年秋。自慙觀書興，何慙棄燭遊。府中徒冉冉，明發好歸休。

秋螢

駱賓王

玉虬分靜夜，金光照晚涼。含輝疑泛月，帶火怯凌霜。散彩榮虛牖，飄花繞洞房。下帷如不見，當解借餘光。

螢火

杜甫

幸因腐草出，敢近太陽飛。未足臨書卷，時能點客衣。隨風隔幔小，帶雨傍林微。十月清霜重，飄零何處歸。

秋螢引

劉禹錫

漢陵秦苑遙蒼蒼，陳根腐葉秋螢光。夜空寂寥金氣索，淨千門九陌飛悠揚。紛綸暉映互明滅，金爐星噴汀

唐詩類苑

卷之二

五

花發露華洗，濯清風吹低昂。不定招搖垂高麗，累思照蛛網斜歷璇題舞羅幌。曝衣樓上拂香帟，承露臺前轉儂掌。槐市諸生夜讀書，北窻分明辨魯魚。行人東山起征思，郎中騎省悲秋氣。銅雀人歸自入簾，長門帳開來照淚。誰言向晦常自明，兒童走步嬌女爭。天生有光非自衒，遠近低昂暗中見。撮蚊妖鳥亦夜飛，翅如車輪而已矣。

放螢怨

劉言史

放螢去不須留，聚時年少今白頭。架中科斗萬餘卷，



一字重回重照見青雲杳眇不可親開囊欲放增餘  
愁且逍遙還酩酊仲舒漫不窺園井那將寂寞老病  
身更就微蟲借光影欲放時淚沾裳衝籬落千點光

螢二首

羅 鄴

水殿清風玉戶開飛光千點去還來無風無月長門  
夜偏到堦前點綠苔

徘徊無燭冷無煙秋逕莎庭入夜天休向書牕來照  
字近來紅蠟滿歌筵

見螢火

杜 甫

巫山秋夜螢火飛簾疎巧入坐人衣忽驚屋裏琴書  
唐詩類苑 卷之二 百

冷復亂簷前星宿稀却繞井欄添箇箇偶經花葉弄  
輝輝滄江白髮愁看汝來歲如今歸未歸

詠螢

唐彥謙

日下蕪城莽蒼中濕螢撩亂起花叢寒煙陳后長門  
開夜雨隋家舊苑空星散欲陵前檻月影低如試北  
廳風羈人此夕方愁緒心似寒灰首似蓬

蚊

蚊蟻

白居易

巴徼炎毒早三月蟻蚊生啞膚拂不去遶耳薨薨聲  
斯物頗微細中人初甚輕如有膚受譖久則瘡痂成

瘡成無奈何所要防其萌麼蟲何足道潛喻做人

蚊

孟 郊

五月中夜息餓蚊尚營營但將膏血求豈覺性命輕  
顧已寧自愧飲人以偷生願爲天下除一使夜景清

聚蚊諷

劉禹錫

沈沈夏夜蘭堂開飛蚊俟時聲如雷嘈然歛起初駭  
聽殷殷若自南山來喧騰鼓舞喜昏黑昧者不分聽  
者惑露花滴瀝月上天利溍迎人着不得微軀七尺  
爾如芒我孤爾衆能我傷天生有時不可遏爲爾設  
幄潛匡牀清商一來秋日曉羞爾微形飼丹鳥

唐詩類苑

卷之二 百

五

江上蚊子

常楚老

飄搖挾翅亞紅腹江邊夜起如雷哭請問貪婪一點  
心臭腐填腹幾多足越女如花住江曲嫦娥夜夜疑  
雙睞君撩亂錦窻中十軸輕綃圍夜玉

張舊蚊幃

元 稹

踰年間生死千里曠南北家居無見期况乃異鄉國  
破盡裁縫永忘收遺翰墨獨有縵紗幃憑人遠携得  
施張合歡榻展卷雙鴛鴦已矣長空虛依然舊顏色  
徘徊將就寢徙倚情何極昔香口口口無魂惻惻  
穿窗并照燈背空牀黑遶理張

平生貧寡歡天柱勞苦憶我亦詎幾時胡爲自捫  
燭蛾焰中舞薊蕙叢上織焦爛各自求他人顧何力  
多離因苟合惡影當務息往事勿復言將來幸前識  
蛩

禁中聞蛩

白居易

賦得寒蛩

耿緯

爾誰造鳴何早趨趨連聲偏階草復與夜雨和遊人  
聽堪老

蛩

唐詩補遺

卷之三百

五

秋蛩

白居易

切切聞牕下嚶嚶深草裏秋天思婦心雨夜愁人耳

聞蛩

白居易

聞蛩唧唧夜綿綿況是秋陰欲雨天猶恐愁人甞得

睡聲聲移近卧牀前

冬夜聞蛩

白居易

蟲聲冬思苦於秋不解愁人聞亦愁我是老翁聽不

畏少年莫聽老君頭

蛩

蛩

白居易

嘉魚薦宗廟靈龜貢邦家應龍能至雨潤我百穀芽

蠶蠶水族中無用者蝦蟇形穢肌肉腥出沒於泥沙

六月七月交時雨正滂沱蝦蟇得其志快樂無以加

地既蕃其生使之族類多天又與其聲得以相誼譁

豈唯玉池上污君清冷波何獨瑤瑟前亂君鹿鳴歌

常恐飛上天跳躍隨嫦娥往往蝕明月遣君無奈何

答柳柳州食蝦蟇

韓愈

蝦蟇雖水居水特變形貌強號爲蛙蛤於實無所校

一作雖然兩股長其奈春絛炮跳躑雖云高意不離

潭淖鳴聲相呼和無理祇取鬧周公所不堪灑灰垂

唐詩補遺

卷之三百

五

典故我棄愁海濱恒願眠不覺巨堪朋類多沸耳作

驚爆端能敗笙磬仍工亂學校雖蒙句踐禮竟不聞

報效大戰元四年孰強孰敗憶居然當鼎味豈不辱

釣罩余初不下喉近亦能稍稍常懼染蠻夷失平生

好樂而君復何爲甘食此秦豹獵較務同俗全身斯

爲孝哀哉思慮深未見計刈懼

蛙

詠蛙

楊收

免渡水至龍底濯銅儀會當同鼓吹不復問官私

利斗

南池宴餞辛子賦得科斗子

岑參

臨池見科斗，美爾樂有餘。不憂網與釣，幸得免爲魚。  
且願充文字，登君尺素書。

促織

促織

杜甫

促織甚微細，哀音何動人。草根吟不穩，月下夜相親。  
久客得無淚，故妻難及晨。悲絲與急管，感激異天真。

壁魚

詠壁魚

李遠

唐詩補注

卷之三百

天

鱗細粉光鮮，開書亂眼前。透牕疑漏網，落硯似流泉。  
潛穴河圖內，吞鈎乙字邊。莫言髻鬢小，食盡白蘋篇。

蚯蚓

夏夜聞蚯蚓吟

盧仝

夏夜雨欲作，傍砌蚯蚓吟。念爾無筋骨，也應天地心。  
汝無親朋累，汝無名利侵。孤韻似有說，哀怨何其深。  
汎汎輕薄子，且夕還謳吟。肝膽異汝輩，熱血徒相侵。

蟋蟀

蟋蟀

孟郊

蟋蟀飛舞，蟋蟀生何太切。想爾飛來心，惡明不惡滅。

天若百尺高，應去掩明月

雜蟲

蟲豸詩七首

并序

元稹

天之居物於地也，有獸宜山，宜穴，宜水，宜泥，宜鳥，  
宜木，宜洲，宜草，宜腐穢。風雨會而寒暑時，山川  
正而原野平，衍然後邪，開屋室以居之。人之宜人，  
不得其宜而之鳥獸，蟲魚之宜，不得其宜而之  
罪也。然而自非聖賢人，失所宜，未嘗不爲宜之  
歎。云：始辛卯年，予掾荊州之地，洲渚濕墊，其動物  
宜介其毛物，宜翅羽，予所舍又荊州樹木，洲渚處

唐詩補注

卷之三百

三九

晝夜常有翅羽百族，聞心不得閒靜，因爲有鳥二  
十章，以自達。又數年，司馬通州郡，通之地，叢穢甲  
福，烝瘴陰鬱，烟爲蟲蛇，備有辛螫，蛇之毒百而鼻  
塞者，尤之蟲之輩，亦百而蟲蟻浮塵蜘蛛蟻子，略  
蟻之類，最甚害人。其土民具能攻其所毒，亦往往  
合於方籍，不知者遭輒死。予因賦其七蟲爲二十  
一章，別爲序，以備瑣細之形狀，而益藥石之所宜  
庶亦叔敖之意焉。

巴地三首

并序

巴之地，百類其大，其毒寒鼻，蟻人當不見寒鼻。

常遭之毒人則毛髮皆豎起飲溪澗而泥沙盡泔

驗方云攻巨蟒用雄黃煙被其腦則裂而鴨鳥能

食其小者巴蛇是物其民常用禁術制之尤効

巴蛇千種毒其最鼻塞蛇掉舌繖紅焰盤身蹙白花  
噴人豎毛髮飲浪沸泥沙欲學叔敖瘞其如多似麻

二

越嶺南濱海武都西陷戎雄黃假名石鸛鳥遠難籠  
詎有隰腸計應無破腦功巴山晝昏黑妖霧毒濛濛

三

漢帝斬地劔晉時燒上天自茲繁巨蟒往往壽千年

唐詩類苑

卷之三百

三十一

白晝避長道青溪蒸毒煙戰龍蒼海外平地血浮船

蛞蝓三首 并序

蛞蝓類而大巢在寒鼻蛇穴下故毒螫倍諸蜂蠆  
中手足輒斷落及心胸則圯裂用它們蜂中人之方  
療之不能愈巴人往往持禁以制之則差

巴蛇蟠窟穴穴下有巢蜂近樹舍垂翅依原獸絕蹤  
微遭斷手足厚毒破心胸皆甚招魂句那知眼自逢

二

製藥清月 游紫殿春構脾分部伍嚼  
藥奉君親短 安知人世裏不

有噬人人

三

蘭蕙本同晚蜂蛇亦雜居害心俱毒螫妖媚兩吹噓  
雷蟄吞噬止枯焚巢穴除可憐相濟惡勿謂禍無餘

蜘蛛三首 并序

巴蜘蛛大而毒其甚者身邊數十而踦長數倍其  
身網羅竹栢盡死中人瘡癩濕且痛癢倍常用  
雄黃苦酒塗所嚙仍用鼠婦蟲食其絲盡輒愈療  
不速絲及心而療不及矣

蜘蛛天下足巴蜀就中多縫隙客長踦虛空織橫羅

唐詩類苑

卷之三百

三十一

縈纏傷竹栢吞噬及蟲蛾爲送佳人喜珠櫛無奈何

二

網密將求食絲斜誤著人因依方託緒挂胃遂容身  
截道蟬冠礙漫天玉露頻兒童憐小巧慚欲及車輪

三

稚子憐圓網佳人祝喜絲那知緣暗隙忽復嚙柔肌  
毒腴攻猶易焚心療恐遲看看長妖緒和扇欲連而

蟻子三首 并序

巴蟻衆而善攻攔棟往往木容完具而心節朽壞  
屋居者不省其微而禍成傾壓

蟻子生無處偏因濕處生陰靈煩擾攘拾粒苦煎  
平牀上主人病耳中虛藏鳴雷霆繇不省聞汝作牛  
聲

二

時術功雖細年深禍亦成攻穿漏江海嗜食困蛟鯨  
敢憚棲櫟蠹深藏柱石傾寄言持重者微物莫全輕

三

攘攘終朝見悠悠卒歲疑詎能分牝牡焉得有蜈蚣  
卵徙市竟何意生涯都幾時巢由或逢我應似我相  
期

唐詩補遺

卷之三百

三

蟻子三首

并序

、蟻蚊類也其實黑而小不礙紗縠夜伏而晝飛聞  
柏煙與麝香輒去蚊蟻與浮塵皆已蛇鱗中之細  
蟲耳故啣人成瘡秋夏不愈膏楸葉而傳之則差  
蟻子微於蚋朝繁夜則無毫端生羽翼針喙嗜肌膚  
暗毒應難免羸形日漸枯將身遠相就不敢恨非辜

二

晦景權殘毒明時政噬人不分生妬怒足助酸辛  
隼皆為無物此與原有待天乃為我甘與爾相親

三

有口深堪異趨時詎可量誰令通鼻息何故辨馨香  
沈水來滄海崇蘭泛露光那能枉焚蕕爾衆我微茫

浮塵子三首

并序

浮塵蟻類也其實微不可見與塵相浮而上下人  
苦之往往蒙絮衣自蔽而浮塵輒能通透及人肌  
膚亦巢巴蛇鱗中故攻之用前術

可歎浮塵子纖埃喻此微寧論隔紗幌并解透綿衣  
有毒能成瘡無聲不見飛病來雙眼暗何計辨雰霏

二

乍可巢蛟蜃胡為附蟒鱗已微於蠹蠹仍害及仁人  
唐詩補遺 卷之三百 三

三

但覺皮膚僭安知瑣細來因風吹薄霧向日誤輕埃  
暗齧堪銷骨潛飛有禍胎然無防備處留待雪霜摧

蟲三首

并序

巴山谷間春秋常雨自五六月至八九月雨則多  
蟲道路羣飛噬馬牛血及蹄角旦暮尤極繁多人  
常用日中時趣程逮雪霜而後盡其啣人痛劇浮  
蟻而不可勝數肌膚故無療術

陰深山有薄蟲羣多蟲衆噬雖刀毒羣飛風雨聲

汗粘瘡痛日曝苦辛行飽爾蛆殘腹安知天地情

二

千山溪沸石六月火燒雲自顧生無類那堪霧有羣  
博牛皮若截噬馬血成文蹄角尚如此肌膚安可云

三

辛螯終非久炎涼本遞興秋風自天落夏孽與霜澄  
一鏡開潭面千鋒露石稜氣平蟲豸死雲路好攀登

禽蟲十二章

白居易

莊列寓言風騷比興多假蟲鳥以爲筌蹄故詩義  
始於關雎鵲巢道說先乎鯢鵬蜩鷃之類是也予

唐詩類苑

卷之三百

三

閑居乘興偶作一十二章頗類志性放言每章可  
致一哂一哂之外亦足以警其衰耄封執之惑焉  
頃如此作多與故人微之夢得共之微之夢得嘗  
云此乃九奏中新聲八珍中異味也有旨哉今則  
獨吟想二君在且能無恨乎

燕連戊巳勸避歲茲事因何羽族知疑有鳳凰頒鳥  
歷一時一日不參差

水中科斗長成蛙林下桑蟲老作蛾蛙跳蛾舞仰頭  
笑焉用鯢鵬鱗羽多

江魚羣從游妾妾寒禽行窺第元但恐世間真卷

屬親疎亦是強爲名

蟻老繭成不庇身蜂饑蜜熟屬他人須知年老憂  
者恐是二蟲虛苦辛

阿閣鷄鸞田舍烏妍媸貴賤兩懸殊如何閉向深籠  
裏一種摧頽觸四隅

獸中刀鎗多怒吼鳥遭羅弋盡哀鳴羔羊口在緣何  
事暗死屠門無一聲

蟪蛄殺敵蚊巢上蠻餅交爭蝸角中應似諸天觀下  
界一微塵內闢英雄

蟻王化飯爲臣妾羸母偷蟲作子孫彼此假名非本  
唐詩類苑 卷之三百

三五

物其間何怨復何思  
蠅蝨網上胃蜉蝣反覆相持死始休何異浮生臨老

日一彈指頃報恩讐  
豆苗鹿嚼解烏毒艾葉雀銜奪燕巢鳥獸不會看本

草諳知藥性是誰教  
一鼠得便生羽翼衆鼠相看有美色豈知飛上未半

空已作鳥爲口中食  
鴉乳養鷄遺在水魚心想子變成鱗細微幽隱何窮

事知者唯聽是聖人  
祥異記

甘露

尹相公京兆府中棠樹降甘露詩

岑參

相國尹京兆政成人不欺甘露降府庭上天表無私  
非無他人家豈少羣木枝被茲甘露樹美掩召伯詩  
團團甜如蜜晶晶疑若脂千柯玉光碎萬葉珠顆垂  
崑崙何時來慶雲相逐飛龍宮銅駝街漢帝金掌持  
王澤布人和精心動靈祇君臣日同德瑞瑞方潛施  
何術令大臣感通能及茲忽驚政化理暗與神物期  
却笑趙張輩徒稱今古稀爲君下天酒麴蘖將用時

唐詩類苑

卷之三

三

京兆尹廳前甘棠樹降甘露

錢起

內史用堯意理京宜惠慈氣和祥則降孰謂天難知  
濟旱露爲兆有如頃應筮豈無天桃樹洒此甘棠枝  
玉色與人淨珠光臨筆垂協風與之俱物性皆熙熙  
何必鳳池上方有作霖時

和錢侍郎甘露

孟郊

玄天何以言端露青松繁忽見垂書跡還驚涌豐源  
春枝晨弱弱香味曉綢繆子禮忽來獻臣心固易敦  
清風情不薄露青家香嘉畫色更晶仁慈久乃存

一方難獨占天下恐爭論側聽飛中使重榮華德門  
從公樂萬壽餘慶及兒孫

慶雲

觀玉芝慶雲

王維

大同殿生玉芝龍池上有慶雲百官共觀蒙恩錫  
宴敢書即事

欲笑周文歌哀樂繼繼繼武綱橫汾豈知玉殿生三  
秀復有龍池出五雲臨上登擗傾北斗樓前舞樂動  
南薰共歡天意同人意萬歲千秋奉聖君

華山慶雲見

唐詩類苑

卷之三

三

聖主祠名岳高風發慶雲金柯初繚繞玉葉漸氤氳  
氣色含珠日光明吐翠氛依稀來鶴態髮髯列僊羣  
萬樹流光影千潭寫錦文蒼生欣有望祥瑞在吾君

上黨奏慶雲見

李紳

飛龍久馭宇貞氣尚興雲五色傳嘉瑞千齡表聖君  
從風忽蕭索依漢若氛氲影徹天初霽光明日未歟  
表祥近且遠自遠垂化聚還分寧作無依者空傳

古今文

慶雲現

李紳

禮成中岳陳金簡群報卿雲冠玉峯輕未透林疑待



鳳細非行雨詎從龍卷風變彩霏微薄照日籠光陽  
映重還入九霄成沆瀣夕嵐生處鶴歸松

大有年

太和戊申歲大有年詔賜百寮出城觀秋稼

謹書盛事以俟采詩者 劉禹錫

長安銅雀鳴秋稼與雲平玉燭調寒暑金風振順成

川原呈上瑞恩澤賜閑行欲反重城掩猶聞歌舞聲

太和戊申歲大有年詔賜百寮出城觀稼謹

書盛事以俟采詩者 白居易

清晨承詔命豐歲閑田間膏雨抽苗足涼風吐穗初

唐詩類苑

卷之三

三

早禾黃錯落晚稻綠扶疎好人詩家詠宜令史館書

散爲萬姓食堆作九年儲莫道如雲稼今秋雲不如

歲豐

邵謁

皇天降豐年本憂貧士食貧士無良疇安能得稼穡

工傭輸富家日落長歎息爲供豪者糧役盡匹夫力

天地莫施恩施恩強者得

秋稼如雲

蔣防

肆目如雲處三田大有秋蔥龍初滿野散漫正盈疇

稍混從龍勢寧同觸石幽紫芒分幕幕青野澹油油

始慙倉箱終無歲憂西成知不遠雨露復何酬

麥穗兩岐

鄭畋

聖慮憂千畝嘉苗薦兩岐如雲方表盛成穗忽纓

瑞露縱橫滴祥風左右吹謳謠連上苑花實遍三岐

一作史冊書堪重丹青畫更宜願依連理樹俱作萬

年枝

餘瑞麥

張聿

瑞麥生堯日芄芃雨露偏兩岐分更合異畝穎仍連

冀獲明王慶寧維太守賢仁風吹靡靡甘雨長芊芊

聖德應多稔皇家配有年已聞天下泰誰爲濟西田

嘉禾合穎

孟簡

唐詩類苑

卷一百

三

玉燭將成歲封人亦自歌八方霑聖異畝發嘉禾

其秀芳何遠連莖瑞且多穎低甘露滴影亂惠風過

表稔由神化爲祥識氣和因知興嗣歲王道舊無頗

嘉禾合穎

天祚皇王德神呈瑞穀嘉感時苗持自秀證道葉

方華氣轉騰佳色雲披映早霞薰風浮合穎湛露淨

祥花六穗垂兼倒孤莖媚復斜影同唐叔獻稱慶

比周家

膏澤多豐年

帝德方多澤膏澤并逕同八方甘雨布四遠穀年豐

版更千箱在幽流萬壑通候時動稼穡擊壤樂農功  
畎畝人無情田廬歲不空何須憂伏臘千載賀堯風

會昌丙寅豐歲歌

溫庭筠

丙寅歲休牛馬風如吹煙日如渥赭九重天子調天  
下春綠將年到西野翁生兒童門前好樹青草茸茸  
茸單衣麥田路村南娶婦桃花紅新姑車石及門及  
門柱粉項韓憑雙扇中喜氣自歲豐農祥爾物來爭  
功

祥光

望禁苑祥光

蔣防

唐詩補卷

卷一百

早

佳氣生天苑蔥龍幾效祥樹搖三殿側日映九城傍  
山霧今同色卿雲未可章眺汾疑謁氣臨渭想榮光  
當並春陵發應開聖曆長微臣時一望短羽欲翱翔

冬至日祥風應候

蔣防

一作  
穆寂

節逢清景空占氣二儀中獨喜登高日先知應候風  
呈祥兆祥化表慶感堯聰况與承時叶還將入律同  
微微萬井遍習習九門通遠殿爐煙起慙勤報歲功

河出榮光

張良器

引派崑山峻朝宗海路長千齡逢聖主五色瑞榮光  
隱映浮中國晶明助太陽坤維連浩漫天漢接微茫

丹闕清氛裏函關紫氣旁位尊常守伯道泰每呈祥  
習坎靈逾久居卑德有常龍門如可涉忠信是舟梁

河出榮光

符命自陶唐吾君應會昌千年清德水九折滿榮光  
極岸浮佳氣微波照夕陽澄輝明貝闕散彩入龍堂  
近帶關雲紫遙連日道黃馮夷矜海若漢武貴宣房  
漸沒孤槎影仍分一葦抗撫躬悲未濟作頌喜時康

洛書

觀洛出書

蕭昕

唐詩補卷

卷一百

早

海內昔凋瘵天網斯淳漓龜靈啓聖圖龍馬負書出  
大哉明德盛遠矣彝倫秩地敷作乂功人免爲魚恤  
既彰千國理豈止百川溢永賴至于今疇庸未云畢

觀洛出書

郭邕

德合天貺呈龍飛聖人作光宅被寰區圖書薦河洛  
象登四氣順文闢九疇錯氣氤瑞彩浮左右靈儀廓  
微造功不宰神行利攸博一見皇家慶方知禹功薄

觀洛出書

張欽敬

浮空九洛水瑞聖千年質奇象八卦分圖書九疇出  
合微卜筮遠抱數陰陽密中得天地心傍探鬼神吉  
昔聞夏禹代今獻唐堯日謬此攸彝倫寰宇賀清謐

觀洛出書

叔孫玄

清洛含溫溜玄龜薦寶書波開綠字出瑞應紫宸居  
物著羣靈首文成列卦初美珍翔閣鳳慶邁躍舟魚  
俾奴惟可遠休皇復在諸東都主人意歌頌望乘輿

芝草

宣政殿芝草

李義府

明王敦孝感寶殿秀靈芝色帶昭陽淨光涵雨露滋  
且標僊德重更引國恩施聖祚今無限微臣樂未移

瑞蓮

宮池產瑞蓮

王貞白

唐詩補注

卷一百

聖三

雨露及萬物嘉祥有瑞蓮香飄鷄樹近榮占鳳池先  
聖日臨雙麗恩波照並妍願同指倭草生向帝堯前

鸚鵡貓兒

鸚鵡貓兒篇

閻朝隱

鸚鵡慧鳥也貓不仁獸也飛翔其背焉嚙啄其願  
焉攀之援之蹈之履之弄之籍之踰蹌然此爲自  
得彼亦以爲自得畏者無所起其畏忍者無所行  
其忍抑血屬舊故之不若臣叨踐太子舍人朝暮  
侍從預見其事聖上方以禮樂文章爲功業朝野  
歡娛強梁克斥之輩願爲臣妾稽顙闕下者日萬

計尋而天下一統實以爲惠可以伏不惠仁可以  
伏不仁亦太平非常之明證事恐久遠風雅所缺  
再拜稽首爲之篇

霹靂引豐隆鳴猛獸噫氣蛇吼聲鸚鵡鳥同資造化  
今殊粹精鸚鵡毛翡翠翼鸚鵡雛延頸鸚鵡弄色鸚鵡  
鳥同稟陰陽今異埏埴彼何爲今隱隱振振此何爲  
今綠衣翠襟彼何爲今窘窘蠢蠢此何爲今好貌好  
音彷彿今佯佯似妖姬躑步今動羅裳趨趨今踟蹰  
若處子廻眸今登玉堂爰有獸也安其忍觜其脇距  
其胸與之放曠浪浪今從從容容鈞爪踞牙也宵行

唐詩補注

卷一百

聖三

畫伏無以當遇之今忘味搏擊騰擲也朝飛暮噪無  
以拒逢之今屏氣由是言之貪殘薄則知慧作貪殘  
臨之今不復躍由是言之知慧周則貪殘囚智慧犯  
之今不復憂非形陋質賤微皇王顧遇長光輝離  
官別館臨朝市妙舞繁絃雜宮徵嘉喜堂前景福內  
和一作歡殿上明光裏雲母屏風文彩合流蘇斗帳  
香烟起承恩宴盼接宴喜高視七頭金駱駝平懷五  
尺銅獅子國有君今國有臣君爲主今臣爲賓朝有  
賢今朝有德賢爲君今德爲飾二年萬歲今心轉憶

時樂鳥

時樂鳥篇

并序

張說

伏見天恩以靈異鸚鵡及能延京所述篇出示朝  
列臣按南海異物志有時樂鳥鳴云太平天下有  
道則見驗其圖丹首紅臆朱冠綠翼鶯領文背粦  
以五色今此鳥本南海貢來與鸚鵡狀同而毛尾  
全異其心聰性辨護主報恩固非凡禽實瑞經所  
謂時樂鳥延京雖敘其事未正其名望編國史以  
彰聖瑞臣竊同延京獻詩一首

舊傳南海出靈禽時樂名聞不可尋形貌乍同鸚鵡  
類精神別稟鳳凰心千年待聖方輕舉萬里呈才無

唐詩類苑

卷一

四

伴伍紅茸綵綉好毛衣清冷謳啞好言語內人試取  
御衣牽啄手瞋聲不許前心願陽鳥恒保日志嫌陰  
鶴欲凌天天情詭訝良無已察圖果見祥經裏本持  
鶴瑞驗明王還用文章比君子自憐弱羽詎堪珍喜  
其華篇來示人人見嚶嚶報恩鳥多慙碌碌具官臣

白雉

越裳獻白雉

王若岳

素曜宛昭彰遙遙自越裳水晴朝映日玉羽夜含霜  
歲月三年遠山川九譯長來從碧海路入見白雲鄉  
作瑞應周后登歌美漢皇明天子理惠化且無疆

越裳獻白雉

丁仙芝

聖哲符休運伊臯列上台覃恩丹徼遠入貢素鸞來  
北關欣初見南枝顧未迴斂衣殘雪淨矯翼片雲開  
馴擾將無懼翻飛幸莫猜甘從上苑裏飲啄自徘徊  
水

東平路中遇大水

高適

天災自古昔昏墊彌今秋霖霖溢川原湏洞涵田疇  
描塗適汶陽掛席經蘆洲永望齊魯郊白雲何悠悠  
傍公鉅野澤大水縱橫流蟲蛇擁獨樹麋鹿奔行舟  
稼穡隨波瀾西成不可求室居相枕藉鼃鼃聲啾啾

唐詩類苑

卷一

四

仍憐穴蟻漂益美雲禽浮農夫無倚着野老生殷憂  
聖主當深仁廟堂運良籌倉廩終爾給田租應罷收  
我心胡鬱陶征旅亦悲愁縱懷濟時策誰肯論吾謀

觀澧水漲

韋應物

夏雨萬壑湊澧漲一作流暮渾渾草木盈川谷澶漫一  
平吞槎梗方瀾泛濤沫亦洪翻北來住涇渭所過無  
安源雲嶺同昏黑觀望悻心魂舟人空欽棹風波正  
自奔

大水

白居易

潯陽郊郭間大水歲一至間閭半漂蕩城堞多傾墜

蒼茫生海色渺漫連空翠風卷白波翻日煎紅浪沸  
工商徹屋去牛馬登山避况當幸稅時頗害農桑事  
獨有傭舟子鼓棹生意氣不知萬人災自覓錐刀利  
吾無奈爾何爾非久得志九月霜降後水涸爲平地

王澤嶺遭洪水

孔德紹

地籟風聲急天津雲色愁悠然萬頃滿俄爾百川浮  
還似金堤溢翻如碧海流驚濤遙起鷺迴岸不分牛  
木梗誠無記蘆灰豈暇求徒知懷趙景終是倦陽侯  
思得乘槎便蕭然河漢遊

漢水傷稼

許渾

唐詩類苑

卷六

望六

西北樓閣四望通烟霞成綺月懸弓江村夜漲浮天  
水澤國秋生動地風高下綠苗千頃盡新陳紅粟萬  
廂一作空才微分薄憂何益却欲回心學釣翁

雜興

李頎

沈沈牛渚磯舊說多靈恠行人夜秉生犀燭洞照洪  
深闕滂沱乘車駕馬往復旋赤紱朱冠何偉然波驚  
海若潛幽石龍抱胡髯卧黑泉水濱丈人曾有語物  
或惡之當害汝武昌妖夢果爲災百代英威埋鬼府  
青青蘭艾本殊香察見泉魚固不祥濟水自清河自  
濁周公大聖接輿狂千年魑魅逢華表九日茱萸作

佩囊善惡死生同一貫祗應斗酒任蒼蒼

水旱禱

蘇拯

禱祈勿告天酒漿勿澆地陰陽和也無妖氣陰陽僣  
期乃人致病生心腹不自醫古屋澄潭何神祟

旱

夏旱

白居易

太陰不離畢太歲仍在午旱日與炎風枯焦我田畝  
金石欲銷鑠况茲禾與黍嗷嗷萬族中唯農最辛苦  
憫然望歲者出門何所覩但見棘與茨蘿生偏場圃  
惡苗承沴氣欣然得其所感此因問天可能長不雨

唐詩類苑

卷六

望七

贈韋處士六年夏大熱旱 白居易

驕陽連毒暑動植皆枯槁旱日乾密雲炎煙焦茂草  
少壯猶困苦况予病且老既無白旃檀何以除熱惱  
汗巾束頭鬢食熏襟抱始覺韋山人休糧散髮好

旱災自咎貽七縣宰

元稹

吾聞上帝心降命明且仁臣稹苟有罪胡不災我身  
胡爲旱一州禍此千萬人一旱猶可忍其旱亦已頻  
臘雪不滿地膏雨不降春惻惻詔書下半減麥與繅  
半租豈不薄尚竭力與筋竭力不敢憚慚戴天子恩  
曩繫婦拜結呻吟翁語孫禾黍日交長足得盈我困

還填折粟稅酬償實麥鄰苟無公私責飲水不爲  
歡言未盈口旱氣已再振六月天不再秋孟亦既旬  
區區昧陋積禱祝非不勤日馳衰白顏再拜泥甲鱗  
歸來重思忖願告諸邑君以彼天道遠豈如人事親  
團團囹圄中無乃冤不申擾擾食廩內無乃姦有因  
軋軋輸送車無乃使不倫遙遙負擔卒無乃役不均  
今年無大麥計與珠玉濱村胥與里吏無乃求取繁  
符下歛錢急值官因酒誅求與撻罰無乃不遂巡  
生小下俚住不曾州縣門訴詞千萬恨無乃不得聞  
強豪富酒肉窮獨無新俱由案牘吏無乃移禍屯

唐詩類苑

卷

四八

官分市井戶迭配水陸珍未蒙所償直無乃不敢言  
有一於此事安可尤蒼旻借使漏刑憲得不虞鬼神  
自顧頑滯牧坐貽災沴臻上羞朝廷寄下媿閭里民  
豈無神明宰爲我同苦辛共布慈惠語慰此衢客塵

貞元旱歲

馬異

赤地炎都寸草無雨川水沸焚蟲魚定應焦爛無人  
救淚落三篇古尚書

火

武陵觀火詩

劉禹錫

楚鄉祝融分炎火常爲虞是時直突烟發自晨炊徒

言風扇其威白晝曛陽烏操綆不暇汲循墻還避  
怒如列缺光迅與芬輪俱照延掩四達赫奕成洪鑪  
洶疑雲濤翻颯若鬼神趨當前迎湫竭是物同膏腴  
金烏入梵天赤龍遊玄都騰煙透窻戶飛焰生藥爐  
歎山摧半空星雨灑中衢瑤壇被髹漆寶樹攢珊瑚  
光縣與焦琴旗亭無酒濡市人委百貨邑令遺雙鳧  
餘勢下隈隩長燦烘舳舻吹焚照水府炙浪愁天吳  
災罷雲日晚心驚視聽殊高灰辨廩庾黑土連闌闌  
衆盡合星羅遊芬鏤人膚厚地藏宿熱遙林呈驟枯  
火德資生入庸可一口無御之失其道敲石彌天隅

唐詩類苑

卷

四九

晉庾走龍劔吳宮傷  
五行有沴氣先哲垂訐謔  
宋鄭同日起時稱賢大夫無苛自可樂弭災意所圖  
賢守恤人瘼臨煙駐驪駒吊傷色慘怛顏失詞劬愉  
下令蠲里布指期輕市租開垣適未立苦蓋自相娛  
山木行剪伐江泥宜瑾途邑臣不必曾何用徵越巫  
陸渾山火和皇甫湜用其韻

韓愈

皇甫補官古賁渾時當玄冬澤乾源山狂谷狠相吐  
吞風怒不休何軒軒擺磨出火以自燔有聲夜中驚  
莫原天跳地踴顛乾坤赫赫上照窮崖垠截然高周

燒四垣神焦鬼爛三光弛墜不復收  
豬逮猴猿水龍鱗龜鵝鴟鵂鵂鵂  
煨燠熟飛奔祝融告休酌等錯陳齊  
蓉披猖塞鮮繁千鐘萬鼓咽耳喧攢  
形幢絳旃紫纛旛炎官熱屬朱冠禪  
臀頰胸垤腹車掀轅緹顏韞股豹兩  
日轂輻丹旌綵蓋緋緋帟紅帷赤幕  
池波風肉陵屯鎗牙鉅壑頗黎盆豆  
熙熙醕醕笑語言雷公擘山海水翻  
反翻電光礖礖頤目項冥收威避玄  
唐詩類卷之六

未

五

馬背厥孫縮身潛喘  
身欲進叱於關帝賜九河湔涕痕又  
徐命之前問何冤火行於冬古所存  
殄女丁婦壬傳世婚一朝結讐奈後  
藏蹲視桃著花可小騫月及申酉利  
從九鯤溺厥邑囚之崑崙皇甫作詩  
真遂上焚要余和增怪又煩雖欲悔  
舌不可捫

燒歌

溫庭筠

起來望南山山火燒山田微紅久  
如焚短笛復相連

差差向巖石冉冉凌青壁低隨迴風  
隣翁能楚言倚鍾欲憺然自言楚越  
俗燒畬爲早田  
豆苗蟲促促籬上花當屋廢機豕  
歸欄廣場鷄啄粟  
新年春雨晴處處賽神聲持錢就  
卜敲瓦隔林鳴  
不得山上卦歸來桑棗下吹火向  
白茅一作草腰鎌映  
頰蔗風驅榭葉烟榭樹連平山逆  
星拂霞外飛燼落  
堦前仰面呻復嚏鴉娘呪豐歲誰  
知蒼翠容盡作官  
家稅



唐詩類苑二百卷

內府藏本

明張之象編初宋趙孟堅有分類唐詩佚闕不完  
世無刊本之象因復有此作凡分三十六部以類  
隸詩意取博收不復簡擇故不免失之冗濫蓋類  
書流也然文選及文苑英華本有分類之例故與  
所作古詩類苑仍併入總集是集未刊之先其藁  
爲浙江卓明卿所得割取初盛唐詩刊之遂掩爲  
己有華亭王微重爲辨正釐定乃復之象之舊故  
世有二本然今皆知爲之象書也